

*image  
not  
available*

Russ. *Phi. marinus*

C

26-27

COLLECTIO  
LATINORVM SCRIPTORVM

CVM NOTIS.

TAVRINI

MDCCCLXVIII

PER IOSEPHVM POMBA.





11/16

BIBL. NAZ  
Vitt. Emanuele III

*Race.*  
*de Marinis*

0

26

NAPOLI

*Rec. de Marinis C. 26-27*

C. PLINII  
EPISTOLAE  
ET  
PANEGYRICVS.



C. PLINII CAECILII

SECVNDI

# EPISTOLARVM

LIBRI DECEM

ET

PANEGYRICVS

CVM NOTIS VARIORVM

VOLVMEN PRVS.



AVGVSTAE TAVRINORVM

EX TYPIS IOSEPHI POMBA

ANNO MDCCCXXIII.



## TYPOGRAPHVS TAVRINENSIS

L. S.

**V**bi primum latinos scriptores edere constitui, non defuerunt qui me identidem rogarent, immo id a me peterent vehementer, ut quos operis fines animo descripseram, aliquanto latius proferrem. Nimis enim in arctum concludi aiebant auream, quam vocant, Romanorum aetatem, quae nimirum initio sumto ab obitu Syllae dictatoris, non ultra Augusti excessum producitur. Nec vero extinctis priorum ingeniis,

omnem veteris ubertatis foetum subito exaruisse, quum potius doctiora tempora elegantioribus successerint, ut ingens Plinii opus et quaestiones Senecae naturales abunde ostendunt. Male autem agi cum Romanis, si ex paucorum annorum spatio de eorum litteris fiat iudicium. Quid enim? an si quae graeci homines eversa iam Athenarum civitate scripserunt, ea studiose conquirimus, nec solum Alexandrinos poëtas, sed et Lucianum multo post in media barbaria natum, in deliciis habemus, Romanos contra, si qui paullo serius in sua urbe floruerunt, uti hospites ac peregrinos repudiabimus? At quantus apud eos exstitit philosophorum proventus, quantus poëtarum! Nam, ut alios omittamus, nonne et Vale-



rius Flaccus et Lucanus et Statius et Silius Italicus epica carmina coniunctim ferme ediderunt, non illa quidem cum Virgiliano comparanda, in quibus tamen praeter latinum colorem et sanguinem, poëticos spiritus et antiquorum studium facile agnoscas? Quam vero accuratam rhetorum disciplinam tunc dicemus fuisse, si Quintilianum legimus, vel quae docte et acute a summis viris apud Gellium passim disseruntur! Ob id enim quod eloquentia, silente foro, in umbracula esset detrusa, maius discentium studium debuit esse, sive ut curiosioribus iam auribus inservirent, sive ut superiorum facundiam, si minus robore, at saltem palaestra et subtilitate superarent. Adde iam diuturna otia pacis, crescentis imperii opes, et maiorem

quam antea graecorum artificum in urbe frequentiam, unde incredibilis quaedam copia et varietas in Quiritorium sermonem manavit. Quis porro negaverit longinquas expeditiones ab imperatoribus susceptas, ignotas gentes, ignota maria romanae ditioni adiecta, uberrimam historiae materiam praebuisse? Eo accedebat seculum non minus virtutum, quam flagitiorum ferax, barbarus luxus urbano admixtus, et in summa oblivione moris antiqui constantia virorum illustrium, pericula, fugas et supremas necessitates fortiter obeuntium. Quin et immanes Caesarum libidines generosiores poterant ad scribendum excitare. Hinc indignabundus Taciti animus et plus quam Sallustiana stili vis, quum Claudii vecordiam, aut praecipitem Neronis,

vel consideratam Domitiani crudelitatem sibi ante oculos proponens, novos colores novis criminibus depingendis quaereret.

Quae rationum momenta haud scio, an magnam vim habitura sint apud homines probe doctos et romanae urbanitatis praesertim studiosos. Ipse certe multorum rogationibus ac paene convicio adductus, et Tacitum et Quintilianum et Suetonium una cum antiquioribus scriptoribus evulgavi, nunc vero Plinium iuniorem tibi, erudite Lector, exhibeo, Romanorum sane expolitissimum, quem propter ingenium animi candorem nemo legerit, quin adamaverit. Ac nescio, an quisquam fuerit in arguta brevitate plenior, aut in invenienda verborum proprietate felicior, quae felicitas tanta

..

in eo est, ut studium natura videatur. Nemo certe in tam modico cultu magis enituit, nemo tam varium in eisdem ferme argumentis se prae-buit, sive apte prorsus cum amicis luderet, sive saepiuscule, Xenophontem, puto, cogitans ad villulae amoenitates rediret, sive demum aequalium mores uno aut altero verbo sic describeret, ut nihil esse posset expressius. Quod si Tullii amplitudinem in panegyrico ad Traianum sequutus fuisset, maius aliquid praestitisset; sed enim quod numerum neglexit, longe infra oratoriam laudem videtur substitisse. Hoc enim habet Graecorum periodus, ut non modo dignitatem rebus conciliet, sed eas sic devinciat, ut unum corpus efficiant. Quod illi orbem, latini flumen dixerunt. Et

recte; nam quemadmodum flumina variis aquarum incursibus aucta, uno impetu feruntur, sic oratio ex diversis partibus constans, adhibito numero, uno spiritu ab oratore profertur. Nec id solum, sed ut in tabula alia sunt prominentiora, alia depressiora, sic etiam sententiae solerter iunctae, et circuitu verborum comprehensae, suam quaeque vim et lumen accipiunt. Dissolve iam numeros in Demosthene. Vires prius auditores deficient, quam oratoris consilium assequi possint, nedum aliquam ex dissipatis illis orationis membris voluptatem haurire. Sed orator numero praesertim usus, auditorum animos in cursu abripit, eosque secum quadrigis vehit, uti est in Graecorum locutionibus. Hinc fieri potuit, ut in concursu to-

tius Graeciae, levissimus omnium populus eundem Demosthenem quatuor ferme horas pro corona orantem audiret, nec minore silentio eadem illa oratio, recitante Aeschine, a Rhodiis esset excepta. Scio magnam vocis et actionis vim in Attico oratore fuisse. Sed cur multis seculis post non minus numerosus Tullio, Dionysio, Longino visus est? Cur adhuc tenet legentium aures? Cur hoc etiam nomine primas obtinet inter oratores? Id vero debuissent animadvertere qui Boccacium nostrum, quod primus italicam orationem latino ambitu concluserit, acerbius reprehendunt. Qui si nimium hac in re hominis studium redarguunt, iure id faciunt, si omnino studium, parum recte. An oratoria periodo graecis et latinis uti

licuit, Boccacio non licuit? Quis tam inique sensit de Italorum lingua, ut quum omnes ferme exhausserit poëtarum modos, eloquentiae robur et varietatem, quae in circumscriptione et flexu sententiarum praesertim elucet, eidem denegaret? At non ita antiquissimi scribendi auctores, quorum natus sermo pure et sedate, sine ullo verborum anfractu fluebat. Placetne semper rerum incunabula repetere? Adeone capimur inopi illa proavorum simplicitate, ut nihil praeterea addendum putemus? Festivi sane homines, qui in caeteris artibus ingeniorum ascensum et novitatis gratiam, in eloquentia, quae omnium est praeclarissima, vel rudem ipsam vetustatem laudant! Quamquam haud me praeterit, non tam nume-

rum, quam latinam imitationem in Boccacio redargui, quasi videlicet alienam plane formam vernaculo sermoni indiderit. Sic, opinor, existimabunt qui barbaras origines nostris litteris quaerunt; at non ita nos, qui in constituenda linguarum cognatione communes causas et sororiam ipsarum similitudinem praecipue spectandam putamus, quae tanta inter veterem Latii et recentiorum Italorum sermonem intercedit, quanta vix in aliis conspicitur. Nec id mirum, cum in exterarum gentium discursu incorruptae latinitatis lineamenta in his maxime regionibus debuerint superesse. Ad id faciebat usurpatio romanarum litterarum in pactionibus et in civilis vitae usu recepta. Sed multo magis nostrorum studium, qui diu essent in veterum



lectione, non solum ut ex animorum, quasi dixerim, contactu aliquid priscae virtutis imbiberent, sed etiam ut loquendi formas et integras fere dictiones in scripta referrent. Inde Virgiliana et Liviana vestigia in nostrorum carminibus et historiis passim perspicua, ab Aligherio ad Scribam Florentinum et Bentivolum, quos qui legat, aliquem ex Romuli nepotibus sibi videatur audire. Quae si minus vera essent, haud tamen erat succensendum totius italicae eloquentiae parenti, quod plusculum in Tullii imitatione fuisset. Si qui succenseant, eodem iure Platonis et Thucydidis verba sub latinis vocibus quodammodo pelluentia, in Tullio et Salustio reprehendant. Quid magis distans a virili, at duriore eloquio

Catonis et Ennii, quam versicolor elegantia et lenitas Graecorum, ad quam suam postea orationem romani scriptores finxerunt? Nam quantum in eo laboraverint, ut Atticorum praesertim constructiones exprimerent, iamdudum a Guillelmo Budaeo aliisque doctissimis viris demonstratum est.

Verum haec parum fortasse ad Plinium, quem ex Schaeferi editione quam diligentissime descripsi. Quid ipse Pliniana exemplaria simul conferendo expurgandoque praestiterit, in praefatione luculenter exposuit. Restat, ut, quae tua humanitas est, ad communium studiorum incrementum, meis inceptis, erudite Lector, impense faveas.

Dabam Augustae Taurinorum  
Id. maiis anno MDCCCXXVIII.

## PRAEFATIO SCHAEFERI

**E**ditionis alterius Plinii Gesneriani exemplis distractis, quum nova certatim expeterentur, Fritschius noster, libri redemptor, Io. Christ. Theoph. Ernestium, Professorem Academiae Lipsiensis, rogaverat, ut tertiam curaret editionem, prioribusque correctionem nec sine accessione notarum emitteret. Susceperat provinciam vir doctissimus, iamque profligato recensendi ac commentandi labore in eo erat, ut exemplar, quod typographus sequeretur, instrueret, quum ecce morbo atroci, mox praematura morte telam paene detexam abruptum cogitur. Quic casus, acerbus sane literarumque nostrarum caussa lugendus, ne Plinio osliceret, neu novam moraretur editionem, quaeritur a bibliopola, qui in defuncti locum protinus succedat, opusque institutum cito absolvat. Ita factum est, ut mihi necopinanti, vix exantlato aerummosissimo labore Glossarii Liviani ex schedis Aug. Guil. Ernestii concinnandi, negotium Plinianum, iucundius illud quidem, sed tamen quum alia, ad quae meus me animus vocaret, agenda suppeterent, invito reluctantique imponeretur. Quod quomodo administravim, priusquam lectores doceo, paucis quantumque mihi constitit, indicandum est, quae ratio Plinii repetendi Ernestio placuerit.

In textu quidem recensendo, si locos perpauca excipias, Gesnerum erat religiosissime sequuturus. Omnino Ernestius noster, perinde atque alter ille, Livii editor, a critica scriptorum veterum tractatione

videtur fuisse paullo alienior. Longe maiore cura intentionisque studio interpretationem Plinii complexus erat, ut, si quae a Gesnero in hac operis parte, quae maxime censentur editiones Gesnerianae, ommissa essent, ea partim ex propriis thesauris exprompta adderet, partim ex recentiorum, imprimis Gierigii, libris prudenter delibata repeteret. Itaque Ernestii notae, ut crisin de textu constituendo non prorsus negligant, maximam partem exegetici argumenti sunt: caeterum et brevitate commendabiles, et vero etiam perspicuitate. Minore religione, quam in textu reddendo, in notis Gesneri exhibendis versaturus erat. Etsi enim longissime aberat a ratione parum probanda eorum, qui in veterum libris edendis priorum notas editorum cum suis ita commiscent et confundunt, ut, quem quidque auctorem habeat, plane ignores; in Gesneri tamen commentarium paullo plus sibi sumpserat, quam ab homine caeteroqui tam circumspecto facile exspectasses. Quod si haec editio ab ipso Ernestio evulgata esset, Gesneriana haberemus hic atque illic ita vel reficta vel contracta adeoque truncata, ut, si qui integrum Gesnerum cognoscere cuperent, ad priores editiones recurrere cogerentur.

Haec habui quae de Ernestii instituto praefarer. A quo quum meum nonnihil discrepet, quam ego mihi met legem scripsim, breviter ostendam.

Quum primum in Ernestii vices suffectus essem, integrum mihi datum est, ut novam Plinii editionem ex meo solius arbitrio adcurarem, dum ne desciscerem a regula, ad quam editor Gottingensis, plaudente orbe erudito, omne negotium exegisset. Mearum igitur partium esse duxi, primum, ut textum, qualem Gesnerus, emunctae criticus naris, subsidiis suis perspecte usus dederat, mendis modo typographicis,

quae editionem alteram sat crassae obsidebant, correctis, reflectaque passim interpunctione, illibatum repeterem. Nam etsi probe intellexeram, non omnia in Plinianis sic constituta esse, nulla ut critico materia superesset in qua elaboranda cum laude versaretur; malebam tamen, si quid critici generis incidisset, id in notis monere, quam manum ipsi textu continuo iniicere. Etenim pigebat taedebatque tumultuariae operae, qua nunc mihi, et tempore excluso, nec satis instructo subsidiis rei vel bene gerendae necessariis, defungendum fuisset, si ad novam textus recensionem descendere sustinuissem. Praeterea parum placebat, in libris scholarum usui dicatis, qualis hic Plinius est, multa identidem novari; praestabiliusque videbatur, textum probabiliter effictum fideliter retineri, donec novus a critico sagaci, omnibus affluente copiis, inque hoc unum intento, conderetur.

Gesneri notas integras repetii. Debebatur hoc memoriae viri optimi deque literis nostris praeclarissime meriti. Quamquam enim verendum mihi erat, ne in reprehensione nonnullorum incurrerem, si ea quoque servarem, quibus nova editio recte carere posse illis videretur, tutius tamen putabam hoc subire aleae, quam omittendis aliis, aliis in brevius cogendis, quod Ernestio facere placuerat, fidem meam sublestam reddere, desideriumque accendere superiorum editionum.

Eadem et maiore etiam religione exhibui, quae nunc primum prodeunt, Ernestii adnotationes: correxì nihil nisi apertos calami lapsus. Si quid praeterea Ernestius deliquisse videretur, intactum reliqui, satis habens tirones de erroribus verbo admonuisse.

Commode memineram, quum primum Plinium edendo manus admovissem, in Ioann. Mich. Heusing,

eruditissimi viri criticique in paucis egregii, libris duobus Emendationum exquisitas in libros sex priores Epistolarum Plinii animadversiones reperiri, a Gesnero bis <sup>1</sup> tantum obiter commemoratas, a Gierigio plane neglectas. Harum nullam habere rationem piaculum fuisset. Itaque omnes suo quamque loco diligenter posui. Quid moverit Heusingerum, ut de posterioribus libris nihil perscriberet, ignoramus: fontem enim, unde sua ad priores hauserat, in sequentibus non exaruisse, ipse nos admonet <sup>2</sup>. Is fons qui fuerit, quaeque omnino ratio harum animadversionum, ut sciant lectores, apponam quae vir eximius illis praefatus est.

«Quum suis virtutibus pluribus commendantur, quae nunc quidem in omnium manibus sunt, politissimae C. Plinii Epistolae; tum eo quoque nomine non possunt non carissimae esse veteris eloquentiae studiosis, quod ex communi illo literarum quasi naufragio non salvae modo evaserunt, verum inde etiam quam minimum vitii contraxerunt, germanamque illam argenteae aetatis Latinitatem prope illibatam <sup>3</sup> conservarunt. Adeo, quod bonis libris alius exitio, his etiam saluti fuit, quod medio aevo in bibliothecarum angulis neglectae iacuerunt, nec literatis hominibus librariisque dignae visae sunt, quae a multis legerentur. Testis est Vincentius Bellovacensis, saeculi XIII, scriptor suae aetatis doctissimus, qui *Plinii epistolas ad diversos circiter centum reperire* se tantum potuisse confitetur, speculi historialis lib. X, cap. 67, reliquas, quae plures etiam numero

<sup>1</sup> Ad 3, 5, 8, 6, 20, 15.

<sup>2</sup> Ad 1, 10, 12.

<sup>3</sup> Conf. tamen, quae L. A. Ernestius in fine notularum suarum de multis magnisque librorum Plinii vitis monuit.

sunt, non vidit. Decimus liber ante saeculum XVI in lucem non emersit, nec libri VIII et IX omnes epistolae primis editionibus vulgari potuerunt. Hinc rara apud medii aevi scriptores Plinii minoris mentio ac prope nulla est. Quam male vero librarii de aliis meriti fuerint, quos saepius et in plura exemplaria transcripserunt, testes erunt sempiterni Cicero, Sallustius, Curtius, Valerius Maximus, Florus, Iustinus, Lactantius, quos ipsorum dissimillimos nobis reliquerunt. Etsi vero in Plinii epistolas minus quam in ceteros, quos dixi, scriptores antiquos, hominum illorum inscitiae et audaciae licuit; non ita tamen incorruptas et incontaminatas eas ad nos pervenisse apparet, ut nihil omnino labis insederit. Multa quidem Catanaeus, plura post eum Henr. Stephanus, Casaubonus, Gruterus, Barthius, Schefferus, Buchnerus, Gronovius, Thomasius, Cellarius iure sibi visi sunt emendasse: horum tamen omnium oculos non pauca fugerunt, quae Cortii nuper, et proxime Gesneri, viri celeberrimi industria fuerunt restituenda. At ne horum quidem ingenio et cura, cuius me quidem admiratorem maximum profiteor, ita omnia perpolita sunt, ut extremam tandem manum recepisce possint adfirmari. Illud potius, quod nolis, fatendum est, ab iis ipsis, qui maculas delere voluerunt, novas aliquando, ut fieri solet, adpersas esse, aliquas ita penitus insedisce, ut eluere difficile sit, et prope iam temerarium videatur. Non fallere me opinionem, e pluribus exemplis, quae in medium adferam, aliquot certe eos etiam adsentiri cogent, qui alia omnia sibi persuaserunt. In his vero emendandis veteri Plinii exemplari utar, quod in bibliothecam illustr. gymnasii Isenacensis a me illatum est, Romae a. mdcxc, typis exscriptum, cuius et Fabricius Bibliothec. Lat. lib. II, cap. 22,

n. 3, meminit, quodque a Barthio <sup>1</sup> adversar. lib. XIX, cap. 25, *cascam editionem* appellari puto. Idem Brumero ad manus fuisse video ad L. Cinciam cap. VI, n. 6, ubi ad Plinium lib. V, epist. 21, 3, ignotam antea lectionem profert. Id ex vetustis membranis expressum esse inde coniicio, quod in plerisque, e Mediceo codice quae primus vulgavit Cortius, et quorum in aliis vix ullum est vestigium, mirifice conspirat; in nonnullis non ab eo tantum, sed a ceteris etiam scriptis editisque libris non sine ratione discrepat; in scribendi vero et interpungendi more priscam simplicitatem refert, nec multa recentioris aut criticae manus vestigia ostendit.»

Hactenus Heusingerus. De meis in Plinium notis, non habeo quod prae loquar, nisi ut lectores obtester, humaniter benevolaeque meminerint summae trepidationis meae, qui, nil tale animo praeci piens imparatusque, ad alienum negotium absolvendum accesserim. Factum est hac ipsa trepidatione, ut alia e memoria elaberentur, alia sero occurrerent, quae monere et potuissem, et vero etiam debuissim. Horum partem, quum passim ad *Addenda* provocaverim, nunc supplebo.

Epist. I, 8, 2. *Petiturus sum enim*. Solemnis hic ordo verborum, quem vehementer miror Gierigio displicere potuisse. Tot eius exempla enim in optimis scriptoribus occurrunt, ut alterum, ab illo praelatum, aures Romanae parum probasse videantur. Si forte dubitas, en nubem exemplorum: *Aequati sunt enim* Plin. Panegyr. XXV, 2; *Alia est enim* Cic. de Orat. II, 25, et Senec. epist. 89, 14; *Animi est enim* Cic. de Orat. II, 59; *Facilius est enim* Cic. de Orat. II,

<sup>1</sup> Ad Plin. epist. 1, 6, 1.



44; *Hic est enim* Senec. epist. 82, 11, et 94, 69; *Hominis est enim* Plin. epist. VIII, 16, 4; *Incredibile est enim* Cic. de Orat. I, 44; *Incredibilis est enim* Lactant. de Opif. D. XX, 3. (Sic enim ibi ex libris scriptis editisque pluribus legendum. Deterior alter ordo, repertus ab I. M. Heusingero in libro Coloniensi, *Incredibilis enim est.*) *Indulgendum est enim* Senec. epist. 104, 3; *Ingenuior est enim* Plin. Panegy. LV, 2; *Longum est enim* Cic. de Orat. II, 27; *Minus est enim* Plin. Panegy. LXXXVIII, 7; *Naturae est enim* Senec. ep. 90, 3; *Naturale est enim* Plin. epist. IV, 17, 3; *Necesse est enim* Cic. epist. ad Aul. Torquatum VI, 2; ad Aul. Caecinam VI, 6; Senec. epist. 109, 10; 114, 11; 121, 12, Natur. Quaest. I praef. *Nemo est enim* Cic. de Orat. II, 82; epist. ad Lentulum I, 4; (ad quem locum nuperus editor in animadv. et Emendat. Libris, quos avidissime exspectamus: «Sic scripti omnes mei cum Mediolanensi 1472, Vetusta in membranis, Aldinis Manutiique editionibus. *Nemo enim est* Veneta 1476; Veneta 1492; Mediolanensis 1493, cum quibusdam aliis. Illud magis Tullianum. Ita etiam in interrogationibus, *quid est enim? quid est igitur?* ubique maluit, quam, quod in editis parum emendatis circumfertur, *quid enim est? quid igitur est?*») *Nihil est enim* Cic. de Orat. I, 28, 41; II, 24, 42; III, 27, 45; Plin. epist. 9, 32; *Non est enim* Cic. de Orat. III, 21; Senec. Epist. 85, 24; *Nostra est enim* Cic. de Orat. III, 31; *Nullum est enim* Cic. de Orat. I, 48; III, 5, 57; Plin. epist. VI, 21, 4; Panegy. XXVI, 4; *Omnia sunt enim* Cic. de Orat. I, 43, ut legendum ex codicibus Guelferb. vulgo perperam *Omnia enim sunt*. *Prima est enim* Cic. de Orat. II, 78; *Propositum est enim* Plin. Panegy. LVI, 1; *Prosequutus es enim* Plin. Panegy. LXXXVI, 3, ex vera Baunii

correctione. *Quae est enim* Cic. de Orat. II, 89; *Quam speciosum est enim* Plin. Panegyr. XVIII, 1, ad quem locum v. Arntzen. *Quid est enim* Cic. de Orat. I, 45; Plin. Panegyr. LVI, 2; *Scitum est enim* Cic. de Orat. III, 61; *Tanta est enim* Cic. epist. ad Leptam VI, 19; (20 M. L.) *Temerarium est enim* Plin. epist. IV, 9, 10; *Vna est enim* Cic. de Orat. III, 6; *Vnus est enim* Senec. epist. 104, 22; *Visa est enim* Plin. epist. X, 97, 9; *Voluptates sunt enim* Plin. Panegyr. LXXXII, 8, ex certa Lipsii emendatione. Sufficiant haec. Ad hanc normam vereor ne corrigendi sint illi loci, ubi particula verbo substantivo praeposita reperitur: veluti Caes. de B. C. II, 32; Cic. de Orat. I, 29; II, 54; III, 45; Plin. epist. VI, 29, 3. — Idem, opinor, de aliis particulis tenendum: *Liberum est autem* Plin. Paneg. XXXVI, 5; *Non est autem* Senec. epist. 82, 17; *Nemo est ergo* Plin. Panegyr. XLIV, 3. *Adhibita est igitur* Cic. de Orat. I, 42.

Epist. I, 16, 2, iure praetuli *acutae*. Secundus respexit Tullium suum de Orat. II, 8: *Quid autem subtilius, quam acutae crebraeque sententiae?*

Epist. II, 15, 2, *alioqui*. Sic *alioquin* sine et occurrit VI, 23, 1; VII, 31, 1; X, 20, 1, qui loci Gierigium tandem docuerunt, fallere regulam Schwarzzianam.

Epist. III, 5, 8, *parcissimi* iterum defendit I. A. Ernestius in Clave Ciceron. Vid. vocab. *paratus*.

Not. ad ep. III, 6, 3. Tertium exemplum confusionis vocum *ὄντος* et *ὄντος* reperi in collatione Porsoniana codicis Harleiani Odyss. B. 395, pag. 12, a.

Epist. IV, 1, 2, *adligamus*. Add. I. Fr. Gronovius ad Senec. epist. 94, pag. 449.

Epist. IV, 13, 8. Locus hic tentari non debebat.

Similis in negationis usu anomalia occurrit V, 17, 6, ubi vid. quae notavi.

Epist. 4, 27, 6. Locum Euripideum Sophocli tribuit insciteque interpretatur Devarius de particul. p. 349 sq. ed. Reusm.

Epist. VI, 15, 3, *ius civile*. . . *respondet*. Notanda constructio. In Cicer. de Orat. I, 45, revocanda lectio antiqua: *in respondendo iure*: ubi male Ernestius *in respondendo de iure*, quaerens in nota subiecta: «Quid porro est *in respondendo iure*? ut vulgati habent: Quis ita dixit?» Ciceronem ipsum et alibi ita dixisse, poterat ex Clave sua discere. Horat. epist. I, 3, 23, sq. *seu civica iura respondere paras*.

Epist. VI, 19, 5. Conf. VIII, 2, 1: *Vendideram vindemias certatim negotiatoribus ementibus*. Vnde liquet, *certatim cum emptitant* iungendum esse.

Ep. VIII, 5, 2, *fruentis voluptatibus*. Quum in MS. *fruendi* voluptatibus reperiatur, Gudius ad Phaedr. 4, 25, probabiliter corrigit *fruentis diu voluptatibus*.

Epist. X, 119, 1. De *certaminibus iselasticis* quum obiter egisset Bonhierius, vir vere illustris, in Hagenbuchii epist. epigraph. pag. 9, laudans Iselini de illis dissertationem in Hist. Acad. Inscript. Paris. tom. V, pag. 277, sic pergit pag. 10. sq.:

«Ce que je viens de dire des jeux Isélastiques me donne lieu de proposer une conjecture sur un endroit très-obscur d'une lettre du jeune Pline à l'empereur Trajan X, 119, dont voici le sujet.

«Pendant que Pline gouvernait la Bithynie, quelques athlètes de cette province, qui étaient revenus vainqueurs d'un jeu de cette espèce, demandèrent à jouir de leurs privilèges, non seulement du jour qu'ils étaient retournés triomphants en leurs patries, mais même de celui qu'ils avaient été couronnés.

*Nihil enim referre, disaient-ils, quando sint patriam inveci; sed quando certamine vicerint, ex quo inveci possent.*

« Pline en fit difficulté; et pour ne rien prendre sur lui, il proposa son doute à l'empereur Trajan en ces termes: *Ego contra scribo Iselasticorum* (ou selon les anciennes édit. *Iselastici*) *nomine. Itaque eorum vehementer addubitem, an sit potius id tempus, quo εισελκων, intuendum.*

« Ces paroles ne font aucun sens raisonnable; en sorte que les Commentateurs conviennent, que ce texte a été altéré. Ils ne proposent néanmoins aucune conjecture, qui satisfasse l'esprit, si ce n'est en ce que quelques uns disent, qu'il faut corriger: *εισελάσαν*. Ce qui est indubitable. Du reste les uns effacent *scribo*, et encore *itaque eorum*; les autres se contentent de corriger: *Ita tamen, ut vehementer*, etc.

« Mais la première de ces conjectures est trop hardie, et la seconde est contraire au sens de ce passage, comme d'autres l'ont déjà observé. D'ailleurs elle conserve le mot *Scribo*, qui ne peut subsister, ce me semble; car il suppose une décision de la part de Pline, qui n'a voulu que proposer un doute, et en laisser le jugement à l'empereur.

« Pour moi, en attendant que quelque MS. nous découvre la véritable leçon, je lirais: *Ego contra, ipso Iselastici nomine, et Iselasticorum, vehementer addubitem*, etc. Pline réfute en deux mots la raison, qu'alléguaient les athlètes, en répondant, qu'elle se détruisait par le nom même d'*Isélastiques*, lequel était donné tant à leurs jeux, qu'à leurs privilèges. Ce nom supposait en effet une entrée solennelle dans la patrie du vainqueur. D'où il suivait que la récompense

dont il s'agissait ne lui était due que du jour de cette entrée, *quum quis in civitatem suam ipse εισήλασεν*, suivant la sage réponse de Trajan.

« Ce sens est clair, et naturel. Mais ces mots extraordinaires, *Iselastici*, et *Iselasticorum*, n'étant point entendus des copistes, ont sans doute donné lieu à leur méprise, comme il n'est arrivé que trop souvent. »

De eodem loco ipse Hagenbuchius in epistola ad Gorium pag. 451 :

« Pag. 11. κριτικώτερος *Bouhierius* corruptum Plinii locum restituere aggressus est. Quem locum quia editores Pliniani nesciverunt a Sam. Petito tentatum esse, eius verba de *Leg. Att. pag. 62 init.* subiicio. « *Rescribo : Ego quum transcribo, Iselasticorum, nomine itaque eorum vehementer addubitem, an sit potius id tempus, quo εισήλασεν, intuendum.* Nempe quum libellum ab *Iselasticis* sibi oblatum imperatori mittendum transcriberet Plinius, ipso eorum nomine monitus facile vidit *Iselasticos* dictos fuisse, non ex eo tempore, quo sunt coronati, sed ex quo patriam invecti sunt, *εισήλασεν.* » Editiones Plinii praestantiores, Hearniana, et novissima Longoliana, emendationem Schefferi habent : Ego *cuncta* scribo *Iselasticorum* nomine : *ita tamen ut* vehementer addubitem. Si *ita tamen ut* verior lectio esset, conarer legere : Ego *contracta* scribo, id est in compendium a me redacta. Proconsulem enim ipsum sua manu ex *Iselasticorum* charta in papyrum transcripsisse, librariorum opera non usum, quod Petitus voluit, credibile non fit. Quid ? si libellum obtulerunt, Plinius ipsum eorum autographum Romam, credo, misisset. Sed lectio *ita tamen ut* videtur orta ex corrupto, et non intellecto *itaque eorum.* In mentem mihi venit, forte Plinium

sic scripsisse: Ego contra *scilicet ipso* Iselastici (vel Iselasticorum) nomine *ita moveor* (vel *urgeor*), ut vehementer addubitem, etc. Si Plinii integrum *scilicet* librarii posteriores more sibi consueto in *sc.* contraxerant, *scribo* facile nasutulus quidam pro *sc. ipso* obtrusit. Si Florentiae, quae eiusmodi *κειμελίσαις* membraneis vel chartaceis superbit, codex Plinii MS. inveniatur, eum inspicere ne dedigneris.»

Nihil, quod nodum illum solvat, in thesauris Florentinarum bibliothecarum reperiri, amicum docet Gorius pag. 466.

Panegy. 76, init. Scripsit de hoc loco in Programme Fikenschierus, Rector Lycei Culmbacensis. Deletis duabus vocibus *tutum fuit*, mutataque interpunctione, sic legit: *quum . . . . ageres! Interrogavit: quisque, quod placuit, dissentire . . . ., facere.* Displicet haec ratio perinde, ac Schwarziana, I. Fran. Herelio, cui Plinius videtur scripsisse: *quum . . . . ageres! Quisque quod placuit, dissentire . . . . facere.* Vid. *Magazin für Philologen. Herausgegeben von G. A. Ruperti und. H. Schlichthorst. Zweiter Band. Bremen. 1797*, pag. 227, sqq.

*Καὶ τὰυτὰ μὲν ὃν τὰυτὰ.* De signis, quibus ad notas interpretum discernendas usus sum, vix opus est ut moneam, E. Ernestii, G. Gesneri, H. Heusingeri, S. meas indicare.

Scr. Lipsiae m. Februario 1805.

## PRAEFATIO GESNERIANAE EDITIONIS

## EADEMQVE EPISTOLA

AD

ILLVSTR. COMITEM

HENRICVM XI RVTHENVM

ALL.

Non quaeris, quum ista tibi in manus traduntur, quod vehementer optabile est talem epistolam scribenti, quis est iste Gesnerus? Quid sibi vult ista dedicatio? Quale est, quod mihi offertur? Nosti, quae magna mea felicitas est, Gesnerum; nosti, quod tu in aliqua felicitatis parte ponis merito, Plinium; recordaris, quamquam oblivisci soles tuorum benefactorum, quas ille causas habeat ad te ablegandi exornatum praesenti opera Plinium; recordaris, inquam, quam generosa et liberali humanitate operam Plinio et mihi dederis, quantum legendo interpretandoque illius Panegyrico, quem Ciceronis epistolis et Taciti Agricolae subiiciebamus, et voluptatis et utilitatis ceperis. Itaque non mirabere, meo quoque animo obversari horas, quas in iucundissimis vitae meae reponere soleo, in quibus tuam et discendi cupiditatem, et ingenium felicissimum, et vere generosum pectus, et propriam magnis animis, atque ut summo loco natis, ita ad summa omnia contendentibus, humani-

tatem intueri ex proximo admirarique mihi licuit. Quid ergo pronius mihi fuit, quam de te cogitare, Illustrissime Comes, quum Plinium tractarem, aut quid videri iustius debuit, quam tuo nomini inscribere monumentum ingenii illius, quod vehementer tibi probari, quod capi a te, quod amari, sensissem? Nemo enim capit Plinium, quin amet, ut illustrissimum Henricum XI Ruthenum nemo novit, quin amandum colendumque iudicet. Equidem ob id ipsum, quod te nosse mihi contigit, Illustrissime Comes, ea ad te fiducia accedere sustineo, ut neque refugiam liberius aliquanto apud te ipsum de hoc nostro munusculo, quo te et literatos reliquos afficere visum est, disputare; quem norim, atque adeo expertus sim, pro tuo in quidquid pulcrum est amore, huius etiam generis commentationibus delectari. Quem quidem amorem gentilicium tibi esse, ut ea modo commemorem, quae ex proximo et coram cognoscere mihi licuit, non modo illustrissimus tutor tuus Henricus XXIV me docuit, cuius decora in Buddeana Ienae et Vinariae in Marschalliana Gryphum domo mihi innotuere, sed tres etiam illius illustrissimi filii, in quibus Henricum VI anno huius saeculi XXIX Ienae de superiori cathedra disputantem non sine summa omnium admiratione, et eorum maxime, qui recte indicare poterant, audiavi; Henricos IX atque X vero in hac ipsa Academia nuper in laude atque amoribus omnium versatos, quod sic volebant, complexus sum, quorum manibus ad me scripta excellentissimi ingenii et generosissimae liberalitatis pignora servo, quos hoc ipso tempore e Gallia reduces, et veteris obsequii nostri memores, veterem ipsos benevolentiam erga me et indulgentiam servare, non sine maximae et honestissimae voluptatis sensu paucis ante hebdoma-



dibus expertus sum. Pateris itaque pro gentilicio illo tuo in bonas literas amore, me de epistolarum Plinianarum, quod tibi hic offertur, opere pauca apud te, veteri praefationum more, disputare.

Ab ipso scriptas Plinio, neque recentiori demum tempore a commentitia illa, quae Io. Harduini ingenio debetur, societate confictas, accuratus ille consensus cum praestantissimis aevi, quo vixit, indubitanque monumentis, ostendit, demonstratus praesertim a Io. Massono; qui consensus non sane a mendacium et vanorum aliquot hominum ingeniis profectus esse potuit. Scriptas ergo has epistolas editasque ab ipso Plinio, plane mihi non est dubium. Vtrum autem missae omnes sint ad eos, quorum praescripta sunt nomina, ea vero alia quaestio est, non ita facile affirmanda. Primo diem adscriptum nulla habet, quod in iis, quae re ipsa ad amicos mittuntur, epistolis intermitteri vix solet. Et, si dicas, quod praefracte equidem non negaverim, diei mentionem detractam, quum ederentur, illud tamen apparet, argumenta epistolarum pleraque esse quasi ad ipsam scribendi exercitationem quaesita ac delecta; itaque omnia polita et ornata, eam quaesitam varietatem, ut hoc ipsum egisse illum appareat; uti relinqueret posteris quam pulcherrimam amabilissimamque sui ipsius imaginem. Quum enim gloriae bonis artibus parandae esset studiosissimus, et in hac quoque re Tullium perpetuum et unicum suum sibi exemplum proponeret, cuius in epistolis vel maxime tantus animus comprehensus et posteritati commendatus est: quid poterat facere elegantius ad simulacrum mentis suae, et factorum vitaeque suae memoriam tradendam posteris, quam si scriptas a se epistolas in vulgus ederet eas, quibus foras quasi prodierat, et conspiciendum

se prae buerat ille cupitor et affectator immortalitatis animus; iisque adderet alias, eo ipso consilio scriptas, et forte missas privatim ad neminem, sed omni posteritati dicatas, quibus ea commemoraret, quae de se, de suis studiis, de toto vitae suae genere, de actionibus, de amicis suis, de rebus denique omnibus, quae ad ipsum ullo modo referrentur, scire et existimare vellet posteros. Illud de amicis quale sit, sic satis vel ex meo sensu arbitrari mihi videor, qui hoc ipso tempore non sine suauitate quadam illud tempus cogitatione praecipiam, quum videbunt homines, qui post aliquot aetates hunc ipsum libellum in manus sument, licuisse mihi tantum non familiariter cum Henrico XI Rutheno agere, quem sua nobilitas, virtus, felicitas, res gestae ad ingens adeo fastigium extulerint. De Plinio quidem rem se ita, uti dixi, habere, ipse iudicabis, scio, si percurrere velis vitam illius, qualem ex his epistolis, aliunde enim paucissima constant, collegit Cellarius, cui a nobis tantumdem fere adiectum est. Sed illud quoque ipsis epistolis cognoscendis intelliges, si attendere volueris, (et attendis, quae magna adolescentiae tuae laus est, quidquid agas) illud, inquam, pro magni illius et capacis ingenii tui vi agnosces quaesitam esse studio varietatem et amoenitatem, lectorum lenocinia; non coniunctas unius temporis, vel ad unum hominem, vel unius argumenti epistolas, distracta potius studio, quae ad unum locum pertinent, suspensumque expectatione lectorem, ut plures pervolvat epistolas, dum ad eam veniat, quae coeptam causae alicuius aut negotii enarrationem absolvat. Illud quoque non sine consilio factum est, quod tot elogia hominum sui aevi, et praedicationem virtutis illorum intexuit: eo plurimum nempe et ho-

minum et familiarum intererat, habere opus hoc, et suis posteris, ut imaginem aliquam, ut titulum nobilitatis suae, commendare. Huic, puto, inter alia consilio debetur, quod in tanta librorum eius aevi strage, quae totam paene Traiani, optimi principis, historiam abolevit, evasit hoc volumen, et quum auctoris sui, tum aliarum rerum, hominumque memoria nostra dignissimorum, conservavit memoriam. Successit enim deinde Sidonii Apollinaris studium, viri magni, qui quum Nostrum unice amaret, commendaret, in exemplum proponeret, quod ex subiectis testimoniis poteris intelligere, multiplicata huius operis exempla sequentem mox colluviem eo sustinere facilius potuerunt. Suavitate tecum, Illustrissime Comes, agendi proventus modum epistolae iam egressus sum. Sed neque intercedit tua humanitas, quo minus reliqua adiciam, quae in fronte huius libri dicenda habeo, quaeque eo libentius cognoscent lectores reliqui, si te una praesentem quasi animo suo habuerint. Quid? quod possum etiam in quibusdam ad conscientiam tuam provocare, et testem te, maiorem exceptione, exhibere: ut in eo, quam saepe optarim, Panegyricum, ut nunc vocamus, sive gratiarum actionem Plinii nostri, pretiosum illud istius aevi monumentum, celeberrimi Schwarzii studio expoliturum, ante prodire, quam denuo mihi, post parvam illam editionem, una cum epistolis, sine eo minus gratiae habituris, proferendus esset. Illa viri doctissimi cunctatio (sed cunctator fuit etiam Fabius) facit, ut de fatis Plinii, ab eo inde tempore, quo publicis typis committi coepit (coniuncta enim fere epistolarum et Panegyrici sors fuit) deque manuscriptis, qui adhuc exstant, supersedeam dicere, quum facile praevideam, pleniora omnia et certiora illum suis ex thesauris dare

posse. Quae eadem caussa fuit, ut eo facilius bibliopolae consilio obsequi in hac editione decreverim. Est autem, ut obiter eum tibi, Illustrissime Comes, commendem, *Caspar Fritschius*, frater *Thomae*, (quem principem sui generis hominem fuisse accepisti) talis vir, quo nemo magis intelligit negotiationis istius librariae rationes, nemo generosius illas liberaliusque tractat, indignus proinde iniuria, qua afficere illum nuper aliquis circa scriptores rei rusticae, ipsius sumptu, mea qualicumque opera, editos, conatus est; conatus est, inquam, non affecit. Per ipsum profecto et ipsius, dum viveret, fratrem non stetit, quo minus quidquid usquam esset praesidiorum compararetur ad exornandos illos rusticos. Si qua latent (ex iis, quae data sunt,<sup>1</sup> speciminibus nondum intelligi satis potuit, quantum ea momentum habeant), non ipsius, iterum confirmo, et fide viri boni confirmo, culpa latent; proditura forte aliquando, nobis minime inivitis, sed candide plaudentibus. *Casparis* igitur *Fritschii*, huc enim redeo, rationibus et consilio obsequutus sum, qui desiderari aiebat *Plinium*, et emendate, quantum eius fieri posset, editum, et adnotationibus instructum iis, quibus apertior fieret illius sententia, non pueris quidem, et omnium rerum rudibus, sed his, quorum rationes non ferunt, semper ad alios libros ut recurrant, historias, antiquitatemque in promptu habeant, difficiles Grammaticorum nodos longa meditatione resolvant. Lectionis varietatem, eiusque rei disputationem, non totam ille quidem excludebat, sed optabat moderationem ea in re adhiberi, quae non deterreret homines, quales descripsimus, sed eadem, quae maxime necessaria videntur, non dissimularet. Hoc, ut per se honestum est et utile consilium, ita opportune iam locum habebat, quum

<sup>1</sup> *Miscellan. Observat. Vol. VII, pag. 274, sq.*

ante annos non ita multos prodierint epistolae, Cortiana et Longoliana industria magno apparatu critico instructae, de Panegyrico autem non laudati modo Schwarzii opera in maxima proximaque expectatione sit, sed egregia quoque omnia minetur Cl. Arntzenius: quorum industria quaesitis uti poterunt, qui toto, quod aiunt, sacco fundi sibi volent opes criticas. Nos ergo, quantum consequi studio atque intentione (quamquam saepe, ut ipse non ignoras, Illustrissime Comes, interpellati) potuimus, talem damus Plinium, qui utilis esse possit propius et accuratius ipsum, non librarios, cognoscere volentibus: qua in re illa praesertim habita ratio est, ut non eos modo locos interpretaremur, qui vehementer indigere ea opera viderentur; sed illos etiam, in quibus adhaesisse, quamquam facilibus et apertis nostro iudicio, alios observabamus. Contigit etiam hic, quod nuper in Quintiliano, ut dicenda essent, pro instituti nimirum ratione, non ea, quae ipse primus vidi, quae nescio quam multa sint; sed quae necessaria, aut commoda certe lectoribus, licet dicta, ab aliis quoque, arbitrabar. Morem equidem illum tenui, nihil ut ponerem, nisi quod ita se habere, meis oculis, meo animo, cognovissem; si quod inventum commemoratu dignum videretur, auctori suo libenter adscriberem, Cortium praesertim Schwarziumque frequenter laudarem.

Hoc igitur quidquid est operae meae tibi, illustrissime comes, dicatum esse volo ea lege atque conditione, uti profitear, tua etiam humanitate, tua indulgentia excitatum libenter tractasse Plinium, quod cognoscerem, esse apud te in honore hasce literas, teque sapientissima ratione, ab optimis praeceptis et tuo ipsius excellentissimo ingenio profecta, arbitrari, vix, ut res sunt honeste, feliciter tractare ceteras doctrinae partes

posse, nisi quis ab horum librorum usu diligenti iudicium, et quasi gustum quemdam veri, pulchri, et honesti, quod tum in oratione, tum in vita et consuetudine hominum conspicitur, retulerit.

Exstant, et suo tempore commemorabuntur apud posteros etiam, singularia plane excubantis pro te Providentiae divinae munera, quae orbitatem tuam ita gubernavit, ut merito suspicemur, praeparari te magnificum illius instrumentum ad salutem et felicitatem plurimorum hominum, tum qui in tua ditione sunt, tum aliorum quoque, procurandam. Non puto errare me, si inter illa munera locum tribuam non postremum illi, quod comitem tibi et adolescentiae tuae rectorem adsignavit consultissimum iuris et omnis sapientiae Risenbeckium tuum, cuius quum prudentiam et fidem in suis pignoribus cognitam, perspectamque feliciter habuisset illustrissimus tutor tuus Henricus XXIV quem ante laudavi, eum tibi adiunxit, cui aequam scilicet, quin, ut est religiosissimus, et officiorum omnium non peritissimus modo, sed etiam observantissimus, maiorem, sollicitioremque curam se debere, quam suis filiis existimaret, quum de his rationem reddendam praeter Deum et suam conscientiam nemini, sciret; de te autem etiam iudicia aliorum hominum revereatur. Huic igitur Risenbeckio tuo, verissimo Phoenici, quum credideris, a me etiam aliquid disci posse profuturum, vehementer mihi claborandum est, ut, bonum me virum esse, quod illi credidisti, tuo ipsius iudicio, intelligas. Gratum quidem et non immemorem tuae in me indulgentiae, hic ipse libellus testis semper exstabit. Utinam etiam verum me vatem agnoscas aliquando, quum praedicere tibi audeo, quod vehementissime opto, et e signis raro fallacibus colligere mihi videor, futurum, ut tui cives

longa plenaque sub te felicitate beati gratias decernant iis omnibus, quorum cura, studio, consiliis, opera, generosissimum illud pectus virtutibus omnibus impletum, et sapienter feliciterque administrandae reipublicae praeparatum erit: quarum rerum quamdam quasi auroram iam videmus in tot rebus, quas in Plinio, iam tuo, adhuc amamus hodie, in tot pueris, ut hoc utar, qui tua liberalitate cultu humanitatis et religionis imbuuntur, in tot miseris, qui benignitate tua foventur, in tot studiosis iuvenibus, qui tibi se debere vitae et studiorum praesidia quaedam grati agnoscunt, in familiae tuae disciplina et tranquillitate, in honore eorum, quibus contigit, ut ad ingenii tui cultum aliquid conferant. Macte istis laudibus, Illustrissime Comes, et istas praeclarissimas rectoris virtutis meditationes ad ipsum reipublicae actum et civium tuorum felicitatem reliquorumque admirationem suo tempore faustis auspiciis transfer. Ita Deus aetatem tuam bonis omnibus cumulet! — Dabam in Academia, quam ornas, Georgia Augusta Kal. Octobr. CXCXCVIII.

IO. MATTHIAE GESNERI

AD

IO. AVGVSTVM ERNESTI

COLL. THOM. APVD LIPSIENSES RECTORUM

## EPISTOLA

QVA SVAM PLINII IVNIORIS EDITIONEM VEL EMENDANDI  
VEL DEFENDENDI CAUSA RETRACTAT

Quo tempore reducem e Lipsiensi prelo Plinium accipio, una mihi redditur epistola tua, ERNESTI, vir doctissime, et animo meo carissime. Non dico, iucundam fuisse; satis est, quod a te fuit. Sed amplius quiddam in ea reperi, quod non ad meae tantum voluptatis fructum, sed ad aliorum quoque utilitatem referendum, statim iudicabam, quum una mihi significaret Caspar Fritschius noster, si quid Plinio adiiendum haberem, tempus adhuc esse, paucissimis eius exemplis manu quasi emissis. Statim, inquam, consilium arripui errores, vel meos, vel operarum, de quibus nos admonuisti, sententiam de quibusdam locis tuam a mea discedentem, et si quid aliud occurreret salutanti postliminio quasi ad me redeuntem Plinium, ea omnia, epistola quadam comprehensa, ad te mittendi: quod tanto magis mihi placuit consilium, quum eodem tempore ad me pervenisset, quem avide diu exspectaveram, Panegyricus Plinianus, quem tu propter negotia tua non attigeras, a Cl. Arntzenio



editus, e quo decerpere quaedam lectoribus Plinii profutura, et nostra inde vel augere, vel emendare liceret.

Age igitur, quae addita, detracta, immutata, defensa vellem in Plinianis curis nostris, apud te breviter persequor; quod observans animo meo tua imago quum dulcius mihi, quidquid hoc est laboris, faciet, tum, si qui sunt igniculi in nobis ingenii, eos leni quasi spiritu excitabit. Non vereor, ne voluntatem tuam offendam, sicubi á tua sententia discessero. Melius inter nos de maximis rebus convenit, quam ut minuta disputatiuncula animorum coniunctionem, sanctissimis adstrictam vinculis labefactare possit, aut convellere. Ceterum non eius modo brevitatis hic memor ero, quam ipsa quasi imperat necessitas; sed totius etiam consilii huius editionis. Quum enim non eo spectet labor noster, ut integritati Plinii scrupulosa diligentia consulatur, quam provinciam, quantum ad epistolas, pulchre ornatam sciebam a Cortio, et qui succenturiatus illi fuit, Longolio; in Panegyrico autem, (ne de Cel. Schwarzio hic dicam) id quod speravram futurum, praeclare eadem functum video doctissimum Arntzenium: qui viri suo labore in futurum quoque prospexerunt, prospicientque, ne temere, vel impune adeo, grassari in Plinium possit critica licentia; sed ut commodius legatur scriptor venustissimus, atque intelligatur, quod ipsum in epistola ad illustrissimum Ruthenum comitem professus sum: propter has causas venia nobis dabitur, quod non morose et ad unguem persequimur omnia, quum in libro ipso, tum in hoc quasi eius spicilegio. Sed ne faciamus ianuam domo maiorem, rem, age, ipsam aggrediamur.

I, 8, 12. Quam de *munere* hic sermo sit, placet tibi, Ernesti doctissime, non ad medicorum, de quibus alioquin hic agitur in protasi, pilulas referri verbum *inducere*; sed eo sumi intellectu, quo *inducuntur*, h. e. producantur, ostenduntur, commendantur spectatoribus ludorum publicorum personae, ipsaque adeo munera: quumque Graeci eadem ratione dicant *εἰσάγειν*, inde ais explicari forte non absurde posse locum in epistola ad Hebraeos, 1, 6.

I, 9, 1. Praefers *iunctisque*, aut *cunctisque*, pro diversa oppositionis ratione, ex qua singulis opponendi sint aut *plures cunctisque*, b. e. plures, et ii quidem non singuli, sed iunctim considerati, aut *plures*, atque adeo cuncti, b. e. *cunctive*. Mihi crescere videbatur oratio. Singulis diebus per officia urbana transactis sic satis constat ratio; minus constat *pluribus*; omnium minime *cunctis*, h. e. vel simpliciter omnibus, vel certe pluribus illis in unam summam collectis. Sunt enim *cuncti*, quod Festus et Asconius docent, *simul omnes*, quasi *coniuncti*.

I, 9, 5. Pro *nisi unum me* iubet Cl. Arntzenius ad Paneg. XCIV, 3, legere nos, *nisi tamen me*.

I, 12, 1. Vetas me dubitare, vir doctissime, quo *iacturae* appellatio respiciat, quum doceat ipse Plinius II, 1, 40. At ipsum hoc nempe dubitabam ego, utrum consolandi argumentum initio ponere voluerit, et in luctu desinere.

I, 20, 7. Ad *subscriptions censorias* hic respici putas; nec intercedo, quum in hoc conveniat et *accusatoris*, *διὰ τὴν γράφοντος*, *scriptio*, et *censoria*, ut causa vel crimen breviter designetur.

I, 20, 10. *Orationis* retineundum censes, ubi ego *oratoris* praetuli. Neque profecto temere: nempe h. l. *actio* non consideratur, ais, quatenus ab *oratore* pendet, sed quatenus ab *oratione*: defenditurque a Plinio, nunquam *bonam orationem* esse *sine bona actione*; et si bona *oratio* sit bona *actione* destituta, propter temporis ad agendum dati angustias, quibus *actio* frangatur, quum timeat orator, ne tempus constitutum excedat, non esse *orationis* culpam, neque propterea illud, quod posuerat de naturali bonae *orationis* et *actionis* coniunctione negandum; sed *iudicis*. Praeclare ista. Sed vide, ὦ φίλος, qua parte ego consideraverim. Imaginabar hanc speciem, brevem nimis dium constitutam oratori, non datum esse tempus dum otiose commentandi et scribendi orationem; unde necessario ei sit ex tempore agendum: qua re fiat, ut *actio* talis, similis esse *orationi* cuiuscumque scriptae, animo certe antea comprehensae, non possit. Hoc ergo tum non accidit culpa *oratoris*, qui volebat, si impeditus non esset, parare *orationem*, quam *actione* deinde exprimeret.

I, 20, 17. De Eupolidis in Periclem verbis etiam dicta quaedam ad Quint. X, 4, 82.

II, 3, 2. *Ponit controversias* tibi placet, quum alias non intelligatur, quomodo elegerit auditores. Mihi etiam sine dubitatione placeret, nisi extem-

poralitem laudaret Plinius: quae suspecta sane est, si ipse declamator controversias *ponit*: suspecta etiam est, si de pluribus quas *poposcit*, unam *ipse eligit*; potest enim constitutum habere cum eo qui *posuit*; potest certe facillimam deligere. Suspicio omnis abest, si primo *poscit* controversias plures; tum de pluribus illis electionem permittit auditoribus, qui vel sententiarum numero, vel sorte adeo decidere possunt. Men hic culpa est, qui, dum brevis esse volui, abrupte nimis loquutus sum, ut tu etiam dubitare posses, qui tot perplexa solvis quotidie.

II, 5, 6. Pro adverbio *laetius*, contra alterum *lautius*, propugnans hoc modo, non tantum ut illi locum hic esse ostendas, quod facile dedi; sed huic ut esse neges. Ponas autem, hic sermonem esse de *copia* orationis, ad quam *lautus* vis referatur. Quum vero videas, hoc non satis firmum esse, et *laetos homines* etiam dici *copiose ornatos*, nec de sola hic copia agi, negas *severo* et *tristi* opponi posse *lautum*; opponi *laetum* a nostro III, 18, 10. Verum hoc quoque aliter se habere, mihi videbatur. *Severi* et *tristes* lidem sunt *aquididi*, *inmundi*, ut in ieiunio Pharisaei: hilares contra *laeti*, *uncti*, *nitidi* etc. quales vult esse Salvator suos, quum ieiunant etiam. Denique non probabile est, pro *laetius* aliquem substituisse *lautius*: sed hoc illi iussum cedere a correctoribus, vel ipsa tua disputatio indicat.

Pag. 99, n. 14. Obscure loquutus sum. Hoc volo, *tres elepsydias unius horae spatio effluisse*.

II, 11, 25. Leg. *scribe*, *quid arbutudae agant*. Quamquam enim satis frequentis est, post interrogativa, obliqua etiam, poni indicativum: Curtius tamen, credo bonis auctoribus, *agant*, posuit.

II, 17, n. 4. Moneas me, qui es oculus meus, consulenda etiam esse, quae de situ Laurentini contra Holstenium disputat Fabrettus Inscr. anti. p. 752.

Pag. 144, n. 7. Abiecit heu! humana omnia Baierus. Itaque non est, quod parvulum illud ab eo speremus, qui multo maiora destituerit.

III, 5, 8. *Parcissimum somnum*, vigilantissimus homo, merito defendis contra eum, qui *paratissimo somno* se gaudere non dissitetur, his rationibus natus, primo, quod verba, *erat suae parcissimi somni*, relationem ad antecedentia, et tanquam conclusionem indicet; ibi autem de *parco* somno, non *parato* actum sit: deinde quod *somnus inter studia et labores*, adeoque alieno tempore et loco, praeter opinionem, quum hoc non agitur, ut dormiamus, *instans*, non possit *paratus* dici, sed *obrepens*, *opprimens*; quod autem idem praeter opinionem instans et obrepens somnus cito deserat hominem, id ipsum non esse *parati* somni, sed *parci*; neque tam hic respici a Plinio ad id, quod etiam *inter studia instet*, sed quod, quum hominem oppresserit, *mox* tamen *deserat*. Haec tu pro *parcissimo somno*. Non autem de hoc inter nos disputatur, utrum *parcissimi somni* fuerit Plinius? hoc satis docet illius filius: sed an *paratissimus* dici potuerit somnus, qui *instat* ille quidem semper, ut *gravia*

*adversaria expectatio constituta et parata Curioni ap. Cic. Fam. II, 4, ut paratus moechus ap. Ter. Andr. II, 1, 16, sed etiam describit; commoda sane natura in homine negotioso, qui sit parci ille quidem somni, et vigilans; verum idem etiam paratus, quod fere consequens esse in hominibus sanis solet. Neque enim molles pulvillos expectat, qui post moderatum somnum multis horis vel animo vel corpore agitato atque exercito fuit etc. Non puto ego nimis me somniculosum hominem; sed gratias ago naturae mese auctori, quod paratus illum semper blandum insidiatorem experior, satis tamen modestum eundem, qui recedere, quum opus est, solet.*

III, 14, 2. *Fervens pavimentum* explicari debebat, quod bene mones, duobus verbis, si quis forte non meminisset, balnea illa fuisse ὑπόδαρτα, pensilia, fornicibus imposita, in quibus accensus ignis pavimentum primo calefaceret. Pictura passim prostrat, v. g. apud Fabricium ad Sext. Empir. p. 30.

III, 46, 16. Praeclare observas, male mori alias dici, qui in aqua, aut a turpi imbellicae bestia pereant, de quo Caper. Obs. 1, 8.

IV, 7, 4. Crebra repetitio τοῦ ἵλλον scholastica tibi non magis, πύλας κρηλῆ, quam mihi videtur. Nempe bona para Plinii est scholastica, h. e. ornatus studiosiusque, quam solet in promiscuo epistolarum usu fieri, scripta: scripta nempe non amicis, sed posteritati, cuius se fastidio illa sua accuratior oratione mederi putabat. Pone igitur tantisper, non epistolam esse, sed satiram, quam legimus, et anaphoram illam pronomini facilius concoques. Peccat, si ita vis, Plinius; sed peccat, dum nimis placere nobis postulat.

IV, 46, 2. Nihil mirum ais, adstare aliquem tunica scissa, salva tamen, qua illa tegatur, toga. Quid enim illum pndeat scissurae repentinae, sed tamen toga tectae? Quomodo vero tectam toga scissuram inter agendum vidit Plinius? At id ipsum indecorum, inspectum, singulare certe et observabile, aliquem ita se involvere toga, ut tunica nusquam appareat. Cogita comicas personas in Molerii Avaro maculas et scissuras vestium pileo, palina, habitu corporis tegentes.

IV, 27, 6. Mavis Plinio tribui voces redundantes γυνώσκων ὅτι, quam in-docto librario, quem vix credibile sit, eas adieciisse: et eodem modo redun-dare τὸ inquit VI, 33, 4. Videndi ergo codices.

V, 3, 36. *Achantum hinc inde lubricum et flexuosum* quomodo explikes, ut cognoscant lectores, patere. Ratio, inquis, dicendi petita est a serpente, qui est lubricus, et flexuosus, quum spiralis lineae figuram assumit. Sic acanthus satus fuit primo lineis curvis et spirabilibus, sed nulla certa figura, mox in certas figuras vocatus per aliquantum spatii, mox iterum sine figura curvus et inflexus, sicuti velorum aulaeorumque fines filamentis sericis diversi coloris ornantur, ut mox flexuosa sint et spiralia, mox figurata etc.

Pag. 314, n. 4. Quod hic negabam χαρακτερισμὸν nomen a me observatum, festinabam. Laudavi ipse, quum vix Lipsiam ista missa essent, in program-

mate quod habes de diva Carolina Eratosthenis *καταστεγασμός*, inter opuscula mythologica, physica, ethica, Galei p. 97 sqq. editos.

V, 20; 4. Quae esset *rigida* periodus, explicari negabat posse Curtius. Tibi *frigus* de periodis, qua sunt periodi, et quatenus pronuntiantur, dici non videtur. Age ponamus, quae tibi sit *rigida* periodus; quam ego *frigidam* interpreter: cetera, in auctoritate manuscriptorum lere pari, permittamus lectoribus. Est tibi igitur *rigida periodus*, in qua ita sibi implicata est et pendet oratio, ut non possint voce tanquam incisiones fieri, sed tota sit, quamvis longa, uno spiritu contorquenda. Quaedam contra periodi, quamquam longae, tamen flexibiles sunt, si non pendet per totas oratio, adeoque non uno spiritu pronuntiandae sunt. Mihi *volubilitas* non satis convenire *rigido*; *frigida* porro *periodus* videbatur fieri ipsa longitudine et productione non necessaria, qua perit et disperditur dicentis impetus, et auditoris attentio; quum otiosa epitheta, periphrases, exergasiae, otiosam, tardam, et inefficacem re vera reddant orationem, quantumvis magna volubilitate contorqueatur.

VI, 2, 3. Quasi *deprehensus* non satis, ut video, explicavi. *Deprehensi* quidem motio satis clara, et si quis dubitat, inspicere licet Quintil. I, 12, 4; VI, 3, 100; X, 7, 29; XII, 9, 20. Ergo quasi *deprehensus* est, qui habet eandem excusationem, veniam, commoditatem, quam *deprehensus*. Qui ex tempore dicere cogitur, hoc est enim *deprehendi*, culpam conicit in eos, qui coegerunt ipsum dicere: qui cum Regulo dicunt, quidquid peccatur, in ipsum possunt conicere; longas moras, corrogatos auditores etc.

VI, 20, 15. Elegans est, quod tibi in mentem venit, forte dedisse Plinium, *aderant, qui Misenum fuisse* etc. ex illo ποῖται, *Fuit Ilium*. Ceterum verba *aderant qui* antiquo, quem typographi vocant, caractere, non cursivo, debebant in contexto Plinianae epistolae exprimi.

VI, 32, 2. De h. l. nos nuper disputare vidi ad Quintilianum praef. § 9, et 11.

VII, 12, 2. Rectum videtur tibi ὑμᾶς γὰρ κακοῦντες. Nimirum ut *disperdendi* verbo iocose usus est; sic etiam κακοῦντες vocat, te iudice, Minucium, h. e. nimis studiosum siccitatis, et salubritatis atticae. Et sane κακοῦντας etiam in atticismi illa nimia affectatione inesse posse, certum est. Pondeo; et ad te transirem, nisi scirem, me tui amore etiam corrumpi posse.

VII, 17, 13. *Emendator acerrimus* quum ciceronianum esse putas et comparas cum *acerrimo aurium iudicio*, mecum, ut in sexcentis aliis, sentis.

VII, 27. Ad hanc epistolam responsum esse a personato Gustavo Iansono in nova bibl. Hal. 34, 2, bene facis quum me admones.

VIII, 14, 6. Vis, vir clarissime, non tam illam *distinctionem sententiarum* ab uno dictarum intelligi; quae a me post Catanacum explicata est, et cui favet § 15: quam illam, quae propius ad quaestionem et speciem in hac epi-

stola propositam pertinet; de qua praesertim § 21, ubi plures *pugnantes sententiae* ad superandam unam iunguntur. Et facile tibi assentior, magis ad hanc respici, quod *pugnantes* vocantur, i. e. quae una consistere non possunt, quod de priori genere ita simpliciter dici non potest; potest tamen cum relatione ad alios, qui duas eiusdem hominis sententias, uno quasi spiritu prolatas, simul probare nolunt.

VIII, 23, 5. Pro *intollexit* malle te scribis *dilexit*. Ego putabam significare Plinium hoc, *intollexit* Avitus, et assequutus est, quantus vir esset Servianus, quam dignis observatione atque obsequio.

IX, 43, 4. Quod pro *defervisset* malis, si addicerent libri, *remidisset*, in eo tibi assentior.

IX, 23, 5. Verbo *noscitare* post Curtium tribuis vim demonstrandi, ut et *noscere* Paneg. XXII, 3: non, quod proprie hanc potestatem habeat; sed quod infantes, pueri, plebs, quum *noscunt*, solent digito id quod *noscunt*, simul demonstrare. Sic, ais, mulier, quum agnosceret Demosthenem, alteri demonstrabat etc. Mihi videtur, Plautinis locis et aliis ita stabilitam vim, quam hic tribui verbo, ut dubitare equidem non possim: demonstrandi significationem adhuc desidero aliunde adscri. Certe in Panegyrico quam illud convenit, *parvulos*, qui nondum vidissent, videre certe meminissent, peregrinatum adhuc Traianum, *noscere* h. e. agnoscere velle, interrogare, *quis est? hicne est? Iuvenes* autem illum *ostentare*? Si *noscere* est *ostentare*, pueri et iuvenes hic idem faciunt. Epist. VI, 20, 4, *vocibus suis nescitant*, non profecto demonstrant; res enim agitur in tenebris, sed aut agnoscunt, aut, quod malim, attendendū, requirendo, agnoscere cupiunt. Inspice locum utrumque, candidissima anima mea, et vide an dubitare possis. Potest *monstrare* digito, qui *noscitat* aliquem; sed ideo *noscitare* non significat proprie *demonstrare*. Nempe neque tu hoc vis.

X, 2, 3. Non attendi ad temporum consecutionem, quum pro *malis* suspicatus sum, legendum *maluit* vel *malim*. Libenter tibi, ut plurima, hoc debeo, mi Ernesti, quod festinationem emendare licet in ipso adhuc libello Si coniecturae locus sit, *maluere* vel *maluerunt* sustinendum fuerit.

X, 48, 2. *Testimonium retribuerunt*. Melius iam videtur, quod ex antiquis editionibus hic protulit Curtius *pertribuerunt*, quum etiam Panegyri. XCV, 4, *pertribuitis* e Vossiano dederit Cl. Arnizzenius, pro aliorum *perhibuitis*. Vtroque in loco ea vis esse potest ad unum omnes, a primo ad ultimum, testimonium tribuisse.

X, 48, 5. Ita emendandum censes, *quam balutae qui sunt beneficio tuo*: eleganter profecto; et quod mese coniecturae, si non praetulerim, certe nec ausim posthabere.

X, 50, 4. De Bithynicis aliquem *regem* intelligere malle te ais. Quaerendi otium iam deest, et forte est hoc e numero τῶν ἀπὸ λαγομένων.

Iam ad Panegyricum veniamus, in quo nihil tuae adnotationis nobis imperitiisti; sed tanto plura dedit Cl. Arntzenius, qui quod humane, et ut decet literas nostras, mecum egit, gratias ago; quod a scripto se vix ac ne vix quidem demoveri patitur, laudo, et commode accidere Plinio arbitror; quod acorsim a me sentit aliquoties, non miror; non aegre fero quaedam paulo inclementius dicta; si quid ipsi excidit, non exagito. Sed neque futurum puto, ut irasentur vir humanissimus, si eodem candore, quo mea ipsius errata non dissimulo, eademque, quae ipse in meis nititur, libertate, nec mihi undique probari, quae ipse dixit, omnia, profitear, et quaedam eorum hic indicem, ut statim illud, quod

II, 5, retinet quidem *dignoque nos illius uni probemus; sed ortam suspicatur* hanc lectionem ex repetitis, more alias solemnī, duabus literis VS in vocibus duabus perpetuo tenore scriptis ILLIVS, quum tamen simpliciter legi debuerit *illi uni*. Non vereor, ne hoc probes prae ea lectione, quam nos dedimus, quamque Perizonio etiam probatam, Cl. Arntzenius docet, qui

III, 4, *aemulatur* dedit, ubi nos, Livineio et Lipsio auctoribus, *armuletur*, quod melius nimirum intelligebam, et intellecturos sperabam alios. Plane autem laudo, quod

IV, 4, ex libris antiquis posuit, *sed parendum est senatusconsulto, quod, etc.*

IV, 3, tueretur vulgatum, *sed ab agentibus habetur*, et quaerit, Cur talis bonor agentibus gratias a Traiano non sit habitus alias quoque? Respondeo; quia de illis privatis gratis non intercesserat senatusconsultum, intercesserat de publicis. Senatui ergo honorem habet, quum ipsius auctoritati, etiam contra naturam suam et commodum, cedit. Firmat sententiam nostram, quod sequitur, *tibi audire necesse est*.

V, 8. *Illum tumultum praeservasse* ex Vossiano libro dedit vir celeb. quod elegans sane et vix a librarii ingenio profectum. Sic placet, quum

V, 9, *ex adversis secunda nascentur* etiam ideo praefert, quia *seminum* statim mentio subicitur.

IX, 2. Non satis accurate rationes subduxi in *Patricii* explicatione, quum post locum Taciti subieci verba, *quas autem consule clarior?* Hoc enim in Traianum patrem an conveniat, vehementer incertum est, quum non constet, an eius quoque pater, id est, avus Principis optimi, consulatu functus fuerit? tacentibus Fastis, tacente ipso Plinio. Itaque sollicitor legere b. I. *Creduntne posteri, Patricium, et Consularem... genitum*. Nihil fuit facilius, quam conformari sibi a librario casus proximos. Sed necessaria tamen haec coniectura non est: intercedit illud aut Taciti.

XI, 4. Verba, *cuius pulsi fugatique, etc. per σύνθη ad hostes refert* Cl. Arntzenius, et non vult sub iniquissima saepe Grammaticorum tyrannide servare. At hic quidem, quod sciam, non de Grammatica sermo est. Synthesis eiusmodi, sive syntbesin malimus, generosissimi quique scriptores usurpa-

runt. Verum sententia multum sit acrior, et ad satiram magis accedit, hoc est, ad Plinianum in talibus characterem, si dicas, ex ipso triumpho (ut hodie, quum Ambrosiano Hymno Deum iussi cives non nunquam laudant) intellexisse homines, *pulsam fugatumque esse imperium*, hoc est, cum exercitu suo Imperatorem, ut hodie *Portam Turcicam (la Sublime Porte)*, vel *imperium Russorum* qui victum, pulsum, fugatum diceret, in sublimiori praesertim oratione, ab omnibus intelligeretur, reprehenderetur forte a nemine.

XIV, 4. In vexato loco de *ferocia Parthorum an barbarorum?* laudat Schwarzianam conjecturam merito, sed tamen suo more lectionem vulgatam retinet et hoc modo interpretari conatur: « lam eas res gesseras, propter quas eodem iure ex devicta gente agnomen assumere potuisses, quo postea id fecisti de Germanis. » Vide, perspicacissime vir, an videre hic aliquid possis. Sic possessione longi temporis tnetur etiam illud, quod statim sequitur, et legit

XIV, 2, *Germaniamque (quam quam . . . dirimuntque) per hoc omne spatium*, etc. ut sit hyperbaton a parenthesi. Neque tamen repugnare se ait, si quis molit brevius, *Germaniam, quam*, etc. Mihi ea ratio nimis contorta, et a politula illa Plinii facilitate aliena videtur. Sed ingeniosum, quod

XV, 2, coniicit vir Cl. *brevemque militiam quasi transivisse contentus*, pro vulgato *transisse*.

XVII, 3. *Nec non modo telorum tuorum*: omittit *non*; nec habeo, praeter rationem grammaticam, quae negationem ante vel post *non modo* non omitti suadet, nisi in proximo membro aliud *non*, vel *ne quidem* sequatur. Vid. ad Quintil. XI, 4, 2. Sed scilicet, si plura id genus loca inveniantur, et afferantur, cedet merito grammatica. Hic quidem, sublato illo *non*, videtur hic esse nexus propositionum, *si quis regnum venire in manus audeat, et non* (illud enim est nec) *modo telorum tuorum, sed etiam oculorum . . . . coniectum . . . . perhorrescat*: quod sententiae aperte contrarium est.

XVII, 4. Pro *quandocunque*, quod habent omnes editi, recte reponit ex MS. *quandoque*, eodem intellectu.

XIX, 4. Vbi *nos probabantur* post Lipsium et alios, *probantur* legit, quod patior: sed quomodo nexus orationis, quod dicit, illud postulet, non video.

XXIII, 5. *Augusta victimis cuncta bene se habere* nihil dubitabam: videtur enim ipsa multitudo hostiarum ad religiosam quamdam reverentiam aliquid momentum habere. Sed vide, vir doctissime, an non melius sit, quod Cl. Arntsenius e MS. Guelf. dedit *angusta*. Laudare poterat ad firmandam hanc lectionem infra LII, 7.

XXIV, 2. *Servat eademque omnia ille, etc. sed me nondum poenitet dedisse eadem quae*. Iudicabis, uter melius. Hic nullum in libris praesidium esse, probe intelligis, quum neque voces separent, neque diphthongos explanent.

XXIV. extr. Bene legit *hucus ista communis pro ita* aliorum. Sic etiam



XXV, 4, *expectatus est*, quod sine causa accommodarunt sequenti *provin-*  
*naeque*. Quod

XXX, 3, *mergi repararique polanti amne*, combinatis diversorum codicum  
lectionibus dedimus; non probabile videtur Cl. viro, quosdam librarios hanc,  
alios alteram vocem omisisse. Mihi adhuc placet illa ratio, quod *pollanti*, in  
quibusdam libris repertum, eruditius est, quam ut librario tribui possit:  
*repararique* autem et ipsum magnis auctoritatibus asseritur. Mox

XXX, 4, *pro detinenti solo dedit ex MS. elementi*, quod damnare non au-  
sim certe: multo minus

XXXI, 4, *campumque praeterni*, pro altero *prosterni*: *duriusculum* autem,  
quod

XXXI, 6, *Ita beneficio tuo neo benigna tellus et obsequens Nilus legit pro*  
*maligna*: *duriusculum*, inquam, sed ex MSS. tamen; et ita explicat, etiam  
non benigna tellus obsequens est non minus quam Nilus.

XXXIII, 3. Legit Arntzenius, *Nemo et spectator et spectaculum factus*. Vide,  
an non incommodum hoc habeat ea lectio, quod *spectator* nullo sensu etiam  
ad *factus* sic refertur. Quanto lenius et propius ad Schwarzianum codicem,  
*e spectatore spectaculum factus*?

XXXV, 4. Nondum poenitet dedisse, *tot res illis addeci, propter quas, etc.*,  
licet illi tneatur Cl. Arntzenius: qui etiam in eo mihi non satisfacit, quod  
mox legit, *perquam magna quaedam edicto tibi adstruxerat, nihilque reliquiss*  
*nisi tibi videbatur*; atque illud *nisi* argutum putat, et valde Plinianum. Equi-  
dem conciliare eam exceptionem, illud *nisi*, non possum cum verbis *hoc*  
*magis arduum fuit*. Difficile est rebus, quae ad fastigium iam perductae vi-  
dentur, aliquid addere: cessat admiratio, si addat is, cui reservatum con-  
silio est, ut addat. Conf. cap. XXXVIII, 4.

XXXVI, 4. Ne admittenda sit emendatio soli conjecturae debita, Cl. Arnt-  
zenius *tribunal excoGITatum cruciatu*, *suspensio pede* (laudo molestiam) ita  
tentat exponere, *tribunal* illud, in quo sub superioribus imperatoribus fiscales  
causae agebantur, *excoGITatum cruciatu*, hoc est, inventum ad vexandos et  
lacerandos miseros reos, sub optimo principe nunc *par est ceteris*. etc. Non  
voluit, profecto intelligi a posteris Plinius, si hoc illis verbis dicere voluit.  
Eadem puto de eo, qui iam ponitur loco,

XL, 4, ubi retinet *vitiosam*, ut mihi videtur, scripturam, *cuiusque*  
*modi ea pecunia*, etc., et ita explicat, Quocumque iure aut nomine ad aliquem  
pervenerit pecunia.

XLV, 5, Ponit quod frustra *speraverunt dissimiles*, pro *speraverint* quod  
Gruteri et Bongarsii conjecturae debitum sequuti sunt ceteri. Et pulchram  
atque veram luc dicit sententiam contra nimiam emendandi libidinem: sed  
quae me tamen non deterreat, ut non malim hic legi *speraverint*. Nec ignoro,

aristorum Graecorum vim habere, apud Senecam praesertim, interdum praeterita. Non multo post illam in criticis orationem, nempe ad

XI.VIII, 3, ubi *immanissima bellua* Domitianus vocatur, «Eam, inquit, elegantiam» (nescio autem quae elegantia sit, homini *belluae* nomen tribuere) «credo periisse apud Seecam Soaa. VI, pap. 36. *Videbis illum non hominis, sed belluae civilis vultum*. Editur nunc *belli*, sed ita non satisfacit oppositio, quae apertior est *hominem* inter et *belluam*.» Sermo est de Antonio triumviro; quaeritur, an Cicero illum adire, illi supplicare debeat? Sed potesne tu, humanissime Ernesti, hic non aliquantulum ridere *belluae civilis vultum*? Equidem non loquor de impuris manibus, quibus laceretur Seneca, ut aliquis ad hunc Panegyricum XC, 6. Redeamus in viam, hoc est, ad Plinium et humanitatem. De XLIX, 4, dicemus ad LVI, 2.

XLIX, 6. *Plenus ipse et ructans*, quod placuit Livineio, Perizonio, Schwarzio, mihi quoque, non patitur venire in locum compositi et ἀναρδύτων *plenus ipse ructans*.

XLIX, 8. *Peregrinae superstitionis mysteria* e MS. Guelf. mutat in *ministra*, intelligitque pueros ea Aegypto, superstitione procul dubio gente. Sed num superstitionis causa accessit? *Alexandrinus* *delicias* ad alia omnia petitas novimus. An ita pauper est Plinius, ut solius augendae orationis et epitheti causa *superstitionis* mentionem inculcaverit? Sed hoc ipse sentit vir doctus: et hanc ipsam mutandi causam fuisse putat descriptoribus. Contra apud Petronium cap. CXVIII, *Deorum illa ministeria*, per quae *praecipitandum* est *liber poëtae spiritus*, simplici coniectura, qua severe adeo interdicat aliis, in *mysteria* mutatum it, in quo minus etiam illi assentiar. Nimirum neque ille Gronovio, Schwarzio, mihi, quum ea optimis libris

L, 4, legimus *dominus scientis*, quod severe damnat, neque putat, Romanum quemquam sic loqui potuisse. Sed

L, 5, retinet vulgatum, *quod sit detrahenda avaritia*, etc., atque, sine ulla difficultate recte posse exponi. Vellem fecisset. Nam laborarunt Livineius, Lipsius, reliqui, qui *quo sit*, maluerunt laboravit Perizonius cui videbatur legendum *quo fit*. Vide ὅ πλότης, an non

LI, 4, legendum sit *Idem tam parvus es*? Verbum *es* facile absorpsit syllaba praecedens. Quamquam arctior sit transitio ellipsi.

LI, 2. ex MSS. dedit *Magnum revicere aliquand*, etc., Cl. Arntzenius, et in loco vexato

LII, 2, *Quum deorum ipse non sis adeptus*, in quo adsentitur Cel. Schwarzio. Juvat explicationem nostram illud, quod observat vir diligentissimus, *Dei* plur. et *Deis* in libris antiquis inveniri.

LII, 5. *Pro abiectas* legit Arntzenius optimis auctoribus *obiectas*, et iungit cum *flammis*.

LVI, 2. Quum scripsi, non statim ad manus esse exemplum, ubi *nunc* pro *nunc* ponatur, alterius auctoris putavi, et indubium. Alioquin enimi-

erat in proxima, nempe XLIX, 4, ubi ipse dedi ex editione Salmur. 1674, 12, *nam remissionibus tuis frequentia*, etc., Quo in loco non illud modo membrum, sed reliqua omnia a *nam* incipiunt in antiquis editionibus. Minime autem probabile est, *nam* posituros fuisse primos editores, si invenissent non in suis libris. Verum Faber, alii, et iam Cl. Arntzenius ibi quoque *non* dederunt. Hic *nonne* ea causa magis placuit, quia ob sequentem vocalem facile inter dictandum excideret potuisse encliticam *ne* arbitrabar. Ceterum eiusdem originis, certae significationis, eiusdemque fore pronuntiationis vocabula *nam* et *non* ita misceri certum est, ut vix unquam in interrogationibus certum sit, utra sit praefenda. Non hoc intellecta occurrit etiam LVIII, 3, it. LXIII, 3.

LVII, 4. Pro *axies* coniecit vir Cl. *apties*, ut referatur ad G. Mariam. At hunc excludunt verba ipsa Plinii, qui neget de iis se agere, *qui exspirante iam libertate per vim ac tumultum creati sint*.

LXI, 2. Suspicor legendum, pro *decrevant*, *decreverunt*, priusque ut similitudinis tantum et comparisonis esse.

LXI, 8. Servat vir Cl. et contra Schwarzium, id est, codicem Parisiensem meque defendit veterem lectionem, *indulgentiam tuam necessitas aemulatur*, tamque magis cum pahegyrico laudandi genere putat convenire. Sed si vera est illa lectio, aemulata est necessitas illud, quod nondum fuit. Nonne vero indulgentia est, ea ultro dare, quae alias sola extorqueat? Necessitas non imitatur, non circumspicit exempla, sed ruit, rumpit, frangit, sine lege, sine more modoque, omnia.

LXIII, 7. Pro *apocionissima* iam priore editione conieciham legendum *apocionissima*, quod in altera hac monere oblitus sum: monuit me, quam probat, vir doctissimus. Sed idem

LXIV, 4, non persuadet, quam praefert *Vides*, *quum necessarium fuit*. Nimis facile est apicem post *fu*, quo syllabam *er* notant librarii, periisse.

LXX, 6. Sic constituit locum mihi dubium ex bonis libris Cl. Arntzenius: *Vides enim, si quid bene fecero sciet Caesar? aut si scierit, testimonium reddet?* Et illud *Vides enim* eleganter inservire ait sententiae. At ego culpa forte mea, elegantiam nondum video. Nec magis mihi satisfiit iis, quae de *δύο γὰρ* Schwarzius.

LXXI, 3. Locum vexatum, bene, hoc est, quam proxime ad MSS. constituit; quem proponam cum interiectis supplementis, et interpretatione nostra. *Contigit ergo oculis nostris inusitata ante facies, Princeps et candidatus, aequalum* (aequales in ea caerimonia) *et simul stantes; intersi* (contigit) *parem* (privatis) *accipientibus honorem* (et magistratum, Principem) *qui* (honorem illum) *dabat*.

LXXX, 6. *Qua nunc parte liber*, omisso nomine *curarum*, edi curavit vir doctus, et inutilem plane vocat vocem, quae invito auctori obtrudatur

Sed non soli Cuspiniano deberi satis apparet ex his, quae ipsae recudenda curavit.

LXXXI, 3. Pro *claustris* ex MS. ponit *elathris*: recte. Non item, puto, quod

LXXXI, 4, extr. pro *transire obstantia freta* ponit *transfretare*, quae glossa totius formulae videtur. Sic

LXXXII, 1, *Teporem* ponit pro *torporem* ex duobus MSS. contra omnes reliquos. Et facile illi fuit probare, a colore at *tepo*re celebrari Baias; huc facere *tepo*rem praeter *torpo*re, illud vero non ostendit.

LXXXII, 9. Illud *incidat*, quod, a Grutero et Cellario acceptum, mihi non satisfacere dixi, mutat in *insidat* ex MS. Guelf. et coniectura Perizonii. Aldus et alii, *insidat*. Fateor tamen, mihi adhuc placere meum *insit*; at, etc.

LXXXVI, 6. *dadit*, ut *maxima fructus* (s. fructus est) *suscipit*, etc., nempe *maxima* iungit cum *gloria*. Nondum adducor, ut haec praeferam a lectioni, quam e Cl. Schwarzii libro edidi. Nec facere possum, ut probem

XC, 6, lectionem, quam repraesentat, *etiam minus et bonos promovere vellet*. Iactantiam aut vir doctus admiratione dignam, si Plinius se. et collegam *bonos viros* vocet. Quid audio? Et voluit Nerva promovere *minus bonos*? vel ne calumniari videar, potuitne alio respectu eos promovere, quam ut *bonos*? et nonne *bonos* vel inde collegit, quod *invisi* essent malo principi? Egregia laus boni principis, si solo quasi studio contradicendi suo antecessori promoveat quosdam, non ut *bonos*: sed ut illi *invisos*. Deinde quorsum referemus illud, quod statim sequitur de voto latendi? Non ausim ego iurare, Plinium totidem syllabis scripsisse, quod coniecit Lipsius; sed in hanc sententiam si scripsit, incommode scripsisse adeo, quam ut modo restitutum est. Non trahor, mi carissime Ernesti, optimo Arutzenio, quod tuetur integritatem Plinii; laudo, quod non patitur pro Plinii verbis ad posteritatem dari cogitata vel eruditissimorum hominum. Sed *impurus manus*, et *varios sententiarum gurgites* impingi viris de sententiis scriptorum, propter quam solam totus ille noster apparatus criticus adhibetur, optime meritis, illud leniter certe, e servata literarum nostrarum verecundia, animadvertendum mihi videbatur. Ultra fere, quam pro huius editionis ratione non nunquam proventus sum, dulcedine tecum, ὡς πῶτός, ut alias coram solehamus, disputandi, cuius me quasi praesentis cogitatio, quod futurum praevidebam, sustentavit, ut non nimis iocundo labore, mea quasi vineta cardendi, et retractandi ea, quae manu emissa gaudebam, alacrius defungerer. Quae alias in fine epistolarum dici solent, iis facile caret amicitia nostra. Itaque vale, et mei memoriam Lipsianis amicis, praesertim Patrono nostro illustri Stolzio, viri immortaliter de patria sua merenti commendare ne desine. Scr. Kal. Nov. MDCCXXXVIII, Gottiogon.

## LECTORI

AEQVO ET DOCTO

I. AVG. ERNESTI

S. P. D.

In institutis eloquentiae praeceptis exemplisque per lectiones publicas tradendae, semper hoc usi sumus, ut post praecepta, secundum nostrum initiorum rhetoricorum libellum aut Ciceronis oratorem explicata, primum orationes quasdam proponeremus, quibus enarrandis et inveniendi viae et eloquendi artificia demonstrarentur et ad intelligendum et ad imitandum planius; deinde historicum aliquem librum, ut *Salustii*, *Livii*, *Suetonii*, denique philosophicum, *Ciceronis* fere de officio opusculum, quibus interpretandis scribendi genus historicum et dogmaticum proprie cognosceretur. Et in primo quidem genere plerumque usi sumus Ciceronianis orationibus, sed hoc delectu, ut ratio haberetur praecipua earum, quibus intelligendis etiam rerum cognitio comparari posset a studiosis, quarum esset in aliis disciplinis usus, in primisque in iure vetere romano, in cognoscendis artibus reipublicae romanae pace ac bello, domi forisque administrandae. Itaque etiam *Verrinas* saepius ceteris euarravimus, ipso semestri superiori; quibus legendis tota ratio iurisdictionis romanae, tum urbanae, tum provincialis, sociorum provincialiumque,

magistratuum in urbe et in provinciis, civium item utrobique iura, cognosci possunt: eandemque ob causam interdum vel *Ciceronis* illam claram *ad Quintum fratrem* epistolam, de provinciali administratione, vel *Plinianarum* librum decimum explicavi; in quibus ratio provinciarum sub Caesaribus administrandarum multis et perspicuis vestigiis exemplisque expressa est, ut a studiosis utriusque discrimina cognoscerentur: quae res in primis necessaria est, non modo iuris studiosis, sed etiam interpretibus graecorum Novi Testamenti librorum, nec minus iis, qui historiam veterem Ecclesiae accurate cognoscere cupiunt. Atque ea res primam hanc vim habuit, ut allicerentur magis iuvenes ad illas lectiones audiendas, praesertim ex eo numero, qui in aliis academiis ista contemnit, quod audiendis latinorum scriptorum interpretibus nihil se praeter formulas verborum latinas, aut sententias bellas discere posse putat, quarum sibi aut nullus aut parvus usus futurus sit, eamque ob causam iis relinquit lectiones in scriptores veteres latinos, qui scholarum latinarum magistri futuri sint. Nec illum parvum fructum iudicamus, quod apud nos semper fuerunt plures, qui iuris eam, quam elegantiorē vulgo vocant, scientiam amarent, et tencerent, nec modo, ut alibi fit, fori usum in discendo iure sequerentur. Sed, ut ad instituta nostra redeamus, in parte illius quasi orbis oratorii ea, quae prima a nobis commemorata est, bis *Plinianum Panegyricum* proposuimus, tum ea de causa, ut tota ratio imperii a Caesaribus administrati intelligeretur, tum ut modus hominum apte laudandorum, primum per delectum actionum eventorumque, deinde utriusque generis per locos communes sententiasque exornationem cognosceretur. Ea autem omnia quum saepius ac diligentius tracta-

remus, exigere<sup>mus</sup>que omnia ad analogiam rerum et verborum, visi nobis sumus subinde animadvertere, ubi aut aliter, quam ante factum esset, intelligi verba, aut etiam corrigi deberent. In quo genere etiam hoc facere consuevimus, ut ad animadvertendum excitemus auditores, non modo ita re explicanda, ut ipsi in viam reperiendi deducerentur, sed etiam demonstrandis locis, quae vitiosa putaremus, et vitii latentis tum animadversionem, tum correctionem iis relinqueremus. Quae res ita bene cessit, ut non raro, primo verae correctiones a pluribus scriptae nobis traderentur, post etiam statim, quum iussissemus dicere palam, si quis videret, quid vitiosum esset, quomodo corrigi deberet, quod verum esset, vel ipse in animo haberem, a nonnullis reperiretur et pronunciaretur.

Haec a nobis hoc loco dicta sunt, non tam ut rationem redderemus institutorum nostrorum, aut ut alios ad eorum imitationem vocaremus; quamquam hoc quoque a persona nostra non alienum foret; sed ut intelligeretur, quomodo nata sint ea, quae hoc tempore repetitae Plinianorum scriptorum editioni Gesnerianae addenda permisimus, quum librarius eam habere aliquid nostricuperet, cuius etiam prima aliquid habuisset. Pertinent autem pleraque vel ad sensum verborum, vel ad emendationem eorum, in quibus nobis aliquid inesse vitii videbatur: adpersa tamen etiam sunt quaedam ad intelligentiam rerum, itemque ad indicium oratorium pertinentia. In quibus omnibus si quid est, in quo verum vidimus, aut quod *Plin*i lectoribus prodesse ad intelligendum et iudicandum possit, bene nos operam navasse putabimus.

*N. B.* Hanc notarum sequelem, de quibus hic modo Ernestius, et quas uno fasciculo collectas accervimus in prolegomenis seposuerat G. H. SCHAEFER, nos solvere curavimus; et singulas suo loco rescriptas, Epistolarum et Panegyrici Textui subiicimus diligenter, ut melior utiliorque opera videretur legentibus.

## VITA

## C. PLINII CAECILII SECVNDI

AVCTORE

CHRISTOPHORO CELLARIO

Caius Plinius Caecilius Secundus municipio Como, ad Larium lacum in Transpadana sito, ortus fuit. Patria enim municipium erat IV, 13, 3, circa Larium lacum, (1), quem idcirco *suum* appellat II, 8, 1, et VI, 24, 2, iuxta quem villas amoenissimas possidebat IX, 7, qui situs *Comum* abunde designat, quod *delicias suas* I, 3, 1, vocat, ut nihil de inscriptionibus infra producendis (2) referam, in agro et oppido Comensi repertis. Veronenses quidem ipse *suos* dixit VI, 34, 1, verum adoptionis lege, quia avunculus Plinius, adoptione pater, Veronenses fuit, ut post Onuphrii probationes vel unus lapis, in ripa Benaci inventus, et ab Reinesio Inscript. XI, 11, expressus, satis clare his verbis ostendit:

C. PLINI . . . VERONENSIS

. . . . HISTORIARVM H. L. . .

Annum, quo natus fuit, non obscure indicavit, quum Vesuvio ardente duodevicesimum se habuisse tradit VI, 20, 5, qui Titi Caesaris primus fuit, Dione Cas-

(1) Apertus in primis locus est IV, 30, 1, ubi ex *patria sua* quaestionem se attulisse ait, quae pertinet ad vici-

niam Lacus Larii.

(2) Subiiciuntur statim huius vitae.



sio memorante. Si addis novem annos Vespasiani, et unum, ac quod excurrit, scenicorum principum; circiter sexto Neronis (3) natum Plinium, et quum iste interficeretur, fere octennem fuisse apparebit. Pater C. Caecilius (4) Comensis erat, de quo nihil reperimus, nisi quod eius gentis fuit, ex qua Caecilium, poetam tenerum, sodalem suum, et ipsum quoque Novocomensem Catullus laudat carmine XXXIII. Mater Plinia C. Plinii Veronehsis, qui Naturalem Historiam reliquit, soror, quae amisso marito, in domo fratris mansit VI, 16, 4, et ep. 20, a quo filius adoptatus fuerat, V, 8, 5, qui ideo in nomen *C. Plinii Secundi* successit, quum antea Caecilius esset (5). Patrem Caecilium mature amisit, educatus cura matris et avunculi, necnon tutoris Verginii Rufi II, 1, 8 (6). Studiis impense a puero addictus adeo, ut decimo quarto aetatis anno tragoediam graecam scriberet VII, 4, 2, Livium adolescentulus legeret VI, 20, 5, Ciceronem etiam adultus aemularetur IV, 8, 4, non contentus saeculi eloquentia I, 5, 12, in cuius studio praeceptore Quintiliano usus est II, 14, 9, et Nicete

(3) Aerae vulgaris 62. Urbis Cond. Varron. 815. Massonus ad XVII, et XXV. (Nimirum sic laudabimus semper viri doctissimi vitam Plinii, ut iterum edita est, adscriptis annis aetatis et quoties opus est, paragraphis).

(4) Quae gens plebeia, sed nobilis eadem, Masson. I, 2. De illius antiquitate ipse Noster VIII, 10, 3, quum non subitas imagines a suo etiam latere commemorat. An huc referri debeant statuæ principum in agris per plures successiones traditae X, 24, 1, forte disputari possit.

(5) Ita tamen, ut *Caecilii* nomen non immutaret, aut produceret in *Caecilianum*, quod libera rep. fieri solebat. Etiam retinuit senatoriam patris dignitatem, quum intra equestrem substitisset avunculus. Vid. Masson. 1, 6. Caeterum huic suo patri adoptivo immortalitatem adiuvit, libros et vitae illius rationem commemorando III, 5, et mortis genus celebrando VI, 16.

(6) Nec diu adoptivo patre frui illi licuit, qui A. C. LXXIX, quum XVIII aetatis annum ageret, incendio Vesuvii perierit. Quid ipse interim Miseni egerit, narrat VI, 20.

Sacerdote VI, 6, 3 (7), ac in philosophia, praeter alios, Euphrate Stoico, quem in Syria miles audivit I, 10, 2 (8). Nec alienus a poësi fuit VII, 4, 2, ingenium sortitus hilare ac poëticum V, 3, 2 (9), cuius tum alia specimina dedit, in epistolis reliqua VII, 4, et 9, tum maxime Hendecasyllaborum librum IV, 14, 8 (10). Sic indole capacissima omnium literarum, et inexhausto labore, id tandem consequutus fuit, ut omnes eruditi illum amarent, I, 13, 6, eumque ac Tacitum pro doctissimis suorum temporum haberent VII, 20, 5, et IX, 23, 3. Recitationes in primis urgebat propter multiplicem usum V, 3, 8, nec ipse solum aliis auditor frequens aderat I, 13, 6; VIII, 12, 1, sed sua quoque poemata recitabat V, 3, 7; IX, 34, etiam actiones seu forenses orationes II, 19 (11), et Panegyricum Traiano dictum III, 8, 4. Orator clarissimus fuit, ut nemo facile illi praeferatur. Nam undevicesimo anno dicere in foro coepit V, 8, 8 (12), et per omnem aetatem (13) causas egit tam

(7) De Quintiliano super disputavimus, in praef. § 9, sq. De Nicete vid. Masson. XIV, 4. Quam iucunde idius temporis et scholae memoriam usurpaverit noster, ipse docet II, 18, 4. Condiscipulos habuit Voconium Rom. II, 43, 5, et Rom. Firmum, erga quem liberalis est I, 49. Alios quoque memorat, qui adolescentiam suam formaverint, ut Corel. Ruf. I, 42, 42, Hispol. eius uxorem IV, 49, 7, Arul. Rustic. I, 14, 4. Spem de se magnam concepit nostrum, inde quoque apparet, quod oppidum praedicti ipsius vicinum, *Tiferum Tiberinum* (quod *Città di Castello*) poëtae adhuc parvam patriam cooptavit IV, 4, 4.

(8) Etiam Arteniodoro, de quo III, 14.

(9) Solum forte crimen, quod adhaerescere in viro laude omni cumulatissimo posse videtur, illud est, quod in hac ipsa epistola V, 3, item IV, 14, et IV, 27, defendere studeat, versus lascivi. Quam male ipsi defensus successerit, ad IV, 27, 4, indicamus. Quin parum etiam poëtam fuisse puto. Vid. quae adscripta sunt ad VII, 4.

(10) De historiis etiam scribendis illum cogitasse apparet ex V, 8. Edideritne aliquid, non liquet.

(11) Quam diligentiam adhibuerit, ut etiam orationes suae quam emendatissimae in manus hominum venirent, docet ipse VII, 47.

(12) Inter primas forte fuit causa Iulii Pastoris, quam egit *adolescens* illud quidem, sed qui uxorem tamen

apud Centumviros I, 18, 3 et IX, 23, 1, quorum indicia *suam arenam* vocat VI, 12, 2 (14), etsi indigna saepe eius ingenio erant II, 14, 1, quam in senatu nobiliores, ut contra (15) Baebium Massam VII ult. Caecilium Classicum III, 4, et 9, et Marium Priscum II, 11, ac pro Iulio Basso IV, 9, et Rufo Vareno V, 20, quas in summam collegit VI, 29, 8, sq. (16). Honores gessit amplissimos. Fuit enim quaestor Caesaris VII, 16, 2, Tribunus militum III, 11, 5 (17), Tribunus plebis I, 23, 2, et P. 95, 1, Praetor III, 11, 2, et VII, 16, 2 (18), Praefectus aerarii Saturni V, 15, 5; P. 92, 1 (19), Praefectus aerarii militaris (de quo VII, 14, n. (20)) Inscript. Consul III, 13, 1, et ep. 18, 1, et P. 91 (21), Augur IV,

iam haberet, 1, 18, 3, eandem causam dum commemorat IV, 23, 1, *isvenem* se ait fuisse.

(13) Etiam post Consulatum gestum. Vid. IV, 17, 3.

(14) Quanto plausu auditus sit, ostendit IV, 16.

(15) Publicium Certum IX, 13, pro Clario IX, 28, 5.

(16) In causis autem agendis non pactione modo, dono, et munere, sed senis etiam abstinuit V, 14, 8.

(17) Add. X, 19, 1; I, 10, 2, ubi adolescentulum se in Syria ait militasse. Reditum e militia hae suum memorat VII, 4, 3. Cf. VIII, 14, 7 et 8. Circa annum aetatis XXV, quae legitima aetas est, Quaestorem factum probabile est. Fuit autem quaestor Caesaris cum Caestrio Tirone. Vid. VII, 16, 2. Quaestor nempe Caesaris, in quantum is Consul: Quaestor porro annuus, quae erudite demonstrat Masson. XXXV, 2.

(18) Gessit praetoram anno aetatis XXXI et XXXII, Christi 93, quod luculenter et ingeniose demon-

stratum dedit Massonus.

(19) Add. X, 20, 1 et 24, 3, ubi plurium numero *indulgentia* vestra, et *delegati a vobis officii cura*, memoratur. Tamen Masson. XXXVI, 7, post obitum Nervae a Traiano solo illud delegatum, e temporum rationibus ostendit. Quid si in scriniis et commentariis Nervae inventum Plinium honore ansit Traianus? ut ad ambo referri factum possit. De occupationibus huius officii conqueritur I, 10, 9. Menstruas tamen eius vires intelligimus ex X, 24, 3.

(20) Nempe ostendit Cellarius ad l. e. vicesimam hereditatum ad aerarium militare pertinuisse. *Aerario militari praefectum*, etiam inscriptiones memorant. Plinius quidem nusquam, ut diversi a praefectura aerarii Saturni, munera meminit.

(21) In quo consulatu (bimestri pro consuetudine illius temporis in privatis, de qua ad Paneg. XCIV, 4), et quidem mense septembri. Gratiarum actionem, sive Panegyricum habuit, qui exstat. Caeterum

8, (22), Proprætor provinciae Ponticae consulari potestate X, 77, n. et Inscript. (23), Curator alvei Tiberis V, 15, 2, n. et Inscription. Matrimonium bis contraxit; de priore nihil exstat ante viduitatem IX, 13, 4 (24); alterum cum Calpurnia iniit, Calpurnii Fabati (25) ex filio nepte, IV, 1, 1, quae abortum fecit VIII, 10, nec alio partu maritum beasse legitur:

circa haec tempora etiam fuit Quinquævir sumptibus publicis minuendis, Virginio Rufo illum eligente, per quem ipse excusaretur II, 1, 9.

(22) Petierat Auguratum, vel aliud sacerdotium a Traiano X, 8. Factum id anno Plinii circiter 41, probat Massonus § 2.

(23) Cur Proprætor Plinius, quum ante ipsum Bithyniam rexissent *Proconules*: quam vim habeat *consularis* illa, quae ipsi tribuitur in inscriptione, *potestas*, eruditissime disputat ad hunc annum, hoc est, 41 et 42 Plinii, Christi 193, Massonus, qui etiam illud ostendit, non integrum biennium in provincia commoratum esse Plinium. Caeterum fabulam de Plinio ad Christianismum converso ad reditum ipsius e provincia refert Pseudo-Dexter in chronico, et illius commentator Bivarius: iussu enim Traiani appulisse ad Cretam, aedificationis cuiusdam causa, ibique a S. Tito Episcopo conversum ad fidem. Addit Dexter, *nec deest, qui putent, septima Sextilis ad Novocomum esse passum*. Sed puidit merito commenti illepidi (incrustati licet in fictis Luitprandi adversariis n. 292, sq. pag. 512), viros doctissimos, qui acta SS. mensis Augusti Antuerpiae ediderunt, qui ne verbo quidem mentionem illius rei inicere dignantur: neque opus nimirum erat, quum ipsam sinistri illius Dextri fidem in universum

iam damnassem. Neque vero erat, quod refutaret illud Boshornius in iudicio de Plinio, quod epistola a se editis praemisit: nullo minus refellendum erat ex X, 97, ubi *exitiabilem* vocet *superstitionem* Christianorum. Parum enim hoc ad fabulam, quae postea in reditu ex provincia contigisse dicitur: nec appellat Plinius *exitiabilem superstitionem* (quae Taciti vox est An. XV, 41), sed pravam et immodicam X, 97, 8. Si omnino placeat refutare, illud est apertum, epistolas eius pertinere ad annum aetatis Plinii 55, tredecim nimirum annos ultra reditum ex provincia: v. n. t. Potuitne autem de tanta immutatione tacere?

(24) Nisi quod socrus meminit I, 48, 3, quum esset adolescentulus, Domitianus adhuc imperaret. Et statim a morte Domitiani uxorem habebat IX, 43, 4, cuius vitricus erat Veellius Proculus IX, 43, 13. Sic duo se matrimonia Domitiano imperante contraxisse ait X, 2, 2. De quo loco Masson. XXXVI, 3.

(25) Novocomensem et ipsum Fabatum fuisse satis apparet non tantum ex veteri inscriptione in Comensi agro reperta, quam post alios exhibet Grut. CCCLXXXII, 6, quamque ad nostrum pertinere non improbabile est: sed ex ipso Nostro V, 12, 2; VII, 46, 32, 1; coll. VII, 46, 4 et VII, 23, 1.

ipsa vero docta et studiis exulta IV, 19, 2, et VI, 7, 1, mariti, quamquam aetate maioris, amantissima IV, 19, 2, et 5 (26), ita ab amita Hispulla instituta, ibidem 1, et 6. Pater enim pridem decesserat V, 12, 2, cuius memoriae porticum avus dedicavit V, 12, 1, ipse vero avus, quum in Bithynia (27) Plinius cum uxore esset, mortem obiit X, 121, postquam senectutem in Transpadana exegerat VII, 16, 3. Frugaliter et abstinens Plinius fuit II, 4, 3, et ep. 6, 4, ut voluptates etiam studiis condiret, IX, 36, 4, et inter venandum studeret I, 6; V, 18, 2; IX, 36, 6 (28); nec vero minus diligens pater familiae, qui praedia sua mirifice tum coluit, tum aedificavit, quod de Laurentino ipse narrat II, 17; de Tuscis V, 6; de Transpadanis ad Larium IX, 7, quam industria et aliis praediis suis, V, 6, 45, enumeratis adhibuisse non dubitandum est (29). Mitis in servos I, 4, 4, adeo ut nullos *vinctos* haberet III, 19, 7, suisque domum permitteret instar civitatis esse, ac peculium morte ad familiares transmitteret VIII, 16, 2. Iustitiam non tam ex legum rigore, quam

(26) Quae epistola non diu post initum matrimonium scripta. Amoris sui vehementiam aliis quoque epistolis declaravit, ut VI, 4 et 7; lit. VII, 5.

(27) Non satis certo hoc ex laudata epistola colligitur, ubi excusat Plinius, quod iter uxoris diplomate iuverit. Non est credibile, mulierem delicatam et infirmam, tantum iter, ea celeritate, sino marito confecisse. Potuit Plinius ut curator alvei Tiberis, vel alio quocunque nomine diplomatum potestatem habuisse. Haec etiam Massoni est sententia ad XLIII, 8.

(28) Hac ipsa epistola 9, 36, rationem totam in praediis suis vivendi

aestivam percenset, ut ep. 40, hibernam persequitur.

(29) Fortis fuit, in causis etiam illis suscipiendis, quibus invidium ac Domitiano et obnoxium delatoribus fieri, sciebat. Vid. I, 5, 5, sq. Itaque etiam reus futurus erat, nisi interfectus esset Domitianus VII, 27, 14. Eo defuncto, Helvidii Prisci ultionem fortiter suscepit. Totam rem enarrat IX, 13, add. IV, 24, 3. Quam non metuerit Artemidorum, philosophiae nomine ab urbe semotum, adiuvare, et quo suo cum periculo, refert III, 41. Quo anxijs Corelliae causam contra C. Caecilium COS. designatum suscepit, narrat IV, 47, add. VI, 8, 3.

aequitatis modulo persequchatur II, 16, et IV, 10, redemptoribus remissiones ob sterilitatem faciens VIII, 2, et X, 24, 5. Munificus in primis (30), quod variis operibus ostendit. Templum enim Tifernatibus extruxit pecunia sua IV, 1, 5, et aedem Cereris in praediis suis IX, 39. Patriae sumptus partem in praecceptores publicos dedit IV, 13, 6, et ingenuis pueris alimenta annua constituit I, 8, 10. Etiam bibliothecam patriae publicam dedicavit, I, 8, 2; II, 5 (31). Praeterea in multos privatos admodum liberalis, in Curianum Cratillae filium, cui legatum remisit V, 1, 10, in Voconium Firmum, cui censum equestrem supplevit I, 19, in Martialem, quem viatico iuvit III, 21, 2, in Artemidorum philosophum, cui urbe excedere iusso, quae Domitiani saevitia fuit, pecuniam, qua opus erat, a locupletibus negatam ipse mutuatus, gratuitam dedit, III, 11, 2, in Quintiliani praecceptoris filiam, cuius dotem auxit VI, 32, in Corelliam, cui agrum minori pretio vendidit VII, 11, et 14, in Calvinam, cui patris debita remisit II, 4, 2 (32). His moribus (33) omnium bonorum benevolentiam conciliavit (34), Traiani in primis, apud quem gratia va-

(30) In causis agendis non modo pactione, dono, munere, verum etiam xeniiis semper abstinuit V, 14, 8.

(31) De sua in publicam rem liberalitate agit etiam V, 7, ubi undecies, hoc est, 55000 florenos Rhenanos se reipublicae contulisse, gloriatur. Sic prosocero, cuius heres futurus erat, publicam liberalitatem commendat V, 12.

(32) In Metilium Crispum, cui ordines impetraverat, et quadraginta millia nummum (2000 fl. Rhen.) ad instruendum se ornandumque donaverat VI, 25, 2: in Modestum, cui

libertatem dubie legatam ultro dedit IV, 10: in nutricem suam, cui agellum centum millium nummum (5000 floren. Rhen.) donavit VI, 3.

(33) Quos gloriae studio incitatos fuisse, non dissimulat VII, 33, (ubi Ciceronem suum imitatus fam. V, 12), conf. VI, 29, 3. Quam tamen ea in re moderationem adhiberi vellet, docet I, 8, 13, sq. Ceterum imperatoris quoque gloriae se studiosum ostendit praesertim X, 50.

(34) Quanti illum Corellius fecerit, explicat IV, 17, 8: esse, qui se imitentur, gaudet VI, 11.

luit (35), qua ad aliorum magis commoda, quam ad sua usus est (36). Multa enim multis impetravit, peregrinis ius civitatis X, 4, et 6; libertis ius Quiritium X, 4, et 105; Voconio Romano condiscipulo ius trium liberorum II, 13, 8, et senatoriam dignitatem X, 3, 2; Accio Surae praeturam X, 7, et aliis alia. Amicitiam cum optimo quoque coluit (37), etiam periculo suo III, 11, 2, sq. (38), maxime cum literatis et studiorum sociis, in quibus Tacitum primo loco, et prope unum habuit, quem e vivis aemularetur; quod paulo maior aetate erat, VII, 20, 4, quem etiam ingenio, doctrina, honoribus est assequutus; isque vicissim tanti Plinium fecit, ut libros suos emendandos ei crederet VII, 20, 1. Hi duumviri principatum in literis tenuere, ut una nominarentur, quum de studiis sermo esset VII, 20, 5, in hos coniectura ferretur si de doctis non nominatis esset ferenda IX, 23, 3. Ceterorum amicitiae epistolis illustratae sunt (39). Corpore fuit imbecillo et minus robustus, quod *corpuseulum* Traianus dixit X, 29, 1, et intentius causam orantem per libertum admonuit, ut lateri consuleret II, 11, 15. Aliquando lippitudine laboravit VII, 21, 1, honetissimis causis, lucubrationibus contracta, quibus et ceterae imbecillitates maiorem forte partem imputandae sunt (40). De morte nihil certo constat:

(35) Qui ipsum in consilium non nunquam adhibuit in cognitionibus; v. g. IV, 22, 1, et in rescriptis suis, libro decimo comprehensis, tractat amantissime.

(36) Tamen etiam ad sua: ut ad ius trium liberorum X, 2, ad auguratum X, 8, etc.

(37) Suum in laudandis amicis studium suavissime excusat VII, 28.

(38) Vid. ad proximam notam f

(39) Vid. Index hominum, cui intexuimus catalogum eorum, quibus inscriptae sunt epistolae.

(40) Aegrotasse illum etiam circa Nervae mortis tempus, apparet ex X, 21, 3, et gravissime quidem X, 4. Forte idem fuit morbus, in quo abstinentiam suam et moderationem probavit VII, 1, 4, sq.

simile autem vero habetur, per plurimum imperii Traiani tempus, aut paulo ultra, vitam produxisse (41).

(41) Certe inter epistolas eius, ut nulla habet characterem temporis prioris anno Plinii 36 (vid. Masson. h. a. §. 40), ita nec ulla recentior anno aetatis illius 55, certis indiciis deprehendi a Massono potuit. Ceterum, quoniam hic sumus, illud atiam adnotare iacundum est, quod nec annuli sui *δεσποσύνη* s. typum ignorare nos voluit, *quadrigas* X, 16, 3. Taudem illud forte huc referendum superest, librum octavum edi-

tum videri post nonum Massono XLIV, 3, nonum autem ipsum aliquo post sex priores intervallo editum, ad XLV, 2, colligit ex IX, 19, 4, coll. VI, 10, 4. Cetera, quae ad literariam epistolarum historiam pertinent, e Fabriciana Bibliotheca petenda sunt, cui quod adiciamus, in tanta praesertim Schwarziani operis expectatione, iam non hodie habemus.



## INSCRIPTIONES ANTIQVAE DE PLINIO

## I.

Comi in exteriori structura templi maximi.

(Nescio unde acceptam dedere editores a saeculo inde plerique).

C. PLINIO L. \* F. O. \*\* V. F. CAECILIO SECUNDO  
COS. AVG. CVRAT. TIBER.

\* *Lucii Filio*, quod probat Massonius prae aliorum C. sive Caii.

\*\* Sic vitiose dant pro ovv. quod est in aliis, hoc est, *Oxyfentina tribu*. Vid. Masson. I, 9.

## II.

In agro comensi ap. Gruter. p. 454, 5.

C. PLINIO L. F.  
OVV. CAECILIO  
SECUNDO. COS  
AVGV. CVR. ALV. TIB  
ER. ET. CLOAC. VRB  
PRAEF. AER. SAT. PRAEF  
AER. MIL. Q. \* IMP  
SEVIR. \*\* EQ. ROM  
\*\*\* LEG. III. GALL. XVIRO  
STL. IVV. FL. \*\*\*\* DIVIT. AVG  
..... RCELIENS

\* *Quaestori Imperatoris sive Caesaris*.

\*\* Hoc est, uni de sex turmis equitum Rom. praefecto. Vid. Masson. 22.

\*\*\* Supplendum TRIBVNO, volunt

Fabrettus inser. cap. V, pag. 411, et Massonus; quod Gudius voluisse dicitur lacato, forte non tam ita legi, quam suppleri voluit.

\*\*\*\* *Flamini Divi Titi Aug.* Masson. XIX, 4.

PLIN. Ep. Tom. I

## III.

MEDIOLANI in aede S. Ambrosii apud Grut. pag. 454, 3, et plenius 1028, 5, nec sine aliqua varietate, quae tamen fidei antiquitatis derogare non debet. Tabula lapidea in partes secta, et forma in sarcophagum, a posterioribus, lacunis et coniecturis occasionem dedit. Fundus quasi et substantia bona. Nempe priori loco sic :

C. PLINIUS C. • F. C. N.  
CAECILIUS. SECVNDVS  
COS. \*\* AVGV. LEGAT. PRO\*\*\*PRAET  
PROVINC. PONTI CONSVLARI PO  
TESTATE. IN EAM. PROVINCIAM. AB  
IMP. CAESARE. NERVA. TRAIANO  
AVG. GERMANICO MISSVS \*\*\*\*  
CVRAT. ALVEL. TIBERIS. ET. RIPAR  
PRAEF. AERARI. SATVRNI. PRAEF  
AERARI. MILIT. LEG. LEG. VI. GALLIC.  
X. VIR STLIT. IVDICANDIS

Posteriore loco eadem fere, hoc est, tenui modo, et quae descriptorum ingeniiis tribui possit, varietate; sed a versu penultimo et voce MILIT. sic pergitur :

QVAEST. IMP. SEVIR. EQVITVM.....  
TRID. MILIT. LEG. III. GALLICAE.....  
X. VIR. STLITIB. IVDICANDIS. THER. † .....  
ADJECTIS. IN. ORNATVM. H—S CCC.....  
AMPLIVS. IN. TVTELA. H—S. CC. T. F. I.  
ET. LIBERTORVM. SVORVM. NOMIN. H—S [XVIII] [LXVI] DCLVI  
REL. INCREMENT. POSTEA. AD. EPVLVM. FLEB. VRBAN. VOLVIT  
PERTIN. AMPLIVS. DEDIT. IN. ALIMEN. PVEROR. ET. PVELLAR  
FLEB. VRB. H—S.....  
IN. TVTELAM. BIBLIOTHECAE. H—S. C.....

\* Vid. ad Inscr. I, not. a. Et sic quoque apud Gruterum posteriore loco legitur, nempe L. F. OVF. CAECILIUS, etc.

\*\* Om. cos. Grut. p. 1028.

\*\*\* PROC. PR. Gruter. pag. 1028. vitiose.

\*\*\*\* Om. Grut. p. 1028.

† Haec ita supplet Akiatus in hist. Mediol. L. 2. *Thermus, adiectis in*

*ornatum aetertis tercentis, et eo amplius in tutela (f. tutelam) aetertis ducentis testamento fieri iussit. Reliquae viri interpretationes non sunt magni momenti, quas videre licet etiam apud Massonum. Et multum sane passim esse ultimam inscriptionis partem apparet. Operae pretium fuerit, eam cum archetypo, si adhuc exstat, iterum conferri.*

## TESTIMONIA ET IUDICIA

ALIORVM SCRIPTORVM VETERVM

MARTIALIS *lib. X, Epigram. 19.*

Nec doctum satis, et parum severum,  
Sed non rusticulum nimis libellum  
Facundo mea Plinio Thalia,  
I, perfer.

Posteriora epigrammatis verba noster epistola ultime libri III  
repetiit.

*Ponitur hic vulgo QVINTIL. XII, 10, 11.*

Hinc vim Caesaris, indolem Caecilii, subtilitatem  
Callidii, gravitatem Bruti, acumen Sulpicii, acerb-  
tatem Cassii, diligentiam Pollionis, dignitatem Mes-  
sallae, sanctitatem Calvi reperiemus. In his etiam,  
quos ipsi vidimus, (*sic est, non videmus, ut quidam  
dedere*) copiam Senecae, vires Africani, maturitatem  
Afri, iucunditatem Crispi, sonum Tracchalli, elegan-  
tiam Secundi.

Sed observavimus ad h. l. non *Plinium Secundum* hic lau-  
dari, sed *Iulium Secundum*, de quo X, 1, 120. Ibidem s. 122,  
ea dicit, quae ad Secundum nostrum vel maxime pertinent:

Haebunt, qui post nos de oratoribus scribent, magnam eos,  
qui nunc vigent, materiam vere laudandi. Sunt enim summa  
hodie, quibus illustratur forum, ingenua. Namque et consum-  
mati iam patroni veteribus aemulantur, et eos iuvenum ad opti-  
ma tendentium imitatur ac sequitur industria.

MACROBIUS *lib. V Saturn. cap. I.*

Quatuor sunt genera dicendi: copiosum, in quo Ci-  
cero dominatur; breve, in quo Sallustius regnat:

siccum, quod Frontoni adscribitur; pingue et floridum, in quo Plinius Secundus quondam, et nunc nullo veterum minor Symmachus luxuriatur.

SIDONIUS APOLLINARIS *lib. I. ep. 1.*

*Epistolas omnes, retractatis exemplaribus enucleatisque, uno volumine includam, Q. Symmachi rotunditatem, C. Plinii disciplinam maturitatemque, vestigiis praesumptuosis insequuturus.*

*IDEM liber IV, epistol. 3, ad Claudianum, Mamerti, Viennensis episcopi, fratrem, ut ex ep. 11 apparet.*

Si reare quemquam mortalium (cui tamen sermocinari latialiter cordi est) non pavere, quum in examen aurium tuarum, quippe scriptus, adducitur, tuarum, inquam, aurium, quarum peritiae, si me decursorum ad hoc aevi temporum praerogativa non obruat, nec Frontonianae gravitatis, aut ponderis Apuleiani fulmen aequiparem, cui Varrones, vel Atacinus, vel Terentius, Plinii vel avunculus vel Secundus, compositi impraesentiarum rusticabuntur.

*Eodem libro, epist. 22.*

Ego Plinio, ut discipulus, adsurgo.

Perpetuus enim imitator Plinii est Sidonius, ut doctissimus interpres Io. Savaro passim observavit.

*IDEM lib. VIII, epist. 10.*

C. Plinius pro Accia Variola plus gloriae de centumvirali suggestu domum retulit, quam quum Marco Vlpio, incomparabili principi, comparabilem paenegyricum dixit.

AVRELIVS CASSIODORVS in *Chronico*, sub *Traiano*.

CELSVS ET CRISPINVS. His consulibus Plinius Secundus Novocomensis orator et historicus insignis habetur, cuius ingenii plurima opera exstant.

(Recentioribus temporibus Secundus, qua civis, qua scriptor, iudicia expertus est satis severa, et quae eius *paucitudo* non sperasset. Alfieri quidem, clari apud Italos nominis scriptor, quid de Panegyrico senserit, in vulgus notum est. Burmanno ad Ovid. *Metamor.* XV, 848, Plinius dicitur aulicae assentationis princeps et pudendum posteris exemplar: Gierigio ad *epist. tom. II*, pag. 122, b. magnorum similis virorum, et in *argum. ad epist. XXXIII*, l. 7, similis Ciceronis. Ipse Gesnerus, sincerus ille virtutum eius admirator et praeco, in epistola ad I. A. Ernestium bonam partem Plinii scholasticam esse fatetur. De meo sensu si quid adiciere licet, non nego, me, a Tullianarum epistolarum lectione recentem, Plinianas fastidire; Panegyrici autem nihil propemodum legere posse, quin miseratione commovear hominis, cuius spiritus, si quos unquam habuit, temporum infelicitas adeo fregerat, ut, rebus in meliorem statum conversis, de principe bono vix aliter, ac vilissimum mancipium idemque astutissimum de domino truculento, loqui et scribere auderet. Sane facilius erat flosculos carpere orationis, quam magnanimitatem referre generosorum Romuli nepotum. S.)

NOTITIA LITERARIA  
DE  
PLINIO IUNIORE  
ET  
DE IPSIVS PANEGYRICO  
AD TRAIANVM IMPERATOREM  
QVOAD MAXIMAM PARTEM

EX IO. ALB. FABRICII BIBLIOTHECA LATINA, A IO. AVG. KARNSTI AVCTIVS EDITA,  
TOM. II, CAP. 22.

*I. Plinii Iunioris aetas.*

**C.** Plinius Caecilius Secundus<sup>1</sup> ex Novo Como Italiae Transpadanae oppido (IV, 30) Plinium Maiorem avunculum, Quintilianum (lib. 2, Ep. 14) et Nicetam Sophistam praeceptores habuit, disertissimus in foro causarum patronus: variis honoribus, iisque maximis<sup>2</sup>

1. A Iosepho Scaligero vocatur *C. Plinius Secundus Caecilianus*, nempe e vetere more; quia nomen *Caecilii* ante adoptionem fuerat. Vossius lib. I de Analogia cap. 7, putat, illum morem tum abolitum fuisse, falso: sed tamen in libris antiquis *Caecilius* dicitur. *Veronensem* appellat Beda, de sex Aetatibus, sive per errorem, sive propter avunculum Plinium, a quo fuit adoptatus: qui vulgo, sed male,

Veronensis habitus est, ut supra demonstratum est.

2. Cui consulari potestate in Bithyniam missus est a Traiano. Cf. Gruteri inscript. p. 454, et A. Pagi ad a. C. 69, num. IX. Etiam Consulem fuisse constat ex ipsius Panegyrico, in quo Traiano pro consulatu gratias agit. Traianus ei tertium suum consulatum a. C. 100 resignavit, ut praeter alios notatum Io. Lightfoot, p.

in republ. gestis, Imperatori Traiano carissimus obiit, non certum est quo anno; sed tamen mortuo deum Traiano. Vitam Plinii post Catanaeum, Lycosthenem, Rittershusium et Christophorum Cellarium, consignavit Sassius Gallicus interpres, et diligentissime Ioannes Masson, a quo scripta Plinii Vita et per annos digesta editioni Oxoniensi Epistolarum et Panegyrici a. 1703, 8 praemittitur, locupletiorque prodiit deinde separatim Amstelod. 1709, 8. Castigantur in hac vita nonnulla tradita ab Antonio Pagi in Critica Baroniana, et ab H. Dodwello in Annalibus Statianis et Quintilianeis, a quo et ipso viro praestantissimo Annales Plinianos exspectavimus. Ante *Ioannem Massonum* scripsit etiam, ac per annos et consules digessit *Iacobus De La Baune* S. I. praemisitque Plinii Panegyrico in usum Delphini illustrato (Paris. 1677, 4) tabellam, qua stemma Plinii et cognati eius exponuntur; vide sis in *Thom. Reinesii* Epist. 54 ad Rupertum p. 503. Sed legendus est etiam in primis illustris *Comes Rezzonicus*, *Disquisit. Plin. tom. I*, in princ. *Alexandrum I. Papam* sub Plinii iunioris et *Plutarchi* disciplina instructum fuisse in literis, nullo fide digno auctore traditur in *Prosperi Mandosii Bibliotheca Romana tom. II*, p. 207.

## II. *Epistolae.*

Exstant eius *Epistolarum libri decem*, quorum ultimus Epistolas Traiani et Plinii mutuas de rebus maxime publicis in provincia scriptas complectitur. Ante

† 55 aqq. Opp. postum. Videnda etiam *Norisius* in Epistola ad Antonium Pagiū T. IV Op. p. 777 et 785. Nam quod a *Dione* et *Cassiodoro* non com-

memoratur, emissa est, quod suffectus modo Consul fuit. Vide supra *Vitam Plinii*, pag. xlii.

sec. XII rarissima earum mentio. Vnus *Sidonius Apollinaris* eius epistolas commemorat, quas et imitari studuit: is vero *novem* tantum libros commemorat IX, 1, unde quidam librum decimum Plinio abiudicarunt: etiam Io. Mansionarius tantum *octo* memorat: sed *Sidonius* vel in Codice suo tantum novem libros habuit, ut qui exstant Codices scripti, tantum novem habent, vel eos libros tantum nominavit, quos ipse imitatus est; nam et epistolas suas in libros novem partitus est. Plinius quidem ipse videtur librum decimum separatim edidisse, quod in iis non ingenii laudem spectarat, ut in ceteris. Symmachus quidem et decimum librum habuisse videtur: nam novem libros scripsit imitatione Pliniana orationis, et ingenii causa, item ad privatos: Epistolas ad Imperatores libro proprio complexus est, eumque decimum fecit. — De inventis Epistolis Plinii v. Decembrium Polit. liter. p. 32. Is dicit inventas 124; nempe, ut opinor, super priores L. IX, easque adeo libri X, etsi in libris nostris sunt tantum 122. Verum in hoc libro variarunt MSS. ut post commemorabimus, quum de edd. dicemus. Vincentius Bellov. Spec. hist. dicit X, 67, epistolas Plinii ad Diversos trecentas reperiri. Hic quidem librum decimum non vidit. Sed opinionem de *voluix* libri X bene refellit Catanaeus, ut alios taceamus. Rectius alii librum singularem, et reliquis praeferendum putant. Ioannes Savaro ad *Sidonium* pag. 534: *Non est, quod ingeniosi verba Sidonii captent, et arguentur decimum Epistolarum librum ad Traianum spurium et supposititium esse. Plinio asserunt Iustinus Martyr, Tertullianus, Eusebius, Orosius, et reliqui. Verum ut longe diversi argumenti librum siugularem reliquis annumerare frustra duxit: nam quod ait Catanaeus, Sidonium sui seculi eruditione contentum*



*fuisse, nec Plinii librum habuisse intra armaria bibliothecae suae, hoc ineptissimum est: passim enim Plinium imitatur, ut notatum est suis locis accurate. Vignolius Marvillius tom. 3 Misc. Hist. literar. pag. 197: Le dixième livre des Épîtres du jeune Pline est le chef-d'œuvre de ce grand homme. Ses autres lettres ont de grandes beautés, et des agrémens singuliers pour les gens qui aiment les belles-lettres: mais celles-ci, qui regardent le ministère, sont incomparables, principalement quand elles se trouvent accompagnées des réponses de Trajan, qui leur apportent un grand lustre. Jamais rien ne m'a fait mieux concevoir ce que les Romains appellaient Imperatoria brevis, que ces réponses si brèves et si sages. Si les purs esprits se mêlaient d'écrire, ils n'écriraient pas autrement. C'est là le plus haut point de la perfection. Omnino aliter scribendum in causis publicis et ad principes, quam ad privatos, etiam quum ingenii causa scribitur; estque in illo genere nil perfectius exemplo Pliniano.*

Codices scripti Epistolarum Plinii plures adhuc exstant in bibliothecis. Nicolaus de Clemangis Epist. 38 ad Guntherum, scribit de Codice, quem viderit apud Bibliothecarium Pontificis max. cuiusque exemplum sibi fieri voluerit Pontifex. Sed illo tempore coepit saepius describi, ex eoque genere ac tempore sunt plerique, qui nunc reperiuntur. Florentinum Medicum laudat Nic. Heinsius ad Valerium Flaccum pag. 316, et in Epist. ad Io. Frid. Gronovium in Sylloge Burm. tom. III, pag. 358, seque eius lectiones plures excerpisse dicit ibid. pag. 536. Alius insignis commemoratur in Bibl. Hohendorf. P. III, pag. 235. Sed plures, ad duodeviginti, commemorat ill. Rezonicus, quorum et testimoniis subinde utitur in Disquisit. Plin. tom. I; quem adeat, qui velit, aut cui

opus sit de Codicibus talibus cognoscere. Addi possunt etiam, quae tradit Longolius in praef. ad Plinianam Cortii editionem. Notandum etiam, MSS. Codices non omnes libros habere: unde factum puto, ut edd. primae ne nonum quidem librum habeant. In Bibl. Bernensi est Codex, qui tantum libros quatuor habet et libri quinti priores: quem sec. XII assignat cl. Sinnerus in Catalogo.

Antequam progrediamur, quaedam monenda sunt de edd. vetustioribus, sicuti de numero librorum paulatim aucto diximus. Illud primum addendum, in editionibus illis, etiam Catanaei, librum octavum noni, et nonum octavi locum occupare. Causa est quod liber iste, qui nunc est octavus, post nonum inventus et additus est: nam in edd. quae octo libros habent, octavus est is, qui nunc nonus est. Enim vero revera librum octavum serius quam nonum a Plinio editum fuisse, disputat *Ioannes Masson* in vita Plinii pag. 164 seq. Eundem ordinem probavit *Gaudentius Merula* <sup>1</sup> in suis commentariis. De hiatu porro, qui in editionibus antiquioribus et codicibus MSS. post libri VIII Epist. 8 verba, *atque etiam navium patiens*, ita meminit Erasmus in censura Epistolae S. Hieronymo adscriptae ad Praesidium de cereo Paschali tom. V edit. Io. Marcianaei p. 146: *Vidimus in Epistolis Plinianis tot iam seculis pro una lectam, et ab eruditis pro una expositam, quam in medio decem intercederent Epistolae. Quod quidem ex uno duntaxat exemplari deprehensum fuit, sed adeo vetusto, ut aetate Pliniana scriptum videri posset: nam quis hoc*

<sup>1</sup>. Merulam in commentariis suis sequitur Catanaeus, notante Curando Mutiano Rufo Epistola CXVII, ubi refert, Merulam Mediolani veteres

scriptores enarrasse. Interpretem accuratissimum vocat Muretus XVI, 12, Var. Lect. ubi Epistolas a Plinio accuratissime scriptas celebrai.

*alioqui divinare valuisset?* Id videtur esse Aldinum vetus e Gallia: nam in Aldinis exemplis ille hiatus primum expletus est. Tertium est, quod Epistolae Plinii et Traiani in primis edd. h. e. quae primae habent eum librum, non habent eundem numerum: nam in hodiernis exemplis numerantur 122, in Aldinis et aliis 124, et ordo non est idem.

Inter epistolas nobiles sunt in primis primo, *de Plinio* maiori duae, quas e Codd. scr. egregie et constituit et illustravit illustr. *Rezzonicus* in *Disquis. Plin.* tom. I, L. IV, pag. 110 seqq. add. *Harduin.* in *Plinii sui* T. I pr. Post has eae, quae sunt *de Villis*, II, 17; V, 6. His recte intelligendis, quod plerisque sine figuris non datum est, non pauci operam suam attribueunt. Ex eo genere commemorandus primum *Andr. Felibien*, qui illas epistolas fecit Gallicas, cum figuris villarum ex sua opinione, et notis ex arte architectonica; Paris. 1698, 4; Amst. 1706, 12; Trev. 1725, 8; etiam in eius *Historiam Artificum, Pictorum etc.* illatas tom. VI, p. 118. Accessit et Itali *Scamozzi* talis descriptio, Italicae architecturae ita accommodata, ut illa Francicae. Post hos consulendus *Io. Maria Lancisius*, Archiater Pontif. M. in *Diss. de Pliniana villae alterius rud*eribus, Romae 1714, fol. ad calcem *Lud. Ant. Comitis Marsilii* de generatione fungorum, et in *Lancisii* operibus Genevae 1718, 4 editis, quo pertinet etiam *Hercul. Corazzi* Diss. Italice scripta super *Lancisii* animadversiones, Bonon. 1717, 4. Post hunc *Rob. Castellus* Architectus Britannicus in opere splendido, *the Villas of the ancients illustrated*, Lond. 1728, fol. Plinii epistolam utramque Anglice versam tum notis, tum figuris illustrat, usus inventis Felibianis, quibus facile fuit aliquid addere: sed meliora potuisset efficere, si ab *Lancisio* se exorari passus esset *Marcellus*

*Sacchetus*, et illorum rudera, quae ipse magis ut physicus, quam architectus, tractarat, ichnographiam accurate confectam edidisset. Librum Gallicum recentiore, *Délices de la maison de Toscane et de la maison de Laurentin*, par *Parfait*, 1736. 12, non vidimus. Sed apud nos, in Saxonia, ingenium suum his villis describendis et accuratius delineandis addixit, ante paucos annos Architectus clarus aulae Dresdensis *Krubsazius*, edita primum Germanica illius epistolae versione, deinde additis huic notis a. 176c, in Diario Gotschediano *de rebus novis in literis humanioribus*, videturque ille nobis multo propius ad veritatem accessisse, etiam paulo diligentiori latinitatis conservatione. In toto hoc genere difficile est artificibus aliquid perfecti efficere, vel quia non facile latinitatis, praesertim Plinianae, intelligentiam accuratam habent, vel si maxime habent, sique etiam auctor ipse architecturae peritus fuerit, et accurate expresserit omnia, tamen impediuntur hac difficultate, quod nulla talis res ita describi verbis potest, ut ex ea descriptione sola res pingi, vel alio modo figuris exprimi possit, ut in Varrone de Re R. et Vitruvio monuimus.

L. VII, Ep. 27, *de spectris* ad examen revocarunt Halenses in Bibl. nova Sect. 34, p. 176 s. ubi et responsio ad illam exhibetur sub *Gustavi Iansonii* nomine. Gemina narratio de Pythagorico Philosopho a Luciano ridetur, Philop. c. 11; v. et Falsteri *Amoenit. philos.* T. I, p. 139 s. et Huetiana, cap. 53.

Ad L. VIII, Epist. 8, commentarii vicem praebere potest *Alph. Cicarelli* opusculum de Clitumno fluvio Umbriae, editum Patav. 1563, et tom. IX *Thes. Italiae* a Burmann. editi.

Sed inprimis a pluribus tractata est L. X, Ep. 997, de Christianis, cuius Tertullianus in Apologetico,

Eusebius H. E. III, 13, Orosius, Paulus Diaconus, Syncellus, alique meminerunt, in qua Plinius ex Imperatore rogat, quomodo cum Christianis agendum sit, in quibus praeter inflexibilem obstinationem nihil supplicio dignum potuerit deprehendere. Epistola 98, respondet Traianus, conquirendos non esse, delatos autem et convictos, nisi Christiano nomini renuntiaverint, puniri oportere. Has duas Epistolas seorsim cum commentariis suis ediderunt Gerh. Io. Vossius Amstelod. 1655, 12, D. Christianus Kortholtus Kiloni, 1674, 4. Easdem illustravit Franciscus Balduinus in commentariis ad edicta veterum principum Romanorum de Christianis, Basileae ap. Oporin. 8, Conr. Rittershusius in Principe Traiano, Amberg. 1608, 8, Io. Tesmarus, Marpurg. 1681, 4, Io. Christophorus Artopoeus in Philologia loci Pliniani de cognitione instituta adversus Christianos, etc. Sed imprimis legendae *I. H. Boehmeri* Dissertationes Iuris eccles. antiqui in hanc epistolam, editae Lips. 1711, 8; add. *Sam. Petiti* de iure Principum edictis Ecclesiae quaesito, pag. 40. Similis argumenti Epistolam *Tiberiani*, Palaestinae primae Consularis, ad Traianum refert Ioannes Malala Chron. p. 356, et Ioannes Antiochenus in Excerpt. Peiresc. p. 818. Ex iisdem, ut opinor, Epistolis ansa data fuit sutoribus fabularum, ut duo crassissima figmenta excogitarent et nobis proderent, quorum unum in Lucii Dextri, sive sinistri tenebrionis potius, commentitio Chronico legitur, Plinium a Tito in Creta insula conversum ad fidem Christianam, septima Sextilis ad Novocomum martyrium obiisse, quod leges in Adversariis Pseudo-Luitprandi, p. 512, et Bivarius, p. 273, alio figmento probat, auctoritate nempe ementitorum *Titi actorum*, quae Zenas legis peritus, et Apostoli discipulus, cuius Paulus ad Tit. III,

meminit, in literas miserit. Hanc fabulam praeter alios explodunt Thom. Ittigius in diss. de Patribus Apostolicis, p. 101 seq. Marcus Zuerius Boxhornius in Hist. universali, p. 168 sq. cuius verba cum scholiis suis Iac. Thomasius suae Plinii Epistolarum editioni praemisit; Guil. Caveus in Vita Titi anglice scripta num. 9, et ex ipsis Catholicis Petrus *Halloix* ad vitam Ignatii 1 tom. illustrium Ecclesiae orientalis scriptorum, p. 423, Alterum commentum occurrit in Pseudo-Damasceni sermone de defunctis, pag. 424, in Pseudo-Luitprandi Adversariis, pag. 497, in Vita Gregorii M. a Ioanne Diacono scripta II, 44, in Glycae Annalibus, pag. 240, in Legenda 46 Iacobi de Voragine, Io. Sarisber. Policrat. V, 8, Vincentio Bellov. X, 68, et in Constantiensis Concilii reprobatione articulorum Io. Wiclefi art. 19 (ut alios iam omittam); quo dicitur Traianus Imperator in vitam revocatus precibus S. Gregorii I papae, veniamque peccatorum suorum impetrasse. Huius rei Apologiam scripserunt Alphonsus Ciacconius singulari diatriba, saepissime excusa, versa etiam italice (vide Iac. Echardi Bibliothecam Dominicanor. tom. II, pag. 345), Franciscus de Mendoza, lib. 2 de floribus sacris, Problemate 6, Alphonsus Salmero, tom. XIV, disp. 27, etc., sed eam fabulosam censent *Alphonsus Tostatus*, *Dionysius Carthusianus*, *Dominicus Soto*, *Franciscus Suarez*, *Rob. Bellarminus* et *Caesar Baronius* apud Georgium Calixtum de Bono perfecte summo, pag. 66, quibus adde *Blasium de Viega* et *Io. Becanum* apud Io. Gerhardum loco de inferno §. 63, Bernardum Bruscum Veronensem in redargutione historiae de anima Traiani ex inferni suppliciis liberata, *Possevinum* et alios apud eundem Confess. Cathol. pag. 246, edit. in fol. et apud Gisb. Voetium, tom. V, Disp. select. pag. 538 seq. *Gabrielem Nau-*

*daeum*, pag. 14 *Apologiae pro viris doctis Magiae* postulatis, *Leonem Allatium*, pag. 123 seq. de libris Ecclesiasticis Graecorum, *Natalem Alex.* Sec. 2, part. 1, pag. 113, *Paschasium Quesnellum* ad Leonem M. Diss. 1, pag. 285, *Halloixium*, tom. I, de Vitis illustrium scriptorum Oriental. p. 420 seq. *Dionysium Sammarthanum* in Hist. Gregorii M. et *Nic. Comnenum* in praenotionibus *Mystagogicis* e iure Canonico, *Io. de Nicastro* in Descriptione italice edita arcus triumphalis Beneventani Traiano positi, capite IV, etc. Gemina narratio de Dinocrate defuncto Perpetuae precibus ex poenis inferorum liberato reperitur in actis Perpetuae et Felicitatis a Luca Holstenio vulgatis: sed quam Theodoricus Ruinartus in Actis selectis Martyrum, pag. 89, 90, tantum abest, ut in dubium vocet, ut contendat egregium illum esse locum ad probandum, mortuos posse a poenis, quas patiuntur, per vivorum preces liberari.

### III. *Panegyricus.*

Ex variis orationibus, quas in demonstrativo et iudiciali genere Plinius composuit, solus exstat *Panegyricus Imp. Traiano dictus*, quum ab eo Consul designatus esset a. V. C. 856, a. C. 103. Hanc praestantissimam orationem, cuius ipse lib. 3, ep. 18 meminit, ad nos pervenisse bene est, vel propter historiae cognitionem. Nam licet primores tantum duos Traiani annos attingit, tamen, Plinio si careremus, etiam illos cogeremur maiorem partem ignorare, quum et *Suetonius* atque *Tacitus* quae de illo sive scripsere sive moliti sunt, nusquam exstent, et quae de Traiano prodiderat *Dio*, τὰ κατὰ Τραϊανὸν iam Xiphilini et Suidae temporibus fuerint desiderata, sicut periere etiam

*Marius Maximus, Fabius Marcellinus, Aurelius Venis* ac *Stattius Valens*, a quibus traditam Traiani vitam testatur Lampridius in Alex. Severo, cap. 49. Perit etiam poemā, quod de bello Traiani Dacico graecis versibus scripserat *Caninius Rufus* teste Plinio, VIII, 4 Epist. Est vero etiam ad eloquentiam admodum utilis. Nam etsi verum est, quod viri elegantes iudicarunt, eum nimis indulgere ingenio, et captare acmina: tamen non habemus alium latinum oratorem, ex quo rectius disci possit modus laudandi viros magnos, delectu eventorum, actionum, etc., eorumque exornandorum per locos communes, sententias, etc.

Exempla scripta huius Panegyrici quaedam enarrat *Christianus Gottl. Schwarzius* ad calcem editionis suae; item editiones eius ex ordine temporis, tum eas, in quibus iunctus est Epistolis aut Panegyricis caeteris, tum, quae eum separatim exhibent. Epistolarum quidem editio, quae eum adiunctum habet antiquissima videtur Germanica illa epistolarum s. l. et a. quam inter edd. commemoravi: Panegyricorum autem ea, quae Mediolani per Fr. Puteolanum facta est 1477, 4. Editiones utriusque generis, item eas, quae solum Panegyricum habent, ex ordine temporis enumerat, additis etiam suis observationibus, idem *Schwarzius* l. c. pag. 733. seq. Iam hoc per se intelligitur, quicumque hunc Panegyricum epistolis iunctum ediderint, si epistolas notis illustraverint, eos Panegyrico eandem operam navasse, ut *Catanaeum*, *Gruterum*, *Hearnium*, *Cellarium*, *Gesnerum*, etc.



IV. *Plinii scripta deperdita.*

Multa vero alia scripsit Plinius, ut libros *de Helvii ultione*, quorum mentio VII, 30; IX, 13; et *Orationes*, e quibus ipse laudat *Actionem pro Accia Variola* VI, 33, e qua Sidonius VIII. 10 Epist. ait, eum plus gloriae de centumvirali suggestu domum retulisse, quam quum M. Vlpio (Traiano) incomparabili Principi comparabilem panegyricum dixerit: *Orationem ad municipes suos*, quum bibliothecam dedicaret, I, 8 et II, 5. Varia itidem lusit carmine, tam graeco, quam latino, de quibus vide VII, 4. Sed illa omnia pridem interciderunt.

Quanta cura et diligentia in scribendo usus fuerit, ipse auctor est, VII, 17, ad Celerem: *Nullum emendandi genus omitto: ac primum quae scripsi, ipse pertracto, deinde duobus aut tribus lego, mox aliis trado annotanda, notasque eorum, si dubito, cum uno rursus aut altero pensito, ac si quid mihi credis, tunc acerrime emendo; nam tanto diligentius quanto sollicitius intendo . . . . Cogito quam sit magnum, dare aliquid in maius hominum, nec persuadere mihi possum, non et cum multis et saepe tractandum, quod placere et semper et omnibus cupias.*

V. *Liber de Viris illustribus, et Altercatio cum Hadriano Imp. male tributa Plinio.*

Saepius quoque etiam in edd. antiquissimis sub Plinii nomine lucem vidit *liber de Viris illustribus*: sed ille auctorem habet Aurelium Victorem, ut infra libro tertio videbimus. Neque *Altercatio cum Hadriano Imp.* sive responsa ad interrogata Hadriani, sunt Plinii Secundi, uti in edit. Monasteriensi a. 1597 in-

scribuntur, sed *Secundi* sophistae Atheniensis, quem *Epithyrum* vocatum esse legitur apud Philostratum, lib. 1 de Vitis Sophistarum, p. 543, ubi ἐπίθυρον, h. est *subscudem* sive *clavum ligneum* scribendum, recte ex Suida monuit Holstenius et Bochartus. Apud eundem Suidam perperam legas, hunc ipsum Secundum sophistam Plinium cognominatum esse. Sed utique scripserat Suidas, ὃν ἔχουσιν Πλίνος. De hoc Secundo dictum lib. II Biblioth. Graecae cap. 13, p. 502 sq. et lib. VI, cap. 10, T. 13, p. 564, ubi eius responsa sive sententiae editae. In Bibliotheca Bodleiana exstant anglosaxonica dialecto quaestiones et responsiones inter Hadrianum et Ritheum, sub quo monstro nominis Epictetus latere videtur. Memorat Catalogus MSS. Anglosax. in tomo 2 Thesauri linguarum septentrionalium Hickesiani, p. 93.

Plinii huius fere aequalis fuit *Iulius Secundus* orator, cuius elegantiam celebrat Quintilianus, XII, 10, et X, 1. De eodem consulendus auctor de Causis corruptae eloquentiae. Nescio an diversus *Secundus* orator, quem Othoni Imp. ab epistolis fuisse, narrat Plutarchus in Othone, pag. 1070 E. Alius fuit *Carinus Secundus*, rhetor, quem Caligula in exsilium egit, quod exercitii causa in tyrannos declinasset, teste Dione, lib. LIX, pag. 656; *Saturninus Secundus*, de quo Valentinus ad Sozomeni VI, 3. Alius item *Secundus Salustius*, de quo Ammianus XXII, 3. Ceterum admodum frequens priscis Romanis, a numeris nomina imponere. Sic *Prima*, Romuli filia. *Marcus Primus*, praefectus Macedoniae, occurrit apud Xiphilinum Augusto, pag. 71, et Dionem, LIV, pag. 522. *Primus* episcopus Alexandrinus, et alius Corinthius ap. Eusebium, IV, 1 Hist. et 4, et 21. *T. Caesius Primus* in voto ad Fortunam Praenestinam apud Petrum Pi-

thoenum, lib. IV veterum Epigrammatum. *M. Vnicus* poeta elegiarum scriptor apud Martialem, XII, 43. *Primulus* martyr, T. II Act. Sanctor. 10 Maii, pag. 551. *Primus* presbyter, ibid. p. 497. *Prima* mater Maximi Pupieni Imp. S. *Prima* culta Carthagine, de qua Procopius, VI, 5, de aedificiis Iustiniani. *Primanius*, ad quem rescriptum Gordiani Imp. *Primigenius*, ad quem rescriptum Carini et Numeriani. *Protus*, ad quem S. Damasi carmen XXVII. *Protogenes* Grammaticus, et alius pictor, de quibus in Bibl. Graeca. *Tertii* amanuensjs sui meminit S. Paullus Rom. XVI, 23. *Tertia* Bruti, Ciceronis ioco notissima: altera Paulli Aemilii apud Plutarchum, p. 260, et Cic. I, 46. *Tertia* Verris, de qua Cicero Verrina V, c. 12. *Tertulli* etiam huc spectant, et *Tertulliani*, ac *Tetradii*, *Pentadique*. De *Quarto* quodam consulenda Martyrologia, 3 Nov. et Bivarius ad Pseudo-Dextrum, p. 103. *Iulii Quartilli* mentio in vetere inscriptione apud clariss. Valeriani *Mémoires de Trévoux* a. 1708, p. 1095. *Quartus* et *Quintus* martyres, T. 2 Act. Sanctor. Maii, p. 555. *Quinti*, *Quintilli*, *Quintillae* passim occurrunt, uti *Sexti* quoque, de quibus Reinesius in syntagmate subscriptionum veterum, p. 847, et *Sextilii*, *Sextimii*, *Septimii*que, et *Sextus Annalis*, de quo iocus Tullii apud Macrobius, VI, 1; neque *Octavio*rum obscurum nomen. *Septimae* etiam cuiusdam mentio apud Ciceronem, IX, 10, ad famil. ad quem locum Paullus Manutius annotat, filias haud raro ab ordine nascendi appellatas, *Primam*, *Secundam*, *Tertiam*, *Tertullam*, etc. De *Tertia* *Quartus* memorat Paulo Apostolo Rom. XVI, 23. *Quintus Septimius* philosophus, ad cuius sectam transiisse L. Crassitium refert Suetonius de Grammaticis, c. 18. *Quarta*, *Tertulla*, *Quinta*, *Decima* Ezechiel Spanhe-

mius de usu numismatum, T. II, p. 40 sq. Tertullianus quoque lib. de anima, c. 37, inter Deas puerperis cultas *Nonam* et *Decimam* cum *Alemona* et *Lucina* commemorat. De *Nono* medico dictum libro VI Bibliothecae Graecae. *Decimē* magis etiam obvii, et pro undecies mille Martyribus <sup>1</sup>, quas *Vrsulae* socias ferunt, nonnulli eruunt *Vndecimillam* martyrem pro qua *Ximillam* nescio quibus rationibus praeferunt nonnulli, *Δωδεκάτης* meretricis nomine Comoediam scripserat Philyllius, teste Suida. Sed missis hisce, institutum nostrum persequamur.

1. Similem traditionem de his simile virginibus, Chosrois persecutionem veritis, quae in flumen se praecipites

dedere, ex Zachariae Rhetoris historia ecclesiastica refert Assemanus tom. II Bibl. Or. pag. 62.

## INDEX EDITIONVM

## C. PLINII

AVCTOR FABRICIANO

ET IN QVINQVE AETATES DIGESTVS

Recensente ANT. ALEX. BARBER

AETAS I. 1471—1508. Quam bipertitam facimus :

<sup>1</sup> *Corboniana* a Ludov. CARBONE, editionis principis Epistolarum s. Venetae I an. 1471 curatore, quam excipiunt *Neapolitana* 1476, cura Iuniani Maii, et quae cum ea consentit *Germanica* s. l. et a. Mediolanensis epp. 1478, et *Tarvisina* 1483. <sup>2</sup> *Pomponio-Beroaldina* 1490—1506, in qua libris VII epistolarum succedere coepit novus VIII, ita ut qui prius habebatur VIII, nunc esset *novus*, primum in edit. *Romana* Pomponii Laeti 1490, dein *Bononiensi* Io. Iucundi Veronensis a Beroaldo recensita 1498 et *Tarvisina* eiusd. anni, tum in *Beroaldina* s. *Veneta* II, 1501, quae iam adiunctas habet epp. Plinii ad Traianum (sed et Hier. Huanthinus allatas e Gallia industria Petri Leandri descriptas epp. ad Traianum a se castigatas Veronae publicaverat, et Beroaldus easdem, prout a Io. Iucundo in Gallia descriptae erant, denuo edidit, quae edd. 1498 et 1501 superadderentur: unde ab an. certe 1502 auctor prodiit Plinius per ed. *Veronensem* s. Io. de Tridino), et Mediolanensi an. 1506 Io. Mariae Catanaei, qui commentarios adiunxit suos, et ex cipp. ad Traianum fecit

*decimum*, una cum Panegyrico in Traianum, atque sic praeiit *Aldo Manutio*, aetatis II principi.

*Panegyricus* Plinii in Traianum, primum editus a Franc. *Puteolano*, certe ante an. 1477 inter Panegyricos XII, mox accessit ad epistolarum edit. <sup>1</sup> Germanicam s. l. et a. Neapolitanae filiam. <sup>2</sup> Beroaldinam an. 1501. <sup>3</sup> Io. Mar. Catanaei 1506, an. 1510 repetitam, <sup>4</sup> Aldinam 1508.

1471. S. l. et typographo (*Venetiis*) fol. *Caii Plinii Secundi Novocomensis oratoris facundissimi epistolarum libri octo*. Cf. Maittarii Ann. typ. T. I, pag. 302, qui refert editorem in praefatione his usum verbis: *Ludovicus Carbo Sal. Plu. dicit Illustrissimo et Excellentissimo Principi Borsio, duci Mutinae ac Regii, Marchioni Estensi, Comitique Rodigii. Gratulari licet saeculo nostro, Dive Borsi, Dux praestantissime; in quo certe optimarum Artium studia maxime florent; eloquentiae et legitima illa eruditio suum tandem decus agnoscat; in pristinaeque dignitatem restituta sit, adeo late pateat Romana et Graeca facundia, ut iam et Galli et Britanni bonos Oratores, et Poetas habere videantur: ad quam quidem rem commodissimum adiumentum praestiterunt nobilissima Germanorum ingenia, qui artificiosissimas imprimendorum librorum formas excogitarunt, ut sapientissimorum Auctorum plurima simul eodem temporis momento Volumina in promptu essent; omnesque utilissimi Codices et in magna copia et in leviori sumptu parari possent. . . . Imprimisque has Plinii Secundi Iunioris Epistolas opera mea emendatas correctasque impressoribus misi, ut quod rarissimum esse solebat, iam commune omnibus fieri incipiat.*—Iam ille Lud. Carbo Venetiis fuit, et libros prelis typographorum accommodavit (ut Ciceronis Orationes Cri-

stoph. Valdarferi officinae eodem anno 1471,) unde, hanc editionem Venetiis et apud eundem typographum factam esse, recte colligitur.

1476. *Neapoli*, fol. *Plinii Epistolae*. In fine: *Neapoli, millesimo quadringentesimo septuagesimo sexto, mense Iulii. Impressit Matthias Moravus vir singulari ingenio et arte; recognovit Iunianus Maius Parthenopaeus rhetor publicus summa cura summaque diligentia*. Cf. Maittar. l. c. pag. 361. In omnibus conformis est editioni Germanicae s. a. et l. teste Ernestio. Excerptis ex ea usus est Longolius.

S. a. et l. editionem in Germania factam, quum primum ars typographica iuventa est, refert cl. Ernesti in bibl. Lat. auctiori tom. II, pag. 411, cuius ipse exemplum, aut saltem repetitionem habere se dicit, quamque omnium primam putat. Is liber habet tantum *libros octo* Epistolarum cum *Panegyrico* dicto *Imp. Nervae*, ut ibi legitur. Nos eam coniicimus, quod ad cyp. attinet, filiam Neapolitanae, quippe quacum convenit, eamque Lipsiae editam.

S. n. anni, loci, et typographi, sed haud dubie *Mediolanensis*, 4. *Plinii Panegyricus*, inter duodecim *Panegyricos veteres* a *Franc. Puteolano* editos. Quam quidem editionem Arntzenius et Schwarzius ad annum 1476 referunt, unde etiam hic annus exemplo in Catal. Bibl. Ernestianae p. 182 n. 2737 adscriptus sit; sed argumentis probabilibus vindicat Saxius in Hist. lit. typ. Mediol. ad annum 1482. Certe Ioannes Galeacius, cuius natales incidunt in annum 1469, *Franc. Puteolano* in praefatione ad *Iac. Antiquarium* dicitur *nunc primum pubescens*; quod minime quadrare videtur in annum 1476. Praeter *Panegyricos* veteres hac editione etiam continetur *Iul. Agricolae*

vita per Corn. Tacitum, et Petronii Arbitri fragmentum. Vsus est ea cl. Arntzenius.

S. a. et l. et typogr. nota, 4. *C. Plinii Secundi Novocomensis Panegyricus Traiano dictus, et ceteri XI Panegyrici Latini veteres* (qui in prima tabula designantur) *Franciscus Puteolanus diligentissime recognovit. In fine: Panegyrici XII finiunt, a variis auctoribus editi. Cum gratia et privilegio.* Vid. Cat. Bibl. Bun. tom. I, vol. I, pag. 255. Quamvis haec editio neque praefationum Puteolani, neque cetera opuscula, superiori editioni adiecta, complectatur, contextum tamen Panegyrici Pliniani ad amussim refert. Cl. Schwarzius eam adhibuit in sua ed. Hambergero l. c. p. 253 videtur *Mediolani* facta.

1477. *Mediolani, 4. Panegyrici Latini veteres: Petronii Arbitri Satyricon; et Ephemeris Dictys Cretenensis, cum epistola Maselli Beneventani ad Bartholomaeum Chalcum, Ducalem Secretarium, ante Dictyn praemissa.* Sic legitur ap. Maittari. Ann. typ. tom. I, pag. 374. Refertur etiam in Cat. Bibl. Harleian. t. IV, pag. 542. Praeterea nemini memoratur huius anni editio. Verosimile autem est, hanc ed. eandem esse cum prima Puteolani; ita ut Maittarius confuderit Panegyricos cum Dicty, qui quamvis in idem volumen compactus, ab illis separandus erat, et ad quem solum referenda anni et loci subscriptio: vid. Hamberger l. c. pag. 252.

1478. *Mediolanensis* I, fol. Epistolarum. per *Phil. de Lavagnia*, Mediolanensem.

1483. *Tarvisii, 4. Epistolarum.* per *Io. Vercellium.* In fronte titulum deest, sed in fine legitur: *C. Plinii Secundi Novocomensis oratoris facundissimi epistolarum liber octavus et ultimus explicit. Finis. Impresum quidem est hoc opus Tarvisii per Magistrum Io.*



*Pertellium. Anno salutis MCCCCLXXXIII.* Cimentum hoc servatur in Bibl. Archipalatina Manhemii, cuius praefectus, vir clarissimus *A. Lamey*, nobis hanc notitiam submitit.

1490. *Romae, 4. Epistolarum.* per *Eucharium Silber*, alias *Franck*, natione Alemannum, curante *Pomponio Laeto*; qui in Epist. dedicatoria ad Varinum Gamberium, Innocentii VIII Pontificis ministrum a cubiculo, collatis a se et revolutis vctustis exemplaribus emendatas Plinii Epistolas testatur. Ea Editio libros novem habet, forte prima. cl. Ernesti eius exemplum habuit, cuius vetus possessor habuit librum scriptum; quod patet ex iis, quae in fine adscripsit: *In Codice Caecilii antiquo multae dictiones erant scriptae per u, quas moderniores exarant per o, ut sorures, dolures, principes et mancupes, ad evitandam sequelam earundem vocalium; item honus, cohopto, haspirata (uti debent), erant et alia pleraque, quae bonarum literarum cultores calluere, ut sunt, sulla, subulla, adulescens, epistula, subolcs, eidus, etc.* Sub erratis typogr. monuit, non omnia notata esse, idque vult pace *Pomponii praeceptoris sui dictum esse.* In margine ex eodem Codice quaedam adscripta erant. Vid. Bibl. Lat. tom. II, p. 412. Hac editione non usi sunt editores. Lectiones eius plures notavit Hcusingerus.

1498. *Tarvisina II Epistolarum:* Fabricio memoratur.

1498. *Bononiae, 4. C. Plinii Epistolae,* a *Iucundo Veronensi* Ord. Praed. ad MS. Parisiensem emendatae, et a *Beroaldo* recensitae. Bonon. Per Benedictum Hectoris Bononiensem. Cf. Maittar. l. c. pag. 662.

1501. Huic ed. epistolarum annexendae veniunt, postea inventae et à *Beroaldo* separatim credo primum an. 1501 publicatae Venetiis, et instar Bono-

niensis editionis repetitae Plinii ad Traianum, et Traiani ad Plinium Epistola: Plinii Panegyricus, Benedictus Hectoris *Bononiensis impressit*, 4. Curatum enim esse hunc libellum singularem a Phil. Beroaldo, testis est *Catalogus bibl. Reg. Belles-Lettres* tom. II, p. 109. Neque igitur hanc accessionem separandam duximus a suo principali, quod alii adhuc fecere. Vid. *Maittaire Ann. Typogr.* tom. II, p. 157, et *Hamberger* tom II, p. 51.

1501. *Veneta* II, 4. Quae in isto continentur opusculo: *C. Plinii iunioris Epistolae per Philippum Beroaldum emendatae; et unus est adiunctus liber* (scil. IX) *qui in aliis supp. impressis minime continebatur: etiam eiusdem auctoris Panegyricus in laudem Traiani Imperatoris dictus; et de viris illustribus libellus.* Sic in fronte libri. In fine: *Impressum Venetiis per Albertinum Vercellensem anno ab Incarnatione Domini M<sup>o</sup>CC<sup>o</sup> die XX Aprilis.* Praemittitur *ad clarissimum Ioannem Wartimbergensem Scholasticum Boëmun Philippum Beroaldi Bonon. Epistola.* Illi quidem Beroaldus imitationem styli Pliniani maximopere commendat; nihil autem in formula dedicationis. assert neque indicat, unde textum habuerit. Servatur in bibl. Archipalatina Manh. Ad hanc ed. spectat tanquam supplementum seorsim editum, 4: *C. Plinii ad Traianum Epistolae XLVI nuper repertae cum eiusdem responsis.* Sic est in *Catal. bibl. Harleianae* vol. IV, p. 546 n. 10724.

1502. *Veronae*, 4. Io. de Tridino, qua usus est Cortius.

1502. Etiam ad hanc editionem accessere, quae essent Liber X, Plinii iunioris ad Traianum epistolae. *Hieronymus Huautinus*, cuius praefatio dedicatoria ad *Bernardum Bembum* (patrem P. Bembi Card.)

praetorem Veronensem (et auctorem monumenti Alighero Danti Florentino Veronae positi auctorem) in ed. Cortio Longoliana p. 1 praemissa legitur, profitetur, se Plinii iunioris epp. ad Traianum Patri Leandri industria ex Gallia adlatas, licet mancas depravatasque, pro virili sua castigasse. Sed Longolius cursum literaria attingens, ne quidem annotat unde hanc praef. mutuatus sit s. Cortius s. ipse.

1502. *Lipsiae*, 4. Plinii iun. epistolae quaedam breviores Liptzk. memorantur in Catal. bibl. clar. Ernesti 1782 divenditae p. 182 n. 2735, recusae ibid. 1519.

1503. *Aldina*, ad cuius marginem a Nic. Heinsio lectiones membranarum Medicearum una cum ipsius coniecturis adscriptas et a P. Burmanno transmissas Cortio refert Longolius, procul dubio ex mendo 3 pro 8 nata, adeoque nulla est.

(1504. *Aldinam* quae, pariter a mendo in edit. Fabricianae Bibl. Lat. etiam in edit. eius Ernestina redeunte, quasi per traducem ad sequiores literatores venit, sed nemini visa est, merito reiicimus, ut adeo Aldina I sit illa anni 1508, quam principem facimus aetatis II.) Cf. Freytagii Adp. liter. tom. III, ad n. cxxcxi p. 1554.

1506. *Mediolan.* II, Catanaei I, fol. C. Plinii Caecilii Secundi Epistolae et Panegyricus, Traiano Aug. dictus, cum commentariis Io. Mariae Catanaei, impress. Mediolani apud Alexandrum Minutianum, anno salutis MDVI, XV Calendis Februarii. Priores novem libros Epistolarum Catanaeus inscripsit Praesidi Gratianopolis ac Mediolani, Iafredo Carolo, iuris civilis et pontificii prudentissimo: librum decimum Epp. ad Traianum Imp. dedicavit Ambrosio Mayno; Panegyricum autem Eminentissimo Prin-

*cipi, Io. Iacobo Trivultio, militiae Gallicae moderatori.*

# AETAS II, CATANAEO—ALDINA.

1508 — 1540 — 1581.

Quamvis enim Io. Maria *Catanaeus* praeiverit Aldo an. 1506 in edendis X libris Epp. cum Panegyrico et Commentariis suis, ac pluries dein repetitis sit *Venetis* 1510, 1519, Parisiis apud *Badium* 1533, denique correctior *Basil.* ex Frobeniana 1552; Aldus tamen Manutius ipsum innox vicit et in emendandis, et integrandis Plinii epistolis ex cod. antiquissimo: in quibus quid praestiterit, indicat tum editi primum a se an. 1508 Plinii titulus, tum ipse in praef. Filias peperit Aldina I, *Parisinam* forte 1510, et *Argentoratensem* I Schureri, cui praefatus est B. Rhenanus, 1514, et *Iuntinam* 1515, et *Lovaniensem* 1516. Ipse dein Aldus emendatiorem II fecit, 1518, quam imitantur et *Argentor.* II, 1521, *Cratandrina* I, 1521 et II 1526, cum filiabus *Lugdunensi* 1529, itemque *Parisina* Robert. *Stephani* 1529, et *Gryphianis* I, 1531 et II, 1539. Novam Aldinae ad MS. Rud. Agricolae recognitionem dedit Io. *Sichardus* Ictus et Criticus quamvis in Aldum iniquior, MSto Agricolae usus an. 1530, rec. Antverp. 1532 et *Basil.* 1542, et Seb. *Gryphius* a viris doctis adiutus 1542, 1547, 1551. Repetita s. potius restituta est illa Catanaei ap. Frobenium *Basil.* 1552. Vicit tandem H. *Stephani* cura, quae novae actatis principium faciet.

*Plinii Panegyricus*, qui inter ceteros splendet, velut luna inter ignes minores, non tam ab Aldo illustrior factus est, quam cum sociis a Io. *Cuspiniano*,

subministrante eius ex fratre nepote Georgio, Viennae 1513. Sed editores Plinii totius l. Aldi, l. Catanaei lectionem sequuti sunt. Iuntina, cui praefuit Io. Franc. Zeffus Aldinam correxit. Panegyricos ex *Rhenani* ingenio emendatiores edidit Io. Frobenius typogr. Basil. 1520, quo anno Iac. Locher cogn. Philomusus unum Plinii Paneg. cum edd. Puteolani et Beroaldi denuo contulit *Norimbergae* editum. Io. Sïchardus, Plinii editor laudatus 1542, in titulo Panegyricum quidem ad vetustissimum exemplar emendatum, sed scriptumne fuerit an excusum illud, haud indicat, pulchre tamen et modeste lectionem correxit; pariterque Gryphiana III sub idem tempus emendata est. P. Navius Panegyricorum editor in Gryphiana Veneta 1576 lectionem Puteolani et Aldinam corrigere studuit, nullius MS. auxilio praeter impressos libros usus. Neque H. Stephanus, Plinii editor novus 1591, aequè in Panegyrico, ut in epp. emendando versatus est. Quare demum 1599 Io. Livineius, Belga, novae aetatis auctor in edendis Panegyricis habeatur.

1508. *Veneta* III, 8. *Aldina* I. *Caii Plinii Secundi Novocomensis Epistolarum libri decem*, in quibus multae habentur epistolae non ante impressae. Tum *Graeca correctae*, et suis locis restituta, atque reiectis adulterinis, vera reposita. Item fragmentatae epistolae, integrae factae. In medio etiam epistolae libri octavi de Clitunno fonte non solum vertici calx additus, et calci vertex, sed decem quoque epistolae interpositae, ac ex nono libro octavus factus, et ex octavo nonus, idque beneficio exemplaris correctissimi, et mirae, ac potius venerandae vetustatis. Eiusdem Panegyricus Traiano Imp. dictus. Eiusdem de viris illustribus in re militari, et in administranda Rep. Suetonii Tranquilli de claris Grammaticis et Rhetoribus. Iulii Obsequentis prodi-

*giorum liber. Epistolae decimi libri ad Traianum probantur esse Plinii in sequenti epistola. Inibi etiam liber de viris illustribus, non Tranquilli, sed Plinii esse ostenditur. Venetiis in aedib. Aldi et Andreae Asulani soceri, mense Novembri. — De hac sua editione ipse Aldus testatur in epistola ad Aloisium Mocenicum, senatorem Venetum, praesto sibi fuisse membranas scriptas, adeo diversis a nostris characteribus, ut nisi quis diu assueverit, non queat legere. . . . Est volumen ipsum non solum correctissimum, sed etiam ita antiquum, ut putem scriptum Plinii temporibus. . . . Tibi in primis habenda est plurima gratia, inelyte Aloisi, qui exemplar ipsum epistolarum reportasti in Italiam, mihiq; dedisti, ut excusum publicarem. Deinde Iucundo Veronensi . . . quod easdem Secundi epistolas ab eo ipso exemplari a se descriptas in Gallia diligenter, ut facit omnia, et sex alia volumina epistolarum partim manuscripta, partim impressa quidem, sed cum antiquis collata exemplaribus, ad me ipse sua sponte . . . adportaverit, idque biennio ante, quam tu ipsum mihi exemplar publicandum tradidisses . . . Libellos de viris illustribus, ut correctiones exirent in manus literatorum, Io. Bapt. Egnatius, vir in utraque lingua eruditissimus . . . mecum accurate quidem, sed cursim, quod parum daretur otii, recognovit. Addito etiam Iulii Obsequentis libro de prodigiis, quem mihi Iucundus . . . dono dedit, ut una cum aliis in hoc volumine imprimendum curarem.*

1510. Venetiis, fol. Catanaei II. C. Plinli Caec. Sc. Epistolarum libri novem. Eiusdem Plinii libellus epistolarum ad Traianum cum Rescriptis eiusdem Principis: Eiusdem Panegyricus Caesari Traiano dictus, cum enarrationibus Io. Mariae Catanaei. Impress. Venetiis per Ioannem et Bernardinum Fratres de Li-

sona *Vercellenses*. Anno Domini MCCCCCX, die decimo Quarto Decembris. — Convenit haec editio Veneta cum antecedente Mediolanensi 1506, teste Schwarzio; nisi quod emendatio erratorum typographicorum; quae calci primae editionis erat adiecta, in ipsum contextum editionis secundae, suis quaeque locis, sit recepta.

1510. *Parisits*, 8. Forte repetita ex Aldina.

1513. *Viennae Pannoniae*, 4. *Panegyrici variorum auctorum et declamationes nonnullae perquam eruditae, hactenus non impressae* (ex recensione I. Cuspiniani). In calce libri: *Impressa sunt haec Viennae Pannoniae, opera Hieronymi Philovallis et Ioannis Singrenii, sodalium. Impensis vero Ioannis Metzger, Bibliopolae. Georgio T. Collimitio Gymnasii moderatore, quarto Idus Martias. Anno MDXIII, imperante Maximiliano P. F. Aug.* Complectitur haec editio Panegyricum Plinii et XII alios veteres Panegyricos. Addita sunt his quaedam ex *Livii* libro tricesimo quarto de lege Oppia; et tres Declamationes incerti auctoris contra legem, qua mulieribus auri et argenti usus interdicebatur, ad Nic. Perottum Pontif. Sypontinum, provinciae praesidem. Quam *ἐξδοται* prorsus eximiam, neque facile obviam, non ipse curavit I. Cuspinianus, sed ex eius schedis nepos ex fratre Georg. Cuspinianus edidit. Usus est ea Christ. Gottl. Schwarzius.

1513. *Argentor.* 4. Epistolarum libri XII. Sic memoratur in Catal. librorum venalium in aedibus Matth. Fontaine bibliop. Manhemii 1779. pag. 222. Nescimus an eadem cum sq. Argentoratensi Schurreri ad an. sq.

1514. *Argentorati*, 4. apud *Schlurerum*, cum praefatione B. *Rhenani*. Repetitio mera Aldinae, cuius etiam titulum praefert: unde error eorum natus sit,

qui ex hoc Aldinae imitamento novam Aldinam huius anni fecere.

1515. *Florentiae*, 8. *C. Plinii Caecilii Secundi Novocomensis epistolae, omnium, quae hactenus prodire, purgatissimae; eiusdem Panegyricus Traiano dictus; eiusdem de viris illustribus in re militari et in administranda republica; Suetonii Tranquilli de claris Grammaticis et Rhetoribus; Iulii Obsequentis prodigiorum liber.* — *Impressum Florentiae opera et sumptu Philippi Iuntae. Anno a nativitate DXV supra mille, mense Octobri, Leone Decimo Pontifice.* — Haec opuscula Io. Franc. Zeffus inscripsit *Pr. Francisco Medici, viro clarissimo*, et, ubi commendat Plinii epistolas, professus est se librum hunc, multis in unum collatis exemplaribus, qualem potuerit, reformasse. Sed is potissimum sequutus est textum Aldinum, si perpaucas varietates excipias. Vid. Schwarz. ad h. a.

1516. (*Lovanii*) 4. *C. Plinii Secundi epistolae familiares cum Barlandi scholiis. Vendit Theodricus Alustensis, qui et impressit.*

1518. *Venetiis*, 8. Aldina II. *C. Plinii Secundi Novocomensis Epistolarum libri decem* (atque alia, quae etiam in Aldi editione a. 1508 habentur) *Venetiis in aedibus Aldi et Andr. Asulani soceri, mense Iunio MDXVIII.* Haec editio expressa est ad editionem 1508; nisi quod nonnulla errata typographorum correctae habeat. Accesserunt Index rerum memorabilium et nominum propriorum, et Latina interpretatio dictionum et sententiarum Graecarum. Vid. *Cat. de Crevenna* vol. IV, p. 277.

1519. *Venetiis* fol. Catanaei III. *C. Plinii Caec. Jun. libri Epistolarum novem, addito nunc et decimo, cum Panegyrico, id est, Oratione de laudibus Traiani Imperatoris: una cum luculentissima Io. Maria Ca-*



*tanaet expositione his omnibus libris adiuncta. — Quam diligentissime nuper recogniti fideliterque impressi. Venetiis, per Ioannem Rubeum Vercellensem, anno Domini MDXVIII, die XV Decembris. —* Haec editio textum in Epistolis habet cum prioribus Catanaei congruentem, nisi ubi Aldinus praestare visus est: in Panegyrico quidem in perpaucis recedit ab editione Veneta a. 1510. Verum etiam putamus eam esse, quam Catanaeus inscripsit Iac. Sadoletto, et sequutus sit Iod. Badius Ascensius an. 1533. Conf. infra ad h. a.

1519. *Lipsiae, 4. Plinii Epp. selectae.* Vid. Catal. bibl. Ernesti, p. 182, n. 2737.

1520. *Basileae, 4. Panegyrici, quotquot ex vetustate conservati sunt. — Basileae per Io. Frobenium, mense Decembri, a MDXX. —* Huic editioni praefatus est B. Rhenanus, cuius emendationes habet, non quidem ex MS. sed ex ingenio, et, ut solebat, inter legendum factas.

1520. *Noribergae, 4. Panegyricus Caii Plinii Secundi Novocomensis, Traiano Augusto dictus. Epistola dedicatoria Philomusi (ad I. Rudolphum abbatem Campidonensem) cum nonnullis annotamentis panegyristam plane declarantibus. — Impressum Noribergae per Federicum Peypus. Anno virginici partus MDXX, mense Iunio. —* Editor dicitur Iacobus Locher Philomusus, qui tunc vixit, iuventutemque studiosam docuit Ingolstadii. Is in edendo Plinii Panegyrico videtur potissimum usus esse Puteolani et Beroaldi editionibus; in margine identidem provocat ad alia quaedam exemplaria; nusquam tamen diserte mentionem facit alicuius codicis MS. Annotamenta autem illa, quae memorat in titulo, non sunt nisi notationes quaedam figurarum rhetoricarum, et lectionum variantium, margini adiectae.

1521. *Basileae*, 8. *Cratandrina* I. *Plinii Epp. cum Paneg. caett. ut in Aldina.*

1521. *Argentor.* 4. *Plinii Epp. Libri X.*

1526. *Basileae*, 8. *Cratandrina* II. *Plinii Secundi Epistolarum libri X, Panegyricus Traiano principi dictus* (item cetera, quae in Aldi editione habentur). *Ex inclyta Germaniae Basilea, per Andream Cratandrum, mense Martio, anno MDXXVI.* In praefatione ad lectorem haec quidem scribit Cratander: *ad comendam linguam, Romanique sermonis puritatem parandam, damus non minus, ut spero, utilitatis adlaturum opusculum, nempe epistolas Plinii Secundi, in hoc scripti genere quasi Roscii; una cum politissimo Panegyrico, Traiano Imperatori dicto, et libello de viris illustribus, ad exemplar Aldinum quam fidelissime, quaque licuit diligentia, emendatas, plerisque etiam in locis aliorum collatione exemplarium castigatiores, etc.* — In Panegyrico tamen recensendo non nisi in tribus circiter locis ab Aldi recensione recedit, teste Schwarzio.

1529. *Lugduni.* *Plinii Epp. excusae in aedibus Laurentii Hilarii, sumptu honesti viri Vincentii de Portonariis de Tridino, de Montferrato, MDXXIX.* — Praefixae leguntur Aldi Manutii et Andr. Cratandri praefationes. Cf. Th. Crenii animadv. Philol. et hist. P. I, c. I, §. V, p. 4 sq.

1529. *Parisiis*, 8. *C. Plinii Secundi Epistolarum libri X, eiusdem Panegyricus, et de viris illustribus, etc. Excudebat Robertus Stephanus anno MDXXIX, prid. Kal. Ian.*

1530. *Basil.* 8. *Cratandrina* III, *Sichardi* I. *Plinii Epp. et Paneg. a Io. Sichardo.* Nobis indicata a viro illustriss. Io. Heideggero, reip. Turicensis tribuno, et rei literariae tutore nobis benevolentissimo.

1531. *Lugduni*, 8. C. Plinii Epistolarum libri X, et Panegyricus Traiano dictus, etc. *Sebastianus Gryphius excudit a. MDXXXI*. — Eosdem libellos, quos Aldus coniunxerat, Aldique praefationem et textum, in hac editione exhibet Gryphius.

1532. *Antverpiae*, 8. C. Plinii Secundi Novocomensis, viri consularis oratorisque disertissimi, Epistolarum libri X, ad exemplar MS. Rodolphi *Agricolae* diligentissime recogniti. Panegyricus Traiano Caesari dictus. Et is ad vetustissimum exemplar emendatus. De viris illustribus rei militaris et administrandae reipublicae. Accesserunt argumento non admodum abhorrentia; *Suetonii Tranquilli* de claris Grammaticis et Rhetoribus. Item, *Iulii Obsequentis* Prodigiorum liber. Indices duo, quorum altero nomina referuntur eorum, ad quos Plinius scribit: altero quidquid memoratu dignum toto opere continetur. Latina interpretatio dictionum ac sententiarum Graecarum, quibus Plinius utitur. *Antverpiae* apud Martinum Caesarem. Anno MDXXXII mense septem. — Est penes nos.

1533. *Parisiis*, fol. C. Plinii *Caecilii Secundi Epistolarum libri X. Eiusdem Panegyricus, Traiano dictus, cum commentariis Io. Mariae Catanaei, viri doctissimi. Multis epistolis cum illarum interpretatione adiectis. Veneunt Iodoco Badio et Ioanni Roigny.* — *Ex chalcographia Iod. Bad. Ascensii Anno MDXXXIII.* Praefigitur huic operi Catanaei epistola ad D. Iacobum Sadoletum, Episcopum Carpentoratenum, a. 1518 Romae scripta: in qua Catanaeus primo commemorat, se, quum Romam venerit, a Dominico Mamiliano descriptas de vetustissimo codice Germanico plures ad Traianum, et insuper quasdam eiusdem Plinii ad amicos epistolas accepisse, quae de

libro octavo exciderint; deinde idem invehitur in Iafredum Carolum, cui dedicarat primam editionem, propterea quod eum postea longe expertus sit alium, quam antehac putarit, ac de eo scripserit. Nihilominus tamen in hac Ascensiana editione recusa est prima dedicatio, quae ante Epistolas Iafredo Carolo, et ante Panegyricum Io. Iac. Trivultio, fuit inscripta. In contextu huius editionis omnino quaedam lectiones a prioribus Catanaei editionibus diversae deprehenduntur. Mendose haec editio in Bibl. Fabricio-Ernestina refertur ad annum 1523.

1539. *Lugduni*, 8. *C. Plinii Epistolarum libri decem; item Panegyricus, Traiano Caesari dictus* (et cetera opuscula, quae Aldi editione continentur), *Lugduni, apud Sebastianum Gryphium*. — Haec Gryphiana fere convenit cum superiori, anno 1531 impressa.

1542. *Lugduni*, 8. Gryphiana III, *apud Sebastianum Gryphium*. In cuius quidem editionis tertiae praefatione Gryphius profitetur, dici non posse, quanta, quam foeda, et quam multa, in hoc opere Epistolarum vulnera sanaverit, collatis non oscitanter codicibus satis multis, adhibitoque iudicio, non suo solum, sed eorum quoque, quorum sibi ad eam rem fidelis semper praesto fuerit opera. De emendatione Panegyrici, nihil nominatim monet: Schwarzius tamen se animadvertisse scribit, in septuaginta et pluribus locis lectionem huius editionis a lectione primae 1531 differre.

1542. *Basileae*; 8. Cratandrina. *C. Plinii Secundi Novocomensis, viri consularis, oratorisque disertissimi, Epistolarum libri X, ad exemplar manuscriptum Rodolphi Agricolae diligentissime recogniti. Panegyricus Traiano Caesari dictus; et is ad vetustissimum*

*exemplar emendatus. De viris illustribus rei militaris et administrandae reipublicae. Accesserunt argumento Suetonii Tranquilli liber de claris Grammaticis et Rhetoribus: item Iulii Obsequentis Prodigiorum liber, etc. Basileae, apud heredes Andr. Cratandri. — Hanc editionem curavit Io. Sichardus, qui in praefatione sua valde contemptim loquitur de textu Aldi, eumque ait haud pro dignitate munus suum administrasse in his libris, seu iudicii inopia, seu exemplaris vitio, quo usus erat: quod sane est iniquius iudicium. Ceterum bonae notae est haec Sichardi editio. Quale autem fuerit vetustissimum illud Panegyrici exemplar, quod in titulo laudat, haud licet conicere, quum illud in praefatione sua non designaverit.*

1545. *Paris. 8. C. Plinii Sec. Epp. et Paneg. Suetonius Tranq. de claris Gramm. et Rhett. Iulius Obsequens de prodigiis. Paris. ap. Colinaeum. (Ex ed. Aldina 1518 et Antverp. 1532.)*

1545. *Antverpiae, 8.*

1547. *Lugduni, 8. ap. Seb. Gryphium. Plinii Epp. cum Paneg. cet. ut in ed. Aldina. Indicata nobis a viro illustriss. Io. Heideggero.*

1551. *Lugduni, 8. ap. Seb. Gryphium. C. Plinii Caecilii Sec. Novoc. Epistolarum libri decem, cum Panegyrico, etc. — Omissa Fabricio, quamvis consulta Cortio fuerit. Exstat quoque in Bibl. Petr. Ant. Crevenna. Vid. eius Catal. vol. IV, pag. 277.*

1552. *Basileae, fol. C. Plinii Caecilii Secundi Novocomensis (quem et Iuniorem vocant) Epistolarum libri X, una cum eiusdem panegyrica oratione, Traiano Imperatori Aug. dicta: Mariae Catanaei commentariis hucusque depravatissime editis, nunc autem integritati suae restitutis, explicata sunt. Eiusdem de viris in re militari et administranda republica illu-*

*stribus liber, Conradi Lycosthenis enarrationibus illustratus. Basileae, per Hieronymum Frobenium et Nic. Episcopium.* — In quibusdam locis diversa est haec editio a priori anno 1533; sed textum exhibet correctiorem, teste Hambergero loco citato, pag. 249.

— s. a. *Parisiis*, 4. Pacati Panegyricus cum scholiis Fr. *Balduini*. — Vid. Catal. Bibl. Thuan. Hamb. 1704, Part. II, pag. 252, et Hamberger. tom. II, pag. 856.

1570. *Parisiis*, 4. Annotationes in Panegyricum Pacati ad Theodosium et Eumenii de Scholis.

1576. *Venetiis*, 8. *Panegyrici diversorum, nunc demum recogniti et in lucem editi per Paulum Navium. Quibus addita sunt argumenta, ut cuique facile sit, quae voluerit, ea et in historiis, et in Chronicis, posse reperire. Venetiis, apud Gryphios.* — Navius, destitutus codicibus MSS. potissimum sequutus est editionem Mediolanensem Franc. Puteolani, cuius utcumque correxit vitia.

AETAS III, 1581 l. potius 1591 — 1640 — 1669 Epp.

### STEPHANO—CASAVBONIANA

#### dein GRUTERIANA

Prima H. *Stephani* prodierat 1581; sed in II, an. 1591, certe quod ad epp. attinet cum varia lectione in margine excusa, se ipse superavit, aucta etiam generi Is. *Casauboni* notis, quas adiecit. Post cuius factum (Lugduni 1598) filius et heres Paulus Stephanus Genevae eam recudit, 1599, 1604, et 1611. Sed et idem repetiit ibid. an. 1601 et 1625 edit. Catanaei (quam avi paterni socer Ascensius ex ed. 1519 de-

derat 1533) recusam denuo Genevae 1643. Huic Stephanianae cum Varr. in margine et Casauboni notis suas primum Claudius *Minos* (*Mignaut*) Ictus adiecit Parisiis 1598, quae dein bis recusa est 1601 et 1608: Conr. *Rittershusius* epp. commentario peculiari illustravit 1609; dein Ianus *Gruterus*, MS. Pal. et vett. edd. usus, Francof. ad M. 1611, cui ed. accessere Panegg. veteres iam ante quadriennium a se editi. Editionem Stephano-Casaubonianam, ad ultimum 1620 et 1632 Genevae repetitam, excipient Elzevirianae accurate et eleganter expressae, prima 1640, cuius ad calcem varr. lectt. reiectae sunt, altera 1653, et tertia 1659, et M. Z. *Boxhornii* ingenio emendatiores. Intervenerat etiam e Germanis Aug. *Buchnerus*, cuius Animadv. 1644 editas, dein 1650, Andr. *Rivinus* coniunxit lectt. varr. H. Stephani, notisque Casaub. et iis, quae ex Casp. *Barthii* Adversariis collegerat ad Epp. et Paneg. XII. Repetita etiam est haec editio an. 1665.

*Panegyricus* Plinii, vel cum choro ceterorum Panegyricorum, vel isto comitatu segregatus, profecit et subinde ad Plinii epistolas accessit. Henr. Stephanus quidem minus de illis emendandis sollicitus, quam de textu epistolarum, recensionem Panegg. XII reliquit Io. *Livineio*, Belgae, qui ex ea praecipuam laudem reperit in Plantiniana 1599. Et Iustus *Lipsius* unum Plinii Paneg. perpetuo illustravit commentario an. 1600, recuso 1604, 1622, 1652 et 1671. Conr. *Rittershusius* reliquias coniecturarum in vetēres Paneg. 1604 edidit. Sed Livineii curis in omnes Panegg. suas coniunxit religiosus editor Ianus *Gruterus*, addiditque etiam Val. Acidalii et Rittershusii coniecturas (unde aetas haec *Livineio-Gruteriana* appellanda est), an. 1607, repetita cum Epp. 1611. Gruterus in capita

primus distinxit Panegyricum Plinii. Post eos recensuere M. Z. *Boxhornius* 1632, et *Berneggero* duce Io. *Frischmannus*, qui etiam in sectiones distinxit, notasque Lipsii, Livineii, Gruteri, Rittershusii, Berneggeri addidit 1635. Amplior veterum Panegg. XIV editio cum notis Varr. est Parisina cl. *Puteani* posthuma, 1643, II vol. seu 1655. Riviniana editio Epp. Plinii et Panegg. veterum 1656 hos exhibet sine notis, et ex H. *Stephani* vel *Elzeviriana* edd. variantes textui subiicit; *Elzeviriana* II *Boxhornii* varietatem calci annectit.

1581. *Parisiis*, 12. Henrici Stephani I.

1591. (*Genevae*), 12. Henr. Stephani II, s. Casauboniana. C. *Plinii Caecilii Secundi Epistolae*, eiusdem *Plinii*, et *Pacati*, *Mamertini*, *Nazarii*, *Panegyrici*. Item *Claudiani Panegyrici*. Praeter multos locos in hac posteriori editione emendatos: adiunctae sunt *Isaaci Casauboni notae in Epistolas*. Excud. Henr. Stephanus an. 1591. — Magis de epistolis, quam de Panegyrico, emendandis sollicitus fuisse videtur Henr. Stephanus; margini tamen varias aliorum lectiones addidit.

1595. *Duaci*, 8. Ex officina Balthasaris Belleri: *Latino-Attici Oratores*, subiecta Iulii Caes. Scaligeri oratione in luctu Audecti Caesaris filii.

1598. *Parisiis*, 12. *Minois* I. Plinii Epp. et Panegg. cum notis *Claudii Minois* et Is. *Casauboni*. Cf. Catal. Bibl. Bigot. P. III, pag. 190.

1599. Henr. *Stephani* II, 18. cf. ibid. recusa post obitum illius (1598) prodiit apud Paulum Stephanum, (Henrici filium heredem) qui *Genevae* sedem typographiae post patris obitum fixit; unde falso in *Fabricii* B. L. adscriptus est locus *Parisiis* edit. Pauli Stephani.



1599. *Antverpiae*, 8. XII *Panegyrici veteres*, ad antiquam qua editionem, qua scripturam, infinitis locis emendati, aucti. Ioannes Livineius, *Belga Gandensis*, recensere ac notis illustrabat. *Antverpiae*, ex officina Plantiniana, apud Ioannem Moretum. — Ipse Livineius lectorem brevibus edocuit, quibus instructus subsidiis accesserit ad panegyricorum recensione, quae nunc quoque in optimis habetur:

*Ad Lectorem.*

*In auctoribus his purgandis, amice Lector, pluribus usi, qua scriptis, qua vulgatis codicibus, brevitate causa singulis quosque literis designamus. Est igitur V exemplaris signum, quod penes nos est in membrana exaratum, notae admodum bonae. B apographi Bertinensis, Francisci Modii fide. L veterum schedarum, quas doctissimus Car. Langius ad Frobenianam lectionem contulerat. C editionis Cuspiniani, quae Viennae prodit, MDXIII, quam humanissimus Iustus Lipsius suppeditavit. R Beati Rhenani, quam Frobenius excudit. G Lugdunensis, non unius anni, et typographi. Prodierunt et alibi, sed quos operae pretium non sit excutere. Hoc te scire volui, amice Lector; tu interea salve et fave!*

1600. *Antverpiae*, ex officina Plantiniana. Iusti Lipsii *Dissertatiuncula* apud Principes: item C. Plinii *Panegyricus liber Traiano dictus*, cum eiusdem Lipsii perpetuo commentario.

1600. (*Genevae*) 4. ap. Paulum Stephanum. Plinii Epp. cum *Panegyricis Latinis*. — Sic est in Cat. Bibl. Thuanæ rec. Hamburg. pag. 252 et 255. Eadem credo cum sq.

1601. (*Genevae*) 4. C. Plinii *Epistolarum libri X*.

*Eiusdem Panegyricus Traiano dictus cum commentariis Io. Mariae Catanai, viri doctissimi. Adiuncti sunt alii ad alios Caesares Panegyrici, ad fidem vetusti exemplaris emendati. Excudebat Paulus Stephanus.* — Ita apud C. G. Schwarziū in Indice II varr. edd. in Paneg. Plinii pag. 744, ubi praef. P. Stephani fragmentum legitur. In perpancis locis lectio huius editionis recedit a lectione editionis Catanai a. 1510; quam quidem et Ascensianam 1533, et Basiliensem 1552, contulerat maxime in Panegyrico.

1601. *Parisiis*, 12. Claudii Minois II.

1604. *Antverpiae*, 4. Iusti Lipsii *Dissertatiuncula apud Principes*: item C. Plinii *Panegyricus liber Traiano dictus, cum eiusdem Lipsii perpetuo commentario. Editio secunda, aucta et emendata. Antverpiae, ex officina Plantiniana, apud Ioannem Moretum.*

1604. *Insulae*, 4. Conr. Rittershusii reliquiae coniecturarum in Panegyricos veteres. Ad calcem paraeneticorum veterum Goldasti.

1604. *Henr. Stephani*, 12. C. Plinii Sec. Epp. eiusd. et Traiani amoebeae. Eiusd. Plinii et Pacati Mamertini, Nazarii Panegg. it. Claudiani Paneg. Adj. Is. *Cassauboni* notae. Conf. Catal. Bibl. Vffenbach. tom. I, pag. 670.

1605. *Parisiis*, 4. Eumenii rhetoris oratio habita ad V. P. Praesidem Galliae pro Menianis Flaviensium, sive Augustodunensium, scholis instaurandis. Paris. ap. Steph. Prevosteau. Vid. *Cat. de la Bibl. du R. Bell. Lettr.* tom. I, pag. 125, et Hamberger. tom. II, pag. 664.

1607. *Francofurti*, 12. *Panegyrici veteres, ad antiquam qua editionem, qua scripturam, infinitis locis emendati, aucti: nuper quidem ope Ioh. Livineii; nunc*

vero opera Iani Gruteri: praeter quorum *Notas accedunt etiam coniecturae Valentis Acidalii et Conradi Rittershusii. Francof.* — Haec editio debetur Grutero, qui eam dedicavit Io. Christoph. Grun in Weirsberg, Ser. Electoris Palatini ad Rhenum cancellario: in qua vero dedicatione non indicat, praeter illa, quae in titulo nominavit, subsidia, quibus usus sit. At in notis, et quidem statim ad cap. 1, et deinde aliquoties, laudat quasdam Iacobi Bongarsii annotationes et coniecturas. Nec videtur destitutus fuisse codicibus manuscriptis, quum ad cap. 44 et 69 ad tales provocet. Quam autem curate, quam religiose Gruterus versatus fuerit in edendis scriptoribus antiquis, ipse declarat in notis ad cap. 2 Paneg. Plinii. *Non ausus sum, inquit, recipere in contextum, quod manarit a coniectura, quamvis certissima: ea enim usquequaque reverentia auctoribus classicis, ut nihil mutemus sine testium auctoritate certa, hoc est librorum antiquorum.*

1608. *Parisiis*, Claudii Minois III, 8. *C. Plinii Epistolae. Adiectae notae et emendationes, hac tertia editione factae locupletiores, auctore Claud. Minoë Ict. Huic editioni accessere in eundem Plinium Isaaci Casauboni notae. Adiungitur eiusdem Panegyricus. Parisiis, apud Marcum Orry.* — Panegyricus etiam in hac editione sine notis et commentariis est, neque nisi contextum orationis ab Henr. Stephano expressum, variantesque lectiones in margine, refert. Claudius Minos diem obierat an. 1606.

1608. *Ambergae*, 8. Optimus Princeps Traianus, a Conr. Rittershusio in lucem productus. Cf. Th. Crenii Animadv. P. VII, pag. 25.

1609. *Ambergae*, 8. ap. Ioh. Schoenfeld. *Conradi Rittershusii liber commentarius in epistolas Plinii et*

Traiani. Accessit *Francisci Balduini* commentarius in Plinii consultationem et Traiani rescriptum de Christianis. Vid. *Cat. de la B. du R. Bell. Lettr.* tom. II, pag. 110; et *Hamberger* l. c. pag. 251.

1609. *Amstelod.* 12.

1611. *Genevae*, 12. apud Paulum Stephanum reperta editio Casaubono-Stephaniana exstat in *Bibl. Sen. Francof. ad M.*

1611. *Francof. ad M.* 12. Plinii Epp. Libri X, c. n. Gruteri, Casauboni et Henr. Stephani. Accedunt XII Panegyrici Imperatoribus dicti c. n. Livineii, Rittershusii, Acidalii, et Gruteri.

1620. *Genevae*, 12. Epp. c. n. Isaaci Casauboni, item Claudiani Paneg. Accessere Lectiones marginales. Cf. *Catal. bibl. Francof. ad M.* 1728 editum, *Lib. Philos.* pag. 153.

1622. *Antverpiae*, 8. Iusti Lipsii *Dissertationum* culae apud Principes: item C. Plinii Panegyricus, etc. Editio tertia. vid. ad a. 1604.

1625. *Genevae*, 4. C. Plinii Sec. Epp. Libri X; item Panegyricus Traiano dictus, cum Comment. Io. Mar. Catanaei.

1632. *Genevae*, 12. apud Iac. Chouet. Repetitio editionis a. 1591.

1622. *Lugd. Bat.* 16. Plinii Paneg. ex rec. Boxhornii.

1635. *Argentorati*, 4. C. Plinii Secundi Panegyricus liber, quem Imp. Nervae Traiano, optimo Principi, scripsit, sive dixit, denuo editus: nunc vero duce Deo, Praeside viro doctissimo clarissimoque, Dn. Matthia Berneggero, Historiarum Professore ordinario, ad publicam dissertationem propositus a Ioh. Iac. Stockher, Scaphusia-Helvetio. — Hoc libro continentur, 1.º vita Traiani a Boxhornio perscripta;

2.<sup>o</sup> oratio Dominici Baudii in hunc librum; cuius notae tunc adhuc desiderabantur; 3.<sup>o</sup> contextus Plinii in capita a Iano Grutero, nunc et in sectiunculas, vulgo versiculos, distinctus; 4.<sup>o</sup> notae (non tamen ubique integrae) Lipsii, Gruteri, Livineii, Rittershusii et Berneggeri; 5.<sup>o</sup> index rerum et verborum locupletissimus. Dedicavit vero Stockherus hunc libellum tribus Senatoribus reipublicae Scaphusianae, et in his parenti suo. Sequitur Epistola a Berneggero ad Franc. Stockherum, inclitae reipublicae Scaphusianae Praefectum, perscripta. Deinde Io. Henr. Boecleri carmen de everso Germaniae statu ad Io. Iac. Stockherum, Plinii Panegyricum publicae disquisitioni subiicientem; tum Io. Frischmanni carmen Stockero suo inscriptum. Caeterum praeter auctorum supra memoratorum notas, novas etiam Io. Frischmanni annotationes continet haec editio.

1635. *Ibid.* 4. C. Plinii Secundi Panegyricus liber, quem Imp. Nervae Traiano, optimo Principi, scripsit, sive dixit; denuo editus, curante Io. Frischmanno.— Haec ed. eadem est cum superiori, iisdem chartis et typis excusa, nisi quod Io. Frischmannus, qui tunc hospitio Berneggeri usus, et studia moresque Io. Iac. Stockheri moderatus est, suum nomen titulo praefixit, et omissa Stockheri dedicatione, itemque Berneggeri epistola, reiectisque duobus carminibus, ipse suo nomige aliam dedicandi formulam, eamque Friderico, Marchioni Badensi, inscriptam reposuit. Inde vero usu venit, ut eadem editio modo Berneggero, modo Frischmanno adscribatur. Interim hac editione haud aegre carere potest, cui licet uti ea, quae a. 1675 prodiit Lugd. Bat. ex officina Hackiana, de qua infra.

1640. *Lugd. Bat. Elzeviriana* I, 12. C. Plinii Epistolarum libri X, et Panegyricus. Accedunt variantes

*lectiones. Ex officina Elzeviriorum.* — Editio accurata. Variantes lectiones nonnisi praecipuas habet, easque ad calcem reiectas.

1643. *Genevae, 4. C. Plinii Epistolarum libri X. Eiusdem Panegyricus Traiano dictus, cum commentariis Io. Mariae Catanaei, viri doctissimi. Adiuncti sunt alii ad alios Caesares Panegyrici, ad fidem vetusti exemplaris emendati. Genevae, apud Petrum et Iacobum Chouet.* — Refert haec editio editionem Pauli Stephani a. 1600, cuius et praefationem praemittit.

1643. *Parisiis, 12. XIV Panegyrici veteres (Accessit Panegyricus Ausonii et Ennodii) ad antiquam, qua editionem, qua scripturam, infinitis locis emendati, aucti, antea quidem ope Io. Mar. Catanaei, Fr. Balduini, Herm. Rayani, Io. Livinei, Iusti Lipsii; nunc vero opera Iani Gruteri. Praeter quorum commentarios et notas accedunt etiam coniecturae Valentini Acidalii et Conr. Rittershusii ad duodecim Panegyricos priores. Ad duos autem posteriores Eliae Vineti, Andreae Schotti, Iosephi Scaligeri, et Iac. Sirmondi notae et emendationes. Postremo accedunt notae antea non editae P. Fabri Sanioriani, Franc. Iureti, Claud. Puteani, et Ant. Schonovii. Partes II. Parisiis, apud Claudium Le Beau. Dedicata est haec editio Principi Condaeo a bibliopola Parisiensi Claudio Le Beau. Sed eadem etiam extat Parisiis a. 1655, excusa apud Simonem Piget; in qua vero prorsus nihil mutatum est, nisi nomen bibliopolae et dedicatio; quum hoc alterum exemplar inscriptum sit Ludovico Pheypeaux, regis Gall. a sanctoribus consiliis, etc. Schwarzius ea usus est.*

1644. *Francofurti ad Viadrum, 12. cum animadversionibus Augusti Buchneri.*

1650. *Lipsiae*, 8. *C. Plinii Secundi Epistolarum libri X, ut et eiusdem Plinii, nec non Eumenii, Pacati, Mamertini, Nazarii et aliorum Panegyrici XII, imperatoribus dicti; cum variis lectionibus et notis Henr. Stephani, Isaaci Casauboni, Caspari Barthii, et Aug. Buchneri. Cura D. A. R. (Andr. Rivini) P. P. in Acad. Lipsiensi. Sumtibus Melch. Klosmanni.* — Haec solum textum Plinii, et cett. Panegyricorum, sine notis exhibet; nisi quod variantes lectiones, ex Henr. Stephani, ut putat Schwarzius, editione repetitae, inferiori singularum paginarum margini subiiciantur.

1650. *Ienae*, 8. Eadem editio.

1650. *Francof. ad Viadrum*, 8. Plinii epp. et Paneg. cum XII aliorum Panegyricis c. varr. lectt. et notis Variorum.

1651. *Holmiae*, 8. Lat. Pacati Drepanii Panegyricus, cum notis Io. Schefferi.

1652. *Traiecti ad Rh.* 12. *C. Plinii Panegyricus—et ad eum Iusti Lipsii commentarius perpetuus; cum eiusdem dissertatiuncula apud Principes, Albertum et Isabellam. Traiecti ad Rhenum, typis Gisberti a Züll, et Theodori ab Ackersdück*—Haec editio Traiectina nihil recedit ab Antverpiensi, quae a. 1600 ex typographia Plantiniana prodiit.

1653. *Lugd. Bat.* 12. Elzeviriana II, Boxhornii I. *C. Plinii Caec. Sec. Epistolae et Panegyricus. Editio nova. Marcus Zuerius Boxhornius recensuit et passim emendavit. Lugd. Batav. ap. Io. et Dan. Elzevir MDCLIII.* Alia exempla habent *Amstelod.* — Ipse Boxhornius in Praef. de hac sua editione: *Exemplaria MSS. ad manum nobis nulla fuere. Plinium igitur ipsum consulimus, et corruptarum lectionum apices, in quibus verarum fere sunt vestigia, diligenter exous-*

*simus; et, quum in interpunctionibus haud semel peccatum deprehenderemus, peccatumque ita, ut certam aliquam sententiam elicere non liceret, eas quoque mutavimus, ut, quantum quidem fieri poterat, nihil non Plinianum hic legeretur, etc.* Post Praefationem Boxhornius exponit suum de Plinio iudicium, quo Christianum eum non fuisse, ut voluerunt alii, ostendit. Addidit praeterea vitam Plinii, ex epistolis collectam. Calci libri subiecit Indiculum variantium aliquot lectionum, ex editis aliis congestum. Nullas vero notas Boxhornii hic inuenies, utpote quas demum singulari Animadversionum libello a se expositum iri promisit, sed nunquam evulgavit.

1655. *Parisiis*, 12. II Vol. apud Simonem Piget. *Panegyrici veteres*, etc. Vid. ad ed. Parisinam 1643.

1656. *Lugduni* 16. C. Plinii *Panegyricus Nervae Traiano Augusto dictus*. *Lugduni* apud Antonium Molin. — In hac editione solus contextus Panegyrici, nec is satis emendatus, exhibetur.

1659. *Amstelod.* 12. *Elzeviriana* III, repetitio ed. Boxhornii mera. C. Plinii *Caec. Secundi Epistolae et Panegyricus*. Editio nova. Marcus Zuerius Boxhornius recensuit, et passim emendavit. *Amstelaedami*, ex officina *Elzeviriana*.

1665. *Francofurti ad Viadrum*. 8. C. Plinii *Epistolae* cum notis Henr. Stephani et Casp. Barthii, additis Plinii et aliorum *Panegyricis*.

1668. *Vpsalae*, 8. Lat. Pacati Drepanii *Panegyricus*, cum notis Io. Schefferi. Editio auctior atque emendatior. Cf. a. 1651.

1671. *Genevae*, 4. C. Plinii *Epistolarum libri X. Eiusdem Panegyricus Traiano dictus*, cum commentariis Io. Mariae Cutanaei. *Adiuncti sunt alii ad alios Caesares Panegyrici, etc.* *Genevae* sumptibus Samue-



*lis Chouet.* Haec editio idein prorsus exemplar refert, quod a Paulo Stephano a. 1601 excusum est.

1671. *Salmurii*, 12. *C. Plinii Secundi Panegyricus Traiano dictus, cum commentariis Iusti Lipsii, iuxta optimam Io. Moreti editionem: notulis et emendatione Tanaquilli Fabri. Salmurii apud Io. Lesnerium.* — Haec editio nihil habet, nisi notas Lipsianas. Nomen Fabri a bibliopola per dolum additum.

#### AETAS IV VEENHVSIO — THOMASIANA

1669—1703.

inde CELLARIO—HEARNIANA 1703—1734.

In his, qui auctores cum notis varr. excerptis apud Batavos adornarunt, parem Plinii Epp. quam dein Statio, attulit operam accuratissimus editor Io. *Veenhusius* Bremensis, novasque etiam notas I. Fr. Gronovii caeteris immiscuit: quae editio 1669 etiam *Hackiana* ab officina Lugd. vocari solet. In Germania Iac. *Thomasius* similem ed. Lipsiensi 1675 curam adhibuit, eique erudita prolegomena de auctore et his, qui eum illustrarunt, praemisit: repetita est 1686, et cum Paneg. 1695. Thomasio successit Clph. *Cellarius*, qui Boxhornio—Elzevirianam Epp. et Paneg. recensuit, suosque studiosis profuturos Commentarios addidit, vitamque Plinii probabiliter scripsit 1693. Recusa est ed. haec 1700, 1711 et 1721. Quartus editor Epp. et Paneg. Britannus Th. *Hearne*, isque novae *Oxonienensis* auctor, lectionem Elzevirianam denuo cum tribus MSS. cacti. contulit, vitamque Plinii a Io. Massono scriptam praemisit, quae dein seorsim auctor edita est. Caeteri edd. ut I. F. *Wein-*

*richius*, qui ad modum Minellii pueris notas scripsit, et *Casp. Gottschling*, notarum Germ. scriptor, alii-  
que laudari non merentur.

*Panegyricus* Plinii c. n. Varr. ad exemplum *Frischmanni* s. *Berneggeri*, sed notis Dom. *Baudii* auctus, ex officina *Hackiana* Lugdunensi 1675 prodiiit, Veenhusianae Epp. c. n. varr. iungenda. Lipsiana lectio etiam in edd. G. C. *Kirchmaieri* 1689, A. Ch. *Rhotii* 1695, et Chph. *Behrii*, ad coniiciendum apudacioris, regnat 1700 sqq. — *Panegyricum* Plinii cum caeteris *Panegg.* ad ed. Paris. 1643 expressos, cum apparatu multo dedicavit Delphino Iac. *de La Baune*, sed critica ratione destitutus; itaque eius columnae consuli non merentur. Redditi tamen inde sunt *Panegyrici* tam ab Anglis Oxonii 1677 et 1686, quam in Batavis Amstel. 1701, et in Italia Venetiis 1728; Plinii ille seorsim et notis varr. auctor Londini 1716. Vniversi ad exemplar Duacense 1595 recusi sunt Viennae Austr. 1694. Superavit omnes has priorum curas *Cellarius* non solum emendator *Elzevirianae* *Boxhornianae* Plin. *Paneg.* 1693, quam sequerentur etiam I. F. *Weinrichius* et *Casp. Gottschling*, sed et princeps novae recensiois caeterorum omnium *Panegyricorum* an. 1703; quo anno etiam in Anglia Th. *Hearne* editionem *Elzevirianam* *Panegyrici* Plin. et Epp. varietate trium MSS. auctiorem dedit Oxonii 1703. *Cellario* in edendis *Panegg.* oratt. successit *Laur. Patarol*, qui eas notis, numis et versione nova Italica illustratas edidit Venetiis 1708, iterumque 1719. *Taurinensem* cum versione Gall. *Paneg.* Pliniani auctore comite *de Quart* 1724, et Venetam 1727 Th. *de Ceva* tacemus, splendidiorem aetatem appetentes.

1669. *Lugduni Bat.* 8. C. Plinii Caecilii Secundi *Epistolarum* libri X, cum notis *Variorum*, ex recen-

sione Io. *Veenhusii*. Lugd. Bat. et Roterod. ex officina *Hackiana*.

1675. *Lipsiae*, 8. Epistolae cum Iac. *Thomasii* eruditis, de auctore et qui eum illustrarunt, prolegomenis, accurateque selectis varr. et ineditis ante *Casp. Barthii* notis.

1675. *Lugduni Bat.* 8. *C. Plinii Panegyricus liber Traiano dictus, cum annotationibus antehac ineditis Dominici Baudii*. *Iis accedunt, Commentarius Iusti Lipsii, integrae notae Ioannis Livineii, Iani Gruteri, Conradi Rittershusii, ac selectae variorum. Ex officina Hackiana.* Queritur bibliopola in praefatione, Baudium paucissimis locis auctorum, quibus in illis concinnandis usus fuerit, adscripsisse nomina, quae labore aerumnabili fuerint indaganda; et interdum complurium scriptorum sententias perpetua contextas serie, ac si ipsius Baudii essent, conglutinasse. Ceterum in hac editione fere reperitur *Berneggèri*, sive *Frischmanni*, exemplar supra recensitum; nisi quod iam primum Baudii notae hic fuerint evulgatae. Aliquando haec ed. tribuitur *Graevio*, qui eius excudendae auctor suasorque fuisse perhibetur, quamvis nomen suum ei haud praescripserit.

1677. *Parisiis*, 4. *Panegyrici veteres: interpretatione et notis illustravit Iacobus de La Baune, Soc. Iesu, ad usum Serenissimi Delphini. Parisiis, apud Simonem Benard.* Editor sequutus est editionem *Parisiensem* a. 1643. Praeter hanc, neque Codicem MS., neque vetustiore editionem, laudat; quum primam, quam quidem ipse viderit, habuerit editionem *Beati Rhenani*, a *Frobenio* a. 1520 *Basileae* excusam. Singulis Panegyricis *Baunius* vitam Imperatorum, quibus inscripti sunt, per annos a se digestam, item et nismata ex *Huberto Golzio* deprompta, praefixit; si-

mul panegyrici cuiusque synopsis ad artem et seriem rerum proposuit; postremo vocabulorum omnium Indices subiecit.

1677. *Oxonii*, 8. C. Plinii Epistolae et Panegyricus.

1682. *Norimbergae*, fol. Marci *Velseri* operibus a Chph. *Arnoldo* in unum vol. collectis additus in calce est: *Publili Optatiani Porphyrii Panegyricus* dictus *Constantino Aug.* ex Cod. MS. *Pauli Velseri*, *Patritii Aug. Vind.* Subiungitur *Christ. Daumii Spicilegium criticum* (ex *Petri Pithoei* editione inter veterum *Epigr.* et *Poëmatia Lugduni 1596* procurata, p. 37 et *Barthii Adverss.* congestum).

1686. *Halae Saxonum*, 8. *Thomasiana II*, ex edit. 1675 minus emendate repetita.

1686. *Oxonii*, 8. Plinii Epp. cum Paneg.

1688. *Wittembergae*, 8. Plinii Paneg. illustr. a *Georg. Casp. Kirchmaiero*.

1689. *Wittembergae*, 8. C. Plinii *Caec. Secundi Panegyricus*, ad emendatissimos Codices recensitus, et commentario ad ductum *Lipsii* sufficiente illustratus a *Georg. Casp. Kirchmaiero*. Editio altera locupletior. Ita quidem titulus. Sed *Kirchmaierus* nullos Codices MSS. consuluit: textum Panegyrici parum emendatum exhibet; nec fere, nisi *Lipsii* notas, in compendium redegit. In praefatione narrat, *Io. Livineii* exemplaris copiam sibi factam fuisse a *Christiano Daunio*, cui a *Piccarto* adscriptae fuerint notae marginales, et singularia quaedam *Barthiana*: quorum autem indicium vix nominatim deprehendes in ipso commentario.

1693. *Lipsiae* 12. C. Plinii *Caec. Secundi Epistolae et Panegyricus*. Recensuit et novis commentariis illustravit *Christophorus Cellarius*. — Videtur *Cellarius*

in recensendo contextu Pliniano potissimum Boxhornianam editionem sequutus esse. Vitam Plinii correctiorem praemisit, quam quae Lycosthene auctore adhuc lecta fuit.

1694. *Viennae Austriae*, 12. Latino-Attici Oratores. Repetitio ed. 1595.

1695. *Halae Sax.* 8. *C. Plinii Caec. Secundi Epistolae ex recensione Iac. Thomasii: ut et Panegyricus Plinii accurate resolutus, et notis necessariis instructus opera et studio Alb. Christ. Rothii.* — Notae Rothii haud magni momenti sunt. In plerisque sequutus est Kirchmaierum, cui inde et ea tribuit, quae tribuere debuerat Lipsio.

1700—1703. *Controversiarum in C. Plinii Secundi Panegyricum, tum sententiis, tum historiis, formulisque per commissiones oratorias enodandis, tractandarum Agones VIII, praeside et auctore Christoph. Behr, eloq. et poës. Prof. P. in Gymnasio Gedanensi*, 4. Hae controversiae in Athenaeo Gedanensi iuventuti studiosae ad disputandum propositae fuere. In his exhibentur: contextus totius Panegyrici; deinde Lipsii notae, quibus identidem interspersae sunt quaedam Behrii annotationes; inferiori margini adiectae sunt ab editore quaedam emendationes. Nimis vero in emendando Plinio animosus fuisse videtur Behrius; eo tamen nomine laudandus, quod emendationes suas, quarum se rationes redditurum promisit, nondum ipsi orationi Plinianaе inserere ausus est.

1700. *Lipsiae*, 12. Repetitio Cellarianaе a. 1693.

1700. *Schleusingae*, 8. *Plinii Panegyricus cum exercitatione Godofr. Ludovici ad eum.*

1701. *Amstelodami*, 8. *Panegyrici veteres, repetiti ex ed. Iacobi de La Baune* a. 1677.

1703. *Oxonii*, 8. *C. Plinii Epistolae et Panegy-*

*ricus cum varijs lectionibus et annotationibus. Accedit Vita Plinii ordine chronologico digesta. Edidit Thomas Hearne. Oxornii e theatro Sheldoniano. —* Editor hic contextum Epistolarum et Panegyrici potissimum ad fidem ed. Elzevirianae exhibuit. Epistolas quidem cum tribus Codd. MSS. contulit: at Panegyrici Codice MS. fuit destitutus. Interim usus est illis notis variisque lectionibus, quas in margine editionis Stephanianae in bibliotheca Bodleiana invenerat scriptas manu Ios. Scaligeri; necnon aliis id genus lectionibus, quas ex ora editionis Aldinae in dicta bibliotheca repositae excerpit. Ipsae adeo notae Th. Hearne sunt perbreves, et fere tantum complectuntur variantes istas Scaligeri lectiones, ex Cuspiniani potissimum editione collectas, quasque Aldi et Stephani exemplaria suppeditarunt. Vitam Plinii debet Io. Massono. Sed haec sexennio post auctor edita est Amstelod. ap. Iansson-Waesbergios 1709, 8.

1703. *Halae Magd. 8. Duodecim Panegyrici veteres ex saeculo a Diocletiano ad Theodosium superstites, recensiti et adnotationibus illustrati a Christoph. Cellario, qui et Indices copiosiores rerum et verborum adiecit. Halae Magdeb. sumtu Io. Bielckii Bibliop. Ien. Typis Chr. Henckelii, Acad. typogr.*

1708. *Venetis, 8. Panegyricae orationes veterum Oratorum. Notis ac numismatibus illustravit, et Italicam interpretationem adiecit Laur. Patarol. Venet. apud Nic. Pezzana. vid. ad. a. 1719.*

1711. *Lipsiae, 12. C. Plinii Epistolae et Panegyricus, ex recensione et cum commentariis Christoph. Cellarii. Quasdam notulas adiecit M. Io. Christ. Herzog. Lipsiae, apud Thomam Fritschium. —* Haec ed. ex typographi et correctoris negligentia, fere omnium est vitiosissima.

1712. *Lipsiae*, 12. C. Plinii Epistolae et Panegyricus: ad modum Ioannis Minellii illustravit I. F. Weinrichius (a).

1716. *Londini*, 8. C. Plinii Panegyricus Traiano dictus etc. interpretatione et notis illustravit Iac. de La Baune, ad usum Serenissimi Delphini. Huic editioni adduntur quaedam notae selectiores, Lipsii, Livincii, Catanaei, Rayani, Baudii, Rittershusii, et aliorum. In usum Scholae Mercatorum Scissorum. — Hanc editionem, quod ex dedicatione patet, curavit Th. Parsell. Selectiores variorum notae, calci libri sine discrimine et nominibus auctorum adiiciuntur.

1716. *Altorfii*, 8. Eumenii Panegyricus Constantio Caes. dictus. Acc. eiusdem Rhetoris vita. Fuit in Bibl. Schwarziana cum notis MSS. Cf. Catal. p. 124, n. 2141 et 2143.

S. a. *Altorfii*, 8. Latini Pacati Drepanii Panegyricus cum notis MSS. ibidem memoratur ter.

1719. *Venetiis*, 8. Panegyricae orationes veterum Oratorum. Notis et numismatibus illustravit, et Italicam interpretationem adiecit Laurentius Patarol. *Venetiis*, editio secunda, ab auctore castigata et aucta.

1721. *Regiomonti*, 12. C. Plinii Epistolae et Panegyricus, cum notis Cellarii. Regiomont. ap. Hartung.

1721. *Lips.* 12 cum Cellarii et Herzogii notis.

1721. *Halae*, 12. Epp. c. n. Germ. Casp. Gottschlingii.

1722. *Lipsiae*, 12. Plinii Epistolae, cum notis Casp. Gottschlingii.

1723. *Lipsiae*, 12. Plinii Panegyricus, quem suis variorumque selectis notis, et iis maximam partem

(a). 1714. *Parisiis*. Caii Plinii Caecili Secundi Novocomensis, Panegyricus, Nervae Traiano Augusto dictus, notis illustratus. Paris, Brocas, petit in-12. Cette édition a été réimprimée plusieurs fois. BARR.

Germanicus, illustratum edidit *Casp. Gottschling*, Si-lesius. — Haec, et superior Weinrichii editio, maxime sequitur recensionem Cellarianam. Notae sunt fuitiles.

1723. *Halae*, 12. Ep. c. n. *Gottschlingii*.

1724. *Taurini*, fol. Panegyricus cum versione Gallica Conradi Comitis *de Quart*, eiusdemque notis historicis, criticis et moralibus.

1726. — 12. c. n. Germ.

1727. *Venetii*, 12. *C. Plinii Panegyricus*, cum notis *P. Thomae Cevae*, *Soc. Iesu*. — Nec vero hae notae magni momenti sunt, utpote in usum scholasticae pubis scriptae.

1727. *Norimb.* 4. Christ. Gottl. *Schwarzii* observatt. criticae ex Cod. MSto.

1727. *Lipsiae*, 12. *C. Plinii Caec. Sec. Epistolae et Panegyricus* c. n. ad modum *Minelli*.

1727. *Halae*, 8. eadem ed.

1728. *Venetii*, 4. *Panegyrici veteres*, etc. *Venetii*, ap. Barth. Iavarinam. Repetitio editionis Parisiensis Iac. *de La Baume* a. 1677, nisi quod observationes criticas Christ. Gottl. *Schwarzii*, ad Panegyricum Latini Pacati, adiunctas habet.

#### AETAS V, Epp. CORTIO-GESNERIANA

1734—1739—1770—1789.

PANEG. PLINIANI cett. SCHWARZIANA

1735—1789.

Principem huius aet. editionem, eamque et exemplo Veenhusii cum notis selectis variorum, qui inde a



Catanaeo ad Cellarium usque Epp. Plinianis profuerunt, adornatam, et cum Lectionibus variis tam Codd. MSS. quam veterum edd. collatam, ex iisque emendatam, debemus Gottl. Cortio: qui quum Libri X tertiae vix parti immortuus esset, reliquum operis absoluit novasque collationes addidit P. Longolius (Cortii discipulus, post Rector Gymn. Curiae Regnitianae), qui et praef. praemisit, satis cursim nec accurate scriptam, indicem vero vocabulorum ad modum illorum in edd. Delphinianis conguessit. Atque uti haec tantum eruditorum usibus inservit, ita non illis solum, sed et iunioribus commodiorem minori apparatu, sed cura etiam maiori, perpetua adnotatione et indicibus aptioribus instructam edidit Epp. cum Paneg. I. M. Gesnerus vir exemplaris, Lips. 1739. Quam secundis Gesneri curis et Io. Aug. Ernesti epist. ad ipsum, qua plura loca libri X Epp. et Paneg. vel corriguntur vel explicantur, auctiorem dedit Guil. Ernesti an. 1770. Sed et Gallia recensionem Epp. et Paneg. debet Io. Nic. Lallemandio ab an. 1749 Parisiis, repetita 1755 et 1769, et Anglicum splendorem tuetur *Glasguensis* Foulisiana 1751 gemina in 4 et 12. Minores non curamus.

Panegyrici Pliniani lectio emendatior facta ex Cod. venerando Christiani Gottl. Schwarzii, Prof. Altorf. qui praeterea usus priscarum edd. subsidiis Spicilegia V obs. in Paneg. Plinii ad modum disq. Acad. edidit 1729—1735, ex quibus et aliunde emendatus a Io. Matt. Gesnero, Gottingae 1735, prodiit textus, cum praef. qua receptas suo iudicio lectiones tuetur. Supervenit dein ex Batavis Ioannis Arntzenius, qui partem Cortio-Longolianae industriae in Epp. adhibita curam, an maiorem etiam, posuit in Panegyrico Plin. c. n. Varr. Schwarzii quoque et suis adornando,

ceterum vulgatae lectionis recognitor, non sine superstitione aliqua modestus. Iam denuo recensuit *Gesnerus* textum in illa operum *Plinianorum* editione 1739. Interim *Schwarzius* cunctando auxit opes suas, antequam Panegyricum suum tanto apparatu critico ex XII Codd. Mss. et plerisque edd. vet. et rec. suaeque doctrinae elegantia instructum ederet an. 1746, quantum nulli alii antiquitatis monumento ab editoribus adhibitum vix invenias. Inde *Gesnerus* iterum Panegyrici textum *Goettingae* emendatum reddidit 1749, et post ejus mortem *Gesneriana* II operum etiam in Panegyrico profecit cura Guil. Aug. *Ernesti*, Lips. 1770 edita.

Recensionem Panegyricorum post *Cellarium* et *Patarolium* nemo, quod ad universos attinet, hac aetate instituere ausus est. Sed aliquos illustravit *Schwarzius* singularibus libellis, ut *Eumenium* 1716 et *Lat. Pacatum Drepanium* 1727, et *Claudium Mamertinum* 1746—1748. Obs. in *Pacatum*, adiectae etiam leguntur in *Baunii* Paneg. veterum editione recusa *Venetis* 1728, et *I. Arntzenio*, qui *Pacatum* c. n. *Varr.* dedit *Amstelod.* 1753.

1734. *Amstelaedami*, 4. *C. Plinii Caec. Secundi Epistolarum* libros decem, cum notis selectis *Io. Mar. Catanaei*; *Iac. Schegkii*, *Iac. Simondi*, *Is. Casauboni*, *Henr. Stephani*, *Conr. Rittershusii*, *Cl. Minois*, *Casp. Barthii*, *Aug. Buchneri*, *Io. Schefferi*, *Io. Frid. Gronovii*, *Christoph. Cellarii*, aliorumque, recensuerunt suisque animadversionibus illustrarunt *Gottlieb. Cortius* et *Paullus Daniel Longolius*; qui etiam universum opus *Indicibus* locupletissimis instruxit. *Amstel.* apud *Ianssonio-Waesbergios*. — Libro duobus nominibus, *P. Burmanni* et *I. P. d'Orville*, qui *Cortio* subsidia miserant, inscripto praefa-

tur Longolius, quod utinam accuratius fecisset ! Tum praef. variorum sequuntur 1, *Hieronymi Huanthni* ad Bern. Bembum (P. Bembi purpurati patrem). Veronensi credo 1502 (neque enim Longolius indicat) praemissam 2, *Aldi Pii Manutii* ep. *Aloisio* (Longolius omittit nomen *Mocenico*) *equiti et Sen. Veneto* (mendose *Vereto*) inscriptae fragmentum; 3, Io. Fr. *Zeffi* dedicatoria Iuntinae; 4, Henr. *Stephani* praef. suae an. 1591. Ceteris antiquioribus vel superioribus, quae repetitione digna videri poterant, ut Cratandrina utraque, Boxhorniana, Veenhusiana, Thomasiana, etc. omissis substituitur notitia Fabriciana de Plinio ab ipso Fabricio auctor. Sequuntur Fr. *Brummeri* collationes cum 2 Codd. MSS. et ed. Neapol. 1476 serius Longolio transmissae; tum Vita Plinii a Io. *Massono* scripta ex ed. II auctor. Haec omnia praemittuntur textui Epp. notis Varr. illustrato. Opus claudunt VI Indices verborum, quorum I verhorum, stulta diligentia scriptus, aequat illos in usum Delphini.

1735. *Gottingae*, 8. C. Plinii Caec. Secundi Panegyricus, tum aliunde, tum ex observationibus Christ. Gottl. *Schwarzii* emendatus a Io. Matth. *Gesnero*. — Praeter praefationem solus contextus Panegyrici exhibetur.

1735. *Halae*, 8. Epistolae selectae, ex recensione *Kaecheri*.

1737. *Regiomonti*, 12. Epistolae et Paneg. c. n. Christoph. Cellarii et Io. Christ. Herzog. Repetita ex edd. 1711.

1737. *Gottingae*, 8. Panegyricus, cum obs. C. G. *Schwarzii*.

1738. *Amstelaedami*, 4. C. Plinii Caec. Secundi Panegyricus, cum notis integris Franc. Iureti, Ioan.

Livineii, Iusti Lipsii, Petr. Fabri, Conr. Rittershusii, Iani Gruteri, Christ. Gottl. Schwarzii, et selectis aliorum, curante Io. Arntzenio, qui et suas annotationes adiecit. Accedit Ioannis Masson Vita Plinii. Editio tertia auctior. Haec Arntzenii editio commendatur ab usu exceptorum e MSS. libris pluribus, coniecturis virorum doctorum, N. Heinsii et Perizonii: habetque notas et selectas ex cdd. superioribus, et suas bene multas. Crisis est modesta, et ab audacia prorsus aliena: ceterum interdum nimis pertinaciter lectiones vulgatas videtur defendisse.

\* 1738. *Norimbergae*, 8. Epp. c. n. Germ. Casp. *Gottschlingii*, Silesiaci.

1738. *Viennae*, 8. Epistolae et Panegyricus c. n. Germ. ap. Krausium.

1739. *Norimbergae*, 8. Epistolae cum notis Germ. Casp. *Gottschlingii*.

1739. *Lipsiae*, C. Plinii Caecilii Secundi Epistolarum libri decem. Eiusdem gratiarum actio sive Panegyricus, cum annotationibus perpetuis Io. Matthiae *Gesneri*, qui etiam Vitam Plinii et Indices auctiores emendatioresque dedit. *Lipsiae*, sumptibus Caspari Fritschii. Editio exemplaris, maxime ex quo repetita ex curis secundis aucta fuit an. 1770.

1746. *Norimbergae*, 4. C. Plinii Caecilii Secundi Panegyricus Caesari Imp. Nervae Traiano dictus. Quem ex XII Codicibus MSS. librisque collatis recensuit, ac notis observationibusque item et nummis aere exscriptis illustravit, simulque adiectis integris pariter atque excerptis virorum eruditorum commentationibus instruxit Christianus Gottl. *Schwarzii*, Sacr. Caes. Maiest. Com. Pal. Acad. Altorf. Prof. Publ. et Senior. *Norimbergae*, sumptu Io. Georg. Lochneri. — Editio superioribus omnibus facile superior.

1746—1748. *Altorfii Noricorum*, 4. IV Part. Christ. Gottl. *Schwarzii* Observationes philologicae ad Claudii Mamertini Panegyricum genethliacum Maximiano Aug. dictum.

1748. *Halae*, 12. C. Plinii Caec. Secundi Epistolae et Panegyricus. Halae, sumptibus Orphanotrophei. — Nullius pretii.

1748. *Berolini*, 8. C. Plinii Panegyricus, studio et opera F. *Muzelii*.

1749. *Parisiis*, 12. C. Plinii Caec. Sec. Epistolae et Panegyricus. Editio nova. Recensuit et notis illustravit Io. Nic. *Lallemand*, in Marchiano Rhetoricae Professor. Parisiis, apud Desaint et Saillant. — Editio nitida et accurata.

1749. *Gottingae*, 8. C. Plinii Panegyricus, tum aliunde, tum ex observationibus Christ. Gottl. *Schwarzii* emendatus a Io. Matth. *Gesnero*. Editio secunda A. *Vandenhoeck*.

1750. *Berolini*, 8. II. Tom. C. Plinii Epistolae et Panegyricus, Lat. et Gall. curante Io. Petr. *Millero*.

1751. *Glasgae*, 4. C. Plinii Caecilii Secundi Opera quae supersunt omnia. Glasgae, in aedibus Academicis excudebant Robertus et Andreas Foulis. — Editio splendida. Cf. Catal. de Crevenna, vol. IV, p. 278.

1752. Eadem *ibid.* 12 III vol.

1753. *Amstelædami*, 4. Latini Pacati Drepanii Panegyricus, cum notis variorum curante Io. *Arntzenio*. Amstel. apud viduam et filium S. Schuten. — praeter iam editas annotationes varr. in hac editione accesserunt ineditae adhuc Thom. Wopkensis, quibus et suas addidit Arntzenius, usus etiam excerptis Codicis MS. ab Gudio quondam collati cum exemplo edito. Pro fuisse etiam sibi dicit Christ. Gottl. *Schwarzii* observationes criticas ex Cod. MS. Norimbergae 1727, 4.

1755. *Parisiis*, 12. Plinii Epp. et Paneg. cura *Lallemandii*. rep. ex illa 1749. <sup>4</sup>

1769. *Parisiis* ap. I. *Barbou*, 12. Plinii Epp. et Paneg.

1770. *Lipsiae*, 8. C. Plinii Caec. Sec. Epp. Libri X. Eiusd. gratiarum actio s. Paneg. Cum adnott. perpetuis Ioannis Matthiae *Gesneri*, qui etiam vitam Plinii (auct. Christoph. Cellario) et Indd. auctiores emendatioresque edidit. Editio auctior et correctior. Lipsiae, sumptibus Casp. *Fritsch*, MDCCLXX. Aucta scil. est quibusdam ab ipso Gesnero adscriptis vivo, cura Guil. Aug. *Ernesti*, et accessit Io. Aug. *Ernesti* epistola, qua loca plura lib. X et Paneg. vel corriguntur, vel explicantur.

1772. *Viennae*, 8. C. Plinius Caec. Sec. c. n. Germ. *Gottschlingii*.

1773. *Halae*, 12. C. Plinii Caec. Secundi Epistolae et Panegyricus.

1780. *Norimbergae*, 8. C. Plinii Caec. Sec. Epistolae ex recensione *Longolii*. — Ridiculum; huic enim minima pars laudis in recensione Cortiana debetur. Sed Franci suos laudant.

1780. *Ibid.* 8. Panegyricus ex recensione C. G. *Schwarzii*.

1785. *Wirceburgi*, 8. C. Plinii Caec. Sec. Epistolarum libri X; eiusdem gratiarum actio sive Panegyricus.

<sup>4</sup>. Cette indication est fautive, le professeur Lallemand n'ayant fait paraître qu'en 1769 sa seconde édition de Plin. B.

## ADDITIO

## AD PLINII NOTITIAM LITERARIAM

AUCROUS BARBIER.

1788. *Parisiis*. C. Plinii Secundi Epistolae et Panegyricus, recensuit I. N. Lallemand. <sup>1</sup>

Cette édition est conforme à celle de 1679, bien supérieure à la première, qui parut en 1749.

1789. *Biponti* C. Plinii Caec. Secundi Epistolae et Panegyricus; accedunt alii Panegyrici veteres: praemittitur notitia literaria studiis societatis Bipontinae. Editio accurata. Biponti ex typographia societatis, 2 vol. in-8°.

1790. *Londini*. Plinii Epistolarum libri X (edente H. Homer) Londini, Ritchie, petit in 8°.

1796. *Parisiis*. C. Plinii Secundi Panegyricus Traiano dictus. Parisiis, Renouard, petit in-12.

1796. *Lipsiae*. C. Plinii Panegyricus, recensuit notisque illustravit G. E. Gierig. Lipsiae, in 8°.

1800. *Lipsiae*. Plinii Epistolae; recens. et notis illustravit G. E. Gierig. Lipsiae, 2 vol. in-8°.

1805. *Lipsiae* C. Plinii Caecilii Secundi Epistolarum libri decem et Panegyricus; ex recensione et cum adnotationibus perpetuis Io. Matthiae Gesneri quibus Io. Michaëlis Heusingeri, Io. Christ. Theoph. Ernesti, suasque notas addidit Godofr. Henr. Schaeffer. Lipsiae, sumptibus Caspari Fritsch, in-8°.

1806. *Lipsiae*. C. Plinii Epist. et Panegyricus, recensuit et illustravit G. E. Gierig. Lipsiae 2 vol. in-8°.

t. On regrette de ne trouver aucune notice sur I. N. Lallemand dans nos dictionnaires historiques, pas même dans la *Biographie universelle*. On doit encore à cet estimable professeur de bonnes éditions de Cicéron, de Tite Live et de Tacite. Je réparerai cet oubli dans le second volume de mon *Examen critique des Dictionnaires historiques*. B.

*VERSIONES INSIGNIORES.*

Etsi propositum nobis erat versiones omnino praetermittere, tamen, quoniam aliquid spatii superest, italicas gallicasque praecipuas, ceteroquin satis notas, lectorum oculis subiiciemus.

1701. 1711. 1721. Parisiis. 12. III vol. *gallice*, interprete Lud. Sacio (*Sacy*).

1722. Parisiis, 4.<sup>o</sup> eodem interprete.

1750. Berolini, 8.<sup>o</sup> II vol. eodem interprete. Huic editioni adiunctus est textus plinianus.

1760. Parisiis, 12. II vol. Sacio interprete, sine textu.

1808. Parisiis, 12. III vol. ex Lud. Sacii versione. Accedit textus plinianus et interpretis vita.

1714. Romae, 4.<sup>o</sup> *italice*, interprete Io. Ant. Tedeschi.

1753. Eadem repetita, 4.<sup>o</sup> II vol.


Typ. T.



C. PLINII CAECILII  
SECVNDI  
E P I S T O L A E

PLIN. *Ep.* Tom. I

A



## C. PLINII CAECILII

## SECVNDI

## EPISTOLARVM

## LIBER PRIMVS

## I.

*Septicio Epistolarum opus, eiusdem hortatu collectum, dedicat. Repetitur amici consilium, obsequium suum, instituti rationem, votum utrique commune, novum denique promissum exponit. In summa brevitate perspicuae singula exprimit et plene. LXX.*

C. PLINIUS SECVNDVS SEPTICIO • SVO S.

**F**requenter hortatus es, ut epistolas, si quas paulo accuratius scripsissem, colligerem publicaremque. Collegi, non servato temporis ordine; neque enim historiam componebam, sed ut quaeque in manus venerat. Superest, ut nec te consilii, nec me poeniteat obsequii. Ita enim fiet, ut eas, quae adhuc neglectae iacent, requiram: et si quas addidero, non supprimam. Vale.

I. \* Septicius Clarus, frater Erucii Clari, Sexti Erucii avunculus, qui omnes Plinium certatim amabant. Putant esse eundem quem Adrianus praefectum fecit praetorio, sed et mox privavit ea dignitate. LXX.

t. Si quas paulo accuratius. Bene tuentur W. DD. si quas. Codd. Bodl. et excerpta Brunn. male quas. Ita

Latini ad Graecorum morem, quorum in libris αλ τις similiter in δε τις saepe depravatum fuit. S. — In Rom. legitur: si quas paulo cura maiore (non curatius, ut vulgo) scripsissem, ut Curtius edidit. — Mox in eadem: sed ut quaeque in manus venerant, ut Barthii codex. II.

2. Vt cas. Malim ut et cas. S.

## II.

*Librum suum Arriano emendandum mittit: consilium ei exponit, quod in eo elaborando sequutus sit, et quos viros imitatus. In hac autem epistola potissimum placet ordo naturalis, quo sententiae nectuntur. LEM.*

C. PLINIUS ARRIANO • SVO S.

Quia tardiozem adventum tuum prospicio, librum, quem prioribus epistolis promiseram, exhibeo. Hunc, rogo, ex consuetudine tua et legas et emendes: eo magis, quod nihil ante peraeque eodem ζῆλῳ scripsisse videor. Tentavi enim imitari Demosthenem,

II • In Arriani nomine MSS. valde variant, quum alii Adriano, alii Arrio, aut Arrinio praeferant. LEM. — Arrianum esse Maturium Gierigius putat, a Plinio mire laudatum, III, 2. Idem dudum placuerat Catanaeo. Minus certa res Gesnero visa; vide Indicem Hominum Illustrum. S.

4. *Librum quem . . . promiseram.* Actionem pro Accia Variola Catanaeus intelligit, de qua VI, 33, § 2; sed nullum in ea huius rei vestigium; est etiam contra aliquid. Haec tota prope in contentione dicendi; illic maior longe varietas. Compara utramque epistolam. G. — Facile assentior Gesnero. Sed Gierigii idem probantis ratio, quod Plinius in illa pro Accia Variola actione sibi mirifice placeat, de hoc autem libro satis modeste iudicet, parum ponderis videtur habere. Potuit aliter scribere Romano, cui liber legendus et admirandus, aliter Arriano, cui legendus et emendandus mitteretur. S. — Liber, cuius hic mentio fit, non fuit actio pro Variola:

sed vel in Publicium Certum, de qua lib. IX, ep. 13, vel alia. Antea enim longae desidia sub Domitiano indormierat. Vid. lib. VIII, ep. 14, 8. Actio pro Variola edita est, quum iam multae Plinii orationes exstarent. Vid. lib. VI, epp. 33, 41. H.

— Eodem ζῆλῳ. Ardore, studio, contentione, ut solent nimirum, qui aemulari aliquem, et si possint, superare conantur. Altera lectio, *stilo*, non absurda illa quidem, sed nemo stilo in ζῆλῳ mutaturus erat. G. — Sed poterat aliquis *stilo* apposuisse, interpretandi causa: nam ζῆλον hoc sensu dictum esse, patet ex Plutarch. Anton. cap. 2: ἐχρητο δὲ τοῦ καλοῦ μέτρου μὴ Ἀσιακῶ ζῆλον τοῦ λόγου, ἀποβῶντα μέλιστα κατ' ἐκείνων τὸν χρόνον, etc. E. — Non erravit, si quis *stilo* interpretandi causa apposuit. Ζῆλος enim hic non est, ut nonnullis placet, *ardor*; sed *imitatio*, *aemulatio*. Lege quae sequuntur. S.

2. *Tentavi enim . . . orationis.* Rom. *Tentavi enim imitari Demosthenem,*

semper tuum, Calvum, nuper meum, figuris dumtaxat orationis: nam vim tantorum virorum pauci,

*semper tuum, nuper meum, dumtaxat figuris orationis.* Tertius ergo Romanus hic testis veterem lectionem confirmat, quam aperte corrumpunt, qui *Calvum nuper meum* scribunt. Recte etiam *dumtaxat* eum Paris. cod. praeposit, ut semper fere Plinius. Vid. lib. III, 9, 26; lib. IV, 9, 7; lib. V, 24, 4; lib. IX, 16, 2; ep. 43, 4; ep. 34, 4; lib. X, 43; ep. 64, 4; epist. 413, 2. H. — *Calvum nuper meum.* Indicat, se non ita pridem imitari Calvum coepisse, laudatque Arrianum, perpetuum Demosthenis aemulum. De utroque in indice agitur. Ceterum fere est, ut praeferam lectionem a Cortio prolatam firmatamque e Mas. *Tentavi enim imitari Demosthenem semper tuum, nuper meum, figuris dumtaxat orationis: nam vim tantam verborum pauci, quos aequus amavit, aequi possunt.* Sed quod non apparet, quomodo *Calvum*, si non fuerit in libris antiquis, intrudere aliquis potuerit; facile contra est vocem quamcumque excidere: nihil ausus sum mutare. G. — Audaciorem criticum hic locus postea nactus est Wagnerum, Courcet. Merseb. dissert. 4781 edita. Igitur, quum *Calvum* in h. l. ferri non posse aliquot argumentis docuisset, pro ea voce graecam *ἐγκλίσιον* insereadum, omnemque locum ita legendum statuit: *tentavi enim imitari Demosthenem, ἐγκλίσιον semper tuum, nuper meum, figuris dumtaxat orationis: nam vim tantam verborum pauci, quos aequus amavit, adaequi possunt.* Nullam ego sententiam dico. Illa una vis verborum, quam lectionem illa erisis necessarium facit, me male habet. *Vim* Demostheni tributam scio, et intelligo, sed cur verborum? Nullana

Demosthenis in sententiis vis erat? Imo vero maxime in his et in omni non tam verborum quam rerum sensuumque tractatione. Cf. not. seq. E.

— *Vim tantorum virorum.* Cogitent, qui haec legunt, omnem virtutem oratoriam, quae inventionem, acuminem, spiritum, et vehementiam dicendi continetur, et maxime argumentando, persuadendo, commovendisque animis se exserit. Ab ea differt facultas eloquendi, quae maxime figuris orationis, et elocutionis virtutibus cernitur. E. — Rom. *Nam vim tantam verborum qui possunt?* In vulgata lectione primum nihil significant verba *tantorum virorum*, eaque ita, ut in Romana est, iam Cortius e Mediceo correxit: postrema vero glossa laborant, *pauci, quos aequus amavit, adaequi possunt.* Mirum est, quam in his libri variant, uni Mediceo plurimum tribuit Cortius, in quo reperit: *nam vim tam* (compendio scripturae, pro *tantam*) *verborum pauci, quos aequus amavit, qui possunt.* Sed Mediceus veram quidem lectionem, sed eam glossa oneratam, servat: ceteri utramque corruerunt. Cortius quidem pronomen *qui* in Mediceo ex *aequi* putat esse truncatum: sed hoc minus significat, quam *adaequi*, quod in ceteris est; nec saepe Plinius Virgilianis versibus pro suis utitur, quod ter fortasse fecit, lib. VI, ep. 20, et 33; lib. IX, ep. 43. Itaque omnibus vulgatis Romanam lectionem praefero: *nam vim tantam verborum qui possunt?* in qua ex superioribus verbum *imitari* subintelligitur. Cic. lib. II, de leg. c. 7: «Quis enim id potest, aut unquam poterit imitari?» Quint. lib. X, cap. 2, 42: «Imitabilia non

3 quos aequus amavit, adsequi possunt. Nec materia ipsa huic (vereor, ne improbe dicam) aemulationi repugnavit: erat enim prope tota in contentione dicendi, quod me longae desidia indormientem excitavit, si modo is sum ego, qui excitari possim. 4 Non tamen omnino Marci nostri τὰς ληκύθους fu-

sunt ingenium, inventio, vis, facilitas. » Quoniam Plinius interrogans scripsit: nam vim tantam verborum qui possunt? responsi loco aliquis Virgilianum versum adiecit: pauci quos aequus amavit. Is postquam a librariis cum Plinianis verbis contextus (ut in Mediceo), cum sequentibus vero male cohaerere visus fuit: in aliis exemplaribus qui mansit, in aliis inductum, et fulciendo hiatus adaequat arcessitum fuit. Hinc omnis illa lectionis varietas, quam Cortius adnotavit: qua vero facile nunc carere possumus, postquam erroris fontem reperire contigit. H. — Praeclara crisis Heusingeri. Quam qui convelli eo posse opinantur, quod vis Demosthenis non in solis verbis fuerit, dubito an satis expenderint, qua oppositione Plinius hic utatur. Neque enim verba sententiae opponit, sed vim verborum figuris orationis. Verborum autem vim maxime ex sententiis, uberrimo fonte τῆς τοῦ λόγου δυνάμεως manare, nemo nescit. Itaque locus sic constituendus: *Tentavi enim imitari Demosthenem, semper tuum, super meum, distulisti figuris orationis: nam vim tantam verborum qui possunt?* S. — Pauci quos aequus. Proverbi formam dat Virgiliano ex Aen. VI, 429: » Pauci, quos aequus amavit Iuppiter, aut ardens exivit ad aethera virtus. » G.

3. Ne improbe dicam. Excusat verbum aemulationi, quod arrogans videri potest et improbum, h. e. impu-

dens, nimis audax, quae frequens verbi notio. H. — Si modo is sum ego, qui excitari possim. Rom. et Medic. si modo is sum ego, ut excitari possim. Vtrumque Ciceronianum est. Cicer. lib. V, ep. 8 med. » Is enim tu vir es, et enim me esse cupio, ut ... conjunctionem amicitiamque nostram utrique nostrum laudi sperem fore. » Et Brut. ep. 15: » nec tamen is sum, ut mea me maxime delectent. » Vid. Horat. Tursell. Schwartzianum, cap. CXXII, 43, p. 450, a quo haec sumsi. Non dissimile est illud infra ep. 43, 6: » Neque enim quisquam est fere, qui studia, ut non simul et nos amet. H. — Magis tamen Tullianum pato qui. Discas id ex elaboratissima epistola ad Lucecium V, 22, p. 421, Ernest. Neque enim tu is es qui, quid scis, nescias. Minus, ut videtur, suaviter ad aurium sensum. S.

4. Non tamen... admoneremur. Rom. Non tamen omnino Marci nostri τὰς ληκύθους fugimus; ut etiam paulum itinere cedendo in tempestivis amoenitatibus submoveremur. Parum hinc abit Mediceus, ut his auctoribus legi possit: ut etiam paulum itinere, cedendo non intemperatis amoenitatibus, submoveremur. Sed si per libros liceret, cedendo carere possemus. H. — Bene servavit articulum ante ληκύθους, in aliis quoque editionibus Cortio repositum. S.

— Marci nostri. Ipso praenomine familiaritatem, quae sibi cum Cice-

gimus, quoties paululum itinere decedere non intempestivis amoenitatibus admonebamur: acres enim esse, non tristes, volebamus. Nec est quod putet, me sub hac exceptione veniam postulare. Immo, quo magis intendam limam tuam, confitebor et ipsum me et contubernales ab editione non abhorreere, si modo tu fortasse errori nostro album calculum adieceris. Est enim plane aliquid edendum, atque utinam hoc potissimum, quod paratum est! (audis desidiaevotum) edendum autem ex pluribus causis: maxime quod libelli, quos emisimus, dicuntur in manibus esse, quamvis iam gratiam novitatis exuerint; nisi tamen auribus nostris bibliopolae blandiuntur. Sed sane blandiantur, dum per hoc mendacium nobis studia nostra commendent. Vale.

rone intercedat, significat, ut ille: a O Tite, si quid ego adiuro, etc. Gaudet praenomine molles auricularae. s. G.

— ληκύθους. Ab ipso Tullio quum sumserit ληκύθους Noster, non dubium est, illas ea qua Tullium significatione posuisse. Aperte autem ad pictores, qui pigmenta in hoc vasis genere habent, ille refert ad Att. lib. I, 14, ubi de Crasso: a Totum hunc locum, quem ego varie meis orationibus soleo pingere, de flamma, de ferro (nosti illas ληκύθους) valde graviter pertenuit. a Nescio, quam bene huc referat Cresollius dulcia illa vel ecligmata vel sorbitiunculas, quibus laevorem quemdam et splendorem voci conciliarent Sophistae. Vid. illius Theatr. rhetor. III, 48; et Vacatt. auctumn. III, 9, 2, p. 504. G. — Non aberrabit a sensu, qui ληκύθους non tantum pigmentis, sed et unguentis serviasse cogitet: nam et pictam, et unctam orationem veteres eodem fere sensu

disera. De utroque cf. Lex. technol. rhet. voc. pigmenta; pingere; unctus. E. — itinere decedere: quod fit in oratione digressionibus, quae varietate rerum delectant, et quasi reficiunt lectorem, ut locorum amoenitates via torem. Simili metaphora Livius IX, 47, amoena legentibus diverticula dixit. E.

— Acres enim esse, non tristes, volebamus. Acres dicit, qui ita est vehemens et severus in oratione, ut tamen a splendore, et cultu laetiori et iucundiori non abhorreat; quo sensu Graeci diserunt τὸ δριμύ, vel δριμύτητα, quam Eustath. ad Hom. II, 7, p. 433, ait apud Rhetores esse ἐπίτασιν τῆς γλυκύτητος. Tristem, semper et continuo severum, horridum, nihique tantem delectationi aut venustati. Cf. ep. II, 5; et Cie. Brut. 30, ubi triste et aevum dicendi genus iungitur. E. — Vid. Ernest. Lex. Techn. Graec. Rhetor. v. δριμύ, δριμύτης. S.

## III.

*Caninium occasione amoenitatum patriae hortatur, ut omnia rei familiaris cura, studiis se litterarum a mortalitate vindicet. E libertate qua haec scripta sunt, colligas adolescentulum eo tempore fuisse Caninium. LEM.*

C. PLINIUS CANINIO RVFO SVO S.

Quid agit Comum, tuae meaeque deliciae? quid suburbanum amoenissimum? quid illa porticus, verna semper? quid πλατῶν opacissimus? quid Euripus viridis et gemmeus? quid subiectus et serviens lacus? quid illa mollis, et tamen solida, gestatio? quid ha-

III. 1. *Mese deliciae.* Quia Plinius ibi natus erat, ibique praedia habebat. LEM. — *Euripus viridis et gemmeus.* Non ipsius aquae per ambages et anfractus derivatae, atque (instar Chalcidici illius Euripi) adfluentis refluentisque colores intelligo; sed ripae, quam non arenosam, sed herbis floribusque amoenam indicat: ut nempe *gemmea* alias *pruta* dicit; vid. Ind. De *Euripi* illis aliquoties Seneca, et quos praeterea laudat Davies, ad Cic. de natur. Deor. II, 1, uli cum Nilis coniunguntur. G.

— *Subiectus et serviens lacus.* Prius ad viciniam et continentiam, si fas est ita vocari, refero; de quo quidem dubium nullum est: alterum vero ad usum, quem quid praestat per id ipsum, quod vicinum est: ut hic *servit lacus Euripo*, vel implendo, vel (si *subiacere* ad humiliorem necessario locum referendum putes) exonerando recipiendoque. Ita V, 6, 23: *Piscina fenestris servit* h. e. prospectum illis amoeniorem praebet; cui simillimum

illud Statii, silv. II, 2, 75: *Servit sua terra fenestris.* Sic Quintil. IX, 4, 63: «Non enim cohaerent aliis, neque praecedentibus servant,» illustrandis nimirum, confirmandis, etc. Laudavit ista Cortius, sed simpliciter ad viciniam retulit. Vtrum attulerit aliquid Marklandus ad l. c. Statii, quod ab hac sententia nos demovere possit, non licet iam arbitrari. G. — Nihil eiusmodi Marklandus affert, modo laudans, praeter Plin. V, 6, 23, Senecam Herc. Oct. 776: *Phryxum mare servit Caphareus: servit hoc Austro lotus.* Ceterum dubitare noli, quin *subiectus* ad humiliorem locum referendum sit. S.

— *Gestatio.* Quoniam *gestatio*, nempe eo sensu, quo quis in lectica iacens gestatur, etiam cum iactatione quidam, ut corpus concutitur (Sen. ep. 55), magna pars erat diaetae Romanae (Celsus lib. II, 15), propterea Romani hortis suis addebant ambulationes arboribus cinctas, quae et ipsae *gestationes* dicebantur. Sic iis solum



lineum illud, quod plurimus sol implet et circumit? quid triclinia illa popularia? quid illa paucorum? quid cubicula diurna nocturna? Possidentne te, et per vices partiuntur? an, ut solebas, intentione rei familiaris obeundae, crebris excursionibus avocaris? Si te possident; felix beatusque es: sin minus, unus ex multis. Quin tu (tempus est enim) humiles et sordidas curas aliis mandas; et ipse te in alto isto pinguique secessu studiis adseris? Hoc sit negotium tuum, hoc otium: hic labor, haec quies: in his vigilia, in his etiam somnus reponatur. Effinge aliquid et excude, quod sit perpetuo tuum: nam reliqua rerum tuarum post te alium atque alium dominum sortientur: hoc nunquam tuum desinet esse, si semel coeperit. Scio, quem animum, quod horter ingenium.

reddebant solidum glarea et calce, ne lubricum viae lepticariorum vestigia falleret. Vitruv. VI, 10. — *Plurimus aed;* additis et magnis et pluribus ad omnes coeli regiones fenestris. — *Popularia.* Quae capiunt maximam convivarum multitudinem. LEN. — *Quid triclinia.....paucorum?* *Quid triclinia illa popularia, illa paucorum?* Rom. bene: et sic Brummer. cod. A, et Neapolitan. H. — *Diurna nocturna.* Bene cod., copula neglecta, *diurna, nocturna.* Augetur sic vis orationis. — *Mox malum ex codd.* Possident te et per vices partiuntur, an, ut solebas, etc. S.

3. *In his.....reponatur.* Rom. in his vigilia, in his etiam somnus reponatur. H. — Perpetam: sed placet vigiliae e quinque codd. enotatum. Vulgatae fontem Curtius perire ostendit. Contrario modo peccat cod. Haverk. in Liv. I, 47, 4. Vid. infra ad lib. II,

ep. 8, 4. S.

4. *Excude. Execlute,* quod habent quidam Codices, si ideo praefereundum putant viri docti, quia sit commoda et nitens translatio ab avium fetu sumpta, fugit eos ratio: quum *exceude* verbum ea in re et ipsum satis frequenter usurpari, rustici nostri doceant. Deinde *execlute* ad nobilissima etiam statuaria ex aere opera refertur; et crescit oratio, quum alteri *effinge*, quod ad plastas figulos, in cera et argilla occupatos, pertinet, *excude* subiicitur. G. — Graecorum hunc usum loquendi, latino simillimum, confirmavit Heyn. ad Find. Ol. VI, 161; et Eichelstädt. Ep. ad Ast. p. 177. E. — Rom. *Effinge aliquid et excude*, non *execlute*, ut Med. quod non placet. Et mox: hoc numquam desinet esse, si semel coeperit, ipsum. Hoc et Curtius adridet, quod ita et Medic. H.

Tu modo enitere, ut tibi ipse sis tanti, quanti videberis aliis, si tibi fueris. Vale.

5. *Vt tibi ipse sis tanti.* Cic. ad Q. Fr. lib. III, 6: « Cessator esse noli, et illud γρηῖσι σκωτὸν noli putare ad arrogantiam minuendam solum esse

dictum, verum etiam, ut bona nostra norimus. » G. — Leg. ut tibi ipsi sis tanti.... S.

## IV.

*Laudata rerum copia in villis socrus suae, et servorum diligentia, illam ad sua praedia invitat.*

C. PLINIVS POMPEIAE CELERINAE SOCRVI S.

Quantum copiarum in Ocriculano, in Narniensi, in Carsulano, in Perusino tuo! In Narniensi vero etiam balineum! Ex epistolis meis (nam iam tuis opus non

IV. 4. *Quantum copiarum.... sufficit.* Haec esse abrupta, et ne satis latina quidem, recte monuit Gierigius, qui, donec meliora proferantur, ita legendum putat: *Quam me copiae tuae in Ocriculano; in Narniensi, in Carsulano, in Perusino tuo delectent, in Narniensi vero etiam balineum, ex epistolis meis intellexisti, quamquam pluribus opus non est, sed tota illa brevis et vetus sufficit.* Haec planam quidem et probabilem sententiam habent: sed ego vereor, ut Plinius nunc illa sic scripserit. Amat Plinius et abrupta, praesertim quum quaedam admiratur et laudat, et in brevioribus epistolis, qualis haec est. Fortasse una interpunctione locus adiuvandus hoc modo: *Quantum copiarum in Ocriculano, in Narniensi, in Carsulano, in Perusino tuo! In Narniensi etiam balineum! ex epistolis meis (nam pluribus opus*

*non est) una illa brevis et vetus sufficit.* Socrus haec, quamvis abrupta, sine dubio recte intelligebat. Scilicet illi, non nobis, scripserat Plinius. Laetabor, quum dia post, quam haec scripseram, viderem viri docti, qui in Ephem. lit. Ienens. huius loci censuram posuerat, sententiam illi meae plane similem esse. E. — Idem et mihi in mentem venerat, antequam Ernestii notam vidissem. Itaque sic interpunsi. Certe Gierigii interpolatio reprobanda, incidens illa nervos orationis. Quod autem Ernestius ante etiam omisit vero, et iam tuis intavit in pluribus, imprudentis calamo videtur excidisse. S. — In Carsulano. Rom. in Carsulano, ut in quibusdam Catmaeus legit. H.

— *Ex epistolis meis.* Significatne alias a se epistolas editas? Certe pro-

est) una illa brevis et vetus sufficit. Non, mehercule, 2  
tam mea sunt, quae mea sunt, quam quae tua: hoc  
tamen differunt, quod sollicitius et intentius tui me,  
quam mei excipiunt. Idem fortasse eveniet tibi, si 3  
quando in nostra diverteris. Quod velim facias: pri-  
mum, ut perinde nostris rebus, ac nos tuis, per-  
fruaris: deinde, ut mei expergiscantur aliquando,  
qui me secure ac prope negligenter expectant: nam 4  
initium dominorum apud servos ipsa consuetudine  
metus exolescit: novitatibus excitantur, probarique  
dominis per alios magis quam per ipsos laborant.  
Vale.

vocat ad eam, quam olim scripserit  
ad socrum. *G.*

3. *Diverteris.* Giergius *deverteris*;  
et sic Ernestius editurus erat. Bene.  
Perpetua horum verborum confusio.  
Vid. Drakenborch. ad Liv. lib. I, 54,  
8. *S.*

4. Quam *mitis* dominus Plinius  
fuerit, apparet cum aliunde, tum ex  
V, ep. 49. — *Novitates*, novi, inso-  
lentes casus. *L.* — *Per ipsos.* Sic  
optimi libri: intelligo autem *dominos*.

*Per se ipsos* fecerunt, qui ad servos  
referrent, quod etiam si ponas, tamen  
illud se minus necessarium est. *G.* —  
Rom. *quam per se ipsi*, non *ipsos*, ut  
multi. Malunt dominis per alios pro-  
bari, quam ipsi per se. *H.* — Recte in-  
terpretatur Heusingerus; idque ipsum  
significat vulgata, *quam per ipsos*,  
quae lectio non sollicitanda. *Se libra-*  
*rii*, ut locis aliis, invexerunt. Vid.  
Drakenborch. ad Liv. Praefat. 3, ubi  
et de hoc Plinii loco. *S.*

## V.

*Mores subdolos M. Reguli cauidici ostendit.*

C. PLINIUS VOCONIO ROMANO SVO S.

Vidistine quemquam Marco Regulo timidiorem hu-  
milioremque post Domitiani mortem? sub quo non

V. 4. *M. Aquilius Regulus* causi-  
dici, vir malus, et dicendi impe-  
ritus (IV, ep. 7), unus e famosis

illis delatoribus, qui sub Nerone at  
Domitiano multis viris bonis exitium  
attulerant, etiam Plinium olim in

minora flagitia commiserat, quam sub Nerone, sed tectiora. Coepit vereri, ne sibi irascerer: nec fall<sup>2</sup> batur; irascebar. Rustici Aruleni periculum foverat, exsultaverat morte: adeo ut librum recitaret publi-

iudicio insidiasse interrogationis laqueis involvere voluerat, eiusque amicorum pericula foverat. Hunc ergo Noster iusto prosequatur odio; atque etiam in his epistolis flagitia eius passim insectatur; II, ep. 20; IV, ep. 2 et 7; VI, ep. 2. Sed mutatis sub Nerva et Traiano temporibus, in gratiam ille cum eo redire voluit. *Eius conatus atque etiam insidiarum pristinorum narrationem perspicuam, acrem et moratam haec epistola habet.* Crudelitas enim, impudentia, verusutia et, mutatis temporibus, humilitas Reguli bene notantur; sed et Plinii mores fideliter exprimuntur. Amicorum mortuorum famam curat, caute evitat laqueos adversarii, honorem habet viris gravibus, eorumque consilia sequitur; malos odit quidem, sed nec recusat, quo minus iis reconcilietur. Personae, quae rebus interfuerant, loquentes inducuntur, ut res agi videatur; interponuntur subinde iudicia Plinii, et alia, quae rebus illustrandis inserviunt. Forma orationis est ea, quae convenit narrationi amicorum confabulantium. Sed quem nobis, tanquam pessimum nebulonem, describit Plinius, eum summis laudibus passim extollit Martialis: etenim I, Epigr. 43 et 83, Reguli virtutem Dñs carissimam; I, Epigr. 442, eius sapiam, pietatem et ingenium celebrat; IV, Epigr. 46, autem eloquentiam eius Tullianae adeo praetert: *Magna ab inferis revocetur Tullius umbris, et te defendat Regulus IPSE licet.* Vtri igitur fides habenda est? Plinium, cuius animus ab omni

malevolentia et livore fuit alienissimus (v. Disq. Gierigii de moribus Plinii), quique in epistolis neminem fere, praeter Regulum, insectatur, tot ei crimina et scelera affinxisse, parum est credibile. Adde, quod et ea, quae Montanus ap. Tacit. II, IV, 42, de horrendis eius sceleribus narrat, bene cum his Plinianis consentiunt. Potius Martialis fides dubia nobis videri debet, quippe qui multis carminibus ipsum Domitianum in caelum tollit, VII, Epigr. 4, 5, 6, et 7; VIII, Epigr. 4, 41, etc. Ex fine nostrae epistolae videmus, multos fuisse, qui Regulum propter ingentes divitias, hereditatibus captatis aliisque pravis artibus congestas, vel colerent, vel timerent. Non igitur est quod miremur, his se adiunxisse poetam pauperem, cuius agelli nil, nisi dominum, ferebant (VII, Epigr. 30), cuius inopia sublevanda subinde erat aliorum facultatibus, et quem Roma secedentem etiam Plinius viatico prosecutus est; III, Epigr. 24. Fortasse nec satis notus Martiali homo fuit, qui tecte flagitiis sua committere solebat. L.

2. *Rusticus Arulenus*, vir bonus, quem Plinius sanctum adolescentiae monitorem habuerat. Sub Domitiano Thrasene et Helvidii Prisci laudes edidit, eosque sanctissimos viros appellavit: qua re iratus Domitianus Rusticum interfici iussit. Tacitus, Agric. II, Nost. Col. Vol. IV, p. 92, L. — *Vitelliana eleatrix*. Praeter quum esset Vitellii ad Vespasianum missus, vulneratus est Rusticus. Vid.

caretque, in quo Rusticum insectatur, atque etiam *Stoicorum simiam* appellat. Adicit *Vitelliana cicatrice stigmosum*. Agnoscis eloquentiam Reguli: lace-  
rat Herennium Senecionem, tam intemperanter qui-  
dem, ut dixerit ei Metius Carus, *Quid tibi cum meis mortuis? numquid ego aut Crasso, aut Camerino molestus sum?* quos ille sub Nerone accusaverat. Haec me Regulus dolenter tulisse credebat, ideoque  
etiam, quum recitaret librum, non adhibuerat. Prae-  
terea reminiscebatur, quam capitaliter ipsum me apud  
centumviros lacessisset. Aderam Arionillae, Timonis  
uxori, rogatu Aruleni Rustici. Regulus contra. Nite-  
bamur nos in parte caussae sententia Metii Modesti,  
optimi viri: is tunc in exilio erat, a Domitiano rele-  
gatus. Ecce tibi Regulus, *Quaero, inquit, Secunde, quid de Modesto sentias.* Vides, quod periculum, si  
respondissem, *bene*: quod flagitium, si, *male*. Non  
possum dicere aliud tunc mihi, quam deos adfuisse.  
*Respondebo, inquam, quid sentiam, si de hoc cen-*

Tac. Hist. III, 80. Hoc ignominiae imputat Regulus viro optimo, et officium functo; ac servili stigmati comparat honestam cicatricem. G.

3. *Eloquentiam Reguli*. scil. illis conviciolorum sordibus excellentem. Cf. Epist. IV, 7, 4. E.

— *Herennium Senecionem*. Quem Metio Caro accusante interfecerat Domitianus. Vid. VII, ep. 19. Contra Regulo delatore perierat Crassus, de quo Tac. II, I, 48, 2; et Camerinus, Tac. A. XIII, 52, 1. G.

4. *Ideoque, . . . adhibuerat*. Rom. eo quod etiam, quum recitaret librum, non adhibuerat. Librarius eoque scriptum vidit, ut in Medic. pro tū eo quod scripsit. H.—Verissime Heusingerus: nihil profecto frequentius confusione

vocularum que et quod. Ceterum Cor-  
tius eoque iure adiecit. Etiam alibi  
haec particulae eo significatio librarii  
fraudi fuit. Cf. Drakenb. ad Livium  
I, 11, 8. S.

5. *Centumviri*. Centumvirale iudi-  
cium olim constabat iudicibus cen-  
tum et quinque. Sub Caesaribus nu-  
merus eorum auctus est ad centum  
et octoginta. L. — *Nitebamur nos*.  
Cellarius et Gesterus cur vocabulo  
nos uncos adhibuerint, ignoro: igitur  
delevi. S.

— *Is tunc in exilio erat*. Rom. is  
tum in exilio erat. H. — Confusionis  
huius exempla ubivis reperias. S.

— *Deos adfuisse*. Verba mihi quasi  
ab aliquo deo, vel bono genio suppe-  
ditata esse. E.

6 *tumviri iudicaturi sunt. Rursus ille, Quaero, quid de Modesto sentias. Iterum ego, Solebant testes in reos, non in damnatos, interrogari. Tertio ille, Non iam quid de Modesto, sed quid de pietate Modesti sentias.*  
 7 *Quaeris, inquam, quid sentiam? At ego ne interrogare quidem fas puto, de quo pronuntiatum est. Conticuit: me laus et gratulatio sequuta est; quod nec famam meam aliquo responso, utili fortasse, inhonesto tamen, laeseram; nec me laqueis tam insidiosae interrogationis involveram. Nunc, ergo conscientia exterritus apprehendit Caecilium Celerem; mox Fabium Iustum rogat, ut me sibi reconcilient. Nec contentus, pervenit ad Spurinnam. Huic suppliciter (ut est, quum timet, abiectissimus), Rogo, inquit, mane videas Plinium domi: sed plane mane; neque enim diutius ferre sollicitudinem possum; et quoquo*  
 9 *modo efficias, ne mihi irascatur. Evigilaveram. Nuntius a Spurinna: Venio ad te. Immo ego ad te. Coimus in porticum Liviae, quum alter ad alterum ten-*

— *Centumviri.* Deest in codice bonae notae, spurinumque puto. S.

6. *Solebant.* Olim, apud maiores nostros, quin paulo ante, quum nondum ea, quae nunc regnat, corruptio morum invaluisset. Ipsum igitur tempus imperfectum reprehensionem acerbam continet. G. — Egregie, sed idem dudum Catanaeus monuerat. S.

— *De pietate.* In Augustum. Vid. Gesner. ad Panegy. XI, 4; et Ind. Graec. in Dion. Cass. v. ἀρεταί. — Mox post *sentias* alii addunt *quaero*. Laudo. Apte nec sine vi hoc verbum repetitur. S.

8. *Fabium Iustum.* Ad quem scriptus dialogus de causis corruptae eloquentiae. L. — *Rogo, inquit, mane.* Rons. *Rogo, inquit mane.* H. — Talia

vix digna erant, quae enotarentur: sed demonstrant laudabilem Hensingeri diligentiam in conferendo. — Paulo ante in Gesneriana *simpliciter* pro *suppliciter*, errore, puto, operarum. S.

9. *Immo ego ad te.* Occupare uterque officium studet, et honorem alteri exhibere. Talis concertatio etiam est apud Ciceronem in prooemio Academicorum. G.

— *Coimus in porticum.* etc. Rons. *Coimus in porticu Liviae, quum alter ad alterum tenderemus.* Ita Plinio scribendum fuit, qui locum significat, ubi forte alter alteri occurrit. H. — Recte Hensingerus. Itaque Giergius fallitur: cuius interpretatio si vera esset, quae sequuntur, *quum alter ad*

deremus. Exponit Reguli mandata; addit preces suas, ut decebat optimum virum pro dissimillimo, parce. Cui ego: *Dispicias ipse, quid renuntiandum Regulo* <sup>10</sup> *putes: te decipi a me non oportet. Exspecto Mauricum* (nondum enim ab exilio venerat), *ideo nihil alterutram in partem respondere tibi possum, facturus quidquid ille decreverit. Illum enim esse huius consilii ducem, me comitem, decet.* Paucos post dies <sup>11</sup> ipse me Regulus convenit in praetoris officio: illuc me persequutus secretum petit. Ait, *timere se, ne animo meo penitus haereret, quod in centumvirali iudicio aliquando dixisset, quum responderet mihi et Satrio Rufo: Satrius Rufus, et cui est cum Cicerone*

*alterum tenderemus, intolerabiliter languerent. Venio ad te, non sunt ipsius verba Spurinnae, amico iam obviam facti, sed nuntius Plinio allatus, Spurinnam venturum. Cui quum Plinius renuntiari iussisset, Immo ego ad te, alter ad alterum tendit: quod dum fit, coeunt in portica Liviae. Sic locum intellexit etiam Ioan. Fr. Gronovius ad Liv. XXXVII, 40, 5. S.—Liviae porticum. Aedificavit Augustus eo loco, ubi steterat immensa Vedii Pollionis domus, quam sibi legatam propter nimiam magnitudinem solo aequaverat: ornabatur tabulis pictis. L.*

— *Parce.* Mihi dubium non est, quin, ut monuit iam Casaubonus, *parce* adverbium sit, *περὶ τοῦτο*, moderate, et suspensa quasi manu. Imperativus *Parce* abrupte hic nimis et absce poneretur. G.

10. *Dispicias.* Quod codd. dant *dispicias*, tam mendosum est, ut mirer, Cortium de vera lectione dubitare potuisse. Sed et alibi nimia codicum suorum reverentia homini Latinitatis callentissimo obfuit. Catullus LXVI,

1, *Omnia qui magni disperit lumina mundi; ubi codd. non minus vitiose disperit.* Vid. de his verbis egregiam Valckenaerii notam in Callimacheis, p. 62, seqq. S.

— *Nondum enim ab exilio venerat.* Rom. *nondum ab exilio venerat, aiae enim.* H. — Deest etiam in cod. apud Cortium: fereque est, ut Plinium omisisse putem. S.

*In Praetoris officio.* Quum novo praetori officii causa adessem, deducturus eum in publicum. Sic *novorum Consulatum officium relinquunt* homines apud Sueton. Caes. 45. G.

— *Haereret.* Gierigius: \*E legibus melioris latinitatis debebat esse haereret.\* Itane? S. — *Eloquentia saeculi.* Plinii aetate dividebatur in eloquentiam saeculi, et antiquam. Antiquae annumerabantur Cicero, Caesar, Coelius, Calvus, Brutus, Asinius, Messala. Recentiorum agmen ducebat Cassius Severus, quem primum antiquarii conquerebantur eloquentiam corruptisse. L.

aemulatio, et contentus non est eloquentia seculi nostri. Respondi, nunc me intelligere maligne dictum, quia ipse confiteretur: ceterum potuisse honorificum existimari. Est enim, inquam, mihi cum Cicerone aemulatio, nec sum contentus eloquentia seculi nostri: <sup>43</sup> nam stultissimum credo, ad imitandum non optima quaeque proponere. Sed tu, qui huius iudicii meministi, cur illius oblitus es, in quo me interrogasti, quid de Metii Modesti pietate sentirem? Expalluit uotabiliter, quamvis palleat semper: et haesitabundus inquit, Interrogavi, non ut tibi nocerem, sed ut Modesto. Vide hominis crudelitatem, qui se non dissimulet exsuli nocere voluisse. Subiunxit egregiam caussam: <sup>44</sup> Scripsit, inquit, in epistola quadam, quae apud Domitianum recitata est, Regulus omnium bipedum nequissimus; quod quidem Modestus verissime scripserat. <sup>45</sup> Hic fere nobis sermonis terminus: neque enim volui progredi longius, ut mihi omnia libera servarem, dum Mauricus venit. Nèc me praeterit, esse Regulum δυσκράϊστον. Est enim locuples, factiosus; curatur a multis, timetur a pluribus, quod plerumque fortius amore est. Potest tamen fieri, ut haec concussa labantur: nam gratia malorum tam infida est, quam ipsi. Verum, ut idem saepius dicam, ex-

43. Expalluit — Interrogavi. Rum. Expalluit notabiliter, quamvis palleat semper, et haesitabundus: Interrogavi. Vulgo barbare et haesitabundus inquit, quasi verbum hoc toti orationi a Plinio praeponi soleat. Sed et Argentor. Cratand. et alii id omiserunt. H. — Eundem barbarismum ex Curtio exemit vir egregius, Emendat. pag. 226. Cf. Nolt. Lexic. Antib. col. 4526. S.

45. Esse Regulum δυσκράϊστον.

Rom. esse Regulum κράϊστον ἀκατάστατον, quod interpretamentum est. H. — Videtur voluisse librarius ἀκράϊστον ἀπετάστατον S.

— δυσκράϊστον, qui non facile de fortuna, et dignitate sua deiici potest. Proprie vox usurpata de domo, quae non facile conculi vel everti potest. Hinc illa, quae sequuntur, quibus metaphoram continuat Plinius: « potest tamen fieri, ut haec concussa labantur. » F.



specto Mauricum. Vir est gravis, prudens, multis<sup>16</sup> experimentis eruditus, et qui futura possit ex praeteritis providere. Mihi et tentandi aliquid et quiescendi illo auctore ratio constabit. Haec tibi scripsi,<sup>17</sup> quia aequum erat, te pro amore mutuo non solum omnia mea facta dictaque, verum etiam consilia cognoscere. Vale.

46. *Ex praeteritis providere.* Rom. *ex praeteritis praevideri.* H. — Sat frequens confusio; vide Burmann. ad Valer. Flacc. Argonautic. lib. II, v. 442. Oudendorp. ad Sueton. Octav. 10. S.

— *Ratio constabit.* V1 ratio pecuniaria constet, opus est aera singula, quae inducuntur, auctoritate, apocha,

testimonio, probari. Mauricum igitur si auctorem habent facti sui Plinius, non inestit reprehensorem. G.

47. *Quia aequum erat, te pro amore mutuo.* Rom. *quem aequum erat te pro amore mutuo.* Medic. *qui mecum erat.* Hi voluerunt fortasse, *quem aequum erat pro amore mutuo.* Duplex certe lectio in unam coaduit. H.

## VI.

*Tacitum monet, ipsum exemplo suo in silvis posse studere, et venari percommode. Potest haec epistola exemplum esse hilaris illius et vividae orationis, quae familiarium epistolas mirifice commendat. L.*

C. PLINIUS CORNELIO TACITO SVO S.

Ridebis, et licet rideas. Ego ille, quem nosti, apros tres, et quidem pulcherrimos, cepi. Ipse? inquis.

VI. 1. *Ego ille, quem nosti.* Rom. *Ego ille, quem nosti,* sine vulgari additamento *Plinius.* H. — *Tres.* Cort. ex cod. *tris.* Sic Heusingerus ad I, 7, 4, ex Rom. enotavit *Octobris,* quod et Beunmeriana excerpta habent. Cortius ad I, 10, 5, ex Ricard. *repu-*

*quantis.* Taceo alia eiusdem modi a Cortiò in libris reperta, quibus tamen, quod in homine talium callentissimo mirere, usus non est. More haec Tulliano, a Laguna nuper in epistolis Ciceronis diligenter servato. Idem si quis futurus Plinii editor facere insti-

Ipse: non tamen ut omnino ab inertia mea et quiete discederem. Ad retia sedebam. Erant in proximo, non venabulum aut lancea, sed stilus et pugillares. Meditabar aliquid enotabamque, ut, si manus vacuas, plenas tamen ceras reportarem. Non est, quod contemnas hoc studendi genus. Mirum est, ut animus agitatione motuque corporis excitetur. Iam undique silvae et solitudo, ipsumque illud silentium, quod venationi datur, magna cogitationis incitamenta sunt. Proinde quum venabere, licebit, auctore me, ut panarium et lagunculam, sic etiam pugillares feras. Experieris non Dianam magis montibus, quam Minervam inerrare. Vale.

tuet, me plaudentem habebit. Cf. Cort. ad Sallust. p. 264; ad Plin. I, 42, 5. S.

— *Erant in proximo.* Rom. *Erat in proximo.* Deinde *Meditabar aliquot*, ut iam Barthius adnotavit. H.

## VII.

*Negat roganti Octavio, se posse Gallo contra Bacticos adesse, quos semper defenderit. Dein Octavii carmina desiderat. Epistola praestantissima. Vide qua prudentia, qua comitate, qua denique urbanitate se excuset, ne laedat Octavium. L.*

C. PLINIVS OCTAVIO RVFO SVO S.

Vide, in quo me fastigio collocaris, quum mihi idem potestatis, idemque regni dederis, quod Homerus Iovi Optimo Maximo:

VII. 4. *Homerus.* Versus est II, π, 250. Imitatus est, et explicavit Virgilius XI, 794: «Auduit, et voti Phœbus succedere partem Mente dedit:

partem volucres dispersit in auras, a Nec omiserunt hoc observare Vrsinus, atque Clarkius. G.

Τῷ δ' ἑτέρῳ μὲν ἔδωκε πατὴρ, ἑτέρῳ δ' ἀνένευσεν.

Nam ego quoque simili nutu ac renutu respondere<sup>2</sup> voto tuo possum. Etenim sicut fas est mihi, praesertim te exigente, excusare Baeticis contra unum hominem advocationem: ita nec fidei nostrae, nec constantiae, quam diligis, convenit adesse contra provinciam, quam tot officiis, tot laboribus, tot etiam periculis meis aliquando devinxerim. Tenebo ergo<sup>3</sup> hoc temperamentum, ut ex duobus, quorum alterum petis, eligam id potius, in quo non solum studio tuo, verum etiam iudicio satisfaciam. Neque enim tanto opere mihi considerandum est, quid vir optimus in praesentia velis, quam quid semper sis probaturus. Me circa Idus Octobres spero Romae futurum, eademque haec praesentem quoque tua meaque fide

2. *Renutu*: ἀπαξ, opinor, λεγόμενον, fictumque a Plinio, ut responderet Graeco ἀνένευσις. Glossar. H. Stephani: Renuit, Ἀνένευσις. S.

— *Excusare* — *advocationem*. Negare possum Baeticis, ne illis adsum contra unum Gallum, quum alias tueri illos soleam contra quosvis: sed non possum Gallo adesse contra Baeticos. Haec monere visum, ne cui nostra Schefferi adnotatio imponeret, quam in alias derivatam editiones video. G. — *Convenit adesse contra provinciam*. Ominino adesse contra Baeticos, seu unus sit, sive plures, qui illos iudicio laceant. Ne cum Glerigio uni excidisse putes. Opponuntur sibi, non provincia et unus, sed Baetici et Gallus. S. — *Tot officiis*. V. g. in Classico accusando, de quo III, 9; item contra Massam Baebium, VII, 33, 4. G.

3. *Quorum alterum petis*. Rom. quo-

rum alterutrum petis, ut iam Cortius rescripsit. H. — Non opus est sic rescribi. *Alter* pro *alteruter* optuini scriptores dicunt. Livius I, 43: «Melius peribimus, quam sine alteris vestrum viduae aul orbae vivemus.» Adeoque ipse Cicero: vid. Clav. Cic. voc. *alter*. S.

4. *Tua meaque fide*. Et ipse fidem poles illi dare, et de mea etiam fide spoudere. Quamquam considerata arietate lectionis a Cortio proposita malim, eademque haec praesentem tuo meoque Gallo confirmaturum. G. — Rom. *Me circa idus Octobris spero Romae futurum eademque haec praesentem causa tua Aquilio Gallo confirmaturum*. In vulgata *tua meaque fide* nihil significant. Hinc atque ex Mediceo vera fortasse lectio aliquando restituitur, quae nondum reperta est, etsi Gesneriana coniectura ad eam proxime accedere vi-

Gallo confirmaturum: cui tamen nunc iam licet spondeas de animo meo:

H, καὶ καυχήσιν ἐπ' ὀφθαλμοῖς νεῦσε Κρυόταν.

- 5 Cur enim non usquequaque Homericis versibus agam tecum? quatenus tu me tuis agere non pateris: quorum tanta cupiditate ardeo, ut videar mihi hac sola mercede posse corrumpi, ut vel contra Baeticos adsim.  
6 Paene praeterii, quod minime praetereundum fuit, accepisse me caryotas optimas, quae nunc fici et boletis certandum habent. Vale.

delitur: eademque haec praesentem quoque tuo meoque Gallo confirmaturum. Ex quoque factum est causa, fallente scripturae compendio: nam causa tua non placet. Sequitur in Rom. cui tamen iam nunc, bene. H. — Scripserit Plinius: eandemque haec praesentem quoque tuo Gallo confirmaturum. Deinde iam nunc (quod et in excerptis Brummer.) bonum, quamquam nec in vulgata est quod iure reprehendas: uterque enim ordo usu receptus. De nunc iam vid. Drakenh. ad Liv. VII, 32, 43; de iam nunc idem ad eund. XXXI, 32, 3. S.

— H, καὶ καυχήσιν, etc.) Ex Hom. II. 2, 528. E.

5. Ut videar mihi hac sola mercede. Rom. ut videar hac sola mercede, sine mihi. H. — Pronomen melius adest. S.

6. Accepisse me caryotas optimas. Rom. accepisse caryotas optimas, omisso me. H. — Haud displicet. Certo locis plurimis manus inepte sedulae librariorum, quibus aliquid ad orationis integritatem deesse videretur, talia provocantula invexerunt. Vid. infra Cortius ad ep. 49, 2; Drakenh. ad Liv. I, 23, 5; Vechner. Hellenol.

p. 120 seq. eny notis Heusingeri. S. — Caryotas. Graecorum γάρυαξ χαυώται, de quibus v. Diodor. Sic H, 53; ibique Wesseling. p. 165. S. — Fici et boletis. Sic recte edidit, et scribi, omissa eum, docuit Cortius. De formula certandum habent vid. Ind. G. — Rom. quae nunc cum fici et boletis certandum abest, vitiose in ultimo verbo. Praepositionem cum Cortius unius Medicei auctoritate delevit, quam saepius Plinius adiecit; si unum locum excipias, lib. VIII, ep. 8, 4, ubi dixit, rigor aquae certaverit visibus. Ille post nunc facile excidere potuit. Cum fici et boletis certandum habent nemo explicat. Fortasse hoc dicit: periclitatur, ne fici et boleti, quos pro illis reddo, se multo gratiores tibi sint. H. — Temere negat Gierigius, Plinium verbo certare dativum iungere. Cautius Heusingerus, qui loco illo altero iam in notis ad Vechner. Hellenol. p. 336, usus fuerat. — Fungis in excerpt. Brummer. glossa videtur vocis boletis. — Certandum habent non est, certare possunt, sed certare debent, et quasi in certamen veniunt. S.

## VIII.

*Petit emendationem orationis in patria habitae, quum bibliothecam dicasset, et alimenta ingenuis decrevisset: de cuius editione sollicitius disquirat. Apparet multum curae eum huic epistolae impendisse, cum in verbis deligendis vinciendisque, tum in sententiis nectendis et explicandis. L.*

C. PLINIVS POMPEIO SATVRNINO SVO 3.

**P**eroportune mihi redditae sunt literae tuae, quibus flagitabas, ut tibi aliquid ex scriptis meis mitterem, quum ego id ipsum destinassem. Addidisti ergo calcaria sponte currenti, pariterque et tibi veniam recusandi laboris, et mihi exigendi verecundiam sustulisti: nam nec me timide uti decet eo, quod oblatum est, nec te gravari, quod depoposcisti. Non est tamen, quod ab homine desidioso aliquid novi operis exspectes. Petiturus sum enim, ut rursus vaces sermoni, quem apud municipes meos habui, bibliothecam dedicaturus. Memini quidem, te iam quaedam adnotasse, sed generaliter: ideo nunc rogo, ut non tantum universitati eius attendas, verum etiam particulas, qua soles lima, persequaris. Erit enim et post emendationem liberum nobis vel publicare vel continere. Quin immo fortasse hanc ipsam cunctationem nostram in alterutram sententiam emendationis ratio deducet, quae aut indignum editione, dum saepius retractat, inveniet: aut dignum, dum id ipsum expe-

VIII. 2. *Non est tamen.* Sic etiam Rom. II.

— *Petiturus sum enim.* Non habet hic ordo verborum, quod aures offendant: immo mollior videtur illo altero, quem Gierigius praeferret,

*Petiturus enim sum.* Similis locus in Horat. Turbell. cap. LXVIII, 3, ex Cicerone laudatur, Or. pro lege Manilia II, 4: *Genus est enim eiusmodi, quod, etc.* S. — Vid. nubem exemplorum supra pag. viii et ix. T.

5 ritur, efficiet. Quamquam huius cunctationis meae  
 causae non tam in scriptis, quam in ipso materiae  
 genere consistunt. Est enim paulo gloriosius et elatius.  
 Onerabit hoc modestiam nostram, etiamsi stilus  
 ipse fuerit pressus demissusque, propterea quod co-  
 6 gimur cum de munificentia parentum nostrorum, tum  
 de nostra disputare. Anceps hic et lubricus locus est,  
 etiam quum illi necessitas lenocinatur. Etenim si alie-  
 nae quoque laudes parum aequis auribus accipi so-  
 lent; quam difficile est obtinere, ne molesta videatur  
 oratio de se, aut de suis disserentis? Nam cum ipsi  
 honestati, tum aliquanto magis gloriae eius praedi-  
 cationique invidemus: atque ea demum recte facta  
 minus detorqueamus et carpimus, quae in obscuritate  
 7 et silentio reponuntur. Quae ex causa saepe ipse me-  
 cum, nobisne tantum, quidquid illud est, composui-  
 se, an et aliis debeamus? Ut nobis, admonet istud,  
 quod pleraque, quae sunt agenda rei necessaria,  
 eadem peracta nec utilitatem parcam nec gratiam re-  
 8 tinent. Ac, ne longius exempla repetamus, quid uti-

5. *Paulo gloriosius.* Interiectam inter  
 haec duo verba quasi, Cortio auctore,  
 omisimus. G. — *Etiamsi ... demis-*  
*susque.* Rom. etiamsi stilus ipse pressus  
*demissusque fuit.* non fuit, quod  
 cum pluribus Cortius retinuit. H. —  
*Pressus.* Vid. Erasmi. Lexic. Technol.  
 Lal. Rhetor. h. v. S.

6. *Disserentis.* Cortius mallet, si  
 per membranas liceret, *discreta.*  
 Male. S.

7. *An et aliis debeamus?* Proposuit  
 dubitationem: deinde ostendit, quae  
 causa impellat se ad priorem illius  
 partem sequendam. Nimirum inge-  
 niosam Barthii distinctionem recipere  
 nihil dubitavimus, et probabit, spero,  
 factum, quiquis diligenter animum

adverterit. Vulgati, *an et aliis de-*  
*beamus, ut nobis?* Admonet istud quo-  
 que. Retinuit hanc lectionem Cortius:  
 sed idem Barthii emendationem lau-  
 davit, et ultimam quoque ab optimo  
 Codice Mediceo abesse testatus est. G.  
 — Rom. *nobisne tantum, quidquid est*  
*istud (non illud), composuisse, an et*  
*aliis, debeamus?* ut nobis, admonet  
 illud, quod pleraque. Ita verba ipsa,  
 plane ut Cortius voluerat, scripta  
 sunt: sola interpunctio ab ea, quam  
 adhibui, discrepat, ac potius neglecta  
 est: nam nec post *debeamus*, nec post  
*nobis* inciditur. H.

8. *Longiore tractatu pervideremus.*  
 Sic et Rom. H. — *Longiorem tracta-*  
*tum* dixit rerum eam tractationem,

lius fuit, quam munificentiae rationem etiam stilo  
prosequi? Per hoc enim assequeremur, primum ut  
honestis cogitationibus immoraremur; deinde ut pul-  
chritudinem illarum longiore tractatu pervideremus;  
postremo, ut subitae largitionis comitem poenitentiam  
caveremus. Nascebatur ex his exercitatio quaedam<sup>9</sup>  
contemnendae pecuniae; nam quum homines ad cu-  
stodiam eius natura restrinxerit, nos contra multum  
ac diu pensitatus amor liberalitatis communibus ava-  
ritiae vinculis eximebat: tantoque laudabilior muni-  
ficientia nostra fore videbatur, quod ad illam non im-  
petu quodam, sed consilio trahebamur. Accedebat<sup>10</sup>  
his caussis, quod non ludos, aut gladiatores, sed  
annuos sumptus in alimenta ingenuorum polliceba-  
mur. Oculorum porro et aurium voluptates adeo non  
egent commendatione, ut non tam incitari debeant  
oratione, quam reprimi: ut vero aliquis libenter edu-  
cationis taedium laboremque suscipiat, non praemiis  
modo, verum etiam exquisitis adhortationibus impe-  
trandum est: nam si medici salubres, sed voluptate<sup>11</sup>  
carentes cibos, blandioribus alloquiis prosequuntur;

qua diutius iis immoramur, per sin-  
gulas euntes, singulas expedientes,  
id quod supra dixerat stilo *prosequi*.  
H. — *Pervideremus*. Habet in hoc  
verbo eam vim quae per, quam in *per-  
spicio*; ubi accuratam diligentemque  
curam et continuatam inspiciendi di-  
ligentiam notari, satis constat. G. —  
*Poenitentiam caveremus*. Hoc fit, quum  
largitionis utilitatem ac pulchritu-  
dinem accurate et diu perpendimus:  
nam honestatis cogitatio molestum  
iacturae fletus sensum mitigat aut  
plane expellit. E.

9. *Tantoque laudabilior munificen-  
tia nostra*. Rom. *tantoque laudatior*

*munificentia nostra*. H.

10. *Ludos, et gladiatores* vulgo  
promittere solebant, qui iocundare in  
animos multitudinis volebant. Sed  
noster utilius pecuniam suam collocare  
voluit, Traiani liberalitatem imitatus,  
qui primus *alimenta ingenuorum* dedit,  
non modo Romae sed in aliis quoque  
Italicae oppidis. L. — *In alimenta in-  
genueorum*. In veteri Inscript. apud  
Grut. pag. 1028, n. 5, (de cuius di-  
versis exemplis et lectionibus Io. Mas-  
sonius in praef. vitae Plinii) IS ALI-  
MENT. PVEROR. ET PVELLAR. PLEB. VER.  
H-S.... IN TYTELAM BIBLIOTHECAE H-S.  
C.... Add. infra VII, 18, 2. G.

quanto magis decuit publice consulentem, utilissimum munus, sed non perinde populare, comitate orationis inducere? praesertim quum enitendum habere-

12. *Inducere.* Ex eo vocis usu accipiendum, quo *inducunt* medici pilulas auro vel argento; ut *inducuntur* crusta vel tectorio parietes, ut pigmento tabulae: medicorum aperta hic mentio; de quibus Lucret. I, 935, et IV, 13: « Nam veluti pueris absinthia tetra medentes Quum dare conantur prius oras pocula circum Contingunt mellis dulci flavoque liquore, etc. » Poterat etiam *inducunt*. G. — Argutatus erat cum alis h. l. Gesnerus, qui monnerat vocem illam eo sensu accipiendam, quo *inducunt* medici pilulas auro vel argento, aut *inducuntur* crusta vel tectorio parietes, vel pigmento tabulae. Sed simpliciorum sensum contextus docet. Vt enim in prothesi Plinius dixerat *cibos alloquitur prosequi*, ita in apodosis, *munus*, a se propositum, *comitate orationis inducere*, h. e. ita exhibere, ut simul oratione blanda et comi prosequaris et commendes. Hoc enim munus, quo annos sumptus in alimenta ingenuorum pollicebatur, quia non erat *populare*, h. e. non ita gratum populo, ut munera gladiatoria aut ludi oculorum auriumque voluptatibus servientes, *egebat commendatione et incitatione quadam orationis*, ut recte acciperetur et placeret. E. — Placuit eadem ratio I. A. Ernestio: *id.* Gesneri ad eum epistola Pliniana praefixa. Altera illa interpretatio, inepta magis quam arguta, a gravitate orationis mirum quantum abhorret. S. — *Quod parentibus datur.* Plinius alimenta promisit pueris ingenuis: hoc munus propterea ad eorum parentes pertinet, qui alendorum liberorum suorum onere levarentur; hoc *orbis* etiam,

qui numquam suscepissent liberos, vel amississent susceptos, probari cupit, ad quos fructus illius liberalitatis non pertineret. Talia adnotare superfluum videri poterat, nisi unus itemque alter eorum, qui hac provincia ante nos functi sunt, loco per se claro tenebras sedulo offusisset; id quod aemel monitum ad plures observationes nostras aequus lector transferet, et si qua in facili nimis re explicanda operam nos abuti vident, hanc esse causam suspicetur, quod aliquis male, nostro quidem iudicio, eundem locum interpretatus sit. G. — Rom. *quod parentibus datur*, recte. H. — Sic et Curtius; laudo. S. — *et exspectarent et mirarentur.* Haec optimorum quorumque liberorum lectio, sed aliter, quam adhuc factum, interpretanda. Beneficium Plinii primo non ad *orbis* liberis pertinet, sed ad solos *parentes* ingenuorum, quibus affluenda destinavit. Porro plures erant in hac altera etiam classe, quam ut ad omnes pervenire eodem tempore liberalitas illa, quantumvis magna, posset. Enitendum igitur sibi fuisse ait Secundus noster, ut plures illi, qui non statim frui possent beneficio suo, *paucorum honores et exspectarent patienter*, dum ad ipsos quoque volventibus annis perveniret, et interim dignos se illo praestarent, eumque *mirarentur*. Haec puto plana, neque monenda adeo, nisi *de orbis*, qui liberos sibi nascituros sperarent, ac de his, qui beneficio principis ius liberorum consequerentur, hic commutari alicui visum esset. G. — Rom. *ceteri patienter et exspectarent, et mirarentur*, quod non damno. H. —



mus, ut, quod parentibus datur, et orbis probaretur; honoremque paucorum ceteri patienter et expectarent, et mererentur. Sed ut tunc communibus magis commodis quam privatae iactantiae studebamus, quum intentionem affectumque muneris nostri vellemus intelligi; ita nunc in ratione edendi veremur, ne forte non aliorum utilitatibus, sed propriae laudi servisse videamur. Praeterea meminimus, quanto maiore animo honestatis fructus in conscientia, quam in fama, reponatur. Sequi enim gloria, non appeti, debet; nec, si casu aliquo non sequatur, idcirco quod

Quod olim legebatur, ceteri patienter et expectarent, et mirarentur, tantum abest ut absonum putem, ut nostrae lectioni paene praeferaui. *Imitarentur* a Cataneo enotatum; pro quo in aliis corrupte *imitarentur*, glossema est ineptum grammaticum, qui *mirarentur* explicare vellet. Servius ad Virgil. Aen. VIII, 547: «*Miratur*. Imitetur. Lucanus IX, 807, *Miratoresque Catonis*, id est, imitatores: optima enim ingenia necesse est ut ea, quae mirantur, imitentur.» S.

13. *Intentionem affectumque muneris nostri*. Rom. *intentionem effectumque muneris nostri*. H. — Est haec omnium eorum lectio, cui male, opinor, Iacobi Bononiensis coniecturam praetulerunt. Plinius enim, ut privatae suspicionem iactantiae effugeret, largitionis suae et consilium et effectum Comensibus explicare debebat. *Intentio* de consilio dictum, utrum puto: an iure Noltenius Lex. Antib. col. 585 sq. et Schwarzius ad Plin. Panegy. p. 353, suspectae latinitatis exemplis annuierent, dubito. Terentius Andr. IV, 3, 19: *Repudio, quod consilium primum intenderam*. Sallustius Iugurth. e. 407: *Deinde paucis diebus,*

quo ire intulerant, perventum. S.

14. *Quanto maiore... fama*. Rom. *quanto maiore animo honestatis in conscientia fructus, quam in fama*. H. — *Gloriam non meruit*. Notabilis locus, de quo iam observavit Casaubonus, mereri hic non ad dignitatem et mercedem referri, sed simpliciter esse consequi, τυγχάνειν. Confirmat hanc notionem Curtius: sed mavult tamen eodictis Medicei fide negationem omittere, quo facto vis consueta verbi meruit retinetur. G. — Rom. *quod gloriam meruit*. H. — Deleuda negatio huius aliorumque librorum auctoritate. Optime Heusingerus in Observ. Antibarb. pag. 414 sq.: «*Mirero*, pro consequi, Plinio tribuunt invito, lib. I, ep. 8, 14, ubi ediderunt: *Sequi enim gloria, non appeti, debet; nec, si casu aliquo non sequatur, idcirco, quod gloriam non meruit, minus pulchrum est*. Legendum enim est, *quod gloriam meruit*, idque in optimis exemplaribus exstat. Plinii aetate illa significatio nondum ita erat pervulgata: etsi eam sibi in Plauto quoque, Terentio et Cicerone reperisse visus est Gronovius Observ. in scriptor. eccles. cap. VII, p. 76. » S.

- <sup>45</sup> gloriam non meruit, minus pulchrum est. Si vero, qui benefacta sua verbis adornant, non ideo praedicare, quia fecerint, sed ut praedicarent, fecisse creduntur. Sic, quod magnificum referente alio fuisset, ipso qui gesserat recensente, vanescit. Homines enim quum rem destruere non possunt, iactationem eius incensunt. Ita si silenda feceris, factum ipsum; si laudanda,
- <sup>46</sup> quod non sileas ipse, culpatur. Me vero peculiaris quaedam impedit ratio. Etenim hunc ipsum sermonem non apud populum, sed apud decuriones habui; nec
- <sup>47</sup> in propatulo, sed in curia. Vereor ergo, ut sit satis congruens, quum in dicendo assentationem vulgi acclamationemque defugerim, nunc eadem illa editione sectari: quumque plebem ipsam, cui consulebatur, limine curiae parietibus discreverim, ne quam in speciem ambitionis inciderem; nunc eos etiam, ad quos ex munere nostro nihil pertinet praeter exem-
- <sup>48</sup> plum, velut obvia ostentatione conquirere. Habes cunctationis meae causas: obsequar tamen consilio tuo, cuius mihi auctoritas pro ratione sufficit. Vale.

45. *Ipsa qui gesserat recensente, Rom. ipso qui gesserit, recensente. Deinde: si laudanda non silens, ipse culpatus, quod unice verum est, dummodo quod non sileas retinueris, et prius ipsam deleveris. H. — Amplector crisin Heusingeri, quam et alii libri ex parte iuventur. S.*

46. *Decuriones, municipiorum senatores dicebantur: inter eos auctoritate eminebant dumviri. L.*

47. *Obvia ostentatione. Quae ultra occurrit omnibus, haeque se iactat al-*

*que ingerit, quod ambitionis est. Adeo nihili non videtur vox e bonis libris prolata, ut potius alterum assentatione a mala manu esse appareat. Cui enim assentaretur editione, de qua hic sermo est? Sed ostentator conquirere et cogere studet homines, qui se admirentur, sibi plaudant. G. — Rom. velut obvia assentatione: male. H.*

48. *Pro ratione sufficit. Rom. pro ratione sufficit. H. — Sic et Curtius. Probo. S.*

## IX.

*Hortatur ad secessum, propter studia, et innocentiam ruris,  
urbanæ vitæ nugis præferendum.*

C. PLINIUS MINUTIO FUNDANO SVO S.

**M**irum est, quam singulis diebus in urbe ratio aut constet aut constare videatur, pluribus cunctisque non constet; nam, si quem interroges, *Hodie quid egisti?* respondeat, *Officio togæ virilis interfui; spon-*

**IX. 1. Ratio.... constet.** Finge tempus esse primo in tabulis accepti; deinde negotia diei uniuscuiusque, in quantum suam sibi temporis particulam unumquodque possit, in expensis inducit si igitur illa acceptorum et expensorum æra æquales summas efficiant, *constare* dicitur ratio. Atque hoc ita fit, si singula utriusque capitis æra inter se conferantur. Verum si menses et annos et vitæ cuius quantunivis magno numero negotiorum eiusmodi compares, ratio non amplius constat, sed expensa videtur nimia. **G.** — Simplicior tamen mihi videtur, et huic loco aptior Glerigii sententia, *rationem constare*, quando quis finito die reperiat, omnia negotia fuisse necessaria et probanda. Nempe diebus singulis negotia urbana, ut necessaria, probamus; sed si quotidie eundem fecisse reputamus, tum inania et frigida illa nobis videntur, h. e. ea, quibus nihil proficitur, quum nec animum iuvent, nec ingenium acuant, neque honestate et liberalitate sua delectent. **E.** — Men quidem sensu Gesneri ratio præstat. **S.** — *Cunctisque.* Et maioribus auctoritatibus nixa est hæc lectio, et sententiam parit meliorem. *Cunctus* est universis

simul sumptis. Eodem sensu legitur *cunctisque* in Mediceo libro, intelligit ratio; quod probat Cortius. *unctisque*, vulgatum, non ita commodum est. **G.** — Hæc puto rectius se habere, quam rationes eorum, qui *unctisque* defendunt vel ediderunt. Nempe in pluribus, si a singulis distinguuntur, iam inest notio *unctorum*, nam hac coniunctione fit, ut singuli dies plures fiant. *Cuncti* autem ab utroque illo genere differunt, suntque universi. Hos *cunctos* etiam Plinius expressit his verbis: *si quotidie fecisse te reputes*: nam quod quotidie fit, id nec singulis, nec pluribus, sed *cunctis* diebus fieri solet. **E.** — Rom. pluribus *cunctisque* non constet, ut solus præterea Mediceus. **H.** — Paene assentior Cortio hanc lectionem vulgata longe doctiorem et prorsus Pliniasiam dicenti. Sic omnis de hoc loco fluctuatio facile sedatur. Quid I. A. Ernestio visum fuerit, vide in Gesn. ad eum epistola. Ceterum de confusione vocum *cunctus* et *unctus* vid. Drakeub. ad Livium III, 66, 5. S.

**2. Officio togæ virilis.** Quam solenne fuerit, illum diem, quo, posita prætexta, virilem togam seu puram sumerent, officin et celebritate ani-

salia, aut nuptias frequentavi; ille me ad signandum testamentum, ille in advocationem, ille in consilium rogavit. Haec quo die feceris, necessaria; eadem, si quotidie fecisse te reputes, inania videntur, multo magis quam secesseris. Tunc enim subit recordatio, <sup>4</sup> Quot dies quam frigidis rebus absumsi? Quod evenit mihi, postquam in Laurentino meo aut lego aliquid, aut scribo, aut etiam corpori vaco, cuius fulturis <sup>5</sup> animus sustinetur. Nihil audio, quod audisse, nihil dico, quod dixisse poeniteat: nemo apud me quemquam sinistris sermonibus carpit; neminem ipse reprehendo, nisi unum me, quum parum commode scribo; nulla spe, nullo timore sollicitor, nullis <sup>6</sup> rumoribus inquietor. Mecum tantum, et cum libellis loquor. Rectam sinceramque vitam! dulce otium, honestumque, ac paene omni negotio pulchrius! O mare, o litus, verum secretumque *μυστήριον*! quam <sup>7</sup> multa invenitis, quam multa dictatis! Proinde tu quoque strepitum istum inanemque discursum, et multum ineptos labores, ut primum fuerit occasio, <sup>8</sup> relinque; teque studiis, vel otio trade. Satius est enim,

eorum obire, notum v. g. ex Sueton. Claud. II: *Togae virilis die, circa mediam noctem, sine solenni officio lectica in Capitolium latus est.* Idem auctor de Caligula ul peculiare notat c. X: *Vno atque eodem die togam accepit, barbamque posuit: sine ullo honore, qualis contigerat tirocinio fratrum eius.* Verum Augustus ob id ipsum officium Consulatum bis sumsit, a ul Caium et Lucium filios, amplissimo praeditus magistratu, suumque tirocinio deducere in forum. v Sueton. Aug. c. XXVI. G.

3. *Frigidis rebus*, inaniibus. *Frigida*

et *inania* iungit Plinius IV, 17, 4. Sic et Graeci. Herodotus p. 745, de Mardonio: *ὁ δὲ, παρὶ γὰρ ὅς γινόμενος, καὶ ἰσχυρὸς ψυχῇ ὦν, ἰσχυρὸς κ. τ. λ.* ubi interpret perire: *et frigida victoria clata.* S.

<sup>5</sup> *Sinistris sermonibus carpit.* Sic et Rom. II. — *Vnum tamen Arnulz.* ad Paneg. XIII, 3, et ait viliose esse in editis turn. G. — Non Arnulzanius, sed Livineius. S.

<sup>6</sup> *Rectam sinceramque vitam.* Rom. *Rectam sinceramque vitam.* Proxime inde: *verum secretumque μυστήριον.* II.

ut Attilius noster eruditissime simul et facetissime dixit, otiosum esse, quam nihil agere. Vale.

8. *Attilius*. Praestat *Attilius*. Vide infra ad II, 44, 2. S. — *Eruditissime*. Addidit, opinor, Plinius, quod vox illa Attilii faceta otium *literatum* ac studia commendaret. Veritas igitur *gans in gelehrten Sinne*. *Facetius et eruditius* similiter iunxit Columella, I, 1, 44, pag. 429 ed. Gesn. S. — *Otiosum* *haec*. Quietis animi et bonis

literis vacare, nullis negotiis molestis impeditum, potius est, quam *nihil agere*, h. e. frustra et nequidquam occupari, movere, sed nihil promoveri, etc. Iam laudarunt hic viri docti Scipionis vocem ex Cic. off. III, 1, *Se nauquam nimis otiosum esse, quam quum otiosus sit*. G.

## X.

*Euphratem philosophum laudat, quem ut audiat Atrius, hortatur, doletque non crebrius se per occupationes illum audire posse. Exultat in his laudibus animus Plinii, et verba promanant e pectore pleno, ita ut videas summa hominis admiratione captum fuisse. L.*

C. PLINIUS ATRIO CLEMENTI SVO S.

Si quando urbs nostra liberalibus studiis floruit, nunc maxime floret: multa claraque exempla sunt: suffecerit unum, Euphrates philosophus. Hunc ego in Syria, quum adolescentulus militarem, penitus et

X. 1. *Suffecerit unum*. Rom. *Sufficerit nobis unum*, unde *sufficeret* factum, quod Cortius praetulit, quum utrumque ex *suffecerit* corruptum sit. H. — *Euphrates*, philosophus stoicus, genere Aegyptius: adhaesit Vespasiano in Aegyptum venienti; Romae studiosus, aulae se insinuavit, atque hausto veneno sponte dacecit sub Adriano. L.

2. *Adolescentulus*. Viginti circiter annorum, tribunus erat tertiae legio-

nis gallicae, quae a Vespasiano in Syriam missa erat. L. — *Obvius et expositus*. De eo, qui suam mentem, suos sensus omnibus aperit, et offert, nihil dissimulat. Sic *candidissimum* et *maxime expositum* iunxit Quintil. II, 5, 49; ubi plura huius loquendi formae hac aetate imprimis frequentia exempla dedit Spalding. E. — Immo est h. l. is, qui studiosos sui comiter, *plenus humanitate* excipit. Glerigius apte laudat Senecam Epist. 108, P.

domi inspexi, amarique ab eo laboravi, etsi non erat laborandum. Est enim obvius et expositus, plenusque  
 3 humanitate, quam praecipit. Atque utinam sic ipse, quam spem tunc ille de me concepit, impleverim, ut ille multum virtutibus suis addidit! Aut ego nunc illas magis miror, quia magis intelligo: quamquam ne  
 4 nunc quidem satis intelligo. Vt enim de pictore, sculptore, fictore, nisi artifex, iudicare; ita, nisi  
 5 sapiens, non potest perspicere sapientem. Quantum mihi tamen cernere datur, multa in Euphrate sic eminent et elucet, ut mediocriter quoque doctos advertant et afficiant. Disputat subtiliter, graviter, ornate: frequenter etiam Platonicam illam sublimitatem et latitudinem effingit. Sermo est copiosus et varius:

II. p. 530, edit. Amstel.: *Attalum.... non tantum paratum discentibus, sed obviis. S.*

3. *Atque utinam—impleverim.* Rom. *Atque utinam sic spem ipse, quam tunc et de me concepit, impleverim.* H. — *Virtutibus meis addidit.* Nempe virtutibus meis addere dicuntur illi, qui in dies magis produciunt virtutibus, et quas nondum habebant, eas comparare sibi adiutuntur. E.

— *Aut ego.* Sic legendum, non *At ego.* Dixerat, *Ille multum virtutibus meis addidit.* Hoc nunc retractat ex aliqua parte, et fieri ait posse, ut olim talis fuerit Euphrates, sed tum non ita bene sit notus. G. — Rom. *Aut ego nunc illas magis miror, quia intelligo, quamquam ne nunc quidem satis. Vt enim.* Merito postremum verbum intelligo omissum est, quod vulgati habent, in quibus vero antea rectius est, quia *nunc* magis intelligo, iterato adverbio. H.

4. *Vt enim — fictore.* Rom. *Vt enim de pictore, sculptore, fictore.* H.

5. *Quantum—eminent.* Rom. *Quantum tamen datur mihi in Euphrate cernere, multa sic eminent.* H. — *Eminent et elucet.* Vt in pictura, quae multo lumine instructa sunt et umbrae adiuncta. Cf. lib. III, 13, 4, ubi clata et excelsa in oratione comparantur illis, quae in pictura lumen et umbra commendat. E.

— *Latitudinem.* Catanaei observatio est non inelegans, *latitudinem* tribui Platonem cum respecta ad etymon nominis illius; πλάτος enim *latitudo* est. *Lata* porro oratio pressae adstrictaeque opponitur. Vide mox I, 20, 19. G. — *Ibi lata, magnifica, excelsa* oratio iunctim dicitur. Suidas etiam in Θεόφραστος, οὗ πλάτος ἐν λόγοις, Platonem appellatum notat. Alii tamen Platonem a lato pectore aut fronte nomen accepisse diserunt. Diog. Laërt. Plat. cap. 5: οὗ πλάτος ἦν τὸ μέτωπον, ὡς πρὸς Νεάνθη. Seneca Epist. 58: «Erat quidem corpus validum et forte sortitus, et illi nomen latitudo pectoris fecerat.» E. —

dulcis inprimis, et qui repugnantes quoque ducat et impellat. Ad hoc, proceritas corporis, decora facies,<sup>6</sup> demissus capillus, ingens et cana barba: quae licet fortuita et inania putentur, illi tamen plurimum venerationis acquirunt. Nullus horror in cultu, nulla<sup>7</sup> tristitia, multum severitatis: reverearis occursum, non reformides. Vitae sanctitas summa, comitas par. Insectatur vitia, non homines: nec castigat errantes, sed emendat. Sequaris monentem attentus et pendens: et persuadere tibi, etiam quum persuaserit, cupias. Iam vero liberi tres, duo mares, quos diligentissime<sup>8</sup> instituit. Socer Pompeius Iulianus, quum cetera vita,

Diog. Laërt. III, 4, p. 166, ed. Amstel. *ἴσως δὲ, διὰ τὴν πλατύτητα τῆς ἱερηνείας οὕτως ἀνεκδοκῆται.* Timoni Philasio dicitur (Analect. Brunck. T. II, pag. 70, XIV), *πλατύτερος, ἀλλ' ἀγορευτὴς ἔθυσπες κ. τ. λ.* qui et *ἀναδημαίων πλατυρημοσύνην* notat. (lib. p. 74, XVI). S.

6. *Ad hoc proceritas.* Rom. *ad haec proceritas*, optime. H. — Sic et Cirtius, quem Gesnerus et Gierigius scō qui debebant; *hoc* Excerpta Brunner. habent. Ceterum perpetua confusio vocum *ad hoc*, *ad haec*, *ad huc*. Vid. Cort. ad Sallust. Catil. XIV, 3; XLIV, 6; ad Plin. Ep. I, 22, 4; Drakenb. ad Liv. XXI, 52, 10. S. — *Demissus capillus.* Graecorum *καθήμεν χρόν.* Variata ad hellenismi rationem structum; Lucian. T. III, p. 492, de Homero: *τὸν καθήμενόν τὰς κόμας.* S. — *Ingens et cana barba.* Apollonius Tyan. epist. 3, p. 386, ed. Olear. Euphratae fuisse αὐτὸν πώγωνα λευκὸν καὶ μέγαν, acerbissime addens: *πλέον δὲ οὐδέν.* S.

7. *Nullus horror in cultu.* Rom. *Nullus horror in vultu*, probe: quod huic opponitur *severitas*, quae in vultu uti-

que est potius, quam in cultu. H. — Accedo. Sic et alibi codices fluctuant, velut in Clandian. de IV Cons. Honor. v. 591. Vid. Burmann. ad Anthol. Lat. T. I, p. 631. S.

— *Nec castigat errantes.* Non exprobrat errorem verbis asperis, sed orationibus revincit, et per hoc ipsam emendat et eximit. G. — *Pendens*: sc. ab ore dicentis, nota dicendi formula, de iis, qui cupide dicta alterius arripiunt, nec verbum perire patiuntur. Sequens sententia acumen habet ex quadam repugnantia: et *persuadere.... cupias*, b. e. non possis exsatiari eius oratione et praeceptis; etiam quum sentias eum tibi aliquid persuasisse, tamen optes, ut eadem repetat. E. — Similiter Graeci. Chariton. p. 59, edit. Amstel. *ἀναπτέσας ἑαυτὸν τῆς ἀποδείξεως*, ad q. l. vide Dorvill. p. 342 sq. S. — *Et persuadere... cupias.* Rom. *et persuaderi tibi*, etiam quum persuaserit, cupias, plane ut Medic. H. — Praestat vulgata, quam mutarunt, quibus pronominis ellipsis durior visa esset. Sed exempla eius ubivis obvia; cf. Cort. ad Sall. Cat. XXXI, 7. S.

tum vel hoc uno magnus et clarus, quod, ipse provinciae princeps, inter altissimas conditiones, generum, non honoribus principem, sed sapientia, elegit. 9 Quamquam quid ego plura de viro, quo mihi frui non licet? An ut magis angar, quod non licet? Nam distringor officio, ut maximo, sic molestissimo. Sedeo pro tribunali, subnoto libellos, conficio tabulas: 10 scribo plurimas, sed illiteratissimas literas. Soleo nonnunquam (nam id ipsum quando contingit!) de his occupationibus apud Euphratem queri. Ille me consplatur; adfirmat etiam esse hanc philosophiae, et quidem pulcherrimam partem, agere negotium publicum, cognoscere, iudicare, promere et exercere 11 institiam; quaeque ipsi doceant, in usu habere. Mihi

8. *Provinciae — conditiones.* Rom. provinciae princeps hunc inter altissimas conditiones. Iterum et hic cum Medic. consentit. H. — Hauc, etiam Cortio probatum, nolim in ordinem recipere. Via credas, quot locis manus librariorum inepte sedulae talia pronomina, ad sensus scilicet integritatem necessaria, intulerint. S. — *Inter altissimas conditiones.* Imitatur ne Nepotem Cornelium Att. XII, de Agrippa: «Quum propter suam gratiam et Caesaris potentiam nullius conditionis non haberet potestatem, potissimum eius delegit asinitatem, etc.» G. — Sensus est, quum posset generum sibi eligere, honoribus et divitiis praeditum, Euphratem elegit sola sapientia praestantem. E. — *Conditio de matrimonio est latinitas iureconsultorum.* Hinc formula repudiij conditione tua non utor. Vid. Drakenborch. ad Liv. III, 45, 44; Boas in d. in Cornel. Nepot. v. *Conditio*. S.

9. *Officio, ut maximo.* Praefectura

vernii, quem gessit aetatis anno XXXVI et proximo ex Massoni rationibus, quem vide; praesertim vero nostrum V, 45, 5, et X, 20, 4; Paq. XCI, 4. G. — *Pro tribunali.* h. e. in tribunali. Sic pro suggestu, pro rostris, alia. Vid. Cort. ad Sallust. fug. LXVII. Eodem modo Graeci imperia usurpant. Vid. Duker. ad Flor. IV, 2, 94. S.

10. *Quarque ipsi doceant.* Non satis perspicuum est, quo hoc ipsi pertineat. Contextus quidem omnis, et proxima commemoratio philosophiae suadet, ut philosophos intelligamus, sed manet tamen abrupta et hians oratio. Si quid libei veteres adjuvarent, ego legerem quarque ipsa doceret, sc. philosophia, in usu habere, h. e. praecepta philosophiae usui et factis exsequi. E. — *Locus sanissimus*, in quo quid hiet, non intelligo. Novandi libidinem coërcere debebat Cortii annotatio, cui, si necesse esset, plurima ex utraque lingua adieci posset. Vno defungar Livii loco, XLII, 47, 7 :



tamen hoc unum non persuadet, satius esse ista facere, quam cum illo dies totos audiendo discendoque consumere. Quo magis te, cui vacat, hortor, quum in urbem proxime veneris (venias autem ob hoc maturius), illi te expoliendum limandumque permittas. Neque enim ego, ut multi, invideo aliis bono, quo ipse careo; sed contra sensum quemdam voluptatemque percipio, si ea, quae mihi denegantur, amicis video superesse. Vale.

«Haec Romana esse, non versutiarum Punicarum, neque calliditatis Graecae; apud quos fallere hostem, quam vi superare, gloriosius fuerit.» Vid. Porson. ad Eurip. Hecub. v. 22. Wakef. ad Lucret. 1, 283, 353. S.

44. *Hoc unum non persuadet.* Suaviissime repetit, quae de vi persuadendi et dulcedine viri dixerat §. 7. G. — *Illi te expoliendum limandumque.* Rom. illi te extollendum limandumque, ut Medic. Lege excolebunt, quod Latinum et Plinianum est. Lib. IV, ep. 6, 2: «Nec agrum, quem non habeo, sed ipsum me studius excolo.» Cic. Brut. c. 25: «Caiusque Tuditanus cum omni vita atque victu excultus atque expositus, tum eius elegans est habitum etiam orationis genus.» Metaphora ducta est ab agris, qui excoli dicuntur, quando, quae fertilitati officiant, castripantur. Vid. lex. rustic. Gesnerianum.

12. *Invideo aliis bono.* Ita perpetuo

construi hoc verbum in bonis quidem codicibus a Plinio, ostendit ad h. l. Cortius: et iam fecerat ad Quint. IX, 3, p. 790, Burmannus. Vid. Ind. G. — Rom. *Neque enim ego, ut multi, invideo aliis bono, cum Med. et melioribus.* Sic Romanus liber etiam lib. II, ep. 20, 8, *invidetis bonis morte*, et lib. III, ep. 8, 2, *timis invidere*; lib. VII, epistol. 28, 2, *qui invidet mihi felicissimo errorem* (ita expressum, pro errore); lib. IX, ep. 43, 5, *Et volis societatis ius invidcum, pro societate eius.* H. — *Sensum... voluptatemque; ex duâ duois dicit, pro sensum voluptatis.* G. — Nempe Gesnerus putabat, hanc interpretandae formulae rationem, si qua alia, optimam esse. Equidem miror, Plinium, si ita scripsit, ita scripsisse. E. — *Me quoque offendit sensum quemdam voluptatemque, nec Gierigii ratio satisfuit.* An post *quendam* excidit *invidcum*? S.

## XI.

*De infrequentia epistolarum exposulat.*

C. PLINIUS FABIO IVSTO SVO S.

Olim nullas mihi epistolas mittis. *Nihil est*, inquis, *quod scribam*. At hoc ipsum scribe, nihil esse, quod scribas: vel solum illud, unde incipere priores solebant, *si vales, bene est; ego valeo*. Hoc mihi sufficit; est enim maximum. Ludere me putas? Serio peto. Fac sciam, quid agas: quod sine sollicitudine summa nescire non possum. Vale.

XI. 1. *Olim nullas mihi*. Rom. *Olim mihi nullas*. H. — Sic et Curtius. Praefero nostrum ordinem, ut qui auribus magis blandiatur. S.

— *At hoc ipsum scribe*. Similis est epistola Ciceronis filii ad Tironem XVI, 26: *Etsiam, quod scribas, non*

*habebis, scribito tamen*, etc. G. — *Priores*. Laudavit hic Buchnerus Senec. ep. XV pr. \* Mos antiquis fuit usque ad meam servatus aetatem, primis epistolae verbis adicere: *si vales, bene est*. \* G. — Rom. *unde priores incipere solebant*. H.

## XII.

*Deflet Corellii voluntariam mortem, qua rectorem vitae suae, et optimum amicum amisit. Videtur hanc epistola studium purgandi Corellium prodere, non minus quam sermonem animi vere dolentis exprimere.* L.

C. PLINIUS CALESTRO TIRONI SVO S.

Iacturam gravissimam feci, si iactura dicenda est tanti viri amissio. Decessit Corellius Rufus, et quidem

XII. 1. *Si iactura dicenda est*. Dubium, cur parum probe iacturae ap-

pellationem; nimisne lene putet, in amissione rei inestimabilis; an ideo

sponte, quod dolorem meum exulcerat: est enim luctuosissimum genus mortis, quae non ex natura, nec fatalis videtur: nam utcumque in illis, qui morbo<sup>2</sup> finiuntur, magnum ex ipsa necessitate solatium est; in iis vero, quos arcessita mors aufert, hic insanabilis dolor est, quod creduntur potuisse diu vivere. Co-<sup>3</sup>

parum aptum, quod mortuorum memoria, exemplum, beneficia, adhuc ad nos pertinent? An iactura damnum, quod facimus ad evitandum maius? G. — Ernestius, patruus meus, olim laudaverat Epist. II, 1, 10, ut evinceret, Plinium iacturam ideo noluisse, quod virorum magnorum memoria nunquam intercidat. Gesnerus aente respondebat, se dubitare, utrum consolandi argumentum initio ponere voluerit, et tamen in luctu desinere. Novissimus editor, Gierigius V. C. illa omnia repetiit, nihil addens de suo nisi haec: s aut igitur, inquit, nodum in scirpo quae-sivit, aut ego mentem eius non assequor. s Erit igitur Plinius in hoc loco aut obscurus, aut ineptus. Neutrum ego credo: acutum et venustum ubique deprehendi. Quid ergo? nempe necesse est, tempore Plinii vocabulo *iacturae* adhaesisse notionem non satis dignam et honestam; quare quum Plinio nunc excidisset ea vix in re gravi et magna, ipse se castigat propterea et corrigit, magis autem, ut venustum veluti flexum, et laudis opportunitatem oratio recipiat, quam ut rationis grammaticae admonere lectorem velit. Fronto Grammaticus dicit, *iacturam* esse, quod iacitur ex onere navis. Iam locus est Pseudo-Sallust. ad Caes. Or. II, cap. 55. aL. Postumius, et M. Favonius, mihi videntur quasi magnae navis supervacua esse: ubi salvi per-

venere, nani sunt: si quid adversi coortum est, de illis potissimum iactura fit, quia pretii minimi sunt. E. — Probabilis disputatio. Nec tamen puto, illam vocis iactura vim aevi Pliniani propriam, sed omnino latinitatis fuisse. Sulpicius ad Cicéronem (Epist. IV, 5, p. 89 edit. Ernest.): s Modo uno tempore tot viri clarissimi interierunt: ... in unius mulierculae animula si iactura facta est, tanto opere commoveris? s Vides, ut interitus virorum clarissimorum opponatur iacturae mulierculae. Quamquam non nego, *καταχρηστικῶς* etiam de gravi damno dici potuisse. S. — Correllius Rufus. Rom. Correllius Rufus, ut postea constanter. H. — Ex natura. Non assentior Gierigio veni excidisse putanti. S. — Fatalis. Fatalis mors hic non simpliciter, ut alias, naturalis est; ab hac enim distinguit: sed ea, quam effugere, qui moritur, non potuisse videtur, licet voluerit, ut sunt ruinae, caedes ab insidiosioribus, naufragium, etc. Scimus alioquin factum ad naturalem praesertim mortem referri: nec vehementer interesse-rim, si quis synonyma plane hic etiam esse velit mortem, quae ex natura est, et fatalem. Certe ita sunit Vell. II, 4, 6. G.

2. Qui morbo finiuntur. Fati novam mentionem non facit: sive quod attius habuit, unum genus referre, eni plane simile sit alterum, sive fatis et morbo finire pro iisdem habuit. G.

rellium quidem summa ratio, quae sapientibus pro necessitate est, ad hoc consilium compulit, quamquam plurimas vivendi causas habentem, optimam conscientiam, optimam famam, maximam auctoritatem; praeterea filiam, uxorem, nepotem, sorores, interque tot pignora, veros amicos. Sed tam longa, tam iniqua valetudine conflictabatur, ut haec tanta pretia vivendi mortis rationibus vincerentur. Tertio et tricesimo anno (ut ipsum praedicantem audiebam) pedum dolore correptus est, Patrius hic illi: nam plerumque morbi quoque per successiones quasdam, ut alia, traduntur. Huuc abstinentia, sanctitate, quoad viridis aetas, vicit et fregit; novissime cum senectute ingravescentem viribus animi sustinebat. Quum quidem incredibiles cruciatus et indignissima tormenta pateretur (iam enim dolor non pedibus solis, ut

3. *Optimam conscientiam.* In Rom. omissa sunt. II. — Negligentia librarii (nisi ipsius hypothetas culpa est), cuius oculi a priori optimam ad posterius aberrarent. Fons hic mendorum uberrimus. S. — *Pignora.* *Pignora* Cort. casce. Teligit Laurenbergius Antiquar. p. 206. Cf. Noltten. Lexie. Antibarh. col. 137. Ridicula Beda de Orthographia col. 2344, ed. Putsch.: *Pignora rerum: Pignora filiorum et affectionum.* Vid. Cort. Dissertat. de usu orthographiae latinae cap. III, §. 8, p. 82 ed. Harles. S.

4. *Pretia vivendi.* Res illae, propter quas operae pretium sit vivere, ut conscientia, fama, auctoritas, et quas alias vivendi causas paulo antea commemoraverat. E. — *Ut ipsum praedicantem audiebam.* Rom. ut ipsum praedicantem audiebam, medio verbo praedicantem excluso. II. — *Excludunt et alij libri.* Male. S. — *Patrius hic illi.* Vi-

delur tacite suspicioni occurrere, quum podagra et similes morbi intemperantiae anepi circa Venerem et Bacchum quasi satellites sint. Ne quid igitur de Corellio cogitemus eiusmodi, patrium morbum esse narrat, G.

5. *Sanctitate.* Castitate. Sic Graecis dicitur ἀγνός, ἀγνός γάμος, ἀγνολογία (Ruhnken. ad Timaeum, p. 133. a.). Aeschylus dramaticus satyrici licentia apud Lucian. T. II, p. 437: *μὴ πῶς τε τῶν οὖν εἰς ἐνέβη; ἐμὰ λέξ.* coll. Porsono ad Euripid. Med. v. 750. S. — *Quoad viridis aetas.* Nota Horatii vox: *dum virent gemmae*, expressa illa ex Theocritae Idyl. XIV, 70: *ἀε γόνου χλοερών.* Vid. Valckenar. Epist. ad M. Roeverum, p. 24. Toup. Cur. Post. in Theocr. p. 26, Mitsch. ad Horat. T. II, p. 587. S. — *Addē μετὰ χλοερῶν Theoc. XXVII, 66.*

6. *Non pedibus solis, ut prius.* Rom. non pedibus solum, ut prius. II. —

prius, insidebat, sed omnia membra pervagabatur),  
 veni ad eum Domitiani temporibus, in suburbano  
 iacentem. Servi e cubiculo recesserunt: habebat enim  
 hoc moris, quoties intrasset fidelior amicus. Quin  
 etiam uxor, quamquam omnis secreti capacissima,  
 digrediebatur. Circuntulit oculos, et, *Cur, inquit,*  
*me putas hos tantos dolores tamdiu sustinere? ut sci-*  
*licet isti latroni, vel uno die, supersim.* Dedisses huic  
 animo par corpus; fecisset quod optabat. Adfuit tamen  
 deus voto, cuius ille compos, ut iam securus liberque  
 moriturus, multa illa vitae, sed minora, retinacula  
 abruptit. Increverat valetudo, quam temperantia mi-  
 tigare tentavit; perseverantem constantia fugit. Iam

Similis et frequentissima in Graeco-  
 rum libris confusio vocum *πάρος* et  
*παρὲν*. S.

7. *Habebat enim hoc moris. Habebant enim hoc moris* Rom. et Venet. ccccccxxxv, non *habebat*, quod Aldus maluit, quia non sequor. De servis loquitur sponte digredientibus. H. — Sed malui *habebat*. L.

8. *Circuntulit oculos.* Ut videret nimis, omnesne remoti arbitri essent, ne quis legere sermonem cum periculo dicentis audientisque posset.

G. — *Iti latroni.* Illic quis sit, ne ignoraretur, supra dixeral Plinius, se ad Corellium Domitiani temporibus venisse. Callide vero, et venuste!

E. — Vel hinc discas, quale fuerit contumeliosissimum atque acerbissimum adamanationum genus, quo renatus Domitianum murtum lacera-  
 vlt, teste Suetonio Domitian. c. ult. S. — *Dedisses huic animo.* Iudicium Plinii de Corellio: pro si dedisses. Illustravit ellipsin hanc exemplis Cor-  
 tius ad Sall. lug. LXIV, 5. G. — *Fecisset quod optabat.* Interfecturum fuisse *αὐτόχτυπα* Domitianum, haud

obscurè innuitur. Ceterum verba: *Dedisses... optabat*, in editione Cortii verbis Corellii continuantur. Melius Gesnerus. S. — *Adfuit tamen deus voto.* Superfuit Corellius Domitiano, et usque ad Traiani tempora vixisse videtur. Cf. Ep. IV, 17, 8. — Quae sequuntur *vitalis retinacula*, eadem sunt, quae supra *pectus vivendi* dixerat. E. — *Minora.* Talia videbantur Corellin, cui reipublicae salus omnibus suis carior esset, ut Plinius infra 41. Male Catanaens, eumque sequens novissimus editor. S.

9. *Perseverantem constantia fugit.* Corellius morbum, qui mitigari se non passus esset, morbum inquam et vitam adeo, constantia sua, id est constanti et immutabili morendi destinatione, abstinentique cibi effugit. Videtur acumen quaesivisse Secundus, quam *constantiae* fugam tribuit. G. — Dubito, an de hoc acumine nunc cogitaverit Plinius. Non tam constantiae fugam tribuit, quam sibi ipsi. Ipse enim *perseverantem* morbum *constantia* sua fugit, seu effugit. Talia Plinio, vividas rerum imagines facile

- dies alter, tertius, quartus: abstinebat cibo. Misit ad me uxor eius Hispulla communem amicum C. Geminium cum tristissimo nuntio, *destinasse Corellium mori, nec aut suis, aut filiae precibus flecti; solum*  
 40 *superesse me, a quo revocari posset ad vitam.* Cuncurri: perveneram in proximum, quum mihi ab eadem Hispulla Iulius Atticus nuntiat, nihil iam ne me quidem impetraturum: tam obstinate magis ac magis induisse. Dixerat sane medico admoventi cibum, *Κέρπειρα*, quae vox quantum admirationis in animo meo, tantum desiderii reliquit. Cogito, quo amico, quo viro caream.  
 41 Implevit quidem annum septimum et sexagesimum, quae aetas etiam robustissimis satis longa est: scio. Evasit perpetuam valetudinem: scio. Decessit superstitibus suis, florente republica, quae illi omnibus  
 42 suis carior erat: et hoc scio. Ego tamen, tanquam et iuvenis, et fortissimi, morte doleo: doleo autem (licet me imbecillum putes) meo nomine. Amisi enim, amisi vitae meae testem, rectorem, magistrum. In summa,

conscipienti, vel non quaerenti, obviam sunt. E. — *Communem amicum C. Geminium.* Rom. *communem amicum C. Germanum.* Deinde: *aut filiae precibus inflecti.*

40. *Iulius Atticus* a facundia attica cognominatus, de vitibus coleodia librum scripsit. L. — *Magis ac magis.* Male cod. *ac magis* omittit. Vid. Col. ad Ennii Fragm. p. 99, ed. Amstel. Sic Graeci *μᾶλλον καὶ μᾶλλον*, et copula neglecta, *μᾶλλον μᾶλλον*. S. — *Κέρπειρα.* Vox iudicii, constantiae, consilii, quam proinde admiratur Plinius, et desiderio se illa accensum significat. Altera lectio *Κέρπειρα*, nihil habet non humile potius et erubescendum. G.

41. *Quae illi ... erat.* Rom. *quae illi*

*omnibus carior erat, omisso pronomine suis.* H.

42. *Ego tamen ... doleo.* Rom. *Ego tamen tanquam et iuvenis firmissimi mortem doleo.* H. — Et ante *firmissimi* aut ipsos Heusingeri aut typhothetae errore videtur excidisse. Placet *firmissimi*, quum mox sequatur *infirmus erat.* S. — *Meo nomine.* Quum ipsi Corellio nihil decesserit, sed finem potius ille cruciatus invenerit: doleo non ipsius nomine, quae alioqui vis amicitiae est, sed meo, quod mihi tantum bonum ereptum esse sentio. G. — *Amisi enim ... testem.* Rom. *Amisi enim vitae meae testem, non iterato verbo.* H. — Longe melius, ad orationis vim augendam efficacius iteratur. Sic mox: *sed ... sed ...*

dicam quod recenti dolore contubernali meo Calvisio dixi: *Vereor, ne negligentius vivam*. Proinde adhibe solatia mihi: non haec, *senex erat, infirmus erat* (haec enim novi): sed nova aliqua, sed magna, quae audierim nunquam, legerim nunquam: nam quae audiui, quae legi, sponte succurrunt, sed tanto dolore superantur. Vale.

...nunquam... nunquam, quae... quae. pto vitae meae teste, rectore, magistro, etc. G.  
S. — *Ne negligentius vivam*. Ere-

## XIII.

*Et ingeniorum suis temporibus proventum laudat, et auditorum negligentiam vituperat. Haec epistola autem multum habet simplicitatis, exprimitque sermonem vitae communis. L.*

C. PLINIVS SOSIO SENECONI SVO S.

Magnum proventum poëtarum annus hic attulit. Toto mense Aprili nullus fere dies, quo non recitaret aliquis. Iuvat me, quod vigent studia, proferunt se ingenia hominum et ostentant: tametsi ad audiendum pigre coitur. Plerique in stationibus sedent, tempusque audiendi fabulis conterunt, ac subinde sibi nuntiari

XIII. 2. *In stationibus*. Locis publicis, in quibus convenire vel negotii vel otii causa, vel universis, vel certi generis hominibus ius ac solenne esset. Sic *Salvidieno Oratio* apud Suet. n. Nero. c. 37, obiectum est, quod *tabernus tres de domo sua circa forum civitatibus aut stationem locasset*: ad quem locum ceteros laudarent *Torrentius* ac *nuper Iurmannus*. Add.

infra II, 9, 5. G. — *Audiendi*. Sic legendum puto. *Tempus audiendi*, h. e. quo audiendus erat recitator, consumunt fabulis, h. e. sermonibus variis, confabulationibus: qui *molendis fabulis* legunt, non cogitant, utrosque hic intelligi, et qui loquuntur, et qui audiant: deinde si *audiendis fabulis* legamus, non id intelligi, quod auctor hic vult, confabulationes et fa-

nubent, an iam recitator intraverit, an dixerit praefationem, an ex magna parte evolverit librum: tum demum, ac tunc quoque lente cunctanterque veniunt: nec tamen permanent, sed ante finem recedunt, alii dissimulanter et furtim, alii simpliciter et libere. At hercule memoria parentum Claudium Caesarem ferunt, quum in palatio spatiaretur, audissetque clamorem, causam requisisse; quumque dictum esset, recitare Nonianum, subitum recitanti inopinatumque venisse. 4 Nunc otiosissimus quisque multo ante rogatus, et identidem admonitus, aut non venit, aut si venit, 5 queritur se diem, quia non perdiderit, perdidisse. Sed tanto magis laudandi probandique sunt, quos a scri-

miliares sermones in circulo sedentium; sed audientiam uni alicui narranti vel agenti fabulas praestitam. G. — Potest sane contra dici, frequentes illos homines non omnes potuisse fabulas narrare, sed plerosque operam dedisse paucis quibusdam praeter caeteros garrulis, itaque a pleraque parte recte denominationem fieri. Ita Glerigius, qui *audiendis* edidit. E. — Bene Gesnerus, cui Gruferus praeluxerat. Tenendum est, quod iam illi praecclare monuerunt, *fabulas* hic esse omnino sermones ac confabulationes de rebus vitae communis, quales Suetonius Domitian. cap. XV, p. 933 ed. Oud., *dici fabulas*, Plinius ipse VIII, 48, 44, *fabulas urbis* dicit. Vid. Interpretes ad Phaedri Fab. I, Prolog. v. 7, ad Petron. cap. III, p. 663 ed. Burm. Drakenborch. ad Liv. I, 44, 8. S. — Rom. *tempusque audiendis fabulis conterunt*, quod deterius esse, Gesnerus ostendit. Paulo post: *tunc demum ac tunc quoque*. H. Addatur idem infra ad III, 5, 15. S. — *Evolverit librum*. Volumen cogitandum est nimirum, quod inci-

pit ab ea parte membranae, quae extrema est; quae *evoluta* sunt igitur, ea lectione percussa intelligimus, involutis reliquis, quae legenda supersunt. G.

3. *At hercule memoria parentum*. Rom. *Ad hercule memoria parentum*. II. — *Nonianum*. Servilius Nonianus princeps civitatis, historicus, quem a se quoque auditum Quintilianus narrat, clari vir ingenii, sententia creber, sed minus pressus, quam historiae auctoritas postulat. L. — Invenit pronomen manus interpolatrix. S.

4. *Quia non perdiderit*. Nempe in stationibus illis, in quibus qui commorabantur, vere diem perdere diri poterant. Caeterum docta est animadversio Gierigii, *perdidit* legendum esse putantis, quia verba sint non illius conquerentis, sed Plinii indicantis. Quamquam satis lepidus est Plinius, ut, quo ineptior querela fiat, suum indicium illis hominibus tribuerit. Nempe illi querebantur, *se diem, quia non in stationibus fuerint, perdidisse*. Iam quum Plinius iudicaret, in stationibus morari, idem esse



bendi recitandique studio haec auditorum vel desidia, vel superbia non retardat. Equidem prope nemini defui. Erant sane amici: neque enim quisquam est fere, qui studia, ut non simul et nos amet. His ex causis longius, quam destinaveram, tempus in urbe consumpsi. Possum iam repetere secessum, et scribere aliquid, quod non recitem; ne videar, quorum recitationibus adfui, non auditor fuisse, sed creditor: nam ut in ceteris rebus, ita in audiendi officio perit gratia, si reposeatur. Vale.

quod diem perdere, sententiam illam lepide ita extulit, quasi illi ipsi dixerint, se diem, quia non perdiderint, perdidisse. Utique talis lepor magis sentiri, quam verbis declarari potest. Hoc certe modo stare illud perdidit potest. E. — Giergii animadversio ut docta sit, hinc certe loco non est accommodata. Perdidit si legas, con-

sequens est, tales auditores Plinio visos esse cum fructu quodam suo recitanti adfuisse. Sed quem auditionis fructum percipere poterant, qui et sero venissent, et ante finem recederent? Immo vel sic diem perdiderunt, quamquam non eo modo, qui ipsorum ignaviae maxime blandiretur. S.

## XIV.

Maurico suadet, ut fratris filiam despondeat Aciliano, quem ita commendat, ut nobis epistolae commendatitiae exemplum reliquerit. L.

C. PLINIUS IVNIO MAURICO SVO S.

Petis, ut fratris tui filiae prospiciam maritum: quod merito mihi potissimum iniungis. Scis enim, quantopere sumnum illum virum suspexerim dilexerimque; quibus ille adolescentiam meam exhortationibus foverit, quibus etiam laudibus, ut laudandus viderer, effecerit. Nihil est, quod a te mandari mihi aut maius

aut gratius, nihil, quod honestius a me suscipi possit, quam ut eligam iuvenem, ex quo nasci nepotes Aruleno Rustico deceat. Qui quidem diu quaerendus fuisset, nisi paratus et quasi provisus esset Minucius Acilianus: qui me ut iuvenis iuvenem (est enim minor pauculis annis) familiarissime diligit, reveretur ut senem: nam ita a me formari et institui cupit, ut ego a vobis solebam. Patria est ei Brixia ex illa nostra Italia, quae multum adhuc verecundiae, frugalitatis, atque etiam rusticitatis antiquae retinet ac servat. Pater Minucius Macrinus, equestris ordinis princeps, quia nihil aliud voluit: adlectus a divo Vespasiano inter Praetorios, honestam quietem huic nostrae, ambitioni dicam, an dignitati? constantissime praetulit. Habet aviam matrem Serranam Proculam, e municipio Patavino. Nosti loci mores. Serrana tamen Patavinis quoque severitatis exemplum est. Contigit et avunculus ei P. Acilius, gravitate, prudentia, fide prope singulari. In

XIV. 3. *Ita a me formari.* Cortius ex codd. meliorem verborum ordinem, ita formari a me.

4. *Brixia hodie Brescia*, olim caput Cenomanorum, inter Padum Alpesque incolentium. L.

— *Rusticitatis antiquae.* Nescio an unicus hic locus sit, ubi in laude ponitur rusticitas, pro simplicitate illa cum pudore coniuncta, quae nusquam illa quidem se ingerit; sed quae agenda sunt aut dicenda, sine fuco et fallacia, atque sine affectatione adeo, persequitur. Quin latius forte ea complectitur, quae ex Cicerone iam laudantur viri docti, pro Rosc. Am. c. XXVII. « Vita rustica, quam tu agrestem vocas, parcimoniae, diligentiae, iustitiae magistra est. » G. — Gierigius, ut priorem rusticitatis vim confirmaret, laudavit Martial. X, 72,

60; Ovid. Art. Amat. III, 127; Plinium H. N. XXXV, 9. E.

5. *Adlectus... inter Praetorios.* Vespasianus egiit, Suetonio teste c. IX, « Amplissimos ordines exhaustos caede varia... supplavit... honestissimo quoque Italicorum ac provincialium adlecto. » Eo igitur gradu honoris esse iussus est Minucius, ac si fuisset Praetor. G. — Rom. adlectus enim a divo Vespasiano, bene. H. — Sic et Curtius. Particula haec male omissa a Gesnero et Gierigio. S. — *Ambitioni... an dignitati.* Bene Gierigius, ut dignitatis oppositio constet, ambitionem accipit de apparatu dignitatis externo, laudatque Paneg. LXXXIII, 4, et Tacit. Agr. 40. E.

6. *Serranam... Patavinam.* Rom. Serranam Proculam e municipio Patavino.

summa, nihil erit in domo tota, quod non tibi, tanquam in tua, placeat. Aciliano vero ipsi plurimum<sup>7</sup> vigoris et industriae, quamquam in maxima verecundia. Quaesturam, Tribunatum, Praeturam honestissime percucurrit, ac iam pro se tibi necessitatem ambiendi remisit. Est illi facies liberalis, multo sanguine, multo rubore suffusa; est ingenua totius corporis pulchritudo, et quidam senatorius decor. Quae ego nequaquam arbitror negligenda: debet enim hoc castitati puellarum quasi praemium dari. Nescio, an<sup>9</sup> adiciam, esse patri eius amplas facultates; nam quum imaginor vos, quibus quaerimus generum, silendum de facultatibus puto: quum publicos mores atque etiam leges civitatis intueor, quae vel in primis census hominum spectandos arbitrantur, ne id quidem praetereundum videtur. Et sane de posteris, et his pluribus, cogitanti hic quoque in conditionibus deligendis ponendus est calculus. Tu fortasse<sup>10</sup> me putes indulsisse amori meo, supraque ista, quam

H. — *In domo tota. In familia tota.* Vid. Freinsheim. Ind. in Iustin. voc. *domus*. Vtrumque iunxit Cornelius Nepos Eumaeo. VI, 3: « Ne pateretur, Philippi domus et familiae inimicissimos stirpem quoque interimere. » Nisi et *familiae* ex margine in textum illatum fuit. Diodorus Sic. T. II, p. 420, ἡ μὲν οὖν οἴα ἐν Πύρρῳ βασιλεὺς οἰκία τραχυκῆς συγκυρήσασα πάλαι, x. τ. λ. ibi pro οἰκία in cod. repertum συγγένει, quod glossenatis manifestum est. Cf. Platon. Gorg. c. 20. S.

7. *Plurimum vigoris et industriae.* Rom. *plurimum vigoris, industriae*, aine copula. H. — Copulam omittunt etiam codd. e. Curtianis; potestque comode abesse. S. — *Iam pro se...* remisit. Quam illis honoribus iam

perfunctus sit, non necesse est, ut tu pro eo preces amicos, supplices, ambias domos, stationesque circumneas: ita enim Plinius de ambitione II, 9, 5. S.

8. *Sanguine.... rubore.* Offendit tautologia in *multo sanguine, multo rubore*. Putant igitur aliqui aut posterius ortum esse ex interpretatione, aut ruborem dictum pro ipsa verecundia. Mihi Plinius scripsisse videtur *multo pudore suffusa. L.*

9. *Leges civitatis.* In qua dat census honores: ubi imprimis etiam equester, quo qui minus haberet, eque esse non poterat, quadringenta sestertia. Vid. mox ep. 19. G.

10. *Tu... indulsisse.* Rom. *Tu fortasse putas me indulsisse.* H. — *Supra-*

res patitur, sustulisse. At ego fide mea spondeo, futurum, ut omnia longe ampliora, quam a me praedicantur, invenias. Diligo quidem adolescentem ardentissime, sicut meretur: sed hoc ipsum amantis est, non onerare eum laudibus. Vale.

que... sustulisse. Maiora et ampliora fecisse dicendo. Etiam in rhetoricis *superlatio* dicitur pro gr. *ὑπερβολή*. E.

— Vid. Ernest. Lexic. Technol. Lat. Rhetor. voc. *Superlatio*. S.

## XV.

*Septicius, qui ad coenam vocatus non venerat, in ius damni dati iocabundus vocat. Neminem tam frigidum esse arbitror, tamque lentum, quin facetissimo hoc ingenii animique amantissimi lusu capiatur. L.*

C. PLINIVS SEPTICIO CLARO SYO S.

Heus tu, promittis ad coenam, nec venis! Dicitur ius; ad assem impendium reddes, nec id modicum. Paratae erant lactucae singulae, cochleae ternae, ova bina, alica cum mulso et nive (nam hanc quoque computabis, immo hanc in primis, quae perit in ferculo,) olivae Baeticae, cucurbitae, bulbi, alia mille

XV. *Lactucae singulae*. Portiones describit, quantum in unumquemque hospitem paratum fuerit. G. — Plinii aetate in principio coenae apponebantur. L. — *Cochleae*. Cochlaeis (Linn. *limacis*) delectabantur Romani, imprimis Illyricis et Solitanis. L.

— *Alica* constabat granis vel zaeae vel Iritici, utriculis pinsendo liberatis, et certo modo praeparatis. Modo eluta ex mulso, modo in sorbitiones aut in

pultem decocta sumebatur. *Mulsum* autem ex melle et vino conficiebatur. L. — *Olivae Baeticae*. Colum. V, 8, 5, de olea, *Modicos olivos amat, quales in Italia Sabinorum, vel tota provincia Baetica videmus*. Sed nec damnaverim *betacei*, quod ex Mus. reponit Cortius, qui citat Salmas. ad Solin. pag. 583, ad quem provocavit etiam Lister. ad Apic. III, 2, p. 76, ubi *fuscus betaceorum*, et *betacei Var-*

non minus lauta. Audisses comoedum, vel lectorem, vel lyristen, vel, quae mea liberalitas, omnes. At tu, apud nescio quem, ostrea, vulvas, echinos, Gaditanas, maluisti. Dabis poenas, non dico quas: dure fecisti: invidisti, nescio an tibi, certe mihi: sed tamen et tibi. Quantum nos lusissemus, risissemus, studuissemus! Potes apparatus coenare apud multos: nusquam hilarius, simplicius, incautius. In summa, experire; et nisi postea te aliis potius excusaveris, mihi semper excusa. Vale.

rons laudantur. G. — Giergius pro *Borticæ* reponendum putat *boleti*, quibus maxime delectati fuissent Romani; præsertim quum multi Mas. habeant h. 1. *lebete aut lebetæ*. De *boletis*-cf. Hor. Sat. II, 4, 20; Mart. I, 24, et XII, 48; Plin. Ep. I, 7, 6. E. — Ollivæ *Borticæ* quum nobiles fuerint, improbabile est, Plinium eas in hoc ciborum vilium catalogo posuisse. Probo igitur *betæci*. S. — Rom. quæ perit in ferculo, *olivæ*, *betæci*. H. — *Comoedum*. Cori. comoedos, nimis magnifice pro Plinii studio apparatus illum coenæ elevandi. S. — Ut stultorum mensis, oblectandi causa, scurræ, cinaedi, moriones inerrabant, ita seniores adhibebant eos homines, qui hic commemorantur. L.

3. *Vulvas*. Porcinas, præsertim eiecticias, item virgines: res nota. Vid. Apic. VII, 4, et ibi Humelb. ac Listerus. Apud eundem etiam de *echinis* plura sunt, marinis intellige; hi enim in ciborum deliciis. Add. Lud. Nominus de re cibar. III, 37. G. — *Gaditanas*. Puellas saltatrices cum cantu, passim celebratas an æ-

cuatas antiquis. Pleraque habet Rasmiresius ad Martial. I, 42, p. 65 sq. Nimirum *Gaditanas* legendum est, ut personæ opponantur personis, comoedo, lectori, lyristæ; et delicatissimæ voluptariæque personæ paulo severioribus. *Gaditana* alii, ubi cantica intelligi poterant. G. — Rom. *ostrea*, *vulvulus*, *echinus* *Gaditana* maluisti. H. — Non dubito vere coniecisse Heinsium *Gaditanam*. *Gaditana* melius, quam *Gaditanae*, opponitur comoedo, lectori, lyristæ; simulque apparet, unde originem traxerit librorum lectio, *Gaditana* maluisti. S.

4. *Simplicius, incautius*. *Simplicius* excludit affectionem omnem, dissimulationem, pudorem; *incautius*, dubitationem, cautionemque abesse iubet, ut libere nulloque cum metu dicere facereque possis, quidquid in mentem venerit. G. — *Nisi postea te aliis*. Post unum experimentum coenarumstrarum, sponte tua nostras aliorum epulis præferes; neque causam dicam, quin mihi te excuses, nisi ipse potiores nostras iudicaveris. G.

## XVI.

*Saturnini stilum, eiusque libros, ut legantur, commendat.*

C. PLINIVS ERVCIO • SVO S.

Amabam Pompeium Saturninum, hunc dico nostrum, laudabamque eius ingenium, etiam antequam scirem, quam varium, quam flexibile, quam multiplex esset: 2 nunc vero totum me tenet, habet, possidet. Audiui causas agentem acriter et ardentem, nec minus politam et ornatam; siue meditata, siue subita proferret. Adsunt aptae crebraeque sententiae, gravis et decora constructio, sonantia verba et antiqua. Omnia haec mire placent, quum impetu quodam et flumine praevehuntur: 3 placent, si retractentur. Senties quod ego, quum orationes eius in manus sumpseris; quas facile

XVI. \* *Inscr.* ERVCIO. Sic ex Mas. legendum ostendit Cort. G. — Rom. ERVCIO s. Ita et Aldus et nuper Cort. H. — Alii vitiose EVRATIO, ERATIO, CVATIO. S.

1. *Varium..... multiplex.* Non de moribus cogitandum, sed de ingenio variis literarum generibus, actionibus, historiis, epistolis, carminibus scribendis comparato. Haec enim porro per partes explicantur. E. — *Tenet, habet, possidet.* Ex formula stipulationis a Gallo Aquilio prodita et in lib. XVIII, π, de acceptilal. relata, quodve tu meum habes, tenes, possides. G. — Rom. Nunc vero totum tenet, habet, possidetque, sine me. H. — Cf. de hac formula Brisson. de Formul. pag. 551 ed. Bach. In Plinio legendum, opinor, ordine verborum

inverso, *habet, tenet, possidet.* S.

2. *Adsunt..... sententiae.* Rom. *Adsunt acutae crebraeque sententiae.* H. — Notavit hanc lectionem et Cortius, habentque excerpta Brummeri. Placet. Ineptas sententias vitare, in magna laude non ponendum. S. — *Quum impetu..... retractentur.* Placent et quum audiuntur, et quum leguntur. Similimum est illud Quintil. X, 4, 49, *lectio libera est, nec actionis impetu transcurrit.* E. — *Et flumine praevehuntur.* Rom. *Et flumine pervehuntur.* An praetervehuntur? H. — Vulgata bene habet. *Pervehuntur* obtrudunt etiam codd. Cort., item Brummeri excerpta. Nihil frequentius in libris hac confusione. S.

3. *Quas facile oculibet..... comparabis.* Compendiaria locutio pro: *quas facile*

cui libet veterum, quorum est aemulus, comparabis. Idem tamen in historia magis satisfaciet vel brevitate, vel luce, vel suavitate, vel splendore etiam et sublimitate narrandi: nam in concionibus eadem, quae in orationibus, vis est: pressior tamen, et circumscriptior, et adductior. Praeterea facit versus, quales Catullus aut Calvus. Quantum illis leporis, dulcedi-

*orationibus cuiuslibet . . . . comparabis.* Cavendum ne tales loci corrupti putes. Ita et Graeci. Herodotus, p. 214, *ἔστι δὲ καὶ ταῦτα (τάγματα) ὁμοία τοῦ Ἡραίου.* Vbi alii perperam *ὁμοία τοῖσι τοῦ Ἡραίου.* Diodorus Sicul. T. I, pag. 201, *ἃ δὲ λεγόμενος κῆπος ὁνόμασται μὲν . . . τὸ δὲ πρόσωπον ἔχει ὁμοίαν λέντι, τὸ λοιπὸν σῶμα φέρει πᾶνθερα παραπλήσιον, πλὴν τοῦ μεγέθους, ὃ περιουτεῖται δορυκάει.* In Luciano T. II, p. 247, leg. *ἔτε Πυθαγόρου φύσιν ἔχει διὰ τὴν χρυσῶν μὲν, ἔτε ἄλλαν ὁμοίαν αὐτῇ.* Schol. ad Lucian. T. II, pag. 305: *Τούτων λίγαι ἀποδόνακτα, εὐ καὶ ἄλλαι μελέται ἱστορικῇ γέρονται θυμώδεαι καὶ ἐνάμυλλοι Νικοστράτου καὶ Θελοστράτου.* Qui locus cum Pliniano comparandus. Vide Bauerum, Liv. Excerpt. Sect. I, p. 102, Stroth. ad Liv. V, 23, Scheller. Observat. p. 13 sq. in primisque Heusinger. ad Cicer. de Offic. p. 183 sq. S.

4. *In historia magis satisfaciet.* Rom. *In historia tibi magis satisfaciet.* H. — *In concionibus . . . adductior.* In his verbis puto ioesse iudicium Plinii universale, vel aliquem locum communem, quo declarat, quomodo vis concionum a vi orationum differat. In utroque genere, inquit, vis est dicentis, sed in *orationibus*, quales in foro et iudiciis habentur, vis illa coniuncta est cum copia et ambitu et ubertate, in *concionibus*, quales hi-

storici interseri solent, vis est brevior, non habet verborum illam abundantiam et copiam; nam in concionibus nec locus, nec tempus, nec rerum ratio hanc ubertatem admittit, nec postulat. Scilicet quum *vim* illam concionum *pressiorem, circumscriptiorem, adductiorem* dicit, cumulatius verbis et variatis metaphoris, unam brevitatem, copiae et ubertati forensi oppositam describit: nam *premuntur*, quae rescantur, coarcentur, ne possint serpere longius; et *circumscribuntur*, quibus termini ponuntur, ne possint latius evagari; et *adducuntur*, v. c. habentur, equi, ne possint exultare petulantius. Non possunt haec in tanta notarum brevitate multis locis confirmari; sed de omnibus his diximus in Technol. Lat. rhetor. Gierigius cum Cortio et Bipont. edidit: *Nam in concionibus idem, qui in orationibus, est: pressior tamen . . . .* Non placet, nam quid sibi vult illud *idem esse?* praesertim quum sequatur corrigens tamen. E. — Non mihi persuaderi patiar, Plinium hic locum communem tractasse. Elegantiorum novi, quam qui hoc loco, sane non aptissimo, rhetoris personam suscepisse videatur. Immo de Saturnino agitur, siquidem tota epistola in illius operibus versatur.

5. *Quales Catullus aut Calvus.* Rom. *Quales Catullus meus aut Bibaculus, et deinde, quasi Catullus aut Bibaculus.*

nis; amaritudinis, amoris! Inserit sane, sed data opera, mollibus lenibusque duriusculos quosdam: et hoc, quasi Catullus, aut Calvus. Legit mihi nuper,

Hoc Catanaeus quoque in aliquo libro sibi visum testatur, reliquorum vero criticorum omnium silentio damnatus fuit, etai *M. Furium Bibaculum* versus, quales Catullus scripsit, nobis etiam reliquisse constat. Ex iis enim aliqui apud Suetonium de illustribus grammaticis, cap. IX et XI, et apud alios grammaticos supersunt, quos in corpore veterum poetarum inde collectos legere licet. Eundem Quintilianus quoque, lib. X, cap. 4, 96, Catullo comitem adiungit. Itaque Calvi potius, quam Bibaculi nomen a librariis invecum puto, qui lib. IV, ep. 27, in versibus Augurini illud legerunt, *Catullus nunc aut Calvus*, adeoque huc etiam loco convenire putarunt. *H.* — *Amaritudinis.* Quoties nimirum satyricum quidquam scribit et mordax. Nec enim virtutes, quae hic laudantur, omnes in eodem genere carminis locum habent. *G.* *Mollibus lenibusque.* Ignoscent, spero, viri eruditi libertati, quam in hunc locum nobis suspensus: quod ea lege postulamus, si nunc demum laudatum Pliniano more intelligent Pompejum, qui inter molles lenesque ac dulces versiculos suos studio immiscuerit etiam duriusculos aliquot, quo iucundius nimirum reliquorum suavisitas ad aures animosque accideret. Duplex adhuc circumferebatur lectio, altera Catanaei, et qui illum sequuntur, *Quantum illes amoris..... inserit! sane, sed data opera molliusculos leniusculosque duriusculos quosdam:* altera Albi et sequacium sic, *mollius leniusque, duriusculos:* Gryphius *leniusque* dedit. Ac de uin n mutato vix dicenda causa

est; quum in scriptura codicum plerorumque ne distingui quidem possint liaec elementa: insertum autem ð nobis condonabunt, qui norunt, quam leniter eam literam, et quam proxime ad spiritum illum, cui nunc Aeolicum digemina, nunc v, nunc w respondet, multi pronuntient: adeo ut dictante alio ante u excidere quaru facillime potuerit. Porro quam sollemnis et prope perpetua sit in omne genus libris rōv, u et ð confusio, non ignorat, nisi qui MStum nullum, de arte critica nullum librum inspexerit. Quam vero pronam fuit, quam sesevel aliquis scripsit *mollius, lenius*, aliteram u plane excidere! Denique qui *mollius* et *lenius* non intelligerent, illi *molliusculos* et *leniusculos* ad *duriusculos* formam proceuderunt. *G.* — Gierigius edidit *lenibusque*, quasi *levia*. n mollibus magis quam lenia differunt. Primum parum differunt, si de oratione dicuntur, nam λείων et λυγρόν saepe non alio sensu dicitur, quam *lene*, *lenitas*, aut *leve* apud Latinos: deinde in Plinio non ita evitanda est huiusmodi tautologia, ut critica opetendum existinemus. *E.* — *Vernus mollis leniusque:* (Rom. *leniusque*) *duriusculi*; ita dici posse videntur, ut *leniter fastigatus, acclivis, declivis* apud Caesarem, lib. II, Bell. Gall. c. 8, 3 et alibi. Vide Oudendorp. ad illum locum. *H.* — *Duriusculi* versus iam sunt *mollis leniusque duri*. Equidem teneo Gesneri lectionem. *S.*

6. *Quis uxoris esse dicebat.* In cod. deest *quas*. Sic oratio vividior sit. Centies librarii talia pronomina inserunt. De qua vide Drakenb. ad Liv.



epistolas, quas uxoris esse dicebat. Plautum, vel Terentium metro solutum legi credidi; quae sive uxoris sunt, ut adfirmat, sive ipsius, ut negat, pari gloria dignus est, qui aut illa componat, aut uxorem, quam virginem accepit, tam doctam politamque reddiderit. Est ergo mecum per diem totum: eundem ante quam 7 scribam, eundem quum scripsi, eundem etiam quum remittor, non tanquam eundem, lego. Quod te quoque ut facias, et hortor, et moneo. Neque enim 8 debet operibus eius obesse, quod vivit. An, si inter eos, quos nunquam vidimus, floruisset, non solum libros eius, verum etiam imagines conquireremus, eiusdem nunc honor praesentis et gratia, quasi satietate, languescet? At hoc pravum malignumque 9 est, non admirari hominem admiratione dignissimum,

I, 4, 5; I, 20, 4. S. — *Quam virginem accepit.* Cur haec addit Plinius? Tantane ruditas fuit virginum romanarum, quae docendo aegre expugnari posset? An illa tam tenera aut puella, ut literarum doctrinam haec imbecillitas vix caperet? At, quae aetas matrimonio apta erat, cur institutioni non fuerit? Non haerere, si unum verbum additum esset: *tam cito doctam politamque reddiderit.* E. — In scripo nodum quaerit Ernestius, nihil hic perspicacior Barthio. Duxerat uxorem Saturninus puellam, non illam quidem rudem, sed non tam doctam politamque, ut in epistolis scribendis Plautum vel Terentium metro solutum referre posset. Hunc ingenii cultum soli acceptum referebat marito, ad quem *virgo domum deducta fuerat.* S.

8. *Neque enim debet.* Abest in aliquot libris enim. Bene. S. — *Quod vivit.* Passim conqueruntur poetae,

gloriam sibi negari vivis. Quatenus (Horat. Od. III, 24, 30) a Virtutem incolumem odimus: sublatam ex oculis quaerimus invidi. a Sed dedit opera hoc argumentum trahat idem ep. II, 1, 18 sqq. Adde Mart. V, 10. G. — *Imagines.* Ornamentum bibliothecis. Vid. epistola proxima. G. — *Quasi satietate, languescit.* Rom. Quasi satietate languescit. Ita et duo Brummeriani. Non placet hoc tempus Cortio: idem vero illud fert lib. VIII, ep. 42, 3, ubi iisdem particulis an, si subiicitur. Nec tamen dissitebor, in Rom. non esse an, si inter eos, sed at si: quod vero, quia at proxime iteratur, praeferre non possum. H. — *Locus ille alter Plinius tempus praesens postulat; hoc loco futurum praestabilius. At si habent, praeter Romanam, omnes scripti apud Cortium. Non ferrem; nedium praeferebam, etiam si at non proxime iteraretur.* S.

quia videre, adloqui, audire, complecti, nec laudare tantum, verum etiam amare contingit. Vale.

9. *Complecti* . . . . . *amare*. In his Giergius nescio quid tricat. Addidit Plinius, quo magis pravitatis illa malignitasque adpareret. Idem ipsi acci-

derit, quod Saturnino accidere queritur: ut mirum non sit, epistolam tam gravi reprehensione cludi. S.

## XVII.

*Capitonem commendat, quod mortuo amico statuum posuerit, et clarorum hominum imagines domi habeat.*

C. PLINIUS CORNELIO TITIANO • SVO S.

Est adhuc curae hominibus fides et officium: sunt qui defunctorum quoque amicos agant. Titinius Capito ab imperatore nostro impetravit, ut sibi liceret statuam L. Syllani in foro ponere. Pulchrum et magna laude dignum, amicitia principis in hoc uti, quantumque gratia valeas, aliorum honoribus experiri! Est omnino Capitoni in usu claros viros colere: mirum est, qua religione, quo studio, imagines Brutorum, Cassiorum, Catonum, domi, ubi potest, habeat. Idem clarissimi cuiusque vitam egregiis carminibus exornat. Sciat ipsum pluribus virtutibus abundare,

XVII. • *Titiano*. In hoc nomine valde variant MSS. *L.*

1. *Impetravit*. Iam Caligula decreto interdixit ne liceret, nisi consulto et auctore Caesare, privato statuum ponere. Quae lex valuit etiam Traiani temporibus. *L.* — *In hoc*. Illius rei causa, in hunc finem. Vide Interpret. ad Phaedr. V Prolog. vers. 2, Ruhnken. ad Vellei. p. 216, qui Grae-

cismum esse bene monuit. Sic enim Graeci τίς τοῦτο, τίς τί, etc. *S.* — *Quantumque gratia valeas*. Rom. *Quantumcumque gratia valeas*, vitiose. *H.*

3. *Domu, ubi potest*. In publico enim non potest, quod maiestatis crimen interpretaturi fuissent imperatores, Caesarum inimicos et interfectores ita coli. *G.*

quæ alienas sic amat. Redditus est L. Syllano debitus honor, cuius immortalitati Capito prospexit pariter et suae. Neque enim magis decorum et insigne est, statuam in foro populi Romani habere, quam ponere. Vale.

## XVIII.

*Suetonio actionem ex somni monitu dissuadenti de somniorum etiam contrario eventu respondet: saltem istropham aliquam pollicetur. A superstitionis labe Plinium et Suetonium non immunes fuisse haec epistola docere potest. L.*

C. PLINIVS SVETONIO TRANQVILLO SVO S.

Scribis te perterritum somnio vereri ne quid adversi in actione patiaris: rogas, ut dilationem petam, et pauculos dies, certe proximum excuseam. Difficile est: sed experiar:

καὶ γὰρ τ' ὅναι ἐκ Διὸς ἐστίν.

Refert tamen, eventura soleas, an contraria somniare. 2 Mihi reputanti somnium meum, istud, quod times tu, egregiam actionem portendere videtur. Susce- 3 ram caussam Iulii Pastoris, quum mihi quiescenti visa

XVIII, t. *Rogas, ut .... experiar.* Romana lectio a vulgata (*rogas, ut dilationem petam, et pauculos dies: certe proximum excuseam difficile est, sed experiar*) non discrepat, quam vero nunc rectius ita interpungunt: *rogas, ut dilationem petam, et paucos dies, certe proximum excuseam. Difficile est, sed experiar.* Graeca verba non habet Rom. sed pro iis haec Latina: *etiam somnium ex Iove est.* H. — καὶ γὰρ τ' ὅναι. Ex Iliad. α, 63. G.

— In editis, accentu male notato, καὶ γὰρ τ' ὅναι. Correx. τ' est hic τε. Nec erat, quod Stephanus de sensu huius vocis dubitaret: quamquam et olim in loco Homérico offensum fuit. S.

3. *Iulii Pastoris.* Rom. *Iulii Pastoris.* H. — Sine dubio idem a quo Martial. IX, 23, petit, ut sibi pecuniam largiatur, aut materiem ad villam tuendam. L. — Sic multi libri: item

est socrus mea advoluta genibus, ne agerem obsecrare. Et eram acturus adolescentulus adhuc; eram in quadruplici iudicio; eram contra potentissimos civitatis, atque etiam Caesaris amicos: quae singula excutere mentem mihi post tam triste somnium poterant. Egi tamen, λογισάμενος illud,

Εἰς οἰωνὸς ἄριστος, ἀμύνεσθαι περὶ πατρός.

Nam mihi patria, et si quid carius patria, fides videbatur. Prospere cessit: atque adeo illa actio mihi <sup>5</sup> aures hominum, illa ianuam famae patefecit. Proinde dispice, an tu quoque sub hoc exemplo somnium istud in bonum vertas: aut si tutius putas illud cautissimi cuiusque praeceptum: *Quod dubitas ne feceris*; id ipsum rescribe. Ego aliquam stropham inve-

Drumneri excerpta. S. — *In quadruplici iudicio.* In una basilica quatuor simul iudicia, quatuor tribunalia, ubi non adversarii modo, sed vocaliores etiam patroni rhetuendi erant. Iam laudatus alia Quintiliani locus XII, 5, 6, de Trachallo: «Quum in basilica Iulia diceret primo tribunali, quatuor autem iudicia, uti moris est, cogerentur, atque omnia clamoribus fremerent; et auditum eum et intellectum, et quod agentibus caeteris contumeliosum fuit, laudatum quoque ex quatuor tribunalibus memini.» G.

4. *Λογισάμενος illud.* In Rom. desunt etiam haec, λογισάμενος illud. Pro eo post Graecum verbum legitur: «Animo reputans illud, unum somnium optimum, pugnare pro patria.» In Homeroico vero versu pro ἀμύνεσθαι scriptum est ἀμύνεσθαι. H. — λογισάμενος In Rom. bene verbum animo reputans. Mire Gierigius: *rationando in me transferens: ἀμύνεσθαι*

libri Homeroici plerique omnes habent. S. — Εἰς οἰωνόν. Il. μ., 243, G. — *Fides.* Quod promiserat Iulio Pastori, eius causam suscipere. Sed duritiaculum ei accessit mihi videtur, quod hanc fidem patriae comparat. E. — Vox illa generosa Hectoris ad Polydamantem ἀμύνεσθαι περὶ πατρός iubet. Quid igitur mirum, fidem hic patriae comparari? Quod nisi fieret, versui Homeroico locus non esset. S.

6. *Ego... possis.* Rom. Ego aliquam στροφὴν (graevis literis) inventam, agamque causam tuam, ut ipsam agere tu, quam voles, possis. Toti epistolae hoc consentaneum est, in qua nulla necessitate exigente Graeca asperguntur: maior quoque vis antithetis, ego ei tu. Excusabo te, inquit, ut causam a te susceptam, quo postea voles tempore, agere possis. Cellariana interpretatio aliena est. H. — *Stropham.* Callidam excusationem. In sapientibus acumen est ex dilectis: nam

niam: agamque caussam tuam, ut ipsam agere, quum tu voles, possis. Est enim sane alia ratio tua, alia mea fuit: nam iudicium centumvirale differri nullo modo; istud aegre quidem, sed tamen potest. Vale.

*causam agit alterius*, qui alterum accepit. *E.*—De *strophæ* vide Burmann. excusare annuitur, et *causam agit*, ad Phædr. I, 14, 4. *S.*  
qui causam forensem pro altero au-

## XIX.

*Firmo, municipi suo, trecenta sestertia offert ad censum equestrem explendum. Sermo pressus est et purus, qualis dominatur in colloquiis elegantiorum hominum. L.*

C. PLINIVS ROMANO FIRMO SVO S.

Municeps tu meus et condiscipulus, et ab ineunte ætate contubernalis: pater tuus et matri et avunculo meo, mihi etiam, quantum ætatis diversitas passa est, familiaris: magnæ et graves caussæ, cur suscipere et augere dignitatem tuam debeam. Esse autem tibi centum millium censum satis indicat, quod apud nos decurio es. Igitur, ut te non decurione solum, verum etiam equite Romano perfruamur, offero tibi ad implendas equestres facultates cco millia nummum. Te memorem huius muneris amicitiae nostræ diuturnitas spondet. Ego ne illud quidem admoneo, quod admonere deberem, nisi te scirem sponte facturum,

XIX. 2. *Equestres facultates.* Horat. epist. I, 4, 57, ex emendatione Bentleyi: « Est animus tibi, sunt mores, est lingua fidesque: Sed quadringentis sex septem millia desint; Plebs eris. » Add. Mart. IV, 67. *G.* — Rom. *Ad*

*implendus equitis facultates. H.* — Sic et plures libri a Cortio inspecti cum Brummeri excerptis. Placet. *S.*

3. *Nisi te scirem.* Omissit te Cortius librorum auctoritate: nec Brummerus in suis reperit. Ipsa sedes eius vaga

ut dignitate a me data quam modestissime utare.  
 4 Nam sollicitius custodiendus est honor, in quo etiam  
 beneficium amici tuendum est. Vale.

glossenatis movet suspicionem. Cf. Drakenb. ad Liv. I, 23, 5. S. — Quam modestissime utare. Ante ultimam vocem interponunt quidam ut a me data, quod probat Cortius, qui

contra ea verba quam modestissime pro glossa habet. Nobis Cellariana lectio probatur, quam nec damnat Cortius. G.

## XX.

*Tacitum consulis, amplum et copiosum dicendi genus, an brevius et circumscriptius magis probet.*

C. PLINIVS CORN. TACITO SVO S.

Frequens mihi disputatio est cum quodam docto homine et perito, cui nihil aequae in causis agendis ut brevitatis placet. Quam ego custodiendam esse confiteor, si causa permittat. Alioqui praevaricatio est transire dicenda; praevaricatio etiam, cursim et breviter attingere, quae sint inculcanda, infigenda, repetenda. Nam plerisque longiore tractu vis quaedam et pondus accedit: utque corpori ferrum, sic oratio animo non ictu magis quam mora imprimitur. Ille ille mecum auctoritatibus agit, ac mihi ex Graecis ora-

XX. 2. *Custodiendam, Custodire* aevo Pliniano frequentabatur eo sensu, ut esset, studere, operam dare. L.

3. *Longiore tractu.* Gierigius h. l. cum Cortio edidit *tractatu*, ut epist. 1, 8, 8. Ego nihil mutavi. Poterat enim haec Plinius ipse variare velle: nec idem utriusque sensus est: nam *tractatus* est tractatio: *tractus* autem, quum aliquid longius extrahimus, extendimus; ut Cicero Orat. II, 50, de tarda pronuntiatione *tractus* ver-

*borum* dixit. E. — Non inaspexit Ernestius Cortianam, in qua, ut in nostra, *tractu*, invito tamen, ut videtur, Cortio, qui *tractatu* mallet. Sic et excerpta Brummeri. Mihi non liquet. S. — Rom. *Nam plerisque longiore tractatu*, melius, quam vulgo *tractu*. Vide epist. 8, 8; lib. X, epist. 97, 4. H. — *Corpori*. Humano: nam *animo* opponitur. *Ferrum*, gladius. Haec satis clara; nec monuisse, nisi Gierigius pro obscuris adeoque ineptis habuisset. S.

tiones Lysiae ostentat, ex nostris Gracchorum Catonisque, quorum sane plurimae sunt circumcisae et breves: ego Lysiae Demosthenem, Aeschinem, Hyperidem, multosque praeterea; Gracchis, et Catoni, Pollionem, Caesarem, Caelium, in primis Marcum Tullium, oppono, cuius oratio optima fertur esse, quae maxima. Et hercule, ut aliae bonae res, ita bonus liber melior est quisque quo maior. Vides, ut statuas, signa, picturas, hominum denique multorumque animalium formas, arborum etiam, si modo sint decorae, nihil magis quam amplitudo commendet. Idem orationibus evenit: quin etiam voluminibus ipsis auctoritatem quandam et pulchritudinem adiicit magnitudo. Haec ille multaque alia, quae a me in eandem sententiam solent dici, ut est in disputando incomprehensibilis et lubricus, ita eludit, ut contendat, hos ipsos, quorum orationibus nitar, pauciora dixisse quam ediderint. Ego contra puto. Testes sunt multae, multorum orationes, et Ciceronis pro Murena, pro Vareno: in quibus brevis et nuda quasi subscriptio

4. *In primis . . . oppono.* Rom. *Et in primis M. Tullium oppono.* H. — *Et, hercule, ut . . . quisque.* Rom. *Et mihercule, ut aliae bonae res, ita bonus liber quisque melior est.* H. — *Mellior.* Supple eo, quae ellipsis in tali verborum constructione frequentissima. Vide Drakenb. ad Liv. XXVI, 20, 5. Ita et Graeci. S.

5. *Signa.* De signis militaribus Plinium non puto cogitasse. Vide Clav. Ciceron. h. v. coll. Lessing. *Kleinere Antiq. Fragm.* p. 407. *Signa* statuasque inuigit etiam Cato in fragmento insigni, quod servavit Gellius III, 7. S. — *Quis . . . ipus.* Rom. *Quon etiam voluminibus ipsis.* H. — *Voluminibus ipsis.* Sic magnum heros

Eugenium in Bibliothecam splendidissimam collegisse audio maximi praesertim voluminis libros et chartae augustae commissos. G.

6. *Pauciora dixisse quam ediderint.* Neque enim scribebat Cicerone orationes antequam illas haberet: sed quae ipse agendo animadvertisset maxime probari auditoribus, ea deinde literis mandavit. Tusc. IV, 25. \*Iam rebus transactis et praeteritis, orationes scribimus. \* Igitur quod maxime probata esset Hortensii pro Messalla oratio, totidem quot dixit verbis scripta est. Cic. Bruto c. 96. Add. Noster IV, 9, 23. G.

7. *Subscriptio.* Qualis nimirum in libello accusatoris, qui inde nuda clare

quorundam criminum solis titulis indicatur. Ex hi  
apparet, illum permulta dixisse; quum ederet, omi  
sisse. Idem pro Cluentio ait, *se totam causam veteri*  
8 *instituto solum perorasse*, et pro Cornelio *quatrindu*  
*egisse*: ne dubitare possimus, quae per plures dies,  
ut necesse erat, latius dixerit, postea recisa ac purgata;  
in unum librum, grandem quidem, unum tamen,  
coarctasse. At aliud est actio bona, aliud oratio. Scio  
9 nonnullis ita videri, sed ego (forsitan fallor) per  
suasum habeo, posse fieri, ut sit actio bona, quae

dicitur, et *subscriber* vocatur, ut vel  
in Fabriano thesauro satis ostensum  
est. Vid. V, 4, 6. G. — Quomodo I.  
A. Ernestius intellexit, vide in Gesneri  
ad eum epistola. S.

8. *Et pro Cornelio.* Rom. *Et pro*  
*C. Cornelio.* Postea, *recisa ac repur*  
*gata.* H. — Vtrumque Curtius ex li  
bris suis adscivit. Sic et excerpta  
Brummeri. S. — *In unum librum*,  
*grandem quidem, unum tamen.* Elegans  
locutio ipsaque repetitione vocis unum  
commendabilis. Prius *unum* delenti  
quis auscultaverit? S.

9. *At aliud est actio bona, aliud*  
*oratio.* Sic haec est obiectio eius, qui  
brevitatem actionis defendebat: sen  
sus necessario hic esse debet: actio  
bona non potest esse, nisi brevis:  
oratio etiam amplior et copiosior bona  
esse potest. Nempe ille sic statuebat:  
qui agit causam coram iudice, rebus  
pugnat, non verbis, nec debet iudices  
morari arte et amplitudine oratoria:  
qui autem orationem scribit, ut le  
ctoribus placeat, etiam copia et arte  
et eloquentia uti debet, ut rerum  
frigus orationis lenociniis quibusdam  
tollat. Plinius contra respondet, ac  
tionis bonitatem pendere ab orationis  
scriptae bonitate, adeoque actionem  
absolutissimam esse, quae maxime

orationis similitudinem expresserit.  
Habet autem haec omnis disputatio  
hoc vitii, ut Plinius nodum secat,  
non solvat. Debebat causas afferre,  
cur actionem non oporteret breviorē  
esse, quam orationem. Nam quod  
dicit, *orationem esse actionis exemplar*,  
alio sensu verum esse potest, et ta  
men illud manere, in agendo bre  
vitati studendum esse. E. — Causae  
illae mos commemorantur. §. 12,  
sq. Ceterum Ernestius de hoc loco  
probabilius disputat Gierigio. S. —  
*Ut sit actio bona.* Haec ita intelligo.  
Potest fieri, ut valeat in iudicio, et  
probetur sapientibus iudicibus actio,  
quam vos, gestus et aliae rationes  
animent scilicet et commendent, quae  
tamen in literas relata, et a frigidis  
lecta lectoribus, parum laudis repor  
tet: « Carent enim », quod ait Cic.  
Orat. c. XXXVII, « libri spiritu illo,  
propter quem maiora eadem illa,  
quos aguntur, quam quum leguntur,  
videri solent. » Add. Quintil. XI, 3,  
5. Sed non potest fieri, quin bona  
oratio, quae lectores prudentes dele  
ctet ac moveat, non moverit, quum  
haberetur, iudices. Scilicet illam spe  
ciem non cogitavit Secundus, neque  
ea huc valde pertinet, ubi absurda  
supra modum vos atque gestus, aut



non sit bona oratio: non posse non bonam actionem esse quae sit bona oratio. <sup>1</sup> Est enim oratio actionis exemplar, et quasi ἀρχέτυπον. Ideo in optima quaque <sup>10</sup> mille figuras extemporales invenimus: in his etiam, quas tantum editas scimus; ut in Verrem. *Artificem quem? quemnam? recte admones. Polycletum esse dicebant.* Sequitur ergo, ut actio sit absolutissima,

causa quaecumque alia, obstrepat etiam verbis optimis: quod apud nos saepius accidere potest, qui parum nimis actioni et pronuntiandi artificio tribuimus, etiam quum forte stilum ipsum non negligenter exerceamus, quam apud Veteres, apud quos vox et hypocrisis non minus, quam ipsa scribendi facultas, diligenti meditatione coleretur. *G. — Quasi ἀρχέτυπον.* Ideo etiam scribimus et commentamur, ut deinde ex tempore non multum deteriora posimus dicere. Et qui scribant etiam post actionem, ita volunt egisse videri, ut scripserunt. Add. Quintil. XII, 10, 53. *G.*

(1) Editio Paris. novissima, quam typis describimus, ter habet *fit*, item inferius, frequentissimo typodictarum errore, qui *f* forma obsoleta pro *s* accipiunt. Hinc patet editionem Lipsiensem operis describendam translatam fuisse. Utinam tandem typi huiusmodi prorsus liquarentur, qui typothetis saepe occasionem praebent vacillare confundendi! *Tyr T.*

10. *In Verrem.* Actionem in Verrem libris quinque comprehensam a Cicerone non esse in iudicio habitam, constat. Verba, quae laudat Secundus ex IV, 3, etiam Quintiliano placere XI, 2, 64, p. 785, quum exemplum adferre vult *simplicis et non preparatae orationis*, in qua illud praeterea, eodem monente Fabio, consequitur, ne ipse quoque studiosus

signorum atque tabularum videatur, quem morbum Verri obicit. Igitur non nominat statim artificem signorum *καταγράφων*, quod promissimum illi fuerat, certe scribenti: sed simulat sibi excidisse, reponendum demum ab adstantium aliquo. Mirificus est huius loci lepor, quem iuvat prius illud *quem?* quod exciderat ex libris, manente tamen in quibusdam lacuna: quo minus dubitavimus ex Fabio, ipsoque, ut iam est, Tullio (cui, Fabii, Rufiniano, ac Donato nactioribus, redditum est a viris doctis) illud reponere. *G. — Artificem.... admones.* Rom. *Artificem quemque nam recte admones.* In his vera lectio latet haec: *Artificem quem? quemnam? recte admones.* H. Nulla oratoris. Ita legendum iam suadebat oppositum *iudicis*: quamque Mediceus et alii Cortio laudati illud comprehendunt, alteri *orationis* praeferre ausus sum. Si tempus negetur dicturo, nulla culpa est oratoris, si actio ipsius diversa sit ab oratione, h. e. minus accurata, minus luminibus ingenii atque artis distincta. *G. — Rom. Nulla oratoris, maxima iudicis culpa est.* H. — Haec servavi, non propter oppositionem *iudicis*, quamquam et haec multum valet in Plinio, sed propter rem. Filium disputationis hoc est: *actio est absolutissima*, inquit, *quae maxime orationis similitudinem exprimit*, h. e. quae eandem, quam oratio, copiam et amplitudinem habet,

quae maxime orationis similitudinem expresserit, si modo iustum et debitum tempus accipiat: quod si negetur, nulla oratoris, maxima iudicis culpa est. Adsunt huic opinioni mcae leges, quae longissima tempora largiuntur, nec brevitatem dicentibus, sed copiam, hoc est, diligentiam suadent: quam praestare, nisi in angustissimis caussis, non potest bre-  
 42 vitas. Adiciam, quod me docuit usus, magister egregius; frequenter egi, frequenter iudicavi, frequenter in consilio fui. Aliud alios movet; ac plerumque parvae res maximas trahunt. Varia sunt hominum iudicia, variae voluntates: inde qui eandem  
 43 causam simul audierunt, saepe diversum, interdum idem, sed ex diversis animi motibus, sentiunt. Praeterea suae quisquis inventioni favet, et quasi fortissimum amplectitur, quum ab alio dictum est, quod ipse praevidit. Omnibus ergo dandum est aliquid,  
 44 quod teneant, quod agnoscant. Dixit aliquando mihi Regulus, quum simul adessemus: *Tu omnia quae sunt*

*si modo iustum et debitum tempus accipiat*, scilicet actio, quo peragi possit. Hoc tempus si negatur, adeoque amplam et copiosam orationem suam facere non potest orator, *nulla culpa est oratoris*, qui invitus et coactus brevitati studere debebat, *sed maxima iudicis*, qui tempus agendi praecidit. Tunc igitur actionis brevitatis non est libera neque ipsi actioni tribuenda, sed pendet a brevitate orationis, ad quam orator iudicis auctoritate coactus fuerat. Gierigius edidit *orationis*, secutus rationem Ernestii patrui nostri, qui dixerat, actionem hic non considerari, quatenus ab oratore pendat, sed quatenus ab oratione. (Vide Gesneri ad I. A. Ernestium epistolam. S.) Verum nonne haec eodem redeunt? nonne actio etiam ab oratore pendet, qui orationem scribit? Ergo

etiam culpa, si verum quaeris, proprie oratoris est, vel non est. E.

42. *Maximas trahunt*. Intellige motus animorum, assensum, plausus. Alii *maxime trahunt*, intell. animos, quod nec ipsum damnaverim. G. — Rom. *At plerumque parvae res maximas trahunt*, II.

43. *Quisquis*. Pro *quisque*. Vide Lambit. ad Ciceron. Epist. VI, 4; Giffan. Observat. L. L. p. 406, ed. Altenb. Significatio primaria Criticis dubia visa, velut I. Fr. Gronovio ad Liv. XXXVIII, 47, 43, ubi v. Drakenb. Cortiana quidem h. l. *quisque* habet. S.

44. *Adessemus*. Raro sic absolute de advocacy dicitur. Longe frequentiora sunt: *adesse alicui*, *contra aliquem*. Plinius, I, 5, 5, *Adrum Arco- uillae* . . . *Regulus contra*; I, 23, 3,

in caussa, putas exsequenda: ego iugulum statim video, hunc premo. (Premit sane quod eligit, sed in eligendo frequenter errat.) Respondi: *Posse fieri, ut genu esset, aut tibia, aut talus, ubi ille iugulum putaret. At ego, inquam, qui iugulum perspicere non possum, omnia pertento, omnia experior, πάντα denique λίθον κινῶ.* Vtque in agricultura non vineas tantum, 15 verum etiam arbusta, nec arbusta tantum, verum etiam campos, curo et exerceo; utique in ipsis campis non far aut siliginem solam, sed hordeum, fabam, caeteraque legumina sero: sic in actione plura quasi semina latius spargo, ut quae provenerint colligam. Neque enim minus imperspicua, incerta, fallaciaque 16 sunt iudicum ingenia, quam tempestatum terrarum-

vel ille cui ad eassem, vel ille quem contra. S. — Premit sane, quod eligit. Rom. Premit sane, quod elegit. H. — Ita et Curtius ex suis libris dedit. Bene. S.

45. *Vbi ille iugulum putaret.* Deest ille in aliquot codicibus: nec desidero. Mox cum Curtio praefero *prospicere*, quod etiam Eacerta Brummeri habent. S.

46. *Vtque in agricultura.* Rom. *Vtque in cultura agri.* H. — Sic etiam libri Curtiani. Placet: certo scribendum separatis vocabulis *agri cultura*. Vide I. Fr. Heusinger. ad Ciceronem de Offic. p. 355. S. — *Vtque.* Alii utque, quod praestat. S. — *Sed hordeum . . . legumina.* Rom. *Sed hordeum fulvumque et caetera legumina.* H. Bene. Secundus I, 23, 3: *quiescerem sileremque et quasi eiurato magistratu privatum ipse me facerem.* Sed quid exemplis in re nota opus? Vide Drakenborch. ad Liv. II, 31, 4. De or-

thographia vocis *hordeum* vide Nolten. Lexic. Antibar. col. LXXV. S.

47. *Incerta, fallaciaque sunt.* Rom. *Incerta, fallacia sunt.* H. — *Periclem.* Rom. *Periclem.* H. — Etiam Curtio oblatum, nec tamen ab eo, quod miror, adscitum. Alibi formam graecam praetulit. Vide eius Notas p. 3, 43, 72. S. — *Periclem sic . . . laudari.* Servavit illa Eupolidis verba etiam Scholiastes Aristoph. ad Acharn. 539, apud quem primus versus ita legitur, ut nos repraesentavimus, consentientibus libris a Curtio adhibitis. Praecesserat τυχὸς λέγεται μὲν, πρὸς δὲ γ' α. τ. λ. Interpretatus est verba Eupolidis Cicero in Bruto c. IX: *De Pericle scripsit Eupolis, cum delectatione etiam aculeos reliquisset in animis eorum, a quibus esset auditus.* Sed etiam reliqua respexit c. XV: *Πρόσω, quam vocant Graeci, cuius effector est orator, hanc Suadam appellat Ennius, quam Deam in Pericli labris scripsit Eupolis sessitavisse.* Vide quae diximus

que. Nec me praeterit summum oratorem Periclem sic a comico Eupolide laudari :

... πρὸς δὲ γ' αὐτοῦ τῷ τάχει  
 Πειθῶ τις ἐπεκαίθητο τοῖσι χεῖλεσσιν.  
 Οὕτως ἐκῆλει, καὶ μόνος τῶν ρητόρων  
 Τὸ κέντρον ἐγκατέλειπε τοῖς ἀκροαμένοις.

- 18 Verum huic ipsi Pericli nec illa πειθῶ, nec illud ἐκῆλει brevitate, vel velocitate, vel utraque (differunt enim), facultate summa contigisset: nam delectare, persuadere, copiam dicendi spatiumque desiderant: relin-

ad Quintil. X, 4, 82. G. — πρὸς... ἀκροαμένοις. Rom. πρὸς τοῦτο πειθῶ τις ἐπεκαίθητο τοῖς χεῖλεσσιν. Οὕτως ἐκῆλει καὶ μόνος τῶν ρητόρων τὸ κέντρον κατέλειπε τοῖς ἀκροαμένοις. Pleraque vitiose, ex quibus tamen vulgatam emendare licet, in qua ἐγκατέλειπε pro ἐγκατέλειπε scriptum videtur. H. — De loco Eupolideo vide Wyttenbach. ad Plutarch. de S. N. V. p. 7 sqq. Εγκατέλειπε habet et Diodor. Sic. T. I, p. 505. S.

18. Verum... brevitate. Rom. Pericli verum huic ipsi nec illa nec illud brevitate. Graeca desunt: Pericli vero nomen ex glossa esse apparet. H. — Delendum Pericli, quod ex glossa inductum, aliis in libris alium locum occupavit. S. — Brevitate vel velocitate. His recte Plinius putat illud τάχος absolvi. Sic Dionysius Hal. Ep. II ad Annm. et in Iud. Thucyd. τὸ τάχος τῆς συμμαχίας, vel τῆς ἀπαγγελλίας Thucydidi tribuit, quemquam vigorem significans sententiarum, qui e concinnae brevitatis studio oritur. Et Demetrius de Elloe. § 437, τὸ τάχος opponit τῷ μεκνωμένῳ, et τῇ συντομίᾳ, brevitati, tribuit. Deinde et velocitas illa et celeritas dicendi, quam Cicero. Or. XVI, *flumen verborum* et *volubilitatem* dicit, τάχος Grae-

cis appellatur. Ita Dionis. Compos. cap. XX, versibus homerici propter numerum daetylicum celeriter decurrentibus τὸ τάχος ἀπαγγελλίας tribuit, στρατηγούς ὀpponens, et ἐγκαθίσματα, quae Cicero l. c. *distincta et interpuncta intervallo, moras, et respirationes* vocat. Sed eodem pertinet impetus ille dicendi, qui fulminis ritu omnia dissicit, et cum gravi affectu oratoris coniunctus est. Quo sensu τὰς τάχῃ tribuant Demostheni Dionys. Iud. Thucyd. cap. LIII, et Longin. XII. Itaque recte utramque Plinius differre dicit. Nempe brevitatis in elocutione et tractatione, *velocitas* in pronuntiandi impetu maxime cernitur, quo verba cito transcurrunt. Illi copiam dicendi et *spatium*, huic illam commemorationem tribuit, qua quis *monstravit, sed infigit*, quo sensu Graeci ἐπιμαρτύρῃν, διατρίβῃν, ἐγχερμασμένον dixerunt. E. — Fusius haec vir doctissimus in Lex. Technol. Graec. Rhet. v. τάχος disputavit. S. — *Facultate* dicendi, eloquentia. Sic *potens* absolute dictum Latinis recentioribus, ut Graecis aevi inferioris δύναμις, δύνατος. Vide Knister. ad Argum. Nub. Aristophan. S. — *Copiam... desiderant*. Rom. *Copiam dicendique spatium desiderat*. H. — *Desiderat* etiam Ex-

quere vero aculeum in audientium animis is demum potest, qui non pungit, sed infligit. Adde quae aequae 19 de eodem Pericle comicus alter :

Ἡστραπτ', ἐβρόντα, ξυνεκύνει τὴν Ελλάδα.

Non enim amputata oratio et abscissa, sed lata, et magnifica, et excelsa tonat, fulgurat, omnia denique perturbat ac miscet. Optimus tamen modus est. Quis 20 negat? Sed non minus non servat modum, qui infra rem, quam qui supra; qui adstrictius, quam qui effusius dicit. Itaque audis frequenter, ut illud, 21 *immodice et redundanter*, ita hoc, *ieiune et infirme*. Alius excessisse materiam, alius dicitur non implesse. Aequae uterque, sed ille imbecillitate, hic viribus peccat: quod certe etsi non limatioris, maioris tamen

cerpta Brummeri. S. — *Relinquere...* *aculeum*. Ab apibus et vespis desumpta videtur metaphora, quarum relictus in vulnere aculeus inquietat et sollicitos habet eos, quos pungere. G. — Verissime Gesnerus, quem Gierigius audire debebat, parum perspicue de stimulo cogitans aurigarum, audientesque iuuentis comparans. Plato Phaedon. cap. 40, p. 386 ed. Fischer. παντὶ λόγῳ ἀντιταίμετα, εὐλαβούμενοι, ὅπως μὴ ἐγὼ, ὑπὸ προθυμίας ἡμεῖς ἐαυτὸν τι καὶ ὑμᾶς ἐξαπατήσας, ὥσπερ μέλιττα τὸ κέντρον ἐγκαταλιπὼν, οἰχίσσονται. S.

19. *Adde...* *Pericle*. Rom. *Adde quae de eodem Pericle*. Illud aequae in vulg. potest abesse. H. — Immo debet abesse. Recte omiserunt Cortius et Gierigius. S. — *Comicus alter*. Aristophanes loco, quem modo laudavimus, ad quem Kusterus docet, qui praeterea Veteres eius elugii, an re-

prehensionis, mentionem fecerint. Dicimus et nos aliquid ad Quintil. II, 46, 49. Translationem Latinam ipse tradit Secundus. — *Abscissa*. Cortius ex Medic. *absisa*. Vide Interpret. ad Livium XLIV, 5, 5. S. — *Omnia denique perturbat*. ξυγκυκᾶ. Haec Plinius, ut ingentem vim orationis laudat, magnificae, excelsae ostenderet, parum ceteroqui curans, bonane sit an pessima res omnia perturbare. Id si curasset, ipsum Aristophanis locum amittere debuisset. S.

20. *Optimus tamen, etc. Suspicio*, Plinium scripsisse: *At optimus tamen mosus est. Quis negat? Sed etc.* Sic Cicero epist. IX, 6, p. 242, Ernest. *At in perturbata republica vivimus. Quis negat? Sed, etc.* S.

21. *Ille imbecillitate. Ille ad propinquius refertur, hic ad remotius: quod saepe fieri, passim a viris doctis adnotatum. G.*

- <sup>22</sup> ingenii vitium est. Nec vero, quum haec dico, illum  
Homericum ἀμετροπῆν probo, sed hunc,

Καὶ ἔπεια νιχάδισσιν ἐοικότα χειμερίσιν :

non quia non et ille mihi validissime placet,

Παῦρα μὲν, ἀλλὰ μάλα λιγέως ;

- si tamen detur electio, illam orationem similem nivibus hibernis, id est, crebram, assiduam et largam, postremo divinam et caelestem, volo. At est gratior  
<sup>23</sup> multis actio brevis. Est ; sed inertibus, quorum delicias desidiamque, quasi iudicium, respicere ridiculum est. Nam si hos in consilio habeas, non solum satius est breviter dicere, sed omnino non dicere. Haec est  
<sup>24</sup> adhuc sententia mea, quam mutabo, si dissenseris tu ; sed plane, cur dissentias explices rogo. Quamvis enim cedere auctoritati tuae debeam, rectius tamen

22. Αμετροπῆ. Thersiten, Iliad. x, 212, immoderationem verborum. Alterum de Ulyssae dixit poeta II. γ, 222 ; tertium de Menelao ibid. 214. Ad quem locum ostendit Clarkius, ut passim triplicem charactera dicendi in Homericis personis describi doceant Veteres. Instar omnium est Quintilianus, lib. XII, cap. 10, § 64. G.

— Cod. Medic. miro lapsu ἀμετροπῆ. Thersites ἀμετροπῆς. Aiaz. ἀμετροπῆς II, v, 824, ubi in libris, si fides Barnesio, in alteram partem peccatum. S.

— Καὶ ἔπεια, κ. τ. λ. Rom. νιχάδισσιν ἐοικότα χειμῆρσιν. Scribe χειμερίσιν, ut apud Homerum legitur, non χειμῆρσιν. H.

— Ibi et alterum in libris reperitur : sed χειμερίσιν ab Ionismo Iliadis abhorret. S.

— Placet. Immo placeat, ut Cortiana et Gierigiana. S.

— Crebram, assiduam et largam. Bene Cortius ex libris : crebram, et assiduam, et largam. S. — Rom. Id est crebram et assiduam, sed et largam. II.

23. Est ; sed inertibus. Rom. Est quidem, sed inertibus. H. — Inepta huius particulae additione librarii aequae frequentius peccarunt ac primi scriptorum veterum editores, quos innumeris locis hanc vocem interposuisse, ubi in MStis non conspicitur, vere monet Drakenb. ad Liv. Epit. I, 55. S. — Quasi iudicium. Tanquam normam et regulam, quam in agendo et dicendo sequi debeamus. E. — Immo iudicium h. l. pro iudiciis dicitur. Sic et Cicero. Vide Clavem Ciceronianam ad hoc vocabulum. S.

24. Auctoritati tuae debeam. Rom. Auctoritati debeam tuae. H. — Placet hic ordo. S.

arbitror in tanta re, ratione quam auctoritate superare. Proinde, si non errare videor, id ipsum, quam <sup>25</sup> volēs brevi epistola, sed tamen scribe; confirmaveris enim iudicium meum: si erravero, longissimam para. Num corrumpe te, qui tibi, si mihi accederes, brevis epistolae necessitatem; si dissentires, longissimae imposui? Vale.

25. *Confirmaveris. . . erravero.* Rom. *Confirmabis tuum iudicium meum: si errare.* Hoc malo. H. — *Accedo.* *Erravero* natum ex infinitivo glossaque vero coactis. S. — *Num corrumpe te.* Num forte feci, ut praeter animi tui sententiam secundum me des iudicium? Ita enim lege, quam tili tili, males fortasse brevi epistola secundum me pronuntiare, quam mihi contradicendo molestiam longae epistolae scribendae subire. Est autem hic dolus suavissimus et maxime amabilis, quo cogit Tacitum, quidquid sentiat,

longissima epistola rescribere, ne accusationi locum det, maluisse assentari quam longam epistolam scribere. G.

— *Necessitatem . . . imponi.* Giergius: « Formula necessitatem imponi proprie non convēnit nisi longissimae, sed, ut fit, accommodata etiam est brevi. » Quidam etiam brevi proprie conveniat? Modo legimus: *quam volēs brevī epistola, sed tamen scribe.* Id qui alterum iubet, necessitatem ei imponit literarum quamvis brevium. S.

## XXI.

*Servos consilio Paterni emptos, decentes esse scribit: ut frugī sint, optat.*

C. PLINIVS PLINIO PATERNO • SVO S.

Vt animi tui iudicio, sic oculorum plurimum tribuo: non quia multum (ne tibi placeas), sed quia tantum, quantum ego, sapis: quamquam hoc quoque multum est. Omissis iocis, credo decentes esse servos qui,

XXI. • *Pateruo.* Nonnulli *Materno.* Plures, et scripti et editi, *Plinio Paterno.* L.

2. *Decentes, formosos.* Venalium

servorum denudata membra singulatum spectari ab emptoribus et contretari solebant, ne qua venditorum fraude deciperentur. L.

sunt empti mihi ex consilio tuo. Superest, ut frangi sint: quod de venalibus, melius auribus, quam oculis, iudicatur. Vale.

## XXII.

*Aristonis, quem laudat, diuturna valetudine in urbe se detineri scribit. In amicis laudandis non semper ab hyperbolis abhoruisse ex illa epistola apparet. L.*

C. PLINIVS CATILIO • SEVERO SVO S.

Diu iam in urbē haereo, et quidem attonitus. Perturbat me longa et pertinax valetudo Titi Aristonis, quem singulariter et miror et diligo. Nihil est enim illo gravius, sanctius, doctius: ut mihi non unus homo, sed litterae ipsae omnesque bonae artes in uno homine summum periculum adire videantur.  
 2 Quam peritus ille et privati iuris et publici! Quantum rerum, quantum exemplorum, quantum antiquitatis tenet! Nihil est quod discere velis, quod ille docere non possit: mihi certe, quoties aliquid abditum quaero, ille thesaurus est. Iam quanta sermonibus  
 3 eius fides! quanta auctoritas! quam pressa et decora

• XXII. • Catilio. Catilius Severus, fortasse Veronensis ille, de quo Plinius passim loquitur, ad consulatum pervenisse apparet ex VI, ep. 27. L.

2. Exemplorum.... antiquitatis. Praecipua pars doctrinae veteris, imprimis oratoriae, ut quis historicarum, et omnis antiquitatis scientia polleret. Cic. Or. I, 5: *Teneunda est oratori omnis antiquitas exemplorumque vis.* E. — *Quod discere velis.* Plures Cortii libri quod doceri velis. Placet. Discere

interpretamentum videtur. S.

3. Pressa....cunctatio. Quae premit, reprimat aliquandiu sententiam, nec statim, vixit cognita re, pronuntiat. Conf. IX, 9, 2. G. — Puto Gesnerum bene sensum vidisse: nam quod alli modestiae explicant, nonne id ipsum modestiae est, premere, reprimere sententiam, id quod ipse Plinius mox dicit haesitare, dubitare, diversitate rationum. Nolim ego cum Gierigio nunc conferre illa loca,



cunctatio ! Quid est, quod non statim sciat ? Et tamen, plerumque, haesitat, dubitat, diversitate rationum : quas acri magnoque iudicio ab origine caussisque primis repetit, discernit, expendit. Ad haec quam parvus in victu ! quam modicus in cultu ! Soleo ipsum cubiculum eius, ipsumque lectum, ut imaginein quamdam priscoe frugalitatis, adspicere. Ornat haec magnitudo animi, quae nihil ad ostentationem, omnia ad conscientiam refert : recteque facti, non ex populi sermone mercedem, sed ex facto petit. In summam<sup>6</sup> non facile quemquam ex istis, qui sapientiae studium habitu corporis praeferunt, huic viro comparabis. Non quidem gymnasia sectatur aut porticus, nec disputationibus longis aliorum otium suumque delectat : sed in toga negotiisque versatur : multos advocatione, plures consilio, iuvat. Nemini tamen istorum castitate,<sup>7</sup>

in quibus *pressum stilum*, vel *orationem* Veteres dixere: nam in his omnibus, quae *pressa* dicuntur, magis brevitate, copiae et abundantiae oppositam, quam modestiam, declarant. Cf. quae diximus ad ep. 16, 4. E.

— *Pressa et decori cunctatio* non est *brevis*, ut Cortius visum; sed quae *sententiam aliquandiu exprimit*, ut Gesnero placet; vel *modesta*, ut Cellario, quem immeritum reprehendit Cortius. Ita *stilus pressus demissusque* epist. 8, 5, *pareior et pressior* lib. IX, ep. 18, 6. Vide eundem Gesnerum ad Quintil. lib. X, cap. 4, 46. H.

4. *Ipsam cubiculum*. In Gesneriana, aequae Gierigiana, post *ipsum* inepte incidebatur. S. — *Ipsumque lectum*. In quo iam quidem *cubat*, vel *decumbit* potius aeger, sed alius etiam, dum legit, dictat, studet: ab hac enim re dicta *cubicula*, non dormitoria modo,

sed etiam diurna. G.

6. *In summam*. Rom. *In summa*, non *in summam*, ut oraculi sui auctoritate Cortius edidit. Nusquam aliter Plinius. Sequitur: «Non facile quemquam ex istis, qui sapientiae studium habitu corporis praeferunt, huic viro comparabis.» Fortasse *comparavis*: quamquam et Cortius *comparabis* retinet. H. — *Habitu corporis*. Barba, aeveritate supercilii, pera, pallio, baculo, etc. G.

— *Gymnasia ... aut porticus*. Quae loca obire solebant professione philosophi ad captandam, quae confluere eo solet, iuvenum et otiosorum turbam. Notum, Gymnasii nomen tandem plane cessisse literariis ludis; Porticum autem (στοά) Zenonis sectae nomen delisse. G.

— *Advocatione*. Praesentia in foro ac patrocinio etiam: consilia domi impertire licet. G.

pietate, iustitia, fortitudine, etiam primo loco cesserit. Mirareris, si interesseres, qua patientia hanc ipsam valetudinem toleret, ut dolori resistat, ut sitim differat, ut incredibilem febrium ardorem immotus opertusque  
 8 transmittat. Nuper me paucosque mecum, quos maxime diligit, advocavit: rogavitque, ut medicos consuleremus de summa valetudinis, ut, si esset insuperabilis, sponte exiret e vita: sin tantum difficilis et  
 9 longa, resisteret maneretque. Dandum enim precibus uxoris, dandum filiae lacrymis, dandum etiam nobis amicis, ne spes nostras, si modo non essent inanes, voluntaria morte desereret. Id ego arduum in primis,  
 10 et praecipua laude dignum puto. Nam impetu quodam et instinctu procurrare ad mortem, commune cum multis: deliberare vero et causas eius expendere,

7. *Fortitudine, etiam primo cesserit.*

Haec interpunctio aliud dicentem facit Plinium, atque is voluit: nam ex eius mente scribendum, *fortitudine etiam, primo loco cesserit*. Ceteras virtutes in docto homine inesse, minus incredibile: fortem vero eundem dici posse, non omnes concedunt. Id vero probat summa doloris patientia, qua valetudinem istam toleret. *H.* — Longe praestat haec ratio alteri, quam sequitur et Gierigius, hunc locum sic interpretans: etiamsi sint philosophi summa dignitate. Mox Plinius de admirabili illa Aristonis fortitudine: « Id ego arduum in primis, et praecipua laude dignum puto. » *S.*

— *Vt sitim differat.* Quantum in febre tormentum sit sitis, beu nimis saepe plerique experiuntur. Nec Germania tantum hoc obicitur, ferre illos sitim nequire: sed Epictetus hoc maximum profectus experimentum commendat, *Enchir.* c. 70, διψᾶν ποτὶ ἀποθρόος ἀνίστασθαι ψυχρὰς ὕδα-

τας, καὶ ἔκπνευσιν... Quantum etiam sit in eo, ut febrium ardorem et sudores, qui non minus extra corpus inquietant, quam intus iactatur aestuantis sanguinis motibus, aliquis immotus opertusque transmittat, et quam parum ad eam rem vulgaris philosophia prosit, noverunt clinici. *G.*

8. *Summa*, id, quo tota res continetur. Ergo summa valetudinis, natura et ratio valetudinis. *L.* — *Insuperabilis*. *Insuperabilis* Rom. non tantum, sed etiam Brummer. A. et Arzseu. *H.* — Praefero *inexsuperabilis*. Livius VIII, 7, 8: « Movet ferocem animum juvenis seu ira, seu detrectandi certaminis pudor, seu inexsuperabilis vis fati. » Proprio sensu saepissime in Livio reperias. Vid. Drakenb. ad XXI, 30, 7, quo loco eadem in libris confusio. Secundus infra V, 2, 2, simili composito in simili re: « interest quam maturissime inexplicabili morbo liberari. » *S.*

utque suaserit ratio, vitae mortisque consilium susci-  
pere vel ponere, ingentis est animi. Et medici quidem <sup>11</sup>  
secunda nobis pollicentur; superest, ut promissis  
deus annuat, tandemque me hac sollicitudine exsolvat,  
qua liberatus, Laurentinum meum, hoc est, libellos  
et pugillares, studiosumque otium repetam. Nunc  
enim nihil legere, nihil scribere aut assidenti vacat,  
aut anxio libet. Habes, quid timeam, quid optem, <sup>12</sup>  
quid etiam in posterum destinem: tu quid egeris,  
quid agas, quid velis agere, invicem nobis, sed lae-  
tioribus epistolis, scribe. Erit confusioni meae non  
mediocre solatium, si tu nihil quereris. Vale.

40. *Vitae .... ponere. Vitae mortis-  
que consilium vel suscipere vel ponere*  
Rom. et Brumm. A. Male alterum  
vel vulgo omittitur. H.

41. *Et medici .... pollicentur.* Rom.  
*Et medici quidem secunda pollicentur,*  
*sine nobis.* H.—*Laurentium*, quo ten-

debant plerumque eius studia. L.

— *Assidenti.* Scil. aegro. Plene Li-  
vius XXI, 53, 6. S.

42. *Habes, quid timeam,* etc. Nihil  
hic libri variant: recte. Vid. egre-  
giam l. Fr. Heusingeri notam ad Cic.  
de Offic. p. 387. S.

## XXIII.

*Consulenti, an tribunum plebis causas agere deceat, respondet,  
se, quum tribunus esset, abstinuisse propter certas, quas affert,  
rationes.*

C. PLINIVS POMPEIO FALCONI SVO S.

Consulis, an existimem te in tribunatu causas agere  
decere. Plurimum refert quid esse tribunatum putes;  
inanem umbram, et sine honore nomen, an potesta-

XXIII. 4. *Quid esse tribunatum putes.*  
Rom. *Quid esse tribunum putes.* Sic  
etiam § 5, *quid esse tribunal.* H. —

*Inanem umbram.* Ut sane re ipsa tum  
erant magistratum omnium nomina,  
quum omnia imperatores ad se tra-

tem sacrosanctam, et quam in ordinem cogi ut a nullo,  
 2 ita ne a se quidem deceat. Ipse quum tribunus essem,  
 erraverim fortasse, qui me esse aliquid putavi, sed  
 tamquam essem, abstinui caussis agendis: primum  
 quod deforme arbitrabar, cui assurgere, cui loco  
 cedere omnes oporteret, hunc omnibus sedentibus  
 stare; et, qui iubere posset tacere quemcumque,  
 huic silentium clepsydra indici; et, quem interfari  
 nefas esset, hunc etiam convicia audire; et, si inulta  
 pateretur, inertem, si ulcisceretur, insolentem videri.  
 3 Erat hic quoque aestus ante oculos, si forte me ap-  
 pellasset, vel ille cui adessem, vel ille quem contra,  
 intercederem, auxilium ferrem, an quiescerem sile-

assent. Et incidit Tribunatus Plinii in Domitiani imperium, civitatem postea revocavit Traianus. G. — *Vn-  
 drum* ... nomen. Graecorum *οὐκ* et  
*ὄνομα*. S. — *In ordinem cogi*. For-  
 mula sollemnis, qua saepe apud Li-  
 vium queruntur tribuni iniuriam sibi  
 illatam, vel parum reverenter habi-  
 tam vim suam; v. g. XXV, 3 et 4,  
 XLIII, 46, quo posteriore loco illud  
 in primis apparet, non parendo etiam  
*in ordinem cogi* tribunos. Qui nempe  
*in ordinem cogit* aliquem, pro privato  
 eum tractat, nec potestatem illius  
 agnoscit: hoc ipse noster Secundus  
 indicat deinde in § 3. Idem enim si-  
 gnificat *in ordinem se cogere*, et *ciu-  
 rato quasi magistratu privatum se fa-  
 cere*. G.

2. *Qui me esse aliquid putavi*. Rom.  
*Qui me aliquid putavi*. Plures sunt  
 codices; in quibus esse desideratur.  
*H.* — *Omnibus sedentibus stare*. Di-  
 centia ille nimirum habitus, quem  
 sibi tamen dedecore esse ne Tullius  
 quidem putavit, qui in conspectu pro

Murena aliisque diceret. G. — *Cle-  
 psydra*. Quoties nimirum illa signifi-  
 caret, consumptum esse tempus,  
 quod ad dicendum ipsi attributum  
 esset. Res nota. Vid. infra IV, 9, 9,  
 it. VI, 2, 5 et 7. G. — Rom. *Haic  
 silentium clepsydra indicare*, ut et  
 Medic. ut subintelligatur aliquem. H.  
 — *Convicia audire*. Haec nimirum  
 fori antiqui licentia, qua liceret ma-  
 ledicere adversario. Vid. Quint. XII,  
 9, 8. G.

3. *Appellasset ... intercederem, au-  
 xilium ferrem*. Verba omnia solemnia,  
 explicata proinde et illustrata a Bris-  
 sonio lib. II, p. 274. G. — *Vel ille...  
 ferrem*. Rom. *Vel ille, cui adessem,  
 vel ille contra quem; intercederem et  
 auxilium ferrem*. Bona lectio, dum-  
 modo rectius, quam a Cellario et  
 aliis pluribus factum, interpungatur.  
*Quem contra* tamen non mirro. Cicer.  
 Philipp. II, cap. 8, 2, *quem contra  
 dicit*. Lactant. lib. VI, cap. 47, 4,  
*quos contra disputat*. H. — Revocanda  
 copula ante *auxilium*, quam perversa  
 interpunctio espulerat. S.

remque, et quasi eiurato magistratu privatum ipse me facerem. His rationibus motus, malui me tribu-<sup>4</sup> num omnibus exhibere, quam paucis advocatum. Sed<sup>5</sup> tu, iterum dicam, plurimum interest, quid esse tribunatum putes; quam personam tibi imponas, quae sapienti viro ita aptanda est, ut perferatur. Vale.

4. *Me tribunum omnibus exhibere.* intercedendo, si quis appellasset, auxilioque ferendo. Nulla hic dilogia. *S.*

5. *Personam.* Personas, secundum Cic. de off. 1, 30, quisque quatuor sibi impositas gerit. Prima cernitur in natura, quam cum omnibus hominibus communem habemus; altera in iudicio cuique propria; tertia in munere, quo fungimur, et omnino in fortunae bonis; quarta in vitae ge-

nere, quod secuti sumus, et in vendendi agendique ex certis praeceptis ratione. ff. l. postremo sensu capendus. *L.* — *Pt perferatur.* Ad finem usque, etiam difficultatibus oblatis, feratur. Iam laudavit Cortius elegantem Ciceronis locum pro Rosc. Am. c. IV: *Id quod nucepi, quoad potero, perferam.* Et notum est, *perferre legem* dici eum, si quis obiectis difficultatibus tamen tulerit, et ut valerit, effecerit. *G.*

## XXIV.

*Hispano Tranquillum commendat in emendo agello. Iucunda et faceta epistola, cuius summam auctor ipse multa simplicitate in principio proponit. L.*

C. PLINIUS BEBIO • HISPANO SVO S.

**T**ranquillus, contubernalis meus, vult emere agellum, quem venditare amicus tuus dicitur. Rogo cures, 2

XXIV. • *BEBIO.* Scribendum cum cod. *BAEBIO*. Nota gens Baebia ex libris veterum, lapidibus literatis, nummis. Similis confusio in *ἐπαγ Βαβίου*, *Υβίου*, de Vesuvio. *S.* — *Potest* consul factus et sub Adriano praefectus urbis. *L.*

4. *Venditare.* Simpliciter velle ven-

*dere, venalem habere.* Vid. Vossium de Analog. L. L. p. 473, qui locum Plinianum, nisi operum culpa est, negligentius transcripsit. Add. eund. in Etymolog. L. L. v. *Vendo*. Diminutivi *agellus* cum verbo *venditare* coniunctio qua gratia commendetur, hebetior sum, quam ut videam. *S.*—

quanti aequum est, emat: ita enim delectabit emisse. Nam mala emptio semper ingrata est, eo maxime, <sup>3</sup> quod exprobrare stultitiam domino videtur. In hoc autem agello, si modo arriserit pretium, Tranquilli mei stomachum multa sollicitant, vicinitas urbis, opportunitas viae, mediocritas villae, modus ruris, <sup>4</sup> qui avocet magis, quam distingat. Scholasticis porro dominis, ut hic est, sufficit abunde tantum soli, ut relevare caput, reficere oculos, reptare per limitem, unamque semitam terere, omnesque viticulas suas <sup>5</sup> nosse, et numerare arbusculas possint. Haec tibi exposui, quo magis scires, quantum ille esset mihi, quantum ego tibi debiturus, si praediolum istud, quod commendatur his dotibus, tam salubriter emerit, ut poenitentiae locum non relinquat. Vale.

*Amicus tuus.* Is qui esset, non ignorabat Baebius: ut non mirer nomen omissum esse. S.

2. *Ingrata est.* Est Cortius recte expunxit optimi codicis auctoritate. Innumeris locis sedulitas librariorum inepta verbum substantivum inexit. Vid. Drakenb. ad Liv. I, 3, 3. S.

3. *In hoc autem agello.* Rom. *In hoc agello,* sine autem. H. — *Stom.* multa sollicitant. Multa sunt, quae cupiditatem emendi incitant. E. — *Avocet.... distingat.* Cuius cultura animum magis recreet, quam curis sollicitet; bene Glerig. cf. Epist. I, 3, 2, et VIII, 23. E. — Sic iam Cortius: «Avocet ab aliis negotiis, quibus dominus distingitur, et removeat, adeoque recreet et reficiat.» S.

4. *Scholasticis porro dominis.* Ita et Rom. H. — *Scholastici,* in umbra scholarum versantes, declamantes et eloquentiae studiosi. Vid. ep. 3. E. — Glossa, in textum adeo illata, haud incommode studiosis explicat. Cf. Giffan. Observ. L. L. p. 437 ed. Altenb. ubi quae Otho adscripsit, laudare occupaverat Cortius ad Plin. II, 3, 5. S. — *Reptare per limitem.* Vt Horat. Epp. I, 4, 4, silvas inter reptare salubres. G.

5. *Quo magis... praediolum.* Rom. *Quo magis scires, quantum etiam ille mihi, ego tibi debiturus sim, si praediolum.* Sed hoc etiam factum credo ex esset, postea vero sim a librariis accessisse: ordinem verborum vulgato praefero. H.

## LIBER SECVNDVS

## I.

*Verginii Rufi viri clari funus praedicat, ipsumque laudibus pro merito ornat.*

C. PLINIVS ROMANO SVO S.

Post aliquot annos insigne, atque etiam memorabile populi Romani oculis spectaculum exhibuit publicum funus Verginii Rufi, maximi et clarissimi civis, perinde

l. 4. *Verginii Rufi. Verginii Rufi* Rom. et Medic. H.—Quod nec ipsum malum. Cortius bene comparat *Vergilius, Virgilius*. Vid. Virgiliū Historia descripta per Coss. a Carolo Ruæo init. S. — *Verginii Rufi*, tutoris sui, memoriam duabus Noster epistolis coluit, hac, et IX, ep. 49, ad quas rectius intelligendas haud alienum fuerit pauca hic de viri fortuna rebusque gestis retulisse. Consulatu primo functus est a. u. 817 (Tac. An. XV, 23); sed sub Neronis exitum potissimum inclaruit. Praecerat tum legionibus Germanicis, iisque validissimis, a quibus frustra de imperio suscipiendo sollicitabatur; etenim nec ipse suscipere voluit, nec pati, ut ad alium, quam quem Senatus destinasset, deferretur. Erat in vicinia Iulius Vindex, Galliae Proprætor, qui, quum a Nerone defecisset, ad Galbam, Hispaniae Tarracoenensis Praesidem, im-

perium trahere conabatur. Cum eo, militum maxime ferocia coactus, proelium commisit atrocissimum, in quo caesis viginti millibus Gallorum, Vindex ipse manus sibi intulit. Ea autem victoria ut Galbam quoque paene ad mortem sibi consciscendam impulit (Suet. Galb. XI), ita ingentem Verginio peperit qua gloriam, qua potentiam. Ille omnium ore celebrari, omniumque admiratione in caelum extolli, illi parere omnis Gallia. Hinc ardentius etiam instabant milites, ut summum sibi vindicaret fastigium, praesertim ubi nuntius de exitu Neronis allatus est. Quin adeo tribunum quemdam ferunt, stricto gladio, duplicem ei proposuisse conditionem, ut aut ferrum reciperet, aut imperium. Ille vero minus non magis quam precibus flecti poterat; et in carmine quoque, quod postea sepulcro suo incidi iussit, eo solo no-

2 felicis. Triginta annis gloriae suae supervixit. Legit scripta de se carmina, legit historias, et posteritati suae interfuit. Perfunctus est tertio consulatu, ut summum fastigium privati hominis impleteret, quum  
3 principis noluisset. Caesares, quibus suspectus, atque etiam invisus virtutibus fuerat, evasit: reliquit incolumem optimum atque amicissimum, tanquam ad hunc

mine gloriabatur, quod pars illa victoria non sibi imperium asseruerit, sed patriae; IX, Epist. 19. Huius tanti viri npes non contempsit Galba, sed literis eum invitavit ad res Romanas communi consilio curandas, libertatemque populi conservandam. Sic quoque quum anreps haereret, Galba a Senatu comprobatus successorem ei misit Flaccum Hordeonium, cui Verginius haud gravate exercitum tradidit, Galbaeque Romam proficiscenti comitem se adiunxit. Plutarch. in Galba cap. IV, 6, 10. Alterum consulatum Otho ei obtulit a. u. 823, ut deleiret exercitum Germanicum, hoc suo quondam duce ferociter superbientem. Othone sua ipsius manu interfecto, in eum rursus milites versi, ut nunc saltem imperium suscipere, minitantes flagitabant, domique suae obsessum tenebant: sed propositi tenax per aversam domus partem elapsus irruentes sefellit. Quae res ei paene in perniciem cessit. Milites enim, tanquam fastiditi, in summa admiratione eum adisse ceperunt, atque adeo quum eum posthac insidiarium Vitellio factorum suspectum haberent, concursu ad Caesarem, ubi forte coenabat, facto, ad supplicium deposcerunt, aegreque cohibiti sunt. Tacit. Hist. I, 8, 9, 77; II, 49, 51, 68. Magni sane animi erat, recusare summum honorem toties oblatum, de quo alii vi et armis

inter se certabant; magni item, se accommodare absque omni vel invidia, vel similitate iis, quibus ille contigisset; magni denique, malos etiam Principes, virtutibus invidentes, tenere admiratione sui et reverentia. Hos igitur quum incolumis evasisset, Nerva eum tertio consulatu ornavit, mortuumque publico sumptu efferr iussit. L. — *Perinde felicis*, Non minus felicis, quam magni et clari. Quidam, et *proinde felicis*, ut hoc sibi velit: ob id ipsum felicem esse, quod talis etiam mors, et tale funus eum consecutum sit. G.

2. *Gloriae suae supervixit*. Longe alio sensu, quam nos: *seineu Ruhm überleben*, ut ridicule vertit Schellerus. S.

— *Legit scripta de se carmina*. Rom. *Legit scripta de se germania*. H.

— *Quam principis noluisset*. Post Neronis interitum, Tac. H. II, 8, iterum post Othonom, idem H. II, 51. Add. noster infra IX, 49, 1. G.

3. *Optimum*. Nervam, quod series vitae nostri docet, et Fasti. Est enim afflectus Verginio Tacitus. Alioqui Traianum optimum quasi suo nomine dici constat. Verum hoc nomen etiam Nervae tribuit noster Pan. LXXXIX, 4; vid. Vonck. Observ. misc. c. XV, p. 90. G. — *Ad hunc... reservatus*. Rom. *Ad hunc ipsam honorem publici funeris reservatum*. Verior est vulgata. H.



ipsum honorem publici funeris reservatus. Annum 4  
tertium et octogesimum excessit in altissima tranquil-  
litate, pari veneratione. Usus est firma valetudine:  
nisi quod solebant ei manus tremere, citra dolorem  
tamen: aditus tantum mortis durior longiorque, sed  
hic ipse laudabilis. Nam quum vocem praepararet, ac- 5  
turus in consulatu principi gratias, liber, quem forte  
acceperat grandiore, et seni et stanti ipso pondere  
clapsus est. Hunc dum consequitur colligitque, per  
laeve et lubricum pavementum, fallente vestigio, ce-  
cidit, coxamque fregit, quae parum apte collocata,  
reluctante aetate, male coiit. Huius viri exsequiae 6  
magnum ornamentum principi, magnum saeculo,  
magnum etiam foro et rostris attulerunt. Laudatus  
est a Cornelio Tacito: nam hic supremus felicitatis  
eius cumulus accessit, laudator eloquentissimus. Et 7  
ille quidem plenus annis abiit, plenus honoribus,  
illis etiam quos recusavit: nobis tamen quaerendus  
ac desiderandus est, ut exemplar aevi prioris: mihi  
vero praecipue, qui illum non solum publice, sed

5. *Acturus..... principi gratias.* So-  
lemne tum fuisse, ut gratias ageret  
Consul Principi, vel ex Pliniani pa-  
negyrici principio constat. Add. III,  
18, 4. G.

— *Hunc dum consequitur.* Rom.  
*Hunc dum sequitur.* H. — Dum librum  
delubentem prosequitur corpore ad  
terram prono, ut arripit et sustollat.  
Ornata vox, quae rem quasi pingit,  
et sensibus admovent. E. — *Reluctante*  
*aetate.* Nota res est, in senibus os-  
sium fracturas male coire, h. e. diffi-  
culter sanari membris aptandis, prae-  
sertim ubi haec parum apte collocata  
sunt, *schlecht eingerichtet.* E. — *Col-*  
*locare* de ossium fracturis proprium.  
Plene Celsus VIII, 7, ubi ea (maxilla

fracta) in suam sedem collocata est. S.

6. *Nam hic... accessit.* Rom. Nam  
hic eius supremus felicitati calculus ad-  
cessit. H.

7. *Nobis tamen quaerendus.* Sic  
omnes libri. Quum tamen *quarrere*  
vel *requirere* et *desiderare* eandem  
plane vim habeant, vide an melius  
legi possit, *querendus.* G. — Immo  
vero non eandem vim illis verbis  
esse, intelligitur ex epist. VI, 2. In  
*desiderare* plus est, quam in *quarere*.  
E. — *Vt exemplar aevi prioris.* Rom.  
*Vt exemplar vitae prioris*, ut Cortii  
codices. Proxima verba, *sed etiam*  
*privatum*, in Rom. non magis adsunt,  
quam in melioribus codicibus, ea quo  
merito reciduntur. H.

<sup>8</sup> etiam privatim, quantum admirabar, tantum diligebam; primum quod utrique eadem regio, municipia finitima, agri etiam possessionesque coniunctae: praeterea quod ille tutor mihi relictus, affectum parentis exhibuit. Sic candidatum me suffragio ornavit: sic ad omnes honores meos ex secessibus adcurrit, quum iam pridem eiusmodi officiis renuntiasset: sic illo die, quo sacerdotes solent nominare quos dignissimos sacerdotio iudicant, me semper nominabat. Quin etiam in hac novissima valetudine veritus, ne forte inter quinqueviros crearetur, qui minuendis publicis sumptibus iudicio senatus constituebantur, quum illi tot amici senes consularesque superessent, me huius aetatis, per quem excusaretur, elegit, his quidem verbis,  
<sup>10</sup> *etiamsi filium haberem, tibi mandarem.* Quibus ex causis necesse est, tamquam immaturam mortem eius in sinu tuo defleam: si tamen fas est aut flere, aut omnino mortem vocare, qua tanti viri mortalitas  
<sup>11</sup> magis finita quam vita est. Vivit enim, vivetque semper,

8. *Praeterea.... ornavit.* Praeterea, quod ille mihi tutor relictus (hoc ordine Rom.), affectum parentis exhibuit; sic candidatum me suffragio ornavit. Ita rectius interpungi puto, quam vulgo. H. — Ille mihi tutor relictus in aliis quoque libris obvium, ordine profecto ad sensum aurium iucundiore. Ceterum bona interpunctio Gesnerianae. S. — *Suffragio.* Suffragatores appellabantur senatores qui candidatos commendabant et pro iis intercedebant. L. — *Ex secessibus adcurrit.* Ut Atticus, qui urbana officia amicis ut praestaret, ventilare Romam solebat. G. — *Illo die, quo sacerdotes* Angures intelligit. Vid. IV, 8, 3. Certum diem et solemnem huius rei destinatum dicere non habeo;

nam quod Ovidium et Tacitum hic laudant, de Kalendis Ianuariis, nihil ad hanc rem. Neque ita locutus esset Plinius, si has intellexisset. G.

9. *Quin etiam.... valetudine.* Rom. Qui etiam in h. n. v. H. — Multum praestat quoniam etiam. S. — *Quinqueviros.* Collegium quinquevirorum instituit Nerva, propter aerarium a Domitiano exhaustum. Vide Tacitum Nostrae collectionis volumen quintum, pag. 445. L. — *Per quem excusaretur.* Quem quasi vicarium suae operae atque muneris daret, ut hodie, qui deprecantur militiam et olim in Romana republica senes grandaevi, qui magistratum suscipere nollent: hoc enim esse excusari, apud ICIOS praesertim, constat. G.

atque etiam latius in memoria hominum et sermone versabitur, postquam ab oculis recessit. Volui tibi <sup>12</sup> multa alia scribere, sed totus animus in hac una contemplatione defixus est. Verginium cogito, Verginium iam vanis imaginibus, recentibus tamen, audio, alloquor, teneo; cui fortasse cives aliquos virtutibus pares et habemus, et habebimus: gloria neminem. Vale.

12. *Recentibus*. Tam vividis, ut Verginius ipse adstare mihi videatur. Bene Giergius contulit Ep. IV, 9, 12,

iudicum erecti animi et recentes. Liv. XXI, 52, recentis animi conand. E.

## II.

*Accusat Paullinum negligentiae litterarum.*

C. PLINIVS PAVLINO • SVO S.

**I**rascor: nec liquet mihi, an debeam; sed irascor. Scis, quam sit amor iniquus interdum, impotens saepe, *μωραῖτος* semper. Haec tamen caussa magna est, nescio an iusta: sed ego tanquam non minus iusta quam magna sit, graviter irascor, quod a te tamdiu litterae nullae. Exorare me potes uno modo, si nunc saltem <sup>2</sup> plurimas et longissimas miseris. Haec mihi sola excusatio vera, caeterae falsae videbuntur. Non sum au-

II. • *Paullino*. *Valerius Paullinus* e colonia Foroiuliensi Galliae Narbonensis, vir strenuus militiae, Tribunus olim Praetorianorum, tempore Vitellii aulem procurator Galliae Narbonensis. Quum summa rerum ad Vespasianum, cui amicus erat, deferretur, in eius verba adegit circumiectas civitates, missisque liburniciis Fabium Valentem, a Vitellii

partibus stantem, oppressit: quo capto, cuncta ad Vespasianum conversa. Tac. Histor. III, 42; vide vol. III, p. 314, Not. Col. L.

1. *μωραῖτος*. Qui parvis rebus et causis ad accusandum et exostulandum movetur. G. — *Impotens* autem est, qui sibi non imperat, temere et importune erumpit. E.

2. *Exorare me potes uno modo*. Ita

diturus, non eram Romae, vel occupatior eram. Illud enim nec dii sinant, ut, infirmior. Ipse ad villam partim studiis, partim desidia fruor: quorum utrumque ex otio nascitur. Vale.

et Rom. melius; quam Medic. exora me, quod tamen Cortio placere potuit. H.

3. *Vt*, scil. *audiam*. Sanissima vulgata. S. — *Ad villam*.... fruor, in villa. L.

### III.

Isacum rhetorem laudat, et Nepotem, ut illum audiat, adhortatur. Immo vero oppugnat precibus, opprobriis, exemplis domesticis et externis, atque etiam effugia ei praecludit. L.

#### C. PLINII NEPOTI • SVO S.

Magna Isaeum fama praecesserat: maior inventus est. Summa est facultas, copia, ubertas: dicit semper ex tempore, sed tanquam diu scripserit. Sermo Graecus, immo Atticus: praefationes tersae, graciles,

III. • *Nepoti*. Vir doctissimus et disertissimus. Putant esse *Licinium Nepotem*, qui secundum Martialem diu orbus suscepta filia captatores frustratus sit. L.

4. *Facultas*. Vid. ad I, 20, 48. S. — *Dicit semper ex tempore*. Quomodo conciliabimus Plinio Philostratum, qui de vitis Sophist. I, 20, 2, negat ex tempore Isaeum hunc dixisse? Haec enim sententia erit, sive cum Oleario legas τὰς δὲ μάλιστα ὡς αὐτοσχέδους ἐποιεῖτο, ἀλλ' ἐπισκευμένους τὸν εἶς ἐν ταῖς μεσημέριαν καιρὸν· sive cum aliis τὰς δὲ μάλιστα οὐκ αὐτοσχ. x. r. λ. quae verior mihi lectio videbatur, et praeterea putabam legendum, ἐπισκευμένος. Sed ἐπισκευμένα etiam

passive in tali re Lucian. Pseudolog. pag. 436, t. De extemporality viri forte fucus factus est Secundo a glorioso homine. G. — Immo rectius legitur ὡς αὐτοσχέδους. Philostratus enim, ut bene monuit Gierigius, dicit Isaeum disputationes suas vendidisse quidem tanquam subito natas, sed commentatum esse toto antemeridiano tempore. Ita omnes veteres rhetores facere solitos Hermogenes notavit: γράφοντες γὰρ πάντες ὑποκρίσαντες σχέδαις. Plura eiusmodi concessit Cresoll. Theatr. Rhet. p. 211: E. — Accedo Gesnero veterum in Philostrato lectionem οὐκ αὐτοσχέδους tuenti. S. — *Praefationes*. Illas puto, quibus sub initia disputationum ute-

dulces; graves interdum et erectae. Poscit contro-

bantur; in quo genere exstat *πρῶτα* una alteraque Luciani. Sic ponit etiam IV, 41, 14. *G.* — *Graves et erectae.* Ad argumentum pertinent ista maioris momenti, de rep. praesertim, ingenueque qua tractatur libertatem. Sic noster de avunculo suo III, 5, 5: *Quum omne studiorum genus paulo liberius et erectius periculosum servitus fecisset.* *G.* — Immo vero series orationis postulare videtur, ut *graves* et *erectae* ad dicendi potius genus splendidum et magnificum referamus, et *gracilibus* oppositas putemus, praesertim quum, bene monente Giergie, illa argumenta praefationum fuisse vix videantur. Nempe in praefationibus suas res agebant, vel captatione benevolentiae auditorum animos praeparabant. Vide Crescoll. Theatr. Rhet. Lib. IV, 8, pag. 414. *E.*

2. *Poscit.... incipit.* Rom. Poscit controversias plures, electionem auditoribus permittit, saepe etiam imparatus eurgit. (Lego *consurgit*; quod in hoc exemplari saepe ē scriptum est pro *con*; et *consurgere* Plinio placuit, lib. IV, ep. 9, 18; lib. IX, ep. 13, 18.) *Amicitur, incipit.* Vulgo editur *saepe etiam partes: surgit.* Intelligunt partes accusandi vel defendendi: eas vero qui *permittit*, non eligendas, sed agendas concedit; quod Plinius hic dicere noluit. Vide ergo, an Romana lectio, quam nemo antea in medium attulit, melior sit, si ita interpungas: *electionem auditoribus permittit saepe; et iam (id est statim) imparatus consurgit.* Sed etiam potius ex syllaba im factum et supervacaneum esse suspicor. Nihil tamen vulgatae lectioni derogo. *H.* — Ad Romanam lectionem accedit *paratus* librorum nonnullorum pro *partes*. *S.* — *Poscit controversias.*

Si ponit legas, quod vult, post alios, Gisbert, Cuperus Obs. III, 20, iniri possit ratio conciliandi cum Philostrato Plinium. Qui enim toto antemeridiano commentatus est, ille optionem dare auditoribus potest ex pluribus, quas posuit, controversiis, quibus nimirum omnibus se paraverit, unam eligendi. Porro quae sint *controversiae*, omnium optime patet ex Senecae, quas habemus, controversiis, h. e. censis fictis, quas deinde in utramque partem agere tractareque, et illis quasi velitationibus forensi militiae praeparari iuvenes solebant. *G.* — Mihi, ex Plinii narratione rem ponderanti, tamen videtur illud *poscit* servandum et defendendum esse. Dicit Isaeum *semper ex tempore dixisse, sed tanquam diu scripserit*; nam autem ei *summam facultatem* dicendi et *copiam* tribnerat. Iam Isaeus se talem gerebat, qualis videri volebat. Ergo *poscit controversias*, ne ipse praeparatus advenisse videatur, et *plures*, ne cum illo auditore, qui quaestionem proposuisset, sibi convenisse videatur. Deinde ut nulla fraudis suspicio relinqueretur, etiam auditoribus aliis rursus inter propositas controversias electionem permittit: nam si ipse *posuisset* illas, quamvis ex his unam *elegissent* auditores, tamen semper talis fuisset, cui se praeparare potuisset. Plane describit Plinius Isaeum talem, quales hodiernum sunt, qui apud Italos *Improvisatori* dicuntur, hoc uno diversi, quod carmina ex tempore dicunt, sed ita etiam, tanquam diu scripserint. Accedit, quod illos Sophistas et Rhetores nusquam legimus quaestiones *posuisse*, al plane intelligitur ex iis, quae congestit Crescoll. Theatr. Rhet. Lib. III, cap. 41. *E.* — Probabilis

versias plures, electionem auditoribus permittit, saepe etiam partes: surgit, amicitur, incipit. Statim omnia ac paene pariter ad manum: sensus reconditi occurrant, verba, sed qualia? quaesita et exulta.

disputatio, cui album calculum libens addicio. Add. Gesner. in epist. ad I. A. Ernestium, cui item *ponit* placuerat. Gierigius hanc *παράδοξον* in textum adeo intulit, minus voce eundem cum Plinio agens, quam a critico ceteroqui tam modesto expectasset. S. — *Saepe etiam partes*. Vel ea intelligenda est, quam *dispositionem* vocamus hodie: vel hoc, uti dicant auditores, in quam partem velint tractari controversiam, accusatoris an defendi? etc. G. — *Saepe etiam partes*. Ut dicant auditores, in quam partem velint tractari controversiam, accusatoris an defendi? etc. Ita Gesnerus; sed nescio quomodo: dubito an Plinius hoc sensu *permittere auditoribus partes* absolute dixerit. Certe ambigue dixisset: nam quid impedii, quo minus partes controversiarum intelligamus eas, quae exordiu, narratione, confirmatione, refutatione, epilogo, constant? Nempe has ego malim nunc intelligi. Est enim haud dubie maioris artis et facultatis, illas partes, quamcumque poscant auditores, in promptu habere, et ordine perturbato statim pertractare, quam accusantis vel defendentis partes sumere. Enimvero laeus artem ostentabat. Itaque legendum *patem partis*, sc. electionem permittit auditoribus, ut si velint totius controversiae eam partem maxime tractari, quae habeat narrationem rei factae, vel quae confirmationem argumentorum, etc. Haec fiducia non maior est ea, quam notavit Quintil. X, 7: « Declamatores quosdam per-versa ducit ambitio, ut exposita con-

troversia protinus dicere velint: quin etiam, quod est in primis frivolum ac acutum, verbum petant, quo incipiant. » E. — *Partis* habent aliquot Kxi Cortio inspecti ac Brummeri Excerpta. S. — *Surgit, amicitur*. Non ita inepta est haec lectio, ut perturbanda sit contra alteram, *iam igitur* (in qua errandi occasionem librario Mediceo dedit e solemner in g. mutatum). Potius servanda lectio optimorum librorum, quae conveniat cum decoro illo oratorio, de quo Quintil. XI, 3, 156: « Leviter consurgendum, tum in componenda toga, vel, si necesse sit, ex integro *incipienda*, dumtaxat in iudiciis (apud principem enim et magistratus ac tribunalia non licebit), paulum est caramerandum, ut et *amicitur* sit decentior, et paulula apatii ad cogitandum. » Noster IV, 44, 3: « Postquam se composuit, circumspexitque habitum suum. » Confirmatur hoc utroque loco observatio virorum doctorum, Ferrarii Anal. de re vest. cap. 26, et Brouckh. ad Tibull. 9, 43, de *amicis* vestem exteriorem, quale est pallium, toga, significante. G. — *Verba, sed qualia?* Abscisso dicendi genere occupat obiectionem. Non mirum est, dixerit aliquis, *verba occurrere*: quia pro ad hoc sufficit, et impudentia. Itaque subiicit, *sed qualia?* respondet, *quaesita* h. e. adeo elegantia, ut non sponte venisse, sed studio exquisita esse dicas. Haec optime conveniunt cum his, quae ex Philostrato observata sunt. G.

Multa lectio in subitis; multa scriptio elucet. Prooemiat<sup>3</sup>ur apte, narrat aperte, pugnat acriter, colligit fortiter, ornat excelsae: postremo docet, delectat, afficit: quid maxime, dubites. Crebra νοήματα, syllogismi circumscripti et effecti: quod stylo quoque as-

3. *Prooemiat<sup>3</sup>ur*. Ve-Lura recens factum e graeco προοιμαῖσθαι. L. — *Colligit fortiter*. Non dubito Plinium his verbis descripsisse eam partem orationis, quae Graecis ἀναρχαλαῖσις, συναρχα, συλλογή, Latinis enumeratio, et collectio dicitur, ut patet e Cic. Brut. LXXXVIII, nam in ea parte res antea dictae veluti per cumulata et congeriem repetuntur. Huic parti et illud fortiter melius convenit: nam, ut Quintil. VI, 4, ait, equae enumeranda videntur, cum pondere aliquo dicenda sunt, et aptis excitanda sententiis, et figuris atque varianda. n. Neque Plinius Isatum ita laudat, ut eum non omnibus solum partibus eloquentiae, sed et virtutibus et officiis oratoris satisfacere dicat. Primum partes orationis praecipuas quatuor enumerat, prooemium, narrationem, confirmationem eius refutationem, (pugnat acriter, nam in hac parte pugna et contentio in primis dominatur) epilogum, qui recapitulatione continetur (colligit fortiter). Deinde elocutionis virtutem felici brevitate ita laudat, ut eum ornare excolae dicat. Denique officia oratoris, docendi, delectandi, afficiendi commemorat. E. — *Postremo*. Ut breviter dicam. Sic I, 20, 22. Ita et denique dicitur. Vid. Otho in Gifan. Observ. p. 432 seq. Clav. Cicer. h. v. S. — *Quid maxime, .... effecti*. Rom. Quod maxime dubites. Crebra ἐνθυμήματα καὶ νοήματα, crebra syllogismi circumscripti et effecti. Latina ex glossa esse possunt. H. — Certissimum

mihi videtur, ex glossa nata esse. Quis enim sibi persuadebit, Secundum ipsum Graeca illa Latina vertisse! Nam ἐνθυμήματα a syllogismis circumscriptis hic differre non puto. Vide mox Ernestium. S.

— *Crebra νοήματα*. Characterem Isaei dixit Philostratus τὸ ἀπέρητον, τὸ βραχέως ἡρμηνεύειν καὶ πᾶσαν τὴν ὑπόθεσιν συνελάν εις βραχύ. Ex hoc fonte sunt νοήματα, sententiae ipsi orationi ita intextae, ut nihil exstant vel emineant, sed ad ipsam vel narrationem vel argumentationem pertinere videantur. Iluc pertinent etiam ἐνθυμήματα (quam vocem agnoscunt etiam quidam libri) quos auctor notater vocat syllogismos circumscriptos h. e. in brevitate contractos, et tamen effectos h. e. elaboratos, et argumentationem plenam claramque exhibentes. Hanc utriusque verbi apud nostrum vim esse, Index declarat. G. — *Νοήματα* sunt, quas Quintil. XII, 40, 48, sententias vocat, quae feriunt animum, et uno ictu frequenter impellunt, et ipsa brevitate magis haerent, et dictione permulant. Eodem sensu Auctor Dial. de Oratt. cap. XXII, Ciceronem locos lartiores attentasse, et quasdam sententias invenisse dicit. Eadem et ἐνθυμήματα dicta sunt. Cf. Cic. Top. XIII; Quint. VIII, 5; Cic. ad Att. I, 44, et Gell. N. A. VI, 43. Itaque non contemnenda est quorundam librorum Mss. varietas, qui h. l. ἐνθυμήματα καὶ νοήματα iunctum habent, quam lectionem restituit Gierigius. Ab aliis Codd. etiam

4 sequi magnum est. Incredibilis memoria; repetit al-  
tius quae dixit ex tempore, ne verbo quidem labitur.  
Ad tantam *ἐξ* studio et exercitatione pervenit: nam  
diebus et noctibus nihil aliud agit, nihil audit, nihil  
5 loquitur. Annum sexagesimum excessit, et adhuc  
scholasticus tantum est: quo genere hominum nihil  
aut sincerius, aut melius. Nos enim qui in foro ve-  
risque litibus terimur, multum malitiae, quamvis no-  
6 limus, addiscimus. Schola et auditorium, ut ficta  
caussa, ita res inermis, innoxia est: nec minus felix,  
senibus praesertim. Nam quid in senectute felicius,  
7 quam quod dulcissimum est in iuventa? Quare ego  
Isaeum non disertissimum tantum, verum etiam bea-  
tissimum iudico, quem tu nisi cognoscere concupiscis,  
8 saxeus ferreusque es. Proinde, si non ob alia, nosque

verba καὶ νοήματα absunt. Vtra lectio  
verior sit, dici non potest. Gesnerus  
putabat, ἐνθυμήματα esse, quos Plin-  
ius *sylogismos circumscriptos* dixerit.  
Quod ut ego affirmare nolim, ita  
Giergius errat, quum ἐνθυμήματα  
illo sensu dicta esse negat. Graeci  
diserte τὸ ἐνθύμημα dixerunt συλλο-  
γισμὸν ἠπτορικόν, συλλογισμὸν ἀτελεῖ.  
Cf. Demetrius Eloc. cap. XXX, et  
XXXII. Et Aristoteles Rhet. I, c. 2  
docet ἐνθύμημα συλλογισμὸν εἶναι ἐξ  
ἐλέγχου καὶ καὶ πολλὰς ἐλαττώσεις ἢ  
ἐξ ὧν ὁ πρῶτος συλλογισμὸς, h. e.  
enthymema non omnes eas partes  
habet, quas syllogismus dialecticus.  
Itaque alio loco idem ἐνθ. dixit esse  
ἀποδείξιν ῥητορικὴν. Plura de ea re  
congesimus in Technol. graec. Rhet.  
p. 108. E.

4. *ἐξ*. Habitus, seu facultatem.  
Cf. Wytenb. in Bibl. Crit. III, 4, p.  
43, seq. Similiter Porphyrius apud  
Eusebium Hist. Eccl. VI, (9, p. 284  
ed. Read. philosophiae scientiam τὴν

ἐν τοῖς λόγοις *ἐξ* vocat, quam paulo  
ante, τὴν τῶν λόγων ἐμπειρίαν dixerat.  
S.

5. *Annum sexagesimum excessit.*  
Rom. *Annum LXX excessit*, quod  
minus credibile ac potius falsum.  
Deinde: s quo genere hominum nihil  
aut simplicius, aut sincerius, aut me-  
lius. s II.—Hoc ordine etiam Brum-  
meri Excerpta. Vulgo: s quo genere  
hominum nihil aut simplicius, aut  
sincerius, aut melius. s In aliis, etiam  
in Giergianna, omissa sunt *aut simpli-*  
*cias*, culpa, ni fallor, operarum, qui,  
ut sit, eadem, qua toties librarii,  
chorda oberrarent. Certe nihil ex li-  
bris scriptis discrepantiae vidi enota-  
tum. S.—*Scholasticus tantum.* Rhetor,  
qui in schola et umbra tantum verse-  
tur, forum nunquam attigerit, ut ille  
quondam Isocrates. G.

6. *Vt ficta.... inermis.* Rom. *Vt*  
*ficta causa, res inermis*, sine ita. II.  
—Melius abest ita, recteque expunxit  
Giergius. S.



ipsos, at certe ut hunc audias, veni. Nunquamne legisti, Gaditanum quemdam Titi Livii nomine gloriaque commotum ad visendum eum ab ultimo terrarum orbe venisse, statimque ut viderat, abiisse? *Ἀριλόκαλον*, illitteratum, iners, ac paene etiam turpe est, non putare tanti cognitionem, qua nulla est iucundior, nulla pulchrior, nulla denique humanior. Dices: *Habeo hic quos legam, non minus disertos*. Etiam: 9 sed legendi semper occasio est, audiendi non semper. Praeterea multo magis, ut vulgo dicitur, viva vox adficit. Nam licet acriora sint, quae legas, altius tamen in animo sedent, quae pronuntiatio, vultus, habitus, gestus etiam dicentis affligit. Nisi vero falsum putamus 10 illud Aeschinis: qui, quum legisset Rhodiis orationem Demosthenis, admirantibus cunctis, adiecisse fertur: *Τί δέ, εἰ αὐτοῦ τοῦ Θερίου (τὰ αὐτοῦ ῥήματα βρωῶντος)*

8. *Gaditanum quemdam*. Repetit Hieron. praefat. Biblior. ad Paulinum pr. sed numero plurimum, & de ultimis Hispaniae Galliarumque finibus quosdam venisse nobiles legimus, etc. Hanc epistolam prae manibus Hieronymo fuisse, apparet etiam inde, quod ea, quae de viva voce, itemque de Aeschine mox habet Secundus, ipse sanctus Pater inde repetiit. G.

9. *Legendi... non semper*. Praeterea. Rom. *Legendi semper occasio est, audiendi non*. Praeterea. H.

— *Acriora sint*. Mens acrius et plenius perspicit et videt, quae legimus. E.

(10. *Τί δέ, εἰ αὐτοῦ etc.* Rom. *Τί δέ εἰ αὐτοῦ Θερίου ἀπικρίνεται ἢ καὶ οὐκ*. Desunt τὰ αὐτοῦ ῥήματα βρωῶντος. Desunt etiam, quae sequuntur: *Et erat Aeschines usque ad μυζοφρονέτατος*. H. — Articulus ante Θε-

ρίου in Rom. male abeat. Notus particulae vel usus in lectione duplici iungenda. Vid. Drakenb. ad Liv. I, 46, 3; I, 20, 7. S. — *Αὐτοῦ τοῦ Θερίου*. Vid. Jacobs. Not. ad Anthol. Graec. III, 2, pag. 414. S. — *Τὰ αὐτοῦ ῥήματα βρωῶντος*. Non ausim damnare haec verba, quum Hieronymus, qui nostrum ante oculos habuit, diserte: *Quid si audiasis bestiam sua verba resonantem?* Ceterum mirum est, quam vix ullus scriptorum, qui huius rei mentionem fecere, cum alio plane conveniat. Compara, qui discere fidem narrationum vulgarum volueris, Cic. de Orat. III, 56; Plutarchum in vitis X Sophistarum, p. 4544 sq. H. Steph. Val. Max. VIII, 40; Plin. minor. VII, 30 seq. 34: Philostr. de vitis Sophist. I, 49, 5; Photium Bibl. n.º 64, pag. 29; Hoesch. Noster iterum memorat IV, 5, 4. G.

ἀκροάεσθε: et erat Aeschines, si Demostheni credimus, μεγαλοφρονέτατος. Fatebatur tamen longe melius eadem illa pronuntiasse ipsum qui pepererat. Quae omnia huc tendunt, ut audias Isaeum: vel ideo tantum, ut audieris. Vale.

— *Si Demostheni.* Qui passim, praesertim in oratione, quam contra ipsum pro corona sibi decreta a Timocrate habuit, vocem illius variis epithetis commendat. Difficile est ad arbitrandum, an potius λαμπροφρονέτατος scripserit Plinius, adeo corrupta solent esse Graeca: utrumque in hoste suo laudat Demosthenes, et magnitudinem vocis, et splendorem. G. — Codices nonnulli μικροφρονέτατος, unde tertiam lectionem lucramur, μικροφρονέτατος. Saepa confunduntur in Graecorum scriptorum libris μικρός et μακρός. Μακρόφρωνος vox boni commatis, etsi in lexicis non obvia. Μακροφρονίτιν ex Hippocrate enotavit D. Scottus. Ceterum μεγαλοφρονέτατος aut μικροφρονέτατος tueri videtur Cicero de Orator. III, 56, maximam Aeschini vocem laudans. S. — μεγαλοφρονέτατος. Si hoc voluit Plinius, Aeschinem habuisse vocem non solum magnam et robustam, sed et suavem, quae delectare et allicere iucunde auditores posset, vocem graecam magis videtur ex suae aetatis quam ex veterum Graecorum usu adhibuisse. Veteres enim μεγαλόφρωνες non nisi eum dixerunt, qui robustam, magnam, validam vocem haberet, eique opposuerunt ισχνόφρωνον Cf. Foes. Oeconom. Hippocrat. h. v., qui tamen ισχνόφρωνον et ισχρόφρωνον commiscet. S.) Neque λαμπρόφρωνος alio sensu dictus videtur. Certe

λαμπροφρονία non nisi claram et sonoram vocem significarunt, cui itidem τὸ ισχνόφρωνον oppositum esset. Etiam Latini splendore solam claritatem, nulla suavitatis notionis adiuncta, declarasse videntur; saltem Plinius H. N. XX, 6, 24, quum porrum dicit voci splendorem asferre. Deinde de Demosthene agimus, quem non credibile est Aeschini sibi infestissimi et inimicissimi vocem ita commemorasse, ut eam laudare vel commendare videretur. Itaque quum ei λαμπράν φωνήν tribuit, eam ipsum τῶ φωνον et μέγιστον ἐθέγγοντα (immo ἐθεγγόμενον. S.) dicit, ut περὶ παραπρεσβ. pag. 405 Reisk., non multo plus enim laudare voluisse censendus est, quam quum τὴ βαρὺν tribuit, ut saepe in Or. de Corona. Locus est insignis cap. LXXXVI, καὶ ἔμοιγε δοκεῖς ἐκ τούτων, Αἰσχίνη, τῆς λέγων, ἐπιδειξύν τινα φωνασκίας βουλόμενος ποιήσασθαι, τοῦτον προελθεῖν τὸν ἀγῶνα. Ἔστι δ' οὐχ ὁ λόγος τοῦ ῥήτορος τέμνος, οὐδ' ὁ τόνος τῆς φωνῆς. ἀλλὰ τὸ ταῦτά προαιρεῖσθαι τοῖς πολλοῖς, etc. In ipso illo loco, ubi λαμπροφρονέτατον Aeschinem appellat, c. XCVIII, non alium quam alte et grande vociferantem designat. Et paulo antea: ῥήτωρ ἐξαίφνης ἐκ τῆς ἡσυχίας, ὥσπερ πνεῦμα, ἐφάνη, καὶ πνευμαστικῶς, καὶ συνιλαχῶς ῥήματα καὶ λόγους συνεῖραι τοῦτους παρὰ καὶ ἀπνευστῆ, οὐδ' ἀγαθὸν κτῆσιν οὐδενός. x. τ. λ. E.

## IV.

*Hortatur, ne dubitet haereditatem adire: se enim solvisse creditoribus pro patre. Alia beneficia commemorat; in illa autem commemoratione aliquid vanitatis prodit. L.*

C. PLINIVS CALVINAE \* S.

Si pluribus pater tuus, vel unicuique alii, quam mihi debuisset, fuisset fortasse dubitandum, an adires haereditatem etiam viro gravem: quum vero ego adductus affinitatis officio, dimissis omnibus, qui, non dico molestiores, sed diligentiores erant, creditor solus exstiterim; quumque vivente eo nubenti tibi in dotem centum millia contulerim, praeter eam summam quam pater tuus quasi de meo dixit (erat enim solvenda de meo) magnum habes facilitatis meae pignus: cuius fiducia debes famam defuncti pudoremque suscipere; ad quod ne te verbis magis quam rebus horter, quidquid mihi pater tuus debuit, acceptum

IV. \* Calvinæ. Vnam ex duabus Plinii uxoribus cognatione attigerit necesse est; itaque mox affinitatis officium commemoratur. L.

1. Vel... mihi. Rom. Vel unusquisque alius, quam mihi. Perperam H. — Etiam viro gravem. Nedum feminae, cui negotiari, rem facere, nomina expedire difficilium. G.

2. Quum vero ego adductus. Rom. Quum vero ego ductus. H. — Sic etiam Cortius. Habent et Brummeri Excerpta. Ad aurium quidem sensum praestat. S. — Dimissis omnibus. Soluta uimirum pecunia. Sic absolvere ponitur Terent. Adelph. II, 4, 13, et 17. G. — Quumque vivente eo

Rom. Quumque ego vivente eo. H. — Vivente eo omisit Cortius. Ego, a Cortio quoque adscitum, perplacet. Pronomen non sine vi repetitur. S. — Erat enim solvenda. Rom. Erat autem solvenda. H. — Ad quod ne te verbis. Rom. Ad quod te ne verbis. Hinc vero nova sententia incipit, secus quam vulgo putant. H. — Stat ordo Romanae, quem etiam Brummeri Excerpta servant. S. — Acceptum tibi ferri iubeo. Fieri habent libri optimi apud Cortium, qui etiam aliunde probat illam formulam. Sed neque ferre acceptum ab huius aetatis consuetudine abhorre, docuit Cellarius. Sententia eadem est: procurator Plinii

3 tibi ferri iubeo. Nec est, quod verearis, ne sit mihi ista onerosa donatio. Sunt quidem omnino nobis modicae facultates, dignitas sumptuosa, reditus propter conditionem agellorum, nescio minor, an incertior: sed quod cessat ex reditu, frugalitate suppletur: ex  
4 qua, velut e fonte, liberalitas nostra decurrit. Quae tamen ita temperanda est, ne nimia profusione inarescat: sed temperanda in aliis; in te vero facile ratio constabit, etiamsi modum excesserit. Vale.

expungel in rationibus nomen Calvini non minus, quam si solum esset: vel summam illam pecuniae, quasi acceptam a Calvino expensam feret ipsi Plinio. Ceterum iubeo praetullimus alteri iubeo, aequis forte librorum praesidiis nixo; quod illud significantius et expressius videretur, si non futurum quiddam promitteret, sed hoc ipsum quasi chirographon et instrumentum suae voluntatis mitteret. G. — Rom. *Acceptum tibi fieri iubeo*. H. — Sic plures libri a Cortio

inspecti. Probo. S.

3. *Ne sit mihi.... modicae*. Rom. *Ne sit mihi onerosa ista donatio. Sunt quidem nobis omnino modicae*. H. — Probo ordinem verborum; sicque partim in Cortiana. S. — *Vclut e fonte*. Rom. *Vclut ex fonte*. H.

4. *Ratio constabit*. Accepta et expensa mea bene convenienti, nec multum detrimenti res meae capient, etiamsi in te gratificando (in gratificando tibi. S.) modum excesserim. E.

## V.

*Partem orationis, qua patriam defenderat, perpolicendam mittit.*  
• *Quid in ea diiudicanda spectari potissimum velit, exponit, locisque, quorum reprehensionem metuebat, defensionem parat.* L.

C. PLINIVS LVPERCO SVO S.

Actionem et a te frequenter efflagitatam, et a me saepe promissam exhibui tibi, non tamen totam:

V. t. *Actionem*. Non esse eam orationem, de qua I, 8, recte monet Heusingerus. G. — *Actio*, quam Lu-

perci iudicio tradit Plinius, sine ulla ratione ea fuisse creditur oratio, qua bibliothecam in patria dedicaverat,

adhuc enim pars eius perpolitur. Interim, quae absolutiora mihi videbantur, non fuit alienum iudicio tuo tradi. His tu, rogo, intentionem scribentis accommodes. Nihil enim adhuc inter manus habui, cui maiorem sollicitudinem praestare deberem: nam in caeteris actionibus existimationi hominum diligentia tantum et fides nostra; in hac etiam pietas subiicietur. Inde et liber crevit dum ornare patriam, et amplificare gaudemus, pariterque et defensionem eius servimus, et gloriae. Tu tamen haec ipsa, quantum ratio ex-

quamque lib. I, ep. 8, Pompeii Saturnino perpoliendam mittit. Huic opinioni illud etiam obstat, quod orationem, quam Pompeii limae subiicit, *orationem*, non *actionem*, vocat: *actio* vero forensem potius orationem significat, quam eius generis sermonem, qui nepos impugnatus, nemo defensus fuit. Sed hoc levius: nec id maxime dissentire cogit, quod in hac actione non pietatem tantum, sed et diligentiam et fidem se patriae praestitisse affirmat. *Diligentia* autem et *fides* patroni virtutes sunt, qui patriae, quam debet et promissit, operam praestat; non eius, qui liberalitati indulgens plus, quam debet, ultro offert. Accedit, quod maximi momenti est, quod se defensionem patriae intersuisse ait, quam non cepit orari apud decuriones in patria, sed Romae in senatu, vel apud iudices, a patrone patriae habita. Nec in bibliotheca dedicanda frequentibus locorum descriptionibus prope poetice opus fuit, quibus tamen hanc actionem distinctam fuisse affirmat. Denique sermo a decurionibus Novocomensibus auditus non ad eum modum excrescere potuit, ut multa rescandenda essent; nec per partes, sed totus, iam in tempore Saturnium exhibitus fuit, quo de editione adhuc

deliberabat: haec vero orationem, quam ideo *librum* vocat, adeo extenderat, ut verendum haberet, ne lectoris intentionem fatigaret; necdum tota retractata, aut descripta erat, quum de ea emittenda iam statutum esset. Postremo illie de parentum ac sua magnificentia maxime verba fecerat, nihil vulgi aut juventutis auribus dederat, quum non in propatulo, sed in curia dixisset: hic patriae tantum gloriae servivit; omnibus placere, et per plures dicendi species lectores tenere stultuit. Haec omnia colligenti mihi et diligentius inter se comparanti, non de una eademque oratione in utraque epistola agi videtur. H. — *Actionem* et, etc. Rom. *Actionem frequenter et a te efflagitam, et a me semper (leg. saepe) promissam, exhibui tibi; nondum tamen totam.* Recte *nondum* pro *non*. H. — *Nondum* etiam Cortius ex libris suis, quibus coucinunt Excerpta Brummeri. Bene recepit Gierigius. S.

2. *Intentionem scribentis accommoda.* Ea intentione et cura lege et iudica, qua ego scripsi. Mox enim Plinius suam in scribendo sollicitudinem commemorat. E.

3. *Servimus et gloriae.* Auctoritate librorum, quos laudat Cortius, alteri

gerit, reseca. Quoties enim ad fastidium legentium, deliciasque respicio, intelligo nobis commendationem  
 5 ex ipsa mediocritate libri petendam. Idem tamen, qui a te hanc austeritatem exigo, egor id, quod diversum est postulare, ut in plerisque frontem remittas. Sunt enim quaedam adolescentium auribus danda, praesertim si materia non refragetur: nam descriptiones locorum, quae in hoc libro frequentiores erunt, non historice tantum, sed prope poetice prosequi fas est.  
 6 Quod tamen si quis exstiterit, qui putet nos lautius fecisse, quam orationis severitas exigit: huius (ut ita dixerim) tristitiam reliquae partes actionis exorare debebunt. Adnixa certe sumus, ut quamlibet diversa genera lectorum per plures dicendi species teneremus. Ac sicut veremur, ne quibusdam pars aliqua  
 7 secundum suam cuiusque naturam non probetur: ita

*deservimus* practuli. G. — Rom. *Pariter et defensionem eius deservimus*, non *servimus*. H. — Glerigius *deservimus* revocavit. Nil refert. S.

4. *Commendationem ex ipsa mediocritate*. Sic et Rom. sine etiam. H. — *Mediocritate*. Exiguo libelli ambitu, quem lectorum desidiosa mollietis postulat. E.

5. *Austeritatem*. Severitas bono sensu. Sumptum hoc a vino, quod vetustate accepit amatum saporem, atque haec ipsa austeritate commendatur. L.

— *Adolescentium*. Qui locos laetiores, lusus ingenii, et splendidiore ornatus amant. Vnde haec ipsa in oratione a rhetoribus dicta sunt *παρρησία, νεανία, νεανιστικά*, puerilia, iuvenilia Latinis, de quibus in utraque Technolog. rhet. diximus. E.

6. *Lautius fecisse*. Eiecit Curtius verbum, quod omnes, credo, editi adhuc servaverunt, reposuimusque *laetius*, cui

in hac re locum esse, idque ad sententiam Plinii optime convenire, facile illi fuit probare. Sed ipsum tamen *lautius* ita nobis lautum atque facetum videbatur, ut illud expungere non possemus. Succurrebat Terentianus parasitus, qui Eun. III, 4, 37, de acute dicto, *Facete; inquit, lepide, laute*. Et ipse Tullius de Orat. I, 36: *In oratoris instrumento tam lautam impellebilem* (loquitur de philosophia, historia, antiquitate, etc.) *non videram*. Et quidni *laeta* sit oratio, quam sit apud eundem Ciceronem Bruto cap. XX, *unctior quaedam splendidiorque consuetudo loquendi*. Ad aedificiorum etiam totiusque adeo vitae splendorem referri, notius est, quam ut commemorari pluribus debeat. G. — Rom. *Nos lautius fecisse, quam orationis facultas exigit*. Lege *laetius*, quod huic propius est, quam *lautius*, et *severitas*. H. — *Laetius* placuit etiam

videmur posse confidere, ut universitatem omnibus varietas ipsa commendet. Nam et in ratione convivorum, quamvis a plerisque cibus singuli temperemus, totam tamen coenam laudare omnes solemus: nec ea, quae stomachus noster recusat, adimunt gratiam illis, a quibus capitur. Atque haec ego sic accipi volo, non tanquam assecutum me esse credam, sed tanquam

I. A. Ernestio. Vid. Gesneri ad eum epistola. Sane *luctus* melius opponitur *severitati*. Adstipulantur Excerpta Brummeri. S.

7. *Confidere*, ut. Rarissimum loquendi genus, et in bona aetate plene, puto, inauditum: quod libenter, hic etiam tribuerem semibarbaro librario, qui verbum *fore* vel *futurum* omiserit, nisi plura essent, in quibus Plinii aetas paulatim a superioris saeculi cura recessit. Et videtur constructio verbi *vercor*, quae praecessit, traxisse similem, ad corrotundandam periodum. G. — Rom. « Ae sicut veremur, ne quibusdam pars aliqua secundum usum cuiusque naturam non probetur: ita videmur posse *conficere*, ut universitatem omnibus varietas ipsa commendet. » Adhuc in omnibus, scriptis etiam (Falleris, vir eximie: Excerpta enim Lindenbrogiana perinde, ac liber tuus Romanus, videtur posse *conficere*. S.), *videmur posse confidere*, lectum est: ita vero Plinium locutum esse, nemo Latini sermonis haud imperitus credere potest, a quo decies ac saepius verbo *confidere* infinitivum, nunquam ut, adiectum esse constat. Antea infinitivum *fore* excidisse putabam, idque iuvenes, qui me audiebant, suspicari malebam, quam vitiosi sermonis auctorem habere Plinium. Idem poeta magno Gesnero in mentem ve-

nisse vidi, idque vero tanto similis existimavi, quanto frequentius, isdem aut similibus syllabis et vocibus copulatis (ut hic *fidere* et *fore*), altera vel abundare visa est librariis minus acutis, vel omissa parum attendentibus. Nunc vero longe meae illi coniecturae praefero Romani libri scripturam, in quo multis testibus non *confidere*, sed *conficere* est, latine satis, et ad rem accommodatissime. Priori enim verbo *veremur* non necesse est *confidere* opponi: quum *videmur posse conficere* simile aliquid significet, et nihil aliud sit, quam *spero me consecuturum esse*. *Conficere* vero ut sibi iungere, nemo erit, qui nesciat. Caesar. lib. I, de bello Gall. cap. 13: « Quum id, quod ipsi diebus 20 aeger, rime confectionem, ut flumen transirent, illum uno die, intelligerent. » Cie. lib. II Offic. cap. 3, 5: « Ex quo conficitur, ut quidquid honestum sit, idem sit utile. » Ita enim ibi scripti, ubi vulgo *efficitur*. Id. lib. II, de invent. cap. 49: « Ex quo conficitur, ut, si leges duae conservari non possint, ea maxime conservanda putetur, quae ad maximas res pertinere videntur. » H.

8. *Adimunt gratiam illis, a quibus capitur*. Rom. *Adimunt gratiam illis, quibus capitur*. H.

9. *Assecutum me esse*. Hoc ordine et Rom. H. — Vulg. *aut esse me*.

assequi laboraverim : fortasse non frustra , si modo tu  
 curam tuam admoveris , interim istis , mox iis , quae  
 40 sequuntur. Dices te non posse satis diligenter id fa-  
 cere , nisi prius totam actionem cognoveris. Fateor :  
 in praesentia tamen et ista tibi familiariora fient , et  
 quaedam ex his talia erunt , ut per partes emendari  
 41 possint. Etenim si avulsum statuae caput , aut mem-  
 brum aliquod inspiceres , non tu quidem ex illo posses  
 congruentiam aequalitatemqueprehendere , posses  
 42 tamen iudicare , an id ipsum satis elegans esset. Nec  
 alia ex caussa principia librorum circumferuntur ,  
 quam quia existimatur pars aliqua etiam sine caeteris  
 43 esse perfecta. Longius me provexit dulcedo quaedam  
 tecum loquendi : sed iam finem faciam , ne modum ,  
 quem etiam orationi adhibendum puto , in epistola  
 excedam. Vale.

Vide Cortium. S. — *Si modo*, etc. Rom. *Si modo tu curam tuam admo-  
 veris*. H. — *Interim istis*. Quae cum  
 his litteris mitto. Vid. sq. 1. G. —  
*Mox iis, quae sequuntur*. Rom. *Mox  
 iis, quae sequuntur*, bene, non *sequun-  
 tur*. H. — Accedit aliorum librorum  
 auctoritas ; ut non dubitem, Plinium  
 futuro usum esse. S.

42. *Principia librorum*. Tale est il-  
 lud, quod incipit *Orbem Romanum*  
 apud Petronium. Tale est principium

carminis, quod fabellarum suarum  
 IV, 6, Phaedrus intexuit, iam Scheff-  
 fero hic laudatum. G. — Nec alie-  
 num ab hoc loco videtur commemo-  
 rare, quod Cicero Attico scribit epist.  
 XVI, 6, se habere *volumen prooemio-  
 rum*, e quo eligere soleat, quam ali-  
 quod *σὺγγραμμά* instituerit. E. —  
*Pars aliqua etiam sine caeteris*. Rom.  
*Pars aliqua et sine caeteris*. H. — Sic  
 etiam *Excerpta Lindenbrogiana*. Cf.  
 Interpr. ad Liv. I, 44, 3 ; I, 21, 2 ;  
 XXII, 47, 9. S.



## VI.

*Exemplo sordidi simul et sumptuosi hominis Avitum monet, ut sordium et luxuriae societatem fugiat. Talibus monitis magnam addit vim ingenua quaedam indignatio, et animus iis offensus, quae ab honestate adhorrent. L.*

C. PLINIUS AVITO • SVO S.

Longum est altius repetere, nec refert, quemadmodum acciderit, ut homo minime familiaris coenarem apud quemdam, ut sibi videbatur, lautum et diligentem; ut mihi, sordidum simul et sumptuosum: nam sibi et paucis optima quaedam; caeteris vilia et minuta ponebat. Vinum etiam parvulis lagunculis in tria genera descripserat, non ut potestas eligendi, sed ne ius esset recusandi; et aliud sibi et nobis, aliud minoribus amicis (nam gradatim amicos habet), aliud suis nostrisque libertis. Animadvertit, qui mihi proximus recumbebat, et an probarem interrogavit. Negavi. Tu ergo, inquit, quam consuetudinem sequeris? Eadem omnibus pono. Ad coenam enim, non ad

VI. \* *Avito.* Iunius Avitus frater forsan fuit Iulii Aviti, cuius mortem luget, V, epist. 9. L.

1. *Diligentem.* Frugalem, quem hodie *accoumum* vocant. Saepe ita optimi quique. Vid. Cic. in Verr. IV, 25. G. — Rhetoric. ad Herenn. IV, 25, *diligentia est accurata conservatio suorum.* Cf. ibid. IV, 34. S.

2. *Et aliud sibi et nobis.* Sic etiam Rom. H. — Cortius ex Mediceo: *aliud sibi et nobis.* Placei. S.

3. *Eandem omnibus pono.* Rom. Respondi: eandem omnibus pono, ut Me-

dic. H. — Respondi vix putem hic e margine in textum irrepsisse. Vid. Cortium. S.

— *Ad coenam.* Bene Cellarius alludit ait ad *ἱρῶνας*. Est enim coena quasi *κοινὴ δαΐς*, communis cibus, quem fere cum hospitibus capiunt lautiores: nota autem est, qua distinguuntur inter se alioquin similia. G. — Quidni ita: ad coenam invito, ut cum convivis communi gaudio delecter, non ad notam, non ut quosdam ignominiose notem, et distinguam cibus et vito inaequaliter adponendis. Mox enim

notam, invito; cunctisque rebus exaequo, quos mensa  
 4 et toro aequavi. Etiamne liberos? Etiam: convic-  
 ctos enim tunc, non liberos, puto. Et ille: Magno  
 tibi constat. Minime. Qui fieri potest? Potest: quia  
 scilicet liberi mei non idem, quod ego, bibunt, sed  
 5 idem ego quod liberi. Et, hercule, si gulae temperes,  
 non est onerosum, quo utaris ipse, communicare cum  
 pluribus. Illa ergo reprimenda, illa quasi in ordinem  
 redigenda est, si sumptibus parcas, quibus aliquanto  
 rectius tua continentia, quam aliena contumelia,  
 6 consulas. Quorsum haec? Ne tibi optimae indolis  
 iuveni quorundam in mensa luxuria specie frugalitatis  
 imponat. Convenit autem amor in te meo, quoties  
 tale aliquid inciderit, sub exemplo praemonere, quid  
 7 debeas fugere. Igitur memento, nihil magis esse vi-  
 tandum, quam istam luxuriae et sordium novam so-  
 cietatem: quae quum sint turpissima discreta ac  
 separata, turpius iunguntur. Vale.

*alienam contumeliam commemorat. E.*

— Mibi quoque Cellarii ratio argutior quam verior videtur. Caeterum notam de animadversione censoria capiam. S. — Quos mensa et toro aequavi. Rom. Quos toro et mensa aequavi. Sed toro aequavi plus est, quam mensa, ideoque postponendum. H. — Toro. Torus, lectus triclinaris. L.

4. Convictos enim tunc. Rom. Convictos tunc cum. H. — Praestol hic ordo. S.

— Sed idem ego, quod liberi. Rom.

Sed idem ego, quod et liberi. H.

S. Et Hercule. Rom. Et michi tale. H. — Quo utaris ipse, communicare cum pluribus. Rom. Quod utaris, communicare cum pluribus. Non adest ipse. H.

6. Quorsum haec? Rom. Quorsus haec? H.

— In mensa luxuria. Rom. Immensa luxuria. H. — Ridiculus error, alios quoque liberos obsidens. Vid. Coriun. S.

## VII.

*Narrat triumphalem statuam Spurinnae ob res bene gestas, etiam filio eius defuncto aliam, solatii caussa, positam esse. Plura dicta sunt oratorie. Etiam dispositio placet, L.*

C. PLINIVS MACRINO SVO S.

**H**eri a senatu Vestricio Spurinnae, principe auctore, triumphalis statua decreta est: non ita, ut multis, qui nunquam in acie steterunt, nunquam castra viderunt, nunquam denique tubarum sonum, nisi in spectaculis, audierunt: verum ut illis, qui decus istud sudore et sanguine et factis assequebantur: nam Spurinna Bructerum regem vi et armis induxit in regnum: ostentatoque bello, ferocissimam gentem (quod est pulcherrimum victoriae genus) terrore perdomuit. Et hoc quidem virtutis praemium; illud solatium doloris accepit; quod filio eius Cottio, quem amisit absens, habitus est honor statuae. Rarum id in iuvene: sed pater hoc quoque merebatur, cuius gravissimo vulnere magno aliquo fomento medendum fuit. Prae-

VII. 1. *Heri a senatu.* Rom. *Here a senatu.* H. — Recepit Gierigius, parum sibi constans infra II, 44, 6, ubi *here*, item in libris repertum, contempsit. Vid. Lauremberg. Antiquar. h. v. Vossius de Analog. I, IV, c. 49, init. Clav. Cic. h. v. S. — *Statua decreta est.* Rom. *Statua decreta, sine est.* H. — *Nunquam... tubarum sonum... audierunt.* τοῖς μὴ παρευσταμένοις. Plutarch. Moral. p. 220. E. S. — *Decus. Decora...* dici solebant ornamenta et praemia fortitudinis. L.

2. *Bructerum.* Vid. Longol. ad Tac.

German. c. XXXIII, p. 422. S. — *Bructeri* intra Rhenum, Luppium (*Lippe*) et Amisiam (*Ems*) incolebant. L. — *Induxit.* Cicero, opinor, scripsisset *reduxit*; si quidem hic de *reductione* agitur. S. — *Ostentatoque bello.* Ostentat bellum, qui copiis eductis id minatur. E. — *Ferocissimam gentem.* Ipsos Bructeros, populum Germanicum. E.

4. *Fomento.* Tropice dicitur de solatiis, quae valent ad leniendos animi dolores. L.

terea Cottius ipse tam clarum specimen indolis dederat, ut vita eius brevis et angusta debuerit hac veluti immortalitate proferri: nam tanta ei sanctitas, gravitas, auctoritas etiam, ut posset senes illos provocare virtute, 5 quibus nunc honore adaequatus est. Quo quidem honore, quantum ego interpreter, non modo defuncti memoriae, et dolori patris, verum etiam exemplo prospectum est. Acuent ad bonas artes iuventutem adolescentibus quoque (digni sint modo) tanta praemia constituta: acuent principes viros ad liberos suscipiendos et gaudia ex superstitibus, et ex amissis 6 tam gloriosa solatia. His ex caussis, statua Cottii publice laetor, nec privatim minus. Amavi consummatissimum iuvenem tam ardentem, quam nunc impatienter requiro. Erit ergo pergratum mihi hanc effigiem eius subinde intueri, subinde respicere, sub hac 7 consistere, praeter hanc commeare. Etenim si defunctorum imagines domi positae dolorem nostrum levant, quanto magis eae, quibus in celeberrimo loco non modo species et vultus illorum, sed honor etiam et gloria refertur? Vale.

5. *Digni sint modo.* Rom. *Vt digni sint modo*, minus eleganter. *H.* — *Acuent principes*, etc. Rom. *Acuent principes viros ad liberos suscipiendos et gaudia ex superstitibus, et amissis tam gloriosa solatia.* Emendatius, quam vulgo, et ex amissis... solatia. Nam ad suscipiendos liberos parentes acciunt, non ex amissis, sed amissis liberis gloriosa solatia. Solatia ex ea re sunt, quae ipsa est solatio: ex liberis vero amissis orbis parentibus nihil est solatii. Lib. I, ep. 12, 2: « Nam utcuque in illis, qui morbo finiun-

tur, magnum ex ipsa necessitate solatium est » Tacit. Ann. III, cap. 6: « Convenisse recenti dolore luctum et ex moerore solatia: » ubi Tacitus moerorem et lacrimas inter solatia luctus refert. Itaque praepositio *ex*, praecunte Romano exemplari, delenda est, ut intelligantur solatia, quae reliqua sunt parentibus, qui liberos amiserunt. *H.*

7. *Quanto magis ene.* Rom. *quanto magis haec.* *H.* — Ita et Cortius. Bene. *S.* — *Sed honor etiam et gloria.* Rom. *Sed honor et gloria.* *H.* — *De defunct.* cultu v. Plin. H. N. XXXIV, 4. *L.*

## VIII.

*Ad Larium lacum rusticari optat. Duas imagines haec epistola habet, vitae otiosae, et negotiis impeditae. L.*

C. PLINIUS CANINIO SVO S.

Studes? an piscaris? an venaris? an simul omnia? Possunt enim omnia simul fieri ad Larium nostrum: nam lacus piscem, feras silvae, quibus lacus cingitur, studia altissimus iste secessus, allatim suggerunt.<sup>1</sup> Sed sive omnia simul, sive aliquid facias, non possum dicere, *invideo*: angor tamen, non et mihi licere, quae sic concupisco, ut aegri vinum, balinea, fontes. Nunquamne hos arctissimos laqueos, si solvere negatur, abrumpam? Nunquam, puto: nam veteribus<sup>3</sup> negotiis nova accrescunt, nec tamen priora peraguntur: tot nexibus, tot quasi catenis maius in dies occupationum agmen extenditur. Vale.

VIII. Inscripta Rom. Caninio Ruffo. H.

1. *Ad Larium nostrum*. Comum patris Plinii nostri, Lario lacui adiacet. G.

— *Suggestum*. Cortius, quem sequitur Gierigius, ex libris suis *suggestit*. Haud displicet singularis. Vid. supra ad I, 3, 3. S.

2. *Sed sive omnia*, etc. Rom. *Sed sive omnia simul, sive aliquid facias*, ut vulgo, non *facis*, quod plerique

mallent. H. — *Vt aegri vinum*, etc. Quasi proverbio utitur, ut significet, se ardentissime concupiscere. Sic Ep. VII, 26, de negro: *balinea imaginatur et fontes: haec summa curarum, summa votorum*. E.

3. *Nunquamne . . . negatur*. Rom. *Nunquamne hos artissimos laqueos, si solvere negatur, ut editum*. H. — Alii: *Nunquam hos artissimos laqueos . . . et: si solvere non datur*. Vide Cortium. S.

## IX.

*Erucium candidatum Apollinari commendat. In sententiis verbisque magno impetu prorumpentibus, summa perspicuitas reperitur. L.*

## C. PLINIVS APOLLINARI SVO S

**A**nxiū me et inquietū habet petitio Sexti Erucii mei. Adficior cura, et quam pro me sollicitudinē non adii, quasi pro me altero patior: et alioquin meus pudor, mea existimatio, mea dignitas in discrimen adducitur. Ego Sexto latum clavum a Caesare nostro, ego quaesturam impetravi: meo suffragio pervenit ad ius tribunatus petendi, quē nisi obtinet in senatu, vereor ne decepisse Caesarem videar. Proinde adnitendum est mihi, ut talem eum iudicent omnes, qualem esse princeps mihi credidit. Quae causa si studium meum non incitaret, adiutum tamen cuperem iuvenem probissi-

IX. 1. *Erucii*. Sic Cortius ex MSS. alii *Erucii*. G. — *Erucii* etiam Rom. H.

— *Pro me altero*. Nota amici *πρόπαρος*, quam illustrat Cortius ad h. l. et ad Cic. fam. II, 15, 5. Vnum sufficit Cic. fam. VII, 5, ad Caesarem: «Vide quam mihi persuaserim, te esse me alterum.» G. — *Apollinari*. Intell. sine dubio Domitius Apollinaris, consul designatus, cui Martialis, IV, 87, librum suum misit. L.

2. *Latus clavus* concedebat ius veniendi in Senatum. Augustus Senatorum liberis, una cum virili toga latum clavum sumere permisit. Quin

adeo splendorum equitum liberis, id honoris contigit. L. — *Meo suffragio pervenit ad ius tribunatus petendi*. Rom. *Meo suffragio praevenit ad ius tribunatus petendi*. Recte praevenit. Ius tribunatus petendi non impetrandum erat ab imperatore: ante alios vero petere non licebat, nisi id a principe indultum fuisset. H. — *Tribunatus* etiam Corliana ex Mediceo. Saepē sic libri fluctuant. Vid. Interpr. ad Liv. I, 49, 6; I, 53, 3. S. — *Decepisse Caesarem*. Commendando hominē, quē Senatus indignum honoribus iudicet. G.

3. *Adiutum tamen cuperem*. Rom. *Adiutum tamen cuperem*, perperam. H.

mun, gravissimum, eruditissimum, omni denique laude dignissimum, et quidem cum tota domo. Nam pater eius, Erucius Clarus, vir sanctus, antiquus, disertus, atque in agendis causis exercitatus, quas summa fide, pari constantia, nec verecundia minore defendit. Habet avunculum C. Septicium, quò nihil verius, nihil simplicius, nihil candidius, nihil fidelius novi. Omnes me certatim, et tamen aequaliter amant: omnibus nunc ego in uno referre gratiam possum. Itaque presso amicos, supplico, ambio, domos stationesque circumceo: quantumque vel auctoritate, vel gratia valeam, precibus experior. Te quoque obsecro, ut aliquam oneris mei partem suscipere tanti putes. Reddam vicem, si reposces: reddam et si non reposces. Diligeris, coleris, frequentaris: ostende modo, velle te, nec deerunt, qui, quod tu velis, cupiant. Vale.

4. *Nam pater eius, etc.* Rom. *Nam pater eius Erucius clarus vir, sanctus, antiquus, disertus, atque in agendis causis.* H. — Scribendum cum Cortio: *Nam pater ei.* Vulgatam eius vel aures respuunt. Mox pro *exercitatus*. Excerpta Brummeri *exercitus*, frequenti confusione, de qua vid. Drakenb. ad Liv. XXVII, 44, 6. S.

5. *Itaque presso amicos.* Rom. *Itaque presso amicos.* H. — Vid. Drakenb. ad Liv. IV, 48, 11. S. — *Ambio domos.* Gierigius, Gryphium secutus, edidit, *ambio, domos stationesque circumceo.* Mihi totum hoc *ambire* post illa, *presso amicos, supplico,*

otiosum videtur. De *stationibus*, quae sequuntur, vid. Epist. I, 13, 2. E.

6. *Te quoque obsecro, ut... partem.* Rom. *Teque obsecro, ut aliquam muneris mei partem.* H. — Quae et quoque saepissime confunduntur. *Muneris* ex *oneris* natum, quod bene monente Cortio, ultima praecedentis vocis littera sequenti vocabulo accrevisset. S.

— *Et si non reposces.* Cortius ex Mediceo *repuca.* Perperam. Scio, optimos scriptores varia tempora iungere: sed hic ipsa oppositio futurum flagitat. S.

— *Qui, quod tu velis, cupiunt.* Rom. *Qui, quod velis, cupiant.* H.

## X.

*Ad carminum editionem, saltem ad recitationem, adhortatur.  
Haec epistola commoto animo scripta est. L.*

C. PLINIVS OCTAVIO SVO S.

**H**ominem te patientem, vel potius durum, ac paene crudelem, qui tam insignes libros tamdiu teneas!  
<sup>2</sup> Quousque et tibi et nobis invidabis: tibi, maxima laude; nobis, voluptate? Sine per ora hominum ferantur, iisdemque quibus lingua Romana spatiis pervagentur. Magna etiam longaque expectatio est: quam frustrari  
<sup>3</sup> adhuc et differre non debes. Enotuerunt quidam tui

X. Inscripta Octavio. Illi Octavio Rufo, cuius carminum cupiditate se ardere scribit Epist. I, 7. E.

1. *Hominem te patientem.* Rom. *Hominem te patiente.* H.

3. *Invidabis, fraudabis.* Quoniam is, qui *invidia* laborat, bona sua non communicat cum aliis, suum cuique non reddit, bona multa impedit, multos bonis suis privat, propterea *invidere*, ut *ἰδεναι*, de istis omnibus dicitur. L. — Tibi... *voluptate.* Rom. *Tibi maximam laudem, nobis voluptatem.* Hic sibi Romana non constat. Vide ad lib. I, epist. 10, 12. H.

— *Magna etiam.* Hoc etiam nunc valde languet. Series orationis enim postulare videtur. Haec quum scripsissem, vidi et Cortium hoc maluisse. E. — Non ipse Cortius *cuius* conlucet, sed alius vir doctus, cui etiam displicuisse ille refert. Neque erat, quod Ernestius de hoc sibi consensu

gratularetur: optime enim habet vulgata. Primam Plinius causam, cur Octavius libros suos edere debeat, insignem eorum praestantiam memorat: alteram, quod in magna sint longaque expectatione. S.

3. *Enotuerunt quidam etc.* Rom. *Enotuerunt quidam tui vernus, et invito te, claustra refrigerant.* Hos nisi retrahis in corpus. Al. et... *claustra sua refrigerant.* Cortius: *claustra tua refrigerant.* Credibile est, in vulgata ex re factum esse *tua*, et hoc deinde mutatum in *sua*, utrumque vero recte abesse potest. H. — Giergius cum Cortio *claustra sua refrigerant.* Tua melius ob sensum sibi videri Ernestius adscripserat. Equidem cum Heusingero Romanae lectionem amplector. Livius a Cortio laudatus, XXXVI, 7, 13: «Ille quidem ferae bestiae vinculae aut clausae, et refringere claustra cupienti, regis iram verbis aqua-



versus, et invito te, claustra tua fregerunt. Hos nisi retrahis in corpus, quandoque, ut errone, aliquem cuius dicantur invenient. Habe ante oculos mortalitatem: a qua asserere te hoc monumento potes: nam caetera, fragilia et caduca, non minus quam ipsi homines occidunt desinuntque. Dices, ut soles, *Amici mei viderint*. Opto equidem amicos tam fideles, tam eruditos, tam laboriosos, ut tantum curae intentionisque suscipere et possint et velint: sed dispice ne sit parum providum, sperare ex aliis, quod tibi ipse non praestes. Et de editione quidem interim, ut volles: recita saltem, quo magis libeat emittere: utque tandem percipias gaudium, quod ego olim pro te non temere praesumo. Imaginor enim, qui concursus, quae admiratio te, qui clamor, quod etiam silentium maneat. Quo ego, quum dico, vel recito, non minus quam clamore delector; sit modo silentium acre et

bal. » S. — *Tur. Sua Heins.* ad Virg. Aen. XII, 835. G.

— *Quandoque, ut errone.* Quum semel exierint: *quandocumque*, serius ocus, invenient, te quidem tacente, qui se auctorem ferat. Potest enim hic retinere vñ antiquam et propriam hoc adverbium, quam monente primum Victorio ad Columell. II, 4, 5, certatim deinde restitutam explentisque videas. Interim negari non potest, *quandoque* eo intellectu, ut significet aliquando, olim, positum etiam tum ab aliis, tum a nostro, si minus hic et IV, 43, 6; certe Paneg. X, 5 et XXVIII, 5. G. — Vid. Horat. Tursellin. de Partic. esp. CCVII. S. — *Vt errone.* Vt comparantis esse puto. S. — *Cuius dicantur.* Medicei lectionem, cuius dicantur. Nolim eum Cortio lueri. Livius I, 24, 41; » plures tamen invenio, qui Romanos Horatios vocent. » Sic plerique codices:

duo tamen vocant, quod Cortius, opinor, me non sequente, praetulisset. S.

5. *Dispice ne.* Cicero: *considera, ne; vide, ne.* S.

6. *Quod ego olim... praesumo.* Rom. Quod ego olim prope non temere praesumo. Male. H. — *Praesumere*, sumere aliquid ante tempus, aut ante alios. L.

7. *Silentium maneat.* Ex tacito admirationis sensu, vel ex attentione cupientium, ut ne quid intercidat, et aures praetereat. Sed Plinius mox ipse se explicat. Cicero pro Deiot. XII: » De plausu quid respondeam? qui nonnunquam, obstupefactis hominibus, ipsa admiratione compressus est. » E.

— *Acre et intentum.* Non eorum, qui oscitant stupidi, vel stertunt: nam et hi silent. E.

PLIN. Ep. Toni. I

G

intentum et cupidum ulteriora audiendi. Hoc fructa tanto, tam parato, desine studia tua infinita ista cunctatione fraudare: quae quum modum excedit, vendendum est, ne inertiae, et desidiae, vel etiam timiditatis, nomen accipiat. Vale.

## XI.

*Narrat, se actore et Tacito, Africae proconsulem Marium, repetundarum reum, a senatu damnatum esse.*

C. PLINII ABBUANO SVO S.

Solet esse gaudio tibi, si quid actum est in senatu dignum ordine illo. Quamvis enim quietis amore secesseris, insidet tamen animo tuo maiestatis publicae cura. Accipe ergo, quod per hos dies actum est, personae claritate famosum, severitate exempli salubre, rei magnitudine aeternum. Marius Priscus, accusantibus Afris, quibus proconsul praefuit, omisso defensione, iudices petiit. Ego et Cornelius Tacitus adesse provincialibus iussi, existimavimus fidei nostrae convenire, notum senatui facere, excessisse Priscum immanitate et saevitia crimina, quibus dari iudices possent: quum, ob innocentes condemnandos, interficiendos etiam, pecunias accepisset. Respondit Fronto

XI. 1. *Insidet tamen animo tuo.* Rom. *Invidit tamen animo tuo.* H. — Perpetua horum compositorum confusio. Vide Drakenb. ad Liv. IX, 21, 6. S.

2. *Quibus proconsul praefuit.* Rom. *Quibus pro consule praefuit.* H. — Sic et Curtius cum Gierigio, optimorum librorum auctoritate. Vid. Drakenb. ad Liv. III, 4, 10; XXIII, 30, 19.

Clav. Cicer. h. v. S. — *Iudices petiit.* Potius apud iudices a Praetore datos, quam in senatu causam dicere maluit. G.

— *Convenire .... facere, excessisse.* Concursus infinitivorum paulo asperior. Poterat uti hoc loco Bauerus ad Sanct. Minerv. T. I, p. 724. S.

3. *Fronto Catius,* Cos. fuit cum Traiano. Putant Coruel. Frontonem

Catius, deprecatusque est, ne quid ultra repetundarum legem quaereretur, omniaque actionis suae vela, vir movendarum lacrymarum peritissimus, quodam velut vento miserationis implevit. Magna contentio, magni utrinque clamores: aliis cognitionem senatus lege conclusam, aliis liberam solutamque dicentibus: quantumque admississet reus, tantum vindicandum. Novissimè consul designatus Iulius Ferox, vir rectus et sanctus, Mario quidem indices interim censuit dandos: evocandos autem, quibus diceretur innocentium poenas vendidisse. Quae sententia non praevaluit modo, sed omnino post tantas dissensiones fuit sola frequens: adnotatumque experimentis, quod favor et

intelligi, M. Antonini in eloquentia praeceptorem. L.

4. *Lege conclusam.* Qua? viderint Iuriconsulti: expectabam hoc a Catio; sed frustra. Catianus ad Repetundarum legem ait respici, qua multandum iam censuerit Senatus; vel ad eam legem, qua cautum esset, ne bis de eadem re ageretur. Neutrum vero probat. G. — Vereor, ne Gessnerus nodum in scirpo quaesiverit. Non agitur, opinor, de certa quadam lege, sed omnino narratur, alios senatus cognitionem lege (seu repetundarum, seu alia quavis, *ὅποῦ*, non *οὐ ὅποῦ*) conclusam, alios liberam solutamque dixisse. S.

5. *Iulius Ferox*, secundum fastos, et Aruntius Nerva suffecti erant ex Kal. Novemb. L. — *Quibus* .... *vendidisse.* A quibus pecuniā accepit ut innocentes condemnandos, vel interficiendos, ut supra dixerat. Hi infra dicuntur *pecuniam emisse.* *Evocandos* dicit, quibus iuberetur, ut certo tempore adsint. Itaque mox, *evenerunt*, inquit, *quī adesse erant iussi.* E.

6. *Adnotatumque*... *quod.* Recentioris aetatis, et alij aurea declinantis indicium, *τιν' quod* poni, ubi superiores infinitum cum quarto casu adhibebant: qua de re exstat dissertatio nostra in thesauro Fabriano. Quid si vero post *adnotatumque* intelligamus *haec ipsum est alius experimentis: quod*, id est, *quia.* G. — Sic, ut in ceteris fere omnibus, scriptum est in Rom. nec tamen hic librorum contentus nobis persuadebit, ita sui immemorem fuisse Plinium, ne sui quidem saeculi eloquentia contentum, ut diceret, *adnotatum est, quod favor et misericordia habent*: cum alio loco, lib. III, ep. 46, 1, ita, ut debuit, scripserit, *Adnotasse videor, facta alia elariora esse.* Facilius haec scribigo in paedagogia nostris, qui se tantum ac sui similes imitantur, quam in Plinii ferri potest, cui praecleara ista observatio nondum nota fuit: quoniam post verba dico, puto, arbitror, opinor, spero, et huius generis alia, recte ponitur. Quod etiam si verum esse fingas, supervacanea tamen et molesta hic sunt duo illa

misericordia acres et vehementes primos impetus habent, paulatim, consilio et ratione quasi restincta, 7 considunt: unde evenit ut, quod multi clamore permixto tuentur, nemo, tacentibus caeteris, dicere velit: patescit enim, quum separaris a turba, contemplatio rerum, quae turba teguntur. Venerunt, 8 qui adesse erant iussi, Vitellius Honoratus, et Flavius Martianus, ex quibus Honoratus trecentis millibus exsilium equitis Romani, septemque amicorum eius ultimam poenam; Martianus unius equitis Romani septingentis millibus plura supplicia arguebatur emisse: erat enim fustibus caesus, damnatus in me-

verba *adnotatumque experimentis*, nec cum ceteris contexta. Dixerat Plinius, post magnas dissensiones, quum aliis iusto mitior, aliis severior placuisset sententia, novissime Iulium Ferozem, eos. des. censuisse, Mario quidem interim iudices dandos; evocandos autem ex provincia, quibus ille innocentium poenas vendidisse diceretur, id est, a quibus corruptus innocentes damnassee argueretur. Hanc solam sententiam, quasi mediam, maiori parti senatus probatam fuisse: quoniam, vel quod, ut ipse ait, *favor et misericordia acres et vehementes primos impetus habent, paulatim, consilio et ratione quasi restincta, considunt*. Redundant ergo, et a ceteris segreganda, vel obelo potius sunt confodienda illa *adnotatumque experimentis*, pro quo in Ald. est *adnotumque experimentis*. In margine scilicet ab aliquo ascripta sunt, cui experimentis id verum esse constabat: hinc a librariis arrepta, et Plinianis, ubi nec poterant, nec debebant, intermixta. Nec quidquam illis prodest, quod in vetustissimis etiam codicibus reperiri creduntur. Quis enim certus satis auctor nobis erit, in nullo ea omissa

esse? Alius alienis oculis, festinantibus alius, aut parum acutis eruditivae inspectus est; hisque ipsis, qui lectionum varietatem adnotant, puerile plerumque videtur, omnia curiosius persequi, quae vel omissa in membranis, vel redundantia, vel aliter denique scripta reperiunt, quorum praesertim rationem ipsi non pervident. Medicum quoque codicem interpolatum esse, supra vidimus ad lib. I, ep. 2, 2, idque ad lib. II, ep. 14, 5, non ipse dissimulavit Cortius. Vide eundem ad lib. V, ep. 8, pr. Nihil ergo nos reiectanea haec expellere prohibet, etiamsi librariae fraudis, per se manifestae, testes defuerint. Simillimum huic locum habemus lib. V, ep. 24, 7, ad quom meam adnotationem leges. H.

7. *Patescit enim*, etc. Rom. *Patascit* (ita scriptum) enim, *quum separaris, contemplatio rerum*. Verba a turba desunt. H. — *Patasco* forma videtur lutese latinitatis, ut *commando*, de quo vide Cort. Dissertal. Crit. de usu orthogr. lat. p. 62 edit. Altenb. S.

8. *Erat enim fustibus caesus*, Rom. *Erat enim Cerialis fustibus caesus*. Sed

tallum, strangulatus in carcere. Sed Honoratum cognitioni senatus mors opportuna subtraxit: Martianus inductus est absente Prisco. Itaque Tuccius Cerealis consularis iure senatorio postulavit, ut Priscus certior fieret: sive quia miserabiliorem, sive quia invidiosorem fore arbitrabatur, si praesens fuisset; sive (quod maxime credo) quia aequissimum erat commune crimen ab utroque defendi, et si dilui non potuisset, in utroque puniri. Dilata res est in proximum senatum: cuius ipse conspectus augustissimus fuit. Princeps praesidebat, erat enim consul: ad hoc Ianuarius mensis quum caetera, tum praecipue senatorum frequentia celeberrimus: praeterea caussae amplitudo, auctaque dilatione expectatio et fama, insitumque mortalibus studium magna et inusitata noscendi, omnes undique exciverat. Imaginare, quae sollicitudo nobis, qui metus, quibus super tanta re, in illo coetu, praesente Caesare, dicendum erat. Equi-

*Cerialis nomen hic importune inculcatum est. H. — Translatum hoc est ex versu, qui ordine quartus deinceps sequitur, ubi de Tuccio Cereali, seu Ceriali. S.*

9. *Tuccius.* Ex omni varietate huius nominis a Cortio proposita *Tutius, Tuccius, Ductius, Titius*, illud videbatur praefendum. *G. — Iure senatorio.* Quo poterat ante sententiam dicere etiam de qua re vellet, et quam diu vellet. Iam laudant hic Gell. IV, 40. *G. — Sive quia miserabiliorem.* Non sunt haec tria verba in Rom. *H. — Omissa negligentia aut librarii, aut typothetae, cuius oculus a primo sive ad alterum aberrasset. S. — Dilui.* Oxon. *delui*; de qua varietate vide Drakenb. ad Liv. IV, 44, 3. *S.*

10. *Erat enim consul.* Si hoc a Plinio est, quod creditu difficile, quum nemo illo anno nesciret, quis consulatum gereret: id non Arriani causa ascriptum fuit, sed eorum, qui multis post annis haec lecturi essent. *H.*

— Tamen clara voluntas signa exstant, ut non sim reprehensurus, si quis posthac Plinii editor uncinos his verbis admoveat. *S. — Ianuarius . . . . celeberrimus.* Novi hic magistratus, quorum actionibus magis etiam probare diligentiam student, ut magistratus, ita ceteri. *G. — Quum cetera . . . frequentia.* Sic et Rom. *H. — Cetera est quoad cetera.* Falluntur, qui cetera ablat. fensinim, legunt: nam sequitur, praeterea . . . omnes undique exciverat. *S.*

11. *Coetu.* Coetus, conventus senatorum. *L.*

dem in senatu non semel egi: quin imo nusquam  
audiri benignius soleo: tunc me tamen, ut nova om-  
nia novo metu permovebant. Obversabatur praeter  
12 illa, quae supra dixi, caussae difficultas: stabat modo  
Consularis, modo Septemvir Epulonum, iam neutrum.  
13 Erat igitur perquam onerosum, accusare damnatum:  
quem, ut premebat atrocitas criminis, ita quasi per-  
14 actae damnationis miseratio tuebatur. Vtcumque ta-  
men animum cogitationemque collegi: coepi dicere  
non minore audientium assensu, quam sollicitudine  
mea: dixi horis paene quinque: nam x clepsydris,  
quas spatiosissimas acceperam, sunt additae quatuor.  
Adeo illa ipsa, quae dura et adversa dicturo vide-  
15 bantur, secunda dicenti fuerunt! Caesar quidem mihi

12. *Stabat.* Scilicet ante oculos meos Priscus, qui modo, hoc est, antequam repetundarum reus esset, Consularis, et Septemvir Ep. fuerat, nunc utriusque dignitate exutus. *E.* — *Septemvir Epulonum.* Cic. de Orat. III, 49 lin. » Pontifices veteres propter sacrificiorum multitudinem tres viros epulones esse voluerunt, quum essent ipsi a Numa, ut etiam illud ludorum epulare sacrificium facerent, instituti. » Ita a Numa: auctus deinde numerus; ut in *Duumviris*, mox *Quinquaviris*, porro *Decemviris*, ac *Quindecimviris* denique sacerdotum. *Septemviri Epulones* etiam in vet. inser. occurrunt. Magna erant dignitate, praetextamque gestabant. *G.*

13. *Quem ut premebat.* Vide Cic. pro Cluent. c. M. A. G. — *Quasi Catanaeus ad peractae refert,* indices nondum pronunciasse putans. Fallitur. Modo legimus, » accusare damnatum, » infraque §. 20, sequitur, » Marium repetundarum poenae, quam iam passus esset, censuit relinquendum. » igitur quasi ad totam

quae sequitur *peractae damnationis miseratio tuebatur*, spectat. *S.*

14. *Vtcumque.* Vide Ep. I, 12, 2. *S.*

— *Duodecim clepsydris.* Variatur in numeris. Catanaeus legit XX, quibus IV additae efficiunt XXIV: quibus quum horae paene quinque respondere, consequens est, ut V clepsydrae horam emetiantur. Sed si XII verius est, tribuendae erunt horae uni tres clepsydrae; vide Gesneri ad I. A. Ernestium epist. Illud quidem ex ipsa varietate apparet, notis, non integris vocibus numerum, quicumque fuerit, in libris antiquis expressum fuisse. Etiam horae modum nescimus quia et ipsam mentionem: nisi forte habuerunt aliquam sequinoctialium horarum mensuram ordinariam. Ceterum, quantum temporis datum sit actoribus, quantum reis, intelligas ex lib. IV, 9, 9. *G.*

15. *Caesar quidem mihi,* etc. Rom. Caesar quidem tamen mihi studium, tanta cura etiam (nimium enim est dicere sollicitudinem) praestitit. II. —

tantum studium, tantam etiam curam (nimium est enim dicere sollicitudinem) praestitit, ut libertum meum post me stantem saepius admoneret, voci laterique consulerem, quum me vehementius putaret intendi, quam gracilitas mea perpeti posset. Respondit mihi pro Martiano Claudius Marcellinus: missus deinde 16 senatus, et revocatus in posterum. Neque enim iam inchoari poterat actio, nisi ut noctis interventu scinderetur. Postero die, dixit pro Mario Salvius Liberalis, vit subtilis, dispositus, acer, disertus: in illa vero causa omnes artes suas protulit. Respondit Cornelius Tacitus eloquentissime, et, quod eximium orationi eius inest, *συνῶς*. Dixit pro Mario rursus Fronto 18 Catus insigniter: utque iam locus ille poscebat, plus in precibus temporis, quam in defensione consumpsit; huius actionem vespera inclusit: non tamen sic, ut abrumperet; itaque in tertium diem probationes exie-

Concitant alii libri: nec displicet hic ordo. *S.* — *Laterique.* » In oratore sunt pulchritudines, nostro more loquendi. Nempe vires sic dicuntur esse, quarum defectus in latere sentitur, ut a currentibus, cantantibus, dicentibus, potantibus, Venerem exercentibus: in quibus generibus omnibus latera pro viribus dicuntur. » I. A. Eroest. in *Clav. Cicer. h. v. Vocem et latera*, ut Plinius, iungit Cicero *Verr. IV, 30.* *S.* — *Intendi.* Rom. *Incedi.* H.

16. *Neque enim, etc.* Rom. *Neque enim inchoari poterat actio nisi ut.* H.

17. *Salvius Liberalis* Vespasiani temporibus causas egit. *L.* — *Subtilis, dispositus, acer.* *Subtilis* est, qui rem prudenter et acute videt; *dispositus*, qui rem bene inventam aut perceptam optimo ordine dispensat et tractat; *acer*, cuius actio et oratio

viget quadam vehementia, spiritu, impetu dicendi. *E.* — *Quod eximium orat. eius inest.* Rom. *Quod eximium orationi meae inest.* H. — Id equidem non damnaverim. Vide Sanctii Minerv. lib. II, cap. 12. *S.*

18. *Huius actionem vespera inclusit.* Id est, finivit, ita tamen, ne media oratio abrumperetur, sed ut perorandi tempus caset. Cornel. Cels. lib. I, cap. 2, *entr.* » Vbi expletus est aliquis, facilius concoquit, si, quidquid assumpsit. potionem aquae frigidae inclusit. » H. — Idem Celsus lib. I, c. 8: *omnes potiones aqua frigida includere.* S.

— *Senatum nocte dimittit.* Rom. *Senatum nocte dirimi*, quod ex Medice et Helmstad. iam Corinius restituit. H. — Ita et *Excerpta* Frummeri. Corinium secutus est Gierigius. *S.*

runt. Iam hoc ipsum pulchrum, et antiquum, senatum nocte dimitti, triduo vocari, triduo contineri.

- <sup>19</sup> Cornutus Tertullus cos. designatus, vir egregius, et pro veritate firmissimus, censuit *septingenta millia, quae acceperat Marius, aerario inferenda: Mario urbe Italiaque interdicendum; Martiano hoc amplius, Africa.* In fine sententiae adiecit: *Quod ego et Tacitus iniuncta advocacy diligenter fortiterque functi essemus, arbitrari senatum, ita nos fecisse, ut dignum mandatis partibus fuerit.* Assenserunt consules designati, omnes etiam consulares usque ad Pompeium Collegam: ille et *septingenta millia quae acceperat Marius, aerario inferenda, et Martianum in quinquennium relegandum: Marium repetundarum poenae, quam iam* <sup>21</sup> *passus esset, censuit relinquendum.* Erant in utraque sententia multi, fortasse etiam plures in hac vel solutiore, vel molliore: nam quidam ex illis quoque, qui Cornuto videbantur assensi, hunc, qui post ipsos <sup>22</sup> censuerat, sequebantur. Sed quum fieret discessio, qui sellis consulum adstiterant, in Cornuti sententiam ire coeperunt. Tum illi, qui se Collegae annumerari

<sup>19</sup>. COS. Tironum in gratiam moneo, prisca orthographia *Cosul* scriptum fuisse; hinc per compendium *Cos. S.* — De *Tertullo*. Vid. V, ep. 45. *L.*

— *Advocatione*. Ne quis cum Catanaeo simpliciter *advocationem* dici pro accusatione existimet, respiciendum ad §. 2: *Ego et Cornucius Tacitus adesse provincialibus iussi; advocatio igitur refertur non ad eum, contra quem venimus, sed ad eum, quem defendimus. G.*

<sup>20</sup>. *Consules designati*. Vide Heusing. ostendentem, quot tum esse potuerint *Coss. dess. G.* — *Pompeium*.

*Ses.* Pompeium et ipsum tertio consulatu ornatum, et Frontoni inde a Cal. Martii susseptum esse nonnulli existimant, putantque in fastis nomen eius corruptum esse in *Pomponium*.

*L.* — *Quae acceperat Marius* desunt in libris scriptis pluribus; beneque omiserunt Curtius et Gierigius. Antea, §. 49, recte leguntur. *S.* — *Censuit relinquendum*. Vide Gron. ad Tacit. An. I, 74. *G.*

<sup>21</sup>. *Solutiore, vel molliore*. Dubitat, verbumne durius vehementiusque adhibendum sit, an lenius? *solutus* enim nimis est mollis. *G.*



patiebantur, in diversum transierunt: Collega cum paucis relictus. Multum postea de impulsoribus suis, praecipue de Regulo, questus est, qui se in sententiâ, quam ipse dictaverat, deseruisset. Est alioqui Regulo tam mobile ingenium, ut plurimum audeat, plurimum timeat. Hic finis cognitionis amplissimae. Superest ta-<sup>23</sup>men *λειτούργιον* non leve, Hostilius Firminus, legatus Marii Prisci, qui permistus caussae, graviter vehementerque vexatus est. Nam et rationibus Martiani, et sermone, quem ille habuerat in ordine Leptitanorum, operam suam Prisco ad turpissimum ministerium commodasse, stipulatusque de Martino quinquaginta millia denarium probabatur: ipse praeterea accepisse sestertium decem millia, foedissimo quidem titulo, nomine unguentarii, qui titulus a vita hominis com-<sup>24</sup>pti

23. *Superest.... Firminus.* Similis constructio Tullianae Epist. I, 4, init. *unusquisque certamen esset relictum sententia Volcatii*; qui locus male tentatur. S. — *λειτούργιον.* Deminutiva significatione vocem accipio euni charientismo quodam, quem etiam additum non leve indicat. G. — *λειτούργιον*, omne negotium, unde utilitas aliqua ad rempublicam redundat. L. — *Rationibus.* Rationes, tabulae expensorum et acceptorum, quarum usus frequens in probationibus forensibus. L. — *Leptitanorum, Leptis* minor, urbs Africae libera et immunis inter Adrumetum et Tisdram. Erat et Leptis magna prope Syrtim maiorem. L. — *Ad turpissimum ministerium commodasse.* Rom. *Ad turpissimum ministerium commendasse.* H. — *Stipulatusque de Martino* Hic nimirum §. 8, *septingentis millibus emerat a Mario Prisco plura supplicia unius epuitis*: intercessor et proxeneta huius negotii fuit Hostilius Firminus, sti-

pulatusque est Mario, *de Martino*, hoc est, ex arca illius solvenda *quinquaginta millia denarium*. Ceterum *stipulari de aliquo* insolentius dictum videri potest. Ita tamen etiam Africanus, lib. XXXVII, π, de usufr. et quemadmodum: «Si, quum in annos decem proximos usum fructum de te dari stipulatus essem, per te steterit, quo minas daret.» Iterum eadem lege: «si Stichus decem annorum operas de te dari stipulatus sim.» G. — *Foedissimo... unguentarii.* Ita et Rom. II. — *Unguentarii.* Pecuniae in unguenta impendendae, foedus titulus in provinciali praesentim et militiae, quos *allium obolare quam unguentum*, non tantum barbati illi et capillati Quirites, sed Vespasianus etiam malebat apud Sueton. c. VIII: quo eodem loco etiam *calcearii* mentio, quod *unguentarii* formam habet. «Clavarium, camelarium, vasarium, vestiarium, hordearium, cerarium, linguarium (quo linguae temeritas

24 semper et pumicati non abhorrebat. Placuit, censente  
Cornuto, referri de eo proximo senatu: tunc enim,  
25 casti incertum, an conscientia, abfuerat. Habes res  
urbanas: invicem rusticas scribe: quid arbusculae  
tuae, quid vineae, quid segetes agant, quid oves de-  
licatissimae? In summa, nisi aequae longam epistolam  
reddes, non est quod postea, nisi brevissimam, ex-  
spectes. Vale.

redimitur Muret. Var. Lect. XII, 5)  
usorium, locarium, *ipsumque adeo*  
congiarium, honorarium, salarium, s  
eodem modo dici, a viris doctis osten-  
sam est. G.—*Pumicati*. Pumice enim  
utebantur ad laevigandas non mem-  
branas modum, quibus inscriberent,  
sed ad pellem etiam suam molles.  
Laudavit hic post Cellarium Curtius  
Savaronem ad Sidon. Apollin. I, 7,

et VIII, 3. G.

25. *Agant*. Al. *agunt*. Vide Gesneri  
ad I. Aug. Ernest. epistola. Si τὰς ἐν  
στιγμὴν post scribe ponas, *agunt* bene  
habet. S.

*In summa, nisi.... reddes*. Rom.  
*In summa nisi aequae longam epistolam*  
*reddis*. H. — *In summa*. Curtius ex  
Medic. in suamam. L.

## XII.

*Eventum causae Firmini legati, quam superiori epistola notaverat,*  
*perscribit.*

C. PLINIVS ABBIANO SVO S.

Αὐτοῦργον illud, quod superesse Marii Prisci causae  
proxime scripseram, nescio an satis circumcisum, ta-

XII. 4. Αὐτοῦργον. Vid. II, 44,  
23. G. — *Circumcisum* ... *adram*.  
Sic scripsisse potamus Plinium; sic  
certe Aldus edidit, sic sententia po-  
stulat. *Circumcidere* plus esse quam  
*adradere*, dubium non est: si quis  
tamen dubitet, illum facile scripto-  
rum rei rusticae nescire in viam redu-  
cat. Firminus de Plinii sententia et  
Cornuti circumciscendus erat, ampu-

*tandus* plane, corrupti membri aut  
praepitii instar, a senatu: sed *adra-*  
*us* modo est, iure provinciae admi-  
nistrandae privatus. Ita Αὐτοῦργον  
illud, munus illud reipublicae, si  
non *circumcisione* et amputatione Fir-  
mini, tamen *adraus* ipso quoque non  
minus quam Prisco, perfectum est.  
G.

— s illud quod superesse Αὐτοῦρ-

men et adrasum est. Firminus inductus in senatum,<sup>2</sup> respondit crimini noto. Secutae sunt diversae sententiae consulum designatorum. Cornutus Tertullus censuit ordine movendum: Acutius Nerva, in sortitione

γίος Marii Prisci causae proxime scripseram, nescio an satis, circumcisum tamen et abrasum est. Ita plane scriptum et interpunctum est in Rom. quum vulgo post *circumcisum* interlinguatur. *Abrasum* retineo, quod plus significat, quam *adrasum* et *circumcisum*. Minus ex barba remanet, quae *abraditur*, quam quae *circumciditur*: trabes etiam prius *circumciduntur*, tum vero et *abraduntur*. Etsi itaque Plinio remissius, quam decuit, artum videtur; tamen minus illud publicum quacumque ratione peractum erat. II.

2. *Inductus in senatum*. De reo: sic et epistola superiori 9. Alio sensu II, ep. 14, 4. S.

— *Acutius Nerva*. Primo Nervam imperatorem nemo hic cogitet: rem sub Traiano gestam, constat. Deinde illud *acutius* ironicum esse, clare monstrant, quae nrox dicuntur. Potestne enim *acutum* esse, quod *miserrum*, *minime congruens*, *minime decorum*? Pntat Heusinger. locum corruptum ex *Julius Pirox* vel simili nomine. G.

— *Cornutus Tertullus censuit ordine movendum: Acutius Nerva in sortitione provinciae rationem eius non habendam*. Haec ex praescripto Rom. expressa multis suspecta sunt. Plus aliis vidisse creduntur, qui *acutius* hic non proprium nomen esse, sed adverbium, monuerunt: quamquam ne in hac quidem interpretatione plus acuminis inest, quam in Nervae, quem librarii nobis consulem designatum dederunt, sententia. Nec ob-

secutum est, non laudari eam a Plinio, sed ut *duriorem tristicioremque* reprehendi. Et quis ille Nerva fuerit, qui ita censuerit, nondum quisquam docere potuit. Consulem designatum significari, ex verbis Plinii apparet: acta haec sunt *TRAIANO III COS. JANUARIO MENSE*, quum collegam is haberet M. CORNELIUM FRONTOREM: cui Martio mense sollectus esse creditur S. POMPEIUS COLLEGA. Quis vero deinceps Maio et Iulio mense successerit, parum constat: etsi dubium non est, quin Traianus, qui octo mensibus consulatum gessit, quatuor collegas habuerit: nam si prior, Frontio, qui tertium erat consul, duos tantum menses in magistratu fuit, qui posterioribus plus temporis datum credat? Nec Plinius Paneg. c. IX duos omnino Traiano collegas fuisse ait, sed duos tertium consules, quibus alii successores esse potuerunt. Septembri secutus est PLURIVS ET CORNUTVS TERTVLLVS: extremi mensis consules veteris monumenti inscriptio nominat, quod sub *TRAIANO TRIP. POT. IV, COS. DES. (IV. EX MUSSORI CONJECTURA)* dedicatum est III K. IAN. L. ROSCIO AELIANO TIF. CLAUDIO SACERDOTE COS. Fuit hoc anno consul etiam IULIVS FEROX, qui a Plinio certe inter consules designatos numeratur superioris epistolae §. 5, et sequenti anno *curatorem egit alvei et riparum Tiberis et cloacarum*, teste veteri inscriptione, quam Catauacus ad ep. XI, 5, adfert. Haec vero cura consulatum sequebatur, quae eodem anno Plinio quoque demandata fuit. Vide interpretes ad

provinciae rationem eius non habendam: quae sententia, tamquam mitior, vicit; quum sit alioqui durior tristiorque. Quid enim miserius, quam exsectum et exemptum honoribus senatoriis, labore et molestia non carere? Quid gravius, quam tanta ignominia affectum, non in solitudine latere, sed in hac altissima specula conspiciendum se monstrandumque praebere?

4 Praeterea, quid publice minus aut congruens, aut decorum? notatum a senatu in senatu sedere? ipsisque illis, a quibus sit notatus, aequari? submotum a proconsulatu, quia se in legatione turpiter gesserat, de proconsulibus iudicare? damnatumque sordium, vel damnare alios, vel absolvere? Sed hoc pluribus

5 visum est. Numerantur enim sententiae, non ponderantur: nec aliud in publico consilio potest fieri, in

lib. V, ep. 45, 2. Ex omnibus his nominibus vulgatae scripturae vestigiis nullum proprius est, quum *Julius Ferox*, ut pro *Acutius Nerva* legatur *At Julius Ferox*. Sed ne haec quidem coniectura nunc satis mihi placet, quod *Iulium Ferozem virum rectum et sanctum* dicit: huius vero sententiam, quod iam supra dixi, quasi parum prudentem et aequam vituperat. Hanc ob causam fortasse non errant, quibus *Acutius Nerva* nomen videtur proprium esse. Fuit certe apud Romanos *Acutia* gens, ex qua plures nominal *Gladiorius Onomast.* p. 9. In eam ex *Nervis* aliquis adoptari, et *Acutius Nerva* appellari potuit. Fuere et *Silii Nervae*, quorum Tacitus et alii mentionem fecere.

H. — Fallitur ergo Gierigius, libros ad unum omnes exhibere *acutius* minore littera initiali contendens. Certe Romanus liber hanc litteram non transiit. Ceterum cum Gierigio *Acutius Nerva* editurus erat Ernestium, qui

de hoc loco sic: «ita non dubitavi reponere, Gierigium secutus, qui docuit *Nervam* e familia *Acutiorum* fuisse, *Fastosque Almelovenios* a. Chr. 100, quo haec causa acta sit, *Acutium Nervam*, et *Iulium Ferozem* Consules ex Cal. Novembr. nominare. Sic locus planus, qui antea torserat interpretes, quum *acutius* adverbii vim habere putarent.» S.

3. *Exsectum* offendit multos. Alii *exactum*, alii *exutum* coniciunt. *Exsectare*, verbum bonum, translatus nunc est a medicis partes vitiosas, quas sanare nequeunt, resecantibus.

L. — *Labore et molestia.* Rom. *Laboribus et molestia.* H.

— *Sed in hac*, etc. Rom. *Sed in hac, in altissima specula conspiciendum.* H.

4. *Aut congruus .... a senatu.* Sic et Rom. H. — *Submotum a proconsulatu.* Rom. Et *submotum a proc.* H. — Copulam recepit Curtius. Habent etiam Excerpta Brummeri. S.

quo nihil est tam inaequale, quam aequalitas ipsa: nam quum sit impar prudentia, par omnium ius est. Implevi promissum, priorisque epistolae fidem exsolvi, quam ex spatio temporis iam recepissem te colligo: nam et festinanti et diligenti tabellario dedi: nisi quid impediti in via passus est. Tuae nunc partes, ut primum illam, deinde hanc remunereris literis, quales istinc redire uberrimae possunt. Vale.

7. *Quales istinc redire uberrimae possunt.* Dictum est, quantum amplissimum, infra, ep. 13, 10. *Roma.* tamen uberrime. H.

## XIII.

*Voconium Romanum commendat.*

C. PLINIVS PRISCO SVO S.

Et tu occasiones obligandi me avidissime amplecteris, et ego nemini libentius debeo. Duabus ergo de causis a te potissimum petere constitui, quod impetratum maxime cupio. Regis exercitum amplissimum; hinc tibi beneficiorum larga materia, longum praeterea tempus, quo amicos tuos exornare potuisti. Convertere ad nostros, nec hos multos. Malles tu quidem multos, sed meae verecundiae sufficit unus aut alter, ac potius unus: is erit Voconius Romanus. Pater ei in equestri gradu clarus, clarior vitricus, imo pater alius: nam huic quoque nomini pietate successit: ma-

XIII. Inscripta Rom. Cornelio Prisco, secus, quam interpretibus adhuc visum. Vide lib. V, epist. 20, 7. H. — Putant Priscum Neratium Marcellum fuisse, a quo noster Suetonio Tribu-

natum impetraverat, et quem unico diligebat Traianus. Etiam in Pandectis Neratius Priscus, iuris consultissimus, saepe laudatur. L.

3. *Malles.* Leg. puto malis. H.

ter & primis citerioris Hispaniae. Scis quod iudicium provinciae illius, quanta sit gravitas. Flamen proxime  
 5 fuit. Hunc ego, quum simul studeremus, arcte familiariterque dilexi: ille meus in urbe, ille in secessu contubernalis: cum hoc seria, cum hoc iocos miscui.  
 6 Quid enim aut illo fidelius amico, aut sodale iucundius? Mira in sermone, mira etiam in ore ipso vul-  
 7 tuque suavitas; ad hoc ingenium excelsum, subtile, dulcè, facile, eruditum in causis agendis. Epistolas quidem scribit, ut Musas ipsas latine loqui credas.  
 8 Amatur a me plurimum, nec tamen vincitur. Equidem iuvenis statim iuveni, quantum potui per aetatem, avidissime contuli, et nuper ab optimo principe trium  
 liberorum ei ius impetravi; quod quanquam parce et cum delectu daret, mihi tamen, tanquam eligeret,  
 9 indulisit. Haec beneficia mea tueri nullo modo melius, quam ut augeam, possum; praesertim quum ipse illa tam grate interpretetur, ut, dum priora accipit, po-

4. *Citerioris*. Est Hispania Tarracoenensis, quum ulterior Baeticam et Lusitaniam complecteretur. L.

— *Iudicium provinciae*. Quum recte et salubriter de honestate, felicitate, officio, iudicent illius provinciae homines. G.

— *Flamen proxime fuit*. Sic Rom. omisso, quod vulgo praecedat, ipse. Id in Rom. ad matrem adiectum est ita: *Mater e primis ipse citerioris Hispaniorum*. Paulo ante alterum scis in Rom. deest, ubi scriptum, *provinciae illius, quanta gravitas*. H. — Vulgo: *scis, quanta sit gravitas*. Sed optimi libri alterum hoc scis ignorant. S.

5. *Studere*, Plinii aetate, idem quod litteris studere. L.

6. *Quid enim aut illo fidelis amico*. Rom. *Quid enim illo aut fidelius amico*. Ita recte legitur. H. — Hunc ordi-

nem praestulerunt Cortius et Gierigius: praefendusque est, non quod mollior sit, sed quia illo particulam necessaria praecedat. S.

7. *Ad hoc ingenium excelsum*. Rom. *Ad hoc ingenium excelsum*. H. — Perpetua confusio. Hic libri Romani lectionem amplectar. Vide supra ad I, 40, 6. S.

8. *Equidem iuvenis iuveni, quantum potui*. Rom. *Equidem iuvenis iuveni, quantum potui*, sine *scis*. H.

— *Mihi tamen*, etc. Rom. *Mihi tamen, tanquam liceret, indulisit*, ut Medic. bene. H. — Me quoque vulgata offendit; ut non mirer, Cortium liceret edidisse. Interpretando nimium difficultatem Gierigius, non tollit: cuius ratio si valeret, corrigendum esset *tanquam ipse elegisset*. Sed nec hoc satisfaceret. S.

steriora mereatur. Habes, qualis, quam probatus, 10  
 carusque sit nobis. Quem rogo, pro ingenio, pro fortuna  
 tua exornes. In primis ama hominem: nam licet  
 tribuas ei quantum amplissimum potes, nihil tamen  
 amplius potes amicitia tua: cuius esse eum, usque in  
 intimam familiaritatem, capacem quo magis scires,  
 breviter tibi studia, mores, omnem denique vitam  
 eius expressi. Extenderem preces, nisi et tu rogari 11  
 diu nolles, et ego tota hac epistola fecissem. Rogat  
 enim, et quidem efficacissime, qui reddit causas ro-  
 gandi. Vale.

10. *Vsque in intimam familiarita-*  
*tem.* Rom. usque ad intimam familia-  
*ritatem.* H. — Si Latinitatis regulam  
 adhibeas, utrumque bonum; si aurium  
 aensum consulas, longe melius Ro-  
 mani aliorumque librorum usque ad  
 Cortio iure probatum. S. — *Vsque in*

comprobavit Cortius multis Senecae  
 et Lucanum exemplis. L.

11. *Et ego tota hac epistola.* Rom.  
*Et ego tota hac epistola.* H. — Hoc,  
 etiam in Brummeri Excerptis obvium,  
 receperunt Cortius et Giergius e  
 Mss. Bongars. Hehnst. et Arnzen. S.

## XIV.

*Centumvirales causas ab adolescentulis profanatas queritur.*

C. PLINIVS MAXIMO • SVO S.

Verum opinaris: dstringor centumviralibus causis,  
 quae me exercent magis, quam delectant; sunt enim  
 pleraeque parvae et exiles. Raro incidit vel persona-

XIV.\* *Maximo.* Veronensis fuisse  
 videtur, certe uxorem Veronensem  
 habebat. In ea regione potestate qua-  
 dam praeditus fuit. L.

1. *Dstringor* v. c. Rom. *Destringer*  
*centumviralibus causis.* H. — Perperam.

Alibi in partem contrariam peccatum.  
 Vide Dukerum ad Flor. II, 2, 17,  
 eundemque et Drakenb. ad Liv. VIII,  
 7, 20. *Dstringi* est impediri, *destringi*  
 nudari. S. — *Parvae et exiles. Raro.*  
 Rom. *Parvae et ex illis raro.* H.

2 rum claritate, vel negotii magnitudine insignis. Ad hoc, perpauci, cum quibus iuvat dicere: caeteri audaces, atque etiam magna ex parte adolescentuli obscuro ad declamandum huc transeunt, tam irreverenter et temere, ut mihi Attilius noster expresse dixisse videatur, sic in foro pueros a centumviralibus causis auspicari, ut ab Homero in scholis: nam hic quoque, ut illic, primum coepit esse, quod maximum  
3 est. At hercule, ante memoriam meam, (ita maiores natu solent dicere) ne nobilissimis quidem adolescentibus locus erat, nisi aliquo consulari producente;

2. *Ad hoc, perpauci, cum quibus iuvat dicere.* Rom. *Ad hoc pauci, quibus cum iuvat dicere.* II. — *Iuvat* a Secundi manu profectum esse, nemo non intelligit. Vel ex hoc exemplo discas, quantum librarii in talibus licere sibi putaverint. Cf. Medicei codicis lectionem infra ep. 46, 4. S. — *Ad declamandum.* Persuaserat auctoritas I. F. Gronovii, summis viri meritis quaesita, aliis, ut a declamando mallent legere contra omnes Codices, quia ille cum putabat sensum, a declamationibus et schola statim ad centumvirales causas transire invenes, non ante in minoribus virium facere experimenta. Sed iam vidi Cortius, acumen inesse in Secundi verbis. Ante in scholis et umbra declamabant adolescentes, nunc declamant, hoc est exercent se, et rudimenta dicendi ponunt in excusationum genere, ad quod sibi nisi exercitatos venire ens par fuerat. G. — Rom. *Ad declamandum huc transeunt*, ut plures libri, recte. H. — *Transeunt.* Cortius transierunt, quod non imiter. S. — *Attilius noster.* Rom. *Attilius noster*, non *Attilius*. Illud in lapidibus et nummis est. H. — Vide Duker. ad Flor. I, 20, 4; II, 2, 17. S. — *Ex-*

*presser*; ἐπατιζόμενος, ut rem ipsam luculenter declararet. G.

3. *Ita maiores natu s. d.* Hoc vult: Non diu est, utor enim, vir juvenis adhuc, ea forma, qua uti solent senes, quum tempus non diu praeteritum, et res nuper demum in deterius mutatas indicare volunt. G. — Hic tamen monuit Gierigius, Plinium non juvenem hanc epistolam scripsisse, sed aetate iam profectionem, ut e §. 41 patet; deinde formulam ante memoriam meam senibus non fuisse propriam. Itaque putat a Plinii manu profectum essetante memoriam meam maiores natu ibi dicere (apud Centumviris agere) solebant, et ne nobilissimis, etc. Mihi tota illa parenthesis videtur orta a manu glossatoris, qui verbis ante memoriam meam explicandi gratia eam adscripserat. E. — Neque haec ratio placet, nec Gierigiana. Parenthesis illa non pertinet ad antecedentia, ante memoriam meam, sed ad sequentia, ne nobilissimis quidem, etc. Refert Plinius, quod non ipse viderat, sed a maioribus natu acceperat. Sic et Heusingerus. S. — Rom. a At hercule ante memoriam meam, maiores natu solebant dicere, ne nobilissimis quidem adolescentibus



tanta veneratione pulcherrimum opus colebatur! Nunc, refractis pudoris et reverentiae claustris, omnia patent omnibus; nec inducuntur, sed irrumpunt. Segnuntur auditores actoribus similes, conducti et redempti: manceps convenitur in media basilica, ubi tam palam sportulae, quam in triclinio dantur: ex iudicio in iudicium pari mercede transitur. Inde iam non inurbane *Σοφιστῆς* vocantur: iisdem latinum no-

locus erat. » Recte solebant dicere, sine ita, quo nihil hic opus, quodque ab aliis varie transponitur. » Ante memoriam meam ne nobilissimis quidem adolescentibus locus erat, idque maiores natu me adolescentulo solebant dicere. » In pluribus fuit solebant, idque invito Cortio restituendum. Plinius, quum haec scriberet, iam aetate processerat, propior illis annis, quibus foro renuntiare solebant. II.

4. *Manceps convenitur.* Lectio Codicis Medicei a Cortio prolata. *Manceps* est, qui pretio accepto negotium sibi imponi passus est ab oratore, ut nummis conduceret ei laudatores et plausores. Hic *manceps convenitur in media basilica*. Quum enim IV fere iudicia eodem tempore haberi in basilica Julia solerent (vid. supra I, 19, 3); manceps in medio commodissime fungi potest munere suo, et tum suadere, ut huc vel illuc transeant homines ad suum locatorem scilicet, tum laudis plaususque pretium illis repraesentare. Quin si plurimum forte idem manceps sit, potest eos, qui in uno iudicio operam ipsi dedere, traducere ad alterum. Caeterum de illis laudationibus, quibus actio saepe ipsa interpellaretur, plura Quintil. XI, 3, 124, 126, 131. G. — Rom. *Redempti manceps.* *Convenitur.* Praestat vero hic scriptura Med. *manceps convenitur*. H. — *Vbi tam palam.* Gierigius illud

ubi extrahit, quod ex ingenio Aldi profectum putat, et hic locum habere negat; sed causas mutationis, quas ille adfert, ego quidem intelligere non potui. Sensus idem est, sive illud ubi ciicins, sive serves. Acute et acerbe Plinius basilicam triclinio comparat, ideoque pecuniam, quae a principibus dabatur laudatoris, sportulas appellat, quae proprie ad triclinia pertinebant. Illac in tricliniis dabantur *palam*, aperte, quia mos ita forebat, et poterat honeste fieri: in basilica non item. E. — Laudo Gierigium, quod particulam illam confodit, quum a libris optimis plurimisque exsulet; quam enim ipse causam comminiscitur, eam eam expunxerit, futilis et frivola est. Sensus loci Ernestius commodè explicuit. Caeterum cum Cortio sic interpretandum: » manceps convenitur: in media basilica tam palam sportulae, quam in triclinio dantur. » Tam, quam sunt particulae, non copulandi, ut Gierigio videtur, sed comparandi. Vid. Horat. Tursefin. de Partic. cap. CCLVII, 5. Nohlen. Lexie. Antibarh. col. 1776. S.

5. *Σοφιστῆς.* Ex hoc quidem loco non satis patet, quinam *Σοφιστῆς*, qui *laudatores* dicti sint, oratoresne, qui ad *σπῶς* illud sibi *acclamantium* homines per manceps suos conducerent, et laudes suas coenis redimerent; an plausores, qui *σπῶς* clamarent,

men impositum est, laudicoeni. Et tamen crescit in  
 6 dies foeditas utraque lingua notata. Heri duo nomenclatores mei (habent sane aetatem eorum, qui nuper togas sumpserint) ternis denariis ad laudandum trahebantur: tanti constat, ut sis disertissimus. Hoc pretio quamlibet numerosa subsellia implentur: hoc ingens corona colligitur: hoc infiniti clamores commo-  
 7 ventur, quum *μεσέχορος* dedit signum. Opus est enim signo apud non intelligentes, ne audientes quidem:

*laudibusque ferrent dicentes, ut vocarentur ad eorum.* Posteriores equidem intelligere mallet. Nimirum posterior pars *σοφιστῶν ἀπὸ τοῦ καλῶν* hic derivatur (a quo etiam ipsum *ἄλλος* est), *laudicoeni* autem dicuntur ex alliteratione ad *Laodicenam*, quae *Laodicea* dicebatur, non minus *Laetonia* pro *Laetonia*, etc. Caeterum verba acclamationum collegit Voss. de imitat. p. 41, ubi nempe de recitatione c. 7 sq. G. — Ipsos auditores *σοφισταὶ* dictos esse, iam Cresollus monuit Theatr. Rhet. Lib. III, 5, ubi et acclamationum formulas accurate congegit. E. — Rom. *Inde iam non imbuunt σοφιστῶν ἀπὸ τοῦ σοφῶς καλῶν.* Verbum vocatur deest. Tum: *Iisdem latinum nomen impositum est Laodicenes.* Hoc pro *laudicenes* scriptum et probum esse opinor. Non ad *Laodicenos* alluditur, quod frustra fingitur ab interpretibus: sed ad aliarum vocum exemplum hoc componitur, quales sunt *tibicines*, *fuldicines*, ut mercenarii laudatores et quasi *laudum decuratores* notentur. H.

6. *Heri duo n.* Rom. *Here duo n.* H. — Vide supra ad II, 7, 4, ibique Cortium. S. — *Nomenclatores.* Servos fuisse, qui occurrentium nomina dominis subiicerent, pervulgatum est. Humaniores et litteratos fuisse, ex

hoc ipso illorum officio colligas. Ita fuisse vestitos, ut etiam pro civibus haberi possent ab ignotis, vel ex hoc ipso loco videtur intelligi. Quis enim ferret servum hominem, quem omnes talem sciant, immiscere se togatis etc. Sen. de Clem. I, 24, pr. Quid ad verba parentesi inclusa ita intelligamus: *Habent nomenclatores aetatem eorum oratorum*, ad quos laudandos invitantur, utpote *qui nuper togas sumpserint?* ut ipsi servi nuper togam sumpsisse, hoc est quintum decimum annum aetatis ingressi intelligantur. De hoc tempore sumendae togae Norisium ad Genot. Pisan. II, 4, laudat Cortius. G. — *Togas sumpserint.* Rom. *Togas sumpserunt.* H. — *Sumpserint* Medic. et Brummeri Excerpta. Sed praefero eum Gierigio *sumperunt.* S.

— *Subsellia.* Inserviebant non iudicibus modo, et patronis causarum, sed auditoribus etiam. L. — *Μεσέχορος.* Praeceptor, qui medio in choro constitutus, manu, nutu, voce, tempora et voces moderatur: manceps nimirum in media basilica intentus operis a se conductis. *Χαράβοισιαι καὶ συνεδόντα* hac in re laudat Luc. Rhet. praec. p. 321 m. G. — Rom. *Quam mesochorum dedit signum.* H. — De mesochoro vid. H. Stephan. Ind. in Thesaur. L. Gr. col. 4139, F. G. Reperi hanc vocem

nam plerique non audiunt, nec ulli magis laudant. Si quando transibis per basilicam, et voles scire, quomodo quisque dicat, nihil est quod tribunal ascendas; nihil, quod praebeas aurem: facilis divinatio: scito, cum pessime dicere, qui laudabitur maxime. Primus hunc audiendi morem induxit Largius Licinius: hactenus tamen, ut auditores corrogaret; ita certe ex Quintiliano, praeceptore meo, audisse meministi. Narrabat ille: « Adsectabar Domitium Afrum, 10

etiam in Lex. Latinogr. Vet. ab H. Stephano edito col. 436. §.

7. *Ne audientes quidem.* Ita et Rom. H.—Mediceus, perpetua confusione, nec audientes quidem, quod h. l. Cortio placet, quum sit pro *et ne audientes quidem*. Sed indignatio scribentis copulam melius negligit. §.

8. *Nihil est, quod, etc.* Rom. *Nihil est, quod tribunal ascendas, nihil, quod tu praebeas aurem.* H.—*Tribunal ascendas.* Locum gradu uno alteroque elevationem, in quo sella praetoris, ac subsellia iudicum, proscenium quasi forensis illius theatri, in quo auctores ipsi versantur. G. — *Qui laudabitur maxime.* Rom. *Qui laudatur maxime.* H.

9. *Largius Licinius.* Ventosum hominem, et famam pecunia emere conantem, intelligas ex III, 5, 47, ubi Plinii maioris Electa emere cupit. G. — Vid. ad III, 5, 47. S.—*Quintiliano.* Vid. Institutiones Oratt. V, 7, 7, et VI, 3, 42. G. — Rom. *Ita certe Quintiliano praeceptore meo audire meministi.* Bene *audire*, praepositionem ex vero cum caeteris retineo. H. — Agrostius de Orthograph. col. 2268 Putsch. « *Memini me facere dicere debemus, non, Memine me fecisse,* » praeteriti usum solis poetis ob metri necessitatem concedens. Fallitur: nam et prae scriptores, quamquam ra-

rius, praeterito utuntur. Vid. Sanct. Min. I, 44, T. I, p. 131 ed. Lips. Nollen. Lex. Antibarb. col. 4569, Clav. Ciccr. v. *Memini*. Hic tamen Heusingero haud invitus accedo. §.

10. *Domitium Afrum.* Quem senem Quintilianus coluit, et cuius idem saepe cum multo honore meministi, summus erat illius aetatis orator. Sed in extrema senectute quotidie aliquid de auctoritate sua perdebat, quia deficere malebat, quam desinere. I. — *Actionis.* Actio nunc est pronuntiatio. *Graviter* autem pronuntiat, qui voce verbis vim addit. Hoc qui facit, is etiam lente dicit. L. — *Adsectabar,* etc. Totum h. l. emendatiorem habet Rom. quam vulgo. « *Adsectabar Domitium Afrum apud centumviro agentem graviter et lente:* hoc illi actionis genus erat: quum auditi e proximo immodicum insolitumque clamorem. Admiratus reticuit: ubi silentium factum est, repetit, quod abruperat: iterum clamor, iterum reticuit, et post silentium coepit: idem tertio. Novissime, quis diceret, quæsit: responsum est, Licinius. Tunc intermissa causa, centumviri, inquit hoc artificium perit. » In his probandum est primo *agentem apud centumviro.* Nam verbum *diceret* in plerisque deesse constat, in Medic. et illud et *agentem* quissimum. Sed ex

- «quum apud centumviros diceret graviter et lente  
 «(hoc enim illi actionis genus erat); audiit ex proximo  
 «immodicum insolitumque clamorem: admiratus re-  
 «ticuit: ubi silentium factum est, repetiit quod abru-  
 «perat: iterum clamor; iterum reticuit; et post si-  
 41 «lentium, coepit idem tertio. Novissime, quis diceret,  
 «quaesivit: responsum est, Licinius. Tum intermissa  
 «caussa: *Centumviri*, inquit, *hoc artificium periiit.*»  
 42 Quod alioqui perire incipiebat, quum periisse Afro  
 videretur; nunc vero prope funditus extinctum et  
 eversum est. Pudet referre, quae, quam fracta pron-  
 untiatione dicantur; quibus, quam teneris clamoribus

*agentem*, quod compendio scriptum fuit, factum est *quum*, et hinc deinde aliud verbum *diceret* adiectum. Male itaque Cortius, *quam* servato, *diocret* expunxit. Tum et *enim* in parenthesi eleganter excluditur, idque alibi probat ipse Cortius ad lib. I, ep. 12, 7, et omittit etiam Rom. lib. I, epist. 5, 40. Recte quoque inciditur in his: *et post silentium coepit: idem tertio*, subaudi fecit, ut reticeret, et post silentium rursus inciperet. Postremum *tunc*, pro *tum* librario relinquo. H.— Cur librario relinquendum censuerit Heusingerus, docet Hor. Tursel. de Partie. e. CCLXX init. Plurima confusionis harum particularum exempla congescit Drak. ad Liv. II, 12, § 15. S.

41. *Hoc artificium periiit.* Licinius efficere potest, ut sibi plaudatur, frustra est, ut aliquis bonis dicendi artibus ad gloriam et famam contendat. Est indignatio similis illi Martialis IX, 75: «Scinde leves calamos, et frange Thalia libellos, si dare auctori calceus ista potest.» Sic virorum fortitudinem periisse dicebant nuper post inventas bombardas. G.

42. *Quod alioqui.* Locus, ut nunc

legitur, haud dubie corruptus, cui medela quaerenda est. E. — Sic et olim Barthio, et nuper Gierigio visum fuit. Sine caussa. Interpretare: Caeterum hoc perire incipiebat, etc. S.

— *Fracta pronuntiatione.* Molli et effeminata, vel puerili. Huc pertinent etiam teneri clamores, ut intelligamus plausores pueros. G. — *Fracta pronuntiatione*, hoc est effeminata, molli, et scenica, quae gravi, virili, et dignitatis plenae opposita est. Ad eam teneri quoque clamores pertinent, quos mox cantica dicit ob modulationem illam, quae mollietis sua proximè ad cantum accedit. Nempe *cantare* proprium erat histrionum: omois autem modulatio scenica in oratore vitiosa haberi solebat. Itaque Quintil. XI, 4, 56: «*Cantare simpliciter dicuntur*, qui in illo modulationis genere modum excedunt;» et cap. III, 57, *vitium cantandi*, et *modulatio scenica*, synonymice commemorantur. E. — Fallitur cum Gierigio Ernestius, clamores illos cum enticis confundens. Immo clamores (mox ululatus) sunt auditorum, cantica oratorum. S.

excipiantur. Plausus tantum, ac potius sola cymbala, <sup>43</sup> et tympana illis canticis desunt: ululatus quidem (neque enim alio vocabulo potest exprimi theatri quoque indecora laudatio) large supersunt. Nos tamen <sup>44</sup> adhuc et utilitas amicorum, et ratio aetatis moratur ac retinet. Veremur enim, ne forte non has indignitates reliquisse, sed laborem refugisse videamur. Sumus tamen solito rariores: quod initium est gradatim desinendi. Vale.

43. *Plausus tantum*. Proprie dictus, qui fit complois manibus. Sed ne hunc quidem plane abesse, indicat illud *ac potius*, quod in optimis libris invenit Cortius, male ab aliis omissum. G. — Confert illos laudantium indecoros strepitus, a quibus verus plausus abesset, clangoribus *cymbalorum* et *tympanorum*, quae effeminatorum Deae Phrygiae sacerdotum, Bacchantiumque mulierum instrumenta erant. Cf. Quintil. V, 43, 47, ubi *tympana* eloquentiae, hoc est, molles et inertes declamationes, *armis*, hoc est virili, gravi, robustaeque eloquentiae opponit. E. — Huc spectat etiam *ululatus*, Graecorum *ὀλολυγή*, s. *ὀλολυγμός*: quae voces item ad sacerorum caerimonias pertinent. Vid.

Spanh. ad Callimach. p. 544 sqq. S. — *Illis canticis*. Quintil. II, 3, 57: « Quodcumque vitium magis tulerim, quam quo nunc maxime laboratus in crassis omnibus, scholisque, cantandi: quod inutilius sit, an foedius nescio. Quid enim minus oratori convenit, quam modulatio scenica, et nonnunquam ebriorum aut commissantium licentiae similis? » G.

44. *Ratio aetatis*. Quae nondum tribuit vacationem talium officiorum. Vid. III, 4, 40 sqq. G.

— *Sed Laborem refugisse videamur*. Rom. *Sed laborem fugisse videamur*. H. — *Has indignitates reliq.* Indignitas est dictum, aut factum, quod non decet. L.

## XV.

*Quomodo veteres, et novi cœm̄ti agri placeant, interrogat.*

C. PLINIVS VALERIANO SVO S.

Quo modo te veteres Marsi tui? quo modo emtio nova? Placent agri, postquam tui facti sunt? Rarum id quidem! Nihil enim aeque gratum est adeptis, quam concupiscentibus. Me praedia materna parum commode tractant: delectant tamen, ut materna: alioqui longa patientia obcallui. Habent hunc finem assiduae querelae, quod queri pudet. Vale.

XV. 1. *Veteres Marsi*, praedium in Marsis. — *Rarum id quidem*. Rom. *Parum id quidem*, perperam. H.

— *Aeque . . . quam*. Non est Tullianum. Locis in Horat. Tursell. cap. XIV laudatis accedat hic Secundi. S.

2. *Parum commode tractant*. In hac verborum brevitate sufficit suspicari,

in praediis illis sterilitatem, vel calamitatem aliquam, aliaque incommoda agriculturae accidisse, quae Plinium male haberent. E. — *Alioqui*. Cortius ac Gierigius et *alioquin*. Haud displicet: nec tamen Schwarzio ad Plin. Paneg. p. 554, ita assentior, ut copulam abesse non posse putem. S.

## XVI.

*Monenti, ut codicillos Aciliani irritos faciat, non confirmatos testamento, respondet, voluntatem legantis sibi pro lege esse. Observa in hac epistola quum honestum et constantem auctoris animum, qui nullo lucro ab honestatis lege detorqueri potest, tum sermonem verum animi indigna reprobantis et respicientis. L.*

G. PLINIVS ANNIANO • SYO S.

**T**u quidem pro caetera tua diligentia admones me, codicillos Aciliani, qui me ex parte instituit heredem, pro non scriptis habendos, quia non sint confirmati testamento: quod ius ne mihi quidem ignotum est,<sup>1</sup> quum sit iis etiam notum, qui nihil aliud sciunt. Sed ego propriam quamdam legem mihi dixi, ut defunctorum voluntates, etiamsi iure deficerent, quasi perfectas tuerer. Constat autem, codicillos istos Aciliani manu scriptos. Licet ergo non sint confirmati testamento, a me tamen, ut confirmati, observa-

XVI. \* *Anniano*. In monumentis Brixianorum occurrit *C. Lucretius Annianus*. L.

4. *Pro cetera tua diligentia*. VI III, 8, 1: *Facis pro cetera reverentia*. G. — *Cetera*. Vossiani libri certa natum ex solemoni harum vocum confusione, cuius exempla pete ex Livio I, 8, 2, in primisque ex nota Drak. ad XXXIV, 36, 4. S. — *Codicillos Aciliani*. Rom. *Codicillos Atiliani*. Sic etiam postea n. 2. H. — *Quia non sint confirmati*. Rom. *Quia non sunt confirmati*. H. — Sic etiam codex Medic. Perperam. Vide supra ad ep. 11, 2. S.

2. *Qui nihil aliud sciunt*. Qui plane

alioqui iuris imperiti sunt, si non ignorant, codicillos, testamento quidem anteriores, testamento non confirmatos, pro non scriptis habendos. G.

— *Sed ego propriam quamdam legem*. Rom. *Sed ego proximam quamdam legem*. H. — Ita et Medic. Frustra. Quintil. VII, 8, p. 646 Burn. An, quoties propria lex non est, simili sit utendum. S. — *Etiamsi iure deficerent*. Sic et Rom. H. — Cortius cum Gierigio: *etiamsi iure deficerentur*. Similis confusio in Caesare B. G. VIII, 3, 2, ubi cf. Viros doctos. Vide infra ad ep. 17, 25. S.

4 buntur: praesertim quum delatori locus non sit. Nam si verendum esset, ne, quod ego dedissem, populus eriperet, cunctatior fortasse et cautior esse deberem: quum vero liceat heredi donare, quod in hereditate subsedit; nihil est, quod obstat illi meae legi, cui publicae leges non repugnant. Vale.

3. *Delatori*. Qui caussari queat, legatum illud publico inferendum, tantum caducum, ut adeo, tacente etiam Plinio et codicillos non improhante, tamen legatum ad illos non perveniat, quibus testator destinarat. *G.*

4. *Cunctatior fortasse et cautior*. Rom. *Cunctatior fortune et cautior*. Alterum *cunctatior*, an Latinum sit, dubito. L. VIII, ep. 43, 6. *Erat enim cunctatior cautiorque*. Aliud est *testatior moderatior* et similia, quae a deponentibus ducta passivam significationem habent, non activam, ut *cun-*

*ctatior*, pro quo *cunctantior* facile admitto. *H.* — Lucretius III, 493, (mellis) *cunctantior actus*, ut Wakefield scripsit: vulg. *cunctantior*. Sic alibi *cunctatius* et *cunctantius* confusa. Vid. Burmann. ad Sueton. Iul. Caes. cap. XIX, pag. 42. *S.*

— *In hereditate subsedit*. Recte ista interpretantur ex nostro IV, 42, 2, et l. 76, π, §. 4, ad Leg. Falcid. Nimirum *subsedit*, quidquid apud heredem remanet, quum ex testamento tribuendum alii fuisset. *G.* — Similiter fere occur. IV, ep. 42, 2.

## XVII.

### *Descriptio villae Laurentinae.*

C. PLINIUS GALLO SVO S.

Miraris, cur me Laurentinum, vel, si ita mavis, Laurens meum tantopere delectet. Desines mirari,

XVII. Ad hanc epistolam, itemque ad alteram V, 6, ubi Tuscos suos describit Plinius, in univsum praefandum aliquid hic videtur, ne cui forte in magnae cuiusdam negligentiae suspicionem veniamus, et parum usi temporum felicitate ad declarandum scriptorem elegantissimum videamur.

Edidit I. F. Felibienus descriptionem utriusque villae architectonicam, in qua verba Plinii Latine Galliceque proposita tum animadversionibus quibusdam, tum praesertim formis aeri incisus explicare studeret. (*Les plans et description de deux des plus belles maisons de campagne de Pline le con-*



quum cognoveris gratiam villae, opportunitatem loci,

*ad*, tum alias, tum *Lond.* 1707, 12, apud *Dan. Mortier*.) Laudandum studium viri, et elegantia ingeniosa; sed cui non respondit eventus, qui antiquitatis amantes iuvare possit. Ille enim plerorumque gentis suae interpretum morem secutus, non hoc egisse videtur, ut, quales villae Secundi fuerint, ipsius opera intelligeremus; sed ut ostenderet, quomodo aliquis aedificare villam possit, quae quidem hodiernis eruditisque Gallorum ingeniis placeat, in qua idem circiter numeris membrorum sit, qui in Laurentino, vel in Tuscis. Quoties igitur commode potuit situs et connexio membrorum indicata Plinio servari, id factum est: ceterum pluribus in locis aperte contradicendum domino. Non multo, ad antiquitatis quidem lucem, felicius fuit longe splendidioris licet, et pro magnificentia et copiis Britanniae elaborati operis auctor Robertus Castellus, qui villas veterum dedit patrio sermone illustratas (*the villas of the Ancients illustrated*, *Lond.* 1728, f. Alph. 4, pl. 12, ch. max. quales ad Geographicas chartas adhiberi solet, cum XI eius modi imaginibus aeri incis). Huic facile fuit scilicet inventis Felibenii addere quaedam, quibus vel propius ad Plinii mentem accederet, vel magnificentiam operum a se designatorum auget. Quod si caecus antiquitatis amor me teneret, arriperem illud opus, et magnitudinem Romanam apud parum cautos inde augerem. Verum non est candoris nostri dissimulare, nimis multa et hic esse a mente Plinii ita aliena, ut, si quis Deus illum ab inferis excitatum in talem villam immitteret, vel formam certe Castellianam ostenderet, viden-

tur ille quidem probaturus magno opere vel opus, vel formam operis, forte etiam his, quae unquam vidisset in illo genere, praelaturus: ceterum suum Laurens, suos Tuscos minime ibi deprehensurum existimo, sed admiraturum non minus, quam lecto Platonis dialogo admiratum ferunt Socratem, et eos referri sermones suos, de quibus in mentem nunquam sibi venisset (vide Diogenem Laërtium, III, 35). Non esset difficile per singula ire, et ostendere, quibus in locis Plinium relinquit nunc Felibeni, nunc Castellus, plerumque uterque: posset etiam speciminibus quibusdam declarari, quam parum uterque scriptor linguam ipsam et sermonem Plinii intelligat: sed quum hoc exiguum utilitatem habeat, prioris autem generis censura nisi comparatis libris et tabulis auctorum intelligi commode non possit; id quod oppido paucorum esse sentio: satis fuerit ad ea provocare, quae de hoc genere tum in actis eruditorum Lips. an. 1734, pag. 111, tum ad ornithonem Varronis de Re Rust. III, 5, 9, sq. disputata nobis sunt. — Multo laetiora Secundo nostro et antiquitatis amatoribus expectare iubebat (et forte nec dum plane spes illa decolavit) lo. Maria Lancisius in physiologieis animadversionibus in Plinianam villam nuper in Laurentino detectam, editis primum Rom. 1714, f. recusis deinde tom II opp. pag. 335 sqq. ubi quum de novis a mari aggregationibus et plantis ibi suborientibus agat, haec etiam habet § 6, pag. 338 sq. » Ne cui vero suspicio forte oboriatur, villae Plinianae, an alterius sint aedium reliquiae; quas istic paullo ante detectas et lapide quadrato,

## 2 litoris spatium. Decem et septem millibus passuum

3. reticulato, ut aiunt, opere structas cernimus; ipsa certe loci distantia ab eodem Plinio indicata quum ab urbe, tum ab Ostiensi colonia, atque a proximo vico, quem *Piastra* hodie appellant, ac praesertim trium atriorum, totidemque porticum et arearum, nec non duarum turrium ad propugnaculum villae, cubiculorum item numerus adpectusque, omnem plane dubitationem abstergunt. Tuum itaque erit, vir Nobilissime, (adloquitur Marcellum Sacchetum Hierosolymitani Ordinis apud Clemen. XI P. M. Oratorem), ut ad eius rei fidem, quippe qui Architecturae per te ipsam peritissimus haberis, Ichnographiam, et prae cunctis interiorum tam per longitudinem, quam per latitudinem eiusdem aedificii formam cum pavimenti opere plerisque locis masivo, et Nuvidico aut Alexandrino marmore stratis, parietibusque vario crustarum genere distinctis atque ornatis, quam citissime delineandam suscipias, aerique incisam publici iuris facias. Ita enim quam villam e tenebris, in quibus tam diu sepulta iacebat, eruisti, in sempiternam hominum lucem tanquam priscoe munditiae pariter, ac frugalitatis imaginem, editis tabulis proferes. Quid? quod magni ad honorem nostrum, qui Romani sumus, interesse videtur, Plinium in urbe Consulem ab omni mendacii nota vindicare; ut nimirum vera et facta, non ficta et fabulis similia literis mandasse putetur. a — Hanc si descriptionem habereamus; facile carerent, Philologi quidem, Felibeni Castelliue elegantiss, easque hodiernae architecturae studiosis lubentes permitterent: vel potius tum Castelli opem implorarent, ut ex veris

Laurentini vestigiis aliquid exciret non dignum modo Consule, sed ad antiquitatis rationem accommodatum; vide Fab. Insc. antt. p. 732, de situ villae Laurentinae contra Holsten. Ista dum scribo, perfertur ad me titulus libri Gallici, *Délices de la maison de Tuscan, et de la maison de Laurentin, par Porfait*, 42. Pertinet ille haud dubie ad villas Plinii: sed utrum habeat aliquid a Felibeni Castelliue inventis diversum, arbitrari non licet: vid. ad V. 6, t. Adriani Caesaris villam in Tiburtino per molium et substructionum reliquias diligenter persecutus est Franc. Continus: quod opus conferre cum nostro operae pretium videtur. Editum Rom. 1658, ch. max. G. — His, qui utramque villam Plinianam explicationibus architectonicis, et tabulis aeri incisio demonstrare conati sunt, accessit F. A. Crubsacius, Dresdensis, cuius liber (*Wahrscheinlicher Entwurf von des jüngern Plinius Laulhouse und Garten, Laurens genannt*) prodit Lips. 1760. Recentissimus liber utramque Plinii villam accuratissime explanans editus est Romae a. 1796, hoc titulo: *Delle ville di Plinio il giovane, opera di D. Pietro Manuzi Massicciano con un' appendice su gli Atz della S. Scrittura, e gli Scamilli impari di Vitruvio*. Add. *Ueber den Ursprung des englischen Parks, nebst einer Vergleichung eines alten römischen Parks des jüngern Plinius in Tuzien und zu Laurentium; im 42. St. des Deutschen Ostgärtners*, 1791, 2. Abtheilung. Weimar. E. — vertit hanc epistolam germanice et interpretatus est Aug. Rode in vernacula Vitruvii versione Tom. II, pag. 46 sqq. S.

ab urbe secessit: ut peractis, quae agenda fuerint, salvo iam et composito die, possis ibi manere. Aditur non una via: nam et Laurentina et Ostiensis eodem ferunt, sed Laurentina a quartodecimo lapide, Ostiensis ab undecimo relinquenda est. Vtrinque excipit iter aliqua ex parte arenosum, iunctis paullo gravius et longius, equo breve et molle. Varia hinc atque inde facies; nam modo occurrentibus silvis via coarctatur, modo latissimis pratis diffunditur et patescit: multi greges ovium, multa ibi equorum bouinque armenta: quae montibus hieme depulsa, herbis et tepore verno nitescent. Villa usibus capax, non sumptuosa tutela.

2. *Salvo iam . . . die.* Sicut perit dies, quo nihil actum est honesti negotii, quo vel ipsi meliores facti sumus, vel alii: ita *salvus* est dies, quo functi sumus officio etc. Idem *compositus* est, hoc est, ordinatus, in sua officia distributus, et rebus agendis adhibitus, ut, quod superest, curando corpori dare vir gravis, nemine improbante, possit. *G.*

— *Iunctis paullo gravius.* Ita legendum pro iumentis auctoritate optimorum librorum. Nimirum *iunctis* sunt animalia ad currum adiuncta. Vid. Scheffer de re vehic. I, 42, pag. 144, et II, 47, pag. 258. His propter rotarum attritum iter paullo procedit difficilius. *G.* — *Etsi in multis est iter aliqua ex parte arenosum, iunctis paullo gravius et longius, equo breve et molle:* praefero tamen id, quod quum in aliis, tum in Rom. est *iumentis paullo gravius.* Nam *iumenta* sunt muli, asini, a *supino iunctum*, ut *indumenta* ab *indutum*. Mulos enim plerumque vehiculis iungebant, quibus in itinere utebantur. His *equus* opponitur. *H.*

3. *Occurrentibus.* Forte leg. *concur-*

*rentibus.* *G.* — Immo illud melius de silvis viam attingentibus. Solet haec omnia *procurramus* dicere in utraque epistola. *E.*

— *Latissimis pratis.* Sic et Rom. II. — Hoc cur notaverit Hensingerus, causam non exprobo. Vulgata quidem optime habet: ne forte *lactissimis* corrigas; quamquam haud infrequens harum vocum confusio. Vid. Cort. ad n. 42, huius epistolae et Drakenb. ad Liv. VI, 1, § 3. *S.*

— *Depulsa.* Id est montium obiectu esclusa. *G.* — Fallitur Gesnerus. *Hieme depulsa* (de) montibus, id est, ubi ver montibus, pascuis montanis rediit. Mox sequitur: *tepure verno.* *S.* — *Nitescent.* Quod salubritatis indicium est. Vid. ad illud Caton. R. R. I, 2: « Vicini quo pacto niteant: in bona regione bene nitere oportebit. » *G.*

4. *Non sumptuosa tutela.* Nam eodem Catone indice I, 6, « idem ager quod homo, quamvis quæstuosus siet, si sumptuosus erit, relinquitur non multum. » *Tutela* hic speciatim ad *varta tecta* aedificii et villae pertinet. Alias latius patet. Sic Colum. VII, 1, 2: *Tutela exiguæ animal asinus,*

Cuius in prima parte atrium frugi, nec tamen sordidum: deinde porticus in D literae similitudine circumactae: quibus parvula, sed festiva, area includitur. Egregium hae adversum tempestates receptaculum; nam specularibus, ac multo magis imminentibus tectis<sup>5</sup> muniuntur. Est contra medias cavaedium hilare: mox triclinium satis pulchrum, quod in litus excurrit: ac si quando Africo mare impulsus est, fractis iam et novissimis fluctibus leviter adluitur. Vndique valvas,

inquem scilicet non multum sit curae, vel cibi impendendum. *Turri* eo, quo hic opus, intellectu posuit Noster Paneg. LI, 4. Varr. I, 14, de Re Rust. G.

*In D literae similitudine.* Sic optimi libri apud Cortium. O, quam praeferunt editi, et sequuntur Felibienus atque Castellus, ex ea etiam ratione, nec iniuria puto, reiecit Cortius, quod non opus habeat Plinius, si hanc voluit, ad litteram confugere, sed *circulum, orbem* nominare potuit. Ex eadem etiam ratione Δ, seu delta vocare opus non fuit, quam trianguli aequilateri appellatio sit familiaris adeo. Forma D apta ad porticus quam quae maxime, quod vel theatra loquuntur, quorum eadem figura est. Aliam litteram non habent Latini, quae huc conveniat; quam *aream includere porticus* dicantur. — Rom. *deinde porticus in Δ literae similitudinem circumactae.* Verius est in *D. literae.* H. — O Praetulit Rodius. *Similitudinem* praestat: sicque ediderunt Cortius et Glerigius, editurus erat Ernestius. *Similitudine* e Cellariana in Gesnerianam propagatum, parum certa videtur auctoritate nisi. *Sens.*

— *Egregium hae, etc.* Rom. *Egregium adversum tempestates receptaculum,*

sine hae, quod non desidero. H. — Sic et Cortius. Placet. S. — *Specularibus.* Crustis, s. laminis a speculari lapide, de quo Plin. XXXVI, 22, s. 45. Martial. VIII, 14: *Hibernis obvicta notis specularia puro Admittunt soles et sine fovee diem.* G.

— *Rodius fenestras vitro obductas* interpretatur: dubito an recte. Latantius quidem Cortio laudatus specularem lapidem vitro opponit. S.

5. *Cavaedium hilare.* Id est lucidum Lucian. de domo pr. οἶκος vocat *παρόπτρον*. G. — Alii iucundum, amoenum explicant: alii, quia sub dio fuerit, *hilare* dictum statuunt. Quod ex his Plinius cogitaverit, incertum. E. — *Fractis iam et novissimis fluctibus.* Ita et Rom. H. — Cortius ex Mediceo, *fractis simul, et novissimis fluctibus.* Temere. Vid. infra 13. *Sens.*

— *Vndique valvas, aut fenestras.* Rom. *Vndique valvas, atque fenestras,* perperam. H. — *Fenestras non minores valvis.* Fenestras esse ipsa foramina et hiatus, quo continuus paries disjungitur, notum est: valvas autem suspensas e cardinibus tabulas binas, quae intus veluti fenestram aperiant, effliciantque adeo fenestram valvatam. *Fenestras non minores valvis* itaque interpretetur vel simpliciter foramina

aut fenestras non minores valvis habet: atque ita a lateribus et a fronte quasi tria maria prospectat: a tergo cavaedium, porticum, aream; porticum rursus, mox atrium, silvas, et longinquos respicit montes. Huius a laeva retractius paullo cubiculum est amplum; deinde aliud minus, quod altera fenestra admittit orientem, occidentem altera retinet; haec et subiacens mare longius quidem, sed securius intuetur. Huius cubiculi et triclinii illius obiectu includitur<sup>7</sup> angulus, qui purissimum solem continet et accendit: hoc hibernaculum, hoc etiam gymnasium meorum est. Ibi omnes silent venti, exceptis qui nubilum inducunt, et serenum ante, quam usum loci, eripiunt. Adnectitur angulo cubiculum in apside curvatum,<sup>8</sup> quod ambitum solis fenestris omnibus sequitur. Pa-

aeque magna atque ea sunt, quae valvis alias muniri solent; vel foramina specularem lapide munita. Etiam deinde §. 20, *valvae* et *fenestrae* distinguuntur. *Fenestrae* itaque videntur oppositae locis, unde neque ventus neque vapor metueretur; valvae his, ubi excludendi essent. Interim *fenestras* etiam simpliciter dici, quae tamen aperiri, vel claudi possunt, apparet ex §. 22. Itaque possint etiam simpliciter *fenestrae* intelligi, quae lucis admittendae causa factae sunt, *valvae*, *fores*, s. ianuae, quae ad pavimentum usque descendunt. G. — *Atque ita a lateribus*, etc. Romi. *Atque ita a lateribus a fronte quasi maria prospectat*. H. — *A tergo cavaedium*. Eodem ordine quasi retrogreditur, quo ingressus fuerat, quod imaginandi facultatem iuvat. G.

6. *Occidentem. . . retinet*. Sol ex eo videri potest, donec plane occiderit. G. — Verba sumpta ab homine, qui admittit hospitem, simul ac advenit,

et discedere volentem retinet, quamdiu potest. L. — *Haec et subiacens*, etc. Romi. *Haec mare et subiacens longius*. Intelligo mare et quidem *subiacens*. H. — Scio, Latinos copulans, ad Graecorum morem, sic adhibuisse: sed hanc rationem hic quidem vix probaverim. S.

— *Longius quidem*. Magis e longinquo, quia retractius est quam contiguum triclinium. G. — *Securius*. Nam ne novissimi quidem fluctus alluunt. S.

7. *Huius . . . obiectu*. Romi. *Huius et illius obiectu*. Vulgata lectio ex glossa auctior est. H. — [Et quidem sic aucta, ut glossator mentem Secundi parum cepisse videatur. *Huius, illius*, opinor, ad duo cubacula pertinent, de quibus §. 6. S. — *Coniunct et accendit*. Speculi concavi instar excipit radios solis et reflexione mutua dissipari non patitur, sed in unum locum cogit. G.

8. *In apside curvatum*. De *lornice*

rieti eius in bibliothecae speciem armarium insertum  
 9 est, quod non legendos libros, sed lectitandos capit.  
 Adhaeret dormitorium membrum, transitu interia-  
 cente, qui suspensus et tabulatus, conceptum vapore m  
 salubri temperamento huc illucque digerit et mini-  
 strat. Reliqua pars lateris huius servorum liberto-  
 rumque usibus detinetur, plerisque tam mundis, ut  
 10 accipere hospites possint. Ex alio latere cubiculum

pro lacunari imposito non ita loquus  
 tus esset Plinius. Quin res ipsa loqui-  
 tur, parietem unum cubiculi non recta  
 linea procurrisse, sed segmentum cir-  
 culi effecisse instar *apsidis* (*abuida*  
 mavult Gronovius) hoc est, canthi in  
 rota, ut eo pluribus caeli partibus  
 suam cuique fenestram eo commodius  
 obverteret. Media v. g. illius lateria  
 fenestra in ipsam meridiem fuit di-  
 recta, sinistima orientem solem ex-  
 cepit, dextima occidentem, interie-  
 ctas autem plagas, sive horas inter-  
 mediae. G. — Rom. In *abuida curva-  
 tum*. H. — *Apsis* iure praefert Heus-  
 ingerus in Observ. Antib. pag. 326 sq.  
 Scns.

— *Lectitandos*. Adeoque praestan-  
 tissimos. E. — Armarium pancorum  
 capax liberorum significatur. S.

9. *Adhaeret dormitorium, etc.* Rom.  
*Adhaeret dormitorium membrum et*  
*transitu interiacente, quod suspensum*  
*et tabulatum*. H. — *Suspensus et tabu-*  
*latus*. *Suspensus* transitus ab uno mem-  
 bro domus ad alteram pontis instar  
 porrectus, ut solum, nisi columellis  
 forte et pilis subiectis, non contingat.  
 Hunc vocis eius intellectum tum ad  
 Fabrum, tum alios satis illustratum  
 dedimus. *Tabulatus* porro fuit, hoc  
 est, ligneus, qui proinde conciperet  
 facile vaporem, quem deinde, prout  
 facto opus esset, in alterutrum mem-  
 brum admittere, vel excludere inde

facile erat G. — *Tabulatus* corrigere  
 volebat Ernestius. « *Tabulatus*, inquit,  
 hoc est, tubulis constans. Ita non du-  
 bitavi reponere cum Gierigio, qui ex  
 auctoritate lae. Sirmondi et Scheffleri  
 (Codd. Riccard. et Oxon. *subulatus*,  
 alii *sullatus* habent, quae ex *tabulatus*  
 facili errore fieri poterant), illud edi-  
 dit, motus maxime his verbis Seuecae  
 epist. 90: « Quaedam nostra detinuit  
 memoria prodissae scimus, ut specu-  
 larium usum, perlucante testa,  
 clarum transmittentium lumen; ut  
 suspensas balnearum, et impressos  
 parietibus tubos, per quos circum-  
 fundetur calor, qui ima simul et  
 summa foveret aequaliter. » Itaque  
 intelligitur genus hypocausti *suspensi*,  
 hoc est, erecti et fornicati. Inde pro-  
 dibant *tabuli*, qui conceptum in hy-  
 pocausto vaporem, s. calorem huc et  
 illuc deducebant, ut *salubre* inde *tem-*  
*peramentum* nrireretur. Haec Gierigius,  
 qui confert V. epist. 6, 24, et *ἱπ-  
 πῶν διασπορὰν, calidum transitum*;  
 Lucian. Hipp. Tom. VII, p. 299 Bi-  
 pont. — *Transitus tabulatus* Gesnero,  
 qui ita ediderat, est ligneus, qui pro-  
 inde conciperet facile vaporem, quem  
 deinde, prouti opus esset, in alteru-  
 trum membrum admittere, vel ex-  
 cludere inde facile erat. » Vulgatum  
 sequitur Rodius. S. — *Plerisque tam*  
*mundis*. Synesi consueti intelliguntur  
 aut *reliqua parte* cubicula, vel mem-

est politissimum; deinde vel cubiculum grande, vel modica coenatio, quae plurimo sole, plurimo mari lucret. Post hanc cubiculum cum procoetone, altitudine aestivum, munimentis hibernum: est enim subductum omnibus ventis. Huic cubiculo aliud, et procoeton, communi pariete iunguntur. Inde balinei cella frigida spatiosa et effusa, cuius in contrariis parietibus duo baptisteria, velut eiecta, sinuantur, abunde capacia, si innare in proximo cogites. Adiacet unctorium, hypocaustum; adiacet propnigeon balinei: mox duae cellae, magis elegantes, quam sumptuosae. Cohæret

bra, quorum ita pleraque sunt munda et libera sordibus, ut nec pudor sit, hospitem in his collocare. *G.* — Miro lapsu Cortius plerisque cum visibus iungit. Immo est neutrum. Interpretare: *pleraque tamen tam munda sunt, ut*, etc. *S.*

10. *Vel cubiculum grande.* Modus huius membri is est, ut vel pro cubiculo grandi haberi possit, vel pro modico triclinio. *G.* — *Mari lucret.* Non puto a mari splendere; sed ob id ipsum, quia mari opposita est, non interceptis radiis, nec impedito prospectu, illustrem esse hanc coenationem. Non ignoro tamen ἡλιὰ μακρὰ πένον, et ipsum marmor apud poetas celebrari: nec absorberi radios omnes, sed multos, ut a speculo, reflecti. *G.* — *Rom. Quae sole plurimo mare lucret.* *H.* — *Suspireris*, in libris nonnullis fuisse, *quae sole plurimo, plurimo mari lucret.* *S.*

— *Altitudine aestivum.* Vtrum hoc vult, altum esse cubiculum ita, ut inter lacunar atque pavimentum spatium multum pateret, quae res liberio-rem respirandi facultatem praebet; an altum intelligit profundum, et cellae instar depressum, quae res et ipsa frigus conciliat? *G.* — Mihi dubium

non est, priorem sensum hoc loco valere. Simplicissima ea est *altitudinis* explicatio, et rei ipsi aptissima. *E.* — *Eadem ratio placuit Rodio.* *S.*

— *Huic cubiculo aliud*, etc. *Rom. Huic aliud* (omisso cubiculo) et προκοητον communi pariete. *H.*

— *Προκοητον* graecis literis scriptum infra etiam §. 23, Romanus liber habet. Ita et Varro R. R. L. II init. p. 254 Gesner. *S.*

11. *Velut eiecta.* Eminentia extra regulam parietis, quae *proiecta* alias vocantur, vel *proiecturae*. *G.*

— *Unctorium, hypocaustum.* Sic incidere visum est. Neque enim in ipso hypocausto, seu caldaria cella mixsis videntur, ut unctorium hypocaustum dici possit; sed in tepidaria, quae ob id ipsum unctorium, vel, ut alii habent, unctorium vocatur. Vide qui de balneis egerunt, v. g. Salmas. ad Vopisei Carinum cap. XVII, qui Luciani praesertim Balneo utitur, tum Fabricii ad Sexti Empir. Hyp. I, 140, p. 30. *G.* — *Rom. Adiacet unctorium ino hypocaustum.* *H.* — Hypocaustum quid sit, accurate docet Heusinger. in Observat. Antib. p. 110 sq. *S.*

— *Cohæret calida piscina mirifice.* *Rom. Cohæret calida piscina mirifi-*

- 42 calida piscina mirifice, ex qua natantes mare adspiciunt. Nec procul sphaeristerium, quod calidissimo soli, inclinato iam die, occurrit. Hinc turris erigitur, sub qua diaetae duae; totidem in ipsa. Praeterea coenatio, quae latissimum mare, longissimum litus, amoenissimas villas prospicit. Est et alia turris: in hac cubiculum, in quo sol nascitur conditurque: lata post apotheca et horreum. Sub hoc triclinium, quod turbati maris non nisi fragorem et sonum patitur, 43 eumque iam languidum ac desinentem; hortum et gestationem videt, qua hortus includitur. Gestatio buxo, aut rore marino, ubi deficit buxus, ambitur: nam buxus, qua parte defenditur tectis, abunde viret; aperto caelo apertoque vento, et, quamquam 45 longinqua, aspergine maris, inarescit. Adiacet gestationi interiore circuitu vinea tenera et umbrosa, nudisque etiam pedibus mollis et cedens. Hortum

ca. H. — Eadem lectio Medicei libri, a Cortio probata. *Mirifice* parum placet. S.

42. *Nec procul sphaeristerium.* Rom. *Nec procul sphaeristerion.* H. *Sphaeristerium*, aedificium variis exercitationibus accommodatum. L. — Probanda terminatio graeca, quam et Helmsstad. tuctur. S.

— *Turris erigitur.* Quum reliqua membra villae una tantum, vel contiguatione, vel fornicatione constant, hic eminet *διόρυξ*; aedificatio, instar papilionum, quibus distinguuntur hodie humiliora membra. Haec turris videtur. G.

— *Amoenissimas villas prospicit.* Rom. *Amoenissimas villas possidet.* H. — Inepte. *Possidere* hoc sensu, ut respondeat Gallico *dominer*, Latinum non est. S.

43. *Apotheca et horreum.* Optime

faciunt, qui illam de cella vinaria, hoc de statuarum imaginumque receptaculo, vel latius de cella penuriae explicandum putant. Cf. de apotheca Colum. R. R. II, 6; de horreo ipse Plin. VIII, ep. 48, 44. E.

— *Eumque iam languidum.* Rom. *Eumque languidum*, sine iam. H. — Particula melius adest. S.

45. *Vinea tenera et umbrosa.* Ita et Rom. Aldi prior *vinca tenera*, quae est herba. Scripta lectione meliorem requiro. H. — *Nudisque etiam pedibus.* Terra ipsa non scruposa aut duris glebis aspera, sed pura, pulvis, pulla (nam hoc etiam nomine teneram, et quasi puellam notari ad Rusticos observavimus), facile etiam pedi nudo cedens: tum vinea ipsa invenia, quae nec nudas nodosaeque radices ostendat, neque eminentibus et impeditilibus viam doris sarum-



morus et ficus frequens vestit: quarum arborum illa vel maxime ferax est terra, malignior caeteris. Hac non deteriore, quam maris facie, coenatio remota a mari fruitur. Cingitur diactis duabus a tergo, quarum fenestris subiacet vestibulum villae, et hortus alius, pinguior et rusticus. Hinc cryptoporticus, prope publici operis, extenditur. Vtrinque fenestrae, a mari plures, ab horto singulae, et alternis pauciores. Hae, quum serenus dies et immotus, omnes; quum hinc vel inde ventus inquietus, qua venti quiescunt, sine iniuria patent. Ante cryptoporticum xystus violis odoratus. Teporem solis infusi percussu cryptoporticus auget, quae ut tenet solem, sic aquilonem inhibet submouetque: quantumque calor is ante, tantum retro frigoris. Similiter Africum sistit, atque ita

tis pollicibusque antiquis tibias ac suras inambulantium stringat et vulne-  
ret. Sic vinea quorundam, quam vineae substituant, nihil opus est. G.

— *Quarum arborum illa, etc.* Rom. *Quarum illa vel maximum ferax terra est.* Non adest arborum. H.

— *Cingitur diactis duabus a tergo.* Rom. *Vincitur diactis duabus a tergo.* Probe. Nam a tergo non potest cingi; vinciri potest, ut captivi. H. — Idem in Mediceo Cortius reperit. Placet. S. — *Vestibulum villae, etc.* Rom. *Vestibulum villae et ortus alius pinguis ac rusticus.* H. — *Ortus idem liber etiam mox §. 18.* Cf. Cort. ad I, 24, 4. Hanc orthographiam probavit Varro: sed consuetudo hortos eam aspiratione transposuit. Charisius Instit. Gramin. lib. I, col. 62, Putsch. S.

16. *Et alternis pauciores.* Versus mare crebriores densioresque sunt fenestrae; sed versus hortum binis respondent singulae, et alternis, omnia una, respondet v. g. secundae fe-

nestrae mari appositae prima in hortum potens, quartae secunda, tertia sextae, etc. Scilicet *alternis* legendum est, non *altius*, quod ex illo quo modo corruptum sit, patet iis, qui norunt perpetuo fere syllabam *ter* in MSS. exprimi apice ad t' appposito; qui quum esset tenuior, pro puncto sequenti litterae imposito habitus est; porro *ius* et *uis* in MSS. nulla nota distingui, translitum est. G. — Rom. *Ab orto singular sed alternis pauciores.* Postea *quum serenus dies et immotus, omnes: quum hinc vel inde ventus inquietus.* Sed praestat lectio Medic. *ventis inquietus.* H.

17. *Teporem solis infusi, etc.* Rom. *Teporemque solis sui et percussu cryptoporticus auget. Inde area, quae ut tenet solem.* In Mediceo quoque fuit *area*, sed omnis aliis, a grammatici manu. Quae sequuntur verba, non ad *aream*, sed ad *cryptoporticum* pertinet. H.

diversissimos ventos, alium alio a latere, frangit et  
 18 finit. Haec iucunditas eius hieme, maior aestate:  
 nam ante meridiem xystum, post meridiem gesta-  
 tiones hortique proximam partem umbra sua tem-  
 perat: quae, ut dies crevit decrevitque, modo bre-  
 19 vior, modo longior hac vel illac cadit. Ipsa vero  
 cryptoporticus tunc maxime caret sole, quum ar-  
 dentissimus culmini eius insistit. Ad hoc patentibus  
 fenestris favonios accipit transmittitque: nec unquam  
 20 aëre pigro et manente ingravescit. In capite xysti  
 deinceps cryptoporticus, horti diaeta est, amores  
 mei, re vera amores: ipse posui. In hac heliocaminus  
 quidem, alia xystum, alia mare, utraque solein, cu-  
 biculum autem valvis, cryptoporticum fenestra pro-  
 21 spicit. Qua mare contra parietem medium, zotheca

— *Alium alio*, etc. Rom. *Alium alio latere frangit*. H. — Omittunt praepositionem libri Cortio inspecti, item Brummeri Excerpta. Expunxit ideo Cortius, sequace Gierigio. S.

18. *Gestationes hortique proximam partem*. Rom. *Gestationem ortique proximam partem*. H. — Cortiana gestatio: idque novissimus editor tacitus recepit. Lando: nisi praefarendam censeas libri Romani lectionem. S. — *Vt dies crevit decrevitque*. Ita et Rom. recte. H. — Cort. *Vt dies crevit decrevit*. S. — *Hoc vel illac cadit*. Rom. *Hac vel illa cadit*. H. — Idem in Cort. et Gierig. S.

19. *Tunc maxime caret sole*. Rom. *Tum maxime caret sole*. Amplector hoc. H.

20. *Deinceps cryptoporticus*. *Xystus* et *cryptoporticus* iuxta procurunt, hoc est, paralleli sunt, quod colligo ex §. 17, igitur quod est in capite xysti, etiam est in capite cryptoporticus deinceps positae. G. — Haec suffi-

cient. Operam et oleum perdunt, qui lineis et figuris utuntur, ut ob oculos ponant, quae tamen intelligi non possunt. E. — *Xystus*, *ἔστυς*, graecis porticus, in qua tempore liberno exercebantur athletae, inde xystici dicti. Romanis vero ambulatio subdialis ante porticum, eaque exaltata floribusque cincta. L. — *Heliocaminus* cubiculum ita structum, ut solis radiis exceptis et coactis validius caleiceret. L. — *Valvis*... fenestra. Vide ad §. 5. G.

21. *Qua mare*. Refertur ad superiora *alia xystum, alia mare*. Plenum itaque fuerit, *qua parte mare prospicit*. G. — *Qua mare* non sunt in Rom. Pro *diaeta, zotheca*. H. — *Zotheca*. Eruditorum de hoc loco et hac voce disputationes exhibet Cortius. Nobis illud satis est, *zothecam* esse a libris optimis, et significare nidum quemdam amoeniorem, maiori cubiculo adiunctum, in quo quis inclusus legere, scribere, commentari possit.

perquam eleganter recedit: quae specularibus et velis obductis reductisque modo adiicitur cubiculo, modo aufertur. Lectum et duas cathedras capit: a pedibus mare, a tergo villae, à capite silvae: tot facies locorum totidem fenestris et distinguit, et miscet. Iunctum est cubiculum noctis et somni: non illud voces servulorum, non maris murmur, non tempestatum motus, non fulgurum lumen, ac ne diem quidem sentit, nisi fenestris apertis. Tam alti abditi-que secreti illa ratio, quod interiacens andron parietem cubiculi hortique distinguit, atque ita omnem sonum media inanitate consumit. Applicatum est cubiculo hypocaustum perexiguum, quod angusta fenestra suppositum calorem, ut ratio exigit, aut effundit, aut retinet. Procoeton inde et cubiculum porrigitur

*Cubiculum* hodiernae linguae vocant, *dellexumne* a *caverna*? de qua Voss. de vitis serm. III, 3, extr. certe utrumque a *cavis* animalium, sicut *zothecam* fuisse cellulam saginandis animalibus destinatam observat Salmas. ad Solin. p. 850 sq. G. — *Quae specularibus, etc.* Rom. *Quae specularibus, velis obductis reductive.* H.

— *Cathedras.* Vide ad VIII, epist. 21, 2. E.

22. *Noctis et somni.* Maluaculis literis scripturus erat Ernestus. » Sic ut scriberem verba, inquit, persuasit mihi vir doctus, qui in Eph. lit. len. hunc locum traiebat, docebatque similem descriptionem esse illi, quam de somni cubiculo habent Ovidius et Statius. » Argutior haec ratio, quam verior. *Cubiculum noctis et somni* est id. quod *cubiculum nocturnum*, quod *diurno* opponitur I, ep. 3, 4. S.

— *Andron.* Iam adnotarunt Catanaeus et Cellarius ex Vitruv. VI, 10, ἀνδράνα aliud Graecis significare,

aliud Latinis. Illis enim est convivium, aut conventus inter duos parietes, inter aulas duas, transitus et iter, *παράλιον*, et notat Caelius Rhodig. XXVII, 24, etiam a elivibus suis *Andrones*, vel *Andronellas* vocari angiportus transversos, quibus consumatur inter duas plateas maiores. Haec significatio oppido huc convenit. G. — *Mox mediam inanitatem* appellat, scita varietate dicendi. E.

23. *Hypocaustum perexiguum.* Rom. *Hypocauston perexiguum.* H. — *Geniuna terminatio Graeca.* Vid. supra 14. S. — *Hypocaustum . . . suppositum calorem, calorem ex igne supposito.* Nempe hypocausta habebant pavimenta lapidea, quibus ignis subici sole- ret. L. — *Vt ratio exigit.* Rom. *Vt ratio exigit.* H. — *Recepit Cortius ex Mediceo, haud male, quamquam in nota diversissima confundens.* S.

— *Procoeton inde.* Rom. *Προκοετων inde, Graecis λητρια.* H. Vid. supra ad 10. S.

in solem, quem orientem statim exceptum ultra me-  
 21 ridiem, obliquum quidem, sed tamen servat. In hanc  
 ego diaetam quum me recipio, abesse mihi etiam a  
 villa mea videor, magnamque eius voluptatem, prae-  
 cipue Saturnalibus, capio, quum reliqua pars tecti,  
 licentia dierum, festisque clamoribus personat: nam  
 nec ipse meorum lusibus, nec illi studiis meis obstre-  
 25 punt. Haec utilitas, haec amoenitas deficitur aqua  
 salienti, sed puteos, ac potius fontes habet; sunt enim  
 in summo. Et omnino litoris illius mira natura: quo-  
 cumque loco moveris humum, obvius et paratus humor  
 occurrit, isque sincerus, ac ne leviter quidem tanta  
 26 maris vicinitate salsus. Suggestunt afflatim ligna pro-  
 ximae silvae: caeteras copias Ostiensis colonia mini-  
 strat. Frugi quidem homini sufficit etiam vicus, quem  
 una villa discernit: in hoc balinea meritoria tria: ma-  
 gna commoditas, si forte balineum, domi vel subitus  
 27 adventus, vel brevior mora, calefacere dissuadeat.  
 Litus ornant varietate gratissima, nunc continua, nunc  
 intermissa tecta villarum, quae praestant multarum

24. *In hanc ego diaetam.* Rom. *In hanc ergo diaetam.* Aldus vero ego; unde caeteri acceperunt. *II.* — *De saturnaliis licentia res nota.* G.

— *Nam nec ipse, etc.* Rom. *Nam nec ipse eorum lusibus.* H. — *Obstre- punt.* Nec ipse meorum lusibus mea praesentia impedio, nec illi mea studia strepitu suo impediunt. E.

25. *Deficitur aqua salienti.* Rom. *Deficit aqua salienti.* H. Vid. ad II, 46, 2. S. — *Sunt enim in summo.* Et ob id ipsum, quod non depressis de- mum foris adfluunt, sed in summo emicant, pro fontibus potius, quam pro puteis habendi. G.

— *Tanta maris vicinitate salsus.* Ita

et Rom. H. — *Libri plerique t. m. v. corruptus,* quam lectionem haud improbat Cortius: debebat recipere. Recepit Gierigius. *Salsus* adscripsit glossator. S.

26. *Si forte balineum domi, etc.* Si forte balineum vel domini subitus adventus, vel brevior mora calefacere dissuadet. Ita scribendum erat cum Rom. quum praesertim in aliis quoque domini repertum fuerit, idque ad brevior mora necessarium sit. Sed Cortius Mediceo oraculo plus aliquando tribuit, quam rationi. *II.* — *Domini item Brummeri Excerpta habent.* Placet haec lectio, sic tamen, ut servetur vulgaris ordo verborum: si forte balineum domini vel subitus, etc. S.

urbium faciem, sive mari, sive ipso litore utare: quod nonnunquam longa tranquillitas mollit; saepius frequens et contrarius fluctus indurat. Mare non sane pretiosis piscibus abundat: soleas tamen et squillas optimas suggerit. Villa vero nostra etiam mediterraneas copias praestat, lac in primis: nam illuc e pascuis pecora conveniunt, si quando aquam umbramque sectantur. Iustisne de caussis eum tibi videor incolere, inhabitare, diligere secessum? quem tu, nimis urbanus es, nisi concupiscis: atque utinam concupiscas! ut tot tantisque dotibus villulae nostrae maxima commendatio ex tuo contubernio accedat. Vale.

27. *Mollit...indurat.* Si haec de solo litore, ut par est, dicta sunt, equidem non satis intelligo, quo sensu litus tranquillitate molliatur, et fluctibus induretur. Immo contrarium mihi videtur accidere, ut longa tranquillitate litoris solum exarescat et induretur, fluctibus autem adluentibus et inundantibus putrescat et emolliatur. E. — Non puto hic de solo putri ac duro cogitandum esse. Referendus, opinor, locus ad inarchulationes in litore, quas nonnunquam longa maris tranquillitas adiuvat, saepius frequens et contrarius fluctus impedit. *Mollire* sensu simili adhibitum in Caesar. B. G. VII, 46, *quidquid hinc circuitus ad molliendum cli-vum accesserat*, ubi Graecus interpret: αἱ δὲ πρὸς τὸ ῥαδίαν τὴν τοῦ ἔρους ἀπὸ γάλατος ἀνάβαντες οὖσαι σκολάστηται. Μαλαχός, cognataque verba Graecis sic dici satis notum est.

Quod si *mollire* recte interpretati sumus, appareat, quomodo *indurare*, illi verbo oppositum, intelligendum sit. S.

28. *Soleas...Squillas.* *Solea*, Linn. pleurocetes solea, piscis linguae formam referens. *Squill*, Linn. cancer squilla, genus cancrorum chelis destitutorum. L.

— Si quando aquam umbramque sectantur. Rom. Si quando aquam umbramve sectantur. H.

29. *Iustisne de caussis*, etc. Rom. *Iustisne de caussis iam tibi videor incolere, inhabitare.* Sic et Medic. omnibus alius melius, qui iam omittunt. H. — Plenius Excerpta Brummeri: *eum iam tibi.* Probavit iam et Cortius, nec tamen, quod in tanta eius erga librum Medicum reverentia expectas-ses, recepit. S. — *Nimis urbanus.* Urbis et vilae urbanae nimis amans. E.

## XVIII.

*Promittit, se fratris Maurici filius praeceptorem electurum esse. Prior pars epistolae plurima suavitate se commendat, posterior gravi et pio sensu. L.*

C. PLINIVS MAVRICO • SVO S.

Quid a te incundius mihi potuit iniungi, quam ut praeceptorem fratris tui liberis quaererem? nam beneficio tuo in scholam redeo: illam dulcissimam aetatem quasi resumo. Sedeo inter iuvenes, ut solebam: atque etiam ex prior, quantum apud illos auctoritatis ex studiis habeam: nam proxime frequenti auditorio inter se coram multis ordinis nostri clare loquebantur: intravi, conticuerunt. Quod non referrem, nisi ad illorum magis laudem, quam ad meam, pertineret; ac nisi sperare te vellem, posse fratris tui filios probe discere. Quod superest, quum omnes, qui profitentur,

XVIII. \* Inscr. *Maurico*. Ita et Rom. *H.*

1. *Quid a te incundius mihi*. Rom. *Quid a te mihi incundius*. *H.* — Hunc ordinem ex libris a Cortio restitutum servant item Brummeri Excerpta. Sane praestat vulgato. *S.*

— *Nam beneficio tuo*, etc. Rom. *Nam et beneficio tuo . . . et illam*. *H.* Posterior et Cortius quoque dedit. Asyndeton hic parum placet. *S.* — *Removere aetatem*, repelere animum gaudia illius aetatis. *L.*

2. *Coram multis . . . loquebantur*. Ita et bonis libris Cortius. Honos Plinio silentio habita a iuvenibus, qui quum maxime aliis Senatoriis praesentibus

nullo pudore clare loquebantur: loquebantur, inquam, non iocabantur, quod cum clare non bene convenit: et maior honos, clare loqui designere, quam iocari. *G.* — Rom. *Coram multis sed ordinis nostri clare loquebantur*. Lege multis et ordinis nostri (id est, quum aliis multis, tum et quibusdam nostri ordinis praesentibus) clare loquebantur, non iocabantur. Veteres scribebant *sed*, pro *sed*, nec voces dirimebant. *H.*

— *Probe discere*. Vt in commilitio iuvenum proborum et pudoris esimii. *G.* — *Profiteri* Plin. act. absolute ponebatur de doctoribus. *L.*

audiero, quid de quoque sentiam, scribam: efficiamque, quantum tamen epistola consequi potero, ut ipse omnes audisse videaris. Debeo enim tibi, debeo memoriae fratris tui hanc fidem, hoc studium, praesertim super tanta re: nam quid magis interest vestra, quam ut liberi (dicerem tui, nisi nunc illos magis amares) digni illo patre, te patruo reperiantur? Quam curam mihi, etiam si non mandasses, vindicassem. Nec ignoro suscipiendas offensas in eligendo praecceptore: sed oportet me non modo offensas, verum etiam simultates pro fratris tui filiis tam aequo animo subire, quam parentes pro suis. Vale.

4. *Magis amares.* Vix sufficit illa tuorum appellatio exprimendo studio, quo nunc illos prosequeris, qui et tui fratris sint, et suo patre destituti. G.  
— *Digni illo patre*, etc. Rom. et ut

*digni illo patre et te patruo.* Fori. *Digni et illo patre.* H.

5. *Offra.* Credibile enim erat, molestae laturos esse caeteros doctores, postponi se Plinii iudicio. L.

## XIX.

*Hortanti, ut actionem quamdam recitet, productis dubitandi rationibus, rem curatius expendendam proponit.*

C. PLINIVS CEREALIS • SVO S.

Hortaris, ut orationem amicis pluribus recitem. Faciam, quia hortaris: quamvis vehementer addubitem. Neque enim me praeterit, actiones, quae recitantur, impetum omnem caloremque, ac prope nomen suum perdere, ut quas soleant commendare simul et accen-

XIX. • *Cereali.* Sine dubio est *Vellius Cerealis*, cui IV ep. 24, mortem Helvidianum nunciat. L.

1. *Vehementer addubitem.* Rom. *Vehementer dubitem.* H.

2. *Pt quas soleant.* Non inepte re-

dere iudicum consessus, celebritas advocatorum, expectatio eventus, fama non unius actoris, deductumque in partes audientium studium: ad hoc dicentis gestus, incessus, discursus etiam, omnibusque motibus  
 3 animi consentaneus vigor corporis. Vnde accidit, ut hi, qui sedentes agunt, quamvis illis maxima ex parte supersit eadem illa, quae stantibus, tamen hoc, quod  
 4 sedent, quasi debilitentur et deprimantur. Recitantium vero praecipua pronuntiationis adiumenta, oculi, manus praepediuntur: quo minus mirum est, si auditorum intentio languescit, nullis extrinsecus, aut blandimen-

fertur ad ipsas actiones, et est in omnibus editis. Cortius praetulit ex Cod. Mediceo *quae*, ut respiciat ad *impetum, calorem, nomen*. G. — Recte, opinor, Gesnerus retinuit *quas*, ut ad *actiones* referatur, quod omnis orationis conformatio postulat. Leve est, quod Gierigius negat se intelligere, quomodo illas *commendare* possit iudicum *consessus*. Quidni iudicum attente audientium, vel solummodo praesentium gravitas multum auctoritatis tribuere actionibus, vel efficere possit, ut nec actor ipse, nec caeteri eas negligant? nam utrumque, ni fallor, in *commendare* inest. E. — Ipse vidit Gierigius, posteriora, ad *hoc dicentis gestus*, etc. cum Cortiana lectione coire non posse. Quibus tricis ut se exsolvat, aut iusto negligentius scripsisse Plinium, aut aliquid infra exidisse temere statuit. Mireris Heusingerum de hoc loco non pronunciasse, adeoque ad ineptum illud *quae* inclinare videri. Sic autem Vir egregius: « Rom. ut *quae* soleant *commendare*, id est, ut *quae*, quod ex Medie. Cortius revocavit. » S. — *Advocatorum*. Quia mox ab iis distinguuntur *actores*, sensu antiquiore amici sunt, qui sedent in subselliis liti-

gantium. Si *celebritate* sua, magna frequentia, utique movere dicentem poterant. L. — *Deductumque in partes audientium studium*. H. — Sic et Cortius, quem iure sequitur Gierigius. Placebat idem Ernestio. Vid. tamen ipsum Cortium Dissertat. Crit. de usu orth. Lat. p. 434 sqq. edit. Altenh. S. — *Discursus*. Huic tamen et rarissimum esse debere, et non nisi summa quadam opportunitate moderate adhiberi, suadent ista Quintiliani, magistri optimi, XI, 3, 426, p. 4026: « Prokursio opportuna, brevis, moderata, rara. Conveniens etiam ambulatio quaedam, propter immodicas laudationum moras, quamquam Cicero (Orat. e. 48) rarum incessum, neque ita longum probat. Discursare vero, et quod Domitius Afer de Surio Manlio dixit, *satagere*, ineptissimum: urbaneque Flavius Virginius interrogavit de quodam suo antisophista: Quot millia passuum declamasset? » G.

3. Vnde accidit ut, etc. Rom. Vnde accidit ut ii, qui. H.

4. Oculi, manus praepediuntur. Illi ad librum respicientes, haec tenentes eum et evolventes. G. — *Intentio*



tis capta, aut aculeis excitata. His accedit, quod oratio, de qua loquor, pugnax et contentiosa est. Porro ita natura comparatum est, ut ea, quae scripsimus cum labore, cum labore etiam audiri putemus. Et sane quotusquisque tam rectus auditor, quem non potius dulcia haec et sonantia, quam austera et pressa, delectent? Est quidem omnino turpis ista discordia; est tamen: quod plerumque evenit, ut aliud auditores, aliud iudices exigant: quum alioqui praecipue auditor iis adfici debeat, quibus idem si foret iudex, maxime permoveretur. Potest tamen fieri, ut quamquam in his difficultatibus libro isti novitas lenocinetur: novitas apud nostros; apud Graecos enim est quiddam, quamvis ex diverso, non tamen omnino dissimile. Nam, ut illis erat moris, leges, quas ut contrarias prioribus legibus arguebant, aliarum collatione

*laeguescit. Rom. intentione laeguescit, pro intentio relanguescit. H. — Multorum haec lectio librorum, proba illa quidem, sed vulgatae non praefenda. Conf. Interp. ad Liv. XXXV, 45, 5. S.*

*5. His accedit, quod, etc. Rom. Accedit his, quod oratio, de qua loquor, pugnax et quasi contentiosa est. H.*

*— Quae scripsimus, etc. Rom. Quae scripsimus cum labore, etiam sic audiri putemus. H. — Hand improbabilis lectio, in aliis item libris reperta. Alterum illud cum labore videtur glossatoris esse, qui sic explicare vellet. S.*

*6. Tam rectus. Tam gravis et severus, qui nihil suae voluptati, omnia rerum veritati attribuat. E. — Austera et pressa. Vel ex ipsa oppositione intelligitur, austera esse, quae sententiam adversario molestam, verbis rem ipsam signantibus simpliciter et*

*sine ambagibus explicent: pressa, quae nihil, quod non ad rem pertineat, nihil, quod mitiget asperitatem, adiciant. G. — Plura cum multis veterum locis dabit nostrum Lexicon technol. Rhet. lat. s. v. premere. E.*

*— Ita discordia. Hoc pertinet ad illa sequentia: quod plerumque evenit, ut aliud auditores, aliud, etc. E. — Est tamen: quod, et cet. Rom. Est tamen: quod plerumque evenit, ut aliud iudices exigant, aliud auditores: quum alioqui his praecipue auditor officii debeat. H. — Bona lectio: certe alioqui his unice probandum. S.*

*7. Ut quamquam in his difficultatibus. Sic et Rom. H. — Quamvis ex diverso non tamen. Rom. Quamvis ex adverso, non tamen. H.*

*8. Leges, quas ut contrarias. Hinc status apud illos ἀντιρροίας, quem contrariarum legum vocal, et illustrat*

convincere; ita nobis, inesse repetundarum legi, quod postularemus, quum hac ipsa lege, tum aliis colligendum fuit. Quod nequaquam blandum auribus imperitorum, tanto maiorem apud doctos habere gratiam debet, quanto minorem apud indoctos habet. Nos autem, si placuerit recitare, adhibitori sumus eruditissimum quemque. Sed plane adhuc, an sit recitandum, examina tecum, omnesque, quos ego movi, in utraque parte calculos pone, idque elige, in quo vicerit ratio. A te enim ratio exigetur, nos excusabit obsequium. Vale.

Fabius VII 7. *G.* — *Repetundarum legi.* Rom. *Repetundarum lege.* H. — *Tum aliis colligendum fuit.* Rom. *Tum in aliis colligendum fuit.* H.

9. *Omnesque, quos ego movi.* Rom. *Omnesque quis ego movi.* H. — *Movi.* Gierigius: «Est autem movi, admo-  
vi, attulit. Imo est: temere proieci. Opponitur ponere calculos. Altera illa significatio, quam Gierigius h. l. ob-  
tinere arbitratur, solum potestatum est. Vid. Fr. Ott. Menckeni Observ.

L. L. p. 636. *S.*

— *A te enim ratio, etc.* Rom. *At enim ratio exigendi: nos excusabit obsequium.* H. — Optime habet vulgata. Perperam liber Medicus, tollens oppositionem, ut enim ratio exegit, nos excusabit obsequium. Bono hic stomacho Cotius fuerit necesse est, qui ista concoquere potuerit. *S.* — *A te, ita examinandi sollicitudinem ei satis commendat, et simul obsequium suum declarat.* L.

## XX.

*Regulum tribus iucundis exemplis, ut testamentorum insidiatorem et iniustum heredem, describit. Oratio est decora, hoc est, talis qualem et argumentum, et sermo familiarium postulant. L.*

C. PLINIVS CALVISIO \* SVO S.

Assem para, et accipe auream fabulam: fabulas immo; nam me priorum nova admonuit: nec refert, a qua potissimum incipiam. Verania Pisonis graviter iacebat: huius dico Pisonis, quem Galba adoptavit. Ad hanc Regulus venit. Primum impudentiam hominis, qui venerit ad aegram cuius marito inimicissimus, ipsi invississimus fuerat. Esto, si venit tantum: at ille etiam proximus toro sedit: quo die, qua hora nata esset, interrogavit. Vbi audivit, componit vultum, intendit oculos, movet labra, agitat digitos, computat, nihil, nisi ut diu miseram expectatione suspendat. *Habes*, iuquit, *climactericum tempus, sed evades. Quod ut*

XX.\* *Calv.* Contub. Pl. V. I, ep. 12

1. *Assem para.* Tanquam circulatori alieni soluturus, qui fabulam, aut historiolum otiosis narret. *E.* — *Fabulam*, quaevis narratio, sive vera, sive ficta. *L.*

2. *Verania Pisonis uxor.* Notissimum Virgilii illud: *Hectoris Andromache*. Ovid. *Heroid.* VII, 193: *Nec consumpta rogis, inscribar, Elisa Sichei*. Vbi vide Interpret. Add. Vales. ad excerpta ex Diod. Sic. de Virtut. et Vit. p. 586 ed. Wessel. S. — *Huius dico Pisonis*, etc. Rom. *Huius dico, quem Galba adoptavit, sive Pisonis* H.

— *Ipsi invississimus.* Haec duo verba Rom. desunt. *H.*

3. *Quo die, qua hora.* Rom. *qua die, qua hora.* H.

— *Vbi audivit.* Rom. *Vbi audivit.* H. — *Computat, nihil, etc.* Rom. *Computat nihil, diu miseram expectatione suspendit.* H. Perperam. Sane computabat veterator ille, idque digitis; hoc enim est agitare digitos, *καμπτεν τοὺς δακτύλους.* S.

4. *Climactericum tempus.* Decantatae superstitionis rationes uero accuratius pleniusque exposuit Salmasio, cuius sententia de *climactericis*, id est,

tibi magis liqueat, aruspice consulam, quem sum  
<sup>5</sup> frequenter expertus. Nec mora: sacrificium facit, ad-  
 firmat exta cum siderum significatione congruere. Illa,  
 ut in periculo, credula, poscit codicillos: legatum  
 Regulo scribit: mox ingravescit: clamat moriens, *O*  
*hominem nequam, perfidum, ac plus etiam quam per-*  
<sup>6</sup> *iurum!* qui sibi per salutem filii peierasset. Facit hoc  
 Regulus non minus scelerate quam frequenter, quod  
 iram deorum, quos ipse quotidie fallit, in caput in-  
<sup>7</sup> felicis pueri detestatur. Velleius Blaesus, ille locuples  
 consularis, novissima valetudine conflictabatur: cu-  
 piebat mutare testamentum. Regulus, qui speraret ali-  
 quid ex novis tabulis, quia nuper captare eum coe-  
 perat, medicos hortari, rogare, quoquo modo spiritum  
<sup>8</sup> homini prorogarent. Postquam signatum est testa-  
 mentum, mutat personam, vertit alloquutionem, iis-

periculosus annis, mensibus, diebus, horis, ex horoscopo, s. thymate genethliaco derivandis, ex hac ipsa narratione confirmatur. Quid enim opus erat intendere oculos, labra movere, agitare digitos, computare, diu miseram expectatione suspendere, si climactericus annus s. scausilis est, quicumque septenario, vel novenario, vel utrisque constat, et his numeris quasi exhaustiri potest, ut XIV, XVIII, XXI, XXVII, etc. Quin diserte deinde siderum significationem appellat. G.

5. *O hominem nequam...periurum.* Sive interiectionem serves, sive cum Cortio et Gierigio expungas, haec ipsa sunt Veraniae morihundae verba. Quae sequuntur, qui sibi per salutem filii peierasset, Secundus addit, ut intelligatur, cur Verania Regulum plus etiam quam periurum dixerit. Sane non modo periurum, sed etiam sceleratissima impietas haberi debuit, si

quis, ut alios falleret, deorum iram in liberorum capita detestaretur. S.

6. *Facit hoc Regulus.* Rom. *Facit Regulus*, omisso hoc. H. — *In caput infelicitis pueri detestatur.* Ostendit, V. C. Chr. Gottlob. Schwarzius in Dissert. de detestatione sacrorum §. 42, detestari esse adhibitis testibus denuntiare. Nec video, quid commodius sit ad hunc ipsum locum interpretandum illa ipsa significatione. Publice et sollemniter, certe multis praesentibus, *detestatur*, hoc est, denuntiat et imprecatur Regulus iram deorum in caput filii sui, dum in hanc fere formulam iurat, « Si sciens fallo, filius meus genium suum iratum habeat. » G.

7. *Velleius Blaesus, ille locuples consularis.* Rom. *Velleius Blaesus, consularis ille locuples.* H. — Placet hic ordo. S. — *Conflictabatur.* Verbum elegans de iis, quorum corpus cum graviore morbo veluti praeliatur. L.

demque medicis, *Quousque miserum cruciatis? quid invidetis bonam mortem, cui dare vitam non potestis?* Moritur Blaesus: et tanquam omnia audisset, Regulo ne tantulum quidem. Sufficiunt duae fabulae. An scholastica lege tertiam poscis? Est unde fiat. Aurelia, ornata femina, signatura testamentum, sumserat pulcherrimas tunicas. Regulus quum venisset ad signandum, *Rogo*, inquit, *has mihi leges*. Aurelia ludere hominem putabat; ille serio instabat. Nec multa: coëgit mulierem aperire tabulas, ac sibi tunicas, quas erat induta, legare: observavit scribentem, inspexit an scripsisset. Et Aurelia quidem vivit: ille tamen istud tanquam morituram coëgit. Et hic hereditates, hic legata, quasi mereatur, accipit! *Ἀλλὰ τί διατίθεται* in ea civitate, in qua iam pridem non minora praemia, immo maiora, nequitia et improbitas, quam pudor et

8. *Quousque miserum, etc.* Rom. *Qui usque miserum cruciatis? quid invidetis bonam mortem, cui...* II. — *Bonam mortem* Cortius ex Mediceo recepit. Vid. ad I, ep. 40, 42. S.

— *Moritur Blaesus: et tanquam omnia audisset*, Rom. *Moritur Blaesus tanquam omnia audisset*, omisso et II. — *Copulam nemo desideret*. S. — *Tanquam omnia audisset*. Scil. tum, quum novae tabulae fierent. Giergius: « Melius foret: tanquam ista praecavisset. » Iuno languidius. Talia non ad vivum resecanda. S.

9. *Scholastica lege*. Proverbio forte, cui simile illud nostrum, *Aller guten Dinge müssen dreyn seyn*. *Omne trium perfectum*, etc. G.

— *Suffic. duae fabulae* *πύξιδες*; intelligam. S.

10. *Pulcherrimas tunicas*. Frustra huc adferunt, qui hinc probant entium morem, quo sumerent mori-

turi vestimento pulcherrima. Nullum hic vestigium cogitatae mortis tanquam instantis proxime; ne morbi quidem. Aurelia apud amicos munda videri voluit atque hilaris. G.

11. *Nec multa*. Optimi libri: *Ne multa*. Idque Cortius et Giergius receperunt. Bene. Gesneriana lectio ferri nequit. *Ne multa* idem quod, *Quid multa? Quid quaeris?* S.

— *Et hic haereditates, etc.* Rom. *Hic haereditates, hic legata*. Demtum est et, quod vulgo praecedat. H. — *Demtum* est etiam in Mediceo. Perperam. Mox accepit habent item Brunneri Excerpta. Sed longe praestat Cortianae lectio accipit, quam vel praesens meretur commendat. S.

12. *Τί διατίθεται*. *Quid intender?* quid exclamatione ulor? tanquam in re insolenti et gravi, quum ista sint quotidiana. Demosth. pro Cor. cap. 46: *Τί οὖν ταῦτ' ἐνέπραται, καὶ διατι-*

13 virtus habent? Adspice Regulum, qui ex paupere et  
 tenui ad tantas opes per flagitia processit, ut ipse mihi  
 dixerit, quum consuleret, quam cito sestertium sexcen-  
 ties impleturus esset, invenisse sese exta duplicia, qui-  
 14 bus portendi, millies et ducenties habiturum. Et ha-  
 bebant, si modo, ut coepit, aliena testamenta, quod est  
 improbissimum genus falsi, ipsis, quorum sunt illa  
 dictaverit. Vale.

νῆμην οὕτω σποδρῶς. G. — Diodor. Sicul. L. XIII, c. 28: Τὴν γὰρ οὖν ἡμᾶς διατίθεσθαι τοῖς μηδὲν ὑδουμένους; ad quem locum vide Wesselingii Lucian. T. II, p. 164: Τότα μὲν αὐτοῦ τὰ πολλὰ ἐκείνα βούνται καὶ διατιθεμένῳ αὐτῷ χρῆναι ἀντιλέγειν φέρειν. pag. 186, διατίθῃ καὶ βούξ. S.

43. *Ex paupere.* Pater nihil ei reliquerat, bona enim eius inter creditores divisa erant. Tacit. hist. IV, 42. L. — *Per flagitia.* Crasso quem accusaverat, damnato, praemii loco acceperat, praeter consulatum et sacerdotium, septuagies centena millia Sesterthiorum. L. — *Extā duplicia.* Vnus forte est Regulus tanquam praedicio auspiciis illis, quae Augusto contigisse narrant avunculus Nostri XI, 37, s. 73: »Divo Augusto Spoleti sacrificanti primo potestatis suae die, sex victimarum lecinora replicata intrinsecus ab ima fibra reperta sunt: responsunūque duplicaturum intra annum imperium.» Eadem sed perturbatius Sueton. Aug. cap. 95, quod

copiose ostendit Burmannus. Sic iterum experimento duplici tectum Iuliano portendit imperium, apud Ammian. Marcell. XXII, 4, ubi Lindebrogius tum reliqua, tum laudat Val. Max. I, 6, 9. Add. Inl. Obs. de prodig. 429. G. — Rom. Invenisse se exta duplicia, quibus portendi. H.

44. *Genus falsi.* Lege Cornelia de falsis tenetur v. g. qui sibi in testamento alterius aliquid adscripsit, quod multae Pandectarum leges h. t. docent: add. Tit. Cod. de his, qui sibi adscribunt in testam. vide lo. Iac. Mascovii de hac re disp. Lips. 1734. Indignatur igitur Secundus, non eadem poena teneri, qui testatori dictaverit testamentum. Sed hunc absolvit l. XXII C. de testamentis: »Dictantibus testamenta . . . legatum . . . testatorem posse relinquere, minime dubitandum est. Causa diversitatis forte haec est, quod dictantem audit testator, ac testem, qui scribit, potest facilius fallere. G.

## LIBER TERTIVS

## I.

*Spurinnæ vitam laudat, sibi quæ simile aliquando otium contingat, precatur.*

C. PLINIVS CALVISIO SVO S.

Nescio, an ullum iucundius tempus exegerim, quam quo nuper apud Spurinnam fui; adeo quidem, ut neminem magis in senectute (si modo senescere datum est) æmulari velim: nihil est enim illo vitæ genere distinctius. Me autem ut certus siderum cursus, ita<sup>2</sup> vita hominum disposita delectat, senum præsertim: nam iuvenes adhuc confusa quaedam et quasi turbata non indecent; senibus placida omnia et ordinata conveniunt, quibus industria sera, turpis ambitio est. Hanc regulam Spurinna constantissime servat; quin<sup>3</sup>

1. *t. Distinctus.* Ordinatus, quem omnia vitæ negotia considerata ratione bene disposita sunt. Mox eandem vitam *dispositam* et *ordinatam* dicit. *E.*

2. *Industria sera.* Nominat duas res, quæ turbare illum ordinem atque distinctionem vitæ, ac honeste quidem possunt in aliis, industriam at-

que ambitionem, ostenditque, eas in senibus locum non habere. *G.* — *Industria* est eorum, qui causis agendis, obeundiæque officiis nimiam operam navant, vel gratiæ, vel quaestus causa. *Ambitio* eorum, qui honores affectant. Haec, si honeste fiant, certe iuvenum sunt, non senum. Legas, quæso, finem huius epistolæ, ut illa melius intelligas. *E.*

etiam parva haec (parva, si non quotidie fiant) ordine quodam, et velut orbe circumagit. Mane lectulo continetur: hora secunda calceos poscit: ambulat millia passuum tria. Nec minus animum quam corpus exercet. Si adsunt amici, honestissimi sermones explicantur: si non, liber legitur: interdum etiam praesentibus amicis, si tamen illi non gravantur. Deinde considit, et liber rursus, aut sermo libro potior: mox vehiculum adscendit: adsumit uxorem singularis exempli, vel aliquem amicorum, ut me proxime. Quam pulchrum illud, quam dulce secretum! quantum ibi antiquitatis! quae facta, quos viros audias, quibus praeceptis imbuare! quamvis ille hoc temperamentum modestiae suae indixerit, ne praecipere videatur. Peractis septem millibus passuum, iterum ambulat mille, iterum residet, vel se cubiculo ac stilo reddit. Scribit

3. *Parva, si non quotidie fiant.* Servandam duxi hanc parenthesis, quam Gicrigius ita mutavit: *parva haec (parva, si non quotidie fiant ordine quodam), velut orbe circumagit.* Levissima causa mutationis est. *Quis credat, inquit, parva ideo fieri magna, quod quotidie fiant? Quidni vero? Plinius certe credidit, et ego credo.* Nempe quae parva sunt per se, et temere ac sine certa ratione accidentia, ea magna fiunt, si fiunt ab aliquo quotidie, hoc est, ratione et consilio, quo omnes actiones nostrae graves et magnae fieri solent. *E.* — Monuerat iam Catanaeus, dilucidiusque Cortius, quos Gicrigius audire debebat. *S.*

4. *Ambulat millia passuum tria, etc.* Rom. *Ambulat mille passus, nec minus animum.* Accedo Romae, quod ita etiam §. 7, *iterum ambulat mille; nec senem quotidie tria millia ambulasse credibile est.* *H.*

5. *Considit.* Sic ex Mediceo Cortius, qui alias etiam formas huius verbi passim extare observat. *G.*

6. *Secretum.* Quod cum uno comite vehitur. *G.*

7. *Residet.* Cortius librorum auctoritate, *residit*, quod Gesnerus, ut sibi constaret (vide ad V), recipere debebat. Recepit Gicrigius. *S.*

— *Scribit... Lyrica.* Edidit Cap. Barthius cum Venaticis et Bacoliis latius Haenoviae 1643, 8, odas quatuor Vestricii Spurinnae et membranis Merseburgi a se inventis, quas et dispersis in ordinem a se redactis notis quibusdam illustravit: secundum deinde curas iis impendit Adv. XIV, 5: ubi huius Vestricii Spurinnae esse contendit, quod antea in mentem non venerat. Iac. Vlitius in prolegomenis poetarum venaticorum, ex hac ipsa Plinii epistola efficta (a Barthiooe, ab antiquiore quodam?) contendit



enim et quidem utraque lingua, lyrica doctissime. Mira illis dulcedo, mira suavitas, mira hilaritas: cuius gratiam cumulat sanctitas scribentis. Vbi hora balinei nuntiata est (est autem hieme nona, aestate octava), in sole, si caret vento, ambulat nudus. Deinde movetur pile vehementer et diu: nam hoc quoque exercitationis genere pugnat cum senectute. Lotus accubat, et paulisper cibum differt: interim audit legentem remissius aliquid et dulcius. Per hoc omne tempus liberum est amicis vel eadem agere, vel alia, si malint. Apponitur

quin Fabricius ὁ μακροχρόνος, candidissimus ille ingeniorum aestimator, Bibl. Lat. I, 16, 2, 284: «Conferenti, inquit, appareat, haec Spuriinae universa deprompta esse ex Plinii iun. lib. III, ep. 4.» Equidem verba ex Plinio deprompta non animadverti, ideam ipsam viri post negotiosam vitam ad otii portum se conferentis hinc haustam, scholasticumque aliquem, aut, si placet, ipsam adeo Barthium, materiem lusi suo a Pliniano Spuriina sumpsisse, non negaverim. Dis est, quum scripsit mihi Theophilus Sigefr. Baierus V. G. se meditari aliquid de illis carminibus. Abiecit, puti, illud consilium, postquam Seras et Indos Tartarosque mansuetioribus Musis praeferret, vel potius aliquid suae elegantiae et humanitatis illis impertiret. G. — Non abiecit. Baieri enim de *Vestitio Spuriina, Lyrico, et eius fragmentis*, opus postumum prodit in Commentariis Academiae Petropolitanae, T. XI, ad ann. 1739. Petrop. 1750, p. 311 sq. Vide Wernsdorf. poët. lat. minor. Tom. IV, pag. 811 sq. Cf. idem Wernsdorf. ibid. T. III, pag. 325 sq. ubi pag. 351 sq. odas illas quatuor reperias. S.

8. *Hieme nona.* Seriusne igitur

PLIN. Ep. Tom. I

hieme quam aestate? Quin contra Nimirum attendendum est ad rationem horarum romanarum. Hae *καρπυαί* erant, hoc est, diem naturalem dividebant in XII partes aequales, sive is longus esset, sive brevis. Horae igitur romanae cum nostris conveniunt modo in aequinoctiis, hieme sunt breviores, productiones aestate. Quare pone solstitii tempore diem in dupla ratione diei brumalis, ut apud nos II. XVI, et VIII, erit hora aestiva in eadem ratione ad horam brumalem. Quamque aequinoctialis hora minutas habeat 60, aestivae cedent 80, hibernae non nisi 40. Itaque aestiva hora VIII, conveniet nostrae hor. 2, m. 40; hiberna vero IX, incidet in ipsam nostram h. 2. Si cui haec nimis brevia et abrupta videantur, ille legat Aldi Manutii ea de re libellum, qui praefationis instar Rei Rusticae scriptoribus adponi solet, et in nostra editione locum octavum obtinet. G.

— *Pugnat cum senectute.* Commodè hinc advocant Cic. de Sen. XI: «Pugandum tanquam contra morbum sic contra senectutem. Habenda ratio valetudinis: utendum exercitationibus medicis.» G.

— *Liberum est amicis, etc.* Rom.

K

coena non minus nitida quam frugi, in argento puro et antiquo. Sunt in usu et Corinthia, quibus delectatur, nec adficitur. Frequenter comoedis coena distinguitur, ut voluptates quoque studiis condiantur. Sumit aliquid de nocte, et aestate. Nemini hoc longum est; tanta comitate convivium trahitur. Inde illi post septimum et septuagesimum annum aurium oculorumque vigor integer; inde agile et vividum corpus, solaque ex senectute prudentia. Hanc ego vitam voto et cogitatione praesumo, ingressurus avidissime, ut primum ratio aetatis receptui canere permiserit. Interim mille laboribus conteror, quorum mihi et solatium et exemplum est idem Spurrinna: nam ille quoque, quoad honestum fuit, obiit officia, gessit magistratus, provincias rexit: multoque labore hoc otium meruit. Igitur eundem mihi cursum, eundem termi-

*Liberum est amicis vel eadem finire, vel alia.* H. — Sic Cortius ex libris suis, quibus accedunt Excerpta Brummeri. S.

9. Lautiores habebant vasa et caelata et antiqua. Sed praec omnibus istis operibus eminebant Corinthia, quibus mirum quantum cupidi inhiebant. L.

— *Nec adficitur.* Non aliquo cum furore expetit et amat ista vasa, ut ille apud Horatium I, Sat. IV, 28: «Hunc capit argenti splendor, stupet Albius aere.» E. — Rom. Quibus delectatur et adficitur. H. — Sic plures libri. Longe longeque praestat nec. S.

— *Comoedis.* Vide I, 45, 2. G. — *Comoedis.* Inde a tempore belli Asiatiki coeperunt Romani varia aurium animorumque oblectamenta adlere epulis. Nonnulli scurris et morionibus delectabantur. L.

— *Et aetate.* Cortius: «Vossian. etiam aestate, ex Glossa, quam tamen Gryphius praetulit.» Praetulit item Gierigius, nihilque monito lectore in textum immisit. Vid. N. Heins. ad Vellei. Patere II, 416, pag. 4180 ed. Ruhnck. S.

40. *Solaeque ex senectute prudentia.* Incommodis senectutis non coniunctis. S.

41. *Ut primum ratio aetatis receptui canere permiserit.* Gierigius hic, Plinium reprehendens, nescio quid trahatur. Me quidem Pliniana non offendunt. S.

42. *Igitur eundem mihi, etc.* Rom. Igitur et eundem mihi cursum et eundem terminum. H. — Copula melius abest. S. — *Cursus et decursus* honorum saepe, etiam apud Cic. occurrunt. Summum est vel a stadio, vel a naviga-

num statuo: idque iam nunc apud te subsigno: ut, si me longius evehi videris, in ius voces ad hanc epistolam meam, et quiescere iubeas, quum inertiae crimen effugero. Vale.

tionis. *L.* — *Subsigno.* Fidem do; *E.* — *Inertiae crimen.* Vide IV, 23, veluti *della* syngrapha, tibi spondeo. 4, et Cicer. Sextium LXV. G.

## II.

*Arrianum commendat.*

C. PLINIVS MAXIMO SVO S.

Quod ipse amicis tuis obtulissem, si mihi eadem materia suppeteret; id nunc iure videor a te meis petiturus. Arrianus Maturius Altinatium est princeps; 2 quum dico princeps, non de facultatibus loquor, quae illi large supersunt: sed de castitate, iustitia, gravitate, prudentia. Huius ego consilio, in negotiis, iudicio, in studiis utor: nam plurimum fide, plurimum veritate, plurimum intelligentia praestat. Amat me 4 (nihil possum ardentius dicere), ut tu: caret ambitu; ideo se in equestri gradu tenuit, quum facile posset adscendere altissimum: mihi tamen ornandus excolendusque est. Itaque magni aestimo, dignitati eius 5

II. 2. *Altinatium est princeps.* Rom. *Altinatium princeps*, excluso verbo est. H.

4 *Nihil possum ardentius dicere.* Rom. *Nihil possum dicere ardentius.* H. — Placet hic ordo. S.

— *Ambitus*, studium adscendendi gradum altiozem, ut *ambitio* interdum de crimine ambitus, ita vicissim *am-*

*bitus* pro ambitione ponitur. L.

— *Quam facile posset ascendere.* Rom. *Quam facile possit ascendere.* H.

— *Mihi tamen ornandus, etc.* Rom. *Mihi tamen ornandus extollendusque.* sine verbo est. Non plane repudio. H.

— *Extollendus* habent etiam Brummeri Excerpta. Non displicet. *Ornare* et *excolere* via differunt: sed *extollere*

aliquid adstruere, inopinantis, nescientis, imo etiam fortasse nolentis; adstruere autem, quod sit splendidum, nec molestum. Cuius generis, quae prima occasio tibi, conferas in eum, rogo; habebis me, habebis ipsum gratissimum debitorem. Quamvis enim ista non appetat, tam grate tamen excipit, quam si concupiscat. Vale.

plus est quam ornare. Neque Secundus hoc verbo non utitur. Infra III, 11, 4: » Est omnino Artemidori nostri tam benigna natura, ut officia amicorum in maius extollat. » Ad quem locum videndum Cortius. Ita et Livius XXVIII, 34, 4, » defectionem socio-

rum in maius verbis extollentes. » S. 6. Conferas in eum, rogo. Rom. In eum conferas, rogo. H.

— Tam grate tamen excipit. Rom. Tam grate tamen accipit. H. — A glossatore profectum. Vide Clav. Cic. v. excipere. S.

### III.

*Corelliae consulit de filii studiis instituendis, ideam boni magistri in Iulio Genitore praescribens.*

C. PLINIUS CORELLIAE • HISPULLAE S.

Quum patrem tuum, gravissimum et sanctissimum virum, suspexerim magis an amaverim, dubitem, teque in memoriam eius, et in honorem tuum, unice diligam, cupiam necesse est, atque etiam, quantum in me fuerit, enitar, ut filius tuus avo similis existat; equidem malo, materno, quamquam illi paternus etiam

III. • Corelliae huius causam egit IV, ep. 17; ab hac diversa alia Corellia, Corellii soror, matri Plinii familiarissima. L.

1. Teque in memoriam, etc. Rom. Teque et in memoriam eius et honorem tuum. Lege et in honorem. H. — Bene

Gierigius, secutus Cortium: teque et in memoriam eius, et in honorem tuum. S. — Cupiam necesse est, etc. Rom. Atque etiam cupiam necesse est, etiam quantum in me fuerit. Transpositum est atque etiam. H. — Malo, materno. Dat hoc tum ipsi Corelliae, cui sic blanditur, tum amici memoriae. G.

clarus spectatusque contigerit: pater quoque et patruus illustri laude conspicui. Quibus omnibus ita demum similis adolescet, si imbutus honestis artibus fuerit, quas plurimum refert a quo potissimum accipiat. Adhuc illum pueritiae ratio intra contubernium tuum<sup>3</sup> tenuit, praeceptores domi habuit, ubi est vel erroribus modica, vel etiam nulla materia. Iam studia eius extra limen proferenda sunt, iam circumspectendus rhetor Latinus, cuius scholae severitas, pudor, in primis castitas, constet. Adest enim adolescenti nostro, cum ceteris naturae fortunaeque dotibus, eximia corporis pulchritudo: cui in hoc lubrico aetatis non praeceptor modo, sed custos etiam rectorque quaerendus est. Videor ego demonstrare tibi posse Iulium Genitorem. Amatur a me: iudicio tamen meo non obstat caritas hominis, quae ex iudicio nata est. Vir est emen-

3. *Pueritiae ratio, ipsa pueritia.*

Pueri in contubernio eorum esse dicebantur, a quibus educabantur. L. — *Vbi est vel erroribus.* Ne quis temere ista transponat, legatque, ubi est erroribus vel modica, vel etiam nulla materia, intercedit aliorum usus ostensus a Wopkensio Lectt. Tull. I, 7. Sed qui usu didicit, quantum sibi in mutando verborum ordine sumpserint librarii, ille multum etiam hic licere Critico intelliget. G. — Cf. Crever. ad Livium Praef. S. — Rom. *Vbi est erroribus modica vel nulla materia.* II.

— *Pudor, in primis castitas.* Sic incidendum. Pudor enim latius patet, et omnem omnis turpitudinis metum significat; praecipua pudoris pars est castitas, quae tanto magis hic spectanda, quanto frequentiores iuvenum corruptelae, quas inuit et detestatur magis, quam explicat Fabius I, 2, 4;

I, 3, 46 etc. G.

4. *Naturae fortunaeque dotibus.* Rom. *Naturae formaeque dotibus, nase. H.* — « *Forma et fortuna saepe in MSis commutantur.* — Similiter formatur et fortunatus. » Drakenb. ad Liv. XLII, 20, 2, ubi v. exempla. Sed in primis hac facit Liv. III, 42, 6: « *Iuvenem egregium, instructum naturae fortunaeque omnibus bonis.* » Vbi item in libris repertum formaeque. S. — *In hoc lubrico aetatis.* Vide Heusinger. ad Vechner. Hellenol. p. 203. Simillimum illud Apuleii Metamorph. L. XI, p. 182 Oudend.: « *Lubrico virentis aetatae, ad serviles delapsus voluptates, curiositatis improspere sinistram praemium reportasti.* » S. — *Lubricum aetatis forma graeca.* L.

5. *Videor ergo demonstrare.* Rom. *Videor ego demonstrare.* H. — Similis confusio infra epist. 4, 7. S.

datus et gravis: paullo etiam horridior et durior, ut in hac licentia temporum. Quantum eloquentia valeat, pluribus credere potes; nam dicendi facultas aperta et exposita statim cernitur. Vitam hominum altos recessus magnasque latebras habet: cuius pro Genitore me sponsorem accipe. Nihil ex hoc viro filius tuus audiet, nisi profuturum: nihil discet, quod nescisse rectius fuerit. Nec minus saepe ab illo, quam a te meque admonebitur, quibus imaginibus oneretur, quae nomina et quanta sustineat. Proinde, faventibus diis, trade eum praeceptori, a quo mores primum, mox eloquentiam discat, quae male sine moribus discitur. Vale.

— *Pt in hac licentia.* Si alio et paulo severiore saeculo vixisset oemo duriusculum dicere: sed mollities et dissolutio huius aetatis facit, ut horridior videretur. Eam vim τλξ ut satis illustramus ad Fabrum. *G.* — *Infra* epist. 6, 3: «A tergo quoque eadem aetas, ul a tergo.» Eodem modo Graeci particula ὡς utuntur. Vide nostra ad Longi Pastoral. p. 428 sq. *S.*

7. *Quibus imaginibus oneretur.* Magna omnia nempe expectantur ab eo, qui tam claris maioribus (quorum spectatur in atriis imagines) ortus sit. Est haec ratio similis Ciceronianae illi sententiae ad Carionem, fam. II, 4: «Est tibi gravis adversaria constituta et parata, incredibilis quaedam expectatio, quam tu, etc.» *G.* — *Moribus:* e definitione Catonis orator est vir bonus, dicendi peritus. *L.*

## IV.

*Causas exponit, cur advocacionem pro Baeticis suscepit; et consulit, an recte fecerit. Hanc epistolam, ut posteris suam laudem traderet Plinius, scripsisse videtur. L.*

C. PLINIUS MACRINO SVO S.

Quamvis et amici, quos praesentes habebam, et sermones hominum factum meum comprobasse videantur, magni tamen aestimo scire, quid sentias tu: nam cuius integra re consilium exquirere optassem, huius etiam peracta iudicium nosse, mire concupisco. Quum publicum opus mea pecunia inchoaturus in Tuscos excurrissem, accepto, ut praefectus aerarii, com-  
meatu, legati provinciae Baeticae, questuri de pro-  
consulatu Caecilii Classici, advocatum me a senatu, petierunt. Collegae optimi, meique amantissimi, de communis officii necessitatibus prae-  
loquuti, excusare me et eximere tentarunt. Factum est senatus-consultum perquam honorificum, ut daret provincialibus patronus, si ab ipso me impetrassent. Legati  
rursus inducti, iterum me iam praesentem postulave-

IV. 1. *Publicum opus.* Templum in Tiferno Tiberino, de quo IV, 4, 4. Tuscos autem suos describit V, 6. G. — *In Tuscos excurrissem.* Rom. *In Tuscos excurrissem.* H. — *In Tuscos,* Tifernum Tiberinum, praediis eius vicinum. Ibi gratiae referendae causa opus publicum, nempe templum, exstruxit. L. — Vide Drakenb. ad Livium I, 42, 8; I, 45, 4. S. — *Commeatu.* Venia eundi. Petiteam Plinius a Traiano X, 24. Vide Clav. Cicer. h. v. S. — *Caecilii Classici.* De quo

et de successu causae, quam hic a se susceptam narrat, hoc libro infra ep. 9, exponit. G.

3. *Collegae optimi.* Reliqui praefecti aerarii, de quo magistratu vide Torrent. ad Sueton. Claud. c. XXIV. Quam laboriosum illud munus fuerit, quamque iustam adeo aliorum munerum excusationem praeberit, vide apud Nostrum I, 40, 9. G.

4. *Me iam praesentem,* etc. Rom. *Me iam praesentem advocatum postu-*

runt advocatum; implorantes fidem meam, quam esset contra Massam Baebium experti; allegantes patrocini foedus. Sequuta est clarissima senatus adsensio, quae solet decreta praecurrere. Tum ego, *Desino*, inquam, *Patres Conscripti, putare, me iustas excusationis causas attulisse*. Placuit et modestia sermonis et ratio. Compulit autem me ad hoc consilium non solum consensus senatus, quamquam hic maxime, verum etiam alii quidam minores, sed tamen numeri. Veniebat in mentem, priores nostros, etiam singulorum hospitum iniurias accusationibus voluntariis exsecutos: quo deformius arbitrabar publici hospitii iura negligere. Praeterea, quum recorderer, quanta pro iisdem Baeticis priore advocacy etiam pericula subissem, conservandum veteris officii meritum novo videbatur. Est enim ita comparatum, ut antiquiora beneficia subvertas, nisi illa posterioribus cumules: nam quamlibet saepe obligati, si quid unum neges, hoc, solum meminerunt, quod negatum est. Ducebar etiam, quod decesserat Classicus, amotumque erat, quod in

*laverunt*. II. — *Contra Massam Baebium*. De quo VII, 33. G.

— *Clarissima senatus adsensio*. Rom. *Senatus clarissima adsensio*. H.

5. *Verum etiam alii, etc.* Rom. *Verum et alii quidam minores, sed tamen innumeri, vixisse*. H. — *Verum et, Cortio quoque probatum, placet*. S. — *Minores...numeri*. Nihil solemnius, quam *rationes* vocare, ubi de consilio capiendi sermo est, hinc *calculatorum* mentio, hinc *duci, putari* dicitur ratio, etc. Huc etiam referendum, quod *numerus* appellat causas, quibus motum se dicit. Sic deinde §. 8. *In summa comparabam, etc.* G. — Bene, opinor, Gesnerus. Si cui vero haec non satisfaciunt, magis fortasse

probatum coniecturam Casanboni ita corrigentis: *alia minoris quidem, sed tamen numeri*, h. e. minoris quidem ponderis, sed alicuius tamen apud me momenti. Iam illa forma et sensu proxime accedunt ad notas dicendi formulas, *in aliquo*, vel *in nullo numero esse*. E.

— *Hospitum*. Civitates, cui amorem suum et reverentiam declarare vellent, cum eo publice faciebant hospitium. L.

6. *Est enim ita comparatum*. Sic et Rom. H. — Al. *Est enim ita natura comparatum*. Vtrumque bonum; sed nostrum maior librorum numerus commendat S.



eiusmodi caussis solet esse tristissimum, periculum senatoris. Videbam ergo, advocacioni meae non minorem gratiam, quam si viveret ille, propositam; invidiam nullam. In summa, computabam, si munere hoc iam tertio fungerer, faciliorem mihi excusationem fore, si quis incidisset, quem non deberem accusare: nam quum est omnium officiorum finis aliquis, tum optime libertati venia obsequio praeparatur. Audisti, consilii mei motus, superest alterutra ex parte iudicium tuum: in quo mihi aequae iucunda erit simplicitas dissentientis, quam comprobantis auctoritas. Vale.

7. *Videbam ergo.* Rom. *Videbam ego*, pro ergo. H. — Vide supra ad ep. 3, 5. S. — *Invidiam nullam.* Sed non invidiosum erat, contra mortuum dicere? Nescimus scilicet totam causam. G.

8. *Computabam simul, reputabam.* L. — *Non deberem.* Propter amicitiam, vel aliud officium. E.

— *Libertati... praeparatur.* Recusandi officii tum maximam veniam

habemus, quum iam antea multa officia praestitimus. Tum nempe non inertia aut impietate fit, ut recusamus, sed iure nostro libertatis utimur. E.

9. *Consilii mei motus.* Quae me moverint, ut illud consilium caperem. S. — *Simplicitas dissentientis.* SimPLICITAS est eius qui aperte et libere sententiam dicit, alienus ab omni simulatione et dissimulatione. L.

## V.

*Plinii maioris libri, vitaeque et studiorum ratio. Haec epistolae monimentum memorabile est, quod Noster avunculo suo posuit: studiosis bonarum literarum commendanda, ab illustri industriae et assiduitatis exemplo, quod ipsis, tamquam in speculo, propositum est. L.*

C. PLINIUS MACRO • SVO S.

Pergratum est mihi, quod tam diligenter libros avunculi mei lectitas, ut habere omnes velis, quaerasque, <sup>2</sup> qui sint omnes. Fungar indicis partibus, atque etiam, quo sint ordine scripti, notum tibi faciam: est enim <sup>3</sup> haec quoque studiosis non iniucunda cognitio. De IACULATIONE EQVESTRI VNVS. Hunc, quum praefectus

V. • *Macer.* In ind. MS. Riccard. vocatur *Barbicus Macer*. Is eo anno consul erat designatus quo Plinius Bassi causam egit. Sed et *Calpurnius Macer* memoratur a Nostro. Ille tempore quo Plinius Bithyniae praefuit, provinciam vicinam resit. L.

— Hanc epistolam, quam Plinio suo praemisit etiam Harduinus, copiosius interpretatus olim sum in fronte Chrestomathiae Plinianae, unde potiora huc referentur. G.

1. *Quaerasque, qui sint omnes.* Rom. *Quaerasque qui sint*, abiecto altero *omnes*. Hoc et ipse deleo. H. — Ne ego repugnem. Gravet orationem alterum *omnes*. S.

2. *Indicis.* Index varie dicebatur in re libraria, v. c. de summa argumenti libris maioribus praemissa, quae Graecis ἐπίστις, κατάλογος, ἰν-

δικασις, item de titulo librorum in mensbranula fronti voluminis praefixo. L.

— *Est enim haec, etc.* Rom. *Est enim haec (non hoc) studiosis non iniucunda cognitio.* Abest quoque. H. — Hoc plerorumque librorum est. Constructio σοῖς ἀρχαῖς quam satis tuentur exempla a Cortio allata. Plura si desideras, adi Drakenborchii notam ad Livium II, 38, 5. ubi simili confusione alii libri, si hoc profectio, et non fuga est; alii, prolante Drakenborchio, si hoc profectio, et non fuga est. S.

3. *De iaculatione equestri.* Mentionem ipse facit Auctor H. N. VIII, 42, sq. 65. Quae sit *iaculatio equestris*, non quaeret, qui viderit hodie ad caput Mauri, ad annulum, etc., ex equo iaculantes. G.

alae militaret, pari ingenio curaque composuit. De  
VITA POMPONII SECUNDI DVO; a quo singulariter amatus,  
hoc memoriae amici quasi debitum munus exsolvit.  
BELLORVM GERMANIAE VIGINTI; quibus omnia quae cum  
Germanis gessimus bella collegit. Inchoavit, quum in  
Germania militaret, somnio monitus: adstitit enim  
quiescenti Drusi Neronis effigies, qui Germaniae la-  
tissime victor ibi periit: commendabat memoriam sui,  
orabatque, ut se ab iniuria oblivionis adsereret. STU-  
DIOSI TRES, in sex volumina propter amplitudinem

— *Alae militaret*. Non eius, puto, quam etiam hodie ita vocamus, quae alias cornu est: sed agminis minoris equestris, cui a CXX ad M usque capita tribui videas, de quo praesertim H. B. Schelius ad Hygin. Grammat. p. 66. G.

— *Pomponii Secundi*. De quo libro ipse Plin. XIV, 4 sq. 6. Poëtam Consularem vocat VII, 19, §. 18. Principatum Tragicorum Latinorum illi tribuit Quintil. X, 4, 98. Cum Donatio Afro comparatur in Dial. de corr. eloq. XIII, 4. G. — Rom. *De vita Q. Pomponii Secundi*. II. — *Singulariter amatus*. Rom. *Singulariter est amatus*. Dele est. H. — *Est*, etiam in Mediceo repertum, temere probat Cortius. S.

4. *Bellorum Germaniae*. Eorum mentionem facit Tacitus A. I, 69. Iam rariores sua aetate fuisse indicat Symmachus IV, 18: «Euitar, si fors votum iuvat, etiam Plinii Secundi bella germanica conquirere.» G.

— *Inchoavit quam*, etc. Rom. *Inchoavit: quam in Germania militarem, somnio monitus, adstitit mihi*. Librarius putavit, Plinii Maioris verba esse. H.

— *Drusus Nero*, Tiber. Imper. frater, Augusti privignus, qui a Batavis

inde usque ad Albim penetravit, multisque Germaniam Castellis communivit, quorum plura urbibus originem dedere, atque in eadem terra extinctus est. L. — *Latissime victor*. Vi Virg. Aen. I, 25, *populum late regem*. Nihil igitur causae erat, cur Marducius scribi inberet *latissimae*. G. — Rom. *Latissime victor*. II. — *Latissimae* non primo placuit Harduino. Habet iam Gryphius. Male. S. — *Memoriam sui*. Rom. *Memoriam suam*. H. — Cortius: «*Sic (memoriam suam)* libri omnes scripti et excusi: ne te moveat illud *memoriam sui*, quod inficetus corrector in Ed. Cellarianam intrusit. Alterum aequè usitatum esse, persuadebunt nostra ad Sallust. Catil. cap. XXXI, extr. a Hierigius *memoriam suam* bene revocavit. S. — *Adsereret*. Rom. *Adsererem*. H.

5. *Studiosi*. Iam tum studere simpliciter de literis adhibebant, et studiosus erat eloquentiae, quae apex tum studiorum, cupidus. Noster VIII, 12, 1: *Colit studia, studiosus amat*, etc. Fecit igitur operi suo titulum Plinius Maior *Studiosus*. Est enim Studiosi hic casus secundus, ut *Bellorum Germaniae*, *Dubii sermonis*, *Naturae historiae*. Igitur apud Gellium IX, 16, ubi huius operis mentio

divisi: quibus oratorem ab incunabulis instituit et perficit. **DUBII SERMONIS OCTO**: scripsit sub Nerone, novissimis annis, quum omne studiorum genus paulo liberius et erectius periculosum servitus fecisset. **A FINE AVFIDII BASSI TRIGINTA VNVS. NATVRAE HISTORIARVM TRIGINTA SEPTEM**, opus diffusum, eruditum, nec minus varium quam ipsa natura. Miraris, quod tot volumina, multaque in his tam scrupulosa, homo occupatus absoluerit? Magis miraberis, si scieris, illum aliquamdiu causas actitasse; decessisse anno sexto et quinquagesimo: medium tempus distentum impeditumque qua officiiis maximis, qua amicitia principum, egisse. Sed

fit, non legendum videtur, ut est in plerisque libris, *Is libros reliquit, quos Stultiorum inscripsit, sed Studiosi*, quam coniecturam iuvat lectio MS. *studior. G.* — *Amplitudinem*. Namque volumina saepe plurium cubitorum longitudinem habebant. *L.* — *Quibus oratorem ab incunabulis*. Rom. *Quibus orationem ab incunabulis*. *H.* — Sic et *Mediceus*, recte improbante Cortio. Quintilianus quoque oratorem ab ipsis dicendi velut incunabulis (p. 7 ed. Burm.) instituit. — *Mox perficit praestat Cortiano perficit. S.* — *Dubii sermonis*. Saepe advocantur ab antiquis Grammaticis, quod Putichianus index docet. *G.* — Fuit igitur opus grammaticum de dubia ambiguaeque verborum forma, aut significatione. *E.* — *Dubii sermonis octo: scripsit*. Sic interpungo, ut octo sit primi casus, quo ceteri libri omnes enumerantur. *H.* — Verissime: itaque sic interpunxi. Vulg. *Dubii sermonis octo scripsit*, etc. *S.* — *Liberius et erectius*. Vt historiae, vel politicae, quum de republica, de moribus publicis privatisque libere et graviter disputatur. *E.* — Rom. *Paulo libe-*

*rius et erectius. H.*

6. *A fine Aufidii*. Historiarum novorum temporum, iustum opus ab his temporibus, ubi Aufidius Bassus (Quintiliano laudatus X, 4, 101) desierat. Vid. Plin. H. N. praef. it. II, 83, s. 85, it. II, 105, s. 106. *G.* — *Naturae historiarum*. Quod solum opus naufragium illud infelix evasit; et vel solum bibliothecae instar est. *G.*

7. *Si scieris*. Rom. *Si scires*, multo pro scieris. *H.* — Iusto pro scire, forma contracta, quam librarii saepe oblitterarunt. Vid. Drakenb. ad Liv. VI, 48, 40; XLV, 5, 42. *S.*

— *Illum aliquamdiu causas actitasse*. Rom. *Illum causas actitasse aliquamdiu*. *H.* — *Medium tempus*. Inter causas agendas et mortem interiectum. *G.* — *Distentum impeditumque*, etc. Rom. *distentum impeditumque tam officiis maximis, quae amicitia principum egisse*. *H.* — *Qua... qua... Vt exquisitus*, a Plinii more profectum. *Tam...quam...* pro glossate habendum, quod et alibi illam formam expulit. Vide Drakenb. ad Livium lib. II, cap. 35, 4. *S.*

erat acre ingenium, incredibile studium, summa vigilantia. Lucubrare Vulcanalibus incipiebat, non auspicandi causa, sed studendi, statim a nocte multa: hieme vero, hora septima, vel quum tardissime, octava, saepe sexta. Erat sane somni paratissimi,

8. *Vulanalibus*. Quae incident, Kalendariis antiquis testibus, in X Kal. Sept. G. — *Auspiciandi causa*. Initii bene ominati faciendi, quod Vulcani sacrum moneret homines, nunc eius, hoc est, ignis beneficio opus esse incipere ad obeunda negotia: ut Ianuarii Kalendis (Ovidio teste Fast. I, (69): *Quinque aus artes ob idem delibet argento, Nec plus quam solitum testificatur opus*. Vide Schoëttg. ad Colum. XI, 2, 93. Nam etiam rustici *auspicantur* Kal. Ian. G. — *Hora septima*. Si observes, quae ad III, 4, 8, de ratione horarum dicta sunt, patebit, circa brumam sextae Romanae convenire ipsam nostram h. 12; septimae h. 4, m. 20, octavae h. 2, m. 40. G. — *Saepe sexta*. Duo verba *saepe sexta*. Rom. desunt. Statim idem liber: *«Erat sane somni paratissimi, nonnunquam etiam inter ipsa studia instantis et deserentis.» H.*

— *Paratissimi*. Qui praesto esset, quocumque tempore opus esset, adeo ut somni causa interrumpere laborem nihil opus esset, cuius, quocumque otio se offerente, parata esset facultas. Firmavit hanc lectionem Cortius, meritoque alteri *paratissimi* praeferenda ostendit. *Paratissimi* non differt a summa vigilantia. *Paratissimi* etiam Heusinger. Emen. II, 10, p. 276, ex vet. libro suo. G. — Interpretes h. l. non viderunt, quo consilio Plinius haec verba: *Erat sane... deserentis*, adiecerit, minime certe

omnium illi, qui *paratissimi* defendebant, quod ab hoc loco alienissimum est. Laudat Plinius avunculi *summam vigilantiam*, haud dubie, ut virtutem. Quod si autem vigilantia non naturae aliqua imbecillitate, sed virtute constat, necesse est, ut saepe cum somno obrepente, instante et urgente luctandum sit, ut eum contentione et proposito subigas et vincas. Vi igitur huius vigilantiae pretium et avunculi constantiam declaret, dicit eum alioqui fuisse *somni paratissimi*, hoc est, non prout natura ad vigilandum, sed ad somnum potius, qui ei instaret saepe inter studia, sed et eum desereret, victus nempe, veluti abactus hominis continentia et vigore. Habet etiam locus, nisi me mens sensus fallit, iucundam imaginem ex prosopopoeia. Sonnus vigilantissimo homini odstat, eique instat saepe, si eius vigilantiam expugnare possit: sed illa vigilantiae virtus maior est, quoties instat somnus, toties velut remissus et repudiatus eundem deserit. E. — Quominus Eroestii rationem, solerter illam quidem escogitam, sequar, impediunt verba *et deserentis*. Hoc enim Plinius si dicere voluit, particula, non copulante, sed adversante uti debuit. An igitur levi mutatione (cf. mox ad 43) corrigemus *sed deserentis*? Non puto. Vidit, opinor, ipse Ernestius hunc scopulum, interpretandoque callide circumvectus est. Equidem teneo rationem Cortii, probatam item Gesnero, nuperque Gierigio. Quid I. A. Ernestio de hoc

nonnunquam etiam studia instantis et deserentis. Ante  
 9 lucem ibat ad Vespasianum imperatorem: nam ille  
 quoque noctibus utebatur: inde ad delegatum sibi  
 officium. Reversus domum, quod reliquum erat tem-  
 10 poris, studiis reddebat. Post cibum saepe (quem in-  
 terdiu levem et facilem veterum more sumebat)  
 aestate, si quid otii, iacebat in sole: liber legebatur:  
 adnotabat excerpebatque. Nihil enim legit, quod non  
 exciperet. Dicere etiam solebat, nullum esse librum  
 14 tam malum, ut non aliqua parte prodesset. Post solem  
 plerumque frigida lavabatur. Deinde gustabat, dor-  
 miebatque minimum. Mox, quasi alio die, studebat  
 in coenae tempus. Super hanc liber legebatur, adno-  
 18 tabatur, et quidem cursim. Memini quemdam ex amicis,  
 quum lector quaedam perperam pronuntiasset, re-  
 vocasse et repeti coëgisse: huic avunculum meum  
 dixisse, *Intellexeras nempe?* quum ille adnuisset, *Cur*  
*ergo revocabas? decem amplius versus hac tua inter-*

loco visum sit, docet Gessneri ad eum  
 Epistola. S.

9. *Nam ille quoque noctibus.* Rom.  
*Nam illo quoque noctibus, perperam.*  
 H.

— *Quod reliquum erat temporis.*  
 Rom. *Quod reliquum temporis, sine*  
*verbo erat.* H. — Omittunt plurimi  
 libri: et melius abest. Sic mox: *si*  
*quid otii.* S.

10. *Post cibum;* circa meridiem,  
 interpellantem ventrem cibo leviori,  
 quem stantes de manu sumebant,  
 placare solebant. L. — *Levem et fa-*  
*cilem.* Post quem lavandae non sunt  
 manus, Sen. ep. 83. Laudat de hoc  
 more Cortius Ios. Wasse ad Sall. de  
 rep. ordin. 1, in Add. pag. 313 sq.  
 G. — *Iacebat in sole.* Haec *apricatio*  
 seu *insolatio* veterum, dieteticæ me-

dicinae pars non parva: ad hanc ho-  
 nolis *helioscaminus* II, 17, 20. Vid. P.  
 Victor V. L. XXI, 43. G. — *Adno-*  
*tabat excerpebatque.* Rom. *Adnotabat,*  
*excerpebat.* H. — Placet h. l. asynde-  
 ton. S.

11. *Gustabat.* Haec gustatio non  
 coenae initium est, seu *promulsis*, ut  
 alias, sed eibus siccis inter prandium  
 et coenam sumptus. Vide Salmas. ad  
 Vopisei Tac. II, p. 614 sq. G. —  
 Latæ gustationem continens *gustato-*  
*rium* dicebatur. A Plinio autem hanc  
 vitae rationem esse servatam apparet  
 ex VI, ep. 6. L.

— *Super hanc.* Secundus infra lib.  
 IV, ep. 22, 6: «De eius nequitia san-  
 guinarisque sententiis in commune  
 omnes super coenam loquebantur» S.

12. *Versus.* Non sunt, ut Gierigio

*pellatione perdidimus.* Tanta erat parsimonia temporis! 13 Surgebat aestate a coena, luce; hieme, intra primam noctis; et tanquam aliqua lege cogente. Haec inter 14 medios labores urbisque fremitum. In secessu solum balinei tempus studiis eximebatur. Quum dico balinei, de interioribus loquor: nam dum destringitur tergiturque, audiebat aliquid, aut dictabat. In itinere, quasi solutus caeteris curis, huic uni vacabat. Ad latus 15 notarius cum libro et pugillaribus, cuius manus hieme

viam, segmenta maiora et minora periodorum, sive conimata, sed quae vulgo, parum sane latine, *lineae* dicuntur. Vid. de Vit. Serm. 4, 26, p. 412 sq. S.

43. *Tanta erat.* E. praeepto Theophrasti verissimo, *χρόνος πάντῃς ἀνάσκει*. L.

— *Et tanquam aliqua lege cogente.* Rom. *Sed tanquam aliqui lege cogente*. H. — *Sed etiam liber Medicus.* Male. » Saepissime scribae vocus et ac ad perperam commutarunt..... Praesertim autem id facile accidere potuit, si vox praecedens *lira* finiret. » Drakenb. ad Liv. XXI, 26, 6. S.

44. *In secessu.* Quoties curandi corporis aut animi causa in villam secesserat. Haec adnotare nihil adlinebat, nisi mirifica quaedam hic alii traderent. Hoc etiam ad proximam observationem pertinet. G.

— *De interioribus. Studiis* intellige, hoc est altioribus, ad quae accuratior meditatione opus esset. Vide Cic. de N. D. III, 46, lt. Fam. III, 40, post med. et VII, 33, med. G. — Rectissime Geanerus, quidquid contra diserint alii, etiam recentissimi interpretes, qui loci sensum non perviderunt, et suis sententiis turba-

runt. Plinius dicit, *solum balinei tempus studiis eximi*. Sed hoc ipse eo restringit, ut dicat, se non omnino de omnibus studiis, sed de interioribus tantum loqui. Nam etiam in balineo, dum destringitur et tergitur, audiebat aliquid, aut dictabat. Haec scilicet erant leviora studia, levior animi contentio balineo apta. Interiora tantum, hoc est, altiora, difficiliora, contentiora studia remittebat et excludebat a balineo, a quo talis acrior mentis intentio aliena, et valetudinali noxia fuisset. E. — Assentire viris egregiis, nisi verborum structura clarissime reclamaret. Interiora non possunt non de balineo intelligi. Interpretor res, quae in secretioribus balinei locis fiunt, id est, lotiones; quibus opponuntur exteriora, puta strigilis usus, etc. Ceterum locus, ut qui maxime, sanus. S.

— *Dum destringitur tergiturque.* Rom. *quum destringitur tergiturque*. H. — *Destringitur.* Sic legendum, quum de auferendis strigili sordibus sermo est, ostendit post alios Curtius. De ipso opere vid. Mercurial. de arte gymn. I, 8; et Eschenb. de unct. gentil. Diss. Acad. p. 483. G.

45. *Notarius.* Tachygraphus, qui adhibitis notis, hoc est, vocum compendiis, celerissime quamvis loquentis

manicis muniebantur, ut ne caeli quidem asperitas ullum studiis tempus eriperet: qua ex caussa Romae quoque sella vehebatur. Repeto, me correptum ab eo, cur ambulare. *Poteras, inquit, has horas non perdere*: nam perire omne tempus arbitrabatur, quod studiis non impertiretur. Hac intentione tot ista volumina peregit; Electorumque commentarios centum sexaginta mihi reliquit, opisthographos quidem et minutissime scriptos: qua ratione multiplicatur hic numerus. Referebat ipse, potuisse se, quum procuraret in Hispania, vendere hos commentarios Largio Licinio quadringentis millibus nummum: et tunc ali-

17  
18

quanto pauciores erant. Nonne videtur tibi, recordanti quantum legerit, quantum scripserit, nec in officiis

voces excipere posset. \* Scriptor velox (Manil. IV, 460), cui litera verbum est, Quique notis linguam superet, cursuque loquentis Excipiat longas nova per compendia voces. \* Huius (Martial. XIV, 208), \* Currant verba licet, manus est velocior illis: Nondum lingua suum, destra peregit opus. \* G. — *Ullum studiis tempus*. Rom. *Ullum studii tempus*, non *studii*. Sic *tempus audiendi* continet lib. I, ep. 43, 2. II.

— *Sella vehebatur*. Clausa, puto, ob interpellatores, et in qua sedendi facultas; quod legenti commodius. G.

46. *Me correptum ab eo, cur ambulare*. Notanda constructio, profecta illa ex studio brevitatis. Simile breviloquentiae exemplum in Ciceron. Epist. ad Attic. III, 45 init. *unam, qua me obiurgas, ut sim firmiter*, ubi inepte liber Antonianus: *qua me obiurgas et rogas, ut*; etc. Ne igitur cur in quam mutes. S.

— *Has horas non perdere*. Si studiis impenderes. Generalis admoni-

lio: nec devectione in sella cogitandum. S.

17. *Electorum*. Hoc est, excerptorum, silvae cuiusdam observationum, e qua materia libris futuris peteretur. G. — *Opisthographos*. etiam in altera pagina scriptis, quum volumina alias in adversa tantum scriberentur. Vide Scalig. ad Guilandi de papyro p. 45. Salm. ad Vopisci Firmum c. III, pag. 704 sq. G. — *Minutissime scriptos*. Sic et Rom., ut Medic. H. — *Al. minutissimis scriptis* scil. literis. S. — *Procuraret*, procurator Caesaris esset. Isti procuratores, ex instituto Augusti et in urbe et in provinciis ea curabant, quae ad fiscum pertinerent. L. — *Largio Licinio*. Ventoso homini et falsae choraginis gloriae undique corroganti, ut apparet etiam ex II, 44, 9. G. — *Pro Largio* alibi et altero Secundi loco *Lartio*, *Larcio*. Vide de hac varietate Interpr. ad Liv. II, 40, 6, ad Eutrop. I, 42. S. — *Quadringentis millibus nummum*. Nostrae pecuniae florenti Imperiales



ullis, nec in amicitia principum fuisse? rursus, quum audis, quid studiis laboris impenderit, nec scripsisse satis, nec legisse? Quid est enim, quod non aut illae occupationes impedire, aut haec instantia non possit efficere? Itaque soleo ridere, quum me quidam studiosum vocant, qui, si comparer illi, sum desidiosissimus. Ego autem tantum, quem partim publica, partim amicorum officia dstringunt? Quis ex istis, qui tota vita literis adsident, collatus illi, non quasi somno et inertiae deditus erubescat? Extendi epistolam, quamvis hoc solum, quod requirebas, scribere

sive Rhenani 20,000. Summa luculenta, pro qua bibliothecam hodie emas minime contemnendam. G.

48. *Nec in amicitia principum.* Rom. *Nec in amicitia principis*, unius Vespasiani. H. Ita et Cortius cum Gierigio. S.

— *Quid studiis laboris impenderit.* Sic etiam Rom. H. — Bene Gierigius haec ita refinit: *quid studi laboribus*, ut oppositio sibi constet. *Labores* autem officia et negotia publica dicit. Ea tamen sententia ut absolvatur, necesse est, ut mos satis espungatur, quod nunc certe otiosum est. E. — Locus sanissimus nulloque iure a viris doctis tentatus, in quibus quatinus taxandus Gierigius, qui, ut suam τὸν κριτὸν ἀναγκάζουσιν tacetur, Secundum communes neglexisse scribendi leges dicere sustineat. Verissime Cortius: « Sensus est apertus. Si repotes, quantum legerit et scriperit, non credas eum officii et amicitia principis districtum fuisse: illae enim occupationes omnia apud alium impediissent, ne licuisset per eas tantum legere, tantum scribere. Rursus si consideres, quantum laboris studiis impenderit, nec scripsisse satis, nec

legisse videbitur: nam ista sua instantia et intentissimo studio longe plura legere, longe plura scripta relinquere potuisset. Nihil profecto in his obscurum, aut absomum. » Nimirum Pinius avunculum suum non tam laudat, quod tot libros legerit scriperitque, ut nulli alii rei vacasse videatur, quam quod studiis tantum impenderit laboris, ut plures etiam legere ac scribere potuisse patet. Sane qui perire omne tempus arbitratus est, quod studiis non impertiret, et quidquid legeret, tanta intentione excerpt, ut librorum futurorum materia incredibiliter cresceret, licet plurimos libros legerit scriperitque, tamen nec legisse satis videtur, nec scripsisse. S.

— *Instantia.* Quae censetur non tantum legendo scribendoque, sed etiam audiendo, dictando, excerptendo, commentando, etc. S.

49. *Ego autem... dstringunt.* Ita et Rom. H.

20. *Extendi epistolam*, etc. Rom. *Extendi epistolam, quamvis quum hoc solum.* Duplex lectio, quum in aliis quum, in aliis quamvis scriptum fuisset. Antiquius esse puto quum, cuius interpretatio est *quamvis*. H.

destinassem, quos libros reliquisset. Confido tamen, haec quoque tibi non minus grata, quam ipsos libros, futura: quae te non tantum ad legendos eos, verum etiam ad simile aliquid elaborandum, possunt aemulationis stimulis excitare. Vale.

— *Haec quoque tibi non minus grata. Rom. Haec quoque non minus grata, sine tibi. H.*

## VI.

*Statuam Corinthii aeris in templo patriae positurus, rogat, ut basis ex marmore paretur.*

C. PLINIUS SEVERO SVO S.

**E**x hereditate, quae mihi obvenit, emi proxime Corinthium signum, modicum quidem, sed festivum et expressum, quantum ego sapio, qui fortasse in omni re, in hac certe perquam exiguum sapio: hoc tamen signum ego quoque intelligo. Est enim nudum, nec aut vitia, si qua sunt, celat, aut laudes parum ostentat.

VI. 1. *In hac certe perquam exiguum.* Imitaturne Ciceronem suum? qui in Verrinis oratione de signis passim ac studiose subtiliorem intellectum harum rerum dissimulat, ut eo magis isto nobilium quorundam morbo carere videatur, qui intelligendi isto ambitu se solos dignos haberi vellent, qui pretiosas tabulas, signa, vascula et reliquam luxuriei eruditae suppellectilem possiderent. Vide Verr. IV, 2 et 3. G. — Simillimum in simillima re Ciceronia de se iudicium est in Act. II, Verr. 36, ubi post enarrata varia artis opera, quae Verres abdu-

xerit, etiam capella est quaedam, inquit, ea quidem mire, ut etiam nos, qui rudes harum rerum sumus, intelligere possimus, scite facta et venuste. » E.

2. *Est enim nudum.* Ita loquitur, quasi difficilius putet de vestito signo, quam de nudo iudicare; quo quidem ipso forte probat, se non nimis multum hac in re intelligere. Quid enim? non aequè facile, quin facilius est videre, si quid in pallio vel toga statuae peccatum sit, quam si in surae musculo, vel flexu digiti? G.—Mirae interpretum de hoc loco sententiae

Effingit senem stantem : ossa , musculi , nervi , venae , rugae etiam ut spirantis apparent : rari et cedentes capilli , lata frons , contracta facies , exile collum : pendent lacerti , papillae iacent , recessit venter . A tergo quoque eadem aetas , ut a tergo . Aes ipsum , quantum

nunt. Gesnerus putabat Plinium ita loquutum esse, quasi difficilius putasset de vestito signo, quam de nudo iudicare, quum tamen facilius sit videre, si quid in pallio vel toga statuae peccatum sit, quam si in surae musculo vel flexu digiti. Gierigius statuit, Plinium iucunde iocari, et animi causa de statua loqui, ut de homine, qui vitia corporis velat: sed quo hic iocus nunc pertineat, vel quem sensum habere possit, non dixit. Neutrum ego credo. Primum Plinius dicit se, ut in omni re, ita in statuarum arte iudicanda exiguum sapere: hoc venustae modestiae erat fateri. Iam addit, se hoc signum tamen intelligere. Cur? est enim iudicium, etc. Haec optime cohaerent. Nempe facilius profecto est signum nudum, praesertim ita expressum, ut describitur, intelligere, hoc est, eius pretium statuere vitii aut virtutibus cognoscenda. Nemo enim, nisi qui sit plane stupidus et iners, ita omni naturae corporis humani, et artis ignarus est, ut iudicare non possit, in nuda statua membrorum compositio, flexusque recti sint an pravi, ossium nervorum, ceterarumque partium corporis situs, flexus, naturae respondeant nec ne. Et haec omnia in senilis corporis forma expressiora esse solent. In signo vestito difficilius est artem artificis iudicare propterea, quod plicarum iactus et compositio non ita constituta est natura, sed magis arbitraria, et ex artis interioribus quibusdam regulis pendens, quae

non nisi a peritissimis existimatoribus, et longo usu intelligi possunt. locutum fuisse Plinium, tum fortasse statuerem, si de nuditate muliebri sermo esset: sed quis sanus in decrepiti senis nuditate iocandi occasionem capiet, aut aliquam cupiditatem sentiat? E.

*Nervi*, qui hodie sic dett. non possunt exprimi in signis; sed Romani, ad imitationem Graecorum, *nervos* dixerunt vincula et ligamenta membrorum. *L.* — *Vt spirantis*. Iam advocata huc sunt *spirantia* molliter aera ex Virg. Aen. VI, 848. *G.* — Sic et Graeci in signis τὸ ὑψυχόν laudant. Plena harum laudum Anthologia Graeca. Vide Huschke Anal. Crit. p. 61. Iacobs ad Epigr. adesp. CCXLV. *S.* — *Rari et cedentes capilli*. Ita etiam Rom. *II.* — *Cedentes capilli*. Interpretor defluentes, delicientes, propter quod iam rari sunt. *G.* — *Exile collum*. Vt larynx, tendines, venae, ob carnis et pinguedinis defectum, appareant. *G.* — *Pendent lacerti*. Lacerti non iam rotundi sunt, substricti, torosique; sed pensiles et flaccidos musculos, ob una modo parte haerentes, habent. *G.* — *Papillae iacent*. Μαζὸς ὑπεκλίσθη Agathias XIII, 5. *S.* — *Recessit venter*. Rom. *Venter recessit*. II.

3. *Vt a tergo*. Quantum nimirum a tergo ostendi potest, in quo non tot expressa aetatum vestigia in oculos incurruunt scilicet. *G.* Vide ad ep. III, 5. *S.*

verus color indicat, vetus et antiquum. Talia denique omnia, ut possint artificum oculos tenere, delectare  
 4 imperitorum. Quod me, quamquam tirunculum, sollicitavit ad emendum. Emi autem, non ut habere in domi (neque enim ullum adhuc Corinthium domi habeo), verum ut in patria nostra celebri loco ponerem;  
 5 ac potissimum in Iovis templo. Videtur enim dignum templo, dignum deo donum. Tu ergo, ut soles omnia, quae a me tibi iniunguntur, suscipe hanc curam, et iam nunc iube basim fieri, ex quo voles marmore, quae nomen meum honoresque capiat, si hos quoque  
 6 putabis addendos. Ego signum ipsum, ut primum invenero aliquem, qui non gravetur, mittam tibi: vel ipse, quod mavis, adferam mecum. Destino enim,  
 7 si tamen officii ratio permiserit, excurrere isto. Gaudes, quod me venturum esse polliceor: sed contrahes frontem, quum adiecero, ad paucos dies. Neque enim diutius abesse me sinunt eadem haec, quae nondum exire patiuntur. Vale.

— *Vetus et antiquum.* Vultur hoc loco Ruhnkensius in nota asquiritae doctrinae referta ad Vellei, pag. 64. Graecis exemplis ab eo congestis accedant haec. Aeschyl. Eumen. 730 sq. Σὺ τοι παλαιὸς δαίμωνες καταβέβησας, ὕμῳ παρηπάτησας ἀρχαίης θεάς. (Sic locum cum Stanleio corrige, a ceteris, si me audis, manu abstineas. Confusionis vocum οἶος et ὄρος aliud exemplum reperies in Etymol. M. col. 394, 32, coll. Aristoph. Nub. 416.) Marcellinus de Thucyd. Vita pag. 8, ed. Duker. ὡς ἐπιπλισσόμενοι διὰ χρόνου τῇ ἀρχαίᾳ Αἰθίδι, τῇ παλαιᾷ. S.

— *Artificum oculos.* Ita et Rom. sine etiam. H. — Nimirum al. artificum etiam oculos. S.

5. *Dignum templo, dignum deo.* Cic. Verr. IV, 28, de caedelabro Antiochi, « dignam rem esse regno Syriacae, dignam regio munere, dignam Capitolio. » G.

6. *Officii.* Sine dubio curator alvei Tiberis tum erat. L.

7. *Sed contrahes frontem.* Rom. Sed tamen contrahes frontem. Mox eadem: « Neque enim diutius abesse me eadem. » Deest verbum sinant, ut patiuntur repetatur. Ita et Curtius. H.

## VII.

*Silius Italicus, quem decessisse nuntiat, meritis laudibus ornat. Quum Silii Italici Punica, ad nostra tempora pervenerint, tanto acceptiora nobis esse debent, quae hic de viri felicitate, opibus, moribus cum fide traduntur. L.*

C. PLINIUS CANINIO SVO S.

**M**odo nuntiatum est Silius Italicus in Neapolitano suo inedia vitam finisse. Causa mortis, valetudo. Erat <sup>2</sup> illi natus insanabilis clavus, cuius taedio ad mortem irrevocabilis constantia decucurrit: usque ad supremum diem beatus et felix, nisi quod minorem e liberis duobus amisit, sed maiorem melioremque, florentem, atque etiam consularem reliquit. Laeserat famam suam <sup>3</sup> sub Nerone; credebatur sponte accusasse: sed in Vitellii amicitia sapienter se et comiter gesserat: ex proconsulatu Asiae gloriam reportaverat: maculam veteris industriae laudabili otio abluerat. Fuit inter <sup>4</sup> principes civitatis sine potentia, sine invidia. Salubatur, colebatur, multumque in lectulo iacens, cubiculo semper non ex fortuna frequenti, doctissimis

VII. 1. *Vitam finisse.* Rom. *Finisse vitam.* H.

2. *Minorem e liberis.* Rom. *Minorem ex liberis.* H.

3. *Spon te accusasse.* Nemine deferente, ut a provinciis deferbantur accusationes contra magistratus suos viris eloquentiae et integritatis laude florentibus. Taceo quod sub tyranno accusare semper fere invidiosum est. G. — *Veteris industriae.* Forensis illius, qua supra *spon te accusasse* dicebantur. E.

4. *Multumque in lectulo.* Hoc est, idque multum, vel, et multum quidem. Ita avunculus Nostri aliquoties praeterque ponit, pro et praeter ea. G. *Non ex fortuna.* Poterat etiam pro fortuna dicere. Cubiculum Silii frequentius fuit, quam in homine, qui ad otium se contulisset, qui sine potentia esset, praeterea aegrotus, et mox morituro, lilio berede, putares: talem enim plerumque alias deserunt. Curtius legit, non ex fortuna praesenti, ac totum hoc refert ad salubatur,

- 5 sermonibus diestransigebat. Quum a scribendo vacaret, scribebat carmina maiore cura quam ingenio, nonnunquam iudicia hominum recitationibus experiebatur. 6 Novissime, ita suadentibus annis, ab urbe secessit, seque in Campania tenuit: ac ne adventu quidem 7 novi principis inde commotus est. Magna Caesaris laus, sub quo hoc liberum fuit; magna illius, qui 8 hac libertate ausus uti. Erat φιλόκαλος usque ad ema-

colebatur. Sed duriusculum sic videtur illud *colebando semper*; neque enim puto dici *colebatur semper cubiculo*; minus etiam inungi potest cum participio *iacens*, quod adiunctum sibi suum iam habent lectulo. Neque sane est, cur impeditum adeo sermonis genus tribuamus Plinio, quum *frequenti* non minus magnas auctoritates habeat altero *praesenti*. G. — Gierigius novissime hunc omnem locum sic interpunctum edidit: 1 Salutabatur, colebatur: multumque in lectulo iacens, cubiculo semper non ex fortuna frequenti, doctissimis sermonibus dies transigebat, quum a scribendo vacaret. 2 Sed nec satis firma, nec gravia sunt argumenta, quibus ille vel ad commendandam mutationem suam, vel ad refutandam lectionem pristinam utitur. E.

— Salutabatur, colebatur, multumque in lectulo iacens, cubiculo semper, non ex fortuna, frequenti, doctissimis sermonibus dies transigebat. Haec cum Rom. inter se comexa exhibeo, a quo in solo nonnive *frequenti* dissentio. Nam pro eo in Rom. et in aliis quibusdam est *praesenti*. Sed *frequenti* editum est ab Aldo, Cataneo aliisque, qui id alteri lectioni praestare viderunt. Putavi aliquando a Plinio scriptum fuisse, non ex fortuna *praesente frequenti*, sed id dubius in medium

adfero. Multos quotidie salutatores ad eum confluisse ait, qui non fortunae, sed homini, essent amici, ita ut cubiculum semper frequens esset. Cum his, in lectulo frequentius iacentes, doctissimos sermones explicare, hisque dies transigere solitum fuisse. Hinc nova incipit sententia: 1 Quum a scribendo vacaret (scribebat carmina maiore cura, quam ingenio), nonnunquam iudicia hominum recitationibus experiebatur. 2 Neminem fore puto, qui, quanto mea haec interpunctio verior sit vulgata, non sentiat, quae verba per se clara tenebras obdixit. II. — Probo Hensingeri rationem. Ita si interpungas, omnes huius loci salebrae complanantur. S.

6. *Suadentibus annis*. Ob senectutem. Vide supra III, 4, 11, et II, 14, 14. G. — *Novi principis*. Traianum e Germanico bello, defuncto Nerva, redeuntem signari, apparet. G.

*Qui hac libertate ausus uti*. Rom. *Qui hac libertate ausus est uti*. H. — Addidit verbum substantivum *Cor-tius* ex libris suis, additurusque erat Ernestius. Bene. Saepe excidit est, si vox praecedens in 2 desineret. Exempla pete ex notis Drakenborchii ad Liv. II, 33, 5; IX, 20, 6. S.

citatis reprehensionem. Plures iisdem in locis villas possidebat; adamatisque novis, priores negligebat. Multum ubique librorum, multum statuarum, multum imaginum, quas non habebat modo, verum etiam venerabatur: Virgilii ante omnes, cuius natalem religiosius, quam suum, celebrabat; Neapoli maxime, ubi monumentum eius adire, ut templum, solebat. 9 In hac tranquillitate annum quintum et septuagesimum excessit, delicato magis corpore, quam infirmo: utque novissimus a Nerone factus est consul, ita postremus ex omnibus, quos Nero consules fecerat, decessit. Illud etiam notabile; ultimus ex Neronianis consularibus obiit, quo consule Nero periit: quod me recordantem, fragilitatis humanae miseratio subit. Quid 11 enim tam circumcisum, tam breve, quam hominis vita longissima? An non videtur tibi Nero modo fuisse,

8. *Plures iisdem in locis villas possidebat.* Rom. *Plura iisdem locis villas possidebat.* Ita paullo post: *Virgilii ante omnia* (pro omnes) *cuius natalem religiosius, quam suum* (femin. genere) *celebrabat.* II. — Etiam Ciceronis praedium possidebat. Martial. XI, 49, *Iugera focundi qui Ciceronis habet.* L.

— *Virgilii.... natalem.* Religio ea tempestate sollemnis. Martial. XII, 68: «Octobres Maro consecravit Idus. Idus saepe colas et has et illas, Qui magni celebras Maronis Idus.» Sic Epicuri natalem sui celebrabant; sic, ut in poetis maneamus, splendidissimo carmine (Silv. lib. II, 7) Lucani defuncti natalem celebravit Papinius. Simili causa ducti Christiani, *natales* martyrum suorum, hoc est, dies quibus ad vitam meliorem per cruciatum transierant, colere instituerunt: quemadmodum etiam ad monumenta eorum

et cineres adire non dispari religione coeperunt. Vid. quos hic laudat Cor-tius. G. — *Neapoli.* Vbi reperiunt epitaphium ex Mabillonii Museo Ital. pag. 112, memorat Cellarius: *SISTITE VIATORES, QUAREO, PATCA LEGITE; HIC MARO SISTVS EST.* G.

— *Fit templum.* Sic Statius, Silv. IV, 4, 54, *Maronem templum*, eodem Cellario monente, dixit. G.

9. *In hac tranquillitate, etc.* Similiter supra II, 4, 4, de Verginio Rufo: a *Annus tertium et octogesimum excessit in altissima tranquillitate.... Vnus est firma valetudine.* S.

40. *Miseratio subit.* Rom. *Miseratio subit.* II. — Ita omnes, opinor, libri. Videatur scripsisse, aut scribere voluisse Heusingerus: *m. subit.* Talis enim fluctuatio librariorum in compositis verbi eo frequentissima. S.

41. *Nero modo fuisse.* Cod. Arnz.

- quum interim ex iis, qui sub illo gesserant consulat-  
tum, nemo iam superest? Quamquam quid hoc miror?  
 12 nuper Lucius Piso, pater Pisonis illius, qui a Valerio  
Festo per summum facinus in Africa occisus est,  
dicere solebat, *neminem se videre in senatu, quem*  
 13 *consul ipse sententiam rogavisset.* Tam angustis ter-  
minis tantae multitudinis vivacitas ipsa concluditur,  
ut mihi non venia solum dignae, verum etiam laude  
videantur illae regiae lacrymae: nam ferunt, Xerxem,  
quum immensum exercitum oculis obisset, illacry-  
 14 masse, quod tot millibus tam brevis immineret oc-  
casus. Sed tanto magis hoc, quidquid est temporis,

*Neronem modo fuisse.* Non male: quamquam exempla huius constructionis, librariorum culpa fortasse hic illic oblitteratae, perraro offeruntur. Cicero Tusc. Quaest. V, 5: « Non mihi videtur, ad beate vivendum satis posse virtutem. » Mox medicus liber: *modo modo fuisse.* Verissime, adque vim sententiae efficacissime. Miror, egregiam hanc lectionem Cortio non dignam visam esse, quam in ordinem reciperet. Melius de hoc Plinii loco N. Heinsius ad Petron. T. I, p. 257 ed. Burm. ubi omnino vide S.

12. *Quid hoc miror.* Rom. *Quid haec miror.* H. — Hic singularis praefereendus. S. — *Pisonis illius.* Intel. L. Piso anno Chr. 58, cum Nerone Consul; anno 63 vestigalibus publicis praefectus, et anno 74 sub Vespasiano proconsul Africae. Hunc tanquam res novas molientem, primum Mucianus, misso Roma Centurione quodam, interficere voluit; in quem vero Piso, re comperta, animadverti iussit. Mox Valerius Festus, qui legatus Caesaris legionem regebat,

equites misit, qui Pisonem domi suae occiderunt. L.

13. *Tantae multitudinis.* Ante Sullam CCC Senatores: post Iulii Caesaris necem Antonii nundinationibus supra mille: Augustus revocavit ad DC. Vid. viri docti ad Suet. Aug. 35. Per tantas turbas, quae in haec tempora inciderunt, minus mirum fuit, L. Pisonem DC hominibus sui ordinis supervixisse. G.

— *Xerxem.* Xerxen recto scribi ostendit hic Cortius. Historia est apud Herodotum VII, 45 sq. Causam ipse reddit lacrymarum suarum hanc: *ὡς βραχὺς εἴη ἡ πᾶς ἀνθρώπων βίος, τί τοῦτ' αὖ γὰρ ἐόντος τοῦ χρόνου, οὐδεὶς αἰς ἑκατέρωθεν ἔτος παραύται.* At, o bone, non opus erat centum annis. Egregia tua opera factum est, ut pauci decem, aut duos adeo annos supervixerint. G.

14. *Sed tanto magis hoc.* Rom. *Sed eo magis hoc.* H. — *Si non datur, etc.* Rom. *Si non datur factis, nos certe studii memoriam preferamus.* Sed memoriam male adscripsit, qui Plinii mentem parum percepit. H. —





futilis et caduci, si non datur factis (nam horum materia in aliena manu), certe studii proferamus: et quatenus nobis denegatur diu vivere, relinquamus aliquid, quo nos vixisse testemur. Scio te stimulis non egere; me tamen tui caritas evocat, ut currentem quoque instigem, sicut tu soles me. *Ἀγὰρ δ' ἔπεις*, 13 quum invicem se mutuis exhortationibus amici ad amorem immortalitatis exacuunt. Vale.

Nos ante certe, in aliis quoque libris repertum, Cortius iure adscribit. *Alicui manu* (Imperatoris; vide mox), nos, sibi opponuntur. S. — Nam horum materia in aliena manu. Non potest, ut hoc utar, vir magnus bellum gerere, causas agere, prout ipsi viam fuerit; sed uti se res dant et occasiones rerum. Ita Clodium materiam gloriae Milonis vocat Tullius pro Milone c. 13. Vid. ad Quintil. II, 8, 42. G. — Errat Gesnerus: magis etiam Gierigius, de Plinii pietate erga Deos cogitans. Vere Catanaeus de imperatore

interpretatur. Cf. epist. 20, 12. Sic Tullius, quoad respublicas stetit, factis immortalitatem nominis consecutus est, eversa illa, ut amissae desiderium libertatis leniret, literarum studio se tradidit. S. — Quatenus. Quoniam. Vid. Freinsheim. Ind. in Florum h. v. Oudendorp. ad Suet. p. 610. S.

15. *Ἀγὰρ δ' ἔπεις*. Hesiod. Oper. 24, de aemulatione artificum omnis generis, quae acuat illos et excitet, vincendi et optime omnia agendi studio. G.

## VIII.

*Tribunatum Suetonio impetratum, ipso petente, in alium se translaturum, significat.*

C. PLINIUS TRANQVILLO SVO S.

Facis pro caetera reverentia, quam mihi praestas, quod tam sollicitè petis, ut tribunatum, quem a Neratio Marcello, clarissimo viro, impetravi tibi, in

VIII. 1. Pro caetera reverentia. Vt II, 16, 4: «Tu quidem pro caetera tua diligentia. G.

— Neratius Marcellus ut apparet e fastis, anno Chr. 104, Consul fuit cum Surano II, quo anno Plinius Bi-

Caesennium Silvanum, propinquum tuum, transferam.  
 2 Mihi autem sicut iucundissimum, ipsum te tribunum,  
 ita non minus gratum, alium per te videre. Neque  
 enim esse congruens arbitror, quem augere hono-  
 ribus cupias, huic pietatis titulos invidere, qui sunt  
 3 omnibus honoribus pulchriores. Video etiam, quoniam  
 sit egregium et mereri beneficia et dare, utrumque te  
 laudem simul adsequuturum, si, quod ipse meruisti,  
 aliis tribuas. Praeterea intelligo, mihi quoque gloriae  
 fore, si ex hoc tuo facto non fuerit ignotum, amicos  
 meos non gerere tantum tribunatus posse, verum  
 4 etiam dare. Quare ego vero honestissimae voluntati  
 tuae pareo: neque enim adhuc nomen in numeros  
 relatum est; ideoque liberum est nobis Silvanum in  
 locum tuum subdere: cui cupio tam gratum esse  
 munus tuum, quam tibi meum est. Vale.

thyniam rexit. Aegro autem Pliniano  
 Consules, Consulares et Senatores,  
 quasi solemnī titulo, clarissimi viri  
 appellabantur. *L.*

2. *Augere (honoribus)*. Ahest posterior vox in Mediceo codice, et consimiliter potest abesse. *Augere* enim, ut *αὐξάνω*, etiam quā solum est, honoris et amplitudinis adiunctam notionem habet. Vid. Cortium hic, et ad Sall. lug. LXXXVI, 3. Ne tamen plane eam vocem delerem, fecit, quod sequitur, *Qui non omnibus honoribus pulchriores*. *G.* — Mox in multis Mss. et editis legitur *titulis*, quod et Gierigius expressit. *E.* — Rom. *Quem augere cupias*. Non adducitur *honoribus*, ut vulgo. Eadem: *huic pietatis titulis invidere*, servato Plinii more. *H.* — *Honoribus* bene tuetur Gierigius, unicuique idem amovens, qui nec Ernestio probabatur. De *titulis* vid. Heusing.

ad I, 10, 12. *S.*

3. *Aliis tribuas*. Rom. *Alii tribuas*. *H.* — Bene. Sic et Cortius ex libris suis, quem Gierigius sequutus est. *S.*

— *Non gerere tantum tribunatus*. Rom. *Non gerere tantum tribunatum*. *H.*

4. *Quare ego vero*. Offendit quosdam haec compositio. Sed similis est illa VIII, 8, 7: *Quamquam tu vero: et plane eadem* IV, 17, 14: *Quare ego vero Corelliae*, etc. *G.*

— *In numeros*. In Catalogum militum. Vide Interpp. ad Suetonii Vespas. VI. *E.* — Rom. *Nomen in numero relatum est*. *H.* — *Quoniam tibi meum est*. Rom. *Quoniam tibi meum*, sine verbo *est*. *H.* — *Numeri* non modo cohortes dicebantur, sed etiam catalogus militum, quem recentiores *matriculam* vocarunt. *L.*

## IX.

*Singulos actus et eventum accusationis Classici enarrat.*

C. PLINIVS MINVCIANO • SVO S.

Possum iam perscribere tibi, quantum in publica provinciae Baeticae caussa laboris exhausserim: nam fuit multiplex, actaque est saepius cum magna varietate. Vnde varietas? unde plures actiones? Caecilius, Classicus, homo foedus et aperte malus, proconsulatum in ea non minus violenter quam sordide gesserat, eodem anno, quo in Africa Marius Priscus. Erat autem Priscus ex Baetica, ex Africa Classicus: inde dictum Baeticorum (ut plerumque dolor etiam venustos

IX. • Est haud dubie idem ille *Corne-  
lius Minucianus* transpadanus, quem  
VII, ep. 22, a generis nobilitate, a  
facultatibus, a studiis, a fortitudine  
in causis agendis, ab amicitiae fide  
commendat, ut ei tribunatum a Pal-  
cone impetret. L.

1. *In publica.... causa.* De qua supra  
III, 4. G.

2. *Vnde plures actiones?* Ab hoc  
commale abesse debere interroga-  
tio- nis notam, monuit Casaubonus; sed  
non indicavit canasam. Nobis videba-  
tur retinenda, ut gemina interroga-  
tione argumentum totius narrationis  
indicaretur. G. — Rom. *Vnde plures  
actiones?* Non mutandum videtur. H.

— *In ea.* Ea ad Baeticam referen-  
dum esse, sponte apparet: ut ineptum  
sit Secundum hic negligentiae arces-  
sere. Plurima in veterum libris le-  
guntur, ubi illos dicas dormitasse, si  
nostrorum hominum praeccepta stili

pro norma scribendi habeas. S. —  
*In Africa Marius.* De quo supra II,  
41. G.

3. *Dolor etiam venustos facit.* Plura  
ex hoc genere in Verr. Tull., v. g.  
IV, 43: «Nunquam tam male est Si-  
culis, quin aliquid faceret et commode  
dicant, etc.» *Venustatem* vero etiam  
in faciliis et iocis sedem habere, non  
ex Seneca modo constat, cuius loca  
hic laudavit Cellarius: sed etiam ea  
Cicerone, v. g. Fam. XV, 24 med.  
*Quod illa sive saecula sunt, sive sic sunt*  
*narrantur te venustissima.* Quin etiam  
*antequam ad me veniat, risus omnis*  
*poeme consumitur.* Sic de Orat. I, 57,  
quum de aule et lepore et faciliis Crassi  
illudentis et aperte iocantis, dicendi,  
inquit, vis egregia summa festivitate  
et venustate coniuncta profuit. G. —  
Ceterum multum refert, quem animi  
motum in dolore cogitemus: debemus  
indignationem, iram, quae ex impro-

4 facit) non illepidum ferebatur: *Dedi malum et accepi*. Sed Marium una civitas publice, multique privati reum peregerunt; in Classicum tota provincia incubuit. Ille accusationem vel fortuita, vel voluntaria morte praevertit; nam fuit mors eius infamis, ambigua tamen: ut enim credibile videbatur, voluisse exire de vita, quum defendi non posset; ita mirum, pudorem damnationis morte fugisse, quem non puduisset damnanda committere. Nihilominus Baetica etiam in defuncti accusatione perstabat: provisum hoc legibus, intermissum tamen, et post longam intercapedinem 7 tunc reductum. Addiderunt Baetici, quod simul socios ministrosque Classici detulerunt; nominatimque in eos inquisitionem postulaverunt. Aderam Baeticis; mecumque Luceius Albinus, vir in dicendo copiosus, ornatus: quem ego quum olim mutuo diligerem, ex

hitatis alienae acri cogitatione oritur. Nam multa genera doloris istam venustatem non admittunt. Ep. infra 10, 6: « Mihi difficile est huc usque intendere animum in dolore; difficile et vobis. » E.

— *Dedi malum et accepi*. Reciprocum id est, et ob id ipsum venustum. *Dedi* ego Africa *malum* Classicum Baeticis, et *accepi malum* Priacum ab iisdem: *Dedi* ego Baetica, etc. G.

5. *Tamen*. Cave interpretaris *saltem*. Plinius dicit, quamquam infamis vulgo mors Classici fuisset, de *αὐτοψυγία* tamen nonnullos dubitasse, quod mirum videretur, pudorem damnationis morte fugisse, quem non puduisset damnanda committere. Saepe sic *tamen* ponitur. Mox: « Provisum hoc legibus, intermissum tamen, II, 1, 12: Verginium iam vanis imaginibus, recentibus tamen, audio, etc. » S.

6. *Provisum hoc legibus*. V. g. I. II,

π, de Leg. Iul. repetund. Scaevola: « Datur, inquit, ex hac lege et in heredes actio, intra annum duntaxat a morte eius, qui arguebatur. » G.

— *Addiderunt Baetici*. Hoc novum et supra exempla superiora instituerunt. G. — Meram in his caliginem esse queritur Cortius: ego nihil novae lucis desidero. Baetici non defunctum tantum accusarunt, quod legibus licebat, sed et novum atque antea inusitatum addiderunt, quod simul socios ministrosque Classici detulerunt. H.

7. *Mecumque Luceius Albinus*. Rom. *Mecumque L. Albinus*. H. — *Diligerem.....amare*. Cicero ad Dolabellam ep. IX, 14, pag. 254 ed. Ern. « Quis erat, qui putaret, ad eum amorem, quem erga te habebam, posse aliquid accedere? Tantum accessit, ut mihi nunc denique amare videar, antea dilexisse. » S.

hac officii societate amare ardentius coepi. Habet quidam gloria, in studiis praesertim, quiddam ἀρετῶν σύνετον: nobis tamen nullum certamen, nulla contentio, quum uterque pari iugo non pro se, sed pro causa niteretur. Cuius et magnitudo et utilitas visa est postulare, ne tantum oneris singulis actionibus subiremus. Verebatur, ne nos dies, ne vox, ne latera deficerent, si tot crimina, tot reos uno velut fasce complecteremur; deinde, ne iudicum intentio multis nominibus multisque caussis non lassaretur modo, verum etiam confunderetur; mox, ne gratia singulorum collata atque permista, pro singulis quoque vires omnium acciperet; postremo, ne potentissimi, vilissimo quoque quasi piaculari dato, alienis poenis elaberentur. Etenim tum maxime favor et ambitio dominatur, quum sub aliqua specie severitatis delitescere potest. Erat in consilio Sertorianum illud exemplum,

8. Ἀρετῶν σύνετον. Regnum enim unusquisque adfectat, nec civitatis modo, sed rerum omnium: regna autem socium non ferre tralaticium est. Eandem sententiam Nepos Cornelius ita extulit Att. VI, 4: « Id, quod erat difficillimum, efficiebat Atticus; ut inter quos tantae laudis esset aemulatio (de Hortensio ac Cicerone loquitur), nulla intercederet obtrectatio, essetque talium virorum copula. G. — Pari iugo. Translatum a iumentis iunctis, quae quum aequali vi nituntur, iugum manet aequale, et angulus parens, seu rectos ad utrumque latus temonis efficit. G. — Graecorum ἴσθι ζυγῷ. Theophrastus XII, 15, ἀλλήλους δ' ἐπ' ὀφθαλμοῖς ἴσθι ζυγῷ. Pari iugo cum aliquo niti idem XIII, 15, videtur dixisse εἰς ἄλλῃν τινί: ad q. I. vid. Toup. Cur. Poster. p. 24. S.

— Ne tantum oneris. Duo Advocati singulas actiones instituere, unaque

adeo actione totam unusquisque causam, totum crimen ita varium variorum complecti noluit: sed plures (tres, vid. s. 19) pro diversitate criminum et personarum, actiones unusquisque eorum instituere. Haec si perperdidissent viri docti, non postulassent, contra librorum omnium fidem, ipsamque Mediceam religionem (ὡς χρησιμὸν ἦν εἰς ἀρετὴν), coniunctionem ne in ut mutari. G.

9. Ne nos dies... deficerent. Expressit Tullium suum Verr. II, 21, pag. 227 ed. Ern. non me dies, vox, latera deficiant, si, etc. S. — Vires omnium acciperet. Rom. Vires omnium reciperet. II. — Piaculares victimae sibi impositae ferebant: peccata totius civitatis; mactabantur ideo, ut ipsarum morte ceteri cives servarentur. Apti igitur est haec comparatio. L.

11. Erat in consilio. Veniebat in mentem, cogitabamus. Ita bene b

qui robustissimum et infirmissimum militem iussit caudam equi... reliqua nosti: nam nos quoque tam numerosum agmen reorum ita demum videbamus posse  
 12 superari, si per singulos carperetur. Placuit in primis ipsum Classicum ostendere nocentem: hic aptissimus ad socios eius et ministros transitus erat, quia socii ministrique probari, nisi illo nocente, non poterant: ex quibus duos statim Classico iunximus; Baebium Probum, et Fabium Hispanum: utrumque gratia,  
 13 Hispanum etiam facundia validum. Et circa Classicum quidem brevis et expeditus labor: sua manu reliquerat scriptum, quid ex quaque re, quid ex quaque causa accepisset: miserat etiam epistolas Romam ad amiculam quandam, iactantes et gloriosas his

Fr. Gronovius. Vid. Gifan. Observat. in L. L. p. 87 ed. Altenb. S. — *Sertorianum illud*. Quod narrat Valer. Max. VII, 3, 6. Frontin. I, 10, 1, et Plutarchus in Sertorio p. 1054 sq. H. Steph. simile illi, quod de Sciluro Scythia, sagittarum fasciculum rumpendum praebente octoginta filiis, narrat idem Plutarchus de garrulil. p. 907. G. — *Exemplum, qui, etc. Rom.* Exemplum, quod robustissimum et firmissimum militem iussit equi caudam. H. — Quod imperitus glossator invenit. Qui referendum ad nomen Sertorius, latens illud in Sertorianum. Vid. supra ad I, 10, 10. S. — *Caudam equi*. Supple. vellere. Vid. Horat. epist. II, 1, 45 sq. S. — *Sertorius*, quum suos exemplo quodam docere vellet, perseverantia sensim effeci, quod uno impetu obtineri nequeat, duos equos in medium adduci iussit, alterum juvenem et ferocem, senectute et macie confectum alterum. Tum signo dato robustissimus miles huius macilenticaudam ambabus manibus summo nisu ad se trahere coe-

pit, quasi uno impetu evulsurus. Quod quum aliquamdiu frustra tentasset, infirmissimus miles ad generosum equum accessit, eumque, setas singulas evellendo, sensim fraudavit cauda. L. — *Reliqua nosti*. Tullianum hoc. Ep. VII, 28, ad Cariam: «quod tu, cui licebat, pedibus es consecutus, ut ibi essem, ubi nec Pelopidarum... nosti cetera.» S.

12. *Probari, nisi illo nocente*. Exaudiendum nocentes ex eo, quod sequitur. Non poterat ostendi, nocentes esse ministros, nisi, ipsum Classicum nocentem esse, antea probatum esset. Plura id genus hic dedit Curtius. G. — Sic et infra: frustra ministros probassem, scil. criminosos esse, ex anteced. ministerium crimen esse. E. — Non opus, opinor, his ambagibus. Probare hic et infra 14, videtur esse Graecorum ὑψίστην. S.

— *Ex quibus duos statim*. Rom. Ex quibus duo statim. H.

13. *Iactans absolute pro iactans se etiam ponebatur*. L.

quidem verbis: *Io io, liber, ad te venio: iam sestertium quaeragies relegi, parte vendita Baeticorum.* Circa Hispanum et Probum multum sudoris: 14 horum antequam crimina ingrederer, necessarium credidi elaborare, ut constaret, ministerium crimen esse: quod nisi effecissem, frustra ministros probassem. Neque enim ita defendebantur, ut negarent, 15 sed ut necessitati veniam precarentur: esse enim se provinciales, et ad omne proconsulum imperium metu cogi. Solet dicere Claudius Restitutus, qui 16 mihi respondit, vir exercitatus et vigilans, et quamlibet subitis paratus, *nunquam sibi tantum caliginis, tantum perturbationis offusum, quam quum ea praecepta et extorta defensionis suae cerneret, in quibus omnem fiduciam reponebat.* Consilii nostri exitus fuit: 17 *Bona Classici, quae habuisset ante provinciam, placuit senatui a reliquis separari; illa filiae, haec spoliatis relinqui:* additum est, ut pecuniae, quas creditoribus solverat, revocarentur. Hispanus et Probus in quinquennium relegati: adeo grave visum est, quod initio dubitabatur, an omnino crimen esset! Post 18 paucos dies Clavium Fuscum, Classici generum, et

*Io io, liber ad te venio.* Aere alieno, quod ex praeda provincialium facile dissolvam. *Io io* triumphum quasi e provincia reportantis vox est. G.

14. *Sular* non omnis labor, sed eorum maxime, qui, quomodo efficiant, quod volunt, non facile reperiunt. L. — *Circa Hispanum et Probum.* Rom. *Contra Hispanum et Probum.* H. — Glonsema. Passim hae praepositiones a librariis confunduntur. Vid. Drakenb. ad Liv. XXXVII, 45, 7. S. — *Ingredere*, accusare inciperem. L.

— *Quod nisi effecissem.* Rom. *Quod*

*nisi fecissem*, bene. H. — *Ministros probassem.* Ministrorum crimina ingressus essem. Vid. ad 12. S.

16. *Tantum perturbationis, etc.* Rom. *Tantum perturbationis offusum, quantum quum praecepta et extorta argumenta defensionis suae cerneret.* Recte quantum post tantum, et si id rarius etiam quum sequitur. Vide Burmann. ad Quintil. ep. ad Tryphon. pag. 2, Dialog. de oratoribus C. VI, 4. Lactantium VII, 24, 7, ubi tamen in codice Goth. est quanto. H. — Add. VV. DD. ad Liv. XXVI, 4, 3. S.

18. *Post paucos dies, etc.* Rom. *Post*

Stillonium Priscum, qui tribunus cohortis sub Classico fuerat, accusavimus, dispari eventu. Prisco in bien-  
 19 nium Italia interdictum: absolutus est Fuscus. Actione  
 tertia commodissimum putavimus plures congregare,  
 ne, si longius esset extracta cognitio, satietate et taedio  
 quodam iustitia cognoscentium severitasque langu-  
 20 sceret: alioqui supererant minores rei, data opera  
 hunc in locum reservati; excepta tamen Classici uxore,  
 quae sicut implicita suspicionibus, ita non satis con-  
 vinci probationibus visa est: nam Classici filia (quae  
 et ipsa inter reos erat), ne suspicionibus quidem hae-  
 rebat. Itaque quum ad nomen eius in extrema actione  
 venissem (neque enim, ut initio, sic etiam in fine  
 verendum erat, ne per hoc totius accusationis aucto-  
 ritas minueretur), honestissimum credidi, non pre-  
 21 mittere immerentem: idque ipsum dixi et libere et varie;  
 nam modo legatos interrogabam, *docuissentne me ali-*  
*quid, quod re probari posse confiderent?* modo con-  
 siliium a senatu petebam, *putaretne debere me, si quam*  
*haberem in dicendo facultatem, in iugulum innocentis,*  
*quasi telum aliquod, intendere?* postremo totum lo-  
 cum hoc fine conclusi. *Dicet aliquis, Iudicas ergo?*  
*Ego vero non iudico: memini tamen me advocatum ex*  
*iudicibus datum.* Illic numerosissimae causae terminus  
 22 fuit, quibusdam absolutis, pluribus damnatis, atque  
 etiam relegatis, aliis in tempus, aliis in perpetuum.  
 23 Eodem senatusconsulto industria, fides, constantia

*paucos dies Clav. Fuscum Classici ge-  
 nerum et Chilonium Priscum. II.*

19. *Classici uxore.* De uxoribus  
 PROCOS. enulum, l. 4, π, de offie.  
 PROCOS. §. 2, sed ita, ut, si verba  
 legis consideremus, res ambiguitatem  
 habere videntur, ipsaene conveniri  
 possint, an eorum mariti: i Sciat

senatum Cotta et Messala COS. cen-  
 suisse futurum, ut, si quid uxores  
 eorum, qui ad officia proficiscuntur,  
 deliquerint, ab ipsis ratio et vindicta  
 exigatur. Apud Tacitum A. III, 33  
 sq. disputatur, utrum permittendum,  
 ut uxoribus comitati in provincias  
 eant. G.



nostra plenissimo testimonio comprobata est: dignum  
solumque par pretium tanti laboris. Concipere animo 24  
potes, quam simus fatigati, quibus toties agendum,  
toties altercandum, tam multi testes interrogandi,  
sublevandi, refutandi. Iam illa quam ardua, quam 25  
molesta, tot reorum amicis secreto rogantibus negare,  
adversantibus palam obsistere? Referam unum ali-  
quod ex iis, quae dixi. Quum mihi quidam e iudicibus  
ipsis pro reo gratiosissimo reclamarent, *Non minus*,  
inquam, *hic innocens erit, si ego omnia dixerō*. Con- 26  
iectabis ex hoc, quantas contentiones, quantas etiam  
offensas subierimus, dumtaxat ad breve tempus: nam  
fides in praesentia eos, quibus resistit, offendit;  
deinde ab illis ipsis suspicitur laudaturque. Non potui  
magis te in rem praesentem perducere. Dices, *Non* 27  
*fuit tanti: quid enim mihi cum tam longa epistola?*  
Nolito ergo identidem quaerere, quid Romae geratur.  
Et tamen memento esse non epistolam longam, quae  
tot dies, tot cognitiones, tot denique reos caussasque  
complexa sit. Quae omnia videor mihi non minus bre- 28  
viter, quam diligenter, persequutus: temere dixi dili-

23. *Dignum solumque par*, etc. Rom. *dignumque solum par pretio*, pro pretium. H. — Errant, qui par hic absolute positum putant. Verba sic struenda; pretium dignum solumque par tanti laboris. Et dignus, et par, ἑλληνιστῶς, genitivum regunt. Vid. Vechner, Hellenol. pag. 294 sq. ed. Heusing. S.

25. *Unum aliquod ex iis*, etc. Rom. *Unum aliquod ex omnibus quae dixi*. H.

— *Quum mihi quidam e iudicibus*. Rom. *Quum mihi quidam ex iudicibus*. H. — *Non minus.... hic innocens erit*. Acerbus in reum gratiosissimum ἀπαρτητός, cuius vim interpretes parum

videntur attendisse. S. — *Si....omnia dixerō*. Nolite ergo, volebat intelligi Plinius, interpellare me, et impedire, quo minus dicam omnia. G.

26. *Coniectabis ex hoc*. Rom. *Coniectabis ex his*. Sed unum erat. H.

— *Non potui magis te*, etc. Rom. *Non potui te magis in rem praesentem perducere*. Dices. Ita versus hexameter existit. H.

27. *Et tamen memento esse non*, etc. Rom. « Et tamen memento etiam, non esse epistolam longam, quae tot cognitiones, tot dies, tot denique reos. » Recte priora. H. — Vere Heusinger. *Esse non miror Gessero hic placere potuisse*. S.

PLIN. Ep. Tom. I

M

*genter*: succurrit quod praeterieram, et quidem scro; sed, quamquam praepostere, reddetur. Facit hoc Homerus, multique illius exemplo: est aliqui perdecorum: 29 a me tamen non ideo fiet. Ex testibus quidam, sive iratus, quod evocatus esset invitus, sive subornatus ab aliquo reorum, ut accusationem exarmaret, Norbanum Licinianum, legatum et inquisitorem, reum postulavit, tanquam in caussa Castae (uxor haec Clas- 30 sici) praevaricaretur. Est lege cautum, ut reus ante peragatur, tunc de praevaricatore quaeratur, quia optime ex accusatione ipsa accusatoris fides aestima- 31 tur. Norbano tamen non ordo legis, non legati nomen, non inquisitionis officium praesidio fuit: tanta conflagravit invidia homo aliqui flagitiosus, et Domitiani temporibus usus, ut multi: electusque tunc a provincia ad inquirendum, non tanquam bonus et fidelis, sed tanquam Classici inimicus. Erat ab illo relegatus. 32 Dari sibi diem ad diluenda crimina postulavit: neu-

28. *Facit hoc Homerus.* Commode hic advocavit Cellarius illud Cicer. Att. I, 16 pr. ὁρῶντος πρότερον Οὐρανίου. Nota illa Homeri et poetarum omnium consuetudo, in medium actum statim inducendi lectores suos, tum superiora narrationibus interpositis revocandi. G.

29. *Tentes Quintil.* V, 7, 9, dividit in voluntarios et eos, quibus iudex in publicis iudiciis lege denunciare solet: quod posterius testium genus accusatoribus tantum concessum erat. *Evocare* autem omnino est magistratum, qui aliquem aliunde ad se venire iubent. *Subornatus*, edoctus quid dicat. *Inquisitor*, cui mandatum est, ut accusationem instruat, eamque ob causam testes, tabulas et alia conquirat. *Rem postulare* e formula solemni est rogare, ut liceat nomen al-

terius deferre. L.

— *Prævaricaretur.* Male et contra fidem datam causam ageret, adversario gratificans. Itaque infra dicit: rem novam et contrariam accidisse, ut, accusatore praevaricationis damnato, rea absolveretur. E.

31. *Domitiani temporibus usus.* Opportunitate illa ex delatione querendi rem et honores. G.

32. *Dari sibi diem*, etc. Rom. *Dari sibi diem ad diluenda crimina postulabat.* H. — Liber medicus: *Dari sibi idem*, et edi crimina postulabat. Hinc Curtius: *Dari sibi diem et edi crimina postulabat.* Sic et Gierigius, nisi quod *postulavit* retinuit. Assentior viris doctissimis Vulgatae patroni neutrum sic videntur intellexisse: Norbanus primum legis illius (30) beneficio uti veluit; mox, quam intellexeret, quanta

trum impetravit; coactus est statim respondere; respondit: malum pravumque ingenium hominis facit, ut dubitem, confidenter an constanter, certe paratissime. Obiecta sunt multa, quae magis, quam praevaricatio, nocuerunt. Quin etiam duo consulares, Pomponius Rufus et Libo frugi, laeserunt eum testimonio, tanquam apud iudicem, sub Domitiano, Salvii Liberalis accusatoribus adfuisset. Damnatus, et in insulam relegatus est. Itaque quum Castam accusarem, nihil magis pressi, quam quod accusator eius praevaricationis crimine corruisset. Pressi tamen frustra: accidit enim res contraria et nova, ut, accusatore praevaricationis damnato, rea absolveretur. Quaeris, quid nos, dum haec aguntur? Indicavimus senatui, ex Norbano didicisse nos publicam causam, rursusque debere ex integro discere, si ille praevaricator probaretur: atque ita, dum ille peragitur reus, sedimus: postea Norbanus omnibus diebus cognitionis interfuit; eandemque usque ad extremum vel constantiam, vel audaciam pertulit. Interrogo ipse me, an aliquid omiserim rursus; et rursus paene omisi. Summo die

flagraret invidia, ut saltem dies sibi ad diluenda crimina daretur, postulavit. Sed neutrum impetravit. S.

— *Confidenter ac constanter.* Illud enim etiam in scelerati hominis improbitatem convenit; hoc solius sapientis est. Sic deinde infra §. 35, eandem vel constantiam, vel audaciam pertulit. G.

33. *Tanquam quod.* Sic saepe post verba accusandi, etc. Supra §. 29: « reum postulavit, tanquam..... praevaricaretur. » Infra §. 36: « reliquos legatos graviter increpuit, tanquam non omnes, quos mandasset provincia, reos peregrisset. » Vid. Tursell. de

Partic. c. CCLXI, 9. S. — *Salviani Liberalem*, in defensione divitis rei audacter loquentem commemorat Suet. Vesp. 43. L.

35. *Eandemque usque ad extremum. Rom. Eandem usque ad extremum. H. — Pertulit.* Plinius I, 23, 5: « quam personam tibi imponas, quae sapienti viro ita aptanda est, ut perferatur. » Vbi vid. Cortium. Ovid. Metam. XIII, 477 sq. « Illa — Pertulit intrepidus ad fata novissima vultus. » S.

36. *An aliquid, etc. Rom. An aliquid omiserim: et rursus paene omisi. H.*

Salvius Liberalis reliquos legatos graviter increpuit, tanquam non omnes, quos mandasset provincia, reos peregissent, atque, ut est vehemens et disertus, in discrimen adduxit. Protexi viros optimos, eosdemque gratissimos: mihi certe debere se praedicant, quod  
 37 illum turbinem evaserint. Hic erit epistolae finis, re vera finis: literam non addam; etiam si adhuc aliquid praeterisse me sensero. Vale.

## X.

*Quae de Spurinnae filio composuerat, parentibus mittit legenda et emendanda.*

C. PLINIVS SPVRINNAE SVO ET COCCIAE • S.

Composuisse me quaedam de filio vestro, non dixi vobis, quum proxime apud vos fui: primum, quia non ideo scripseram, ut dicerem, sed ut meo amori, meo dolori satisfacerem; deinde, quia te, Spurinna, quum audisses recitasse me (ut mihi ipse dixisti),  
 2 quid recitassem, simul audisse credebam. Praeterea veritus sum, ne vos festis diebus confunderem, si in memoriam gravissimi luctus reduxissem. Nunc quoque paullisper haesitavi, id solum, quod recitavi, mitterem exigentibus vobis, an adiicerem, quae in aliud volu-

X. \* Insc. Rom. *Spurinnae et Cocciae.* H.

1. *Quia te, Spurinna, quum audisses.* Rom. *Quia Spurinna quum audisset, vitiose.* H.

2. *Confunderem.* Plinius V, 5, 4: *Qui mentis gravi me dolore confudit.* Vid. Cortium ad I, 22, 42. Sic Graeci

*συγχέειν, συγχέειν θυμός;* quamquam haec laetius potest. Homer. II, 9, 612, *μη μοι σύγχει θυμόν ὀδυρόμενος καὶ ἀγέλευν.* Democr. in Anthol. Gr. *εἰ δὲ τοιόδε κείνη, συγχέσθαι θυμός* Evuzάδov. S.—Rom. *Confunderem, si non est in memoriam.* Hoc quid sibi velit, non intelligo. H.

men cogito reservare. Neque enim adfectibus meis  
 uno libello carissimam mihi et sanctissimam memoriam  
 prosequi satis est: cuius fama latius consuletur, si  
 dispensata et digesta fuerit. Verum haesitanti mihi,  
 omnia, quae iam composui, vobis exhiberem, an adhuc  
 aliqua differrem; simplicius et amicus visum est,  
 omnia, praecipue quoniam adfirmetis, intra vos futura,  
 donec placeat emittere. Quod superest, rogo, ut pari  
 simplicitate, si qua existimatis addenda, commutanda,  
 omittenda, indicetis. Mihi difficile est huc usque in-  
 tendere animum in dolore; difficile et vobis. Sed ta-  
 men ut sculptorem, ut pictorem, qui filii vestri ima-  
 ginem faceret, admoneretis, quid exprimere, quid  
 emendare deberet; ita me quoque formate, regite,  
 qui non fragilem et caducam, sed immortalem, ut vos

3. *Carissimam mihi et sanctissimam memoriam.* Rom. *Sanctissimam mihi et carissimam memoriam.* H. — *Memoriam... cuius fama.* Non dissimile Tullianum illud de Orat. I, 2, in: «Ac mihi repetenda est veteris cuiusdam memoriae non sane satis explicata recordatio. S. — *Dispensata et digesta.* Per plures libellos distributa laus Spurinnae iuvenis facilius aetate feret: quum spessit, unius exemplis pereuntibus, alterum tamen forte superfuturum. G.

4. *Simplicius... visum est.* Rom. *Simplicius et amicus visum est,* excluso mihi, quod vulgo inculcatur importune. H. — *Omiserunt mihi* Cortius et Gierigius. Bene. S. — *Iuxta vos futura.* Vos non evulgaturos esse, sed apud vos retenturos. E.

5. *Quod superest, etc.* «Quod superest, rogo, ut pari simplicitate, si qua existimatis addenda, commutanda, amittenda, indicetis mihi.

Difficile est huc usque animum intendere in dolore. Difficile. Sed tamen ut sculptorem, ut pictorem.» Ita Rom. ut Plinius voluit. Ex persona Spurinnae et Cocciae dicta sunt illa: *Difficile est cetera:* quasi exigenti Plinio, ut a se scripta emendaret, illi respondeant, esse sibi difficile, ad haec in tantum ac tam recenti luctu intendere animum. Concedit id quidem Plinius esse difficile; sed ita concedit, ut fieri tamen posse, haud multum dissimili exemplo ostendat. Veram lectionem Cortius reperit: vulgata autem interpunctione, quae ineptissima est, deceptus, cum ceteris omnibus erravit. H. — Verum vidisse Heusingerum, noli dubitare. *Existimabitis* etiam Cortiana, nulla ex libris quotata varietate. S.

6. *Et vos putatis.* Modestiae causa addit. Non ipse immortalitatem pollicetur suis scriptis, et per ea Spurinnae: sed loquise indicat de sententia blanda amicorum. G.

putatis, effigiem conor efficere : quae hoc diuturnior erit, quo verior, melior, absolutior fuerit. Vale.

— *Vale.* Bene Gierigius: *Valete.*  
Vox haec in libris vetustis per compendium scripta *V.* unde factum est,

ut nunc omitteretur, nunc, ut hoc loco, perperam legeretur. *S.*

## XI.

*Gratus animus Artemidori, officium Plinii erga se praedicantis, una cum aliis virtutibus laudatur.*

C. PLINIUS IVLIO GENITORI SVO S.

Est omnino Artemidori nostri tam benigna natura, ut officia amicorum in maius extollat: inde etiam meum meritum, ut vera, ita supra meritum praedicatione<sup>2</sup> circumfert. Equidem, quum essent philosophi ab urbe submoti, fui apud illum in suburbanis: et quo notabilius hoc periculosiusque esset, fui praetor. Pecuniam etiam, qua tunc illi ampliore opus erat, ut aes alienum exsolveret contractum ex pulcherrimis caussis, mussantibus magnis quibusdam et locupletibus amicis,<sup>3</sup> mutuatus ipse, gratuitam dedi. Atque haec feci, quum, septem amicis meis aut occisis, aut relegatis (occisis, Senecione, Rustico, Helvidio; relegatis, Maurico,

XI. 4. *Artemidori.* Vix patiuntur temporum rationes, ut *ὁντισποσπετιζόν* scriptorem hic intelligamus, qui aliquantum iunior hoc Nostro fuit. Vid. Fabric. *G.*

2. *Philosophi ab urbe submoti.* Domitiani edicto, de quo Sueton. c. 10. *G.* — *Et quo notabilius,* etc. Rom. *Et quo notabilius, hoc est, periculosius* esset, ut scripsi plerique. *H.* — Prae-

ferendum hoc, quum saevitiam tyranni efficacius notet. *S.*

3. *Atque haec feci.* Rom. *Ad haec feci.* Fortasse voluit: *At haec.* *H.* — *Quasi ambustus.* Sic Liv. XXII, 36: « L. Aemilius Paulus dicitur damnatione collegae et sua prope ambustus evasisse. » Add. Panegy. XC, 5, « Virumque nostrum ille.... iacto fulmine afflaverat. » *G.*

Gratilla, Arria, Fannia), tot circa me iactis fulminibus quasi ambustus, mihi quoque impendere idem exitium, certis quibusdam notis augurarer. Non ideo tamen eximiam gloriam meruisse me, ut ille praedicat, credo: sed tantum effugisse flagitium. Nam et C. Musonium, socerum eius (quantum licitum est per aetatem), cum admiratione dilexi, et Artemidorum ipsum iam tum, quum in Syria tribunus militarem, arcta familiaritate complexus sum: idque primum non nullius indolis dedi specimen, quod virum aut sapientem, aut proximum simillimumque sapienti, intelligere sum visus. Nam ex omnibus, qui nunc se philosophos vocant, vix unum, aut alterum invenies tanta sinceritate, tanta veritate. Mitto, qua patientia corporis hiems iuxta et aestates ferat, ut nullis laboribus cedat, ut nihil in cibo aut potu voluptatibus tribuat, ut oculos animumque contineat. Sunt haec magna, sed in alio: in hoc vero minime, si caeteris virtutibus comparentur, quibus meruit, ut a C. Musonio ex omnibus omnium ordinum adsectatoribus gener assume-

5. *C. Musonius Rufus*, equestris ordinis, studium philosophiae et Stoicorum placita aemulatus, a Nerone ideo, quod studia iuvenum praeceptis sapientiae fovebat, in Gyaron insulam relegatus est; unde rediit Nerone interfecto. Bello Vitelliano, legatis ad Antonium se immiscuit, permixtusque manipulis, disputatione de bonis pacis bellique discriminibus, armatos movere voluit; sed coactus est ab iisdem omittere intempestivam sapientiam. *L.* — *Quantum licitum est*, etc. Rom. *Quantum licitum est per aetatem, eadem ratione dilexi*, corrupte. *H.* — Idem vitium traxit liber medicus. Error natus ex compendio c male intellecto. Vid. Heu-

singer. ad II, 3, 2; Drakenb. ad Liv. I, 3, 3. *S.* — *Non nullius indolis*: ingenii salis acuti, qui talia perspiceret, et animi satis emendati atque excelsi cui talia placerent et admirationi essent. *E.* — *Proximum..... sapienti*. Nemo enim perfecte sapiens. Stoicus ille sapiens idea est, nomen est. *G.* — *Intelligere sum visus*. Id ipsum enim iam profectus non mediocris iudicium: quum de sapiente, ut de poeta, musico, pictore, non iudicare nisi ille queat, qui gradum aliquem eius virtutis assecutus sit. *G.*

6. *Et nihil in cibo*, etc. Rom. *Et nil in cibo, in potu voluptatibus tribuit* H.

8 retur. Quae mihi recordanti est quidem iucundum,  
 quod me quum apud alios, tum apud te, tantis lau-  
 dibus cumulat: vereor tamen, ne modum excedat,  
 quem benignitas eius (illuc enim, unde coepi, re-  
 9 vërto) non solet tenere. Nam in hoc uno interdum,  
 vir alioqui prudentissimus, honesto quidem, sed ta-  
 men errore versatur, quod pluris amicos suos, quam  
 sunt, arbitratur. Vale.

8. *Quae mihi recordanti, etc.* Rom.  
 a Quae mihi recordanti est quidem  
 iucundum, quod me quum apud alios,  
 tum apud te, tantis laudibus cumulat,

non cumulet, ut ex *vulgatis* aliqui. a  
 Ald. quoque Catau. et Cortius cumu-  
 lat. H. — Nullus hic locus conjunctivo. S.

## XII.

*Invitatus ad coenam, qua conditione iturus sit, respondet. Iu-  
 cunda epistola paucis describit convivium quale deceat esse sa-  
 pientum. L.*

C. PLINIUS CATILIO • SVO S,

Veniam ad coenam: sed iam nunc paciscor, sit expe-  
 dita, sit parca: Socraticis tantum sermonibus abundet:  
 2 in his quoque teneat modum. Erunt officia antelucana,

XII. • *Catilio*. Sine dubio est *Cati-  
 lius Severus*, ad quem I, ep. 22. L.

2. *Officia antelucana*. Non sunt ea,  
 quae ante lucem Plinio obeunda erant,  
 ut Cellario visum: quod docto viro,  
 moris et sermonis antiqui peritissimo,  
 in mentem venisse miror. *Officia*  
 hic sunt ipsi homines ad officium con-  
 venientes, id est, salutatores, dedu-  
 ctiores, qui honoris causa ad aliquem  
 conveniunt, eumque comitantes in  
 publicum prodant. Ita ipse Plinius

lib. I, ep. 5, 41, *officium praetoris*,  
 et paneg. c. LXXVI *estr. imperatoris*  
*modicum* dicit, paucos significans, qui  
 imperatorem comitare soliti essent.  
 Sueton. Caes. c. LXXI, *Masintham*  
*scribit a Caesare inter officia prosequen-*  
*tium avertam*, id est, in turba pro-  
 sequentium. Plinius ergo, non de  
 suis, aut Catonis officiis loquitur, sed  
 homines ad antelucanas salutationes  
 sub galli cantum prodeuntes significat:  
 in quos incidere, vel, quibus occur-



in quae incidere impune ne Catoni quidem licuit, quem tamen C. Caesar ita reprehendit, ut laudet. Scribit enim, eos, quibus obuius fuerat, quum caput ebrii retexissent, erubuisse: deinde adiicit, *putares non ab illis Catonem, sed illos a Catone deprehensos*. Potuitne plus auctoritatis tribui Catoni, quam si ebrius quoque tam venerabilis erat? Nostrae tamen coenae ut apparatus et impendii, sic temporis modus constet. Neque enim ii sumus, quos vituperare ne inimici quidem possint, nisi ut simul laudent. Vale.

rere, ne Cato quidem impune, sine magno pudore, potuerit. Sed de his plura dixi in dissert. mea de salutationibus matutinis. H. — *Officia antelucana*; eorum, qui saepe ante lucem patronos suos adibant salutandi causa. In hos igitur salutatores mane a coena hesternaredeuntem incidere, turpe fuerit, quum id ne Catoni quidem impune licuerit, nam illi in eum irruerunt, et caput obuii retexerunt. E. — C. Caesar. Vt verisimile est, in Anti-Catone suo, Ciceronis Catoni Vticensi opposito, de quo vid. quae laudat Fabricius ad Augusti fragm. p. 168, ubi de simili Augusti opere, *Rescriptis Bruto de Catone*, agit. G. — Cato intelligitur Vticensis, qui

vino delectabatur. L.

3. *Scribit enim*. Retinui emendationem Casauboni, a Cellario assumptam. Vulgatum illud *describit* frustra defenditur ex Tac. Ann. VI, 24. *Descripta* enim ibi non pro simplici scripta ponitur, sed dispensationem atque ordinationem significat. G. — Rom. *Describit enim, eos, quibus obuius fuerit*. H. — *Caput.... retexissent*. Quod toga adducta obvolveret scilicet, ne nosceretur. G. — *Deprehensos*, in crimine oppressos. — *Plus auctoritatis*. Reverentiae. — *Etque Seneca Tranq. 15*, quum Catoni ebrietatem obiectam memorasset, *facilius efficit*, inquit, *quisquis obiecerit, hoc crimen honestum quum turpem Catonem*. E.

## XIII.

*Panegyricum, Traiano dictum, emendandum mittit. Haec est una ex duabus illis epistolis, quae, tanquam praefationes, panegyrico praemitti possunt. L.*

C. PLINIUS ROMANO • SVO S.

Librum, quo nuper optimo principi consul gratias  
egi, misi exigenti tibi: missurus, etsi non exegisses.  
<sup>2</sup> In hoc consideres velim, ut pulchritudinem materiae,  
ita difficultatem. In caeteris enim lectorem novitas  
ipsa intentum habet: in hoc, nota, vulgata, dicta sunt  
omnia; quo fit, ut quasi otiosus securusque lector  
tantum elocutioni vacet, in qua satisfacere difficilius  
<sup>3</sup> est, quum sola aestimatur. Atque utinam ordo saltem,  
et transitus, et figurae simul spectarentur! nam inve-  
nire praeclare, enuntiare magnifice, interdum etiam  
barbari solent: disponere apte, figurare varie, nisi  
<sup>4</sup> eruditis, negatum est. Nec vero affectanda sunt sem-  
per elata et excelsa: nam, ut in pictura lumen non

XIII. • Romano. Intell. Voconius  
Romanus de quo ad I, ep. 5. L.

2. In hoc consideres. Tamen hoc  
consideres, vitiose Rom. Deinde in-  
terpunge: in hoc nota, vulgata, dicta  
sunt omnia. Respexit ad Virgil. lib.  
III Aen. (immo Georg. S.) v. 3:  
«Caetera quae vacuas tenuissent car-  
mina mentes, Omnia iam vulgata.»  
H. — Sic et Curtius cum aliis inter-  
pungit. Bene. S.

— Otiosus securusque. Res ipsas,  
sibi iam aliunde notas, non curans.  
E.

3. Enuntiare....barbari. Non facile  
hoc, Secunde, praeceptori persuaseris  
Quintiliano, qui lib. VIII Inst. Orat.  
3, 2, inventionem cum imperitis saepe  
communem, dispositionem modicae  
doctrinae, elocutionem autem difficil-  
limam artis rhetoricae partem esse  
statuit. E. — Quidni Plinius quin-  
tiliano facile persuaserit, magnifice  
enuntiare interdum etiam barbaros  
solere? S. — Interdum etiam barbari  
solerent. Rom. Interdum barbari solent,  
sine etiam: deinde apte, figurate,  
varie. Sed figurate disponere nullam  
significationem habet. H.

alia res magis quam umbra commendat, ita orationem tam submittere, quam attollere decet. Sed quid ego, haec doctissimo viro? quin potius illud: adnota, quae putaveris corrigenda. Ita enim magis credam, caetera tibi placere, si quaedam displicuisse cognovero. Vale.

## XIV.

*Macedonem, saevum dominum, a servis suis in balneo oppressum narrat.*

C. PLINIUS ACILIO • SVO S.

Rem atrocem, nec tantum epistola dignam, Largius Macedo, vir praetorius, a servis suis passus est: superbus alioqui dominus et saevus, et qui, servisse patrem suum, parum, immo minimum meminisset. Lavabatur in villa formiana: repente cum servi circumstant: alius fauces invadit, alius os verberat, alius pectus, et ventrem, atque etiam (foedum dictu) ve-

XIV. • *Acilio*. I, ep. 14, 6, occurrit *P. Acilius*, vir gravis et prudens e municipio Patavino, a tunculus Acilianus, qui ibi commendatur. Etiam *Acilius Rufus* consul designatus, commemoratur V, ep. 20, 6. *L.*

1. *Nec tantum epistola*. Sed historia, vel tragoedia adeo. *G. Rom.* Nec tamen epistola dignam, inepte. Non tantum epistola, sed vel libro dignam censet. *H.* — *Tantum* et tamen saepissime confusa. Vid. Cort. ad Plin. pag. LXIII, 103, 222; Drakenb. ad Liv. I, 29, 6. *S.* — *Minimum*. Longe

acutius, immo unice verum Cortii et Gierigii *nimum*. Probabat idem Ernestus, qui de h. l. sic: « *Parum*, nam si memor fuisset suae similis fortunae et conditionis, servos suos non tam male tractasset: *nimum*, ita ut suae ipsius fortunae servilis recordatus, in servis suis iam ulcisci illius malignitatem cuperet. Vtrumque acutissime observatum a Plinio e vita humana. » Caeterum *minimus*, *nimius* multis locis confusa. Exemplis a Cortio congestis addantur, quae Drakenb. ad Liv. XXXIV, 15, 6: XXXVI, 9, 7, attulit. *S.*

renda contundit: et quum exanimem putarent, abii-  
ciunt in fervens pavimentum, ut experirentur, an vi-  
veret. Ille, sive quia non sentiebat, sive quia non sen-  
tire simulabat, immobilis et extentus fidem peractae  
3 mortis implevit. Tum demum, quasi aestu solutus,  
effertur: excipiunt servi fideliores: concubinae cum  
ululatu et clamore concurrunt. Ita et vocibus excita-  
tus, et recreatus loci frigore, sublatis oculis agitato-  
que corpore, vivere se (et iam tutum erat) confite-  
4 tur. Diffugiunt servi: quorum magna pars compre-  
hensa est, caeteri requiruntur: ipse paucis diebus  
aegre refocillatus, non sine ultionis solatio decessit,  
5 ita vivus vindicatus, ut occisi solent. Vides, quot pe-  
riculis, quot contumeliis, quot ludibriis simus obno-  
xii: nec est, quod quisquam possit esse securus, quia  
sit remissus et mitis: non enim iudicio domini, sed

2. *Fervens pavimentum* hypocausti quod sub pavimento calefieri solebat. L. — Vid. Gesneri ad I. A. Ernestium epistola. S.

— *Quia non sentire simulabat*. Al. quia se non s. s. Sed illud se tum MSS. auctoritate, tum exemplis optimorum scriptorum, eiecit Cortius G. — Sic pronomina saepe, nec post solum verbum *simulare* omittuntur. Vid. ad I, 19, 3. Vechner. Hellenol. p. 420 sq. ed. Heusing. S. — Etiam Rom. Sive quia non sentire simulabat. H.

— *Fidem....implevit*. Servis plane persuasit, se mortuum. Sententiam, pro hoc loco, paulo argutius et *σπερματωρ* expressam puto. E.

3. *Quasi aestu solutus*. Ita nempe servi illi percussores dicebant, dominum aestu solutum exspirasse. E.

— *Confiteatur*. Non ideo inodo hoc verbo uti puto Plinium, quia ante

parum tutum erat Macedoni, et puniendum illico, si vivere se ostendisset; sed quod in universum *confitenti* verbo de iis quoque rebus, quae non voluntate modo, sed sensu etiam carent, sic utuntur. Palladius I, 3, *Hic contraria* (loquutus erat autem de signis salubris caeli) *noxium coeli illius spiritum confitentur*; Et Iun. VII, 6, de examine apum, «Si duo, vel plura ubera suspendens se populus imitatur, — tot reges esse, quod velut ubera videris, confitentur.» Ita apud eundem Iun. XV, 42, *fatentur maturitatem amygdala*, et Oct. XI, 2, *fatetur vetustatem sinapi*. G.

5. *Non enim iudicio domini*. Servi in domini caput coniurant non iudicio, quod causas ponderet, et prout aequum est decernat; sed *aclere*, et ferino quodam impetu, qui in bonos etiam et mitis dominos expetere potest. G.

scelere perimuntur. Verum haec hactenus. Quid praeterea novi? quid? Nihil, alioqui subiungerem: nam<sup>6</sup> et charta adhuc superest, et dies feriatus patitur plura contexi. Addam, quod opportune de eodem Macedone succurrit. Quum in publico Romae lavaretur, notabilis atque etiam, ut exitus docuit, ominosa res accidit. Eques Romanus a servo eius, ut transitum daret,<sup>7</sup> manu leviter admonitus, convertit se, nec servum, a quo erat tactus, sed ipsum Macedonem tam graviter palma percussit, ut paene concideret. Ita balneum<sup>8</sup> illi, quasi per gradus quosdam, primum contumeliae locus, deinde exitii fuit. Vale.

8. *Balneum*. Cortius ex libris *balneum*, quem sequitur Gierigius. Sane

haec forma Secundo, non item altera, videtur placuisse. S.

## XV.

*Roganti Proculo, ut versus suos emendaret, respondet, id libenter se suscepturum esse.*

C. PLINIUS PROCULO SVO \* S.

Petis, ut libellos tuos in secessu legam, examinemque, an editione sint digni: adhibes preces: adlegas exemplum: rogas etiam, ut aliquid subsecivi temporis studiis meis subtraham, impertiam tuis: adiacis M. Tullium mira benignitate poetarum ingenia fovisse. Sed ego nec rogandus sum, nec hortandus. Nam et poë- 2

XV. \* *Proculo*. Forte affinis fuit Plinio; certe *Vectius Proculus* vitricus erat prioris uxoris. L.

1. *Examinemque*, an edit. Rom. *examinem*, an editione. H. — *Vt ali-*

*quid subsecivi temporis*. Rom. *Vt aliquid successivi temporis*. H. — Vid. Parei Lexic. Critic. pag. 1194. S. — *Impertiam tuis*. Rom. *Et impertiam tuis*. H.

ticen ipsam religiosissime veneror, et te validissime diligo. Faciam ergo, quod desideras, tam diligenter, quam libenter. Videor autem iam nunc posse rescribere, esse opus pulchrum, nec suppressendum, quantum aestimare licuit ex iis, quae me praesente recitasti: si modo mihi non imposuit recitatio tua. Legis enim suavissime et peritissime. Confido tamen, me non sic auribus duci, ut omnes aculei iudicii mei illarum delinimentis refringantur. Hebetentur fortasse, et paululum retundantur; evelli quidem extorquerique non possunt. Igitur non temere iam nunc de universitate pronuntio: de partibus experiar legendo. Vale.

3. *Nec suppressendum, quantum, etc.* Rom. *Nec suppressendum, quantum est iam placuit ex iis*, corrupte. H. — Monstrum hoc lectionis, quod etiam Cortius in libro medico reperit, natum ex literis male divulgis compendioque perperam intellecto. S. — *Imposuit: imponere* ideo est decipere, quia is, qui decipit, alteri aliquid imponit pro vero. L.

— *Legis... Confido.* Rom. *Legis enim suavissime. Confido.* Desunt et peritissime. H.

— *Refringantur.* Apissimum ad aculeos verbum. Avunculus Nostri, a

Cortio excitatus, VIII, 45, extr. « Mirum pardos, pantheras, leones, et similia, condito in corporis vaginas ungulum mucrone, ne refringatur hebeteturve, ingredi. » Itaque verbum hoc reponendum erat, etsi plerique libri haberent *restringantur*. Quanto magis, quum contra se res habeat. *Evelli pro revelli* ex libris posuit Cortius. G. — Rom. *Evelli quidem extorquerique non possunt.* Recte, non revelli. H.

5. *Iam nunc de universitate pronuntio.* Rom. *Iam de universitate pronuntio.* H.

## XVI

*Alia maiora, alia clariora esse, Arriae factis et exemplo probat.*

C. PLINIVS NEPOTI • SVO S.

Adnotasse videor, facta dictaque virorum feminarumque illustrium alia clariora esse, alia maiora. Con-  
firmata est opinio mea hesternò Fanniae sermone. Nec-  
ptis haec Arriae illius, quae marito et solatium mortis  
et exemplum fuit. Multa refcrebat aviae suae non mi-  
nora hoc, sed obscuriora: quae tibi existimo tam mi-  
rabilia legenti fore, quam mihi audienti fuerunt. Ae-  
grotabat Caecina Petus, maritus eius; aegrotabat et  
filius, uterque mortifere, ut videbatur: filius decessit,  
cxiinia pulchritudine, pari verecundia, et parentibus  
non minus ob alia carus, quam quod filius erat. Huic  
illa ita funus paravit, ita duxit exsequias, ut ignora-  
ret maritus: quin immo, quoties cubiculum eius in-  
traret, vivere filium, atque etiam commodiorem esse  
simulabat; ac persaepe interroganti, quid ageret puer,  
respondebat, *Bene quievit, libenter cibum sumpsit.*  
Deinde quum diu cohibitae lacrymae vincerent pro-  
rumperentque, egrediebatur. Tum se dolori dabat. Sa-

XVI. • De Nepote Vide ad II, ep.  
3. L.

1. Virorum feminarumque, etc. Rom.  
Virorum feminarumque alia clariora  
esse. Omisit illustrium. II.

3. Caecina Petus. Desunt in cod.  
Oxon. facileque credo e margine in-  
textum irrepisse. Maritum Arriae  
Caecinam factum dictum fuisse, Ne-  
pos scilicet docendus erat. S. — Pae-  
tus. Plurium gentium Romanarum

cognomen, etiam Caecinae. Ex hac  
etiam A. Caecina, Volaterranus, quem  
Cicero defendit, et qui criminosisimo  
libello famam Iul. Caesaris laceravit.  
Eadem gens Dempsteri adhuc tempore  
Volaterris florebat. L. — Pari ve-  
recundia. Rom. Parique verecundia. H.

4. Huic illa ita funus paravit. Rom.  
Huic ita illa funus paravit. H.

5. Tum se dolori dabat. Rom. Tunc  
se dolori dabat. II.

tiata, siccis oculis, composito vultu redibat, tanquam  
 6 orbitatem foris reliquisset. Praeclarum quidem illud  
 eiusdem, ferrum stringere, perfodere pectus, extra-  
 here pugionem, porrigere marito, addere vocem im-  
 mortalem, ac paene divinam, *PAETE, NON DOLET*. Sed  
 tamen ista facienti dicentique gloria et aeternitas ante  
 oculos erant: quo maius est sine praemio aeternitatis,  
 sine praemio gloriae abdere lacrymas, operire luctum,  
 7 amissoque filio, matrem adhuc agere. Scribonianus  
 arma in Illyrico contra Claudium moverat: fuerat *Pac-*  
 8 *tus* in partibus, et occiso Scriboniano, Romam tra-  
 hebatur. Erat adscensurus navem: Arria milites ora-  
 bat, ut simul imponeretur. «Nempe enim, inquit,  
 daturi estis consulari viro servulos aliquos, quorum

— *Tanquam..... reliquisset.* Nollem  
 haec adiecisse Plinium. Habet sen-  
 tentia quiddam acuminis simile, quod  
 in hoc loco prope ineptum est. Ipse  
 etiam sensus friget. Sic enim quae-  
 ramus, quid sit orbitatem foris relin-  
 quere, nihil quod recte cogitemus, re-  
 linquitur. *E.* — Est i. q. tanquam  
 omnem moeroris ex filii morte sen-  
 sum ante cubiculi fores exuisset. Maior  
 tamen vis verborum Plinii: in quibus  
 quid ineptum sit, aut frigent, non  
 intelligo. Caeterum magni sane haec,  
 immo ingentis animi, quae qui a qua-  
 libet matre prudente in simili casu  
 exspectat, nae is humana parum pen-  
 sitavit. Omnino quae Gierigius in  
 argumento huius epistolae de generosa  
 illa femina satis maledice scripsit,  
 nollem viro optimo excidisse. *S.*

6. *Pacte, non dolet.* Martialis I,  
 Epigr. 44, malo ingenii lusu hanc  
 praeclarum vocem sic deformavit:  
*Custa pro glorium quum traheret Arria*  
*Pacto, Quem de visceribus traxerat*

*ipso mis, Si qua fides, videmus, quod*  
*feci, non dolet inquit, Sed quod tu*  
*facies, hoc mihi, Pacte, dolet.* *L.* —  
*Rom. Non dolet, Pacte.* Postea tamen  
 n. 43, ut vulgatum. *H.* — Vellem  
 et ibi *Non dolet, Pacte*, legi. *Eupex-*  
*tyndoropo;* hic verborum ordo, quorum  
 vim vocativus praemissus videtur re-  
 lundere. *S.*

— *Ista facienti dicentique.* Curtius  
 ex libro medicen ordine meliore fa-  
 cienti ista dicentique. *S.*

7. *Furius Camillus Scribonianus,*  
 Dalmatiae legatus, bellum civile mo-  
 vit sub Claudio, sed a militibus, in  
 poenitentiam religione conversis, de-  
 stitutus, morte voluntaria periit. Suet.  
 Claud. 43. *L.*

8. *Nempe.* Non est b. l. indignantis.  
 Serio Arria hoc argumento ad milites  
 usa est, quos, omnis expertes huma-  
 nitatis, ita demum flectere posse pu-  
 tabat, si quid iis compendii ostende-  
 ret. *S.* — *Omnia vel sola praestabo.*  
*Rom. Omnia sola praestabo.* *H.*



e manu cibum capiat, a quibus vestiatur, a quibus calcietur: omnia vel sola praestabo. » Non impetravit. <sup>9</sup> Conduxit piscatoriam naviculam, ingensque navigium minimo sequuta est. Eadem apud Claudium uxori Scriboniani, quum illa profiteretur indicium: « Ego, inquit, te audiam, cuius in gremio Scribonianus occisus est, et vivis? » Ex quo manifestum est, ei consilium pulcherrimae mortis non subitum fuisse. Quin etiam <sup>10</sup> quum Thræsea, gener eius, deprecaretur, ne mori pergeret, interque alia dixisset: « Tu vis ergo filiam tuam, si mihi pereundum fuerit, mori mecum? » respondit: « Si tam diu tantaque concordia vixerit tecum, quam ego cum Paeto, volo. » Auxerat hoc re- <sup>11</sup> sponso curam suorum: attentius custodiebatur: sensit; et, « Nihil agitis, inquit; potestis enim efficere, ut male moriar; ne moriar, non potestis. » Dum haec dicit, <sup>12</sup> exsiluit cathedra, adversoque parieti caput ingenti impetu impexit, et corruit. Refocillata, « Dixeram, inquit, vobis, inventuram me, quamlibet duram, ad mortem viam, si vos facilem negassetis. » Videnturne hæc tibi <sup>13</sup>

9. *Ingenue.... sequuta est.* Cogita, quam periculosum sit navicula piscatoria improbum Adriam intrare, hocque otiosum, aut alienissimæ ne gabis. S.

— *Ego.... te audiam.* Et videam lucis usura fruentein, et periculum amiciis mariti tui ereantem, ut ipsa impunitatem consequaris. Illud enim fere præmium indicii. Formulam profiteri indicium illustravit Cort. ad Sall. Ing. XXXV, 6. G.

— *Et vivis.* Supple quæ. Vid. Burmann. ad Phædr. I, 22, 42. S.

— *Pulchra mors,* καλὸς θάνατος; honesta, gloriosa, quæ fortem animum indicat. Talis habebatur mors

eorum, qui vel in proelio fortiter pugnantibus cadebant, vel gravi de causa ipsi vitam sinebant. L.

11. *Ut male moriar.* Mox dura ad mortem via. De alia huius locutionis significatione vid. Gesneri ad I. A. Ernestiam epistola. S.

12. *Cathedra in primis aella erat mulierum.* L.

— *Refocillata, dixeram, inquit.* Rom. Focillata, dixeram, inquit. H. — Gierigius recepit refocillata. L.

13. *Videnturne.* Id est, annon videntur? — *Ne hic affirmantis est, non, ut saepius, negantis.* Infra ep. 24, 6: « Meritone eum... et tunc dimisi amicissime, etc. » Supra II, 47, 29:

maiora illo, *Paete, non dolet*, ad quod per haec per-  
ventum est? quum interim illud quidem ingens fama,  
haec nulla circumfert, Vnde colligitur, quod initio  
dixi, alia esse claria, alia maiora. Vale.

« Iustissime de causis eum tibi videor  
incolere, etc. » Vid. Heusinger. ad  
Cicer. de offic. p. 693. §.

— Vnde colligitur.... maiora. Ad.

nexa haec perinvitus video, gaude-  
remque, si quis ea codex non agno-  
scret. Talia margines per me licet  
obsideant. §.

## XVII.

*Anxius de salute amici ob silentium eius, monet, ut propediem  
nuntiet, quid agat.*

C. PLINIUS SERVIANO • SVO §.

**R**ectene omnia? quod iampridem epistolae tuae ces-  
sant. An omnia recte; sed occupatus es tu? An tu  
non occupatus; sed occasio scribendi vel rara, vel

XVII. • *Serviano* Noster scripsit  
etiam VI, ep. 26, quum ille Fusco  
Salinatori filiam destinasset. Prae-  
fuit Germaniae, et inde transiit in  
Pannoniam. Sub Adriano, cuius so-  
rorem Paulinam in matrimonio habe-  
bat, bis consulatum gessit; sed nona-  
gesimum annum agens, mori ab eo  
coactus est. L.

1. *Rectene omnia?* Interrogatio sol-  
liciti et metuentis aliquid sinistrum,  
ut illud *satin' solvae?* apud Livium I,  
58, et alias saepe. Quin Ter. Andr.  
IV, 6, 9: *Quid vos quo pacto hic?*  
*satin' recte?* Et Noster VI, 2, 10,  
*Ecquid omnia in tua (domo) recte?*  
Vid. omnino Brissan. de form. VIII,

65, p. 724, nuperae edit. Caeterum  
hunc locum repraesentavimus ex con-  
iecturis Casauboni, quas firmant li-  
bri, qui Curtio patiuntur. Vulgata sen-  
tentiam non habet, nisi quod forte  
exsculpis, lector, ex istis: « Rectene  
omnia, quod iampridem epistolae  
tuae cessant, an non omnia recte?  
Sed occupatus es tu. An tu occupa-  
tus? Sed occasio scribendi vel rara,  
vel nulla. » G. — Rom. « Rectene  
omnia, quod iam pridem epistolae  
tuae cessant? an non omnia recte,  
sed occupatus es tu? An non occupa-  
tus, sed occasio? » Haec a vera le-  
ctione, quam Curtius restituit, non  
longe recedunt. H.

nulla? Exime hunc mihi serupulum, cui par esse non possum. Exime autem vel data opera tabellario misso: ego viaticum, ego etiam praemium dabo; nuntiet mihi modo, quod opto. Ipse valeo: si valere est, suspensum et anxium vivere, expectantem in horas, timentemque pro capite amicissimo, quidquid accidere homini potest. Vale.

2. *Exime hunc mihi scrupulum.* Ita etiam Rom. H. — *Nuntiet mihi modo, quod opto.* Rom. nuntiet modo, quod opto. H.

## XVIII.

*Panegyrici, uberius, quam in senatu dixerat, elaborati, recitationem cum voluptate exceptam denarrat. Altera praefatio panegyrici haec epistola est. L.*

C. PLINIVS SEVERO \* SVO S.

Officium consulatus iniunxit mihi, ut reipublicae nomine principi gratias agerem. Quod ego in senatu quum ad rationem et loci et temporis ex more fecissem; bono civi convenientissimum credidi, eadem illa spatiosius et uberius volumine amplecti: primum, ut imperatori nostro virtutes suae veris laudibus commendarentur: deinde, ut futuri principes non quasi a magistro, sed tamen sub exemplo praemonerentur, qua potissimum via possent ad eandem gloriam niti. Nam praecipere, qualis esse debeat, princeps, pulchrum quidem, sed

XVIII. \* *Catilius Severus*, ad quem I, ep. 22, scripsit. L.

1. Quum, tempore Augusti, novi consules sponte coepissent suo nomine gratias agere Caesari, postea senatus-consulto constitutum est, ut id face-

rent etiam nomine reipublicae. L.

— *Ad rationem et loci et temporis.* Rom. *Ad rationem loci et temporis.* H.

3. *Pulchrum*, etc. Honestum et utile, alios praecipulis monere in re tam gravi. *Onerosum*, quia invidiosum et

onerosum, ac prope superbum est: laudare vero optimum principem, ac per hoc posteris, velut e specula lumen, quod sequantur, ostendere, idem utilitatis habet, arrogantiae nihil. Cepi autem non mediocrem voluptatem, quod, hunc librum quum amicis recitare voluissem, non per codicillos, non per libellos, sed si commodum esset, et si valde vacaret, admoniti (numquam porro, aut valde raro, vacat Romae, aut commodum est, audire recitantem) foedissimis insuper tempestatibus per biduum convenerunt: quumque modestia mea finem recitationi facere voluisset, ut adicerem tertium diem, exegerunt. Mihi hunc honorem habitum putem, an studiis? Studiis malo, quo prope extincta refoventur. At cui materiae hanc sedulitatem praestiterunt? Nempe quam in senatu quoque, ubi perpeti necesse erat, gravari tamen vel puncto temporis solebamus, eandem nunc et qui recitare, et qui audire triduo velint, inveniuntur: non quia elo-

offensae plenissimum est. *Superbum*, arrogans tantam rei gravitatem praecipis asequi velle. Hunc sensum sequentia etiam confirmant: *idem utilitatis habet, arrogantiae nihil*. E.

4. *Quod hunc librum, etc.* Interpunge ita: *Quod, hunc librum quum amicis recitare voluissem*. Vulgo post *librum* incidunt. II. — Obsecutus sum bene monenti. Sic et Ernestius distinxerat. S. — *Hunc librum*. Nuspian Panegyrici nomine usus est, nec constat, an ipse hoc nomen orationi suae praeliserit. L. — *Libellos*. Facit hic inprimis Dialog. de Orator. cap. 9, ubi orator, ut habeat, qui audire dignentur, *Libellos dispergere* dicitur. Vid. Schulz. ad h. l. pag. 33 sq. S. — *Sed si commodum, etc.* Rom. *Sed si commodum et si valde vacaret, adiciam*. II. — Porro: autem. Plinius I,

8, 40: « Oculorum porro et aurium voluptates adeo non egrui, etc. » I, 24, 4, « Scholasticis porro dominis, ut hic est, sufficit, etc. » VI, 32, 2, « Te porro animo beatissimum, modicum facultatibus scio. » S.

5. *Mihi hunc honorem habitum putem, an studiis?* Tertium esse poluit, Secunde: *Principi*. S.

— *Extincta*, immanitate inprimis Domitiani, qui exiliis puniebat studia. L.

6. *Nempe quam, etc.* Rom. « Nempe quam (*Medic*. qua) in senatu quoque, ubi perpeti necesse erat, gravari tamen vel puncto temporis solebamus, eadem (*pro eadem*) nunc et qui recitare, et qui audire triduo velint, inveniuntur. » Cortius coniecit, *Nempe quae*, deinde *eandem nunc*. Cum eo recitare praefero vulgato *recitari*. II.

quentius, quam prius, sed quia liberius, ideoque etiam libentius scribitur. Accedet ergo hoc quoque laudibus principis nostri, quod res antea tam invisa quam falsa, nunc ut vera, ita amabilis facta est. Sed ego quum studium audientium, tum iudicium mire probavi. Animadverti enim severissima quaeque vel maxime satisfacere. Memini quidem, me non multis recitasse, quod omnibus scripsi: nihilominus tamen, tanquam sit eadem omnium futura sententia, hac severitate aurium laetor. Ac sicut olim theatra male musicos canere docuerunt, ita nunc in spem adducor, posse fieri, ut eadem theatra bene canere musicos doceant. Omnes enim, qui placendi caussa scribunt, qualia placere viderint, scribent. Ac mihi quidem confido

— *Liberius*. Securius, sine metu, ne quid apertius dictum, etiamsi verissimum sit, offendat. Sane, quum animus scribentis ita liber et securus est non libentius solum, sed et melius scribi potest. E.

8. *Severissima*. Preasius et adstrictius scripta, austeri; quibus opponuntur stilus laetior, hilarius et quasi exsultantius scripta, dulcia, blanda. Fallitur Gierigius, ad censuram vitiorum gravem et liberam referens. Scilicet antea de auditorum sedulitate Plinius egit: nunc eorum iudicium (*Geschmack*) laudat, quod dulcia minus quam austeri probarint. S.

9. *Nihilominus*, etc. Rom. *Nihilominus, tanquam sit eadem, sine tamen*. H.

— *Theatra male musicos*. Corruptorum ab aula hominum iudicium secuti tum scriptores: nunc spes est, meliora etiam scripturos homines, quam aulae vitia rectum de scriptis iudicium non amplius pervertunt. G. — *Musica* omnem liberalem institu-

tionem complectebatur. L. — Cod. Helmst. *Theatra male canere musicos docuerunt. Ut mox omnes: bene canere musicos doceant.* Sed vulgaris ordo bene habet. Vid. Benth. ad Ilor. A. P. 441. S.

10. *Ac mihi quidem*, etc. Rom. *Ac mihi quidem, confido, in hoc genere materiae laetioris stili*. H. — *Mihi... constare rationem*, id est, me iure quodam meo stilum laetorem in argumento panegyricum consecratum esse, quaeque hilarius et quasi exsultantius scripsi, non posse videri arcessita et ab hoc materiae genere aliena. S. — *Laetioris stili*. Sic in pari fere auctoritate malui quam laetioris, quia synonymus videtur deinde dicere, *hilarius et exsultantius*. G. — Caeterum laetum illud genus dicendi, quod et *hilarare, mure, dulce* Rhetores appellant, in verbis quidem delectum et concinnitatem auribus gratam, in sententiis autem habet quum copiam, qua saepe in amoeniores locos excurritur, tum acumina, facetias, simi-

in hoc genere materiae laetioris stili constare rationem, quum ea potius, quae pressius et adstrictius, quam illa, quae hilarius et quasi exsultantius scripsi, possint videri arcessita et inducta: non ideo tamen segnius precor, ut quandoque veniat dies (utinamque iam venerit!) quo austeris istis severisque dulcia haec  
 11 blandaque vel iusta possessione decedant. Habes acta mea tridui: quibus cognitis volui tantum te voluptatis absentem et studiorum nomine et meo capere, quantum praesens percipere potuisses. Vale.

liaque ad delectationem comparata. Huic contrarium est, quod *pressum adstrictumque* Plinius appellat, magis rerum brevitatem et necessitatem quandam, verborumque et sententiarum nudam et directam rationem consecretans. Si cui haec brevia non sufficiunt, consulat quae in Lex. Technol. Rhet. lat. s. v. *lactus*, *hilaris*, *adstrictus*, *suavis*, *dulcis* copiosius diximus. E. — *Inducta*. Inducuntur, quae aliena sunt. Cf. Hor. A. P. 11. S. — *Non ideo tamen segnius precor*. Nihil mutat hic Rom. sed tamen aper-

tum est, legi debere *secius*; cui librarii perpetuo fere alterum substituant. Id et factum lib. VI, ep. XX, 5, ubi rescribendum, *nihil secius ego intentus in librum*. Vide me ad Cornel. Nep. Dat. c. 2, 5. H. — Assentior Heusingero. Est tamen ubi *segnius* locum suum iure tueatur. Vid. Drakenb. ad Liv. VI, 38, 8, et interpr. ad Iul. Caes. de B. G. II, 7, p. 618 sq. ed. Oudend. S.

11. *Volui tantum te voluptatis*. Rom. *Volui tantum voluptatis, sine te*. H.

## XIX.

*Consulit, an emat praedia suis agris vicina, propositis in utramque partem rationibus.*

C. PLINIVS CALVISIO RVFO SVO S.

Adsumo te in consilium rei familiaris, ut soleo. Praedia agris meis vicina, atque etiam inserta, venalia sunt. In his me multa sollicitant; aliqua nec minora deterrent. Sollicitat primum ipsa pulchritudo iungendi; deinde, quod non minus utile quam voluptuosum, posse utraque eadem opera, eodem viatico invisere, sub eodem procuratore, ac paene iisdem actoribus habere, unam villam colere et ornare, alteram tantum tueri. Inest huic computationi sumptus suppellectilis, sumptus atriensium, topiariorum, fabrorum, atque etiam venatorii instrumenti: quae plurimum refert, unum in locum conferas, an in diversa dispergas. Contra vereor, ne sit incautum, rem tam magnam, iisdem tempestatibus, iisdem casibus subdere. Tutius videtur, incerta fortunae possessionum varietati-

XIX. 2. *Procurator* omnino qui curat res alterius. Cives Romani in praediis habebant procuratorem; ei subiecti erant actores, servi primarii ad varia ministeria obeunda destinati, ad rationes scribendas, ad redditus a colonis exigendos. L. — *Ac paene iisdem actoribus habere.* Rom. *Ac paene iisdem habitatoribus habere.* Hoc alienum. II.

3. *Topiariorum.* Vid. Clav. Cic. h. v. S. — *Topiarii* quorum ars topiaria, curabant ea, quae hortis essent

ornamento. L. — *Atque etiam venatorii instrumenti.* Rom. *atque et venatoria instrumenta.* Melior vulgata. II.

4. *Incerta fortunae.* Livius XXX, 45, 4: «lidum e servis vocat, sub cuius custodia regio more ad incerta fortunae venenum erat.» Apud eundem XXX, 30, 44, Hannibal in eximia illa ad Scipionem oratione: «Non temere incerta casuum reputat, quem fortuna nunquam decepit.» S

bus experiri. Habet etiam multum iucunditatis soli caelique mutatio, ipsaque illa peregrinatio intersita.  
<sup>5</sup> Iam, quod deliberationis nostrae caput est, agri sunt fertiles, pingues, aquosi: constant campis, vineis, silvis, quae materiam et ex ea redditum sicut modicum,  
<sup>6</sup> ita statum praestant. Sed haec felicitas terrae imbecillis cultoribus fatigatur: nam possessor prior saepius vendidit pignora: et dum reliqua colonorum minuit ad tempus, vires in posterum exhaustit, quarum defe-  
<sup>7</sup> ctione rursus reliqua creverunt. Sunt ergo instruendi

— *Interita*, interposita. Bona lectio, Gierigio nullo iure durissima visa. Is cum Cortio e duobus codicibus *inter sua*; quod non imiter. Saepius librorum socordia in u depravit. Horat. ep. 1, 18, 12, *Sic iterat voces*. Ibi Barthius in codice reperit, *Sic uerat voces*; inepte. Vid. Bentleium. S.

5. *Iam quod deliberationis nostrae caput est.* Rom. *Quod deliberationis nostrae caput est.* H. Cf. Excerpta Brummeri. Nostra lectio praestat. S.

6. *Felicitas... fatigatur.* Fertilitas illa terrae coërcetur et impeditur cultoribus imbecillis, hoc est, qui propter venditam pignora et aes alienum non possunt recte et utiliter colere agros suos. E.

— *Vendidit pignora.* Colonis ablata a duro domino (Servianae hypothecae nomine, qua obligantur coloni bona domino), si u morosi viderentur in solvendis reliquis. *Pignora* autem quum nominal, comprehendit in primis instrumentum rusticum, de quo postea lege Honorii et Theodosii 8, C. quae res pignori, cautum est. « Pignorum gratia aliquid, quod ad culturam agri pertinet, auferri non convenit. » His nimirum ablatis, ipse cultus agrorum impeditur, ac debili-

tantur coloni, auctis denno reliquis. *Reliqua*, *disparata*, funestum nomen, ut hodie *die Rente*, *der Rückstand*, apud rusticos nostros. G. — *Quarum defectione*, etc. Rom. *Quarum defectione rubus, reliqua incommoda creverunt*. Hic Rom. pessimis accedit. H.

7. *Instruendi... mancipēs.* Exhaustis veteribus colonis, vel iidem ipsi, vel iis maiorem partem dissipatis, aut migrare iussis adeo, alii novi mancipēs *instruendi* sunt, et ornandi instrumento et rebus aliis necessariis, ut frugi et utiles sibi ac domino esse possint. De novis quidem mancipibus (qui a colonis nomine solo differunt, quod latius patet et omne genus redemptoris complectitur) hic agi, satis illud indicat, quod negat Plinius *se viuctos habere*, quibus colere agrum possit. Sic, puto, satis commode interpretari licet vulgatam lectionem. Est et alia a Gronovio prolata ex libris, et probata Cortio, *instruendi eo pluris, quod frugi, mancipēs*, quae ad sententiam parum a nobis discedit. Caeterum erat, quum aliter caperemus hunc locum, et *pignora* intelligeremus natos colonorum, a saevis dominis ablatis colonis cunctatoribus, venditosque; quor-



complures frugi mancipēs: nam nec ipse usquam victos habeo, nec ibi quisquam. Superest, ut scias, quanti videantur posse emi; sestertio tricies: non quia non aliquando quinquagies fuerint, verum et hac penuria colonorum et communi temporis iniquitate, ut reditus agrorum, sic etiam pretium retro abiit. Quæris, an hoc ipsum tricies facile colligere possimus? Sum quidem prope totus in prædiis, aliquid tamen fœnore; nec molestum erit mutuari. Accipiam a socio

sum utebatur aliquot legibus Codicis ex L. II, tit. 47—52, e quibus apparet, fuisse tum colonos servilis conditionis, eos certe, qui adscripticii vocantur; et loco ex Evangelio Mat. XVIII, 24, ubi ad reliqua solvenda vendere iubetur, sive procurator est, sive villicus, uxorem ac liberos; itemque illa Noodiana sententia de iure liberos vendendi ad Constantini usque M. ætatem durante. Sed in viam me reduxit consultissimus idemque humanissimus Gebauerus noster, qui me docuit, colonos servilis conditionis et adscripticios ad Constantini demum serius ævum pertinere, et a barbaris et Germanis videri in Romanum imperium inVectos; ius autem illud vendendi liberos iam Plinii ætate ita fuisse restrictum, ut non nisi quum ad extrema ventum esset, uti illo liceret. Itaque manendum tandem putavi in ea quam supra proposui, probataque Gebaiero, interpretatione. G. — Rom. *Sunt ergo instruendi eo pluris, quod frugi mancipiis.* (Ald. etiam *mancipiis*). Hoc est, priores ergo coloni, quod frugi sunt, instruendi sunt mancipiis, sive servis *vinctis*, quum ipsorum paucitas labori non sufficiat, idque eo *pluris*, id est, eo maiore impensa, quod nec ipse *vinctos* habeo, nec *ibi*, in illis

prædiis, aliqui sunt. Hanc interpretationem casualis particula *nam* exigere videtur: quæ si abesset, *pluris esse* *plures* dicerem. Itaque et Gronovius illud explicat, eo maiore pecunia opus est ad eos instruendos, qui vero mancipēs maluit. H.

— *Vinctos* scil. compedibus. A talibus servis multi agri colebantur. L. — *Nec ibi quisquam. Superest.* Post *quisquam* intellige *vinctos* habet. Non est disciplina illius viciniae, habere *vinctos* in agris, quorum conducere operas a dominis possis: sed colonias utuntur s. mancipibus. Debetur hæc distinctio ingenio Gruteri. Vulgo legebatur, *nec ibi quisquam superest*. Nihil solemnius Secundo illa formula, *superest ut*, v. g. X, 50, 3; X, 93, 3, etc. G. — Rom. *Superest.* Lege cum Cortio: *Superest, ut scias*. H.

8. *Fœnore.* Cortius ex Mediceo et coniect. Lectii *fœuero* legit. Si *fœnore* servandum, ita interpungam: aliquid tamen fœnore (nec molestum erit mutuari) accipiam a socio. G. — Rom. *aliquid tamen fœnore*, ut vulgo: sed verior Lectio est *fœuero*, vel *fœuero*. H. — Idem placebat Ernesto, qui, expuncta Gesneri nota, hanc erat appositurus: « *Fœuero*. » Ita Cortius ex Medic. et coniectura Lectii, pro *fœnore*, quod male coibat cum

9 cuius arca non secus ac mea utor. Proinde hoc te non moveat, si caetera non refragantur, quae velim quam diligentissime examines: nam quum in omnibus rebus, tum in disponendis facultatibus plurimum tibi et usus et providentiae superest. Vale.

caeteris; nec ego dubitavi cum Bipont. et Gierigio illud reponere. Sensus est: omnes meas facultates collocavi quidem in praediis, aliquam tamen pecuniam in foenore collocatam

habeo. Gernerus, si foenore servandum sit, ita interpungendum censebat: aliquid tamen foenore (nec molestum erit mutuari) accipiam a socru, etc. S.

## XX.

*In comitiis modum per tabellas suffragandi restitutum narrat, ex quo incommoda futura auguratur. Epistola non contemnenda, quae partem antiquitatis romanae illustrat. L.*

C. PLINIVS MAXIMO SVO S.

Meministine, te saepe legisse, quantas contentiones excitavit lex tabellaria, quantumque ipsi latores, vel  
2 gloriae, vel reprehensionis adtulerit? At nunc in senatu sine ulla dissensione hoc quidem, ut optimum, placuit.  
3 Omnes comitiorum die tabellas postulaverunt. Exces-

XX. Inscr. Rom. *Menio Max.* II.

1. *Lex tabellaria.* De suffragiis, invidiae vitandae causa, non voce, sed tabella ferendis, de qua laudatus hic a viris doctis Cic. de LL. III, 45 sq. De ipsa ratione suffragia ferendi, fraudisque et necitendae, et deprehendendae, quaedam a nobis di. putata suot ad Varr. de R. R. III, 5, 48, p. 335 sq. G.

2. *In senatu.* Ad quem comitia e campo translata iam Tiberii aetate, testē Tacito Ann. I, 45, 1, ubi Lepidus peculiari excursu, quibus illud gradibus, initio a Iulio Caesare facto, contigerit, declarat. G. — *Hoc quidem.* Melius Curtius hoc idem ex libris suis aliorumque. Vid. eundem ad Ciceron. ep. VII. 47, 40. Sic et alibi librarii lapsi sunt. Cf. Drakenb. ad Liv. VI, 20, 42. S.

seramus sane manifestis illis apertisque suffragiis licentiam concionum. Non tempus loquendi, non tacendi modestia, non denique sedendi dignitas custodiebatur. Magni undique dissonique clamores: pro-currebant omnes cum suis candidatis: multa agmina in medio; multique circuli et indecora confusio: adeo desciveramus a consuetudine parentum, apud quos omnia disposita, moderata, tranquilla, maiestatem loci, pudoremque retinebant! Supersunt senes, ex quibus audire soleo hunc ordinem comitiorum. Citato nomine candidati, silentium summum. Dicebat ipse pro se, vitam suam explicabat, testes et laudatores dabat, vel eum, sub quo militaverat, vel eum, cui quaestor fuerat, vel utrumque, si poterat: addebat quosdam ex suffragatoribus: illi graviter et paucis loquebantur; plus hoc, quam preces, proderat. Nonnunquam candidatus aut natales competitoris, aut annos, aut etiam mores arguebat: audiebat senatus gravitate censoria; ita saepius digni, quam gratiosi, praevalabant. Quae nunc immodico favore corrupta, ad tacita suffragia, quasi ad remedium, decurrerunt; quod interim plane remedium fuit: erat enim novum et subitum. Sed vereor, ne procedente tempore ex

3. *Sane. Nostrum freylich. S.* — *Licentiam concionum.* Cicero ep. II, 12, init. ad Coelium: *tumultuose conciones. S.*

4. *Magni... clamores.* Rom. » Magni denique et undique dissoni clamores. » *Leg.* magni undique et dissoni clamores. *Pro* undique alii scripserunt denique. » *H.*

5. *Et laudatores dabat, etc.* Rom. *Et laudatores dabat, vel cum nob quo legatus, vel cum, cui quaestor fuerat.* lectio optimorum librorum. *H.* — Gierigius negat latinitatis rationem

pati *nob quo legatus; quo iure, ipse viderit.* Mox tres eodices: *nob quo quaestor fuerat.* Quod et ipsum bonum *S.*

7. *Quae nunc... decurrerunt.* Ciceroniana figura, adiuncta ponuntur pro subiectis. Sententia enim haec est, » quae quum corrupta sunt, decurrerunt homines; *vel,* quibus corruptis decursum est. » Ipsi profecto homines corrupti, animadversa levitate sua, cui aliter obsisti non posset, decurrerunt ad illud remedium. *H.* — Miror, Corcium hanc formam, quam

ipso remedio vitia nascentur. Est enim periculum, ne tacitis suffragiis impudentia irrepat; nam quotocuique eadem honestatis cura secreto, quae palam?

9 Multi famam, conscientiam pauci verentur. Sed nimis cito de futuris: interim beneficio tabellarum habebimus magistratus, qui maxime fieri debuerunt: nam ut in recuperatoriis iudiciis, sic nos in his comitiis,

10 quasi repente apprehensi, sinceri iudices fuimus. Haec tibi scripsi, primum ut aliquid novi scriberem, deinde ut nonnunquam de republica loquerer, cuius materiae nobis quanto rarior, quam veteribus, occasio, tanto

11 minus omittenda est. Et hercule, quousque illa vulgaris? *Eho, quid agis? Ecquid commode vales?* Habeant nostrae quoque literae aliquid non humile, nec

12 sordidum, nec privatis rebus inclusum. Sunt quidem cuncta sub unius arbitrio, qui pro utilitate communi solus omnium curas laboresque suscepit: quidam tamen salubri quodam temperamento ad nos quoque velut rivi ex illo benignissimo fonte decurrunt, quos et haurire ipsi, et absentibus amicis quasi ministrare epistolis possumus. Vale.

in libris suis reperisset, vulgatae non practulisse. Sed omnino in talibus parum constans fuit. Vide eum p. 57, 98, 188, 202, 407; Cf. Drakenb. ad Liv. I, 42, 8; I, 45, 4. S.

9. Nam ut in, etc. Rom. Nam ut recuperatoriis iudiciis, sic nos his comitiis quasi repente. Deest. in. H. — recuperatoriis iudiciis. Recuperatores ex omni conventu civium subito datos esse; ex Cic. Verr. III, 59 sq. et Liv. XXVI, 48, hic ostendit; Curtius. Caeterum repente apprehensi eo sunt auctori iudices, quod tempus non habent corruptiorem audiendi, vel struendi fraudem. G.

11. Et hercule, quousque illa vulgaris? etc. Rom. Et mehercule quousque illa vulgaris? quid agis? et quid? commode vales? H.

Ecquid. Num. Vid. Drakenb. ad Liv. XXVII, 2; Horat. Turs. de Partic. esp. LXVI, 5. Saepe confunditur cum et quid. Vide Oudend. ad Lucan. III, 38; Drakenb. ad Liv. V, 36, 5. S.

12. Salubri quodam temperamento. Curtius quodam omisit, bonorum librorum auctoritate. Laudo. Auribus quidem vulgata, quidam tamen salubri quodam temperamento, etc. parum placet. S.

## XXI.

*Mortem Martialis nuntiat; eiusque ingenium, ab ipso laudatus; laudat.*

C. FLINIVS PRISCO SVO S.

**A**udio Valerium Martialem decessisse, et moleste fero. Erat homo ingeniosus, acutus, acer, et qui plurimum in scribendo et salis haberet et fellis, nec candoris minus. Prosequutus eram viatico secedentem; 2 dederam hoc amicitiae, dederam etiam versiculis, quos de me composuit. Fuit moris antiqui, eos, qui vel 3 singulorum laudes, vel urbium scripserant, aut honoribus, aut pecunia ornare: nostris vero temporibus,

XXI. 1. *Martialem.* *M. Valerius Martialis*, Bilbili Celtiberiae oriundus, an. aet. 23 Romam venit, carminibusque suis inclauit sub Domitiano potissimum, a quo iure trium liberorum angusto clavo et tribuatu auctus est, et quem plurimis carminibus extulit. Seil an. aet. 58, Chr. 97, in patriam rediit, quum anno superiore librum X, in quo Plinii laudes exstant, edidisset. Mortuus est an. 100, aut paulo post. *Leu.*

2. *Viatico.* Erat enim pauper et saepe sublevandus liberalitate amicorum, ut ex multis eius carminibus apparet. *L.* — *Secedentem.* In patriam suam Bilbilim. Videat. de tempore huius secessus, mortisque adeo poetae, Massonus in vita Plinii nostri ad A. Chr. C. §. 42. Agit de hoc secessu suo ipse poeta in praefatione libri 42. *G.*

— *Dederam etiam versiculis.* Rom.

*Dederam versiculis, sine etiam. H.*

3. *Fuit moris antiqui.* Rom. *Fuit moris antiqui.* Sic lib. II, epist. 49, 8, ut illis moris erat. *H.* — Add. VII, 27, 44, *reis moris est submittere capillum*; VIII, 49, 2, *Est autem mihi moris. Antiqui*; ante 20, 40: *veteribus.* Conf. Horat. Sermon. I, 4, 447, *traditum ab antiquis morem servare.* *S.* — *Moris antiqui.* Exempla poetarum et historicorum, honoribus, aut pecunia ornatorum, interpretes multa retulerunt. Sic Ennius (Giergii verba sunt ad h. l.) quia res Romanorum, atque etiam Scipionis celebraverat, ab hoc varie ornatus, ab illis in civitatem receptus est. Pompeius Theophrastum Mitylenseum, scriptorem rerum suarum, in concione militum civitate donavit. Et Cicero, Arch. cap. IX—XI, docet Archiam vel ideo civitate dignissimum esse, quod omne ingenium contulerit ad

ut alia speciosa et egregia, ita hoc in primis exolevit :  
nam postquam desiimus facere laudanda, laudari quo-  
4 que ineptum putamus. Quaeris, qui sint versiculi,  
quibus gratiam retulerim? Remitterem te ad ipsum  
volumen, nisi quosdam tenerem: tu, si placuerint  
5 hi, caeteros in libro requires. Adloquitur Musam,  
mandat, ut domum meam Esquiliis quaerat, adeat  
reverenter:

*Sed, ne tempore non tuo disertam  
Pulvis ebria ianuam, videto,  
Totos dat tetricae dies Minervae,  
Dum centum studet auribus virorum,  
Hoc quod secula posterique possint  
Arpinis quoque comparare chartis.  
Seras tutior ibis ad lucernas:  
Haec hora est tua, quum furit Lyaeus,  
Quum regnat rosa, quum madent capilli:  
Tunc me vel rigidi legant Catones.*

populi romani gloriam celebrandam.  
E.—*Speciosa et egregia*. Sic *magnus*  
et *speciosus* Iungii Vellei. II, 76, 2,  
*aeternus* et *speciosus* Valer. Max. II,  
745. Vid. Schwarz. ad Plin. Paneg.  
p. 40. S.

—*Nam postquam desiimus facere*,  
Rom. *Nam postquam desiimus facere*  
II.

4. *Quibus gratiam retulerim*. Rom.  
*Quibus gratiam rettuli*. H.

5. *Esquiliis*. Sine praepositione et  
secunda littera S ex libris optimis pos-  
suit Cortius. Caeterum totum carmen  
Martialis exstat Epigr. X, 49. G.—Ita  
et Rom. sine praepositione, de qua  
Drakenb. ad Liv. lib. II, cap. 28,  
princip. II.

—*Tempore non tuo*. Alieno. Mox:  
*Haec hora est tua*. Liv. XLII, 43, 3,  
*suo maxime tempore atque alieno ho-*  
*stibus incipere bellum*. H.—*Pulvis ebria*

*ianuum*. Rom. *Pulvis ebria ianuam*.  
Bene et poetarum more, qui hoc ver-  
buin frequentarunt. H.—Apud co-  
micos frequentissimum *pulvere aedes*,  
*foras*, *ostium*. Plautina loca collegit  
Pareus in Lex. Crit. p. 1016 b. S.

—*Arpinis . . . . chartis*. Ciceronis  
Arpinatis aemulum se nusquam ne-  
gal Plinius. G.

—*Haec hora est tua*, etc. Rom.  
*Haec hora est tua, dum furit Lyaeus*,  
*Dum regnat rosa, dum madent capilli*.  
H.—*Furit*. Furere, *μαίνεσθαι*, de  
magna compotantium hilaritate. Inde  
*Lyaeus* Orpheo dictus *μαίνων*.—*Rosa*  
coronati potabant.—*Madent*, deli-  
buli unguentis capilli. L.

—*Catones*. Non Censorius et Vti-  
censis, sed omnino viri severi et gra-  
ves, quales qui *totos dant tetricae dies*  
*Minervae*. S.—Juvenalis in Satira

Meritone eum, qui haec de me scripsit, et tunc 6  
dimisi amicissime, et nunc, ut amicissimum, defun-  
ctum esse doleo? Dedit enim mihi, quantum maxime  
potuit, daturus amplius, si potuisset. Tametsi quid  
homini potest dari maius, quam gloria, et laus, et  
aeternitas? At non erunt aeterna, quae scripsit. Non 7  
erunt fortasse: ille tamen scripsit, tanquam essent  
futura. Vale.

secunda, vs. 40, sic aiebat: Tertius  
e caelo cecidit Cato. L.

6. Meritone. Vid. supra ad ep. 16,  
43. S.

— *Quantum maxime potuit.* Rom.  
*Quantum maximum potuit.* Sic et Ald.  
Hoc Plinianum est, non maxime. Lib.

II, ep. 43, 40: » Nam licet tribuas ei,  
quantum amplissimum potes. » Sene-  
ca ad Marciam cap. XX, pag. 482  
Lips. » Comprehende quantum pluri-  
mum procedere homini licet quan-  
tulum est. » Curt. lib. IV, cap. 8, 10:  
» Quanta maxima celeritate potuit,  
contendit. » H.

## LIBER QVARTVS

## I.

*Prosocero adventum suum significat, eodem itinere Tiferni templum dedicaturus.*

C. PLINIVS FABATO \* PROSOCERO SVO S.

Cupis post longum tempus neptem tuam meque una videre. Gratum est utrique nostrum, quod cupis; mutuo me hercule: nam invicem nos incredibili quodam desiderio vestri tenemur, quod non ultra differemus. Atque adeo iam sarcinulas adligamus, festinaturi, quantum itineris ratio permiserit. Erit una, sed brevis, mora: deflectemus in Tuscos, non ut agros remque familiarem oculis subiiciamus (id enim postponi potest), sed ut fungamur necessario officio. Oppidum est praediis nostris vicinum; nomen

1. \* *Fabatum*. Ad *Fabatum* *prosocerum*, cuius neptem e filio duxerat, plures epist. scripsit. Credunt esse eundem Calp. Fabatum, equitem Romanum, quem Tacit. An. XVI, 8, narrat, tanquam conscium incesti Lepidae, accusatum esse, sed Neronem, circa summa scelera distentum, quasi minorem evasisse. Ex epistolis Plinianis videmus Comi consensuisse, atque in patriam liberalem fuisse. *L.*

4. *Neptem tuam*. Calpurniam filii Fabati huius filiam, quam post obitum prioris uxoris duxerat. *G.*

2. *Atque adeo iam*. Cortius *atque iam adeo*, ordine verborum improbo.

De *atque adeo* vid. Drakenb. ad Liv. X, 5. 14. *S.* — *Adligamus*. Pro simplici *ligamus*, minus tamen eleganter, si fides Plutarcho Moral. T. II, pag. 145 ed. Wyttenb. Το δὲ διαμείβειν ΑΛΛΗΛΑΡΕ ΜΥΘΟΥΣΙΝ ΟΙ ΠΟΛΛΟΙ ΠΥΡΑΙΩΝ ΟΙ Δὲ ΚΑΘΑΡΕΙΝΤΕΣ ἐν τῷ διαμείβειν, ΑΛΛΑΡΕ. Sed fallitur. Vid. I. Fr. Gronov. ad Liv. VII, 24, 4; it. Drakenb. ad h. l. et ad V, 27, 9; Schneider. ad Columell. p. 569. Caeterum *adligamus*, quod alii libri habent, paene praeferam. *S.*

— *Tuscos*; ubique vocat praedium suum in Tuscis. *L.*

4. *Nomen Tifernum Tiberinum*, etc.



Tifernum Tiberium; quod me paene adhuc puerum patronum cooptavit, tanto maiore studio, quanto minore iudicio. Adventus meos celebrat, profectionibus angitur, honoribus gaudet. In hoc ego, ut referrem gratiam (nam vinci in amore turpissimum est), templum pecunia mea extruxi: cuius dedicationem, quum sit paratum, differre longius, irreligiosum est. Erimus ergo ibi dedicationis die, quem epulo celebrare constitui. Subsistemus fortasse et sequenti; sed tanto magis viam ipsam corripiemus. Contingat modo te filiamque tuam fortes invenire! nam hilares certum est, si nos incolumes receperitis. Vale.

Rom. « Nomen Tiferni Tiberini: quod me paene adhuc puerum patronum cooptavit tanto maiore studio, quanto minore iudicio. » Ita contextuit, quae vulgo disiunguntur. Recte factum puto; nam iudicio utimur magis in cooptando patrono, quam in adventibus eius celebrandis. Quid minoris iudicii vero esse puterat, quam quod puerum patronum sibi esse voluerat? *H.* — Scilicet vulgo, etiam, quod mireris, in Cortiana, adeoque, quod paene indigneris, quum Gesnerus verum praeverit, in Gierigiana, post iudicio non interpungitur. Quae negligentia, ut vibia varam sequitur, Gierigium sic transversum egit, ut Secundum haec minore iudicio quam studio scripsisse dicat. *S.* — *Tifernum* (male aliū *Tifernium*) Roma aberat ultra centesimum et quinquagesimum lapidem, versus Apenninum montem, ad Tiberim situm; inde *Tiberinum* dictum ad discrimen *Tiferni Metaurensis*. Tiberinum hodie citiū di *Castello*. *L.* — *Minore iudicio*. Quia puer eram. *G.* — *Angitur*, tristes sunt, quum ab iis discedo. *Gaudent honori-*

*bus*, quibus me afficiant, et colant. *E.* — *Honores* malim de iis intelligere, qui Plinio publice dabantur. *S.*

6. *Epulo celebrare*. In dedicatione omni epulas fuisse adhibitas ex Dione LVII, p. 610; Grut. Inscr. p. 414, 2; Savaro. ad Sidon. IV, 15 pr. ostendit Cortius. Et qui aliter? quum dedicatio siue sacrificio non fieret, nec sine epulis sacrificium, quemadmodum nec epulae sollemniore sine deorum honore: ipsa Ebraeorum sacrificia epulis bonam partem comitata, etc. *G.*

— *Viam ipsam corripiemus*. Nimis *πονηρός* pro caractere epistolico. Virgil. *Aen.* I, 418, *Corripere viam interea*. *S.*

7. *Fortes*. Bene valentes. Ita saepe in his epistolis Plinius *fortes* dicit, qui sunt bonae valetudinis. *E.* — Vid. indicem. *S.*

— *Nam hilares certum est*. Optima lectio, quam miror Cortio displicuisse. Simili ellipsi Plinius I, 2, 1, *Nam vim tantam verborum qui possunt?* ut ibi scribendum. *S.*

## II.

*M. Regulum, morte filii dolorem simulantem, notabiliter perstringit.*

C. PLINIUS CLEMENTI • SVO S.

Regulus filium amisit: hoc uno malo indignus, quod nescio an malum putet. Erat puer acris ingenii, sed ambigu: qui tamen posset recta sectari, si patrem non referret. Hunc Regulus emancipavit, ut heres matris existeret. Mancipatum (ita vulgo ex moribus hominis loquebantur) foeda et insolita parentibus indulgentiae simulatione captabat: incredibile est; sed Regulum cogita. Amisum tamen luget insane.

II. • *Clementi.* Sine dubio est *Atrius Clemens*, ad quem I, ep. 10. *L.*

1. *Indignus.* Qui non meruit, adeoque commiseratione dignus. *E.* — Melius, ni fallor, Catanaeus: « Sensus est, merebatur Regulus mortem filii, si eam malum putaret. Sed quum timendum obitum eius optasset, ut heres filii existeret, ideo indignum censeo hoc malo, quia malum non credit, sed utile. » Profecto tota epistola tam plena est stomachi, tamque acerbe perstringit nebulonem illum, ut initium eius a commiseratione sumptum esse vix credam. *S.*

2. *Emancipavit.* Filius in patris potestate ac manu dum est, nihil sibi acquirit, omnia patri. Reguli filium mater mores mariti exosa heredem non vult scribere, si in patris potestate esset; vel quod ne corrumpatur mequit, vel ne insidias filio pater struat. Emancipat igitur et potestate

sua solvit eum pater. Simillimum huic speciem habes VIII, 18, 4. *G.* — *Existeret.* Non simpliciter esset significat, ut sine Scholasticorum postea usurpavit: sed evaderet, prodiret, fieret. *G.*

— *Mancipatum.* Debebat dicere, si recta via rem enarrare voluisset, *emancipatum*. Sed iocum una refert hominum, qui non tam solum patris potestate Reguli filium ista emancipatione dicere vellent, quam nova indulgentia, muneribus, corrupteliis, *mancipatum* patri, et nexu novo devinctum. Regulus igitur, ut est tota vita simulator et fallax, et e contrariis vitiis compositus, dum *emancipat* filium imaginaria venditione, re ipsa emit et *mancipat*. *G.* — Rom. *Emancipatum* (ita vulgo ex moribus homines loquebantur). II. — Neque homines ferendum, nec *emancipatum* iocus hominum mores Reguli notan-

Habebat puer mannulos multos, et vinctos, et solutos: habebat canes maiores minoresque: habebat lusciniās, psittacos, merulas: omnes Regulus circa rogum trucidavit: nec dolor erat ille, sed ostentatio doloris. Convenitur ad eum mira celebritate; cuncti<sup>4</sup> detestantur, oderunt, et quasi probent, quasi diligant, cursant, frequentant: utque breviter, quod sentio, enuntiem, in Regulo demerendo Regulum imitantur. Tenet se trans Tiberim in hortis, in quibus<sup>5</sup> latissimum solum porticibus immensis, ripam statuis suis occupavit, ut est in summa avaritia sumptuosus, in summa infamia gloriosus. Vexat ergo civitatem<sup>6</sup> insaluberrimo tempore: et quod vexat, solatium putat. Dicit se velle ducere uxorem: hoc quoque, sicut alia, perverse. Audies brevi nuptias lugentis, nuptias senis:<sup>7</sup> quorum alterum, immaturum; alterum, serum est. Vnde hoc augurer, quaeris? Non quia adfirmat ipse<sup>8</sup> (quo mendacius nihil est), sed quia certum est, Regulum esse facturum, quidquid fieri non oportet. Vale.

tium postulat. Caeterum *mancipare* et *emancipare*, quum alterum pro altero multis locis poni possit, mirandum non est saepe in libris confusa esse. Vid. Gesneri Thes. L. L. et Clav. Ciceron. S.

3. *Mannulos*. Manni, equi pusilli et speciosi, in deliciis erant hominum elegantiorum, quorum currus trahabant. L. — *Et vinctos et solutos*. Rom. et Ald. bene. H. — Vid. ad 2, 17, 2. S. — *Omnes*. . . . *trucidavit*. Vid. Kirchmann. de Funer. Romanor. L. III, c. IV, ubi et hoc Plinii loco utitur. S.

6. *Vexat*. . . *civitatem*. Dum recessu suo imponit necessitatem salutatoribus, et adloquendi consolandique causa, ad eum venientibus, per aestum et vapores Romanos iter illud suscipere. G.

7. *Audies brevi nuptias, etc.* Rom. *Audies brevi nuptias lugentis senis: quorum alterum*. H. — Male. Iteranda vox *nuptias*. S. — *Immaturum*, nondum maturum, nimis praecipitatum, ut qui in ipso luctu, quem gravissimum simulat, nuptias et voluptatem cogitet. G.

## III.

*Laus Antonini non tam ex honoribus, quos amplissimos gesserat, quam ex ingenio et stilo graeco. Habet haec epistola prope colorem orationis panegyricae, et multum inest dignitatis. L. et sic deinceps, etsi non posita litera.*

C. PLINIVS ANTONINO \* SVO S.

Quod semel atque iterum consul fuisti, similis antiquis; quod proconsul Asiae, qualis ante te, qualis post te vix unus aut alter (non sinit enim me verecundia tua dicere *nemo*), quod sanctitate, quod auctoritate, aetate quoque princeps civitatis, est quidem venerabile et pulchrum; ego tamen te vel magis<sup>2</sup> in remissionibus miror: nam severitatem istam pari iucunditate condire, summaeque gravitati tantum comitatis adiungere, non minus difficile quam magnum est. Id tu quum incredibili quadam suavitate sermonum, tum vel praecipue stilo adsequeris: nam et loquenti tibi illa Homerici senis mella<sup>3</sup>

III. \* *Antonino*. Dissensus inter Codd. facit, ut dubium sit, *Antonino* legendum sit, an *Hadriano*. Laudati iam sunt a viris doctis Casaubon. in Capitolini Anton. Pium c. I, Relnes. V. L. p. 277; Paulus Cigalinus de Plinii patria p. 1622. G. — Inteligitur autem M. Arrius Antoninus, avus maternus Antonini Pii, cui etiam Lib. IV, ep. 18, et V, 10, Plinius scripsit. E. — Rom. *Antonino*. Itaque non est, cur in omnibus vetustis exemplaribus *Hadriano* legi dicatur. H.

4. *Ego tamen te, etc.* Rom. *Ego tamen te vel magis in remissionibus miror*. Hoc in aliis etiam est, nec liberiorum errore scriptum videtur

pro *in remissionibus*. Dixerat, alios Antonini virtutem in administranda republica praestitam admirari: sibi eum magnum videri adfirmari in his etiam rebus, quae sint *remissiones*, in quibus minus se intendere soleant alii, quae remisso ac soluto animo fiant, in quibus paullo plus quisque sibi indulgeat. Vox ipsa et Plinio et Suetonio, et aliis usitata; nec significatio rei, ad quam accommodatur, repugnat. H.

3. *Homerici senis*. Nestoris, de quo Il. α, 249, Τοῦ καὶ ἀπὸ γλώσσας μέλιτος γλυκύνον ῥέειν αἰθέρι. G. — Et nectare. Al. *Nectere*, vel *innectere*, verba floribus et scitis illa quidem

profluere, et quae scribis, complere apes floribus et nectare videntur. Ita certe sum adfectus ipse, quum Graeca epigrammata tua, quum iambos proxime legerem. Quantum ibi humanitatis, venustatis! quam dulcia illa! quam antiqua! quam arguta! quam recta! Callimachum me, vel Herodem, vel si quid his me-

commoda et coniuncta, sed non nimis apta forte apibus. Et male sane hanc causam egit, qui Ovidianum *innectere tempora sertis* huc advocavit. Maius praesidium illa habent Virg. Georg. IV, 250, *Complebantque foras, et floribus horrea texent*. Vnde Ambrosius *Intexta floribus horrea illis* tribuit. Quum tamen poeticum illud sit, et *nectare* sit ipsum quoque in bonis libris, hoc praetuli. G. — *Et, quae scribis, complere apes floribus et innectere videtur*, cum Cortianis quibusdam Rom. Hoc etsi poetis familiarius est, hic tamen tolerari potest, ubi de industria poetarum sermonem imitatur, ut saepe alibi et maxime lib. VIII, ep. 26. *Complere flor.* suavitatem significat, quae ab ingenio est; *innectere* artem; quae ingenium commendat. H.

4. *Humanitatis*. Leporis, urbanitatis, quae sale et facetiis etiam ostenditur. Illa saepe iunguntur, ut apud Cic. de Orat. III, 8 et II, 67; cf. lib. I, 7. Hinc et *humanitatis sal*, epist. ad Att. I, 13. Copiosius hunc omnem de humanitate locum tractavimus in Lex. technol. Rhet. lat. s. v. *humanitas*. E. — *Quam dulcia illa! quam amantia* hic inserunt libri plerique, quod expunxit merito Cortius. G. — *Quam antiqua!* Desunt in Rom. H.

— *Callimachum me, vel Herodem*. Rom. *Callimachum, vel Herodem, sine me*. H. — *Herodem*. Vix patiuntur temporum rationes, ut Herodes

ille nobilis sub Adriano et Antoninis sophista intelligatur, de cuius reliquiis Cl. Salmasius, de vita autem et temporum rationibus Olesarius ac Philostratus immortaliter meriti sunt. Igitur vel alterius maioris Herodis memoriam intercidisse oportet, vel hic locus corruptela non vacat. *Philetum* inspicabatur Barthius, Callimacho alias etiam iungi solitum, *Erastosthenem* Cortius. Mihi N. L. G. — Non Herodem Atticum, sophistam, sed Herodem iambographum h. l. intelligi, prius demonstravit Ruhnkensius in Hist. Crit. Orat. Rutilio Lupo praemissae p. 99, quem locum, quum sit commentarii instar, ipsis Ruhnkensii verbis huc transcribo: *interpretes multa ad hunc Plinii locum moluntur, satisque ostendunt, se de Herode iambographo nefando quidem quicquam audivisse. Ex eius Cboliambis fragmenta supersunt apud Zenobium VI, 10; Stobaeum S. LXXI, p. 439; LXXVI, p. 453; XCVI, p. 530; CXVIII, p. 594; et Maximum T. II, p. 636. Nomen eius abiit in notum Herodoti apud Etymolog. M. p. 411, 44, Ζήτριον διὰ τοῦ ἰ συνειλημίνου καὶ παρὰ Ἡροδότου ἂν αὐτὸν εἰ; τὸ Ζήτριον. ἔστι δὲ χωλερὲς τὸ μέτρον.* In mendoso Herodoto bae-rebat Cl. Wesselingius Diss. Herodot. p. 29. Idem Etymologi locus induisse videtur Scaligerum ad Varron. de L. L. VI, p. 149, ut iamborum scriptorem *Herodotum* vocaret. Atbe-

lius, tenere credebam: quorum tamen neuter utrumque aut absolvit, aut attigit. Hominemne Romanum<sup>3</sup> tam Graece loqui? non, medius fidius, ipsas Athenas tam Atticas dixerim. Quid multa? invideo Graecis, quod illorum lingua scribere maluisti: neque enim coniectura eget, quid sermone patrio exprimere possis, quum hoc insiticio et inducto tam praeclara opera perfeceris. Vale.

nacis III, p. 86, B, laudat Ἡρόδου ἐν Συμπραξαμέναις, ubi Is. Casaubonus negat se alibi Herodam Comicum invenire. Verum non Comicus laudatur, sed, ut ex subiecto Choliampo apparet, iamborum scriptor, Herodes, qui patronymica et Doribus propria forma Ἡρόδης dicitur; quod bene vidit Salmasius Exerc. Plin. p. 444. Illam nominum formam illustrarunt Hemsterhusius et Callimach. Fragm. p. 590, et Valkenarius ad Schol. in Euripid. Phoeniss. p. 764. Denique Herodem Imbographum cum Herode Attico gravissimo errore confundunt Interpretes Plinii, et Fabricius Bibl. Gr. vol. VIII, p. 740. Haec Ruhnenius. Caeterum huius Herodis fragmenta collegit Fiorillo ad calcem Herodia Attici p. 474. E. — Neuter utrumque. Nec Callimachus, nec Herodes in utroque genere poeticos, epigrammatico et iambico, perfectus fuit; hoc est, quod dicit, *neuter utrumque absolvit*. Deinde *neuter utrumque attigit*, hoc sensu addidit, quod Callimachus sola epigrammata, et non iambos, Herodes autem, missis epigrammatibus, iambos tantum scripsit. Inde igitur laudat Antonium, qui utrumque optime scripserit. E. — Fallitur Ernest. Callimachum etiam in genere iambico operam posuisse, novimus. Absolvit re-

fer ad Callimachum, attigit ad Herodem. Caeterum Cortius utrumque perperam explicat, ad illa, *Quotum ibi humanitatis . . . . quam recta!* pertinere censens, in iisque nescio quam oppositionem reperire sibi visus. S.

5. *Quum hoc insiticio et inducto.* Rom. *Quum in hoc insiticio et inducto.* Sic multi codices alii. II. — Praepositio nata videtur ex praegressa m. S. — *Insiticio*. Verbum paullo rarius, sed eleganter significans. *Insiticia* proprie sunt, quae in aliam stirpem inseruntur, et loco non natali astantur. Deinde transtulerunt ad alia, quae loco non nativo posita intelligi volunt. Ita *insiticius sonuus* Varronis est, R. R. I, 2, 5, qui medio die, vigilandique adeo tempore capitur: apud eundem II, 8, 4, *Insiticii et bigeneri mult*, in aliud genus insiti. Plane idem sibi vult *insitivus*, quod ostendunt non *insitiva* modo Horatii ep. 2, 49, *pira*; sed *insitivus* ille *Graecus* Ciceronis pro Sextio e. XLVII, id est in illud genus eamque familiam fraude insertus. Sic *insitivi liberi* Phaedr. III, 3, 40, per adulterium in alienam familiam illati. *Insiticius* igitur *sermo* est Graecus hominis non Graeci, non primum enatus quasi in Antonino, sed arte paratus et illi velut insitus. Cf. infra IV, 48. G.

## IV.

*Tribunatum semestrem Calvisio Nepoti petit, et cum breviter quidem, graviter tamen commendat.*

C. PLINIVS SOSSIO \* SVO S.

**C**alvisium Nepotem validissime diligo, virum industrium, disertum, rectum, quod apud me vel potissimum est. Idem C. Calvisium, contubernalem meum, amicum tuum, arcta propinquitate complectitur; est enim filius sororis. Hunc ergo rogo semestri tribunatu splendidiorem et sibi et avunculo suo facias. Obligabis

IV. \* Sossio. Non dubito quin Sossius Papus intelligendus sit, vir clarus, sub Traiano, etiam Adriano carus. L.

1. *Calvisium Nepotem.* Rom. *Variditium Nepotem*, cum Med. quod fortasse verum. Deinde *validissime* pro *validissime*. H. — *Industrium... rectum.* Miror hæc a novissimo editore, Gierigio, sollicitata. In *disertum* offendit, quod in tribuno militari eloquentia non magnopere desiderata fuerit. Hoc autem *rectum* ultimo loco positum ideo improbat, quod frigide illa addantur, *quod apud me vel potissimum est*; ita enim, inquit, omnes sani homines iudicant. Me neutra ratio movet. Primum quis in *diserto* statim eloquentiam Demosthenicam, vel Ciceronianam cogitet? Est aliqua facundia, quæ unumquemque et decet et iuvat in vita negotiosa. Deinde Plinius virtutes laudat non tribuni, sed hominis, quæ tamen etiam tribunum commendare possunt. Deni-

que non video, cur frigide a Plinio addita sint ea, quæ fateri honestissimum est. Ergone nunquam virtutem laudabimus, nunquam dicemus, integritatem animi nobis caeteris bonis externis potiore esse, quia omnes sani ita iudicent? E. — *Rectum*, id est, bonum et honestum. V. Schwarz. ad Plin. Panegy. p. 483. S.

2. *Hunc ergo rogo.* Rom. *Hunc*, rogo, omisso *ergo*. H. — Sic et Cortiana. Bene. S. — *Semestri tribunatu.* Ostendit, hoc ipso in primis loco usus, Lipsius de Mil. Rom. II, 9, propter multitudinem petentium *semestres tribunatus* datos, et hinc explicat obscurum ante locum Iuvenalis VII, 89, de Paride Demitiani histrione, *Ille et militiæ multis largitur honorem, Semestri votum digitos circumligat auro.* *Semestre enim aurum*, annulus tribunorum *semestrium*. Confer ad h. loc. Masson. XX, 4; Turneb. Adv. lib. XX, 41; et Appian. in Punicis. L.

me, obligabis Calvisium nostrum, obligabis ipsum, non minus idoneum debitorem, quam nos putas.  
 4. Multa beneficia in multos contulisti: ausim contendere, nullum te melius, aequè bene vix unum, aut alterum collocasse. Vale.

3. *Idoneum*. Proprie de debitore; qui solvendi est. Glossarium H. Stephani: *Idoneuni*, Ἀξιώχρουν, βεκόζ. Item: Ἀξιώχρουν, idoneus. S.

4. *Aequè bene vix unum*. Rom. *Aequè bene unum*, sine vix. H. — Collocari eleganter dicuntur beneficia, tropo sumpti a pecunia. L.

## V.

*Studium auditorii, quum recitaret orationem, comparat cum Aeschinis auditoribus Rhodiis: in comparatione autem versatur tota epistola; et illa sublata, haec ad nihilum concideret.*

C. PLINIUS SPARSO \* SVO S.

Aeschinem aiunt petentibus Rhodiis legisse orationem suam, deinde Demosthenis, summis utramque clamoribus. Quod tantorum virorum contigisse scriptis non miror, quum orationem meam proxime doctissimi homines hoc studio, hoc adsensu, hoc etiam labore

V. \* *Sparso*. Noster scripsit etiam VIII, ep. 3. Quis fuerit non constat. L.

1. *Aeschinem*. Vid. ea de re supra ad II, 3, 10. G. — *Summis*... clamoribus. Laudantium puta et plaudentium auditorum. Sic saepius Noster, de quo vid. Ind. Sed etiam Cic. de Orat. I, 33, haec sunt, quae clamores et admirationes in bonis oratoribus efficiunt. Hinc illud ad Q. Fratr. III, 4, 3, *Clamores efficiam*, hoc est, mirificum quid praestabo. G. — Ita et Rom. sine verbis illis, quae explican-

di causa aliquis, non ipse Plinius, adscripsit, esse probatam. Auditorum enim clamores, sive plausus intelliguntur. H.

2. *Labore*. Ita intentionem audiendi dicit, non quidem simpliciter; sed quod illa intentio per ludum continuata molestius erat, et ad laboris similitudinem accedebat. E. — Verissime hoc. Secus habet id, quod vir doctissimus, vi huius vocis nondum satis perspecta, adscripserat: *Labore* non placet. Quidni clamore? S.



per biduum audierint: quamvis hanc intensionem eorum nulla hinc et inde collatio, nullum quasi certamen accenderet. Nam Rhodii quum ipsis orationum virtutibus, tum etiam comparationis aculeis excitabantur: nostra oratio sine aemulationis gratia probabatur. An merito, scies, quum legeris librum, cuius amplitudo non sinit me longiore epistola prae loqui. Oportet enim nos in hac certe, in qua possumus, breves esse: quo sit excusatus, quod librum ipsum, non tamen ultra caussae amplitudinem, extendimus. Vale.

— *Quamvis hanc intensionem eorum. Rom. Quamvis intensionem eorum, non ut vulgo hanc intensionem.*

H.

3. *Excitantur, ad acclamandum*

impellebantur. Excitari enim ad omnem animi commotionem declarandam adhibetur. Quidquid autem vim excitandi habet, id *aculeus* dicitur. L.

## VI.

*Laurentinum, propter studiorum secretum, reliquis praediis praefert. Iucunda et ingeniosa epistola. Dominatur quoque venusta quaedam simplicitas, et leniter defluit oratio.*

C. PLINIVS NASONI SVO S.

Tusci grandine excussi; in regione Transpadana summa abundantia, sed par vilitas nuntiatur: solum mihi Laurentinum meum in reditu. Nihil quidem ibi pos-

VI. 4. *Grandine excussus.* Horat. Carin. III, 4, 29, *verberatae grandine viuae.* Geoponic. I, 14, 2, οὐτι ἡ ἀμπλος, οὐτι τὰ σπέρματα ὑπὸ χαλά-  
\* ζης ἀδικηθήσονται. Graeci uno verbo χαλαζοβολισθαι. Clem. Alex. Strom. L. VI, p. 754 ed. Pott. χαλαζοβλή-

σιν μιλόντων νεσών leg. χαλαζοβολισθαι. Asclepiad. in Anal. Brunck. T. I, pag. 216. Νέμε, χαλαζοβολαι, etc. Plutarch. Mor. T. III, p. 40 ed. Wyttenb. νέμε χαλαζοβόλα. S. — *Par vilitas.* Non minus summa, quam est abundantia. Haec enim fere coniuncta

sideo praeter tectum et hortum, statimque arenas: solum tamen mihi in reditu. Ibi enim plurimum scribo: nec agrum (quem non habeo), sed ipsum me studiis excolo; ac iam possum tibi, ut aliis in locis horreum <sup>3</sup> plenum, sic ibi scrinium ostendere. Igitur tu quoque, si certa et fructuosa praedia concupiscis, aliquid in hoc litore para. Vale.

aunt. Cic. in Verr. III, 98: «Annona pretium, nisi in calamitate fructuum, non habet. Si autem ubertas in percipiendis fructibus fuit, consequitur vilitas in vendendo, etc.» G. — Rom. *Summa abundantia, sed parum utilitatis*. Hinc apparet, apud Cicer. lib. III offic. cap. XII, 40, recte emendatum esse *tritici vilitas*, etsi ibi in omnibus prope libris est *utilitas*. H. — Similiter *copiam* cum *vilitate* coniungit Livius XLV, 33, 3: *ea copia rerum, ea vilitas annonae*. Vbi item al. *utilitas*. Sic *vilis* et *utilis* confunduntur. Vid.

Drakenb. ad Livium XXXV, 44, 4. Burmann. ad Vellei. pag. 940 ed. Ruhn. S.

2. *Statimque arenas*. Est enim maritima villa ipsi littori imposita. Vid. II, 47. G.

3. *Certa*. Quum alias *fides* praediorum laudetur, vel accusetur *fallacia*: hic Plinius alludens eo nomine *certa* vocat, quod ingenii fetus subministrant, nullis tempestatum casibus expositos. G. — *Litore*. Locose quasi litus causa esset illius reditus.

## VII.

*Reguli ingenium et industriam in laudando et ornando filio describit.*

C. PLINIUS LEPIDO \* SVO S.

Saepe tibi dico, inesse vim Regulo: Mirum est, quam efficiat, in quod incubuit. Placuit ei lugere filium:

VII. \* Quis fuerit Lepidus non constat. Plinius consuetudine eius assiduus usus esse videtur: Comensum fuisse apparet. L.

1. *Mirum*. quam mox ipse explicat, intentionem, quicquid velis, obtinen-

di, quae tamen in Regulo audaciae (obstinationis S.) adiunctam notionem haberet. E.

— *Mirum... incubuit*. Sic et Rom. Postea: *Placuit statum eius et imaginem quam plurimas facere*. Sic optimus

luget, ut nemo. Placuit statuas ei et imagines quam plurimas facere: hoc omnibus officinis agit. Illum coloribus, illum cera, illum aere, illum argento, illum auro, ebore, marmore effingit. Ipse vero et, nuper, adhibito ingenti auditorio, librum de vita eius recitavit: de vita pueri recitavit; tamen eundem librum, in exemplaria transcriptum mille, per totam Italiam provinciasque dimisit. Scripsit publice, ut a decurionibus eligeretur vocalissimus aliquis ex ipsis, qui legeret eum populo: factum est. Hanc ille vim, (seu quo alio nomine vocanda est intentio, quidquid velis, obtinendi) si ad potiora vertisset, quantum boni efficere potuisset! Quamquam minor vis bonis, quam malis, inest, ac sicut ἀμαθία μὲν θράσος, λογισμός

quisque, non ei, quod nec Ald. habet. H.

— *Ebore, marmore effingit.* Rom. *Illum ebore, illum marmore effingit.* H. — Vera haec lectio. Epanaphora satis gravis, quam nolim cum I. A. Ernestio (vid. Gesneri ad eum epistolam) pro vitiosa habere. S.

2. *Ipse vero et nuper.* Damus hic lectionem a Cortio ex bonis libris probatam, qui etiam id genus repetitionis, quae διανάγναις quandam adfert orationis, tum Nostro, tum optimis quibusque scriptoribus familiare esse ostendit. G. — *Ipse vero et nuper.* Rom. et Ald. Bost haec Rom. « Librum de vita pueri recitavit: Ald. de vita eius. » Cortius ex Medic. « Ipse vero et nuper, adhibito ingenti auditorio, librum de vita eius recitavit: de vita pueri recitavit. » Sequitur in Rom. « Tamen eundem librum vel in exemplaria mille transcriptum. » Coniunctionem vel non asperdor: numerus vero poëticus minus placet. Sunt et alia, quae in Cortiana lectione offen-

dunt. H. — Plinius, opinor, mallet sic interpunctum: « librum de vita eius recitavit: de vita pueri: recitavit tamen. Eundem librum, etc. » Ita in lectione Cortiana, quae item Gesneriana est, nil erit amplius, quod offendant. S.

— *Scripsit publice.* Ad civitates. Neque enim ea tantum publica scribuntur vel fiunt, quae populi nomine fiunt; sed ea quoque, quae ad populum referuntur. Sic Cic. fam. V, 7 pr. et alias. G. — *Vt a decurionibus, etc.* Rom. *Vt a decurionibus deligeretur vocalissimus aliquis ex ipsis.* Vulgo *eligeretur*: quod in tam paucis, ex quibus legendus erat, locum non habet. H. — Heusing. ad Cornel. Nep. Agesil. 1, 3, pag. 488: « *Deligitur*, qui ex pluribus, sed idoneis; *eligitur*, qui ex promiscua multitudine legitur. » Perpetua horum verborum confusio. Vid. Oudendorp. ad Frontin. 1, 4, 9 p. 23 sq. ed. alt. S.

3. *Αμαθία μὲν θράσος.* Vox Periclis in sermone epitaphio apud Thucyd.

οὐδὲ δύναν φέρει, ita recta ingenia debilitat verecundia, perversa confirmat audacia. Exemplo est Regulus: imbecillum latus, os confusum, haesitans lingua, tardissima inventio, memoria nulla: nihil denique praeter ingenium insanum: et tamen eo impudentia ipsoque illo furore pervenit, ut a plurimis orator habeatur. Itaque Herennius Senecio mirifice Catonis illud de oratore in hunc e contrario vertit: *Orator est vir malus, dicendi imperitus*. Non, mehercule, Cato ipse tam bene verum oratorem, quam hic Regulum expressit. Habesne, quo tali epistolae parem gratiam referas? Habes, si rescripseris, num aliquis in municipio vestro ex sodalibus meis, num etiam ipse tu nunc luctuosum Reguli librum, ut circulator, in foro legeris, scilicet, ut ait Demosthenes, ἐπ' ἄρας τὴν φωνήν,

II, 40. Vertit Aem. Portus: Imperitia quidem audaciam: consideratio vero difficultatem ac periculorum cunctationem et metum adfert. » Add. V, 17, 3; VII, 17, 13. G.

4. *Os confusum*. Non intelligo vultum haud compositum; nam Regulus, ut vultum recte componeret, satis audax et impudens erat. Vitium potius vocis et pronuntiationis describitur, quod est eius, qui verba singula non recte explicat, syllabas obcurat, devorat, etc. Contrarium est *os plenum*, quod idem Plinius epist. 6, 11, commemorat, ubi vid. Gesner. E. — Valerius Maximus a Cortio laudatus VIII, 7, Rom. I, *os haesitatione impeditum*. S. — *Tardissima inventio*. Hoc ipsum Regulum tardo et hebeti ingenio esse arguit. Nam ad excogitandum, vel inveniendum acuminis opus est, quod proprie de hoc sollertiae genere dicitur Cic. Brut. 68, ubi etiam *tardus in excogitando* opponitur *acutiori*. E.

— *Eo impudentia*, etc. Rom. *Eo*

*impudentia ipsoque illo furore pervenit, ut plurimis orator habeatur*, sine praepositione a. H.

5. *Itaque Herennius, etc.* Rom. *Itaque Herennius Senecio mirifice illud Catonis*. H. — *Catonis*.... Definitio Catoniana, *vir bonus, dicendi peritus*, est apud Quintil. XII, 1, 1. G.

6. *Si rescripseris, num aliquis*. Rom. *Si scripseris, unum aliquis*. H. — *Scilicet ut ait*, etc. Rom. ἐπ' ἄρας scilicet, ut ait Demosthenes, τὴν φωνήν. H. — Idem ordo in aliis libris obviis. Placet. S. — *Demosthenes*. Orat. pro corona cap. 90 p. 166 cuius loci suavitas, et acumen Plinii intelligi non potest, nisi tutus inspicatur. Accusat inimicum suum Demosthenes, qui in commemoranda calamitate publica οὐδ' ἰδάμεν, οὐδ' ἴσμεν οὐδὲν τοσούτων τῆς ψυχῆς, neque lacrymam effuderit, neque animo se commoveri ostenderit; sed sublata voce, exultabundus; illud enim est γυμνός, quod gaudii notionem adiunctam habet. et modulanti

καὶ γεγεθὼς καὶ λαρυγγίζων. Est enim tam ineptus, ut risum magis possit exprimere, quam gemitum. Credas non de puero scriptum, sed a puero. Vale.

gutturē loquutus sit, etc. Hunc Aeschinem igitur imitatus est, de Plinii suspitione, Lepidus in praelegendo Reguli libro, ut non lugubri voce, et actione ad materiam composita, sed luctu, hilaris, ludensque recitaret.

Add. Luc. Rhet. praec. p. 320. G.

7. *Vt risum magis*, etc. Rom. *Vt risum mihi possit exprimere magis*. H. — *Λαρυγγίζων*. Πλάτωνος τὴν φωνήν, vehementissima voce utens. L.

## VIII.

*Gratulationi de augurato respondet, causas explicans, cur eo honore praecipue laetetur.*

C. PLINIVS ARRIANO • SVO S.

Gratularis mihi, quod acceperim auguratum. Iure gratularis: primum, quod gravissimi principis iudicium in minoribus etiam rebus consequi pulchrum est; deinde quod sacerdotium ipsum quum priscum et religiosum, tum hoc quoque sacrum plane et insigne est, quod non adimitur viventi. Nam caetera, quamquam dignitate propemodum paria, ut tribuuntur, sic auferuntur. In hoc fortunae hactenus licet, ut dari possit. Mihi vero etiam illud gratulatione dignum videtur, quod successi Iulio Frontino, principi viro: qui me

VIII.\* *Arriano*. Vide ad I, epist. 2. L.

2. *Nam caetera*, etc. Rom. *Nam alia, quamquam dignitate*. H. — Sic et Cortiana. Bene. Ἀλλὰ, non τὰ ἄλλα. S.

— *Fortunae... dari possit*. Fortunae opus est, auguratum accipere. Sed in hoc etiam vis fortunae terminatur. Non enim facere potest, ut eum ho-

norem amittamus, quia nunquam adimitur. E.

3. *Mihi vero etiam illud*. Rom. *Mihi vero illud etiam*, bene. H. — Bonus hic ordo, noster tamen non deterior. Vid. Heusinger. ad Cornel. Nep. Hamilc. II, 3, pag. 265. Emendat. II, 1, p. 202. Omnino in positu huius particulae mira librariorum instantia deprehenditur. S. — *Iulio*

nominationis die per hos continuos annos inter sacerdotes nominabat, tanquam in locum suum cooptaret: quo nunc eventus ita comprobavit, ut non fortuitum videatur. Te quidem, ut scribis, ob hoc maxime delectat auguratus meus, quod Marcus Tullius augur fuit; laetaris enim, quod honoribus eius insistam, quem aemulari in studiis cupio. Sed utinam, ut sacerdotium idem et consulatum, multo etiam iuvenior quam ille, sum consequutus, ita senex saltem ingenium eius aliqua ex parte adsequi possim! Sed nimirum quae sunt in manu hominum, et mihi et multis contigerunt: illud vero, ut adipisci arduum, sic etiam sperare nimium est, quod dari nisi a diis non potest. Vale.

*Frontino.* Nobili auctori Stratagematum et libri de Aqueductibus, de cuius mortis tempore, atque adeo, quo anno augur factus fuerit Secundus, disputatur a Cl. Massonio in vita Plinii ad A. C. CIII, et ab Illmo Polesio in Prolegom. ad Frontin. c. I, §. 42 sqq. G. — Hunc Plinius merito vocat principem virum, non modo ob doctrinam insignem et auguratum, sed etiam ob res praecclare gestas. Consulatu functus quum Britanniae sub Domitiano praecesset, validam et pugnacem Silurum gentem armis subegit. Tacit. Agr. 17, eum virum magnū appellat. L. — *Nominationis die.* Vid. ad II, 1, 8. G. — *Hos continuos annos.* Ep. 9, 1, *Causam per hos dies dixit Iulius Bassus.* In talibus pronomem hic tempus proxime elapsū indicat. Vid. Drakenb. ad Liv. V, 51, 5. Ruhnken. ad Rutil. Lup. p.

56 sq. Sic et Graeci. Alciphron ep. 4, 14, p. 58 f. ed. Bergl. οἱ δὲ ἐπαύσαντες πάλιν γυγνόνται πρὸ τούτων τετραέτων ἔτην. — *Vt non fortuitum videatur.* Rom. *Vt non fortuitum videretur.* H.

4. *Te quidem, etc.* Rom. *Te quidem, ut scribis, hoc maxime delectat auguratus meus.* Ita et alii quidam libri, melius quam vulgo. H. — Cum Marco Tullio libenter amici eum comparare solebant, eaque comparatione laelabatur. L.

5. *Vt sacerdotium, etc.* Rom. *Vt sacerdotium idem, ut consulatum multo etiam iunior quam ille.* H.

— *Iuvenior.* Etiam apud Apuleium esse hunc comparativum, iam a Cellario observatum est. G.

6. *Quod dari ... potest.* Sic et Rom. H. — Al. *Quod dari non nisi a diis.* S. — *Non nisi.* Solei Plin. libenter negationem ita postponere. L.

## IX.

*Narrat, Bassum, ex Bithynia repetundarum reum, a se defensum liberatumque esse.*

C. PLINIUS VRSO SVO S.

**C**aussam per hos dies dixit Iulius Bassus, homo laboriosus et adversis suis clarus. Accusatus est sub Vespasiano a privatis duobus: ad senatum remissus, diu pependit; tandemque absolutus vindicatusque est. Titum timuit, ut Domitiani amicus; a Domitiano re-<sup>2</sup> legatus est. Revocatus a Nerva, sortitusque Bithyniam, rediit reus, accusatus non minus acriter, quam fideliter defensus: varias sententias habuit, plures tamen, quasi mitiores. Egit contra eum Pomponius Rufus,<sup>3</sup> vir paratus et vehemens. Rufo successit Theophanes, unus ex legatis, fax accusationis et origo. Respondi<sup>4</sup> ego: nam mihi Bassus iniunxerat, ut totius defensio-

IX. 1. *Iulius Bassus*. Rom. *Iunius Bassus*, quo nomine et Quintiliano vocatur lib. VI, cap. 3, 27 et 57, etsi ad illum Burmann. p. 545, non Iunilis, sed Iulius hoc cognomen fuisse contendit, et in Plinio nihil mutandum censet. H. — *Laboriosus*; multis laboribus obrutus et vexatus, miser. Vid. Clav. Cic. ad h. voc. S.

— *Pependit*; inter spem et metum, de exitu et fortuna causae suae incertus. E. — *Tandemque absolutus vindicatusque est*. Rom. *Tandem absolutus vindicatusque est*. H.

2. *Ut Domitiani amicus*. Non tamen erat, quod vehementer timeret Titum, si vera narrat Suetonius e. IX: «Fratrem insidiari sibi non desinentem,

sed poene ex professo sollicitantem exercitus, meditantem fugam, nec occidere, neque seponere, ac ne in minore quidem honore habere sustinuit, etc.» G.

— *Quasi mitiores*. Vid. infra s. 47, et 48. G.

3. *Pomponius Rufus Varenus* quem ipsi Bithyni patronum sibi postulaverant, sed quem eundem paullo post, an. Ch. 402, Bithyniae proconsulatu functum aequae accusaverant ac Bassum; de quo V, 20, A. L. — *Vir paratus et vehemens*. Rom. *Vir peritus et vehemens*. H.

— *Fax accusationis*. Al. *princeps*. Propositam lectionem libris et auctoritate Plinii tuetur Cortius. G. — Ita

nis fundamenta iacerem: dicerem de ornamentis suis, quae illi et ex generis claritate, et ex periculis ipsis magna erant; dicerem de conspiratione delatorum, quam in quaestu haberent; dicerem caussas, quibus factiosissimum quemque, ut illum Theophanem, offendisset. Eundem me voluerat occurrere crimini, quo maxime premebatur: in aliis enim, quamvis auditu gravioribus, non absolutionem modo, verum etiam laudem merebatur. Hoc illum onerabat, quod homo simplex et incautus quaedam a provincia- libus, ut amicis, acceperat: nam fuerat in provincia eadem quaestor. Haec accusatores furta ac rapinas, ipse munera vocabat: sed lex munera quoque accipi vetat. Hic ego quid agerem? quod iter defensionis ingrederer? Negarem? Verebar, ne plane furtum vi-

et Rom., ut Medic. et optimus quisque. H.

4. *Iniunxerat, ut totius defensionis.* Rom. *Iniunxerat, totius defensionis*, sine ut. H. — *De ornamentis suis.* De iis rebus, quae ipsum commendare, atque excusare et defendere possint (possent S.) E.

5. *In quaestu habebant.* Quod quarta bonorum eius, quem damnassent, pars illis cederet, unde *quadruplicatores* dicti. G. — Rom. *Quam in quaestu haberent*, bene. H. — Nimirum haec ex persona Ilassi, non Plinii, intelligenda: ut nullus indicativo locus sit. S. — *Illum ipsum Theophanem.* Sic et Rom. H.

6. *Hoc illum alias onerabat.* Rom. *Hoc illum onerabat*, omisso *aliis*, quod ineptissime interponitur a multis, exclusum vero est et ab Aldo. H. — Iure omisit, post Cortium, Gierigius. Nec Brummeri Excerpta agnoscunt. S. — *Vt amicis, acceperat.* Rom. *Vt amicus acceperat.* H. — Praefero ami-

cis. Interpretare: «Vt quos amicos sibi esse ob necessitudinem olim contractam crederet. S.

— *Nam fuerat, etc.* Rom. *Nam fuerat in eadem provincia quaestor.* H.

— *Haec accusatores, etc.* Rom. *Haec accusatores furta et rapinas.* H. — *Lex munera... accipi vetat.* Laudat hic Cellarius *Cinciam* legem, *Aciliam* item et *Calpurniam*. Sed nescio, an ipsa, de qua hic agitur, species in ulla earum, quatenus notae sunt hodie, ostendi possit. Facilius forte fuerit hoc demonstrare de *Cornelia* itemque *Julia reprobatarum*. Sed hoc agunt Icti. G. — De ipsis his legibus vid. Clav. Cicer. E.

7. *Iter.* Cf. Interpr. ad Gratii Fal. Cyneg. v. 5. Simil. in Graec. leg. Herodot. p. 645, 46: *ὁ γὰρ ἔχει αὐτὸν τὰς διαδόχους τῶν βουλευμάτων.* Vide Kuster. ad Aristoph. Equit. 1042. S. — *Negarem.* Solemne perflugium patronorum in defendendis reis. L.



deretur, quod confiteri timerem. Praeterea rem manifestam infitiri, augentis erat crimen, non diluentis: praesertim quum reus ipse nihil integrum advocatis reliquisset. Multis enim, atque etiam principi, dixerat, sola se munuscula, duntaxat natali suo, aut Saturnalibus, accepisse, et plerisque misisse. Veniam ergo peterem? Iugularem reum, quem ita deliquisse concederem, ut servari, nisi venia, non posset. Tanquam recte factum tnerer? Non illi profuissem, sed ipse impudens exstissem. In hac difficultate placuit medium, quiddam tenere: videor tenuisse. Actionem meam, ut praelia solet, nox diremit. Egeram horis tribus et dimidia: supererat sesquihora: nam quum e lege accusator sex horas, novem reus accepisset; ita diviserat tempus reus inter me, et eum, qui dicturus post erat, ut ego quinque horis, ille reliquis uteretur. Mihi successus actionis silentium finemque suadebat; temerarium est enim, secundis non esse contentum. Ad hoc verebar, ne mox corporis vires iterato labore deficerent; quem difficilius est repetere, quam iungere; erat etiam periculum, ne reliqua actio mea et frigus,

—*Nihil integrum...reliquisset.* Ipsa sua confessione advocatos impediebat, quominus factum inficiari possent. Nam ipse multis dixerat, se munuscula accepisse. *E.* — Romanus manus. *Nihil advocatis integrum.* II.

8. *Iugularem reum.* Rom. *Iugularem reum.* Sic et Mediceus. II.—Item Excerpta Brummeri. Placet. Sic mox, *profuissem, exstissem.* S.

9. *Nam quum e lege accusator.* Rom. *Nam quum ex lege accusator.* II. — *Diviserat tempus.* Rom. *Diviserat tempora.* II. — Sic et Cortius, nulla ex libris varietate notata. Terentius Andr. III, 4, 47 sq. « non sat com-

mode Divisa sunt temporibus tibi, Dave, haec. S.

10. *Ad hoc verebar, etc.* Rom. *Ad hoc verebar, ne mox corporis vires iterato labore deficerent, non descerent,* ut Cortius. II.—Cort. *Ne me corporis —descerent.* haud ingrate ad aurium sensum. S.—*Repetere, quam iungere.* *Repetere* nimirum laborem est intermissum denuo aggredi; *iungere* est continuare. Verum hoc deprehendunt viatores, qui multo facilius durant, si uno quasi tenore pergant, quam si aliquandiu interspieverint. G.

11. *Frigus...taedium.* *Frigus* intellege adfectuum; cito enim arescit la-

ut deposita, et taedium, ut resumpta, pateretur. Ut enim faces ignem assidua concussione custodiunt, dimissum aegerime reparant; sic et dicentis calor et audientis intentio continuatione servatur, intercapidine et quasi remissione languescit. Sed Bassus multis precibus, paene etiam lacrymis, obsecrabat, implerem mecum tempus. Parui, utilitatemque eius praetuli meae. Bene cessit: inveni ita erectos animos senatus, ita recentes, ut priori actione incitati magis, quam  
 12 satiati viderentur. Successit mihi Lucius Albinus  
 13 tam apte, ut orationes nostrae varietatem duarum,  
 14 contextum unius habuisse credantur. Respondit Herennius Pollio instanter et graviter: deinde Theopha-  
 nes rursus. Fecit enim hoc quoque, ut caetera, impudentissime, quod post duos, et consulares et disertos, tempus sibi, et quidem laxius, vindicavit: dixit in noctem, atque etiam nocte, inlatis lucernis.  
 15 Postero die egerunt pro Basso Titius Homullus, et Fronto, mirifice: quartum diem probationes occupa-  
 16 verunt. Censuit Baebius Macer, consul designatus, lege repetundarum Bassum teneri: Caepio Hispano,  
 17 salva dignitate, iudices dandos: uterque recte. Qui fieri potest, inquit, quum tam diversa censuerint?

crimula ab oratore expressa: taedium est a continuatione et longitudine. G.

12. *Implet tempus*, qui id totum consumit dicendo. Sic *implet annum*, qui per totum annum vivit. L.

13. *Lucius Albinus*. Rom. *Lucius Albinus*, non *Lucius*, ut perperam supra lib. III, ep. 8, 7. H. — *Cartius et Giergius* bene *Lucius Albinus*. S.

14. *Herennius Pollio*, quo consule Titus imperator exstinctus. L.

— *Post duos*. intelliguntur Pompeius Rufus et Herennius Pollio. *Dicere*

*post aliquem, succedere alium*, est eius, qui eandem quam ille causam luetur. S.

— *Atque etiam nocte*, etc. Rom. *Atque etiam inlatis lucernis*. H. Longe melior nostra lectio. S.

15. *Probationes occupaverunt*. Rom. *Probationes occupant*. H.

16. *Baebius Macer*, qui postea proconsul Hispaniae praefuit, atque etiam in Dalmatiam missus est. Quum Adrianus imperium susceperet praefectus urbi fuit. L.

quia scilicet et Macro, legem intuenti, consentaneum fuit damnare eum, qui contra legem munera acceperat: et Caepio, quum putaret licere senatui, sicut licet, et mitigare leges et intendere, non sine ratione veniam dedit facto, vetito quidem, non tamen inusitato. Praevaluit sententia Caepionis: quia immo<sup>18</sup> consurgenti ei ad censendum, acclamatum est, quod solet residentibus. Ex quo potes aestimare, quanto consensu sit exceptum, quum diceret, quod tam favorable fuit, quum dicturus videretur. Sunt tamen,<sup>19</sup> ut in senatu, ita in civitate, in duas partes hominum iudicia divisa; nam quibus sententia Caepionis placuit, sententiam Macri, ut duram rigidamque, reprehendunt: quibus Macri, illam alteram dissolutam atque etiam incongruentem vocant. Negant enim congruens esse, retinere in senatu, cui iudices dederis. Fuit et<sup>20</sup> tertia sententia: Valerius Paullinus adscensus Caepioni, hoc amplius censuit, referendum de Theophane, quum legationem renuntiasset. Arguebat enim multa in accusatione fecisse, quae illa ipsa lege, qua Bassum accusaverat, tenerentur. Sed hanc sententiam consules, quam<sup>21</sup> quam maximae parti senatus mire probabatur, non

18. *Consurgenti ei.* Al. omittunt ei: et videtur a glossatore profectum. Centies librarii hoc pronomen inserunt. S.

— *Ex quo potes aestimare,* Rom. *Ex quo potes existimare,* recte. H. — Perpetua confusio, cuius fontem aperuit Drakenb. ad Liv. XXIV, 2, 5. Add. Bünem. ad Lactant. pag. 687, coll. Heusinger. Emendat p. 89. S.

19. *Vt duram,* etc. Rom. *Vt rigidam, duramque reprehendunt.* H.

20. *Legationem renuntiasset.* Hoc est, deposuisset. Renuntiatio enim

quid egeria, finita censetur legatio. Copiose illustrat hanc formulam Burmannus ad Quintil. VII, 4, pag. 634. G. — Rom. *Quoniam legationem renuntiasset.* H.

— *Arguebat enim.* Rom. *Arguebatur enim.* H.

21. *Mire probatur,* etc. Rom. *Mire probabatur, non sunt peracuti.* Sic Ald. quoque, non probatur. H. — Item Cort. nulla notata varietate lectionis. Nec Brummeri Excerpta quidquam habent discrepantiae. Praefero imperfectum. S. — *Persequi,* exsequi voluntatem alterius. L.

- sunt persecuti. Paullinus tamen et iustitiae famam  
 22 et constantiae tulit. Misso senatu, Bassus, magna hominum frequentia, magno clamore, magno gaudio exceptus est. Fecerat eum favorabilem renovata discriminum vetus fama, notumque periculis nomen, et in procero corpore maesta et squalida senectus.  
 23 Habebis hanc interim epistolam ut *πρόδρομον*: expectabis orationem plenam onustamque; et expectabis diu; neque enim leviter et cursim, ut de re tanta retractanda est. Vale.

23. *Habebis hanc*, etc. Rom. *Habebis hanc interim epistolam ut* *πρόδρομον*. *Expectabis orationem plenam, onustam, expectabis diu*. Ald. *plenam onustamque, expectabis*. H. — Ante *πρόδρομον* aliud voc. sed corrupt. exstat in Medic. etiam ed. Vet. vacuum spatium hic reliquit. L. — *Expectabis orationem*. Vid. supra quae diximus ad I,

20, 6. G. — Mox *plenam et onustam* dicit, copiosam et amplam rerum variarum et multarum tractatione. E. — *Leviter et cursim*, etc. Rom. *Breviter et cursim, ut de re tua retractanda est*. Bis peccatum videtur, in *breviter* et tua. H. — Vide Drakenborch. ad Livium lib. XXI, cap. 28, 9. S.

## X.

*Heres cum Sabino factus, de libertate servi, quamvis non plene scripta, ex aequitate censet.*

C. PLINIVS SABINO • SVO S.

- Scribis mihi, Sabinam, quae nos reliquit heredes, Modestum servum suum nusquam liberum esse iussisse; eidem tamen sic adscripsisse legatum, *Modesto, quem liberum esse iussi*. Quæris, quid sentiam?  
 2 Contuli cum prudentibus: convenit inter omnes, nec

X. \* *Sabinus*, Firmo Picentius, qui Plinii familiaritate gloriari solebat. Ab hoc diversus fuisse videtur *Caenus*

*Sabinus*, qui a Martial. VII, epigr. 96, *Vmbrae decus* appellatur. L.

†. *Cum prudentibus*. Cortius ex Me-

libertatem deberi, quia non sit data; nec legatum, quia servo suo dederit. Sed mihi manifestus error videtur; ideoque puto nobis, quasi scripserit Sabina, faciendum, quod ipsa scripsisse se credidit. Confido, accessurum te sententiae meae, quum religiosissime soleas custodire defunctorum voluntatem, quam bonis heredibus intellexisse pro iure est. Neque enim minus apud nos honestas, quam apud alios necessitas valet. Moretur ergo in libertate, sinentibus nobis; fruatur legato, quasi omnia diligentissime caverit; cavet enim, quae heredes bene elegit. Vale.

dicere, cum peritis iuris. Sententia eadem; quae sint responsa prudentium, nemo ignorat. G. — Rom. *Contuli cum peritis iuris*, ut Medic. H. — Difficile est definire, utrum a Plinio profectum sit. Mihi tamen prudentibus genuinum videtur. S.

4. Caverit. Etiam hoc iuris verbum, quo hudit aliquoties apud Trebatium suum, et contra Servium pro Murena

Tullius. G. — Nempe caveri dicuntur, qui testamento aliquid rite sanciunt, ita ut nulla nec controversia nec calumnia locum habere possit. Mox heredes bene elegisse Sabina dicitur, quod eos elegit, quos crederet voluntatem suam honeste atque ex aequitate interpretaturos. Amabili igitur modestia Plinius Sabinae tribuit, quod sibi et coheredi suo tribuere debebat. E.

## XI.

*Liciniani rhetoricam professionem narrat, tanquam propter incestum cum Vestali a Domitiano ad exilium redacti. Rem ita narrat, ut Liciniano et Corneliae commiserationem, Domitiano contra invidiam faciat.*

C. PLINIVS MINVTIANO • SVO S.

**A**udistine Valerium Licinianum in Sicilia profiteri? Nondum te puto audisse; est enim recens nuntius.

XI. • In Rom. *Minutiano* inscribitur, sine *Cornelio*. H. — De *Minutiano* diximus ad librum III, epistol. 9. L.

1. *Proferi*. Literas intellige, speciatim Rhetoricam. Sic dixerat etiam II, 48, 4. G.

Praetorius hic modo inter eloquentissimos caussarum actores habebatur; nunc eo decidit, ut exsul de senatore, rhetor de oratore fieret. Itaque ipse in praefatione dixit dolenter et graviter: « Quos tibi, Fortuna, ludos facis? Facis enim ex professoribus senatores, ex senatoribus professores. » Cui sententiae tantum bilis, tantum amaritudinis inest, ut mihi videatur ideo professus. ut hoc diceret. Idem, quum graeco pallio amictus intrasset (carent enim togae iure, quibus aqua et igni interdictum est), postquam se composuit, circumspexitque habitum suum: *Latine*, inquit,

— *Praetorius hic modo. Rom. Praetorius modo hic. Paucis interiectis: ut exsul de senatore et rhetor fieret. H.*

2. Quos tibi, etc. Rom. Quos tibi, Fortuna, ludos facis? Ex senatoribus professores, ex professoribus senatores. Intermedia, facis enim, fortasse temere, ommissa sunt, etsi abesse possunt: ordinem autem verborum, qui et in Mediceo et in Brummer. A. mansit, vulgato antepono. Primum queritur de sua fortuna, facis ex senatoribus professores: deinde aliorum novitatem mordet, ex professoribus senatores. Hoc itaque dicere videtur: nos demergis, ut alios extollas. Tanto saevior fortunae lusus est, quanto iniquius, senatores cum vulgo exaequare, plebeios senatores fieri. H. — Plinius videtur scripsisse: « Facis ex senatoribus professores, ex professoribus senatores. » Ommissa particula enim, quam « soliti fuerunt librarii interponere, ut orationem, ex eorum sententia male hiantem, melius connecterent. » Drakenb. ad Liv. X, 39, 1. S.

— *Amaritudinis.* Quæret forte aliquis, qua in re insit amaritudo illa, sive amaritudo? Credo ego in eo,

quod Quintilianum mordet, Hispanum hominem, et artis, quam profitebatur, opera, honores summos et ornamenta consularia adeptum. Quatcumque enim esset viri virtus, non poterat tamen carere fortuna ipsius, quam diu visis, obrectatoribus. Igitur etiam Iuvenalis dentem in illam stringit VII, 189 sqq. et nec meritis viri, nec iudicio principum tribuit, quod saltus multos haberet; verum sideribus, quæ exceperint modo primos incipientem edere vagitus, etc. Altera pars dicti, quo usus est Valerius, ad M. Tullium etiam spectare videtur, qui senatores curis a Julio Caesare liberatus, scholas domi suae habuit. Denique quum fortunæ tribuit mutatam vitæ suæ conditionem, innoceus videri vult. G.

3. Graeco. Non desiderarem, si abesset. S. — *Postquam se composuit.* Vid. quæ diximus supra ad II, 3, 2. G.

— *Latine . . . declamaturus sum.* Licet vestis me admoneat Romanæ ac Latinae adeo civitatis, et vestis iure excidisse, *Latine* tamen, quod solum adhuc possum, *declamaturus sum.* G. — Latine declamaturus sum, non Graece, ut habitus videtur pol-

*declamaturus sum.* Dices, tristia et miseranda: di-  
guum tamen illum, quia haec ipsa studia incesti sce-  
lere maculaverit. Confessus est quidem incestum: sed  
incertum, utrum quia verum erat, an quia graviora  
metuebat, si negasset. Fremebat enim Domitianus,  
aestuabatque ingenti invidia, destitutus. Nam quum  
Corneliam, maximam Vestalem, defodere vivam con-  
cupisset, ut qui illustrari saeculum suum eiusmodi  
exemplo arbitraretur, pontificis maximi iure, seu  
potius immanitate tyranni, licentia domini, reliquos  
pontifices non in Regiam, sed in Albanam villam  
convocavit. Nec minore scelere, quam quod ulcisci  
videbatur, absentem inauditamque damnavit incesti,  
quum ipse fratris filiam incesto non polluisset solum,

liceri. Etiam hoc acerbe et amare. *G.*

4. *Dices, tristia et miseranda.* Sic et Rom. *H.* — *Incesti scelere.* In Vestalem commissi, uti ea quae sequuntur declarant. *G.* — *Maculaverit.* Rom. *Macularit.* *H.*

5. *Destitutus.* A testibus tanti sceleris, cuius vestalem virginem damnare cuperet. Suet. tamen Domit. e. VIII: « Corneliam Virginem Maximam, abactutam olim, dehinc longo intervallo repetitam atque convictam defodi imperavit, stupratoresque virgis in comitio ad necem caedi: » adiungit tamen, quod ad hunc nostrum pertinet, *excepto Praetorio viro, cui, dubia etiam tum caussa, et incertis quaestionibus atque tormentis de semet professo, exilium induluit.* *G.*

6. *Maximam Vestalem.* Ita dicuntur ut *Pontifices maximi.* Saepe ita inscriptiones antiquae, v. g. apud Gruterum p. 309 sqq. *G.* — Rom. *Cornelium Vestalium maximum* beue cum *Medic.* *H.* — *Defodere.* Quod

supplicium a Tarquinio Prisco in Vestales incestas constitutum credebat. *L.* — *Eiusmodi exemplo.* Rom. *Eiusmodi exempla.* *H.* — *Regiam.* Servius ad Aen. VIII, 363: « Domus, in qua Pontifex habitat, Regia dicitur, quod in ea Rex sacrificulus habitare consuevit. » *G.*

— *Quum ipse fratris filiam.* Iuliam Titi Vespasiani filiam: narrat Sueton. Domit. cap. XXII, ubi de hoc ipso Plinii nostri loco Heinsianam coniecturam proferi Burmannus. Quum enim vix appareat, aiant, cur *viduam* appellet Plinius, quae viro iam antea orbata erat, quum ex Domitiano conciperet; forte legendum, *nam biduo ab abortu perit.* Ut dignam Heinsii ingenio coniecturam hand negaverim: sic *viduae* appellationem apud Plinium minime supervacuum esse, arbitror. Intelligitur enim caussa, cur Domitianus illam coegerit abortivum sumere, quod scilicet non esset decorum viduae parere, quod ex marito defuncto conceptum dicere non pos-

7 verum etiam occidisset : nam vidua abortu periit. Missi statim pontifices, qui defodiendam necandamque curarent. Illa nunc ad Vestam, nunc ad caeteros deos manus tendens, multa, sed hoc frequentissime, clamitabat : « Me Caesar incestam putat ; qua sacra faciente, vicit, triumphavit. » Blandiens haec, an irridens ; ex fiducia sui, an ex contemptu principis dixerit, dubium est. Dixit, donec ad supplicium, nescio an  
9 innocens, certe tanquam nocens ducta est. Quin etiam, quum in illud subterraneum cubiculum demit-

set. *G.* — *Nam vidua abortu periit.* Sic et Romi. *H.*

7. *Multa . . . . clamitabat.* Debet hoc factum esse ante ultimam et aulem ad ipsam supplicium deductionem, si recte rem narrat Plutarchus in Numa pag. 122 H. Steph. *Αὐτὴ δὲ τὴν ἀδελφεύου ἐς φορέον ἐνδύμενη, καὶ καταστρώσαντις ἔωθεν καὶ καταλαμβάνοντις ἡμέραν, ὡς περὶ φωνῆς ἐξάκουστος γενέσθαι, α. τ. λ.* Nam lecticae si imposita sunt connectae undique et obligatae, ut vox inde exaudiri non posset, non est, ut apophthegmata eius observari potuerint. Est etiam aliud in Plutarchi descriptione, quod cum Plinio pugnare videtur. Facit hic mentionem carnificis. Sed vide quid Plutarchus : *ὅταν πρὸς τὸν τόπον κομισθῇ τὸ φορεῖον, οἱ μὲν ὑπερέται τοὺς δεσμούς (non ipsius Vestalis, puto, sed lora, quibus lectica devincta et occlosa fuit undique) ἐξέλυσαν, ὁ δὲ τῶν ἱερῶν ἑταρχος . . . ἐξῆλθει συγκαλυμμένη, καὶ καλύπτει ἐπὶ κλίμακες εἰς τὸ αἶμα κατωφερούσης.* Sed responsionem forte subiiciunt, quae statim sequuntur : *Εἶτα αὐτὸς μὲν ἀποτρέπεται μετὰ τῶν ἄλλων ἱερῶν τῆς δὲ καταβάσης ὁ τε κλίμαξ ἀναπαύεται, α. τ. λ.* Videtur itaque, salva Plutarchi descriptione,

carnifex (cuius etiam esse potuerunt ὑπερέται modo commemorati) cui forte ingerendae telluris negotium datum fuit, retro abeunte Pontifice, illud ministerium Vestali obtulisse. *G.* — *Sed hoc frequentissime.* Rom. *Sed haec frequentissime.* H.

— *Me Caesar, etc.* Signum interrogandi videtur opponendum. *S.* — *Triumphavit.* Nempe falsos ac mimicos triumphos egerat Domitianus de Dacia et de Cettia. *L.*

8. *Nescio an innocens.* Qui Germanice sic ordinat verba, dubitat ita, ut ad negantem sententiam inclinet. Aliiter Latine, quod et hic multis demonstrat Cortius, et copiose ad Fabr. thesaurum ostensum est. *Nescio an innocens* simpliciter significat, forte innocens. *G.* — *Tanquam innocens.* Id est, omnium opinione innocens. Sic ex Mediceo Cortius. *G.* — Rom. « Donec ad supplicium, nescio an innocens, certe tanquam nocens, ducta est. » Bene. In Cortiana operarum incuria, bis *innocens* legitur. *H.* — Non operarum incuria, sed Cortio sic volente. Verum puto *tanquam nocens*, pro quo nostra lectio, si quid video, misere triget. *S.*

9. *Quum in illud, etc.* Rom. *Quum in illud subterraneum demitteretur,*



teretur, haesissetque descendentī stola, vertit se ac recolligit; quumque ei carnifex manum daret, aversata est, et resiliuit; foedumque contactum, quasi plane a casto puroque corpore, novissima sanetitate reiecit: omnibusque numeris pudoris, πολλὴν πρόνοιαν ἔχεν εὐσχήμως πιστῶν. Praeterea Celer, eques romanus,<sup>40</sup>

sine cubiculum, quod et in Medic. fortasse recte, et Plinio volente, commissum est. *H.* — Appul. Metam. p. 766 ed. Oudend. in ipso subterraneo amicrotulo, pro quo hypogaeum Petronius cap. CXI. *S.* — Quumque ei carnifex, etc. Rom. Quam ei manum carnifex daret, aversata est, et resiliuit: foedumque contactum, quasi plane a casto puroque corpore. Fucum aliis facit Cortius, quibus persuadere vult, contagium bonis scriptoribus magis placuisse, ubi de tactu sermo sit, contactum vero, ubi de contagione. Nam et Ovidius dicit Metam. lib. VII, v. 239, refugitque viriles contactus: et Virgil. Aen. lib. III, v. 227, contactusque omnia foedant immundo; Tacit. Annal. lib. I, cap. XLIII: *Discordite a contactu, ac dividite turbidos*; Columell. lib. XI, cap. 3: *Nam fere contactu eius (mulieris) languescunt incrementa virulentium*; Plinius l. XXXIII, cap. 7 exte. *Solis atque laevis contactus inimicus (minio).* Quare contactum retineo, quod et in Medic. est. *H.* — Add. caimium Lexicographum Aeg. Forcellinum in v. contactus. *S.* — Quasi plane a casto. Quid si transpositis verbis duobus legamus, quasi a casto plane puroque corpore. Certe ἡ plane ad casto referenda est haud dubie. Et quam frequentes sint in libris antiquis id genus transpositiones, nemo ignorat. *G.* — Malim: «plane quasi a casto, etc.» Cic. Orat. II contra Bullum, cap. XVIII: «plane

quasi ea res vobis soluti futura sit.» Florus I, 40, 8: «plane quasi adulterum ad inferos usque sequeretur.» I, 11, 4: «reddidit plane quasi stipendium commilitonibus diis.» Pro eo alibi profero quasi. Iustin. I, 7, 16: «propterea quasi silentium damnum pulchritudinis esset.» *S.*

— Πολλὴν πρόνοιαν. Versus Euripidis in Hecuba. Inspeciamus totam Talthyrbii de ultimo actu vitae Polyxenae narrationem vers. 568: *Ἢ δὲ καὶ θνήσκουσ', ὅμως Πολλὴν πρόνοιαν ἔχεν εὐσχήμως πιστῶν, Κρόπτειν θ' ἄ κρύπτειν ὄφρατ' ἀπείνων χροῖόν.* Transtulit Ovid. Metam. XIII, 479, ubi vide notam; vol. IV, p. 394, nostrae Edit. Tunc quoque cura fuit partes velare tegendas, Quam caderet, castique deus servare pudoris. De simili decoris et verecundiae in moribus studio plura hic notavit Cortius: v. g. de Lucretia Ovid. Fast. II, 833: *Tunc quoque iam moriens, ne non prociuerent honeste, Respicit; haec etiam cura cadentis erat.* *G.* Apud Sueton. Caesar LXXXII: «Iulius Caesar, quum interficeretur, sinum ad ima crura deduxit, quo honestius caderet.» *L.* — Rom. Πολλὴν πρόνοιαν ἔσχεν (non ἔχεν) εὐσχήμως, pro εὐσχήμως, non εὐσχημότως, quod iambicus versus non admittit. *H.* — Hanc lectionem Bastius, patm, haud invitatus amplecteretur. Cf. eius Spec. Arist. pag. 29 sq. *S.*

cui Cornelia obiiciebatur, quum in comitio virgis caederetur, in hac voce persisterat: *Quid feci? nihil feci.* Ardebat ergo Domitianus et crudelitatis et iniquitatis infamia. Arripit Licinianum, quod in agris suis occultasset Corneliae libertam: ille ab iis, quibus erat curae, praemonetur, si comitium et virgas pati nolle, ad confessionem confugeret, quasi ad veniam; <sup>12</sup> fecit. Loquutus est pro absente Herennius Senecio tale quiddam, quale est illud, *Καὶτα Πάτροκλος*. Ait <sup>13</sup> enim: *Ex advocato nuntius factus sum. Recessit Licinianus.* Gratum hoc Domitiano, adeo quidem, ut gaudio proderetur, diceretque, *Absolvit nos Licinianus.* Adiecit etiam, non esse verecundiae eius instandum: ipsi vero permisit, si qua posset, ex rebus suis raperet, antequam bona publicarentur; exsilium molle, <sup>14</sup> velut praemium, dedit. Ex quo tamen postea clemen-

10. *Quum in comitio virgis caederetur.* More veteri. Liv. XXII, 57: «Lucius Cantilius, scriba Pontificis, quos nunc minores Pontifices appellant, qui cum Floronia (*Vestali, sub terram vel portam Collinam necata*) stuprum fecerat, a Pontifice Maximo eoque virgis in comitio caesus erat, ut inter verbera expiraret.» G.

11. *Et iniquitatis infamia, etc.* Rom. *Et iniquitatis invidia* (vitioso). *Arripit Licinianum, quod . . . libertam.* H. — *Arripit.* Iratus increpat et accusat. E. — *Comitium et virgas, virgis in comitio.* L.

12. *Herennius Senecio.* Rom. *Herennius Senecio*; caetera, ut a Cortio edita, praeter unam vos, pro nos, §. 13, ubi *absolvit vos*. H. — *Καὶτα Πάτροκλος*. Iliad. σ, 20, ubi Antilochus Patrocli mortem ita narrat Achilli, *Καὶτα Πάτροκλος, νέκυος δὲ δὴ ἀρριμμάχουτα Γρυμνὸν ἀπὲρ τάγῃ τῷ χι' ἔχῃ*

κορυθαίλος Εὐρυπ. De hoc loco Quintil. X, 1, 49: «Narrare vero quis brevius (*potest*) quam qui mortem nuntiat Patrocli?» G.

13. *Non esse . . . instandum.* Ut revocatus ab exilio causam dicat, aut crimen fateatur. Scilicet metuerat tyrannus, ne forti defensione Licinianus invidiam sibi maiorem crearet; triumphat igitur, Licinianum fuga sua et voluntario exsilio confessionem edidisse, non falso crimine interfectam Corneliā: igitur beneficium agnoscit recessum Liciniani, et ei praemium tribuit, molle exsilium. G. — *Ex rebus suis raperet.* Rom. *Ex rebus suis raperet.* Deinde *exsiliumque molle*. H. — *Exsilium molle.* In loco hospitali, ubi Licinianus, rebus suis non prorsus exutus, vitam, ut exsul, satis commodè degere posset. Longe tamen praeferenda commoratio in Sicilia. Ita si intelligas, Cicerigium vulgatum sollicitantem non audies. S.

tia divi Nervae translatus est in Siciliam, ~~ubi~~ nunc proficitur, seque de fortuna praefationibus vindicat. Vides, quam obsequenter paream tibi, qui non solum res urbanas, verum etiam peregrinas tam sedulo scribo, ut altius repetam. Et sane putabam te, quia tunc abfuisti, nihil aliud de Liciniano audisse, quam relegatum ob incestum. Summam enim rerum nuntiat fama, non ordinem. Mereor, ut vicissim, quid in oppido tuo, quid in finitimis agatur (solent enim notabilia quaedam incidere) perscribas: denique quidquid voles, dummodo non minus longa epistola nunties. Ego non paginas tantum, sed versus etiam syllabasque numerabo. Vale

14. *Praefationibus.* Vid. II, 3, 1. *Prousiones* saepe appellant recentiores, item disputationes in studiis in-  
structione habitas. G. — *Vindicat.* Eadem constructione Florus III, 21, 49: «Et sane, quam tam ferus in Sullanis Marius fuisset, quanta saevitia opus erat, ut Sulla de Mario vindicaretur?» Vid. Duker. ad I, 22, 4. S.

16. *Solent enim, etc. Rom. Solent enim quorundam notabilia incidere.* H. — *Non minus, etc. Rom. Non minus longa epistola nuntia.* H.

— *Sed etiam versus syllabasque numerabo, etc. Rom. Sed versus etiam syllabasque.* H. — *Praeferam hunc ordinem.* S.

## XII.

*Marcellini factum laudat, qui defuncti scribae residuum salarium apud se subsidere noluerit.*

C. PLINIVS ARIANO \* SVO S.

Amas Egnatium Marcellinum, atque etiam mihi saepe

XII. \* De *Arriano* vide ad I, ep. 2. L.

4. *Atque etiam mihi saepe commendas.* Rom. *Atque etiam saepe commenda-*

*das.* H. — *Placet.* Arcianus Marcellinum omnino commendabas, non solum Plinio. S.

commentis: amabis magis commendabisque, si cogno-  
 2 veris recens eius factum. Quum in provinciam quaes-  
 stor exisset, scribamque, qui sorte obtigerat, ante  
 legitimum salarii tempus amisisset, quod acceperat  
 scribae daturus, intellexit et statuit subsidere apud  
 3 se non oportere. Itaque reversus, Caesarem, deinde,  
 Caesare auctore, senatum consuluit, quod fieri de sa-  
 lario vellet. Parva, sed tamen quaestio. Heredes scri-  
 4 bae sibi; praefecti aerario populo vindicabant. Acta  
 causa est: dixit heredum advocatus, deinde populi:  
 uterque percommode. Caecilius Strabo aerario cen-  
 suit inferendum: Baebius Macer heredibus dandum.  
 5 Obtinuit Strabo. Tu lauda Marcellinum, ut ego sta-  
 tim feci. Quamvis enim abunde sufficiat illi, quod est  
 et a principe et a senatu probatus, gaudebit tamen  
 6 testimonio tuo. Omnes enim, qui gloria famaue du-  
 cuntur, mirum in modum adsensio et laus, a mino-  
 ribus etiam profecta, delectat. Te vero Marcellinus  
 7 ita reveretur, ut iudicio tuo plurimum tribuat. Acce-  
 dit his, quod, si cognoverit factum suum isto usque  
 penetrasse, necesse est, laudis suae spatio, et cursu,

2. Qui sorte obtigerat. Rom. Cui sorte obtigerat, dictantis visio, pro qui. H. — Vid. de hoc loco Drakenb. ad Liv. IX, 34, 14; XXVIII, 45, 14. Sortipositarum proprium videtur coryphæo recentiorum Lexicographorum, Aeg. Forcellino. S. — Subsidere. Explicavimus ad II, 16, 4. G.

3. Parva sed tamen quaestio. Rom. Et parva quaestio: sed tamen quaestio. H. — Leg. Parva quaestio, sed tamen quaestio. Optima haec lectio, cui Barthii commentum Gesnerus praeferre non debebat. S.

— Praefecti aerario populo vindi-

cabant. Rom. Praefecti aerarii populo vindicabant. Vt vero Rom. ita Med. et ex eo Cort. Nec Gesneriana coniectura non placere potest, praefecti aerario populo. Sed praefecti aerarii frequen-  
 tius dicit. H. — Praefecti aerario est etiam paneg. XCII, 1. L.

4. Baebius Macer, cos. designatus eo tempore, quo Bassi causa acta, IV, ep. 9, 16. L.

6. Ita reveretur, ut. Rom. Ita veretur, ut. H.

7. Quod, si cognoverit. Rom. Quod si cognovit. H.

et peregrinatione laetetur. Etenim, nescio quo pacto, vel magis homines iuvat gloria lata, quam magna. Vale.

— *Etenim, nescio quo pacto etc.*  
Rom. *nescio enim, quo pacto vel ho-*  
*mines magis iuvat gloria lata.* H. —  
*Gloria lata, quam magna. Lata, quae*

ad multos pervasit, ut etiam remoti  
locorum intervallis de nobis audiant;  
*magna, quae magnifica nobis facta,*  
sed inter paucos tribuit. G.

## XIII.

*Municipes suos hortatur, ut scholam instituant, etiam tertiam sumptus partem pollicitus; rogat Tacitum, ut praeceptores circumspiciat. Epistola duplici nomine memorabilis, primum quia beneficium habet et liberalissime et prudentissime collocatum, tum quia egregie praecipit de cura liberis educandis impendenda.*

C. PLINIUS CORNELIO TACITO SVO S.

Salvum te in urbem venisse gaudeo. Venisti autem, si quando alias, nunc maxime mihi desideratus. Ipsc pauculis adhuc diebus in Tusculano commorabor, ut opusculum, quod est in manibus, absolvam. Vereor, enim, ne, si hanc intentionem iam in fine laxavero, aegre resumam. Interim ne quid festinationi meae

XIII. 1. *In Tusculano commorabor.* Nimirum *Tusculanum* etiam praedium habuit Plinius. Vid. V, 6, 45. G.

2. *In finem laxavero.* *In finem* est verus finem. Quid autem sit *laxare intentionem*, dubitationem non habet, nimirum *remittere* sive ad tempus, sive in perpetuum. Commoda igitur est lectio Abli et MSS. Palatinorum. Verum est alia etiam non minoribus praesidiis nixa, *in fine intermisero*,

quam pro glossa habuit Cellarius; alteri autem Cortius praetulit. Mihi N. L. G. — Rom. *Vereor enim, ne si hanc intentionem iam in fine intermisero.* Lego cum Cortio *in fine*, et in caeteris hanc scripturam vulgatae (*iam in finem laxavero*) praefero, quae nihil significat. Vide supra ep. 8, 11. H.

— *Festinationi.* Paulo aliter hoc nomine utuntur Romani, quam lin-

pereat, quod sum praesens petiturus, hac quasi praecursoria epistola rogo. Sed prius accipe causas rogandi: (deinde ipsum, quod peto). Proxime quoniam in patria mea fui, venit ad me salutandum municipis mei filius praetextatus. Huic ego, *Studes?* inquam. Respondit, *Etiam. Vbi? Mediolani. Cur non hic?* Et pater eius, erat enim una, atque etiam ipse adduxerat puerum, *Quia nullos hic praeceptores habemus. Quare nullos? Nam vehementer intererat vestra, qui patres estis* (et opportune complures patres audiebant), *liberos vestros hic potissimum discere. Vbi enim aut iucundius morarentur, quam in patria? aut pudicius continerentur, quam sub oculis parentum? aut minore sumptu, quam domi? Quantulum est ergo, collata*

quae hodiernae his, quae synonyma ei habentur. Significat enim non actum modo, quo urgemus opus, sed etiam studium et cupiditatem max perficiendi, aut perfectum videndi opus alterius. Sic Cicero in nobilissima ad Luceium ep. V, 12, ubi etiam *alacritatem* eodem modo accipit; sic hoc in loco Plinius. G. — *Præcursoria epistola.* Sic et Rom. H.

— (*Deinde... peto*). Inclusa tum Mediceis libri auctoritate, tum eo nomine abesse vult Curtius, quod putidum faciant Plinium. Το δ' εἴτερον μὲν ἐπὶ δόξῃ, εἴτερον δ' ἀπορίῳ. Rogationem suam quidni in duo quasi capita tribuat, in causas rogandi, et in ipsum id, quod petit? G. — Haec suspecta quamvis verba habet Rom. et fortasse merito retinet. H.

3. *Prætext.* Ergo ea adhuc aetate, qua prae rhetorum scholas adibant. Quint. XII, 6, 1, narrat, praetextatos iam in foro egisse. L. — Ego. Sic et Rom. bene ego. H. — Al. solemini confusione, ergo. S. — *Mediolani.*

Commode huc advocat Ocellarius Inscriptionem ex Grut. p. 177, 4, quae vel urbs, vel pars eius *Novarum Aethurum* nomine indicatur. G.

5. *Quantulum est ergo.* etc. Rom. \*Quantulum est ergo, collata pecunia conducere praeceptores? quodque nunc in habitationes, in vias, in ea, quae peregre emuntur (omnia autem peregre emuntur), impenditis, addicere mercedibus. s. Vbi vulgo *adlicere* scribitur, hic *addicere* reperio, nec temere reicio. Id et Catanaeus variantis lectionis loco adscripsit, qui explicat *adligare salario praeceptoris*. Ea enim *adlici* dicuntur, quae rei alieni mancipantur, dicantur, destinantur, et, ut vulgus loquitur, deputantur. Frequentia sunt *adlicere morti, supplicio, vilitati, servituti*. Erat et praetorium verbum, quum res aliqua adiudicabatur, et propria dabatur. Nihil tamen minus *adlicere* praeferi posse video, si mercedes intelligas, quae Mediolani praceptoribus solvendae erant quibus si

pecunia, conducere praeceptores? quodque nunc in habitationes, in viatica, in ea quae peregre emuntur (omnia autem peregre emuntur), impenditis, adiacere mercedibus? Atque adeo ego, qui nonnumquam liberos habeo, paratus sum pro republica nostra, quasi pro filia vel parente, tertiam partem eius, quod conferre vobis placebit, dare. Totum etiam pollicerer, nisi timeam, ne hoc munus meum quandoque ambitu corrumpetur, ut accidere multis in locis video, in quibus praeceptores publice conducuntur. Huic vitio uno remedio, occurrere potest, si parentibus solis ius conducendi relinquatur, iisdemque religio recte iudicandi necessitate

adiicerentur, quae peregre impendenda erant, Novocomenses domi praeceptores alere poterant. *H.* — Recte intellexit mercedes vir doctissimus. Igitur adiacere servandum. Caeterum Romani libri lectio, si propius intuearis, ne varians quidem videtur, sed nata ex adiacere, ut librarii saepissime pro adiacere scripserunt. Fons hic errorum uberrimus. Vid. Drakenb. ad Liv. II, 40, 9. — Ergo deest in Mediceo, cuius auctoritate Cortius delere debebat: dici vix potest, quot locorum vim et venustatem inepti glossatores talibus coniunctionibus inferendis pessum dederint. *S.* — *Viatica.* Non sunt h. l. quae proprie dicuntur, s. ἐποδα, sed pecunia, quia quis prociat a patria, e. g. studiorum causa agens, in alimenta sua utitur. Vid. Vlpian. Digest. lib. XII, tit. 1, leg. 17. *S.* — (*Omnia autem... emuntur*). Inclusa in quibusdam abant. Sed habent optimi et plures libri. *G.* — Intelliguntur ea, quae peregre, hoc est, Mediolani, praeter ἐποδα, viatica, mercedes, impendenda erant. De luxuria saeculi sui Plinius hic ne per somnium quidem cogitavit. *S.*

— *Tertiam partem eius.* Considera lector prudentem Secundi liberalitatem, et quas quasi fiduculas suis municipibus adhibeat, ad extorquendam ex ipsis collationem. Non pollicetur certam summam: sed solus promittit trientem eius summae cuius reliqui principes haerem collaturi essent. Itaque non pudorem modo honorum virorum acuit, ut erubescant nimis parum conferre: sed ipsam quorundam malevolentiam servire optimo instituto cogit. Procul dubio enim erant, qui iactationem interpretarentur illam Plinii promissionem, eaque ut ipsi non parvo constaret, plus quam aliqui tulisset animus, conferrent. *G.*

6. *Ambitu corrumpetur.* Hoc fieret, si eligeretur, vel conduciretur is, qui gratia, opibus, precibusve plurimum polleret: nam in his rebus ambitus cernitur. *E.*

7. *Huic vitio, etc.* Rom. Huic vitio occurrere uno remedio potest. *H.* — Praestat hic ordo. *S.* — *Religio,* summa cura et diligentia in rebus administrandis. *L.*

collationis addatur. Nam qui fortasse de alieno negligentes, certe de suo diligentes erunt: dabuntque operam, ne a me pecuniam non nisi dignus accipiat, si accepturus et ab ipsis erit. Proinde consentite, conspirete, maioremque animum ex meo sumite, qui cupio esse quam plurimum, quod debeam conferre. Nihil honestius praestare liberis vestris, nihil gratius patriae potestis. Edoceantur hic, qui hic nascuntur, statimque ab infantia natale solum amare, frequen-  
 10 tare consuescant. Atque utinam tam claros praeceptores inducat, ut a finitimis oppidis studia hinc petantur, utque nunc liberi vestri aliena in loca, ita  
 11 mox alieni in hunc locum confluant! Haec putavi al-

8. Ne a me pecuniam (non) nisi dignus. Varietatem circa hunc locum notarunt viri docti, quod pro a me habent meam quidam, alii eam, alii denique utrumque. Sed illud nemo, quod sciam, observavit, negationem hic plane incongruam esse, et ad sententiam perturbandam evertendamque pertinere. Quid enim? illudne dari operam vult Secundus, Ne non accipiat nisi dignus? an potius, ne accipiat nisi dignus? Igitur non illud importunum uncis certe inclusi, ne temere turbet aliquid, dum librorum praesidio quandoque eliciatur, vel praecedens ne in ut mutetur. G. — Rom. « Dabuntque operam, ne eam a me pecuniam non nisi dignus accipiat, si accepturus et ab his erit. » Duplex negatio non iniuria suspecta est: quia vero ex omnibus exemplaribus haeret, haud scio an servari possit. Sunt certe exempla eius, ubi negandi vim habet, iteratae. Propert. lib. II, eleg. XV, 32: « Absenti nemo ne nocuisse velit. » Petron. cap. 42: « Ne minem nihil bonifacere oportet. » Talia plura congresserunt Broukhuis. ad Tibull. lib. II, eleg. XV, 5, (immo

ad Propert. II, 15, 5, add. eundem ad Tibull. IV, 1, 127. S.) Oudendorp. ad Caesar. lib. V Bell. Gall. c. 23, ad Hirt. de Bell. Afr. cap. XXVI, pag. 874 b. Vechnerus hellenolea. lib. I, part. II, cap. 35, interpretes Cornel. Nep. ad Attic. cap. XI, 5; Agesil. VII, 3. H. — Dubito tamen, an locum plane gemellum uspiam reperias. Facile igitur assentior Gesnero de vulgatae corruptione; sic tamen, ut ne malim, quam non, uncis includere. S. — Exstat tamen in epist. XVII, 5, locus plane similis; proinde obsequor Scheffero, qui in notis ad illum locum uncis amovere suadet. Trp.

9. Edoceantur. Cortius ex libris suis educatur. Sed recte Gierigius edocentur praetulit. De eruditione hic agitur, non de educatione. Cornel. Nep. Alcib. II, 1: *Educentur est in domo Periclis... eruditus a Socrate.* Etiam frequentare, quod mox sequitur, Gr. *πορεύω*, nostram lectionem videtur tueri. S. .

10. Ut a finitimis. . . petantur. Sic et Rom. H.



lius et quasi a fonte repetenda; quo magis scires, quam gratum mihi foret, si susciperes, quod iniungo. Iniungo autem, et pro rei magnitudine rogo; ut ex copia studiosorum, quae ad te ex admiratione ingenii tui convenit, circumspicias praeceptores, quos sollicitare possimus; sub ea tamen conditione, ne cui fidem meam obstringam. Omnia enim libera parentibus servo. Illi iudicent, illi eligant: ego mihi curam tantum et impendium vindico. Proinde si quis fuerit re-<sup>12</sup> pertus, qui ingenio suo fidat, eat illuc ea lege, ut hinc nihil aliud certum, quam fiduciam suam ferat. Vale.

11. *Si susciperes, quod iniungo.* Rom. *Si susceperis, quod iniungo.* H. — Hoc si scripsit Plinius, non scripsit scires, foret. S.

— *Et ex copia studiosorum.* Ita et Rom. non ex copia studiosorum, ut quidam. H.

12. *Nihil aliud certum.* Cavet his Plinius, ne quis praeceptorum certam et promissam a se mercedis summam expectet. Nam antea dixerat, se nemini fulem suam obstringere, sed omnia parentibus libera servare vellet. F. — *Fiduciam suam ferat.* Rom. *Fiduciam suam ferant.* H.

## XIV.

*Heudecasyllabos, quorum lasciviam excusat, iudicio Paterni submittit.*

C. PLINIUS PATERNO • SVO S.

Tu fortasse orationem, ut soles, et flagitas et expectas: at ego, quasi ex aliqua peregrina delicataque merce, lusus meos tibi prodo. Accipies cum hac epi-<sup>2</sup>

XIV. • De Paterno vid. ad I, epist. 21. L.

1. *Lusus meos tibi prodo.* Verum quidem est, quod hic observat Cor-

tius, prodere esse interdum simpliciter proferre, producere. Sed tamen nihil impedit, quo minus hoc potissimum verbo usum dicamus Plinium,

PLIN. Ep. Tom. I

Q

stola hendecasyllabos nostros: quibus nos in vehiculo, inter coenam oblectamus otium temporis. His iocamur, ludimus, amamus, dolemus, querimur, irascimur: describimus aliquid modo pressius, modo elatius: atque ipsa varietate tentamus efficere, ut alia aliis, quaedam fortasse omnibus placeant. Ex quibus tamen si nonnulla tibi prullo petulantiora videbuntur, erit eruditionis tuae cogitare, summos illos et gravissimos viros, qui talia scripserunt, non modo lascivia rerum, sed ne verbis quidem nudis abstinuisse. Quae nos refugimus, non quia severiores, (unde enim?) sed quia

uti significaret, se aresna quasi sua, et non temere omnibus ostendenda, illi aperire. Hoc suadet etiam §. 6. G.

2. *Hendecasyllabos*. De toto illo instituto suo, versiculos faciendo, agit VII, 4. G. — *Hendecasyllabi* adhiberi fere solebant lascivioribus argumentis; quod et factum a Catullo et Martiali. Itaque eos e manibus pueros amoveri vult Quintil. I, 8, 6. L.

3. *Modo pressius, modo elatius*. Sic Rom. cum Medic. H. — Quum de hendecasyllabis sermo sit, in quibus lusus maxime et ioci, nulla autem gravitas, aut sublimitas dominaretur, malim pro *elatius* legi *latius*, hoc est, copiosius, cui saepe *pressa*, hoc est, brevior oratio opponi solet. Illud et *ep̄ describere* aptius est: nam in describendo magis brevis aut copia, quam aliqua sublimitas aut vis adhibetur. Multi Cortii MSS. et edd. habent *altius*, quod una littera transposita facile ex *latius* fieri poterat. E. — Noli vulgatam sollicitare. Quidni enim gravitas versibus conveniat, quibus poetæ non modo iocarentur, luderent, amarent, sed etiam doerent, quererentur, irascerentur? Cf.

ep. 27, 1. Et in descriptiones vim etiam atque gravitatem cadere, nemo erit qui neget. Plinius eadem oppositione VII, 12, 4: « Nam quum suspicarer, futurum, ut tibi tumidius videretur, quod est sonantius et elatius; non alienum existimavi, ... addere statim *pressius* quiddam et exilius. » Caeterum *altius* aliorum librorum a glossatore profectum, S. — *Quaedam fortasse omnibus placeant*. Rom. *Quae fortasse omnibus placeant*. Hoc nemini placebit, H.

4. *Verbis .... nudis*. Quae rei obscenitatem non velant, adeoque turpibus, obscenis. Iam alii interpp. attulerunt Quintil. VIII, 3, 38, si *obscena nudis verbis emouciuntur*. His adde Cic. lib. IX, §. 22, de loco, cuius obscenitas non tam in verbis, quam in re iocasset: *sermo est totus verbis tectus, re impudenter*. Eadem metaphora Lamprid. Heliog. 34, *prætextum verborum* dixit. De *verbis prætextatis* cf. quae copiosius diximus in Lex. technol. lat. Rhet. E.

— *Vnde enim?* Interrogatio valdius negans. Sic Graeci: *ποῦν γάρ; πούθεν; πῶς γάρ ἢ πόθεν;* vid. Bergler.

timidiore sumus. Scimus alioqui huius opusculi illam esse verissimam legem, quam Catullus expressit,

*Nam castum esse decet pium poetam*

*Ipsam, versiculos nihil necesse est:*

*Qui tunc denique habent salem et leporem,*

*Si sunt molliculi et parum pudici.*

Ego quanti faciam iudicium tuum, vel ex hoc potes aestimare, quod malui omnia a te pensitari, quam electa laudari. Et sane quae sunt commodissima, desinunt videri, quum paria esse coeperunt. Praeterea, sapiens subtilisque lector debet non diversis conferre diversa, sed singula expendere, nec deterius alio putare, quod est in suo genere perfectum. Sed quid ego plura? Nam longiore praefatione vel excusare, vel commendare ineptias, ineptissimum est. Unum illud praedicendum videtur, cogitare me has nugas meas

ad Alciph. p. 92. Hemsterh. ad Lucian. T. 1, p. 415. S.

5. Catullus. Estant eam. 16 ad Aurelium et Furium: add. quae dicimus ad illa IV, 27, 4: *Iunice, quisquis amas.* G. — *Versiculos.* Ita et Rom., non *versiculo*. H. — *Versiculo* Medie. quod miror Cortio non displicuisse. *Versiculos* poscit oppositio *ipsam*. S. — *Qui tunc, etc.* Rom. *Qui tunc denique habent salem et leporem.* Sic scribendum. H. — Cicero ep. XIV, 2, 7: ego vero tum denique mihi videbor restitutus, si illa nobis erit restituta. S.

6. Ex hoc, etc. Rom. Ex hoc potes aestimare, quod malui a te. Deest omnia. H.

— Quum paria tunc coeperunt. Quum uno tenore plura leguntur breviora carmina, aequae arguta, aequae salaa, gratiam amittunt omnia, vel ob id ipsam, quod nihil eninet. Haec ipsa causa est, quod argutis illis,

quibus condiuntur epigrammata, in scria oratione caute admodum et moderate utendum est non minus, quam condimentis acrioribus, etc. G. — Non satis intelligitur, quomodo paria hoc sensu dicantur. Sensus est: quum saepius repetuntur eadem acumina et commode dicta. E. — Nulla hic obscuritas. Paria Catansens commode interpretatur omnia optima. Talia enim electa esse solent. S.

7. Sapiens, qui habet sensum pulchri rectum. L. — Debet non diversis conferre. Rom. Non debet diversis conferre. H. Nec deterius alio putare. Rom. Nec deterius in alio putare. H.

8. Non longiore praefatione. Rom. Nam longa praefatione. H. — Sic Cortius ex duobus codicibus. Accedo. Praeferendus positivus, quum Secundus universe de nugarum commendatione loquatur. Idem Sidonius videtur legisse. S.

— Cogitare me has, etc. Rom. Co-

ita inscribere, HENDECASYLLABI, qui titulus sola metri<sup>9</sup> lege constringitur. Proinde sive *epigrammata*, sive *idyllia*, sive *eclogas*, sive (ut multi) *poëmata*, seu quod aliud vocare malueris, licebit voces: ego tan-<sup>40</sup> tum *hendecasyllabos* praesto. A simplicitate tua peto, ut, quod de libello meo dicturus es aliis, mihi dicas: neque est difficile, quod postulo: nam si hoc opusculum nostrum aut potissimum esset, aut solum, fortasse posset durum videri dicere, *Quaere, quod agas*: molle et humanum est, *Habes; quod agas*. Vale.

*gitare me has meas iugas ita inscribere Hendecasyllabos.* Facile Cortio concedo, *meas* et *ita*, quorum locus incertus est, delenda esse. II. — *Metri lege.* Undecim nimirum syllabarum mensurae adstricti sunt versiculi; quo in genere sunt Sapphici, Phalenci, et Hipponactei. G.

9. *Proinde sive*, etc. Rom. » Proinde sive epigrammata, sive elegidia, (*ita scriptum*) sive eclogas, sive, ut multi, poëmata, seu quod aliud vocare volueris, licebit voces: ego tantum Hendecasyllabos. » Verbum *praesto* non habet. II. — Non pro nihilo est illa libri Romani lectio, Catanaeo etiam oblata. Secundus, ni fallor, scripsit: *sive epigrammata, sive elegidia, sive idyllia, sive eclogas*, etc. Casaubonus ad Persium p. 97 ed. Londini. » *elegidia*, hoc est, non magna poëmata et opera legitima: sed minuta quaedam opuscula, ut elegiae non *μεγέτην*: et similia momenti non magni carmina.... Elegia appellarunt etiam alia parva atque cuncta carmina, etc. » S. — Eclogae, opus e pluribus delectum (a v. græc. *ἐκ* et *λόγος*), aut e pluribus eiusdem generis carminibus constans, donec seriore tempore bucolicis carminibus id nomen adhaesit. L. — *Hendecasyllabos*

*praesto.* Posterior vox in bonis quibusdam libris abest; et potest intelligi ex superioribus voco. Sed elegans etiam est *praesto*, ex forensi illa significatione; q. d., ego nihil aliud promitto, nisi versiculos XI syllabis conclusos; si quis, verbi gratia, *epigrammata* expectet, is sibi imputet, si falsus fuerit, non mihi, qui nihil promiserim. G.

40. *A simplicitate tua.* Candore qui adulari, dissimulare, mentiri nescit. G. — Hoc sensu semper in his epistolis Plinius. Supra aliquoties. Vid. index. F.

— *Peto, ut, quod*, etc. Rom. *Peto, quod de libello meo*; sine ut. II. — Delect ut Cortius et Gierigius. Bene. Vid. Drakenb. ad Liv. XXXII, 35, 5. S.

— *Quaere, quod agas.* Circumspice aliud scribendi genus, in quo operae pretium facias: in hoc enim laudem vix assequeris. Contra Plinio potest dici: Habes orationes, in quibus decus aliquod iam consequutus es; in his porro elabora, et spera plausum eruditum; quid tibi viscum versiculis, quibus facilius partem gloriam eluendes, quam novam parias? G. — *Molle*, lenis; V, ep. 49, 4, *molliter tuos habes*. L.

## XV.

*Futuro consuli, ut auguratur, Asinium, tamquam eius quaestorem futurum, commendat.*

C. PLINIUS FUNDANO • SVO S.

Si quid omnino, hoc certe iudicio facio, quod Asinium Rufum singulariter amo. Est homo eximius et honorum amantissimus. Cur enim non me quoque inter bonos numerem? Idem Cornelium Tacitum (scis quem virum) arcta familiaritate complexus est. Proinde si utrumque nostrum probas, de Rufo quoque necesse est idem sentias, quum sit ad connectendas amicitias vel tenacissimum vinculum morum similitudo. Sunt ei liberi plures. Nam in hoc quoque functus est optimi civis officio, quod foecunditate uxoris large frui voluit eo saeculo, quo plerisque etiam singulos filios orbitatis praemia graves faciunt: quibus ille despectis, avi quoque nomen adstumpsit. Est enim avus, et quidem ex Saturio Firmo, quem diliges, ut ego, si, ut ego, propius inspexeris. Haec eo pertinent, ut scias, quam copiosam, quam numerosam domum uno beneficio sis obligaturus: ad quod petendum, voto primum, deinde bono quodam omine adducimur. Opta-

XV. \* De Fundano vidimus ad I, ep. 9. L.

1. *Iudicio facio.* Non caeco impetu, amore praesurrente cognitionem: sed postquam inspexi hominem, et iudicavi amore meo dignum. G.

2. *Necesse est idem sentias.* Roma. *Necesse est, ut idem sentias.* H.

3. *Orbitatis praemia.* Orbos enim captant reliqui, et infimis blanditiis testamenti honorem ab iis promereri

cupiunt. Multa in orborum captatores Horatius, v. g. Sat. II, 5, 28 sqq. et Iuvenalis IV, 18, imprimis V, 137: « Dominus tamen, et domini rex Si vis tu fieri, nullus tibi parvulus ante Luserit Aeneas, nec filia dulcior illo. » It. VI, 3, 8 sqq. et XII, 99. Lepidissimus autem, ut ubique, haec circa hoc argumentum, in mortuorum Dialogis Lucianus. G. — Caeterum orbitatis praemia dicit munera, quae orbis mittebantur ab heredipetis. E.

mus enim tibi ominamurque in proximum annum consulatum. Ita nos virtutes tuae, ita iudicia principis  
 6 augurari volunt. Concurrit autem, ut sit eodem anno quaestor, maximus ex liberis Rufi, Asinius Bassus, iuvenis (nescio an dicam, quod me pater et sentire et dicere cupit, adolescentis verecundia vetat), ipso pater  
 7 tre melior. Difficile est, ut mihi de absente credas, quamquam credere soles omnia, tantum in illo industriae, probitatis, eruditionis, ingenii, studii, memoriae denique esse, quantum expertus invenies.  
 8 Vellem tam ferax saeculum bonis artibus haberemus, ut aliquos Basso praeferre deberes; tum ego te primus hortarer moneremque, circumferres oculos, ac  
 9 diu pensitares, quem potissimum eligeres. Nunc vero... sed nihil volo de amico meo arrogantius: hoc solum dico, dignum esse iuvenem, quem more maiorum in  
 10 filii locum adsumas. Debent autem sapientes viri, ut tu, tales quasi a republica liberos accipere, quales a natura

5. *Optamus enim .... consulatum.* Ita et Rom. *H.*

— *Ita nos, etc.* Rom. *Ita nos virtuti tuae iudicia principis augurare voluit.* H. *Iudicia principis.* Optimi ac sapientissimi Traiani, bonos eligere consuevit. *G.*

6. *Concurrit.* Prospere simul accedit, vel accedit illis commodis. *E.* — *Nescio an dicam.* Nota, qui veram pulchritudinem vel amas, vel intelligere cupis, ut amare possis; observatur igitur ubi; iurilicium; pater videri cupit filium suum se ipso meliorem, adolescentis verecundia vetat hoc dicere Plinium. Ita me Deus amet, ut pater ille amabilis, ut amari dignissimus filius, ut venustissimus, qui iata prodiderit, Secundus, et ipsa dubitatione sua quasi animaverit, atque in rem praesentem nos deduxerit. *G.*

7. *Difficile est, etc.* Rom. *Difficile est mihi, ut de absente credas.* H.

8. *Hortarer moneremque.* Rom. *Hortarer iuvaremque.* H. — *Quem potissimum eligeres.* Sic et Rom. *Perperam vulgo elegeris.* H.

9. *Nunc vero .... Sed.* Aposiopesis elegans. Reticeat, quod triste erat commemorare, et invidiosum, nimirum saeculum adeo effloctum et inane, ut inveniri par Basso virtus non possit. *G.* — Rom. *Hunc vero.* H. — *Perperam.* Sic Graeci *οὐκ εἰς*. *S.*

— *In filii locum.* Religionem enim et pietatem quasi paternam inter Consularem et Quaestorem intercedere volebant Romani, de qua *sortis necessitudine*, ut ibi vocatur, loca Ciceronis plura laudat Bosius ad Nepotis Catonem I, 3. *G.*

10. *Tales quasi a republica liberos.*

solemus optare. Decorus erit tibi consuli quaestor patre praetorio, propinquis consularibus: quibus, iudicio ipsorum, quamquam adolescentulus adhuc, iam tamen invicem ornamento est. Proinde indulge precibus meis, obsequere consilio, et ante omnia, si festinare videor, ignosce: primum (quia votis suis amor plerumque praecurrit: deinde), quod in ea civitate, in qua omnia quasi ab occupantibus aguntur, quae legitimum tempus expectant, non matura, sed sera sunt: deinde, quod rerum, quas assequi cupias, praesumptio ipsa iucunda est. Revereatur iam te Bassus,<sup>12</sup> ut consulem: tu dilige eum, ut quaestorem: nos denique, utriusque vestram amantissimi, duplici laetitia perfruamur. Etenim quum sic te, sic Bassum diligamus, ut et illum cuiuscumque, et tuum quemcumque quaestorem in petendis honoribus omni opera,

Rom. *Tales a republica liberos*, omisso quasi. H. — Cortius e codicibus, ordine meliore: *Tales quasi liberos a republica*. S.

— *Decorus erit tibi*. Rom. *Decorum erit tibi*. H.

11. (*Quia votis.... deinde*.) Haec, Cortio teste, absunt in optimis libris et vix efficiunt sententiam Plinio dignam. G. — Haec ita, ut vulgata sunt, habet Rom. etsi ubesse possunt. H. — Immo retinenda sunt. Omisit librarius, cuius oculus a priore nota nunc quia nunc quod significante (unde nata frequentissima harum particularum confusio; vid. Drakenb. ad Liv. XXXVIII, 36, 4; coll. Cort ad Plin. ep. I, 13, 4), ad posteriorem aberrasset. Pro genuinis habebat Ernestius etiam, qui, « Gesnerus, inquit, ea verba uncis incluserat, quos nunc delevisimus. Argumenta Cortii non satis firma sunt, et a Gierigio

bene refutata. Tironum gratia monendum, votis suis non esse dativos, qui a praecurrit pendunt, sed ablativos hoc sensu: amor votis suis praecurrit scil. legitimum tempus, non expectare illud potest. » S. — *Sed sera.... rerum*. Sic et Rom. H. — *Deinde*. Sic libri optimi modo laudati: alii habent *tu summa*. G. — Praestat in summa, a Gierigio bene reductum. Est i. q. denique. S. — *Praesumptio*. Fructus quasi praecox, quum ante tempus legitimum frui licet votis. Videmus hoc quotidie in lautorum hominum epulis, qui asparagos, pisa, cerasa, flores, res alioquin satis vulgares, tempore non suo, magno redimunt, maturas adspernantur. G.

12. *Duplici laetitia perfruamur*. Rom. *Laetitia duplici perfruamur*. H.

13. *Cuiuscumque*. scil. consulis fiat quaestor. E. — *Omni opera*, etc. Rom. « Omni opera, labore, gratia

omni labore, gratia simus iuvaturi; perquam iucundum nobis erit, si in eundem (juvenem) studium nostrum, et amicitiae meae et consulatus tui ratio contulerit: si denique precibus meis tu potissimum adiutor accesseris, cuius et suffragio senatus libentissime indulgeat, et testimonio plurimum credat. Vale.

simus adiutori, perquam iucundum nobis erit, si in eundem studium nostrum. \* *Deest juvenem. H. Gratia. Leg. ex libris bonae notae omni gratia. S. — Si in eundem, etc.* Si unum eundemque Basanum non solum amicitia mea, sed et consulatus tui futuri auctoritate adiutum videro. — Caeterum, ut omnis epistola, ita inprimis ultimus locus, *Etenim quum, etc.* usque ad finem, tam operosi studii, quo Plinius scripsit, vestigia habet,

ut se argutiis, et omnem orationem obscuritate quadam vix liberam praestiterit. *E. — (Juvenem).* Desideratur haec vox in bonis quibusdam libris, et abesse potest, iudice Cortio. *G. — Si denique, etc. Rom. \* Si denique precibus meis tu potissimum adiutor accesseris, cuius et senatus suffragio. \* H. — Cortius ex Mediceo: cuius et suffragio senatus l. i. Ordo hic verborum genuinus. S.*

## XVI.

*Hortatur ad studium, quum sit literis adhuc honor. Plinii vanitas, cuius documenta plura iam vidimus, in illa epistola erumpit. L.*

C. PLINIUS VALEBIO PAVLLINO SVO S.

Gaude meo, gaude tuo, gaude etiam publico nomine: adhuc honor studiis durat. Proxime quum dicturus apud centumviros essem, adeundi mihi locus, nisi a tribunali, nisi per ipsos iudices, non fuit: tanta stipitatione caetera tenebantur. Ad hoc quidam ornatus adolescens, scissis tunicis, ut in frequentia solet,

XVI. 1. *Gaude meo, etc. Rom. Gaudeo meo, gaudeo tuo, gaudeo. H.*

2. *Scissis tunicis. Merito miratur*

Marklandus ad Stat. Silv. IV, 9, 24, quomodo scindi tunicae potuerint, toga integra, suspicaturque legendum



sola velatus toga perstitit, et quidem horis septem. Nam tamdiu dixi, magno cum labore, sed maiore cum fructu. Studeamus ergo, nec desidia nostrae prae-<sup>3</sup> tendamus alienam. Sunt qui audiant, sunt qui legant: nos modo dignum auribus, dignum chartis elaboramus. Vale.

*scissa toga, sola velatus tunicis.* Huic ita satis putabat fieri posse Curtius, quod toga laxius iniecta prementibus facillime cederet, eam potuisse integram servari, non item tunicam pressius adstrictam. Nobis videbatur ita etiam tueri licere lectionem receptam, uti dicamus, togam et robustiorem et in brachium humerosque collectam facilius vim argenti sustinuisse, quam tenuiora filii tunicas, quas ita colligere non licuisset. Ita nostris moribus pallio integro scindi possunt ve-

stes aliae. G. Add. Gesneri ad L. A. Ernestium epistola. — Mihi nec Curtii nec Gesneri ratio placet. Sola Mar-  
kandi interpretatio intelligi potest. Locus non est satis emendatus, vel ratio vestimentorum, quae hic valet, nobis ignota est. R. — Solet. Rom. Solet fieri. H. — Vid. Drakenb. ad Liv. VI, 31, 5; XXXVI, 23, 2. S. — *Alienam*; desidiam nostram excusamus. infrequentia auditorum et lectorum. L.

## XVII.

*Admonitus a Gallo, Corelliae suam operam contra designatum consulens pollicetur, idque propter Corellii patris in se merita, quae praedicat.*

C. PLINIVS GALLO • SVO S.

Et admones, et rogas, ut suscipiam absentis Corelliae causam contra C. Caecilium, consulem designatum. Quod admones, gratias ago: quod rogas, queror. Ad-

XVII. • De Gallo vide ad II, epist. 47. L.

1. *Corelliae*, ad quam III, ep. 3. L. — *Caecilium*, forte *Caecilium Celer* de quo I, ep. 5, 8. L.

— *Quod rogas, queror.* Vt ille Terentianus Chremes Andr. III, 3, 42: « Ah ne me obsecra, Quasi hoc te

orando a me impetrare oporteat. » Pluscula ex hoc genere sunt apud Ciceronem, quibus indicatur, in vera amicitia non opus esse precibus ad hoc, ut alter alterius comoda procuret; indicato tantum opus esse, et monito, ut sciatur, qua ratione consuli illi queat. G.

moneri enim debeo, ut sciam: rogari non debeo, ut  
 2 faciam, quod mihi non facere turpissimum est. An  
 ego tueri Corellii filiam dubitem? Est quidem mihi  
 cum isto, contra quem me advocas, non plane fami-  
 3 liaris, sed tamen amicitia. Accedit huc dignitas ho-  
 minis, atque hic ipse, cui destinatus est, honor: cu-  
 ius nobis hoc maior habenda reverentia est, quod iam  
 illo functi sumus. Naturale est enim, ut ea, quae quis  
 adeptus est ipse, quam amplissima existimari velit.  
 4 Sed mihi cogitanti, adfuturum me Corellii filiae, om-  
 nia ista frigida et inania videntur. Obversatur oculis  
 ille vir, quo neminem aetas nostra graviorem, sanctio-  
 rem, subtiliorem denique tulit: quem ego, quum ex  
 admiratione diligere coepissem, quod evenire contra

— *Admoneri enim debeo*, etc. Rom. *Admoneri enim debeo, non rogari, ut faciam. Debeant ut sciam, quae tamen adesse debent. Alterum debeo nimis necessarium est. H.* \*

2. *Corellii filiam*. De quo 1, 12, et III, 3, quae ad ipsam Corelliam scripta est. G.

— *Advocare*, omnino rogare aliquem, ut nobis aut aliis adsit in consilio capiando, in iudicando, in lite instruenda, et Plinii aetate imprimis, causa nostra agenda in iudicio. L. — *Non plane familiaris*. Lectio elegans et vera a Cortio e MSS. prolata. *Non plane familiaris amicitia, sed amicitia tamen*. Consueti Plinio elliptici. Etiam reliqua, in quibus a Celsiana editione hic disceditur, Cortii debentur diligentiae. G. — Rom. *Non plane familiaris, sed tamen amicitia*. II.

3. *Accedit huc dignitas*, etc. Rom. *Accedit huc dignitas hominis ad hoc ipse, cui destinatus est honor, cuius nobis maior habenda reverentia est,*

*non agenda.* s. II. — *Ad hoc verum videtur*. Paullo ante ep. 16, 2: *Ad hoc quidam ornatus adolescens*, etc. multisque aliis locis. S.

— *Naturale est enim*, etc. Rom. *Naturale est enim, ut ea, quae quis adeptus est, ipse quam amplissima existimari velit.* s. H. — *Rectius post ipse inciditur*. S.

4. *Subtiliorem*. Doctiorem ut supra ep. 1, 22. Semper subtilitate, si de Iuris vel oratoribus sermo est, acumen, prudentia, doctrina comprehenditur. Vid. Lex. techn. rhet. lat. s. v. *Subtilis*. E. — Ep. II, 9, 3, *invenum probationum, gravissimum, eruditissimum*. S. — Rom. *Subtiliorem tulit*. Abest denique. II. — Abest item in Mediceo: nec commode hic ponitur. S. — *Quod censere contra solet*. Plerique enim extra nitent, introsum turpes; quo magis noveris, eo magis contemnendi. Hinc illud, quod unum praesentia famam, quod pauca adeo beata coniungit. G.

solet, magis admiratus sum, postquam penitus inspexi. Inspexi enim penitus: nihil a me ille secretum, non iocularē, non serium, non triste, non laetum. Adolescentulus eram, et iam mihi ab illo honor, atque etiam (andebo dicere) reverentia, ut aequali, habebatur. Ille meus in petendis honoribus suffragator et testis; ille in inchoandis deductor et comes; ille in gerendis consiliator et rector; ille denique in omnibus officiis nostris, quamquam et imbecillus et senior, quasi iuvenis et validus conspiciebatur! Quantum ille, famae meae domi, quantum in publico, quantum etiam apud principem adstruxit? Nam quum forte de bonis invenibus apud Nervam imperatorem sermo incidisset, et plerique me laudibus ferrent, paullisper se intra silentium tenuit, quod illi plurimum auctoritatis addebat; deinde gravitate, quam noras, *Necesse est*, inquit, *parcius laudem Secundum, quia nihil nisi ex consilio meo facit*. Qua voce tribuit mihi, quantum petere voto immodicum erat: nihil me facere non sapientissime, quum omnia ex consilio sapientissimi viri facerem. Quin etiam moriens, filiae suae (ut ipsa solet praedicare), *Multos quidem amicos*, inquit, *tibi in longiore vita paravi, praeceptuos tamen, Secundum et Cornutum*. Quod dum recordor, in-

5. *Nihil a me ille secretum*. Rom. *Nihil ille a me secretum*, ut scripti omnes. H.

6. *Reverentia, ut aequali, habebatur*. Rom. *Reverentia, ut ab aequali, habebatur*. H. — Longe praestat nostra lectio. Reverentia non adolescentulis deferitur, sed senioribus. S.

— *Quamquam et imbecillus et senior*. Com. *Quamquam et imbecillus et senior*. H. — Bene nostra forma. Vid. Cort. ad Sallust. p. 24 Schwara. ad

Plin. Paneg. p. 392. S.

7. *Quantum in publico*. Rom. *In publico*, omisso *quantum*. H.

8. *Necesse est*, etc. alioqui non tam Secundum laudarem, quantum ipsam, auctorem omnium eius factorum. S.

9. *Multos quidem amicos*, inquit, *tibi in longiore*, etc. Rom. *Multos quidem amicos tibi in longiore*, sine verbo inquit, nec male. H.

10. *Quod dum recordor*. Rom. *Quod dum recordor*. H.

telligo mihi laborandum, ne qua parte videar hanc de me fiduciam providentissimi viri destituisse. Quare ego vero Corelliae adero promptissime; nec subire offensas recusabo: quamquam non solum veniam me, verum etiam laudem apud istum ipsum, a quo, ut ais, nova lis, fortasse ut feminae, intenditur, arbitror consequuturum, si haec eadem in actione, latius scilicet et uberius, quam epistolarum angustiae sinunt, contigerit mihi vel in excusationem, vel etiam in commendationem meam dicere. Vale.

44. *Quare ego vero.* Vid. de hac compositione ad III, 8, 4. G. — *Ut feminae.* Scio quas interpretationes admittat & ut. Potest intelligi, *tanquam feminae*, quae consilii inops sit. Verum hoc prudentiae adversarii repugnet et honestati; quam non negat illi hoc ipso loco Plinius. Potest intelligi de iuribus et privilegiis mulierum, et hoc malim. Sed vide tamen, an non commodius sit, si addicant quandoque libri, legere simpliciter,

*nova lis fortasse huic feminae intenditur.* G. — Plane et certo scire, quem sensum nunc illa ut *feminae* habeant, non possumus prius, quam, qualis illa *nova lis* fuerit, didicerimus. Interim Gesneriana illa sufficient. E. — Ita interpungo: a quo, ut ais, *nova lis, fortasse ut feminae, intenditur.* Li-tem intendi a Caecilio, certum erat; eam vero, ut feminae, intendi, Galli conjectura fuit. H.

## XVIII.

*Antonini epigrammata Graeca laudat, ex quibus Latine se, sed impari successu, convertisse dicit.*

C. PLINIVS ANTONINO • SVO S.

Quemadmodum magis approbare tibi possum, quantopere mirer epigrammata tua Graeca, quam quod quaedam aemulari Latine et exprimere tentavi? In

XVIII. *Antonino.* Conf. supra IV, 3. G.

1. *Quaedam aemulari, etc.* Rom.

*Quaedam latine aemulari et exprimere tentavi.* H.

— *In deterius, etc.* Rom. *In deterius,*

deterius quidem. Accidit hoc primum imbecillitate ingenii mei; deinde inopia, vel potius, ut Lucretius ait, egestate patrii sermonis. Quod si haec, quae sunt<sup>2</sup> et Latina, et mea, habere tibi aliquid venustatis videbuntur, quantum putas inesse eis gratiae, quae et a te, et Graecae, proferuntur? Vale.

*rius tamen accidit hoc.* H. — *Tamen etiam Cortiana. Mihi quidem genuinum videtur.* S.

— *Inopia, vel potius.* Rom. *Inopia, ac potius.* H. — *Vid. Cort. ad II, 14, 13.* S. — *Vt Lucretius ait; scil. de*

*homacomeria* Anaxagorae I, 832: «Quam Graeci memorant, nec nostra dicere lingua Concedit nobis patrii sermonis egestas» Add. I, 140. Est autem egestas amplius quiddam et gravius, quam paupertas. G.

## XIX.

*Vxoris ingenium et mores, socii sorori, quae educaverat, mirifice laudat, et gratias agit.*

C. PLINIUS HISPULLAE SVAE S.

Quum sis pietatis exemplum, fratremque optimum, et amantissimum tui, pari caritate dilexeris, filiamque eius, ut tuam, diligas, nec tantum amitae eius, verum etiam patris amissi affectum repraesentes; non dubito, maximo tibi gaudio fore, quum cognoveris, dignam patre, dignam te, dignam avo evadere. Summum est, acumen, summa frugalitas: amat me, quod castitatis

XIX. *Hispullae.* Corellii, de quo I, 12, et III, 3, itemque IV, 17, viduise. G.

1. *Fratremque optimum.* Patrem Calpurniae secundae coniugis Plinii nostri ante patrem suum Fabatum, quod vel ex hac epistola verbisque quae tractamus apparet, defunctum. G. — *Nec tantum amitae eius.* Rom. *Nec*

*tantum amitae ei, non eius, quod deterius est.* H. — Sic et alii libri. Bene. Saepius confusa ei, eius. Vid. Cort. ad II, 9, 4. Similiter II, 1, 8: «Practerea quod ille tutor mihi reliquit; affectum parentis exhibuit.» S.

2. *Acumen.* Animi velocitas, agilitas, non semper coniuncta illa cum frugalitate. Sic, Columella auctore I,

indiciū est. Accedit his studium literarum, quod ex mei caritate concepit. Meos libellos habet, lectitat, ediscit etiam. Qua illa sollicitudine, quum videor acturus, quanto, quum ægi, gaudio afficitur? Disponit, qui nuntient sibi, quem assensum, quos clamores excitari, quem eventum iudicii tulerim. Eadem, si quando recito, in proximo, discreta velo, sedet, laudesque nostras avidissimis auribus excipit. Versus quidem meos cantat formatque cithara, non artificē aliquo docente, sed amore, qui magister est optimus. His ex causis in spem certissimam adducor, perpetuam nobis maioremque in dies futuram esse concordiam. Non enim aetatem meam, aut corpus, quae paulatim occidunt ac senescunt, sed gloriam diligit. Nec aliud decet tuis manibus educatam, tuis praeceptis institutam: quae nihil in contubernio tuo viderit, nisi sanctum honestumque: quae denique amare me ex tua praedicatione consueverit. Nam quum ma-

9, 4: « vineae non tam homines frangi, quam arboribus streui exigunt. » S. — *Constituit indicium.* Quomodo? Nempe Plinius paullo post ipse causam suam dicit: « Non aetatem meam, inquit, aut corpus, quae paulatim occidunt ac senescunt, sed gloriam diligit. » Itaque et eam ex sui caritate studium literarum concepisse praedicat. Nisi cui forte magis placuerit, illa amat me ita, insignire voce et pronuntiatione, ut sensus prodeat hic: amat me solum, mei unius contenta est. E.

3. Quos clamores. Plausus. Vid. IV, 5, 1. G.

4. Versus quidem meos, etc. Rom. Versus quidem meos cantat etiam format atque cithara, male, H. — Etiam genuinum puto, atque natum est ex

iteratione duarum literarum. S. — *Formatque cithara.* Hoc ita intelligo: format et speciem quandam versibus dat, eos cithara ornat, ut iam magis etiam placeant. Non raro formare ita dicitur, ut adiunctam commendandi aut ornandi notionem habeat, imprimis de oratione. E. — Immo simpliciter est, ad sonum citharae modulatur. Vide, praeter interpretes ad h. l., Aeg. Forcellin. Lex. h. v. S.

5. Non enim aetatem meam. Rom. Non aetatem meam, sine enim. H.

7. Nam quum matrem, etc. Rom. Nam quum matrem meam parentis vice dilexeris: me a pueritia, omisso quoque. H. — Placuit vice dilexeris Cotto et Cierigio: nec ego refragor. Mallem tamen diligere. S.

trem meam parentis loco venerarere, me quoque a pueritia statim formare, laudare, talemque, qualis nunc uxori meae videor, ominari solebas. Certatim ergo tibi gratias agimus: ego, quod illam mihi; illa, quod me sibi dederis, quasi invicem elegeris. Vale.

8. *Me quoque pro meque est e coniectura Casauboni. L. — Quasi invicem elegerit. Sic et Rom. H.*

## XX.

*De libris Maximi cum laude eorumdem indicat.*

C. PLINIVS MAXIMO • SVO S.

Quid senserim de singulis libris tuis, notum tibi, ut quentque perlegeram, feci. Accipe nunc, quid de universis generaliter iudicem. Est opus pulchrum, validum, acre, subline,\*varium, elegans, purum, figuratum, spatiosum etiam, et cum magna tua laude diffusum. In quo tu ingenii simul dolorisque velis latissime vectus es, et horum utrumque invicem ad iumento fuit. Nam dolori sublimitatem et magnificentiam ingenium; ingenio vim et amaritudinem dolor addidit. Vale.

XX. \* De Maximo vide ad II, ep. 14. L.

1. *Quid senserim, etc. Rom. Quid senserim de singulis tuis libris. H.*

2. *Opus pulchrum. Pulchrum, si certam notionem quaerimus, apud Plinium fere habet laudem utilitatis, et honestatis, quae h. l. ad argumentum referri possunt. Cf. Ep. III, 18.*

3. — *Varium, rerum vicissitudine, quae laedium legendi tollit, τὸ ποικίλον Graecorum, cui τὸ ὁρατὸν, προσκοπὴ, μανέροντων opponunt. — Purum, emendatum, latinum. Vid. Cic.*

*de Or. III, 8 et 10, et Brut. LXXIV, ubi iniquitate loqui contrarium illi puritati vitium commemoratur. E.*

— *Vectus es, etc. Rom. Vectus es: horum utrumque invicem ad iumento fecit. Male hoc pro fuit. H.*

3. *Sublimitatem et magnificentiam. Capies de splendidis sententiis et verbis. L. — Vim et amaritudinem. Quam ἀριστερία vocant Graeci, acrimoniam vehementem ac mordacem, quae ad iram, invidiam, reprehensionem, ac veritatem, pertinet. G.*

## XXI.

*Helvidias sorores, a partu extinctas, deflet.*

C. PLINIUS VELIO CEREALI \* SVO S.

**T**ristem et acerbum casum Helvidiarum sororum!  
 2 Utraque a partu, utraque filiam enixa decessit. Affi-  
 cior dolore, nec tamen supra modum doleo. Ita mihi  
 luctuosum videtur, quod puellas honestissimas in flore  
 primo foecunditas abstulit: angor infantium sorte,  
 quae sunt parentibus statim, et dum nascuntur, or-  
 batae; angor optimorum maritorum, angor etiam  
 3 in eo nomine. Nam patrem illarum defunctum quoque  
 perseverantissime diligo, ut actione mea, librisque  
 testatum est, cui nunc unus ex tribus liberis superest,  
 domumque, pluribus adinipiculis paullo ante funda-  
 4 tam, desolatus fulcit ac sustinet. Magno tamen fo-  
 mento dolor meus adquiescet, si hunc saltem fortem  
 et incolumem, parenique illi patri, illi avo fortuna  
 servaverit. Cuius ego pro salute, pro moribus, hoc  
 sum magis anxius, quod unicus factus est. Nosti in

XXI. \* De Cereali vide ad II, ep.  
 49. L.

1. *Helvidiarum.* De quarum patre,  
 et actione librisque, quos deinde §.  
 3 commemorat, agit infra lib. IX,  
 Epist. 43. G.

— *Utraque a partu.* Rom. *Utraque*  
*partu*, sine praepositione. H.

2. *Ita mihi luctuosum videtur.* Etsi  
 ita omnes adhuc ediderunt, nec aliud  
 quidquam in scriptis reperitur: aper-  
 tum tamen est, Plinium scripsisse,  
*Ita mihi luctuosum videtur.* Non supra  
 modum se dolere dicit: sequitur, quid  
 luctuosissimum putet: postremo quid

solatio sit, exponit. H. — Vulgatum  
 Gierigius tuetur loco Tulliano Verr.  
 I, 46. Vid. Clav. Cicer. §.

3. *Defunctum.* Interfectum a Do-  
 mitiano. L. — *Domumque ... sustinet.*  
 Unus ex tribus liberis gentem et fa-  
 miliam sustinet. Hanc sententiam or-  
 nat: domus est familia, hanc funda-  
 tam a patre, liberi tanquam admini-  
 cula fulciant ne sustinent. E. — Hac  
 imagine usi sunt Graeci; exempli gra-  
 tia, Euripides Iphigenia Taur. vers.  
 57, στήλαι γὰρ αἰῶνα τίσι παῖδες ἀρ-  
 σιός. L.

4. *Unicus factus.* Metuebat enim,



amore mollitiem animi mei, nosti metus. Quo minus te mirari oportebit, quod plurimum timeam, de quo plurimum spero. Vale.

ne forte hunc iam unicum filium nimius amor matris, ut sit, corrumpere. *E.* — Rom. Quod unicus est. Deest factus, quod abesse quidem potest, nec tamen unius exemplaris suf-

fragio damnandum videtur. *H.* — *Desolatus*, solus relictus. *L.*

5. *Mollitiem animi mei.* Rom. *mollitiem a. m.* *H.*

## XXII.

*Iunij Maurici graviter et fortiter dicta.*

C. PLINIUS SEMPRONIO RVFO SVO S.

Interfui principis optimi cognitioni, in consilium adsumptus. Gymnicus agon apud Viennenses, ex cuiusdam testamento, celebrabatur. Hunc Trebonius Rufinus, vir egregius nobisque amicus, in duumviratu suo tollendum abolendumque curavit. Negabatur ex auctoritate publica fecisse. Egit ipse causam non minus feliciter, quam diserte. Commendabat actionem, quod tanquam homo Romanus et bonus civis in negotio suo mature et graviter loquebatur. Quum sen-

XXII. 4. *Gymnici agones*, in quibus athletae seu palaestritae certabant, ut Romae, ita et in provinciis agebantur. *L.* — *Vienna*, urbs Allobrogum in Gallia Narbonensi, colonia romana. *L.* — *Trebonius* forte idem, ad quem VIII, ep. 18. *L.*

— *In duumviratu.* Duumviros in coloniis et municipiis eo loco fuisse inter decuriones, quo in Senatu Romano Consules, notum. Laudarunt iam hic viri docti Sigonius de iure Ital. III, 4. G. — Rom. *In duum-*

*ratu tollendum.* Abest *suo.* *H.* — Deest in aliis quoque libris, omisitque Cor-tius. Et potest commode abesse: saepe tamen *meus* additum est, ubi tuto omitti potuisset. Vid. Drakenb. ad Liv. III, 8. S.

2. *Mature et graviter.* Macrobi. Saturn. V, 1: Sunt, inquit, stili dicendi duo, dispari moralitate diversi. Unus est *maturus et gravis*, qualis L. Crasso assignatur, etc. Iam de eodem Crasso Cicero Bruto XXXVIII: Equidem Crasso nihil statuo fieri potuisse

PLIN. Ep. Tom. I

R

tentiae perrogarentur, dixit Iunius Mauricus, (quo viro nihil firmius, nihil verius) non esse restituendum  
 3 Viennensibus agona; adiecit, *Vellem etiam Romae*  
 4 *tolli posset.* Constanter, inquis, et fortiter. Quidni? Sed hoc Maurico novum non est. Idem apud Nervam imperatorem non minus fortiter. Coenabat Nerva cum paucis. Veiento proximus, atque etiam in sinu re-  
 5 cumbebat. Dixi omnia quum hominem nominavi. Incidit sermo de Catullo Messalino, qui luminibus orbatus, ingenio saevo mala caecitatis addiderat: non verebatur, non erubescibat, non miserebatur: quo saepius a Domitiano non secus ac tela, quae et ipsa caeca et improvida feruntur, in optimum quemque  
 6 contorquebatur. De eius nequitia sanguinariisque

*perfectius.* Erat summa gravitas, etc. E.

3. *Vellem etiam Romae.* Viri graves semper ludos publicos, otii, luxuriae, libidinum officinas vel contempserunt, vel reprehenderunt; Christiani etiam detestati sunt, ac *daemonum malorum consistoria* dixere. G. —

5. *Dixi omnia.* Satis tibi iam descripsi hominem, quum nominari. Impotentem adulatorem et gratia principis abutentem colligas ex Iuvenalis III, 485 et VI, 443. Cum Catullo Messalino iungit IV, 413, ubi Senatum Domitiani recenset de magno pisce convocatum, *Et cum mortifero prudem Veiento Catullo*, qui mox coecus *adulator* ab eo vocatur. Dicit deinde talem sententiam Veiento, unde inter principes adulatores fuisse intelligas. G.

6. *Catullo Messalino.* De quo modo ex Iuvenali. Vade probari possit, et esse cum ipsum Catullum, cuius Cyrenaicae praefecti crudelitatem in Iudaeos, et miserum vitae exitum enarrat Iosephus de Bello Iud. 7 extr. ne-

scio. Ingenium quidem convenit, nec repugnant tempora. Inter dedecora seculi Domitiani refert etiam Messalinum Tac. Agric. cap. 45. G. — *Malta caecitatis.* Non physica, ut distinguunt hodie, sed moralia, quae statim sequuntur, quod non erubesceret, etc. Iuvenalis aliter, sed amare non minus de eodem homine IV, 413, *Qui nunquam visus flagrabat amore puellae.* G. — Plinius hoc vult: in Messalino ingenii saevitiam caecitate etiam auctam fuisse: itaque non *verebatur, non erub.* Nam hi animi motus oculorum usu maxime adiuvantur. Qui naus si tollitur caecitate, ipsum hoc adiumentum tollitur: homo saevus tum multo fit saevior. E. — *Non erubescibat, etc. Rom. Non erubescibat, non miserebatur.* Quo saepius a Domitiano, et in fine sententiae contorquebatur. Semper et aliis locis Plinio *miscrari* potius in ore fuisse reperio, quam *misereri*. H.

6. *De eius nequitia sanguinariisque* *sententiis.* Rom. *De huius nequitia:*

sententiis in commune omnes super cognam loquebantur, quum ipse imperator, *Quod putamus passurum fuisse, si viveret?* et Mauricus, *Nobiscum coenaret.* Longius abii, libens tamen. Placuit agona tolli, qui mores Viennensium infecerat, ut noster hic omnium. Nam Viennensium vitia intra ipsos residunt, nostra late vagantur: utque in corporibus, sic in imperio, gravissimus est morbus, qui a capite diffunditur. Vale. •

paucisque interiectis, *quum ipse imperator.* Optime. *H.*

— *Nobiscum coenaret.* Amarissima vox, qua lenitatem aut lenitudinem potius et ἀγγνολίαν Nervae obicit Mauricus: *Nobiscum coenaret,* inquit,

non minus quam Veiento ille socius scelerum, in tuo, Caesar, sinu recumbit. *G.*

7. *Vitia intra ipsos residunt.* Sic et Rom. *H.* — Caeteri MSS. habent *residunt*, praeter MSS. Cortii. *L.*

## XXIII.

*Laudat Pomponium, sapienter otio in senectute usum, ubique similem aliquando quietem optat.*

C. PLINIUS POMPONIO BASSO • SVO S.

**M**agnam cepi voluptatem, quum ex communibus amicis cognovi, te, ut sapientia tua dignum est, et disponere otium et ferre, habitare amoenissime, et

XXIII. • Pomponio male abest a Medie. plures etiam Bassi in his epistolis occurrunt. Fuisse virum amplissimum, ex hac ipsa intelligitur. *L.*

1. *Et disponere otium et ferre.* Sic et Rom. *H.* — *Ferre otium* dicunt esse eius, qui otio bene utatur. Non placet hic sensus, qui in hoc loco etiam frigeret. Puto exquisitus, ut solet, Plinium *ferre otium* dixisse de

eo, qui non in uno loco nec uno modo otiosus est. Hinc illa otii varietas, *nunc terra, nunc mari corpus agitare, disputare, audire,* etc. Vulgarius erat *disponere otium*, ergo addidit *ferre*, simili sensu, sed acriori metaphora. *E.* — Hoc vero argutari est. Sane otium sapienter ferre, hoc est, ita, ut ne pro onere habeatur, non omnium est senum. Cicero quidem in quatuor

nunc terra, nunc mari corpus agitare; multum disputare, multum audire, multum lectitare; quumque plurimum scias, quotidie tamen aliquid addiscere.

- 2 Ita senescere oportet virum, qui magistratus amplissimos gesserit, exercitus rexerit, totumque se reipublicae, quandiu decebat, obtulerit. Nam et prima vitae tempora et media patriae, extrema nobis impertire debemus, ut ipsae leges monent, quae maiorem annis  
4 LX otio reddunt. Quando mihi licebit? quando per aetatem honestum erit imitari istud pulcherrimae quietis exemplum? quando secessus mei non desidiaenomen, sed tranquillitatis accipient? Vale.

causis, cur senectus vulgo misera videatur, primam numeral, quod avocet a rebus gerendis. S.

2. *Addiscere.* Sic Solon versibus gloriabatur, *Se quotidie aliquid addiscere, senecti fieri:* Ἐμπάρων δ' αἰνιπολλὰ διδάσκόμενος. L.

3. *Maiorem annis LX.* Sen. de brevitate vitae c. 20: *Lex a sexagesimo anno senatorem non citat.* Sed Seneca pater controvers. I, 8: Senator post sexagesimum et quintum annum in curiam venire nec cogitur, nec vetatur. »

Diversaene leges sunt, an interdum rotundo numero utuntur scriptores, an numeri corrupti? Observat certe Cortius, in optimis Plinii codicibus numerum plane abesse. Videndi, ad priorem locum Senecae Lipsius; ad alterum, qui in primis copiosus est, Schottus, qui etiam de *annis deportatis*, hoc est de ponte comitiorum post LX annum deliciendis, disputat. G. — Rom. *Quae maiorem annis otio reddunt.* Numerus LX non adest. H. 4. *Quando mihi licebit.* Vid. III, 1, 12. G.

## XXIV.

*Fragilitatis humanae admonetur, quum nullos in quadruplici iudicio, quos iuvenis in eodem habuerat, socios vidisset.*

C. PLINIUS VALENTI • SVO S.

Proxime quum apud centumviros in quadruplici iudicio dixissem, subiit recordatio, egisse me iuvenem aequè in quadruplici. Processit animus, ut solet, longius: cocpi reputare, quos in hoc iudicio, quos in illo socios laboris habuissem. Solus eram, qui in utroque dixissem: tantas conversiones aut fragilitas mortalitatis, aut fortunae mobilitas facit. Quidam ex iis, qui tunc egerant, decesserunt; exsulant alii; huic aetas et valetudo silentium suavitatis: hic sponte beatissimo otio fruitur; alius exercitum regit; illum civilibus officiis principis amicitia exemit. Circa nos ipsos quam multa mutata sunt! Studiis processimus: studiis

XXIV.\* Nescio an consanguinitate amplexus sit *Fabium Valentem*, Vitellianorum ducem strenuum, et a Vespasiani militibus Urbini interfectum, de quo multa tradit Tacit. Fasti consulares a XCVI. C. *Fabium Valentem* et C. Antistium Venerem cons. nominant. L.

1. *Proxime quum*, etc. Rom. « Proxime quum apud centumviros in quadruplici iudicio dixissem: *proxime*, aequè in quadruplici. Processit. » H. — *In quadruplici iudicio*. Vid. I, 18, 2. Caeterum non puto commodè abesse haec verba in MSS. a Cortio laudatis, propter verba, quae sequuntur, *aequè in quadruplici*. G. — Si quid delendum esset, ego deleverem *apud centumviros*.

Nam haec verba ab aliquo explicandi quadruplicis iudicii causa adscribi poterant. E. — A Plinio scriptum puto: « Proxime quum apud centumviros dixissem, subiit recordatio, egisse me iuvenem aequè in quadruplici iudicio. » Sic cod. Voss. S.

2. *Socios laboris habuissem*. Rom. *Laboris socios habuissem*. H.

— *Mortalitas aëvo pliniano dici coepta est pro genere humano*. L.

4. *Studiis periclitati sumus*. Sub Domitiano bonos quocumque arte suspectos habente. Breviter complectitur eursum illum suum Panegyri. XCV, 4, 6. — Ex eodem hoc loco Panegyri. discimus, Plinium studiis processisse, quum eloquentiae munere et laudibus

5 periclitati sumus, rursusque processimus. Profuerunt  
nobis bonorum amicitiae, et obfuerunt, iterumque  
prosunt. Si computes annos exiguum tempus: si vices  
6 rerum, aevum putes. Quod potest esse documento,  
nihil desperare, nulli rei fidere, quum videamus tot  
7 varietates tam volubili orbe circumagi. Mihi autem  
familiaris est, omnes cogitationes meas tecum commu-  
nicare, iisdemque te vel praeceptis vel exemplis mo-  
nere, quibus ipse me moneo: quae ratio huius epi-  
stolae fuit. Vale.

plures deinceps honores, Quaesturam, Tribunatum, Praeturam consequetur. E.

5. *Profuerunt nobis bonorum, etc.* Rom. *Profuerunt nobis amicitiae bonorum et obfuerunt, iterumque prosunt.* Deinde, *aevum putes.* H. — Hinc apparet, unde in aliis iteratio vocis bo-

norum nata sit. Placuit en Cortio et Glerigio: pro sua, opinor, Plinius non agnosceret. S.

6. *Potest esse documento.* Admonere nos potest. E. — *Varietates;* varii casus. L. — *Nihil... fidere.* Videtur hic aliquid deesse ad sensus integritatem. Num post *fidere* excidit *docere*? S.

## XXV.

*Narrat evenisse, quod de tabellaria lege praedixerat: et in scurriliter ludentes invehitur. Haec epistola pendet ex III, ep. 20.*

C. PLINIVS MESSIO MAXIMO • SVO S.

Scriveram tibi, verendum esse, ne ex tacitis suffragiis vitium aliquod existeret: factum est. Proximis comitiis in quibusdam tabellis multa iocularia, atque etiam foeda dictu; in una vero pro candidatorum nominibus, suffragatorum nomina inventa sunt.

XXV. De *Messio Maximo* v. ad III, ep. 20. L.

1. *Scriveram tibi.* Supra lib. III, epist. 20. G.

Excanduit senatus, magnoque clamore ei, qui scripsisset, iratum principem est comprecatus. Ille tamen fefellit, et latuit, fortasse etiam inter indignantes fuit. Quid hunc putamus domi facere, qui in tanta re, tam serio tempore, tam scurriliter ludat? qui denique omnino in senatu dicax et urbanus et bellus est? Tantum licentiae pravis ingeniis adiecit illa fiducia, *Quis enim sciet?* Poposcit tabellam, stilum accepit, demisit caput, neminem veretur, se contemnit. Inde ista ludibria, scena et pulpito digna, Quo te vertas? quae remedia conquiras? Ubique vitia remediis fortiora. Ἀλλὰ τὰυτα τῶν ὑπὲρ ἡμᾶς ἀλλὰ μάλιστα, cui multum quotidie vigiliarum, multum laboris adiecit haec nostra iners, sed tamen effrenata petulantia. Vale.

2. *Magnoque clamore*, etc. Rom. *Magnoque clamore in eum, qui scripsisset, iratum principem imprecatum est.* H. — *Iratum principem.* Vti contra propitium principem comprecabantur. Vid. VI, 5, 5. G.

3. *Tam serio tempore*, etc. Rom. *tam serio tempore scurriliter ludat.* H. — *Ludat.* Praestat Gierigii aliorumque ludat. S.

4. *Tabellas.* Leg. *tabellam.* Scriptum fuit *tabella*, ubi quum lineola transversa, quod in codicibus saepe factum, excidisset, post vocem illi s, proximae prima littera, adhaesit. S. — *Demisit caput.* Scribendi causa, in sinum vestis, quo facto non ita facile apparet, si conscientia ruborem illi exprimat. Itaque non multum tribuo coniecturae meae, qua putabam, forte scriptum fuisse *demisit tabulam*, id est, *tabulam suffragii*, in situlam. G. — Gesnerus argutus est, quum illa scriberet. In illo caput demittere nil est aliud nisi caput incurvare, ut

fit, scribendi causa; gestus et actus describuntur hominis ad scribendum se comparantis. Nec de sinu vestis, nec de rubore conscientiae cogitandum. E. — *Neminem veretur*, etc. Rom. *neminem veretur, sed contemnit.* H.

5. Ἀλλὰ τὰυτα. Non recte distinxerunt nuperi editores, neque melius interpretati sunt ista, sed haec alii eorum, qui supra nos, erant curae. Debebant ita: Sed haec supra nos: alii curae erant; nimirum Traiano, optimo principi, cui multum quotidie vigiliarum, etc. Adiungenda enim haec propositio, nec, ut adhuc factum, inter puncto a Graecis separanda. G. — Graeca in Rom. desunt, quae ita Latine converto: Sed haec, quae supra nos sunt, alii curae erant. Ita, ut post ἡμᾶς incidatur, non est necesse. H. — Accuratius sic convertas: Sed haec ex iis, quae supra nos, alii curae erant. Ante ἀλλὰ fortasse ἃ excidit. S.

## XXVI.

*Pollicetur, libellos se emendaturum esse, etiam alios additurum.*

C. PLINIVS NEPOTI • SVO S.

Petis, ut libellos meos, quos studiosissime comparasti, recognoscendos emendandosque curem. Faciam. Quid enim suscipere libentius debeo, te praesertim <sup>2</sup>exigente? Nam quum vir gravissimus, doctissimus, disertissimus, super haec occupatissimus, maximae provinciae praefuturus, tanti putes scripta nostra circumferre tecum; quanto opere mihi providendum est, ne te haec pars sarcinarum, tanquam <sup>3</sup>supervacua, offendant? Adnitar ergo primum, ut comites istos quam commodissimos habeas; deinde, ut reversus invenias, quos istis addere velis. Neque enim mediocriter me ad nova opera tu lector hortaris. Vale.

XXVI\* Nepoti. Vide ad II, ep.

3. L.

1. *Recognoscendos emendandosque.* Voluit Nepos libros Plinii emendantissime scriptos habere, einen revidirten und berichtigten Text der Schriften des Plinius. De vitis librariorum, non ipsius scriptoris, cogitandum. S.

2. *Ne haec, etc. Rom. Ne te haec.* H. — Pronomen Cort. et Gierig. bene revocarunt. S. — *Supervacua*; propter vilitatem abicienda. E.

3. Bene dixit *commodissimos* quod nomen convenit tam comitibus, quam libris ita emendatis ut lectori placeant. L.



## XXVII.

*Commendat Augurini poemata, occasione eorum, quae in laudem suam scripserat.*

C. PLINIVS FALCONI • SVO S.

**T**ertius dies est, quod audiui recitantem Sentium Augurinum cum summa mea voluptate, immo etiam admiratione. Poëmatia appellat. Multa tenuiter, multa sublimiter, multa venuste, multa tenere, multa dulciter, multa cum bile. Aliquot annis, puto, nihil generis eiusdem absolutius scriptum, nisi forte me fallit aut amor eius, aut quod me ipsum laudibus exexit: nam lemma sibi sumpsit, quod ego interdum versibus ludo. Atque adeo iudicii mei te iudicem faciam, si mihi ex hoc ipso lemmate secundus versus occurrerit; nam caeteros teneo, et iam explicui.

*Canto carmina versibus minutis,  
His, olim quibus et meus Catullus,  
Et Calvus, veteresque. Sed quid ad me?*

XVII. • De Falcone vid. ad 1, ep. 23. L.

1. *Tertius dies est*, etc. Rom. *Tertius dies est, quod audiui Sentium Augurinum*. Deest *recitantem*. H.

— *Tenuiter*. In laudem dictum. Opp. *sublimiter*. Conf. Ernest. Lex. Techn. Lat. Rhet. v. *tenuis*. S. — *Multa tenere, multa dulciter*. Rom. *Multa tenuissime, multa dulciter*. H.

2. *Nihil generis*, etc. Rom. *Nihil generis eiusdem gravius et absolutius*. Postea, *laudibus exxit*. H.

3. *Lemma sibi sumpsit*. Paregmenon esset, si graece locutus esset: *λεμμα* enim *sumptio* est. Intelligit nempe argumentum, seu materiam, quam

quis sibi sumit. Vnde inscripta paucis, vel singulis adeo verbis argumenta *lemnata* et ipsa dicuntur. Mox *lemma* pro carmine posuit, ut scilicet *argumentum* pro narratione, vel pictura. G.

— *Si mihi ex hoc ipso lemmate*. Rom. *Si mihi ex hoc lemmate*, sine ipso. Haec vero ita interpungo: *si mihi ex hoc (ipso) lemmate secundus versus occurrerit: (nam caeteros teneo) et iam explicui, scil. totum carmen, et secundum quoque versum, qui exciderat, in memoriam redigo*. H.

4. *Canto carmina versibus minutis*. Vide Anthologiam Latinam II, epigr. 251. E.

*Vnus Plinius est mihi prior.*  
*Mavult versiculos foro relicto.*  
*Et quaerit, quod amet, putatque amari,*  
*Ille o Plinius, ille quot Catones!*  
*I nunc, quisquis amas, amare noli.*

5 Vides, quam acuta omnia, quam apta, quam expressa?

— *Est mihi prior.* Vt deinde, *Ille n Plinius, ille quot Catones!* Est mihi instar multorum Catonum, instar antiquorum omnium. Hi enim Plinio sunt *priores*, v. g. III, 4, 5. Neque singularis est offendere quemquam debet. Multa ex eo genere se contulisse ait Cortius ad illud Lucani III, 408, *Omnia Caesar erat*. Et sane incommodo nostro illis thesauris perpetuo forte carebimus. G. — Vid. omnino Heusinger. in Addend. ad Vechner. Hellenol. p. 587, ubi et hoc loco utitur. S.

— *Putatque amari.* Sensus plane idem est, sive legas, *putat amari se Plinius*, sive, paullo alius repetita constructione, *quaerit, quod amet, et quod putat mutuo se amare*, quod placet Cortio. Nisi quod sic melius legeretur *putet*, et quod obscura est nihilominus constructio. Reliqua in hoc epigrammate, seu lemmate dedimus ad mentem Heinsii, et qui illum laudat Cortii, hoc est, ex auctoritate MSSorum. G. — Rom. *Et quaerit, quod amet, iuvatque amare*. Rectius, ni fallor, quam vulgo. *Iuvat amare est, incundum ei est*, non pudet eum amare. H. — Veram lectionem esse quod *amet, putatque amari*, patet ex ipso Plinio Lib. IX, ep. 33: *Amari putat, amat ipse, neuter timet, neuter timetur.* Burmann. in Anthol. Lat. I. I. — *Ille n Plinius, etc.* Rom. *Illos (Plinius ille) quid Catones.* Corrupte. In postremo versus minus aberrasse videtur: *I nunc, quisquis amas,*

*amare noli.* Id est, noli fateri, te amare, quamvis uraria. H. — *I nunc, quisquis.* Si figuram demas, hoc dicit, post Plinium auctorem mollium et amatorum versiculorum, pudere neminem eius rei debet. *Amas enim et amare nunc ad rem ipsam, sed ad versiculos pertinere, res loquitur.* Inter egregia enim humanae stultitiae specimina illud referas non postremum, quod licet multis verbis, lacrymis etiam et Deorum invocantibus atque sacramentis interpositis, ea de se praedicare possis, quae si fecisses eos alius arguat, calumniatorem dicant et inimicum machinis omnibus repellendum. *Nam castum esse decet pium portam Ippum; versiculos, nihil necesse est.* Vid. noster IV, 14, 4 sq. et V, 3, init. Sic vara vibiam sequitur, Secundus Catullum, hunc Augurimus; hos quasi re bene gesta, et sub magnis auspiciis sexcenti minuti Musarum stupratores, qui meminisse debebant illius, quod est apud Quintilianum X, 4, 100, ubi tales ait *mores suos fateri*. Sidon. Apoll. III, 13, ult.: *Denique facilius obtingit, ut quispiam seria loquens vivat obscene, quam valeat ostendi, qui pariter existat improbus dictis et probus moribus.* G. — Praeclare haec omnia Gesucrus, quum semel ultimi versus hunc sensum statuisset: *Post Plinium pudere neminem eius rei debet.* Sed nescio quomodo mihi videbatur sensus plane contrarius incasse hic: *Post Plinium nemo audere*

Ad hunc gustum totum librum repromitto; quem tibi, ut primum publicaverit, exhibebo. Interim ama iuvenem et temporibus nostris gratulare pro ingenio tali, quod ille moribus adornat. Vivit cum Spurinna, vivit cum Antonino: quorum alteri adfinis, utrique contubernalis est. Possis ex hoc facere coniecturam, quam sit emendatus adolescens, qui a gravissimis senibus sic amatur. Est enim illud verissimum

γινώσκων, ὅτι  
Τοιοῦτός ἐστιν ἕλαστος, οἷσπερ ἡδεται ξυνών

Vale.

debet similia scribere, viliora scilicet scripturus. » E.

5. *Ad hunc gustum.* Opportune laudavit hoc Cortius Scu. de clem. I, 4: *Principatus tui ad avi gustum axigitur*: quemadmodum Gronovius hoc nostro ad Senecam usus fuerat. *Gustus* est specimen, quod a venditore rerum esculentarum, poculentarumve emptori offertur. G.

— *Spurinna.* De quo III, 4; de Antonino IV, 3. G. — *Vivit cum Antonino,* etc. Rom. *Vivit cum Antonino pio,* quorum alteri. Glossa. H.

6. *Qui a gravissimis,* etc. Rom. *Qui a gravissimis senibus sic ornatur amaturque.* H. — Genuinum videtur. Secundus VI, 34, 4: «Gladiatorum munus Veronensibus nostris promissū; a quibus olim amaris, suspiciis, ornatis. S.

— *Γινώσκων, ὅτι.* Mihi non sit verisimile, ita, ut hic expressus est, laudatum a Plinio Euripidis locum. Certe illud γινώσκων non apparet,

quomodo usurpare potuerit. Cohæret enim sententia, quam ex Barnesianis fragmentis, Phoenice, versu 9, (ex Aeschine in Timarchum pag. 494, edit. 1607, f.) proponemus, hoc modo: Οὗτος δ' ὁμολῶν ἡδεται κακοῖς ἀνὴρ, ὃν πάποτε' ἠρώτεσσι, γινώσκων, ὅτι τοιοῦτός ἐστιν, οἷσπερ ἡδεται ξυνών. Negat se inquirendum ultra putasse in mores eius viri, qui pravorum consortio delectaretur, quod sciret, talem esse, quales sint, quorum societate gaudeat. Quomodo, queso vos, illud γινώσκων ad Plinii sententiam pertinet? Quantum sibi in Graeca licere putaverint librarii et critici, constat. Naque putaverim ita dedisse Plinium: Τοιοῦτός ἐστιν ἕλαστος, οἷσπερ ἡδεται ξυνών. Vocem ἕλαστος habent libri quidam: elecerunt, puto, qui apud Aeschinem abesse, et in metro redundare, viderent. G. Add. Gesneri ad I. A. Ernest. epistola. — Scribendum, ut habet margo Stephanae Aeschinis pag. 21, 42: Τοιοῦτός ἐσθ', οἷς περ ἡδεται ξυνών. S.

## XXVIII.

*Cornelii Nepotis et T. Cassii imagines pro Herennii bibliotheca fieri postulat.*

C. PLINIUS SEVERO • SVO S.

**H**erennius Severus, vir doctissimus, magni aestimat in bibliotheca sua ponere imagines municipum tuorum, Cornelii Nepotis et Titi Cassii: petitque, si sunt isthic, ut esse credibile est, exscribendas pingendasque delegem. Quam curam tibi potissimum iungo: primum, quia desideriis meis amicissime obsequeris: deinde, tibi studiorum summa reverentia, summus amor studiosorum: postremo, quod patriam tuam, omnesque qui nomen eius auxerunt, ut patriam ipsam, veneraris et diligis. Peto autem, ut pictorem quam diligentissimum adsumas. Nam quum est arduum similitudinem effingere ex vero, tum

XXVIII. • *Severus* fuit Veronensis; qui enim hic *municipes* eius nominantur, Veronenses traduntur fuisse. Ergo diversus est a Severo Comensi, ad quem III, epist. 6. Puto esse *Tatilius Severum*, de quo ad I, ep. 22. *L.* — Inscr. Rom. *Julio Severo. H.*

4. *T. Cassii.* Circa nomen et patriam huius Cassii nihil constitui potest. Coniecturas dabunt Cellarius et Corinius. *G.* — Gierigius existimat, intelligi posse Cassium Severum, Augusto aequalem, quem ab eloquentia laudant Senec. Controv. III, init. Plin. H. N. 7, 42; Quintil. iurprimis X, 4, 116, ubi tamen eius acerbilitatem improbat. Historiam ab eo scriptam

commemorat Sueton. Vesp. II; idem et passim cum Cornelio Nepote laudatur, ut Tertull. Apol. 10; Minuc. Fel. Oct. XXII; Lactant. Inst. I, 13. *E.* — Rom. *Cornelii Nepotis et Titi Cassii.* Deinde, *pingendasque deligere.* *H.* — *Exscribit* pictores imaginem, quum eam faciunt ad exemplar aliquod. Etenim *Scribere*, ad modum graeci *γράφειν*, etiam pingere significat. *L.* — *Delegat* qui alteri aliquid curandum mandat. *L.*

2. *Deinde, tibi.* Al. *deinde*, quia tibi. Quod verum puto. *S.*

3. *Ex vero.* Gierigius: ex animalis exemplo. Immo est, vere, re ipsa. Vid. Parei Lex. Crit. pag. 433, b. *S.* —

longe difficillima est imitationis imitatio. A qua, rogo, ut artificem, quem elegeris, ne in melius quidem, sinas aberrare. Vale.

*Difficillima imitationis imitatio.* Dum acumen querit Secundus noster, verum, puto, deserit. Novi ego mediocres pictores, qui magnorum pictorum opera satis felici penicillo imitentur, similitudinem certe vultuum ita adsequantur, ut nihil desiderare possis; naturam, quod illi magni homines potuere, consequi, et ex animati exemplo in mutam tabellam transferre veritatem non possint. Et nota sunt pictorum tircinia. G. — Ego ut non

negem, Plinium acumen quaesivisse, tamen et sententiae Plinianae veritas constabit, si teneas, hic maxime de similitudine, imaginis exprimenda quaeri. Notum autem est, quoties ex primo imaginis exemplo (*Original-Bild*) alia exscribantur (*Copie*), toties aliquid de similitudine detrahi, certe periculum esse, ne detrahatur. Hoc ergo sensu *difficillima imitationis imitatio*, scil. si similitudinem servari velis. E.

## XXIX.

*Poconium Romanum monet, ut ad iudicandum veniat, ne multam committat.*

C. PLINIUS ROMANO • SVO S.

Eia tu, quum proxime res agentur, quoquo modo ad iudicandum veni. Nihil est, quod in dextram aurem fiducia mei dormias: non impune cessatur. Ecce, <sup>2</sup> Licinius Nepos, praetor, acer et fortis vir, multam

XXIX. • Romano. Vtrum Romanus Pūnus intelligatur, an Poconius Romanus, non constat. Vterque contubernalis Plinii erat, uterque eques Romanus, uterque adeo iudicare poterat. L. — Inscr. Romanus MS. *Rumatio*. H.

4. Eia tu, etc. Rom. *Heia tu, quum proxime*. Deinde, *nihil quod*, sine est. H.

— *Indextram aurem*. Securus, non

solicitus sis. In proverbium abiisse ista formula videtur. E. — Alibi: dormire in utramvis aurem, ut Gracii, in ἀμφοτέρω ὠτῇ, s. omisso ὠτῇ, in ἀμφοτέρω, ἐπ' ἀμφοῦ καθεύδειν. Vid. Dorvill. Vann Crit. p. 233. s. *Dextram aurem*, dixit Plinius, quia nobilior est, et quia in eam partem dormire arctius, et commodius homines solent. • Forcellinus. S.

2. Praetor, acer et fortis vir, mul-

dixit etiam senatori. Egit ille in senatu caussam suam: egit autem sic, ut deprecaretur. Remissa est multa: <sup>3</sup> sed timuit, sed rogavit, sed opus venia fuit. Dices, *Non omnes praetores tam severi*. Falleris; nam vel instituere, vel reducere eiusmodi exemplum, non nisi severi; institutum, reductumve exercere, etiam lenissimi possunt.<sup>1</sup> Vale.

*tam. Rom. Praetor aocr et fortis multum. Non adest vir. H.*

*3. Non omnes praetores tam-severi.*

*VI multae nulli cessanti irrogatio motuenda sit. Ad hoc refertur Falleris.*

*S.*

### XXX.

*Miram naturam fontis in Comensi agro narrat, cuius caussam et ipse inquit, et inquirendam commendat; sed in illa explicanda frustra et misere desudat.*

C. PLINIVS LICINIO • SVO S.

Attuli tibi ex patria mea pro munusculo quaestio-

XXX. • *Licinius Sura*. Summa fide atque amicitia coniunctus Traiano, qui eum praefecit cohortibus praetorianis, defunctumque publicae sepultura atque statua posita honoravit. *L.* — *inscr. Rom. Surae. H.* — Pontis, de quo hic agitur, naturam explicuit magnus geometra, Segnerus, his verbis: a Vas cape quodlibet perforatum ad aliquam a fundo altitudinem, et si lubet, non longe a supremo margine per foramen siphonem transmittite, ita ut crus eius brevius intra vas, ad aliquam a fundo distantiam, pateat, longius extra illud habeatur, et foramen circa siphonem occlude. Adfluat deinde in vas aqua aequali celeritate. Assurget in vase pedetentim, donec

siphonem totum tegat, itaque eum replebit, ac iam aqua per siphonem effundetur. Quod si ergo siphonem fuerit structurae, ut eodem tempore plus aquae fundat, quam in vas accedit, decrescet pedetentim aquae altitudo, donec a siphone non amplius contingatur. Iam enim aëre repletus siphonem agere desinet, et aqua in vase assurget denuo, dum eae, quas iam diximus conditiones, redeant. Sicque, si adfluxus perpetuus fuerit, etiam alternis aquae in vase incrementa atque decrementsa absque fine redibunt. Sed aqua ex vase constanti tenore non effluet: quod ipsum tamen, si velis elicere, possis facile. Insculpe vasi, quod diximus, foramen aliud, circa

nem, altissima ista eruditione dignissimam. Fons oritur<sup>2</sup> in monte, per saxa decurrit, excipitur coenatiuncula manu facta: ibi paullulum retentus in Larium lacum decidit. Huius mira natura: ter in die, statis auctibus ac diminutionibus, crescit decrescitque. Cernitur id palam, et cum summa voluptate deprehenditur. Iuxta

fundum, quod, ubi aqua vasis summum tenet, minus tamen eius reddat, quam influit; ita tamen, ut, si aqua per siphonem et foramen coniunctim fluat, plus eius effluat, quam in vas eodem tempore influit: quod quia ratione obtineri possit, harum rerum periti facile perspicient: efficietur, ut, influente in vas aqua, primum per foramen circa fundum solum effluat: quod quum minus transmittat, quam adfluit, assurgat aquae in vase superficies, sed paulatim, si excessus eius, quod influit, supra id, quod effluit, parvus fuerit. Sed tamen siphonem tandem teget, efficietque, ut per eum quoque aqua fluat, eoque facto quum plus effluat, quam influit, descendet vicissim ea superficies, lente pariter, si siphon cum foramine ad fundum paullo tantum plus effluere patitur, quam in vas advenit. Si vas aquam ex priori effluentem excipiat, et retentam transmittat per foramen aliquod, aut rimam superne apertam, in isto aqua augebitur tum, quum in priori vase minuitur; minuetur, quum in priori augetur, siquae hic quoque, quae Plinius in fonte observat, omnia perfecte contingunt. Stata erunt augmenta imminutionesque, ad eandem surget aqua altitudinem, aequalibus absolverentur die nocteque temporibus, et pro diversa aquarum magnitudine, quocunque numero et tempore redire poterant periodi, ut rem leviter consideranti pateat. » L.

1. *Altissima*, etc. Non habent quidam libri pronomen *ista*. Concedo. Non posuit Plinius. Non pugnaverim. Non habet quod agat *ista*. Immo habet, significat enim eruditionem eius, ad quem scribitur, non minus quam si posuisset Plinius, *altissima eruditione tua dignissimam*. Nisi forte otiosum putamus in illo Cic. Phil. II, 25: » Tu istis faucibus, istis lateribus, ista gladiatoria totius corporis firmitate, tantum vini exhauseras, » G. — Rom. *Altissima ista eruditione dignissimam*. Cortio pronomen *ista* abundare visum; non item aliis. Subintellige *ista*, quae in te est. Cic. pro Rose. Amer. cap. LIII: » Homines sapientes et ista auctoritate et potestate praeditos, quae vos estis. » Adde a me dicta ad eandem orat. c. 7 pr. H. — *Altissima eruditio*: quam vulgo dicimus profundam, *tiefe Gelehrsamkeit*. Lucian. t. II, p. 312, τὴν πρῶτην βαθυ.

2. *Fons oritur*. Huius fontis etiam meministi Plin. H. N. II, 103. In Comensi agro iuxta Larium lacum fons largus horis singulis semper intumescit, ac residet. E. — Catan. eum narrat suo adhuc tempore naturam illam servasse, appellatunusque esse ab incolis *Plinianum*. L. — *Coenatiuncula*. Quam accolae sibi exstruendam curaverant, ut in convivio frigidissimae aquae recreatione fruerentur. Sed et aliud genus voluptatis mox Plinius commemorat. E.

recumbis et vesceris; atque etiam ex ipso fonte, nam est frigidissimus, potas: interim ille certis dimensisque momentis vel subtrahitur, vel adsurgit. Annulum, seu quid aliud, ponis in sicco, adluitur sensim, ac novissime operitur: detegitur rursus paullatimque deseritur: si diutius observes, utrumque iterum ac tertio videas. Spiritusne aliquis occultior os fontis et fauces modo laxat, modo includit, prout illatus occurrit, aut decedit expulsus? Quod in ampullis caeterisque generis eiusdem videmus accidere, quibus non hians, nec statim patens exitus. Nam illa quoque, quamquam prona et vergentia, per quasdam obluctantis animae moras crebris quasi singultibus sistunt, quod effundunt. An quae Oceano natura, fonti quoque? quaque

3. *Nam est frigidissima.* Rom. *Nam est frigidus.* H.

5. *Spiritus aliquis occultior.* Hic ventus esset, cuius ita statim et temporum vices servantis rationes reddere non facilius est, quam ipsius fluxus et refluxus. G. — *Modo includit, etc.* Rom. *Modo includit, aut in latius occurrit, aut decedit expulsus.* Lege *decedit.* H. Neque duplex aut displicet. Legerim igitur: «prout aut illatus occurrit, aut decedit expulsus. a S.

6. *Non hians.* Vt in lagenis nostris, collum longum et angustum habentibus. E.

— *Quamquam prona et vergentia.* Rom. *Quamquam prona atque urgentia.* H.

7. *Quae Oceano natura.* Obscurum, quid hic sit *natura.* Diseris aliquid, si ponas per occultos meatus et quasi cuniculos commeare ex ipso Oceano aquas. Sed deinde docendum etiam fuerit, quomodo salus non sit fons ille. Dicere forte possis effluentem in mare rivum subterraneum ab aestu

retineri, ut redundet circa fontem, quale quid in Albi, ut hoc utamur, sentiunt Hamburgenses. Et fateor hanc rationem, a qua non multum alludit ea, quae sequitur, maxime mihi aridere, si caetera conveniant nimirum. G. — Non adeo obscurum videtur, quid sit h. l. *natura*, nempe indoles, mos, vel id quod lege naturae accidit in Oceano. Nam fluxum et refluxum, qualis in Oceano est, vult cum illo fontis simili aestu et refluxu comparare. Itaque ne Plinio quidem in mentem venit, fontis illum aestum ex ipso Oceano derivare, cum quo fons cohaerere nullo modo poterat. Segneri de illo fluxu et refluxu sententia eo redit, siphonis cuiusdam a natura inter lapides et argillas subre-facti ope totum illud peractum fuisse. Vir doctus in Ephemer. lit. Jenens. a. 1802, n. 36, notat in suo Gesneri edito exemplari ab ignota manu haec adscripta ad hunc locum fuisse: «Similis fons est in Sabaudia 2 miliar. a Chambéry, haud procul a lacu Bourget, qui se-



ille ratione aut impellitur, aut resorbetur, hac modicus hic humor vicibus alternis opprimitur, vel egeritur? An ut flumina, quae in mare deferuntur,<sup>8</sup> adversantibus ventis, obvioque aestu retorquentur, ita est aliquid, quod huius fontis excursus (per momenta) repercutiat? An latentibus venis certa<sup>9</sup> mensura, quae dum colligit quod exhauserat, minor rivus est et pigrior; quum collegit, agilior maiorque profertur? An, nescio quod, libramentum abditum<sup>10</sup> et caecum, quod quum exinanitum est, suscitatur et elicit fontem: quum repletum, moratur et strangulat?

xies per singulas horas verno tempore, aestivo autem his, in summo aestu semel tantum fluit. Alius est in Helvetia in valle Hasli, de quo Scheuchzer in Itiner. I, p. 26. De illo vid. Keiser Itin. tom. I, p. 157, la Fontaine de Merveille. » E. — *Vicibus alternis*, etc. Rotm. *Vicibus alternis opprimitur erigiturque et egeritur*. Duplex lectio pro una: primam Cortius recepit, postremam plures retinuit, quae fortasse a prima manu fuit egeriturve. Nil ad hunc locum facit, quod *Ucranus erigi dicitur*, ubi *supprimitur* contrarium est, non *deprimitur*, nec significatio convenit. H.

8. (*Per momenta*.) Absuot quidem haec verba a bonis quibusdam libris: sed quum nulla causa, vel occasio fuerit inserendi, nuntioodi plures; malim ea servari. G.

9. *Latentibus venis*. Hic iterum quae- rendum supererit, cur venae per intervalla impleant mensuram et depleant, cur non potius, quantum supra mensuram addiuit, tantumdem re- dundet iisdem portionibus. G. — *Exhauiere*, effundere. L. — *Minor rivus est et pigrior*. Praestat Cortii,

*minor rivus et pigrior, scil. profertur.*

10. *Libramentum*. Hic non intelligo illud, quod in disciplina aquaeductuum proprie *libramentum* vocatur, nimirum, definiente illustrissimo Poleno ad Frontinum p. 25, 19, » mensura declivitatis plani, supra quod aqua ducitur » sed machinationem ei similem, quam in *claustris aquarum*, quae vocant, sive cataractis videmus, ubi, pro structurae diversitate, adfluens aqua sibi viam vel praeccludit, vel aperit. *Libramentum* ad versatilem quaecumque machinam referri posse, tum coniugata nominis ostendunt, tum locus Plinii maioris de theatro Scauri XXXVI, 15, seu 24, ubi *theatra duo memorat e ligno, cardinum singulorum versatili suspensa libramento*. Alia illa quaestio est, an commodè commentus sit Plinius tale in natura huius fontis libramentum; de quo equidem vehementer dubito. G. — Nos hodie talia nescire, non potest nobis turpe esse, fateri, quum ipsum Plinium additum illud *nescio quod* alicuius ignorationis suspectum reddat. E. — *Strangulat*, os et fauces fontis adstringit, impedit quominus aqua prorumpat. L.

PLIN. Ep. Tom. I

S

Scrutare tu causas (potes enim), quae tantum miraculum efficiunt. Mihi abunde est, si satis expressi, quod efficitur. Vale.

††. *Potes enim.* Cf. N. Heinsii adversus. pag. 225. Graecorum *δύναμις*

γὰρ. Vid. Jacobs ad Anthol. Gr. III, p. 1, 75. S.

## LIBER QVINTVS

## I.

*Narrat, quae, heres Gratillae factus, cum filio eius exheredato egerit. Res ipsa postulabat, ut tenuiter et ipso vitae communis sermone, sine ullo ornatu, traderetur.*

C. PLINIUS SEVERO \* SVO S.

**L**egatum mihi obvenit modicum, sed amplissimo gratius. Cur amplissimo gratius? Pomponia Gratilla, exheredato filio Assudio Curiano, heredem reliquerat me: dederat coheredes Sertorium Severum, praetorium virum, aliosque equites Romanos splendidos. Curianus orabat, ut sibi donarem portionem meam, seque praepiudicio iuvarem: eandem tacita conventionem salvam mihi pollicebatur. Respondere debam, non convenire moribus meis aliud palam,

1. \* De duobus Severis, ad quos noster epistolam scripsit, v. ad I, ep. 22, et IV, ep. 28. Nunc sine dubio, Veronensis intelligitur. L.

1. Cur amplissimo gratius? Plinianum esse, ita per interrogationem repetere dicta, ostendit Cortius ex III, 9, 2; VI, 2, 1, et XXIII, 1, itemque XXIX, 2. Igitur servanda Plinio interrogatio, licet in quibusdam libris desideretur. G. — Sic etiam Rom. bene. H.

— Aliosque equites Romanos splendidos. Rom. Aliosque splendidos equites

Rom. H. — Ita et Brummeri Excerpta. Placet hic ordo: sic enim Plinius VI, 15, 1: « Passienus Paullus, splendidus eques romanus; » VI, 25, 1: « Robustum, splendidum equitem Romanum. » manu Alii, ut Cicero, postponunt S.

2. Curianus filius orabat. Rom. Curianus orabat. Cortius quoque omissum nomen filius tacitus eiecit. H. — Deest item in Brummeri Excerptis. Bene. S. — Praepiudicio. Eo de moribus ipsius, et pietate inprimis, iudicio, quod alii deinde sequerentur. G.

aliud agere secreto : praeterea non esse satis honestum dare et locupleti et orbo : in summa , non profuturum ei , si donassem : profuturum , si cessissem : esse autem me paratum cedere , si inique exhereditatum mihi liqueret. Ad hoc ille, *Rogo cognoscas*. Cunctatus paululum , *Faciam*, inquam : *neque enim video , cur ipse me minorem putem , quam tibi videor*. Sed iam nunc memento non defuturam mihi constantiam , si ita fides duxerit , secundum matrem tuam pronuntiandi. *Vt voles*, ait : *voles enim , quod acq̃uissimum*.  
 5 Adhibui in consilium duos , quos tunc civitas nostra spectatissimos habuit, Corellium et Frontinum. His circumdatus in cubiculo meo sedi. Dixit Curianus , quae pro se putabat. Respondi paucis ego (neque enim aderat alius , qui defunctae pudorem tueretur), deinde secessi , et ex consilii sententia, *Videtur*, inquam, *Curiane , mater tua iustas habuisse causas irascendi tibi*. Post hoc ille cum caeteris subscripsit centumvirale iudicium , mecum non subscripsit. Appetebat iudicii  
 7 dies : coheredes mei componere et transigere cupie-

3. *Dare*. Cortius ex omnium Codicum fide *donare*. Nostrum quia auctoritate nitatur, nescio. Haud infrequens confusio horum verborum. Vid. Drakenb. ad Liv. II, 35, 5. S. — *Locupleti et orbo*. Quem proinde non sublevare donatione, quum sit dives; sed captare, quod liberos non haberet, videret. Vid. ad IV, 15, 3. G. — *Non profuturum ei*, etc. *Donare* enim liberalitatis; sed *cedere*, iustitiae studii et aequitatis, quae sola ad Curianum praesudicio iuvandum valere poterant. S. — *Mihi liqueret*. Iudiciale verbum, de certa scientia. Itaque statim Curianus ipsum iudicem constituit, et ut agnoscat velit. G.

4. *Minorem*. Minori magnitudi-

anini et constantia praeditum, ut noni possim vel contra meam utilitatem immerentem pronuntiare; vel invidiam incipere iudicii in rem meam facti, si mihi pateat, matrem recte de te indicasse. G.

6. *Pudorem*. Honorem mulieris sapientis, nec impiae, aut nimis certe durae. G. — *Mater tua*, etc. Rom. *Mater tua multas habuisse causas irascendi*. Sed potior est vulgata lectio *iustus*. II.

— *Subscripsit centumvirale iudicium*. Accusavit caeteros heredes, et repetiit ab iis hereditatem maternam contra tabulas. Vid. I, 20, 7. Phrasin totam esse insolentio-rem, monere interpretis; sententia quidem aperta. G.

bant: non dissidentia caussae, sed metu temporum. Verebantur, quod videbant multis accidisse, ne ex centumvirali iudicio capitis rei exirent. Et erant qui-<sup>8</sup> dam in illis, quibus obici et Gratillae amicitia et Rustici posset. Rogant me, ut cum Curiano loquar. Convenimus in aedem Concordiae. Ibi ego, *Si mater, in-*<sup>9</sup> *quam, te ex parte quarta scripsisset heredem, num queri posses? Quid si heredem quidem instituisset ex asse, sed legatis ita exhausisset, ut non amplius apud te, quam quarta, remaneret? Igitur sufficere tibi debet, si, exheredatus a matre, quartam partem ab heredibus eius accipias, quam tamen ego augebo. Scis te non sub-*<sup>10</sup> *scripsisse mecum, et iam biennium transisse, omniaque me usucepisse. Sed ut te coheredes mei tractabiliorem experiantur, utque tibi nihil abstulerit reverentia mei; offero pro mea parte tantundem.* Tuli fructum non conscientiae modo, verum etiam famae. Ille ergo Cu-<sup>11</sup> rianus legatum mihi reliquit: et factum meum, nisi forte blandior mihi, antiquum nobili honore signavit.

7. *Metu temporum*; Domitiani; cui quaelibet causa sufficeret ad poenam innocentis. Interfectus fuerat Rusticus, relegata uxor eius Gratilla, de cuius hereditate quaerebatur: invidiosa igitur heredibus amicitia talis, qua filio praeferebatur. G. — Rom. *Sed metu ipsorum temporum.* H.

8. *Et erant, etc.* Rom. *Et erant quidam ex illis.* Postea: *rogant ut cum Curiano.* H. — In Cæsariana legabatur quidem; negligentia, ni fallor, operarum. Itaque corresi. S.

9. *Instituisset ex asse.* Hoc ipsum altero capite legis Falcidiae iam Divi Augusti temporibus latae cautum fuit. Verba servavit Paulus Ictus, et ex illo Tribonianus l. 1, §, ad L. Falcidiam: «Quicumque civis Romanus post hanc legem rogatam testamentum

faciet, is quantum cuique civi Romano pecuniam iure publico dare legare volet, ius potestasque esto, dum ita detur legetur, ne minus quam quartam partem hereditatis eo testamento heredes capiant.» Itaque Vlpiano auctore l. 8, §, de inofficioso testam. §. 8: «Quarta debitae portionis sufficit ad excludendam querelam.» G.

10. *Biennium transisse.* Quod constitutum olim erat usucapioni, pr. Instit. h. t. G.

11. *Factum.... signavit.* Ita ex Mediceo libro Cortius. *Factum antiquum* est antiqua fide et religione administratum, *nobilis honor*, vel *notabilis* (utrumque enim legitur) est legatum testamento relictum, quod *honoris* nomine centies venit. G. — Hoc tamen longius petium videtur. *Honore*

- <sup>12</sup> Haec tibi scripsi, quia de omnibus, quae me vel delectant, vel angunt, non aliter tecum, quam mecum, loqui soleo: deinde, quod durum existimabam, te amantissimum mei fraudare voluptate, quam ipse capiebam. Neque enim sum tam sapiens, ut nihil mea intersit, an iis, quae honeste fecisse me credo, testificatio quaedam, et quasi praemium accedat. Vale.

signare haud dubie nihil est amplius, quam honorare. Sed nobilis honoris displicet. Notabilem, ut in aliis libris legitur, nunc magis ferrem. Si tamen illud retineamus, nobilis honor erit is, qui nobili ex animo, et honestatis sensu ducto, tribuitur. E. — Röm. Antiquorum notabili more. II.

<sup>13</sup> Tam sapiens. Nempe severissimae sapientiae est ex honeste agendo

nullum praemium expectare. Plinius ita sentire negat, non quidem serio, sed ludens apud amicum, qui ipsum intelligeret. Et ipsum praemium nunc honestum est. E. — Non ludit Plinius apud amicum, sed serio agit: tot tam clara φιλοδοξίας eius exempla exstant. S. — Rom. Neque enim non tam sapiens, quod nihil mea intersit. Nusquam antea prius scriptum. II.

## II.

*Gratias agit pro turdis acceptis, et se ineunde doctaeque excusat, quod huic muneri non respondeat simili dono.*

C. PLINIVS FLACCO \* SVO S.

Accepi pulcherrimos turdos, cum quibus parem calculum ponere, nec ullis copiis ex Laurentino, nec  
<sup>2</sup> maris tam turbidis tempestatibus possuim. Recipies

II. \* *Ammius Flaccus* Senator occurrit IX, ep. 13, 13. L.

1. *Turdos*. Non aves, sed pisces lupis similes. Sic *Quiutil.* VIII, 2, 7, soleas et turdos pisces iungit. E. — Vid. *Schneider. Histor. Pisc. pag.*

171 sq. S. — *Nec ullis copiis ex Laurentino.* Rom. *Nec ullis copiis ex Laurentino.* Non mutandum erat. Dolet, se paria facere non posse, nec urbis copiis, scilicet ex *Laurentino*, in quod tum erat, quam turdos acciperet, nec

ergo epistolas steriles, et simpliciter ingratas, ac ne illam quidem solertiam Diomedis in permutando munere inuitantes. Sed, quae facilitas tua, hoc magis dabis veniam, quod se non mereri fatentur. Vale.

*maris copiis, tam turbidis tempestatibus, quibus piscari non licebat. Significat ergo, se non ex urbe, sed ex Laurentina villa scribere, quae, si non mediterraneis. urbanis tamen copiis utique destituebatur. Copias urbanas legas etiam lib. VI, ep. 28. H.*

2. *Simpliciter ingratas* Ingenue professas, se nihil habere, quo gratias

referant. *G. — Solertiam Diomedis.* Qui perfecit, ut sibi permutaret Glaucus χρῶσται χαλασίῳν, ἐνατόμβῳ, ἐναεσθῶν. II. ζ, 236. *G. —* Hinc duo proverbialia nata sunt, *solertia Diomedis et avara pro acutis.* Id est, magna pro parvis. Vid. Cic. Attic. VI. *L. — Quod... fatentur.* Quod ita modestae sunt, ut fateantur se veniam non mereri. *E.*

## III.

*Reprehensus quorundam sermonibus, quod versus lasciviores scribat recitetque, se aliorum exemplo tuetur.*

C. PLINIVS ARISTONI • SVO S.

Quum plurima officia tua mihi grata et iucunda sunt, tum vel maxime, quod me celandum non putasti, fuisse apud te de versiculis meis multum copiosumque sermonem, eumque diversitate iudiciorum longius processisse: exstitisse etiam quosdam, qui scripta quidem ipsa non improbarent, me tamen amice simpliciterque reprehenderent, quod haec scriberem recitareque. Quibus ego, ut augeam meam culpam, ita respondeo: Facio nonnunquam versiculos, severos parum; facio comoedias, et audio; et specto mimos, et ly-

III. \* Est hand dubie Titus Aristo quem auctor ipse I, ep. 22, satis descripsit, et cui VIII, ep. 14, quaestio-  
-em quamdam senatoriam proposuit

explicandam. In Digestis Salvius Aristo occurrit. *L.*

2. *Facio nonnunquam, etc.* Rom.  
\* Facio nonnunquam versiculos, se-

- ricos lego, et Sotadicos intelligo; aliquando praeterea rideo, iocor, ludo; utque omnia innoxiae remissionis  
 3 genera breviter amplectar, homo sum. Nec vero moleste fero, hanc esse de moribus meis existimationem, ut, qui nesciunt, talia doctissimos, gravissimos, sanctissimos homines scriptitasse, me scribere mirentur.  
 4 Ab illis autem, quibus notum est, quos quantosque auctores sequar, facile impetrari posse confido, ut errare me, sed cum illis, sinant, quorum non seria modo, verum etiam lusus exprimere, laudabile est.  
 5 An ego verear (neminem viventium, ne quam in speciem adulationis incidam, nominabo) sed ego verear, ne me non satis deceat, quod decuit M. Tullium, Caium Calvum, Asinium Pollionem, Marcum Messallam, Quintum Hortensium, M. Brutum, L. Sullam,

veros parum, facio et comoedias, audio et spectro mimos, et lyricos lego. » Hactenus melius, quam vulgo: sequitur vero et *satiricos intelligo*, quod magno consensu omnes hodie dominant, quum in aliis quoque reperitum fuerit, pluresque *Socraticos* habeant, nullus *Sotadicos* Satirae quam *protervae* fuerint, nisi exempla docebunt, Horatius testis erit epist. ad Pisones v. 221 ad 233. *H.* — Nec mihi displicet *satiricos*, cui etiam *verbum intelligo* videtur patrocinari. *S.* — *Minis*, qui lasciviores etiam erant *Atellani*, mirum in modum delectabantur Romani. *L.* — *Sotadicos*. Ostendit hic Plinius, se magistro iam liberum, et parum curare Quintilianum suum praeceptorem, qui de *Sotadeis*, inquit, obscenis nimirum impurisque carminibus, *ne praecepit quidem est*; 1, 8, 6. *G.* — *Sotadici* aut, ut Quintilianus scribit, *Sotadei*, nomen habent a Sotade poeta, atque ita compositi erant, ut

duas syllabas longas exciperent duae breves. Retro autem lecti sensum habebant lascivum. *L.*

3. *Hanc esse de moribus*. Id ipsum, quod mirantur homines, versus parum severos a Plinio scribi, indicat, illos bene alioqui de illo existimare, et virum gravem putare, a quo leve ita scripturae genus non expectarent. *G.*

5. *M. Tullium*. Texi hic catalogum poetarum satis longum, qui longae disputationi materiam praebere possit. Sed praestat, credo, hic nihil dicere, et rem integram relinquere, si quis Vossianum de poetis opus, proutum et imperfectum, retractare velit. *G.* — De *C. Calvo* oratore v. ad 1, epist. 2, 2. Sed et carmina scripsit lasciva, ut Catullus, quo familiariter utebatur. *L.* — *C. Asinius Pollio* et *Marcus Valerius Messalla*, Augusti gratia florentes, dignitate, eloquentia rebusque gestis conspicui. *L.* — *Q. Hortensium*. Invenusta iudicabantur eius carmina.



Q. Catulum, Quintum Scaevolam, Ser. Sulpicium, Varronem, Torquatum (immo Torquatos), C. Memmium, Lentulum, Gaetulicum, Annaeum Senecam, et proxime Verginium Rufum, et, si non sufficiunt exempla privata, divum Iulium, divum Augustum, divum Nervam, T. Caesarem? Neronem enim transeo, 6 quamvis sciam, non corrumpi in deterius, quae aliquando etiam a malis; sed honesta manere, quae saepius a bonis fiunt. Inter quos vel praecipue numerandus est P. Virgilius, Corn. Nepos, et prius Ennius Acciusque. Non quidem hi senatores: sed sanctitas 7 morum non distat ordinibus. Recito tamen: quod illi an fecerint, nescio. Etiam. Sed illi iudicio suo pote-

*L. — Scaevola Pontifex M. ingenio et iustitia praestantissimus. L. — Sulpicii, oratoris acumine excellentis, poema praeire dixit Ausonius propter lasciviam. L. — Varronis elogium existat ap. Cic. acad. I, 3; ubi etiam varium eius et elegans omni fere numero poema commemoratur. L. — Torquatos, nempe L. Torquatum, a. u. 689 consulem, in dicendo elegantem et prudentem, eiusque filium L. Torq. Epicureum. L. — C. Memmium non mirum est versibus parum pudicis mores suos lassum esse. Stupravit enim Lentuli et Pompeii uxores. L. — Gaetulicus historicus et poeta cui Caligula favebat. Nonnulla epigrammata eius existant in anthol. Graec. L. — Caeterum de Augusti facilitate poetica vid. Suet. LXXXV. De Nerva Martial. VIII, 70. De Tito Petrop. VII, 14, et Sueton. III. De Nerone Suet. LII. Sed hunc se transire dicit, quia nunc non nisi de bonis et sanctis quaestio erat. E. — T. Caesarem. Divum puto excidisse. Nam dicitur coelo Donitianus Titum, Pannegyr. XI init. Ibid. cap. XXXV, 4,*

*divus Titus; ubi item divus in nonnullis libris deest. S.*

6. *Quae aliquando etiam a malis. Rom. Quae etiam a malis aliquando. Sequitur, vel praecipue numerandus P. Virgilius, sine verbo est. II.*

— *Non distat ordinibus.* Non uni tantum ordini adstricta est, sed omnibus communis esse debet. E.

7. *Recito tamen.* Restituit hunc locum Curtius. Nos declarare conabimur. Duo crimina sunt, quibus respondet Plinius: unum, quod scribitur crimina obscena; alterum, quod recitat. Priori satisfecisse se putat auctoribus laudatis: iam transit ad alterum. *Recito tamen, etc.* Illud etiam est concedentis, quod obiectum fuit. Quoties ita usus sit Plinius, docet index. G. — Ergo sensus est: concedam, illos non recitasse. E. — Rom. *Quod illi an etiam fecerint, uratio: sed illi iudicio suo.* Postea: *mibi modestior constantio est.* Vid. ep. XIII, 4. H. — Vtrumque placet. Prius habent etiam Brummeri excerpta. Posterius in omnibus legitur li-

rant esse contenti: mihi modestior conscientia est, quam ut satis absolutum putem, quod a me probetur.  
 8 Itaque has recitandi causas sequor: primum, quod ipse, qui recitat, aliquanto acrius scriptis suis, auditorum reverentia, intendit: deinde, quod, de quibus  
 9 dubitat, quasi ex consilii sententia statuit. Multa etiam a multis admonetur: et, si non admoneatur, quid quisque sentiat, perspicit ex vultu, oculis, nutu, manu, murmure, silentio; quae satis apertis notis iudicium  
 10 ab humanitate discernunt. Atque adeo, si cui forte eorum, qui interfuerunt, curae fuerit eadem illa legere, intelliget me quaedam aut commutasse, aut praeterisse, fortasse etiam ex suo iudicio, quamvis ipse  
 11 nihil dixerit mihi. Atque haec ita disputo, quasi populum in auditorium, non in cubiculum amicos advocarim, quos plures habere, multis gloriosum, reprehensioni nemini fuit. Vale.

bris, nec debebat Casauboni coniecturae loco cadere. S.

8. *Scriptis suis.....intendit.* VIII, 19, 2: « si quando, nunc intende libro, quem cum hac epistola accipies; quia vereor, ne ipse, ut tristis, parum intenderim. » S.

9. *Et, si non.....murmure.* Sic et

Rem. II. — *Iudicium....discernunt.* satis perspicere ostendunt, quid iudicent auditores etiam illi, qui humanitatis causa iudicium suum aperte non dixissent. E.

11. *Atque ita hoc disputo.* Praestat Cortii et Gierigii *Atque haec ita disputo.* S.

## IV.

*Avaritiam Nominati enussidici notat, qui Vicentinos, a quibus grandem pecuniam acceperat, fefellit. Vir alia Plinii ep. ita sermonem coram et subito aliquid narrantis expresserit, ut haec.*

C. PLINIUS VALERIANO • SVO S.

Res parva, sed initium non parvae. Vir praetorius Solers a senatu petiit, ut sibi instituere in agris suis nundinas permetteretur: contradixerunt Vicentinorum legati: adfuit Tuscilius Nominatus: dilata caussa est. Alio senatu Vicentini sine avvocato intraverunt: dixerunt, se deceptos. Lapsine verbo, an quia ita sentiebant? Interrogati a Nepote praetore, quem docuissent, responderunt, quem prius. Interrogati, an tunc gratis adfuisset, responderunt, sex millibus nummum: an rursus aliquid dedissent, dixerunt, mille denarios. Nepos postulavit, ut Nominatus induceretur. Hactenus illo die. Sed, quantum auguror, longius res procedet. Nam pleraque tacta tantum et omnino com-

IV. • Valeriano scripsit et II, ep. 45. L.

4. *Sed initium non parvae.* Rom. *Sed initium non parvum*, male cum aliis. H.

— *Vt sibi instituere*, etc. Sueton. Claud. XII: «Ius nundinarum in privata praedia a consulibus petiit.» S. — *Vicentia* aut *Vincentia* urbs Transpadana in Venetorum finibus, cuius incolae et Vicentini et Vincentiui dicuntur. L. — *Tuscilius Nominatus*. Ita etiam Rom. H.

2. *Alio senatu.* Senatorum consessu. Plinius II, 14, 10: «Dilata res est in proximum senatum.» Sueton.

Claud. XXVI: «subornavit proximo senatu, qui censerent, etc.» S. — *Se deceptos*. Destitutos ab avvocato, qui secum se intraturum recepisset. Vid. V, 14, 2. Quaerit Plinius, cur usi sint hoc verbo, *se deceptos*, stultione ita grave verbum adhibuerint, an lapsi errore, quum se destitutos vellent dicere. G.

— *Quem docuissent*. Causam suam, ut ille eam deinde in senatu ageret. G.

3. *Et omnino commota*. Quantumvis leviter commota, ut nihil aliud, nisi commota esse dici possit. Sanitas loci huius Schellero debetur, cuius conie-

<sup>4</sup> mota, latissime serpunt. Erexī aures tuas. Quam diu nunc oportet quam blande roges, ut reliqua cognoscas! si tamen non ante haec ipsa veneris Romam, spectatorque malueris esse, quam lector. Vale.

eturam (qua tacita in tacta mutavit) bene est, quod recepit Cortius: et omnino ex libris est. G. — Rom. » Nam pleraque tacita tantum et omnino commota. » H.

4. Quam, valde admodum. L. — *Vt reliqua cognoscas.* Cui longum est exspectare, adeat V, 44, ubi exitus

narratur. G. — Caeterum hic omnis locus non satis videtur emendatus. Putavi aliquando sensum hac interpolatione iuvare posse: » Erexī aures tuas, quam diu nunc oportet; quam blande roges, ut, etc. » E. — Fallitur vir doctissimus. Locus, ut nunc interpolationis est, optime habet. S.

## V.

*Fannii obitum luget tum ob alias causas, tum maxime, quod opus de sceleribus Neronis imperfectum reliquerat.*

C. PLINII MAXIMO • SVO S.

Nuntiatum mihi est, C. Fannium decessisse; qui nuntius gravi me dolore confudit; primum, quod anavi hominem elegantem et disertum; deinde, quod iudicio eius uti solebam. Erat enim natura acutus, usu exercitatus, varietate promptissimus. Angit me super ista, casus ipsius. Decessit veteri testamento: omisit, quos<sup>2</sup> maxime diligebat: prosequutus est, quibus offensior erat. Sed hoc utcumque tolerabile: gravius illud,

V. \* De Maximo v. ad II, epist. 44. L.

4. Nuntiatum mihi, etc. Rom. Nuntiatum mihi, C. Fannium, Deinde tamen confudit, ubi alii confudit. H.

— Elegantem et disertum. Sic et Rom. Sequitur varietate promptissimus. H.

— Varietate promptissimus. Ita mul-

tarum rerum scientia imbutus, ut prompte de omnibus iudicare et consilium dare posset. Conf. lib. I, ep. 22, 2. E.

2. Prosequutus est quibus offensior erat. Scilicet legatis vel partibus hereditatis. Plene Sueton. Claud. VI: » Legato etiam circa sesterium vices prosequutus. » S.

quod pulcherrimum opus imperfectum reliquit. Quamvis enim agendis caussis distringeretur, scribebat tamen exitus occisorum aut relegatorum a Nerone: et iam tres libros absolverat, subtiles, et diligentes, et Latinos, atque inter sermonem historiamque medios. Ac tanto magis reliquos perficere cupiebat, quanto frequentius hi lectitabantur. Mihi autem videtur acerba semper et immatura mors eorum, qui immortale aliquid parant. Nam qui voluptatibus dediti quasi in diem vivunt, vivendi caussas quotidie finiunt: qui vero posteros cogitant, et memoriam sui extendunt, his nulla mors non repentina est, ut quae semper inchoatum aliquid abrumpat. Caius quidem Fannius, quod accidit, multo ante praesensit. Visus est sibi per nocturnam quietem iacere in lectulo suo compositus in habitum studentis; habere ante se scrinium ita, ut solebat: mox imaginatus est venisse Neronem, in toro rese-

3. *Inter sermonem historiamque.* De qua differentia vid. Noster V, 8, 9 sq. G.

4. *Acerba.* Proprio hic sensu ponitur, quod arguit adiunctum immatura, et post sequens repentina. Aus. Far. XIV, 12: *Iulole maturus, funere acerbus obis.* Quod expressum ad Virgilianum: *funere morsit acerbo.* Graecorum ἀσπὸς θάνατος, πρόσπὸς μῆρας.

— *Quasi in diem vivunt.* Hanc formulam commodissime interpretatur Columella III, 3, 6: *Fructum plerique quam uberrimum consuecuntur, nec provident futuro tempore, sed quasi plane in diem vivant, sic imperant vitibus et eas multis palmitibus onerant, ut posteritati non consulant.* G. — *Vivendi caussas quotidie finiunt.* Nulla causa est, cur non quotidie moriantur. Pessime explicat Catanaeus. S. — *Et quae semper,* etc. Rom. *Et quae*

*semper inchoatum aliquid abrumpat.* H. — De hac scriptura, quam cave pro vitiosa habeas, vid. Casaub. et Burmann. ad Sueton. Caes. cap. XLVI, pag. 107 sq. S.

5. *In lectulo suo.* Notum est, in lectis vel lecticiis iacentes non cibum modo cepisse, verum etiam studuisse. Multa ad Augusti lecticulam lucubrationum, Sueton. c. LXXVIII, Casaubonus. G. — *Compositus in habitum studentis.* Rom. *compositus in habitu studentis.* Sic Aldus etiam. H. — *Ita, ut solebat.* Sic et Rom. Ald. *Sic solebat.* H. — Neque hoc ferendum, nec quod Curtius adiecit, *ita solebat.* Indicaret id, proprium fuisse morem Fannii, habere ante scrinium, quoties in lectulo lucubratorio iaceret. Is vero mos communis fuit omnium, qui in lecto recumbentes legereant, aut scriberent. S. — *Mox imaginatus*

disse, promississe primum librum, quem de sceleribus eius ediderat, eumque ad extremum revolvisse, idem  
 6 in secundo ac tertio fecisse, tunc abiisse. Expavit; et sic interpretatus est, tanquam ibi sibi futurus esset scri-  
 7 bendi finis, qui fuisset illi legendi: et fuit idem. Quod me recordantem miseratio subit, quantum vigiliarum, quantum laboris exhauserit frustra. Occursant animo mea mortalitas, mea scripta. Nec dubito, te quoque eadem cogitatione terreri pro istis, quae inter manus  
 8 habes. Proinde, dum suppetit vita, enitamur, ut mors quam paucissima, quae abolere possit, inveniat. Vale.

*est venisse. Rom. Mox imaginatus venisse. H. — In toro resedisse. Sic et Rom. deinde revolvisse. H. — Bonum revolvisse. Frustra praefert Cortius evolvisse. Livius XXXIV, 5, 7: Tuas adversus te Origines revolvam. S. —*

*Revolvere librum dici potest, qui eum antea convolutum rursus evoluit. Et frequentabat Pl. aetas verba ex re composita. L.*

*7. Quae. Libros in Plantam, de quibus lib. IX, epist. 4. E.*

• •

## VI.

*Apollinari, qui Plinio, in Tuscis aetatem acturo, timuerat, et salubritatem huius villae, et commoditatem exponit.*

C. PLINIUS APOLLINARI • SVO S.

- \* **A**mavi curam et sollicitudinem tuam, quod, quum audisses me aestate Tuscos meos petiturum, ne facerem suasisti, dum putas insalubres. Et sane gravis et pestilens ora Tuscorum, quae per litus extenditur. Sed hi procul a mari recesserunt: quin etiam Apen-

VI. \* De *Apollinari* v. ad II, ep. 9. L. — Habet haec epistola elegantem villae in Tuscis Plinianae descriptionem, de qua eadem hic dicta intelligi volumus, quae supra ad Laurentinam II, 47, observata sunt. Non difficile esset hic etiam ire per singula, et quantum Felibenius, quantum Castellus, a verbis et sententia Plinii aberraverint, ostendere. Sed quum pictorem et chalcographum vix admittat haec editio, nec multum referat aliorum errores redarguere, nisi meliora ipse substituas: satis in praesentia fuerit, novum quasi opus nuntiassse viris aliquin elegantissimis, ne illorum aedificationes Plinianis epistolis in posterum officiant. Caeterum video recusum esse Felibonii opusculum hoc titulo: *Délices des maisons de campagne appelées la Laurentin et la maison de Toscane*. Amst. 1736, 12. Et Plinii et Felibonii mentio fraude nescio cuius omissa. G. — Theodisce verit et interpretatus est A. Rode in vernacula Vitruvii versione T. II, p. 51 sqq. S.

1. *Amavi curam et sollicitudinem tuam.* Cicero ep. 9, 16 init. «Delectaverunt me tuae literae: in quibus primum amavi amorem tuum, qui, etc.» ubi vide Cortium. S. — *Quod, quum audisses.* Rom. *Qui quum audisses:* Ald. *quod quum.* H. — Praefero qui ut exquisitis. Cicero ep. I, 9, 34: «Illud quidem certe nostrum consilium iure laudandum est, qui necos cives... servis armatis obici noluimus.» Vid. ibi Cortium. S.

2. *Et sane gravis.* Non opus est Cortii conjectura uti, *est sane*, etc. Nam et simili modo Plinius II, 47, 25: *Et omnino horis illius mira natura.* Sed offendere possit, *ora, quae per litus extenditur*, tanquam admodum pleonastice dictum. Nonne aptius esset, si legeretur, *gravis et pestilens aura Tuscorum, quae litus extenditur?* Haec acuta conjectura est viri docti, qui in Ephem. lit. lenens. hunc locum in censura edit. Gierig. traelaverat. E. — *Est sane* Cortiana in textu habet, nihil in notis monens de lectionis varietate. Caetera noli tendere. Nullus

nino, saluberrimo montium, subiacent. Atque adeo,  
 ut omnem pro me metum ponas, accipe temperiem  
 caeli, regionis situm, villae amoenitatem: quae et  
 tibi auditu, et mihi relatu iucunda erunt. Caelum est  
 hieme frigidum et gelidum: myrtos, oleas, quaeque  
 alia assiduo tepore laetantur, aspernatur ac respuit:  
 laurum tamen patitur, atque etiam nitidissimam pro-  
 fert: interdum, sed non saepius quam sub urbe no-  
 stra, necat. Aestatis mira clementia. Semper aër spi-  
 ritu aliquo movetur: frequentius tamen auras, quam  
 ventos habet. Hinc senes multos videas, avos proa-  
 vosque iam iuvenum; audias fabulas veteres sermones-  
 que maiorum: quumque veneris illo, putes alio te sae-  
 culo natum. Regionis forma pulcherrima. Imaginare  
 amphitheatrum aliquod immensum; et quale sola re-  
 rum natura possit effingere. Lata et diffusa planities  
 montibus cingitur: montes summa sui parte procera  
 nemora et antiqua habent. Frequens ibi et varia

hic pleonasmus. *Ora* enim et *litus* non sunt synonyma, sed illud quid-  
 dam amplius, omninoque terminum,  
 extremitatem, ἐσχάτον, indicat.  
 Ponsponius Mela prooem. *deinde rur-*  
*us oras omnium et litora* (expediam).  
 Vbi vid. interp. inprimis Ciceroniam.  
 Cicero de Nat. D. II, 39, *quae anae-*  
*mitates orarum et litorum?* Aegid. For-  
 cellinus: «Ora differt a litore, quin  
 ora latius patet: quia est alicubi ora,  
 ubi tanquam litus non est.» S.

4. *Quaeque alia*, etc. Rom. *Quae-*  
*que alia arativo tempore* (lege tepore)  
*laetantur, aspernatur, et respuit.* H. —  
*Atque etiam nitidissimam profert.* Sic  
 et Rom. II.

5. *Aër...movetur.* Sic et Rom. H.  
 — *Auras...ventos.* *Aura* aër lenis,  
 inprimis a mari spirans Euripid. Hec.  
 413, αὔρα πνευμάτων, ubi Schol. αὔρα,

ἢ εἰς ὕγρου ἐκπεσμένη πνοή. Aristot-  
 oteles de mundo c. IV, p. 88 ed. Vulc.  
 τὰ δὲ ἐν αἵρᾳ πνεύματα πνέματα, κα-  
 λούμενα αἰέματα: αὔρας δὲ, τὰς εἰς  
 ὕγρου μεταβάλλας ἐκπνοάς. S. — *Spi-*  
*ritus* nomen generis, cui species sunt,  
*ventus*, vehementior aëris motus, et  
*aura*, aër leniter fluens. L.

6. *Hinc senes multos*, etc. Rom.  
 «Hinc senes multos videas avos pro-  
 avosque. Iam invenum audias fabu-  
 las.» Interpunctionis huius vitium  
 merito correxit Casaubonus: verba  
 ipsa mutari nihil necesse est. H. —  
*Quumque veneris illo*, etc. Rom. *Quum*  
*veneris illo, putes te alio saeculo na-*  
*tum.* II.

8. *Procera nemora et antiqua ha-*  
*bent.* *Caeduis* silvis opponuntur *anti-*  
*quae*, quibus vel ob religionem ali-  
 quam parciatur, vel quod remotiores



venatio: inde caeduae silvae cum ipso monte descendunt: has inter pingues terraeque colles (neque enim facile unquam saxum, etiam si quaeratur, occurrit) planissimis campis fertilitate non cedunt, opimamque messem serius tantum, sed non minus percoquunt. Sub his per latus omne vineae porriguntur, unamque faciem longe lateque contexunt; quarum a fine imoque quasi margine arbusta nascuntur. Prata inde, campique. Campi, quos non nisi ingentes boves et fortissima aratra perfringunt. Tantis glebis tenacissimum solum, quum primum prosecatur, adsurgit, ut nono demum sulco perdometur. Prata florida et gemmea, trifolium, aliasque herbas, teneras semper et molles, et quasi novas alunt. Cuncta enim perennibus rivis nutriuntur: sed ubi aquae plurimum, palus nulla; quia devexa terra, quidquid liquoris accepit, nec absorbit, effundit in Tiberim. Medios ille agros secat, navium patiens, omnesque fruges devehit in urbem, hieme duntaxat et vere; aestate submittitur, immensique fluminis nomen arenti alveo

sunt ab habitaculis hominum. *G.*

8. *Venatio ipsae ferae. L.* — *Inde caeduae silvae, etc.* Rom. *Inde crebrae silvae cum monte ipso descendunt. H.* — *Sensus, qui Barthium fefellit:* « quia mons descendit, caeduae silvae sunt. » De silvis caeduis vid. Schneider. ad Caton. p. 47. *S.*

10. *Tantis glebis, etc.* Rom. *Tantis glebis tenacissimum solum, quum prosecatur, adsurgit.* Deest primum. *H.* — *No nono demum sulco.* Incredibile videatur nona demum aratione in pulverem redigi terram, et esse, qui tantum laboris impendant agro ita difficili. Sed eadem tradit avunculus Nostri XVIII, 20, s. 49, n. 3. Vtrumque igitur Plinium advocavimus nuper ad

Colum. II, 4, 2, ubi complures et ipse iterationes postulat. *G.* — Rom. *Vt demum nono sulco perdometur. H.*

11. *Teneras semper et molles.* Rom. *Teneras semperque molles. H.*

12. *Medios ille agros secat.* Sic et Rom. Extrema hac periodo, *resumit*, barbare. *H.* — *Ducangius:* « *Resumere* vox nota Plinio atque etiamnum Italis in usu. » Notam Plinio non dixerim, malimque cum Hensingero pro barbara habere. *S.* — *Aestate submittitur.* Hoc est, subsidit, humilior multum fit ripis suis et marginibus, ut nec nomen magni fluminis iam tueatur, sed potius deserat. *G.* — *Nomen deserit atque resumit* tanquam persona. *L.*

- 43 deserit, auctumno resumit. Magnam capies voluptatem, si hunc regionis situm ex monte prospexeris. Neque enim terras tibi, sed formam aliquam, ad eximiam pulchritudinem pictam, videberis cernere. Ea varietate, ea descriptione, quocumque inciderint  
 44 oculi, reficiuntur. Villa in colle imo sita prospicit quasi ex summo: ita leniter et sensim clivo fallente consurgit, ut, quum adscendere non putes, sentias adscendisse. A tergo Apenninum, sed longius habet. Accipit ab hoc auras quamlibet sereno et placido die, non tamen acres et immodicas, sed spatio ipso lassas  
 45 et infractas. Magna sui parte meridiem spectat, aestivumque solem ab hora sexta, hibernum aliquanto maturius, quasi invitat in porticum latam, et pro modo longam. Multa in hac membra; atrium etiam ex  
 46 more veterum. Ante porticum xystus concisus in

43. *Formam . . . pictam.* Picturam, in qua artifex formam seu ideam pulchrae regionis animo conceptam proposuerit: quod genus hodie vocamus *Landschaften*, Galli *payssages*. Antiquum id genus picturae apud Romanos etiam. Sic, « situm Carthaginiis et expugnationes depictas proponit in foro Hostilius Mancinus » apud Plin. XXXV, 4 s. 7. *Formam* et *situm* in tali re iungit Horatius epist. I, 46, 4. *G.*

— *Quocumque inciderint oculi, reficiuntur.* Ita et Rom. *H.*

44. *In colle imo sita.* Cave *sita* iungas cum *villa*. Nec enim villa *sita* est in imo colle; sed ea quae *sita* sunt in imo colle quasi prospicit ex summo. *G.* — Vereor tamen, ne Plinius, dum acute dicere volebat, obscurus factus sit. Poterat nempe et hoc velle: villa (quae universe sumpta cum suis hortis ab imo colle usque ad summum attollebatur) quamvis in colle imo

sita est, tamen prospectum quasi ex summo aderit, etc. *E.* — Ita *leniter* et *sensim*. Rom. « ita leviter et sensim. » « Proxime, quum ascendere te non putes. » « Tum, spatio ipso lassas. » *H.*

45. *Ab hora sexta.* Hoc est, post horam sextam. Hoc docent ea quae sequuntur. Illud enim *aliquanto maturius* ad ipsum meridiem refero. Hieme sol in meridiano constitutus aliquanto humilior est, ut nihil obstante tecto et proiectis porticus eam intus illustrare possit; aestate altior, ut eundem non perveniat, nisi post aliquam in occasum declinationem. *G.* — *Hibernum aliquanto.* Rom. *Hiberno aliquanto.* Male. *H.* — *Invit.* ingeniose, quia radii solis paulatim incidunt, quasi invitationem expectarent. *L.* — *In porticum.* Sic et Rom. *H.* — *Prominulam Cortii* et Gierigii agnoscit etiam Forcel. *S.*

46. *Xystus . . . distinctusque.* Sic

plurimas species, distinctusque buxo; demissus inde pronusque pulvinus, cui bestiarum effigies invicem adversas buxus inscripsit. Acanthus in plano mollis, et, paene dixerim, liquidus. Ambit hunc ambulatio 17 pressis varieque tonsis viridibus inclusa: ab his gestatio in modum circi, quae buxum multiformem, humilesque et retentas manu arbusculas circumit. Omnia maceria muniuntur; hanc gradata buxus operit et subtrahit. Pratum inde non minus natura, quam 18 superiora illa arte, visendum: campi deinde porro, multaue alia prata et arbusta. A capite porticus triclinium excurrit: valvis xystum desinentem, et protinus pratum, multumque ruris, videt fenestris.

et Rom. *H.* — *Paene dixerim.* Opus omnino fuit, audax epitheton, et herbae via aptum, ista adiectione excusare et reddere tolerabilius. Vult autem hoc iudicare, nihil durum, aut spinosum (est enim etiam acanthus silvestris, vim nominis sui, quod spinus notat, inapens) nihil emarcidum, nihil pedius, manibus, oculisque molestum, acantho hinc admixtum esse. *G.* — Commodè Gierigius contulit ὕψος ἀκκρόθεν Theocr. Idyll. I, 55, qui idem seu 36, *lubricus.* *E.*

17. *Ambulatio . . . gestatio.* Has ita distinguunt, ut illa nostro ein *Hekengang*, haec nostro ein *Baumgang* respondeat. *E.* — *Pressis . . . viridibus.* Proprium rei hortensi et vinitoriae verbum, quo notatur subinde tondendo et iis quae succrescunt amputandis intra certum modum continere plantam. Praeivit poeta Georg. I, 157: «Ruris opaci Falce premes umbras». *G.* — *Retentis manu.* Ab incremento nimio tonsura frequentis et putatione *retentas* et impeditas hominum opera. Sic recte legit et inter-

pretatur Cortius. *Retensas* quod habent alii, bonum esset, nisi illud *manu* adiectum ineptum paene faciat Plinium. *Retentae* dici possunt quaecunque etiam alia causa arbusculae, ut non sit otiosum *manu* qui *retensas* dixit, *manu* adiacere nihil opus habet. *G.* — Rom. etiam *retentas.* *H.* — In Gesneriana, sed nolente Gesnero, ut nota apposita docet, excusum erat *retensas*. Correxerat Ernestius: eumque secuti sumus. *S.*

— *Gradata buxus.* Cuius remotiores a maceria plantae presse tonsae ad terram continentur; quo proximiores sunt maceriae, tanto altioribus truncis consurgunt, in summo tantum virides: sic fit, ut tota tegatur et a conspectu subducatur maceria. Nomen *gradatus* didicisse videtur Noster ab avunculo suo, qui XIII, 4, sect. 7, *gradatos corticum pollices palmis* tribuit. *G.*

19. *A capite porticus.* Sic et Rom. *H.* — *Valvis . . . fenestris.* De harum differentia dicimus ad II, 17, 5. *G.* — Cum Gierigio interpungendum:

- Hac latus xysti, et quod prosilit villae, hac adiacentis  
 20 hippodromi nemus comasque prospectat. Contra me-  
 diam fere porticum diaeta paullum recedit; cingit  
 areolam, quae quatuor platanis inumbratur. Inter  
 has marmoreo labro aqua exundat, circumiectasque  
 platanos, et subiecta platanis leni adspergine fove-  
 21 Est in hac diaeta dormitorium cubiculum, quod  
 diem, clamorem sonumque excludit; iunctaque quo-  
 tidiana amicorum coenatio. Areolam illam porticus

« valvis xystum . . . . . videt; fene-  
 atris, hac latus xysti . . . . . prospectat. »  
*S.*

— *Hac adiacentis hippodromi.* Rom.  
*Ac adiacentis hippodromi.* Non ita  
 temere ante vocalem ac leges apud  
 Plinium; rectius itaque Cortius *hac*  
*adiacentis.* H. — *Hippodromi.* Spa-  
 tiosior locus, viis latioribus, longio-  
 ribus, semicircularem anfractum ha-  
 bentibus distinctus, umbrosus item,  
 vero ita institutus, ut in eo non  
 molli modo gestatione uti, sed in  
 equo etiam moveri fortius, vel iun-  
 ctis etiam equis, raptare per ea spatia  
 currum possis. Hoc nomen docet,  
 Graecis usitatum; hoc descriptio in-  
 gerit, quam latius habet §. 32 sqq.  
*Hippodromi* habent typis vulgati, ut  
 creda, omnes ex MSS. procul dubio;  
*Hippodromi* Mediceus, quo usus est  
 Cortius, neque quisquam de mutatio-  
 ne cogitasset, nisi Iac. Sirmondo,  
 viro doctissimo, ad Sidon. II, 2, in  
 mentem venisset *Hypodromum* sub-  
 stituere, et interpretari *tectam longi-  
 tudinem*, et *clauum* undequeque *de-  
 ambulacrum*, quae quidem ipsa *cry-  
 ptoporticus* definitio est, et clarissime  
 repugnat Plinianae descriptioni §. 32.  
 Mirum est, quam multa committan-  
 tur a viris etiam doctissimis in vete-  
 rum librorum vel emendatione vel

interpretatione ea causa, quod non  
 totos legunt, quos curare volunt, sed  
 ut in quemque locum inciderunt, ita,  
 ingenio suo confisi scilicet, sanare  
 illum locum aggrediuntur, conatus  
 specioso, et cui plausores tanto minus  
 desunt, quo pauciores serio et tota  
 legunt libros veterum; sed infelici  
 saepe successu. G.

20. *Diaeta paullum recedit.* Rom.  
*Diaeta parum recedit.* Prope inde: «et  
 subiecta platanis leni aspergine fove-  
 t.»  
*H.*

21. *Clamorem sonumque excludit.*  
 Sic et Rom. *H.*

— *Areolam illam . . . . . adspicit.* Sic  
 et Rom. *H.* — *Eademque omnia quae*  
*porticus.* Eadem porticus, cuius hic  
 cum areola mentionem facit, *adspicit*,  
 hoc est, in conspectu habet, *omnia*,  
 quae porticus illa superior a §. 15 de-  
 scripta. G. — Mediceus liber: « . . . .  
 coenatio, quae areolam illam, porti-  
 cum aliam, eademque omnia, quae  
 porticus, adspicit. » Adiecit hanc le-  
 ctioneus Gierigius, eandemque pro-  
 batat Ernestius, in locum notae Ge-  
 sneri hanc adscripturus: « Hanc le-  
 ctionem Cod. Medic. etiam Cortio  
 probatam, et receptam a Gierigio,  
 revocare non dubitavi, quippe intel-  
 lectu facilem. Sensus hic est: coena-  
 tio *adspicit* fenestris interioribus areo-

alia, eademque omnia, quae porticus, adspicit. Est <sup>22</sup>  
 et aliud cubiculum a proxima platano viride et um-  
 brosum, marmore excultum podio tenuis: nec cedit  
 gratiae marmoris, ramos, insidentesque ramis aves  
 imitata pictura. Cui subest fonticulus. In hoc fonte <sup>23</sup>  
 crater, circa siphunculi plures miscent iucundissi-  
 mum murmur. In cornu porticus amplissimum cubi-  
 culum a triclinio occurrit; aliis fenestris xystum,  
 aliis despicit pratum, sed ante piscinam, quae fene-  
 stris servit ac subiacet, strepitu visuque iucunda.  
 Nam ex edito desiliens aqua, suscepta inarmore, al- <sup>24</sup>  
 -bescit. Idem cubiculum hieme tepidissimum, quia  
 plurimo sole perfunditur. Cohæret hypocauston, et  
 si dies nubilus, immisso vapore, solis vicem supplet.  
 Inde apodyterium balinei laxum et hilare excipit <sup>25</sup>  
 cella frigidaria; in qua baptisterium amplum atque  
 opacum. Si natâre latius aut tepidius velis, in area  
 piscina est, in proximo puteus, ex quo possis rursus <sup>26</sup>  
 adstringi, si poeniteat teporis. Frigidariae cellae con-

lam exterioribus porticum illam, de qua §. 31, eademque omnia, quae porticus prior. Pristinæ Gesneri editiones post coenatio interpungebant. Deinde sequebantur hæc: «Areolam illam porticus alia, eademque omnia, quae porticus, adspicit:» quae nullum sensum habebant. » §.

22. *Podio tenuis.* Ad proieturam usque parietum, cui lacunar impositum est: dictam a podio theatri seu inuâ et projecta aliquantum ultra murum præcinctione theatri. Nisi vero melius videatur sic accipere: ad dimidii hominis altitudinem, ad fenestrarum limen inferius. G. — Rom. *Marmore exculptum podio tenuis.* II. — *Aves imitata,* etc. Rom. *Aves imitata*

*pictura, fonticulus: in hoc fonte crater.* Desunt cui subest. II.

23. *Cui subest fonticulus.* Cubiculo intelligo subesse, vel in proximo esse fontem, non ipso cubiculo salire siphunculos. G.

— *Cubiculum a triclinio occurrit.* Rom. *Cubiculum triclinio occurrit.* II. — *Sed ante piscinam.* Rom. *Sed ante piscinam,* cui respondet deinde iucunda. II. — *Fenestris servit.* Vide de usu huius verbi dicta ad I, 3, 4. G.

25. *Inde apodyterium.* Rom. *Inde apodyterion.* II. — *Apodyterium,* cella, in qua lavantes deponerant vestes. L. — *Baptisterium.* Sidon. Apoll. II, 2: «Huic basilicæ appendix piscina forinsecus, seu si græcari mavis, baptisterium.» G.

nectitur media, cui sol benignissime praesto est; caldariae magis: prominet enim. In hac tres descensiones; duae in sole, tertia a sole longius, a luce  
 27 non longius. Apodyterio superpositum est sphaeristerium, quod plura genera exercitationis, pluresque circulos capit. Nec procul a balineo scalae, quae in cryptoporticum ferunt, prius ad diaetas tres. Harum alia areolae illi. in qua platani quatuor, alia prato, alia vineis imminet, diversasque caeli partes, ut  
 28 prospectus, habet. In summa cryptoporticu cubiculum, ex ipsa cryptoporticu excisum, quod hippodromum, vineas, montes, intuetur. Iungitur cubiculum obvium soli, maxime hiberno. Hinc oritur diaeta, quae villae hippodromum adnectit. Haec facies, hic  
 29 visus a fronte. A latere aestiva cryptoporticus in edito posita; quae non adspicere vineas, sed tangere videtur. In media triclinium saluberrimum adflatum ex Apenninis vallibus recipit: post latissimis fenestris vineas, valvis aequè vineas, sed per cryptoporticum,  
 30 quasi admittit. A latere triclinii, quod fenestris caret, scalae convivio utilia secretiore ambitu suggerunt. In fine cubiculum; cui non minus iucundum pro-

26. *Prominet enim.* Rom. *prominent enim.* H.

— *Descensiones.* Loca depressiora, lacus, labra, in quae descendere lavandi, natandive caussa possis. G.

27. *Sphaeristerium, quod plura.* Rom. *Sphaeristerion, quod plura.* H. — *Circulos.* Vna ludentium pila, (*σφαῖρα* a qua *σφαῖρις* est *pila ludere*, etc.) eoque motu corpus exercentium. De sphaeristerio et diversitate lusuum horum vid. Mercurialis de arte gymnast. I, 9, it. II, 4, et 5. G.

— *Scalae.* Non opus est, ut intelligamus gradus in ipsa aedificatione

comprehensos ac tectos: possunt esse gradus etiam subdivales, quibus diversae in eodem colle planities iunguntur. G.

*Diversasque caeli, etc.* Rom. *Diversasque caeli partis ut prospectus habet, ut Medic.* H.

29. *Ex Apenninis vallibus recipit.* Rom. *Ex Apenninis vallibus accipit.* H.

30. *Secretiore ambitu suggerunt.* Rom. *Secretiore aditu suggerunt.* H. — Sic alii etiam libri: nec displicet. S. — Ex verbo *ambitu* colligunt, eas habuisse formam cochleae. L.

spectum cryptoporticus ipsa, quam vineae praebent. Subest cryptoporticus, subterraneae similis; aestate incluso frigore riget, contentaque aëre suo, nec desiderat auras, nec admittit. Post utramque crypto-<sup>31</sup> porticum, unde triclinium desinit, incipit porticus; ante medium diem, hiberna; inclinato die, aestiva. Hac adcuntur diaetae duae, quarum in altera cubicula quatuor, altera tria, ut circuit sol; aut sole utuntur, aut umbra. Hanc dispositionem amoenita-<sup>32</sup> temque tectorum longe praecedit hippodromus. Medius patescit, statimque intrantium oculis totus offertur, platanis circuitur. Illae hedera vestiuntur, utque summae suis, ita imae alicnis frondibus virent. Hedera truncum et ramos pererrat, vicinasque platanos transitu suo copulat. Has buxus interiacet. Exteriores buxos circumvenit laurus, umbraeque platanorum suam confert. Rectus hic hippodromi li-<sup>33</sup> mes in extrema parte hemicyclo frangitur, mutatque faciem: cupressis ambitur et tegitur, densiore umbra opacior nigriorque; interioribus circulis (sunt enim plures) purissimum diem recipit. Inde etiam rosas<sup>34</sup> effert, umbrarumque frigus non ingrato solē distinguit. Finito vario illo multiplicique curvaminc recto limiti redditur, nec huic uni. Nam viae plures, in-

— *Frigore riget* hyperbolice dictum, habet frigus. *L.*

31. *Et circuit sol.* Rom. *Et circum-icrit sol.* II. — De hac forma vid. praeter Cortium ad h. l. Drakenb. ad Liv. III, 6, 9. *S.*

32. *Longe praecedit hippodromus.* Rom. *Longe lateque praecedit hippodromus.* II.

— *Umbraeque.* In Gesneriana erat *umbraeque*, negligentia, ni fallor operarum. Idem in Gierigiana, quae an-

eamdem habeat excusationem, ipse viderit Gierigius. *S.*

33. *Hemicyclo.* Cortius *hemicyclo* dedit e *cod. Medic.* etc. *G.* — *Fraugitur*, non sensim sed praerupto curvaminc flectitur. *L.*

34. *Inde etiam.* Rom. *Inde rosas offert*, sine etiam, et *offert*, pro *effert*. *H.*

— *Recto limiti*, etc. Rom. *Recto limite redditur ne huic uni.* II.

- 35 tercedentibus buxis, dividuntur. Alibi pratulum, alibi ipsa buxus intervenit in formas mille descripta, literis interdum, quae modo nomen domini dicunt, modo artificis: alternis metulae surgunt, alternis inserta sunt poma: et in opere urbanissimo subita velut illati ruris imitatio medium in spatium brevioribus utrinque  
36 plataniis adornatur. Post has acanthus hinc inde lubricus et flexuosus, deinde plures figurae, pluraque nomina. In capite stibadium candido marmore, vite protegitur. Vitem quatuor columnellae Carystiae subeunt. E stibadio aqua, velut expressa cubantium

35. *Mille descripta*, etc. Rom. *Mille descripta literis. Interduque modo nomen domini, modo artificis.* Verum dicunt omisum. Tum, « Alternis metulae exsurgunt, alternis inserta sunt poma ». Non dubito, quin *inserta* a Plinio sit. Postea: « Medium in spatium brevioribus ». H. — Ernestio placebat *literas pro literis*. Tum, *ταλὴς στεγυφῆ* post *imitatio* posita, legebat *Medium spatium*, etc. Apponam eius notam: « *Literas*. Sic pro *literis* Cori. et Bipont. e Medic. ediderant, quos et secutus est Gierigius. Cohærent enim illa *in formas... literas interdum*. Deinde et *metulae* an h. l. aptæ sint, dubitarunt. *Metulae* sunt conî ex buxo, pinu aut similibus incrementi arbore formati. Sed quaeritur, quomodo talia ornamenta mox Plinius *ruris imitationem* appellare potuerit. Itaque e Cpd. Voss. et Edd. Gryph. *viticulae* commemorant. Eorundem librorum lectionem cum Bipont. etiam in *sqq.* tenui, ubi vulgata... *velut illati ruris imitatione medium in spatium brevioribus utrinque plataniis adornatur*. commodum sensum non habere videbatur ». Locus hic, ut pleraque huius epistolae, tam est ob-

scurus, ut nolim in crisi lectionis multum operae perdere: nedom cum Gierigio coniecturis audacioribus indulgeam. Aliis quid acciderit, nescio: mihi quidem, ut Laurentius descriptio, ita hae literae, si exordium earum perquam suave exipias, iucunditatis minimum, taedii satis superque attulerunt. S.

36. *Acanthus* herba mollis, variis flexibus more cucumerum errat. L. — *Hinc inde lubricus et flexuosus*. An indicat in labyrinthi parvuli formam dispositum acanthum? Quamquam ne hoc quidem plane intelligo. G. Add. Gesneri ad L. A. Ernest. ep. quae in capite huius voluminis.

— *Stibadium*, lectulus accumbentium forma semicirculari. L.

— *Columnellae Carystiae*. E marmore Carystio. Laudavit Cellarius Plin. XXXVI, 6, et Tib. III, 3, 14, ubi reliquos citat Bronkhusius. G. — *Carystium* marmor, ex Euboea insula, viride erat, et valde probabatur Romanis. L.

— *E stibadio aqua*, etc. Rom. *Stibadio aqua, velut expressa cubantium potlere siphunculis effluit.* Præposit. e omisa. H. — *Aqua... effluit.*



pondere, siphunculis effluit; cavato lapide suscipitur, gracili marmore continetur, atque ita occulte temporatur, ut impleat, nec redundet. Gustatorium, graviorque coenatio, margini imponitur; levior navicularum et avium figuris innatans circuit. Contra fons egerit aquam et recipit: nam expulsa in altum iu se cadit, iunctisque hiatibus et absorbetur et tollitur. E regione stibadii adversum cubiculum tantum stibadio reddit ornatus, quantum accipit ab illo. A marmore splendet, valvis in viridia prominet et exit: alia viridia superioribus inferioribusque fenestris suspicit despicitque. Mox zothecula refugit quasi in cubiculum idem atque aliud. Lectus hic, et undique fenestrae, et tamen lumen obscurum umbra premente. Nam

Magnam stibadium hoc similitudinem habet cum ornithone Varronis, quem descripsit ipse, nos explicavimus de R. R. III, 5, 40 aeq. *Stibadium* hoc respondet *falleri* Varroniano. Ex latiore huius margine profluit aqua in cavatum lapidem; hic occultum habet emissarium, quo quum defluit et quasi resorbetur aquae tantundem, quantum e siphunculis infudit, ea nunquam ultra definitam lineam et ipsum os emissarii attollitur, conf. s. 37. G.

37. *Gustatorium* . . . *coenatio*. Haec vocabula pro ipsis lancibus et mensis (*mensis* inquam, quae idem quod *lances* interdum sive *patinae*) cum cibis vel liquidis vel solidis quos continent, poni, res ipsa loquitur. Margo autem intelligitur ipsius stibadii, in quo accumbunt hospites. Ex veteribus formis tricliniorum apud Mercuriales atque alios, apparet, cibos vel in eadem libella seu horizontali linea, vel non multum certe altius positis fuisse, quam erant lecti accu-

bitorii. Itaque margo ille stibadii tantum videtur fuisse elevatus, ut cum pulvis in reliqua parte positus, quibus sulciuntur hospites, aequaretur. G. — Gierigius *marginem* intelligit non stibadii, sed labri marmarici, circa quod convivae accumbant. E.

— *Invectique* . . . *tollitur*. Sic et Rom. H.

38. *A marmore splendet*. Sic et Rom. II. — *Prominet et exit*. Rom. *Prominet et texit*. H.

— *Zothecula*. Vide supra ad lib. II, 47, 24. Qui *diartulam* hic defendunt, non cogitare videntur, *diartam* esse non partem aut membrum cubiculo adiunctum; verum pluribus ipsam cubiculo constare, quod vel ex supra 31 satis constat. Denique si lib. II, 47, 24, recte *zotheca* ex libris optimis restituta et explicata est; de *zothecula* hic non potest dubitari. G. — Rodius corrigit: *Mox zothecula refugit*, + quasi cubiculum idem atque aliud. S.

- laetissima vitis per omne tectum in culmen nititur et  
adscendit. Non secus ibi, quam in nemore, iaceas :  
imbrem tantum, tanquam in nemore, non sentias.  
40 Hic quoque fons nascitur, simulque subducitur. Sunt  
locis pluribus disposita sedilia e marmore, quae am-  
bulatione fessos, ut cubiculum ipsum, iuvant. Fon-  
ticuli sedilibus adiacent, per totum hippodromum  
inductis fistulis strepunt rivi, et, qua manus duxit,  
sequuntur. His nunc illa viridia, nunc haec, inter-  
dum simul omnia, iuvantur. Vitassem iamdudum, ne  
viderer argutior, nisi proposuissem omnes angulos  
41 tecum epistola circumire. Neque enim verebar, ne  
laboriosum esset legenti tibi, quod visenti non fuis-  
set; praesertim quum interquiescere, si liberet, de-  
positaque epistola, quasi residere, saepius posses.  
Praeterea indulsi amoris meo. Amo enim, quae maxima  
42 ex parte ipse inchoavi, aut inchoata percolui. In  
summa (cur enim non aperiā tibi vel iudicium

39. *Imbrem tantum*, etc. Rom. *Nymbrem tamen, tanquam in nemore* H. — *Locus Gierigio sine causa videtur corruptus esse. Sensus est: non secus ibi, quam in nemore, umbra fruaris; praetereaue non sentias imbrem, a quo nemus te tutum non praestet.* S.

40. *Locis pluribus*. Hippodromi, in quo describendo adhuc versatur. G. — *Disposita sedilia*. Sic et Rom. Deinde: « Fonticuli sedibus adiacent, per totum hippodromum inductis fistulis strepunt rivi, et qua manus duxit, sequuntur. » H.

1 — *Iuvantur*. Cortius in pari fere auctoritate librorum praefert *Iuvantur*: sed hoc videtur esse poetarum proprium. Burnmannus notis maioribus ad Phaedr. II, 5, 44, *laetantur*

malit, quod pulchrum sane est, nec ab auctoritate librorum destituitur. G. — Rom. *Interdum simul omnia lauantur*. Poëticum quidem hoc verbum est, sed multa huius generis alia Plinius in descriptionibus adhibet. Sic §. 49: *Nemus comasque prospectat*, et alia aliis locis plurima. H.

— *Argutior*. Loquacior. Cicero ad Allic. VI, 5 init. « obvias mihi literas quam argutissimas de omnibus rebus crebro mittas. » S.

41. *Ne laboriosum*, etc. Rom. *Ne laboriosum esset tibi legenti, quod visenti.* H.

42. *In summa*. Eliam Rom. *In summa*, ut alibi. Post, *primum ego de officio scriptoris existimo*. Tum, *si aliquid arcessit.* H. — *Titulus*, thema, propositio explicanda. L.

meum vel errorem?) primum ego officium scriptoris existimo, ut titulum suum legat, atque identidem interroget se, quid coeperit scribere: sciatque, si materiae immoratur, non esse longum; longissimum, si aliquid arcessit atque adtrahit. Vides, quot versibus Homerus, quot Virgilius arma, hic Aeneae, Achilles ille, describat: brevis tamen uterque est, quia facit, quod instituit. Vides, ut Aratus minutissima etiam sidera consecetur et colligat: modum tamen servat. Non enim excursus hic eius, sed opus ipsum est. Similiter nos, ut parva magnis, quam totam villam oculis tuis subiicere conamur, si nihil inductum, et quasi devium, loquimur, non epistola, quae describit, sed villa, quae describitur, magna est. Verum illuc, unde coepi; ne secundum legem meam iure reprehendar, si longior fuero in hoc, in quod excessi. Habes causas, cur ego Tuscos meos Tusculanis, Tiburtinis, Praenestinisque meis praeponomam. Nam super illa, quae retuli, altius ibi otium et pinguius, eoque securius, nulla necessitas togae, nemo arcessitor ex proximo. Placida omnia et quiescentia, quod ipsum salubritati regionis, ut purius

43. *Homerus .... Virgilius. Ille Il. 6, 478 sqq. hic Aen. VIII, 407 sqq. G. — Achilles ille, describat. Rom. Ille Achilles describat. H.*

44. *Vt parva magnis. Scil. componamus. Proverbium ex illo Virg. ecl. I, 23, sic magnis componere parva solebam. Vt supra I, 2, 2: Pueri, quos aequus amovit. Nam conferamus, quod est in libris quibusdam, e glosa est. G. — Rom. Vt parva magnis comparemus, ubi vulgo conferamus. Vtrumque verbum omisit Plinius. H. — Oculis tuis subiicere conamur. Sic et Rom. Postea in hoc, in quo excessi:*

*Ald. in hoc in quod excessi. H.*

— *In quod excessi. In eo argumento, in quod digressus sum. Excessum pro oratoris digressionem Iam Noster, tum Quintilianus dixere. Praepositionem in ante quod ex libris dedit Cortius. G.*

45. *Necessitas togae. Quia sc. extra urbem et forum nihil opus est. Pars vitae hentioris secundum Martialem X, 47, toga rara. Multa hic de non usu togae extra urbem Buchnerus. G.*

— *Salubritati .... accedit. Ipsa illa tranquillitas, et placida in liberali otio quies a nullis negotiis importunis vel*

caelum, ut aër liquidior, accedit. Ibi animo. ibi corpore, maxime valeo. Nam studiis animum, venatu corpus exerceo. Mei quoque nusquam salubrius degunt; usque adhuc certe neminem ex iis, quos eduxeram mecum (venia sit dicto) ibi amisi. Dii modo in posterum hoc mihi gaudium, hanc gloriam loco servent. Vale.

hominibus interturbata, accedit salubritati, vel partem illius salubritatis, quam haec praestat villa, efficit. Est sane etiam medicis inter res, quas non naturales vocant, vel maximi momenti, status ille tum animi tum corporis, vel quietus vel turbatur. G. — Rom. Salubritate regionis. H.

46. (*Venia sit dicto*). A diva Nemesi, quae invidia quadam prosequitur eos, qui beati sibi nimis videntur, et felicitatem suam praedicant, vel praedicari libenter audiunt; precibus proinde placanda, quoties iactantius aliquid nobis, vel aliis de nobis excidit. Praeclara si DIS placet, eius rei

ratio est, quam sapiens ille Solon profert in Disputatione cum Croeso, apud Herodotum, I, 32, τὸ εἶδόν τιν' ἡθ' ὡπρόν τε καὶ ταχὺ ὄντα. Rationem hanc detestamur hodie, sed rem ipsam ut aliis in rebus scilicet retinemus. Laudavimus pulchellum infantem et valentulum; subicimus, Gott behüte es! Diximus aliquid de secunda fortuna nostra vel aliorum; exsultat illud, Gott lase mich es zur guten Stunde reden! Hoc ipsum est, venia sit dicto! G. — Rom. Venia sit dictum, amisi sine ibi. H. — Loco servent. Hor. Sat. II, 6, 5, propria haec mihi munera faxit! L.

## VII.

*Saturninus Plinium heredem instituerat et rempublicam Comensium; quod ipse ratum vult esse, etsi secundum leges respública heres institui non possit, quod ut decurionibus indicetur, rogat.*

C. PLINIVS CALVISIO • SVO S.

Nec heredem institui, nec praecipere posse rempublicam, constat: Saturninus autem, qui nos reliquit heredes, quadrantem reipublicae nostrae, deinde pro quadrante praeceptionem quadringentorum millium dedit. Hoc, si ius adspicias, irritum; si defuncti voluntatem, ratum et firmum est. Mihi autem defuncti voluntas (vereor, quam in partem iurisconsulti, quod sum dicturus, accipiant) antiquior iure est, utique in eo, quod ad communem patriam voluit pervenire. An, cui de meo sestertium undecies contuli, huic, quadringentorum millium paullo amplius tertiam par-

VII. \* *Calvisius*, unus e contubernaliis Plinii. *L.*

1. *Nec praecipere.* Praecipere apud Iurisconsultos est partem aliquam hereditatis ante reliquos heredes capere, unde dicitur *praecipuum*. Qui igitur aliquid praecipere testamento iubetur, illum eo ipso heredem etiam cum aliis esse intelligitur. Vid. Brisson. de form. VII, 143, pag. 635 sq. Sed hic paullo alia videtur species. Saturninus primo ex quadrante instituerat rempublicam, deinde hoc mutavit, et loco illius quadrantis ex integra hereditate praecipere et ante divisionem numerari reipublicae iussit quadringenta millia: sive quod putaret ita eludi legem posse, quae institui he-

redem vetaret rempublicam, sive quacunque alia causa. *G.* — *Quadrans*, quarta pars assis, deinde hereditatis integrae, quae et ipsa *as* dici solebat; unde *heres ex asse*. *L.*

3. *An, cui de meo.* Contulerat Plinius reipublicae per varias occasiones *undecies*, intell. centena millia HS, quae sunt 5500 florenorum imperialis (quos *asses* 2½ vocant mercatores) in alimenta ingenuorum, in aedes sacras etc. In hac liberalitate parum sibi constitisset, si 400000 HS, seu 20000 floren. imp. quae paullo amplius tertia pars est superioris summae (est enim ipsa tertia ex duodecies) aliunde ei obvenientia, invidere, vel tabulis testamenti oppugnata

tem ex adventicio denegem? Scio te quoque a iudicio meo non abhorrere, quum eandem rempublicam ut  
 4 civis optimus diligas. Velim ergo, quum proxime decuriones contrahentur, quid sit iuris, indices, parce tamen et modeste; deinde subiungas, nos quadringenta millia offerre, sicut praecepit Saturninus. Illius hoc munus, illius liberalitas; nostrum tantum obse-  
 5 quium vocetur. Haec ego scribere publice supersedi: primum, quod memineram, pro necessitudine amicitiae nostrae, pro facultate prudentiae tuae, et debere te et posse perinde meis ac tuis partibus fungi: deinde, quia verebar, ne modum, quem tibi in sermone custodire facile est, tenuisse in epistola non  
 6 viderer. Nam sermonem vultus, gestus, vox ipsa moderatur: epistola, omnibus commendationibus destituta, malignitati interpretantium exponitur. Vale.

negaret. *G.* — Rom. *An cui de meo senileciis adiciens contuli.* *H.* — *Quadringentorum millium.* *Al.* *Quadringenta millia*, quod unice verum. *S.*

4. *Decuriones contrahuntur.* Si de Roma sermo esset, diceret, *Senatus cogatur.* *G.* — Rom. *Decuriones contrahuntur*, pro quo male Cellar. et eum secuti contrahuntur. *H.* — Bene Corliana contrahuntur, quum Gierigius, non Gesnerianam, sequi debebat. *S.* — *Sicut praecepit Saturninus.* Sic etiam Rom. et Ald. non tantum recentiores, ut Gruterus opinatur. *H.*

5. *Pro facultate prudentiae tuae.* Haec omissa sunt in Rom.; omittendi vero nullam rationem reperio. Desunt tamen et in Brummerianis. *H.* — Suspicio Plinium, chiasmo servato,

scripsisse hoc ordine: 1 quod memineram, pro facultate prudentiae tuae, pro necessitudine amicitiae nostrae, et debere te et posse perinde, etc. Sic apparet, unde lacuna illa in libris originem traxerit. Adde quod hic verborum ordo paullo humanior videtur. *S.*

6. *Moderatur.* Gierigius recte interpretatur: indicat quomodo eum accipi velimus. Mox *omnibus* rohi suspectum est. Desidero *similibus*, aut *omnibus his*; ut ad vultum, gestus, et vocem referatur. *E.* — Mihi vero nihil videtur tentandum. Plinius omnino intellexit res adventicias, quibus epistola commendari possit. *S.* — *Malignitas interpretantium* est circumscriptio calumniae. *L.*

## VIII.

*Admonitus, ut historiam scriberet, respondet sibi idem stetisse, causasque consilii ita exponit, ut discrimen simul orationis et historiae ostendat. Effingit haec epistola fideliter aestum animi, qui vehemente quadam cupiditate angitur, neque per eum quiescere ullo tempore potest. Modeste tamen hic de se loquitur et iudicat.*

C. PLINIVS CAPITONI • SVO S.

Suades, ut historiam scribam, et suades non solus: multi hoc me saepius monuerunt, et ego volo, non quia commode facturum esse confido (id enim temere credas, nisi expertus), sed quia mihi pulchrum in primis videtur, non pati occidere, quibus aeternitas debeatur, aliorumque famam cum sua extendere. Me autem nihil aequae ac diuturnitatis, amor et cupido sollicitat: res homine dignissima, praesertim qui nullius sibi conscius culpa, posteritatis memoriam non refoverit. Itaque diebus ac noctibus, cogito, si qua me quoque possim Tollere humo: (id enim voto meo sufficit: illud supra votum, victorque virum volitare per ora. Quamquam o! Sed hoc satis

VIII. • *Capitoni*. Est sine dubio *Titinius Capito*, ornamentum illius temporis, qui excitare et fovere bona ingenia solebat. *L.*

1. *Multi hoc me saepius mon.* Rom. *Multi me hoc saepe monuerunt.* H. — *Factorum esse confido.* Sic et Rom. H. — *Cort. et Gierig. confidam*, quod praefero. *Columella* VIII, 9, laudatus in *Horat. Tursell.* Cap. CLII, 35: «Nec quia triticeo vel aliis frumentis minus crassescant, verum quod semine huius maxime delectantur. S. — *Non pati occidere, quibus aeternitas*

*debeatur.* Rom. *Non pati occidere, quibus aeternitas debetur*, sine adsuticio panno illo *Florentino.* H.

2. *Me nihil aequae, etc.* Rom. «Me autem nihil aequi ac diuturnitatis et amoris cupido sollicitat, res homine dignissima.» Suspicio ex glossa aliquid accessisse, et prius fuisse *diuturnitatis cupido.* H.

3. *Si qua me quoque.* *Virg. Georg.* III, 8: «Tentanda via est, qua me quoque possim tollere humo, victorque virum volitare per ora. G.

— *Quamquam o!* Elegans apostro-

est, quod prope sola historia polliceri videtur. Orationi enim et carmini parva gratia, nisi eloquentia sit summa: historia quoquo modo scripta delectat.

4 Sunt enim homines natura curiosi, et quamlibet nuda rerum cognitione capiuntur, ut qui sermunculis etiam fabellisque ducantur. Me vero ad hoc studium im-

5 pellit domesticum quoque exemplum. Avunculus meus, idemque per adoptionem pater, historias, et quidem religiosissime, scripsit. Invenio autem apud sapientes, honestissimum esse maiorum vestigia sequi, si modo

6 recto itinere praecesserint. Cur ego cunctor? Egi magnas et graves caussas. Illas (etiamsi mihi tenuis ex eis spes) destino retractare, ne tantus ille labor meus, ni hoc, quod reliquum est studii, addidero, mecum pariter intercidat. Nam si rationem posteritatis habeas, quidquid non est peractum, pro nou inchoato est. Dices, *Potes simul et rescribere actiones, et componere historiam*. Vtinam! sed utrumque tam magnum est, ut abunde sit alterum efficere. Vndevisesimo aetatis anno dicere in foro coepi, et nunc demum, quid praestare debeat orator, adhuc tamen per

pesis itidem Virgiliana, apud quem Aen. V, 495, Mnestheus: « Non iam prima peto, neque vincere certo; Quamquam o.... Sed superent, quibus hoc, Neptune, dedisti. » Similiter Noster, post aposiopesis, sed hoc satis est, nimirum *disturbitas, et memoria posteritatis*. G. — Rom. *Quamquam o! sed satis est, sine hoc*. H.

— *Orationi enim et carmini*, Rom. *Orationi et carmini*, Deest enim. H. — *Nisi eloquentia sit summa*, Rom. *Nisi eloquentia sit summa*. H.

4. *Et quamlibet nuda*, Rom. *Et quamlibet nuda*, Ald. tamen, et *quamlibet*. H.

— *Domesticum quoque exemplum*, Rom. *Domesticum exemplum sine quoque*. H.

5. *Historias.... scripsit*, Vid. supra III, 5, 4 sq. G.

6. *Cur ego, etc.* Rom. *Cur enim quam tot egimagnas et graves caussas*, Ald. *Cuj ergo cunctos? Egi*. H.

— *Tenuis ex eis spes*, Rom. *Tenuis ex his spes*. H. — *Mecum....intercidat*, Et tamen intercidit. Poteras itaque, Secunde, quantum ad nos illo retractandi labore supersedere. Sed extiterunt tamen aliquandiu post Plinium Orationes illius, quod ex Apollinari Sidonio et Cassiodoro constat. G.



caliginem, video. Quid, si huic oneri novum accesserit? Habet quidem oratio et historia multa communia, sed plura diversa in his ipsis, quae communia videntur. Narrat sane illa, narrat haec: sed aliter. Huic pleraque humilia et sordida et ex medio petita; illi omnia recondita, splendida, excelsa conveniunt. Hanc saepius ossa, muscoli, nervi: illam tori quidam et quasi iubae decent. Haec vel maxime vi, amaritudine, instantia; illa tractu et suavitate, atque etiam dulcedine placet. Postremo alia verba, alius sonus, alia constructio. Nam plurimum refert, ut Thucydides ait, κτῆμα sit, an ἀγώνισμα: quorum alterum oratio,

7. *Habet quidem oratio et historia. Rom. Habent quidem oratio et historia. H.*

— *Narrat sane ipsa. Cort. Narrat sane illa, nulla notata lectionis varietate: idque praestat. S.*

— *Huic pleraque humilia. Ad orationem haec pertinent (contra quam visum Catanaeo) ubi etiam de tribus capellis aut de stillicidio, aut de sterquilinio adeo narrandum est quam planissime. G. — Quae sequuntur, ossa, muscoli, nervi, eo valent, ut in oratione saepe sola vis, vehementia, robur, et aculei desiderentur, historiam autem tori et iubae, hoc est, eminentior species et insignis nitor deceat. Nam tori sunt, qui carnibus vestita et decora ossa habent, iubae autem, quae, ut in equis et leonibus, speciem et maiestatem corpori addunt. Eodem sensu Quintil. X, 4, 33, militum lacertis, in quibus ossa et nervi et muscoli sufficiunt, athletarum toros opposuit, qui speciosiora corpora efficiant. Eadem mox Plinius mutatis verbis et metaphoris repetit, quum orationi vim, amaritudinem, instantiam, hoc est, acrem, concisum, et*

vibrantem veluti vehementiam, historiae autem tractum, hoc est, motum veluti moderatiorem, tribuit. Ita plane Cicero in Orat. XX, contortam et acrem orationem oratoris forensis opponit historicorum rationi dicendi tractae et fluenti, hoc est, leniori, moderatori, quod in ea magis perspicuitas et explanatio et ordo et concinnitas, quam vis et celeritas aut impetus sententiarum quaeritur. Denique sonus est forma dicendi vel elocutionis, historiae aut orationi peculiaris. Copiose id explicavimus in Lex. techn. rhet. s. v. sonus. E.

8. *Instantia. Vid. epist. 19, ubi acriter, instanter, intento permutantur. E.*

9. *Κτῆμα.... ἀγώνισμα. Historia κτῆμα est, possessio, bonum perpetuo nostrum, postquam semel esse coepit (vid. supra I, 3, 3), ex quo sera etiam posteritas de nobis iudicat. Oratio autem ἀγώνισμα est certamen, in quo semel vicisse satia est, non curante auctore, quid deinde de ea iudicent alii. Caeterum locus Thucydidis est I, 22 extr. qui de sua historia κτῆμα εἰς αἰὶ μάλλον, ἢ ἀγώνισμα εἰς τὸ πα-*

alterum historia est. His ex caussis non adducor, ut duo dissimilia, et hoc ipso diversa, quod maxima, confundam misceamque, ne tanta quasi colluvione turbatus ibi faciam, quod hic debeo: ideoque interim veniam (ne a meis verbis discedam) advocandi peto.

- 10 Tu tamen iam nunc cogita, quae potissimum tempora adgrediamur. Vetera et scripta aliis? parata inquisitionis, sed onerosa collatio; intacta et nova? graves offensus, levis gratia. Nam praeter id, quod in tantis vitis hominum plura culpanda sunt, quam laudanda: tum si laudaveris, parvus; si culpaveris, nimius fuisse dicaris; quamvis illud plenissime, hoc restrictissime

παχέστατον ἀποδόνειν σύγκριται. Quintil. X, 1, 34: «Non ad actum rei pugnamque praesentem, sed ad memoriam posteritatis et ingenii famam componitur. Caeterum videndum adhuc, annon resperxit forte Thucydides ad illam recitationem Herodoti in ludis Olympicis, quae lacrymas excussisse dicitur puero Thucydidi. G. — Rom. *Vt Thucydides ait, ἡδὲ καὶ ἀγώνισμα quorum alterum oratio, alterum historia, omissa verbo est. Post, ex his cunctis. H.*

— *Diversa, quod maxima.* Ob id ipsum non possunt ab eodem homine tempore eodem tractari, quod sunt maxima et suum, sibi hominem integrum unumquodque deposcit. G. — *Ne tanta quasi colluvione.* Sic et Rom. H. — *Ibi faciam, quod hic debeo.* Ne in historia contentiosius asperiusque quam deceat, agam et utriusque generis virtutes peruntem, quae hoc ipso sunt vitia, quod loco non adhibentur. G. — (*Ne a meis verbis discedam*). Vt iis verbis utar, quibus uti in foro et caussis consuevi. Ita praefatur formulae e foro desumptae, quam mox declarabimus. Recepti nimirum Corianam, s. Medicam

potius, hic quoque lectionem; al. *ne a forensibus verbis recedam*, quod ex glossa est procul dubio. G. — *Veniam advocandi.* Nimirum amicos, et cum iis de causa deliberandi. Quae quidem res adeo frequens in iudiciis fuit, ut inde *advocatio* pro mora ac dilatione frequenter dicatur. Vid. ad Cic. fam. VII, 11, et Sen. Consol. ad Marc. X. G. — *Sensus igitur: ideoque interim cunctos.* Supra VI, erat: *Cur ergo cunctos?* Mox XIV: *cunctatio et mora.* S. — *Romanus manuscriptus: «Sed interim veniet, et ne a forensibus verbis recedam advocatum peto.» H.*

10. Tu tamen iam nunc cogita. Rom. Tu tamen nunc cogita. H.

— *Onerosa collatio.* Difficile est aliquid de tuo conferre, quod non iam alii occupaverint. Hic, opinor, sensus loci longe aliter vulgo intellecti. S.

11. Nam praeter id, quod in tantis vitis. Rom. *Praeterea quod in tantis vitis.* Omissum est *nam*. Vnde non contemnenda Gruteri suspicio, *praeterea quod in tantis.* Florentinae lectioni non convenit *tum*, quod sequitur. H. — *Quamvis fueris.* Nihil horum in Rom. est, nec in Brummeria-

feceris. Sed haec me non retardant: est enim mihi pro fide satis animi. Illud peto praestruas, ad quod hortaris, eligasque materiam, ne mihi, iam scribere parato, alia rursus cunctationis et morae iusta ratio nascatur. Vale.

nis, et quatuor Cortianis, quae lectoris alicuius manu adscribi poterunt. H. Vix putem insiticia esse. S.

42. Illud peto praestruas. Rom. Illud, peto, praestruas. H.

## IX.

*Dolet, Valentem graviter iacere: molestius fert, Avitum decessisse.*

C. PLINIUS SATURNINO • SVO S.

Varie me adfecerunt literae tuae: nam partim laeta, partim tristitia continebant. Laeta, quod te in urbe teneri nuntiabant. Nollem, inquis: sed ego volo, propterea, quod recitaturum statim, ut ego venissem, pollicebantur. Ago gratias, quod exspector. Triste illud, quod Iulius Valens graviter iacet; quamquam ne hoc quidem triste, si illius utilitatibus aestimetur, cuius interest quam maturissime inexplicabili morbo liberari. Illud plane non triste solum, verum etiam, luctuosum, quod Iulius Avitus decessit, dum ex quae-

IX. \* Saturnino. Forte Pompeius Saturninus de quo I, ep. 16. L.

1. Sed ego volo, etc. Rom. Sed ego volo. Praeterea quod. Paulo ante quod desideratur in his, quod te in urbe teneri. H.

2. Morbo liberari. Refero ad illud nescio cuius *Oi μεγάλαι πόντοι συντόμως ἐξέρχονται*. Quo acutior est morbus tanto minus durat. Quamque inexplicabilem praeterea morbum dicat, puto, Secundum *εἰρηναίᾳ* quadam usum, instantem proxime Valenti mortem sic indicare, ipsamque in beneficio ponere, quae desperato illum morbo liberet. G.

3. Iulius Avitus. Ab hoc diversa Iulius Avitus, cuius mortem lugebat VIII, ep. 23. L. — Decessit autem in nov. Rom. Decessit in navi. H. —



## X.

*Versus Antonini laudat, ut sibi inimitabiles, et ad plures edendos hortatur.*

C. PLINIUS ANTONINO • SVO S.

Quum versus tuos aemulor, tum maxime, quam sint boni, experior. Vt enim pictores pulchram absolutamque faciem raro, nisi in peius, effingunt; ita ego ab hoc archetypo labor et decido. Quo magis hortor, ut quam plurima proferas, quae imitari omnes concupiscant, nemo, aut paucissimi, possint. Vale.

X. • Inscr. Etiam Rom. Antonino.  
H.

4. In peius effingunt. Rom. In peius fingunt. Pōst labor et decido. H.

## XI.

*Hortatur ad edenda sua scripta, quia ipse eorum spem hendecasyllabis fecerat.*

C. PLINIUS TRANQVILLO • SVO S.

Libera tandem hendecasyllaborum meorum fidem, qui scripta tua communibus amicis spoponderunt. Appellantur quotidie et flagitantur: ac iam periculum est, ne cogantur ad exhibendum formulam accipere.

XI. • Inscr. Rom. Tranquillo. H.

4. Libera... fidem. Fac, quod ego in hendecasyllabis tuo nomine promisi. E. — Spoponderunt. Rom. Spoponderunt, antiquae. Vid. Gellium VII, cap. IX. H. — Conf. Vossium de Analogia latina III, c. 49, p. 87. S.

— Ad exhibendum formulam. Accipit formulam in iure, et a Praetore, non actor modo, sed etiam is, quicum agitur, vel unde petitur; actionis ille, hic exceptionis. Vid. Brissonium de form. V, 74. Hendecasyllabi Pliniani appellantur, flagitantur,

- 2 Sum et ipse in edendo haesitator; tu mora tamen meam quoque cunctationem tarditatemque vicisti. Proinde aut rumpe iam moras, aut cave, ne eosdem illos libellos, quos tibi hendecasyllabi nostri blanditiis elicere non possunt, convicio scazontes extorqueant.
- 3 Perfectum opus absolutumque est; nec iam splendescit lima, sed atteritur. Patere, me videre titulum tuum; patere audire, describi, legi, vaenire volumina Tranquilli mei. Aequum est, nos in amore tam mutuo eandem percipere ex te voluptatem, qua tu perfrue-  
ris ex nobis. Vale.

agitur cum illis, ut praestent denique praesentiam scriptorum Tranquilli. Miram suavitatem huius loci intelliget, qui considerabit Vlpiani verba l. III,  $\pi$ , §. 8, de hom. libero exhibendo: «Ait Praetor *Exhibens: Exhibere* est in publicum producere, et videndi tangendique hominis facultatem praebere.» *Proprie autem exhibere est extra secretum habere.* Ut igitur *plagium*, quod est furtum in libero capite commissum, eleganter ad libros et scripta transulere; ita hic *ad exhibendum* agitur cum eo, qui scripta, quae libera vagari debebant, domi per iniuriam continet. Iuscriptae praeterea in nominum *libri et liberi* similitudine, non temere dixerim. G.

2. *Sum et ipse*, etc. Rom. «Sum et ipse in edendo haesitator tu. O si tamen meam quoque cunctationem tarditatemque viceris. Proinde aut rumpe moras.» II.

— *Convicio scazontes.* Scazontes asperum et satiricis epigrammatibus aptum genus carminis, aptum proin-

de etiam *convicio* faciendo, quod non ad maledicta semper, sed ad importunam quoque, et parum modestam repetitamque subinde petitionem vel admonitionem pertinet, ut in praefatione Quintiliani ad Tryphonem, *Efflagitasti quotidiano convicio*, etc. G.

3. *Sed atteritur.* Summa in his elegantia, quod translationem continuat. Laudavit iam Cellarius IX, 35, 2, et Quintil. X, 4, 4, ut *opus poliat lima*, non *exerat*, quem praepceptoris sui locum imitatus videtur noster. Describitur hic illud vitium, quod *κατασκευάζειν* possis appellare cum avunculo nostri XXXIV, 3, s. 19, ubi commemoratur ab illo Calpurnius inter *libiles* statuarios (quorum *lima* est propria) *semper calumniosior suus, neque finem habens diligentiae*, etc. G. — Cf. quae nos in Techn. rhet. s. v. *calumniari* diximus. E. — Etiam Rom. *nec iam splendescit lima, sed atteritur.* H.

— *Titulum tuum.* Libro inscriptum et pendente in bibliopoliis atque bibliothecis. G.

## XII.

*Prosocerum laudat, quod porticum dedicaverit, et in portarum ornamentum pecuniam promiserit.*

C. PLINIVS FABATO • PROSOCERO SVO S.

Accepi literas tuas, ex quibus cognovi speciosissimam te porticum sub tuo filii tui nomine dedicasse; sequenti die in portarum ornatum pecuniam promisisse, ut initium novae liberalitatis esset consummatio prioris. Gaudeo primum tua gloria, cuius<sup>2</sup> ad me pars aliqua pro necessitudine nostra redundat: deinde, quod memoriam soceri mei pulcherrimis operibus video proferri: postremo, quod patria nostra florescit: quam mihi a quocumque excoli iucundum, a te vero laetissimum est. Quod superest, Deos<sup>3</sup> precor, ut animum istum tibi, animo isti tempus quam longissimum tribuant. Nam liquet mihi futurum, ut peracto, quod proxime promissisti, inchoes

XII. \* De *Fabato* vid. ad IV, ep. 4. *L.* — Inscr. Rom. *Fabato Prosocero*. II.

1. Quod saepe observo, Plinium in his epistolis voluisse nobis imaginem animi sui pulcherrimam relinquare, illud hic etiam locum habet. Intererat ipsius, liberorum suorum proavum quam adstrictissimum esse, et corradere potius magnam rem familiarem, quam publica eam liberalitate ruinare. At gratulatur illius magnificentiae, eamque stimulus incitat quantum potest; quod non multo minus est, quam si ipse elargitus esset, quae publico impendii prosocer. *G.*

— *Accepi literas tuas*. Rom. *Recepi literas tuas*. H.

— *Vt initium novae liberalit.* Rom. *Vt initium liberalitatis* omisso cum aliis epitheto *novae*. II.

2. *Pro necessitudine nostra redundat.* Rom. *Pro necessitudine redundat.* Deest. *nostra*. II. — *Soceri mei.* Patrem Calpurniae, Fabati filium, intelligit, eo tempore iam mortuum. *L.* — *Quam mihi a quocumque* Rom. *Quam mihi et a quocumque*. A.

3. *Quod proxime promissisti.* Rom. *Quod maxime promissisti*. H. — *Livius XXII, 53, 2: Ap. Claudius Pulcher, qui proxime auditis fuerat, ubi item Drakenb. e codice maxime eno-*

aliud. Nescit enim semel incitata liberalitas stare, cuius pulchritudinem usus ipse commendat. Vale.

tavit. Solennis confusio: ne suspiceris, a Plinio quam maxime scriptum

esse. Cf. Cortium; it. Oudendorpium ad Caesarem p. 167. S.

### XIII.

*Orationem, paucis amicis recitatam, iudicio Scauri subiicit.*

C. PLINIVS SCAURO • SVO S.

Recitaturus oratiunculam, quam publicare cogito, advocavi aliquos, ut vererer; paucos, ut verum audirem. Nam mihi duplex ratio recitandi: una, ut sollicitudine incendar; altera, ut admonear, si quid forte me, ut meum, fallat. Tuli, quod petebam: inveni, qui mihi copiam consilii sui facerent. Ipse praeterea quaedam emendanda adnotavi. Emendavi librum, quem misi tibi. Materiam ex titulo cognoscas, caetera liber explicabit: quem iam nunc oportet ita consuescere, ut sine praefatione intelligatur. Tu velim, quid de universo, quid de partibus sentias,

XIII. \* Scauro. VI, ep. 25, 1, *Attilium Scaurum* vocat amicum suum. Forte autem ille de quo hic agitur est *Terentius Scaurus*, Hadriani temporibus grammaticus nobilis, cuius saepe meminit Diomedes, et quem Gellius N. A. XI, 15, narrat de Caesellii erroribus scripsisse. L.

1. *Vt vererer*. Sic et Rom. II. — Hoc est, quorum reverentia me in recitando intectum et acrem faciat. Fo. pertinet, quod mox dicit, se valere, ut sollicitudine intectatur: hoc

ergo reverentiae auditorum tribuit. In aliis libris est *intendat*. Caeterum de sententia ipsa cf. ep. V, 3, 8. E.

2. *Si quid forte*, etc. Rom. *Si quid forte me ut meum fallit*. H.

3. *Ita consuescere*. Si figuram demas, illud dicere videtur: oportet librum ipsum per se ita paulatim notum et familiarem fieri hominibus, ut sine praefatione argumentum et ordinem indicante, quid sibi velit, intelligat. G. \* — Puto simpliciter esse: cui nunc non magis possum



scribas mihi. Ero enim vel cautior in continendo, vel constantior in edendo, si huc vel illuc auctoritas tua accesserit. Vale.

(quod otium deest aut alia de causa) praemittam, quam publicabo. S. —  
praefationem praemittere, quam tum Etiam Rom. oportet ita consuecere. H.

## XIV.

*Causa et iudicium Tuscilii quem exitum habuerit, per narrat.  
Continuat id quod supra ep. 4 inchoaverat.*

C. PLINIVS VALERIANO SVO S.

Et tu rogas, et ego promisi, si rogasses, scripturum me tibi, quem habuisset eventum postulatio Nepotis circa Tuscilium Nominatum. Inductus est Nominatus; egit ipse pro se, nullo accusante. Etenim legati Vicentinorum non modo non presserunt eum, verum etiam sublevaverunt. Summa defensionis: *Non fidem tibi in advocacy, sed constantiam defuisse; descendisse ut acturum, atque etiam in curia visum; deinde sermonibus amicorum perterritum recessisse; monitum enim, ne desiderio senatoris, non iam quasi de*

XIV. 4. *Postulatio Nepotis.* De qua supra V, 4. G. — *Circa Tuscilium Nominatum.* Rom. contra *Tuscilium Nominatum.* Deinde, *Etenim legati Vicentinorum non modo presserunt.* Altera negatio excidit. H. — *Alibi etiam libri non modo pro non modo non exhibent, sequente verum etiam.* E. e. Cie. Offic. I, 24, 4, ubi v. Henssing. ibid. II, 13, 4, coll. Muret. Var. Lect. X, 7, Cat. mai. cap. XVI, coll. Curt. ad Plin. VIII, 7, 2, ut alia loca omittam. S.

2. *Sermonibus . . . recessisse.* Rom.

*Sermonibus amicorum recessisse.* Verbum perterritum vel deterterritum abest. H. — *Ne . . . repugnaret . . . passurus.* Si haec verba, ut sunt iam interpunctione connexa, etiam sententia et constructione iungantur, nihil impedit, quo minus retineamus nominativum *passurus* ad verbum *repugnaret* respicientem. Sed nec damnamus alteram rationem in Mediceo libro inventam, *re repugnaret; alioquin . . . passurus.* G. — *Non iam quasi, etc.* Rom. *Non quasi de mundinis, sed quasi de gloria, fama.* Deest iam. H. —

nundinis, sed quasi de gratia, fama, dignitate certantis, tam pertinaciter, praesertim in senatu, repugnaret, alioqui maiorem invidiam, quam proxime, passurus. Erat sane prius, tamen a paucis, acclamatum exeunti. Inde subiunxit preces multumque lacrymarum: quin etiam tota actione, homo in dicendo exercitatus, operam dedit, ut deprecari magis (id enim et favorabilius et tutius) quam defendi videretur. Absolutus est sententia designati consulis Afranii Dextri, cuius haec summa: *Melius quidem Nominatum fuisse facturum, si causam Vicentinorum eodem animo, quo susceperat, pertulisset; quia tamen in hoc genus culpa non fraude incidisset, nihilque dignum animadversione admisisse convinceretur, liberandum: Vicentinis, quod acceperat, redderet.* Assenserunt omnes praeter Flavium Aprum. Is, *Interdicendum ei advocationibus in quinquennium, censui:* et quamvis neminem auctoritate traxisset, constanter in sententia mansit: quin etiam Dextrum,

*Alioqui maiorem, etc.* Rom. « Alioqui maiorem invidiam proxime passurus erat. Sane prius tamen paucis acclamatum exeunti. Subiunxit. » H.

3. *Afranius Dexter*, in consulatu, quem gessit a. Chr. XCVIII, ex kal. octob. interfectus est. Scripta ergo haec epist. a Plinio praefecto nerarii a. aetn. XXXVI, aut XXXVII. *I.* — *Afranius Dextri*, etc. Rom. *Afranii Dextri* cuius haec summa sententia, melius. H. — *Liberandum: Vicentinis.* Rom. *Liberandum ita tamen, ut Vicentinis.* B. — Idem in aliis libris reperitur. Placet. 8.

4. *Assenserunt omnes, etc.* Rom. *Assenserunt omnes praeterquam Licinius. Is interdicendum ei advocatione.* H. — *Flavium.* In nomine *Flavii Apr*

libri valde variant. In dial. de Cor. Eloq. *M. Aper*, celeberrimum fori Romani ingenium, disputans inducitur. *L.*

— *Quin etiam Dextrum, etc.* Rom. *Quin etiam Dextrum, qui primus.* Proxime *perlata lege.* H. — *Prolata lege.* Laudavit legem *Aper*, praelegi forte iussit, certe Senatus illius admoovit. Nimirum moris fuisse, ut Senatus iustus nonnunquam sententias diceret (hoc enim est *ecusere*), multis ostendit Lipsius ad Tac. Annal. IV, 21. Sed quod id ipsum lege Traiani amictum esse ex hoc, quem tradimus, loco effci putat (quod ipsi susserunt, credo, libri, qui *perlata lege* habent, non *prolata*) in eo dissentientem habet Casaubonum ad Sue-

qui primus diversum censuerat, prolata lege de senatu habendo, iurare coëgit, *E republica esse, quod censuisset*. Cui, quamquam legitimae postulationi, <sup>5</sup> quibusdam reclamatum est. Exprobrare enim censi-  
 senti ambitionem videbatur. Sed priusquam sententiae dicerentur, Nigrinus, tribunus plebis, recitavit libellum disertum et gravem, quo questus est, *Vae-  
 nire advocaciones, vae nire etiam praevaricationes; in lites coiri; et gloriae loco poni ex spoliis civium  
 magnos et statos redditus*. Recitavit capita legum, ad-  
 monuit Sctorum: in fine dixit, *Petendum ab optimo  
 principe, ut, quia leges, quia Scta contemnerentur,  
 ipse tantis vitiis mederetur*. Pauci dies, et liber prin-  
 cipis severus, et tamen moderatus. Leges ipsum; est  
 in publicis actis. Quam me iuvat, quod in caussis  
 agendis non modo pactione, dono, munere, verum

ton. Aug. cap. XXXV, qui ad ipsum hunc principem referre eam legem malit. *G.* — *Coëgit*. Accipiendum si-  
 ne effectu. Ita saepissime Graeci et Latini scriptores. Vid. Duker. ad Flor. 1, 48, 42. *S.*

5. *In lites coiri*. Pacisci homines de eventu litium cum advocatis, cum ipsis adeo iudicibus. Notae sunt No-  
 stro et patrum saeculo sponiones, cum talibus personis factae, quae pro-  
 curare vel impedire eventum eius rei, de qua sponso fiebat, possent. *G.* — *Magnos et statos redditus*. Rom. *Magnos et statutos redditus*. II.

6. *Legum .... Senatusconsultorum*. Quae enarrantur a Iuriscoisultis, quum de lege Cincia agunt. Vid. Noster IV, 9, 6; V, 24, 4. *G.* — Etiam Rom. *Admonuit Senatuscon-*  
*sultorum*. II.

7. *Pauci dies, et liber*. H. I. et,

ut Graecorum xxi, habet temporis re-  
 leritatisque notionem. Vid. Hoogev. Doctr. Partic. L. Gr. p. 536 sqq. Li-  
 vius XXII, 4, 1: *Iam ver adpatebat, quum Hannibal ex hibernis novit*. Ibi in variis lectionibus enotatum: et *Hannibal*, etc. quod fortasse genuinum. *S.* — *Libri et orationes* rescri-  
 pta et decreta principum appellari so-  
 lebant. Ea praelegebantur in senatu a quaestore Caesaris. *L.*

— *Dono, munere .... xenia*. Hic forte locum habent illa horum verborum differentia, quam tradit Ulpianus l. CXCV, de V. S. quod *murus sit donum cum causa, ut puta notalicium, mptualicium*. Xenia non melius intelliguntur, quam ex XIII Martialis. Sunt nimirum esculenta et poculenta varia, sed quae tamen ex quantitate certe pretium habere possunt, ut *pipere, alicia, fur, ficus, casei, vina* varii generis, etc. *G.*

8 etiam xeniis semper abstinui ! Oportet quidem , quae sunt inhonesta , non quasi illicita , sed quasi pudenda , vitare : iucundum tamen , si prohiberi publice videas ,  
9 quod nunquam tibi ipse permiseris. Erit fortasse , immo non dubie , huius propositi mei et minor laus , et obscurior fama , quum omnes ex necessitate facient , quod ego sponte faciebam. Interim fruor voluptate , quum alii divinum me , alii , meis rapinis , meae avaritiae occursum , per ludum ac iocum dictitant. Vale.

8. *Illicita .... pudenda. Illicita sunt, legibus publicis vetita; pudenda, a quibus honestatis sensu naturali directi abstinemus: illa igitur publice prohibentur; haec nunquam nobis ipsi permittimus. E.*

9. *Divinum me.* Qui praeviderim fore, ut interdicatur omni genere manerum, atque ideo ante legem illis abstinerem. De divinatione Attici sui similia Nepos IX, 4. G. —

Simili sensu divini ap. Cic. Divin. II, 3, et Horat. I, Sat. 6, 114. E. — Fortasse Plinius, ut est perpetuus Ciceronis imitator (simiam si dixeris, vix te calumniae insimulem), ad illius divinationem, ab ipso Tullio toties, interdum satis *εὐτυχῶς*, iactatam, respexit. Conf. Cornel. Nep. Attic. XVI, 4. S. — *Per ludum ac iocum.* Rom. *Per ludum acceptum.* H. *Per lud.*, tamquam proverbialis locutio, saepe occurrit. L.

## XV.

*Cornutum curatorem viae factum esse, vel ideo laetatur, quia tum amicitia semper, tum collegio non semel coniuncti fuerint. Addit de suis in villa hospitibus. Multis virtutibus se commendat haec epistola. Res proposita spectatur ab omni parte; sententiae ordine naturali procurruunt; interpositi sunt sensus egregii, et oratio leviter defluit.*

C. PLINIVS PONTIO • SVO S.

Secesseram in municipium, quum mihi nuntiatum est, Cornutum Tertullum accepisse Aemiliae viae curam. Expressere non possum, quanto sim gaudio affectus et ipsius et meo nomine. Ipsius, quod, sit licet, sicut est, ab omni ambitione longe remotus, debeat tamen ei iucundus esse honor ultro datus; meo, quod aliquanto magis me delectat mandatum mihi officium, postquam par Cornuto datum video.

XV.\* Ad Pontium etiam VII, ep. 4, de studio suo poetico scripsit. Habuisse eum fundos suos in Campania, apparet. L.

1. *Aemiliae viae curam.* Rem Censorum olim propriam, quo magis viris consularibus eam demandabant, Augusti instituto, Imperatores. De his post Lips. ad Tac. An. III, 34, sive Exc. E, copiose egit Ev. Otto de tutela viar. publ. II, 5. Caeterum Plinius noster non ipse quoque fuit *Curator viae Aemiliae*, sed *Curator alvei Tiberis et riparum, et cloacarum urbis*, cuius muneris memoria est in inscriptione, quam et nos vitae ipsius subiecimus. Huic muneri, pars est curatio viae Aemiliae, quod ait supra 2, et infra 9. Viderat hoc Bu-

chnerus; probarunt Cellarius et Massonus ad A. Plinii XXXIX et XL, 6. Caeterum *alveus ripaeque Tiberis* iunguntur cum *cloacis*, quod haec ad illud ipsum quoque structae fuerant, magnum Romae et orbis miraculum, ut esuviantem Tiberim reciperent, et eadem eluerentur ipsae, atque eluvionem ab urbe averterent. G. — *Aemilia via* in Gallia Cispadana a Placentia ad Ariminum, strata ab Aemilio Lepido. Strabo lib. V, p. 307. L.

2. *Ipsius quod, etc.* Rom. *Ipsius, quod scilicet, sicut est.* Voluit sic licet. H. — *Debeat tamen ei.* Rom. *Debet tamen ei, non debet,* quod nuperorum editorum incuria propagatum est. H. — Gierigius, si Cortia-

3 Neque enim augeri dignitate, quam aequari bonis, gratius. Cornuto autem quid melius? quid sanctius? quid in omni genere laudis ad exemplar antiquitatis expressius? Quod mihi cognitum est non fama, qua alioqui optima et meritissima fruitur, sed longis magnisque experimentis. Vna diligimus, una dileximus omnes fere, quos aetas nostra in utroque sexu aemulandos tulit; quae societas amicitiarum arctissima nos familiaritate coniunxit. Accessit vinculum necessitudinis publicae. Idem enim mihi, ut scis, collega, quasi voto petitus, in praefectura aerarii fuit: fuit et in consulatu. Tum ego, qui vir, et quantus esset, altissime inスペxi, quum sequeretur ut magistrum, ut parentem vererer: quod non tam aetatis maturitate, quam vitae, merebatur. His ex causis ut illi, sic mihi gratulor: nec privatim magis, quam publice, quod tandem homines non ad pericula, ut prius, verum ad honores virtute perveniunt. In infinitum epistola extendam, si gaudio meo indulgeam. Praevertor ad ea, quae me agentem hic nuntius deprehendit. Eram cum prosocero meo, eram cum amita uxoris, eram cum amicis diu desideratis; circumibam agellos; audiebam multum rusticarum querelarum: rationes legebam invitatus et cursim (aliis enim chartis, aliis sum literis initiatus), coeperam etiam itineri me prae-

nam inस्पexisset, non erat, puto, debeat servaturus. S.

3. Quid in omni genere. Sic et Rom. II.

4. Vna diligimus, una dileximus omnes. Non potuit vitare versum hexametrum, quales plures observavi. H. — In utroque sexu. In sexu sequiore Gratillam, Arriam, Fanniam, de quibus possim, loquitur. L.

5. In praefectura aerarii fuit: fuit

et in, etc. Rom. In praefectura aerarii fuit et in consulatu. Sed fuit elegantius iteratur. H.

— Aetatis .... vitae. Aetatis maturitas, aetatis et senectute, vitae maturitas perfecta virtute cernitur. E.

6. Quod tandem, etc. In Rom. nova sententia incipit, Tandem homines non ad pericula, omisso quod. H.

7. Praevertor ad ea, quae me. Rom. Praevertam ad ea, quae me. II.

parare. Nam includor angustiis commectus, coque ipso, quod delegatum Cornuto audio officium, mei admoneor. Cupio te quoque sub idem tempus Campania tua remittat, ne quis, quum in urbem rediero, contubernio nostro dies pereat. Vale.

## XVI.

*Mortem Fundani filiae luget, et Marcellinum, ut patrem  
consoletur, monet.*

C. PLINIVS MARCELLINO • SVO S.

**T**ristissimus haec tibi scribo. Fundani nostri filia minor est defuncta: qua puella nihil unquam festivius, amabilius, nec modo longiore vita, sed prope immortalitate, dignius vidi. Nondum annos quatuordecim impleverat, et iam illi anilis prudentia, matronalis gravitas erat: et tamen suavitas puellaris cum virginali verecundia. Vt illa patris cervicibus inhaerebat! ut nos amicos paternos et amanter et modeste complectebatur! ut nutrices, ut paedagogos, ut praeceptores, pro suo quemque officio, diligebat! Quam

XVI.\* *Marcellino etiam VIII, ep. 23, de Iunii Aviti morte scripsit. Forte est Egnatius Marcellinus, de quo IV, ep. 42. L.*

1. *Fundani nostri, etc. Rom. Fundani nostri filia minor defuncta, ut fere vulgo. H. — Cortiana: «Tristissimus haec tibi scribo, Fundani nostri filia minore defuncta.» Languide. S. — Sed prope immortalitate, dignius. Rom. Sed paene immortalitate dignius. H.*

2. *Annos quatuordecim impleverat. Rom. Annos quatuordecim expleverat. H. — Nondum annos. Et iam destinata marito. Nempe ex Romanis legibus, virgines nobiles erant anno aetatis duodecimo; atque ex institutione Augusti, decimo anno, desponsari poterant. L.*

3. *Vt illa patris cervicibus. Rom. Vt patris cervicibus. Deinde, ut nutrices et paedagogos, recte. Hi erant eiusdem conditionis. H.*

studiose, quam intelligenter lectitabat! Vt parce custoditeque ludebat! Qua illa temperantia, qua patientia, qua etiam constantia novissimam valetudinem tulit! Medicis obsequebatur, sororem, patrem adhortabatur, ipsamque se destitutam corporis viribus, vigore animi sustinebat. Duravit hic illi usque ad extremum, nec aut spatio valetudinis, aut metu mortis infractus est; quo plures gravioresque nobis caussas relinqueret et desiderii et doloris. O triste plane acerbumque funus! o morte ipsa mortis tempus indignius! Iam destinata erat egregio iuveni, iam electus nuptiarum dies, iam nos vocati. Quod gaudium quo moerore mutatum est! Non possum exprimere verbis, quantum animo vulnus acceperim, quum audiui Fundanum ipsum (ut multa luctuosa dolor invenit) praecipientem, quod in vestes, margarita, gemmas, fuerat erogaturus, hoc in thura et unguenta et odores impendertur. Est quidem ille eruditus et sapiens, ut qui se ab ineunte aetate altioribus studiis artibusque dediderit: sed nunc omnia, quae audit saepe, quae dixit, aspernatur; expulsisque virtutibus aliis, pietatis est totus.

— *Custodite*. Tam et pudice et verecunde, tanquam custos in propinquo esset. *E*.

— *Qua patientia*. Desunt in Rom. *H*.

4. *Patrem adhortabatur*. Rom. *Patrem adhortabatur*. Et postea *corporis viribus*, sine pronomine *sui*. *H*. — Delendum *sui*, quod nec Curtius in libris suis reperit, ideoque iure expunxit. *S*.

5. *O morte ipsa mortis tempus*. Sic et Rom. Deinde, iam nos advocati. *H*.

6. *Fundanum ipsum*, etc. Rom. *Fundanum ut multa*. Deest ipsum, *H*. — *Multa* . . . . *dolor invenit*. Nempe omnia dolens quodam modo amat

dolorem suum. Itaque Fundanus pater, dum praecipit suis, ut pro vestibus, gemmis, margaritis, thura et unguenta emant, hac sententia, cui ipsi ex rebus tam moleste contrariis quidam aculeus inest, dolorem suum ostendit et acuit. *E*. — *In thura et unguenta*. Rom. *In thura et in unguenta*. *H*.

7. *Studiis artibusque dediderit*. Sic et Rom. *H*. — *Expulsisque virtutibus*, etc. Rom.: » Expulsisque virtutibus et aliis pietatis est totus. Ignosces. Laudaveris etiam, si cogitaveris. » Desunt et talis est pietatis cui. *H*. — *Pietatis est totus*. Videl. Burmann, ad



Ignosces, laudabis etiam, si cogitaveris, quid amisit. Amisit enim filiam, quae non minus mores eius quam os vultumque referebat, totumque patrem similitudine exscripserat. Proinde si quas ad eum de dolore tam iusto literas mittes, memento adhibere solatium, non quasi castigatorium et nimis forte, sed molle et humanum. Quod ut facilius admittat, multum faciet medii temporis spatium. Vt enim crudum adhuc vulnus medentium manus reformidat, deinde patitur, atque ultro requirit; sic recens animi dolor consolationes reiicit ac refugit, mox desiderat, et clementer admotis acquiescit. Vale.

Val. Flacc. I, 207, qui bene comparat Graecorum ὄλαν τίναί τιος. Aleiphron pag. 206 αἱ αἴγες . . . ὄλαι τοῦ μίθους ἐγίνοντο, ubi vid. Bergler. S.

8. Si quas, etc. Rom. Omisit tam iusto. Postea, castigatorium. II.

9. Clementer admotis acquiescit.

Rom. Vchementer admotis acquiescit.

II. — Non temere addidit clementer; monet enim molle solatium Fundani admoventum esse. L.

## XVII.

Calpurnium bene recitasse nuntiat, fratrisque illius pietate laudata, nobiles adolescentes hortatur. Haec epistola animum generosum et nobilem spirat.

C. PLINIUS SPVRINNAE \* SVO S.

Scio, quantopere bonis artibus faveas, quantum gaudii capias, si nobiles iuvenes dignum aliquid maioribus suis faciant: quo festinantius nuntio tibi, fuisse me hodie in auditorio Calpurnii Pisonis. Recitabat κατὰ στερισμῶν eruditam sanc luculentamque materiam.

XVII.\* De *Vetricio Spurrina* vid. II, ep. 7, III, ep. 1. L.

1. Κατὰ στερισμῶν. Relationum in

stellas seu rerum hominumque in sidera relatorum historias. Alii, et Cortius etiam, ἱστορημάτων. Sed

PLIN. Ep. Tom. I

X

Scripta elegis erat fluentibus, et teneris, et enodibus, sublimibus etiam, ut poposcit locus. Apte enim et varie nunc attollebatur, nunc residebat: excelsa depressis, exilia plenis, severis iucunda mutabat; omnia ingenio pari. Commendabat haec voce suavissima, vocem verecundia. Multum sanguinis, multum sollicitudinis in ore, magna ornamenta recitantis. Etenim, nescio quo pacto, magis in studiis homines timor, quam fiducia decet. Ne plura: (quamquam libet plura, quo sunt pulchriora de iuvene, rariora de nobili),

quam *eruditam luculentamque materiam* vocet Secundus, quod nescio quam bene *ἰσχυρταρυστόν* conveniat, (quo titulo alloquin habemus lepidum carmen Ausonii) ac praeterea magna sit, ut fere solet in Graecis, huius loci in libris varietas, reducere ausus sum Aldi ac Medicei codicis lectionem, a qua non longe abire *ταπεινόν* et similia monstra lectionum, ille videt, qui observavit, quomodo in Graecis exprimendis versari soleant Latini librarii. Potest vocari *erudita materia* *καταρτισμὸν*, de rebus in sidera hominibus, animalibus, rebus aliis; quod mythicae historiae bonam partem complectatur scilicet: *luculentam* nemo negabit, nisi qui lucem astris. Nondum observavi *καταρτισμὸν* nomen (conf. Gesneri ad I. A. Ernestium epistola): sed dubitare nos de vi illius et significatione non sinit vel unus Apollodori locus III, 8 extr. p. 190 Galei, de Iove, τὴν δὲ Καλίστῳ καταρτίσας ἐκάλειν Ἀπὸν. Sic nuper ἀναρτίσων legimus de rebus carmine Emman. Martini inter astra ipsis arca. Vid. Gregor. Mayansii ep. 5, 7, p. 290. G.—*Luculentam* materiam quis credat propter lucem astrorum nunc dictam? Gesnerus illud lepide, ut nonnunquam solet.

*Luculata* est insignis, ampla, nobilis, propter rei sanctimoniam et auctoritatem. E. — Rom. *Recitabat apte nervos. H.*

— *Scripta elegis, etc.* Rom. *Scriptae legis erat fluentibus, teneris et enodibus H.* — *Fluentibus, etc.* Concinnitatem, dulcedinem et nitorem cogita. Sed omnem hunc locum de industria copiosius exposuimus in Lex. technol. rhet. pag. 177. E.—*Vt poposcit, etc.* Rom. « Vt poscit locus. Aliae enim et variae sententiae nunc attollebantur, nunc residebant. » H.

— *Severis iucunda mutabat.* Rom. *Iucunda severis mutabat. H.* — Hunc ordinem malim. S.

2. *Vocem verecundia. Multum.* Rom. *Vocem verecundia, multum. H.*

— *Multum sanguinis.* Explicat I, 44, 8: « Est illi facies liberalis, multo sanguine, multo rubore suffusa. » Sed illi signum est auitatis, hic verecundiae. S. — *Sollicitudo* illa dicentium et recitantium mirifice placebat Romanis. Antonius in principio actionum suarum exallescerebat, totoque corpore tremebat. L.— *Magis... timor, quam fiducia.* Nimirum *Ἀγαθὴ μὲν ὁρᾶτος* x. τ. λ. Vid. IV, 7, 3. G.

3. *Quo sunt pulchriora, etc.* Rom. *Quo pulchriora sunt de iuvene nobili,*

recitatione finita, multum ac diu exosculatus adolescentem, qui est acerrimus stimulus monendi, laudibus incitavi, *Pergeret, quae coepisset, lumenque, quod sibi maiores sui praetulissent, posteris ipse praeferret.* Gratulatus sum optimae matri, gratulatus et fratri, <sup>4</sup> qui ex auditorio illo non minorem pietatis gloriam, quam ille alter eloquentiae tulit: tam notabiliter pro fratre recitante primum metus eius, mox gaudium einiuit. Dii faciant, ut talia tibi saepius nuntiem! <sup>6</sup> Faveo enim saeculo, ne sit sterile et effoetum: miraque cupio, ne nobiles nostri nihil in domibus suis pulchrum, nisi imagines habeant: quae nunc mihi hos adolescentes tacite laudare, adhortari, et, quod amborum gloriae satis magnum est, agnoscere videntur. Vale.

*rariora de nobis. H. — Quod sibi maiores, etc. Rom. Quod mi maiores praetulissent, (sine sibi) posteris praeferret. H.*

<sup>4</sup> *Qui ex auditorio illo .... tulit. Rom. Qui in auditorio illo .... retulit. H.*

<sup>5</sup> *Faveo, ... ac. Brevisiloquentia, qualem tetigimus supra ad III, 5, 16. Supple et opto. S. — Sterile et effoetum. Rom. Sterile effoetum, sine copula. H. — Miraque cupio, ac .... nihil .... nisi. Insolens constructio, a Plinii tamen manu profecta. Debebat esse: miraque cupio, ut, etc. En igitur locus, quem frustra quaeerebam*

*ad IV, 13, 8, ubi unci amovendi S. — Quae nunc mihi adolescentes H. — Placet hic ordo. S. — Agnosceret. Prosopopoeia utilis. Imagines maiorum suorum agnoscent Calpurniani, et dicunt ei, quod Terentianus Demeas Ad. IV, 2, 25: Lauro, o Ctesipho, patrias: ubi, virum te iulico. Hoc est, agnoscunt homines, qui utrosque norunt, similitudinem quamdam inter veteres Calpurnios, et hunc iuvenem. Huic gloriosum est maiorum esse similem: illis decorum, tales praedicari, qualis est hic eorum sanguine ortus, etc. G. — Rom. Cognoscere videntur. H.*

## XVIII.

*Secessus amoenitatem ei gratulatur.*

C. PLINIVS MACRO • SVO S.

Bene est mihi, quia tibi bene est. Habes uxorem tecum, habes filium. Frueris mari, fontibus, viridibus, agro, villa amoenissima. Neque enim dubito esse amoenissimam, in qua se composuerat homo felicior, antequam felicissimus fieret. Ego in Tuscis et venor et studeo, quae interdum alternis, et interdum simul facio: nec tamen adhuc possum pronuntiare, utrum sit difficilius capere aliquid, an scribere. Vale.

XVIII.\* De Macro vid. ad III, ep. 5. L.

1. *Fontibus, viridibus, agro.* Rom. *Fontibus, rurius, agro.* H.

— *In qua se composuerat.* Ad vilam privatam, ut suo arbitratu viveret, redierat: ut componere se dicuntur, qui in lecto ad mensam vel alias accumbunt. Caeterum ille felicior homo, antequam felicissimus fieret, Nerva videtur Catanaeo. Mihi magis placet, quod etiam Cortio in mentem venit, ipsum Sullam Faustum, illum, *Feli-*

*cem, inapposito*, intelligere, eiusque villam Puteolan. de qua Victor de Vir. Ill. c. LXXV. Brevi nimirum sententia complectitur noster, quod latius ab avunculo ipsius disputatur VII, 43, seu 44. G.

2. *Et venor.* Vid. I, 6, init. G. — *Quae interdum, etc.* Rom. *Quae interdum simul facio.* Desunt *alternis et interdum.* H. — *Leg. Quae interdum alternis, interdum simul facio, copula deleta, quam non agnoscunt libri Cortiani.* S.

## XIX.

Rogat, ut Paullinus villam suam Zosimo liberto commodet valetudinis recuperandae causa. Ita autem scripta est haec epistola, ut possit esse egregium commendandi exemplum.

C. PLINIVS PAVLLINO • SVO S.

Video, quam molliter tuos habeas: quo simplicius tibi confitebor, qua indulgentia meos tractem. Est mihi semper in animo et Homericum illud πατὴρ δ' ὧς ἦπιος ἦεν, et hoc nostrum, *pater familias*. Quod si essem natura asperior et durior, frangeret me tamen infirmitas liberti mei Zosimi, cui tanto maior humanitas exhibenda est, quanto nunc illa magis eget. Est homo probus, officiosus, literatus, et ars quidem eius, et quasi inscriptio, comoedus, in qua plurimum facit. Nam pronuntiat acriter, sapienter, apte, decenter etiam; utitur et cithara perite, ultra quam comoedo necesse est. Idem tam commode orationes et

XIX. • De Paullino vid. ad II, ep. 2. L.

1. In animo et Homericum illud. Rom. In animo Homericum illud, sine et. H. — Copula melius adest. S. — Homericum. Od. β. 47 et 234. Quantam autem vim habeat ea vox apud Homerum, inde quoque apparet, quod Iupiter omnem suam benevolentiam pollicens Palladi II. θ, 40, εἶπας δὲ, inquit, τοὶ ἦπιος ἦεναι. Dixerat θάπτεαι, ἡδὲν τίτεις, x. τ. λ. G. — Hoc nostrum, *pater familias*. Rom. Hoc nostrum, *pater familiae*. H. — Vid. Drakenb. ad Liv. XXXIV, 2, 4. S.

— Exhibenda est; etc. Rom. Exhibenda est, quanto nunc minor venit debilitas: iam angitur homo probus

et officiosus et literatus. • H.

2. Inscriptio. Titulus, qui in tabella a collo ipsius pendente scribendus esset, si inter venales prostare iubeas. G.

— Apte, decenter. Decenter aliquanto plus est, quam apte. Apte pronuntiat, qui personam non laedit, quum senem agit, senili gestu utitur, et voce tremula, etc. Decenter, qui ad minitias usque minimas descendit, et personam totam ita, ut puchra imago animale exemplum suum, exprimit. Vid. VI, 24, 5. G. — Utitur et cithara. Rom. Utitur cithara. H.

— Commode.... legit. Nimirum comoedo operam dabant, qui legere recte, aut agere in concione discere

historias et carmina legit, ut hoc solum didicisse videatur. Haec tibi sedulo exposui, quo magis scires, quam multa unus mihi et quam iucunda ministeria praestaret. Accedit huc longa iam caritas hominis, quam ipsa pericula auxerunt. Est enim ita natura comparatum, ut nihil aeque amorem incitet et accendat, quam carenti metus, quem ego pro hoc non semel patior. Nam ante aliquot annos, dum intente instanterque pronuntiat, sanguinem reiecit, atque ob hoc in Aegyptum missus a me, post longam peregrinationem confirmatus rediit nuper: deinde dum per continuos dies nimis imperat voci, veteris infirmitatis tussicula admonitus, rursus sanguinem reddidit. Quae ex causa destinavi eum mittere in praedia tua, quae Foroiulii possides. Audiui enim te saepe referentem, esse ibi et aëra salubrem, et hac huiusmodi curationibus accommodatissimum. Rogo ergo, scribas tuis,

vellent. Vld. Quint. I, 44, 4. *Dandum aliquid comoedo quoque*, etc. G.

3. *Accedit huc longa iam caritas.* Rom. *Accedit longa iam caritas.* II. Plerique libri huc omittunt; delevitque eum Cortio Gierigius. S.

4. *Est enim ita natura comparatum.* Rom. *Est enim natura comparatum.* II.

5. *Dum intente*, etc. Rom. *Dum intente instanterque pronuntiaret.* II. — *Ob hoc in Aegyptum.* Adposuit laudavit hic Cellarius Plinium maiorem lib. XXXI, 6, s. 33: « Neque Aegyptus propter se petitur, sed propter longinquitatem navigandi. » Sed maxime huc pertinent, quae praecedunt: « Principalis maris usus est navigandi phthisi affectis, aut sanguinem egerentibus. » Quod autem negavit Aegyptus propter se peti, in hoc contradicere vid. Celso, qui III, 22, phthisicis

et opus est, inquit, si vires patiuntur, longa navigatione, caeli mutatione, sic, ut densius, quam id est, ex quo discedit aeger, petatur: ideoque optissime Alexandriam ex Italia itur. » G. — *Nimis imperat.* Vocem legendo aut declamando nimis et supra vires intendi . . . . Catanaeum notat etiam legi minus imperat voci, quae sane facilius et usitatior forma est. F. — Nihil de hac *diuturnitas* in Cortio, quae et alibi, quantum commemori, in notis Catanaei reddendis negligentior fuit. Caeterum *nimis* iniquum genuinum. S.

6. *Foroiulii.* Italia duo habebat huius nominis oppida, alterum in Transpadanis, alterum in Vindis: Plin. H. N. III, 44 et 49. L.

— *Aëra salubrem.* Rom. *Aërem salubrem.* II.

ut illi villa, et domus pateat; offerant etiam sumptibus eius, si quid opus erit: erit autem opus modico. Est enim tam parvus et continens, ut non solum delicias, verum etiam necessitates valetudinis frugalitate restringat. Ego proficiscenti tantum viatici dabo quantum sufficiat eunti in tua. Vale.

7. *Vt illi villa, ut domus pateat.*  
Rom. *Vt illi villa, illi domus pateat.*  
H. Excerpta Brummeri *ut illi villa et*

*domus pateat, quod praefero. S.*  
8. *Quantum sufficiat, etc.* Rom.  
*Quantum sufficit et eunti in cura tua. H.*

## XX.

*Varenium, a Bithynis ex proconsulatu accusatum, defendit.*

C. PLINIUS VRSO SVO S.

Iterum Bithyni, post breve tempus a Iulio Basso, etiam Rufum Varenium proconsulem detulerunt: Varenium, quem nuper adversus Bassum advocatum et postularant et acceperant. Inducti in senatum, inquisitionem postulaverunt: tum Varenus petiit, ut sibi quoque defensionis causa evocare testes liceret: re-

XX. 1. *A Iulio Basso.* Hoc est, post accusatum a se Iulium Bassum: qua de re supra IV, 9, actum. *Rufus Varenus* est ille *Pomponius*, de quo IV, 9, 3. G.—Rom. « Iterum Bithyni (breve tempus) a Iulio Basso et Rufum. » Proxime, *Varenium quem adversus Bassum, sine nuper.* H.

2. *Sibi quoque.* Nimirum qui inquisitionem postularet, ii petunt mitti in provinciam, qui quaerant de factis, qui instrumenta conquirant, qui testes adducant: hic Varenus invicem

sibi quoque hoc vult tribui, ut evocare liceat testes. Hoc quum negarent fieri debere Bithyni, de hoc, nondum de criminibus Varenii, cognitio suscepta est; de hoc egit Plinius, non sine eventu. Nam impetratum est, ut et ex hac ipsa epistola §. 7, apparet, et repetitur VI, 5, 4, it. VI, 43, init. ac VI, 29, 44. Haec monenda fuere, quod vir doctus hic putabat, tunc quoque nihil habere, quo referatur, et substitui volebat ex Mediceo libro undique. G.—Rom. « Vt sibi quoque defensionis causa vocare testes. » H.

cusantibus Bithynis, cognitio suscepta est. Egi ego pro Vareno, non sine eventu: nam bene an male, liber indicabit. In actionibus enim utramque in partem fortuna dominatur: multum commendationis et detrahit et affert memoria, vox, gestus, tempus ipsum; postremo vel amor vel odium rei: liber offensis, liber gratia, liber et secundis casibus et adversis caret. Respondit mihi Fonteius Magnus, unus ex Bithynis, plurimis verbis, paucissimis rebus. Est plerisque Graecorum, ut illi, pro copia volubilitas: tam longas, tamque frigidas periodos uno spiritu, quasi torrente, contorquent. Itaque Iulius Candidus non invenuste solet dicere, *aliud esse eloquentiam, aliud loquentiam*. Nam eloquentia vix uni aut alteri, immo,

— *Egi ego*. Pronomen Cortius et Giergius recte omiserunt. S. — *Nam bene an male*. Illud nam Atticae cuiusdam elegantiae est, et indicat omis- sam propositionem, hic ita forte supplendam: *Dixi, non sine eventu*. Non mirum, me eventum solum commemorare: nam etc. Saepe ita Quintilianus, v. g. II, 42, 7; VI, 3, 63 et 76. Saepe Lucianus et confabulatores Attici. G. — Ita et Rom. H. — *Liber indicabit*. Hoc est oratio scripta. De differentia actionis et orationis seu libri Nostrer I, 20, 9 sq. G.

3. *Et detrahit et affert*. Rom. *Et detrahit et affert*. Deinde postremo vel amorem. H.

4. *Plurimis verbis*. Rom. *Pluribus verbis*. Et inde: « Mos est plerisque Graecorum, ut ait illis. » — *Tum, frigidas periodos*. H.

— *Est plerisque*. Revocavit hanc lectionem e bonis libris Cortius, et mox frigidas e Mediceo. De hoc res clara, et vel sine libro audenda. (Add. Gesneri ad. I. A. Ernest. epi-

stola. S.) Quod Graecos nominat, sui illum temporis homines Asiatico tumore corruptos intelligere, palam est. G. — De his oratoribus v. Cic. Brut. XIII, Sueton. Aug. LXXXVI, Et Petron. II. « nuper, inquit, ventosa isthaec et enormis loquacitas Athenas ex Asia commigravit. » Mox frigidas periodos dicit inanes annu ex verborum redundantia. Contorquent autem periodos, qui rapidissime et celerrime efferunt voce et spiritu. E. — *Contorquent*. Manet in metaphora de spiritu et torrente: hae duo enim contorquent obvia quaeque; arbores venti, saxa fluvii, etc. G.

5. *Iulius Candidus* iterum Cos. anno Traiani octavo. L. — *Loquentia* non erat voc. usu receptum, sed id, ut observat Valerius Probus grammaticus, ap. Gellium I, 15, innovavit Sallust. Cat. V, 4. L.

— *Vix uni aut alteri*, etc. Rom. « Vix uni aut alteri: iam non sumus Antonii: credamus nemini. » H. — *M. Antonio*. Apud Ciceronem in Ora-



si Marco Antonio credimus, nemini; haec vero, quam Candidus *loquentiam* appellat, multis, atque etiam impudentissimo cuique maxime contingit. Postero die <sup>6</sup> dixit pro Vareno Homullus callide, acriter, culte; contra Nigrinus presse, graviter, ornate. Censuit Acilius Rufus, consul designatus, inquisitionem Bithynis dandam: postulationem Vareni silentio praeteriit. Haec <sup>7</sup> forma negandi fuit. Cornelius Priscus consularis et accusatoribus, quae petebant, et reo tribuit, vicitque numero. Impetravimus rem nec lege comprehensam, nec satis usitatam, iustam tamen. Quare iustam, <sup>8</sup> non sum epistola exsequuturus, ut desideres actionem. Nam si verum est Homericum illud,

Τὴν γὰρ αἰδὼν μᾶλλον ἐπικλείουσ' ἄνθρωποι,  
Ἦπερ αἰουδύτεσσι νεωτάτῃ ἀμμιπέληται,

apud te providendum est mihi, ne gratiam novitatis

tore e. V, *Disertos ait se vidisse multos, eloquentem omnino neminem*, quod explicat ibi Tullius. G. — *Contingit*. Cortius ex Mediceo *contigit*, quod nostro preferendum. S.

6. *Homullus callide, acriter*. Sic et Rom. H. — *Callide . . . culte*. Haec optime se habent, tresque praecipuae oratoris virtutes significant. *Callide* dicit, qui versute, et subtiliter, et acute, ingenio, inventione, et rerum prudentia excellens. Haec saepe iunguntur. Vid. Cic. Orat. VI, et XXVIII. Insigni autem loco de Orat. I, 20, omnis facultas dicendi, et eloquentia, quatenus rebus et verbis continetur, *calliditate* et *copia* describitur, quarum illa ad omnem inveniendi, haec ad enuncian-di facultatem pertinet. *Acriter* dicit, qui cum vigore et affectu dicit, ut moveat. *Culte*, qui ornate verbis et senten-

tiis. Male igitur quidam editores *callide* praetulerunt, quod ab hoc loco alienum est, nec potest ab illo *acriter* recte distingui. E.

7. *Cornelius Priscus*, etc. Rom. *Cornelius Priscus*, actoribus quae petebant. Deest *consularis et*. Actoribus in pluribus, nec aspernandum est. H. — *Corn. Priscus* haud dubie idem, ad quem III, epist. 21, de Martialis obitu. L.

— *Impetravimus*, etc. Rom. *Impetravimus rem negligenter comprehensam, nec satis auis tantum, iustam.* H.

8. *Homericum*. Od. α, 351. G. — In Rom. Homericus versus omissus est. H. — *Τὴν γὰρ*. Sensus: eam enim cantilenam magis laudant homines, quae audientes recentissima circumsonat. L. — *Apud te providendum*

et florem, quae oratiunculam meam vel maxime commendat, epistolae loquacitate praecerpam. Vale.

est mihi. Rom. *A te providendum est* maxime. Rom. *Oratiunculam illam*  
mihi. H. — *Oratiunculam meam vel* vel maxime. H.

## XXI.

*Centumvirale iudicium edicto praetoris proposito dimissum  
dilatatumque, et varii hominum de eo sermones.*

C. PLINIUS RVFO SVO • S.

Descenderam in Basilicam Iuliam, auditurus, quibus  
proxima comperendinatione respondere debebam. Se-  
debant iudices, decemviri venerant, obversabantur  
advocati; silentium longum, tandem a praetore nun-  
tius. Dimittuntur centumviri: eximitur dies, me gau-  
dente, qui nunquam ita paratus sum, ut non mora  
laeter. Causa dilationis, Nepos praetor, qui legibus

XXI. • Ad plures Rufos Noster epi-  
stolas scripsit. Quis h. l. intelligen-  
dus sit, non apparet, quum omnes  
libri id unum nomen praefertant. L.

1. *Basilica* (βασιλική σινα) por-  
ticus altitudine et magnificentia insi-  
guis. Tales basilicae addebantur thea-  
tris, templis et foris, in iisque etiam  
iudicia haberi solebant. L. — *Julia*  
est haud dubie ea quam Iulius Cae-  
sar tertii imperii anno dedicavit. L.

2. *Decemviri venerant*. *Decemviri*  
*litibus iudicandis*, qui nempe coe-  
bant centumviris, et iis praecrant.  
Vid. Cuiac. Observat. III, 32, at-  
que ad Pompon. de O. I. §. 29 Add.  
Torrent. ad Sueton. Ang. 37. G. —  
*Obversabantur advocati*. Sic et Rom.  
II.

— *Eximitur dies*. Vid. Clav. Ci-  
ceron. S.

3. *Nepos praetor*, etc. Rom. *Ne-  
pos praetor dex.* (id est designatus)  
*qui legibus quaerit*. Hanc lectionem  
confirmant, quae sequuntur §. 6, *ini-  
turus magistratum iura recognovit*. Vi-  
de de hac lectione Brummerum ad L.  
Cineiam c. VI, 6. H. — Eandem  
lectionem enotavit, eodemque con-  
firmavit argumento Catanaeus ad VI.  
S. — De Licinio Nepote, viro forti,  
severo praetore, v. IV, epist. 29,  
2; V, ep. 4, 2; VI, ep. 5. L.

— *Qui legibus quaerit*. Sic habere  
libros optimos, notat Cortius, nec  
opus esse emblemate illo, *de mune-  
ribus*. *Leges* autem intellige iudici-  
les contra munera, praevaricationes,

quaerit. Proposuerat breve edictum; admonerat accusatores, admonerat reos, exsequaturum se, quae senatusconsulto continerentur. Suberat edicto senatusconsultum: hoc omnes, quidquid negotii haberent, iurare prius, quam agerent, iuebantur, nihil se ob advocacionem cuiquam dedisse, promisisse, cavisse. Illis enim verbis, ac mille praeterea, et venire advocaciones et omni vetabantur. Peractis tamen negotiis per mittebatur pecuniam duntaxat decem millium dare. Hoc facto Nepotis commotus praetor, qui centumviralibus praesidet, deliberaturus an sequeretur exemplum, inopinatum nobis otium dedit. Interim tota civitate Nepotis edictum carpitur, laudatur. Multi: *Invenimus, qui curva corrigeret. Quid? ante hunc praetores non fuerunt? Quis autem hic est, qui emendet publicos mores?* Alii contra: *Rectissime*

corruptiones, quales sunt, de quibus Noster V, 44, 6 sq. itaque quaestiones perpetuas de pecuniis repetundis, de quibus Cio. Bruto c. XXVII, et ad quas hanc etiam speciem referri, apparet ex VI, 5, 2. Iluc pertinet bona pars legis Cincia, ad quam Brummerus cap 6 sq. de hoc etiam loco disputat, quod indicavit Cortius. G. — Gicrigina illa, qui legibus quaerit, ita interpretatur: qui non indulget advocatis, ut caeteri, sed in quaerendo severe leges sequitur et premit. An vero illud nunc aliquid valeat, quod: «Nepos praetor, qui legibus quaerit», mox distinguitur a «praetore qui centumviralibus praesidet»? Sed mihi tamen illa priora non satis emendata videntur. E.

4. *Senatusconsultum: hoc, etc.* Rom. *Senatus consultum hoc: omnes.* Sed hoc est sextus casus, cum verbo in-

lobentur coniungendus, ut factum in Gessnerianis exemplaribus, rectius quam in Cellarianis et Cortianis. H. — Etiam Cortius hoc eum verbo iubebantur coniunxit: nec aliter, puto, intellexit Cellarius. S. — *Omnes quidquid, etc.* Rom. «Omnes, quisquis negotium haberet, prius quam agere iuebantur.» H. — Cortius: «Omnes qui quid negotii haberent.» S.

— *Et omni vetabantur.* Rom. *Et omni vetabatur.* H.

5. *Deliberaturus an, etc.* Rom. «Deliberaturus an sequeretur exemplum, inopinatum nobis otium dedit» Ita recte incisum est, non, ut vulgo, post *inopinatum.* H.

6. *Invenimus, qui curva corrigeret.* Rom. *Invenimus, qui cuncta corrigerent.* H.

— *Rectissime fecit, etc.* *Rectissime fecit: iussurus magistratum iura cognovit.* Haec coniungo, vulgo divul-

*fecit initurus magistratum: iura cognovit: senatusconsulta legit: reprimat foedissimas pactiones: rem pulcherrimam turpissime vaenire non patitur.* Tales ubique sermones: qui tamen alterutram in partem ex eventu praevalerunt. Est omnino iniquum, sed usu receptum, quod honesta consilia vel turpia, prout male aut prospere cedunt, ita vel probantur, vel reprehenduntur. Inde plerumque eadem facta modo diligentiae, modo vanitatis, modo libertatis, modo furoris nomen accipiunt. Vale.

aa: pro cognovit, cum Cataneo et Cortio lego recognovit. H.

7. *Tales ubique sermones*, etc. » Tales ubique sermones, qui tamen alterutram in partem ex usu (error estami pro eventu. S.) praevalerunt: (est omnino iniquum, sed usu receptum) quod honesta consilia et (voluit, opinor, vel. S.) turpia, prout male aut prospere cedunt, ita vel probantur (Rom. procedunt iteratu priori verbo) vel reprehenduntur. » Ita h. l. semper interpun-

gendum credidi, et inclusa verba prope suspecta habui. H.

— *Modo diligentiae, modo vanitatis.* In Rom. Helmat. Oxon. Arnz. Paris. A. B. MSS. exciderunt. H. — *Diligentiae .... vanitatis.* Ergo, si consilium honestum, quo quis diligentiam probavit, male cedit, tum vanitatis nomine idem reprehenditur. Ergo, in vanitate vitiosae diligentiae notionem esse oportet, sicuti in furore, vitiosae libertatis. E.

## LIBER SEXTVS

## I.

*Hortatur, ut in urbem redeat, quia impatienter desideretur. Multum teneritatis, et mollitudinis effusum est per totam epistolam.*

C. PLINIVS TIRONI • SVO S.

Quamdiu ego trans Padum, tu in Piceno, minus te requirebam; postquam ego in urbe, tu adhuc in Piceno, multo magis: seu quod ipsa loca, in quibus esse una solemus, acrius me tui commonent: seu quod desiderium absentium nihil perinde ac vicinitas acuit; quoque propius accesseris ad spem fruendi, hoc impatientius careas. Quidquid in caussa, eripe me huic tormento. Veni, aut ego illuc, unde, inconsulte properavi, revertar, vel ob hoc solum, ut experiar, an mihi, quum sine me Romae coeperis esse, similes his epistolas mittas. Vale.

1. \* De Calestrio Tirone dictum est I, ep. 42. L.

4. *Multo magis*, etc. Rom. *Multo magis ex quo ipsa loca*, cum multis quidem, sed hic parum emendatis. H. — *Picenus ager*, ad mare supe-

rum, non nisi Sabinis interiectis diremptus erat a Latio. L. — *Acrius me tui commonent*. Sic et Romanus MS. H.

2. *Vnde inconsulte properavi* Rom. *Vnde consulte properavi*. H.

## II.

*De increbescente brevitato forensium actionum, qua studia negligantur, conqueritur ita, ut Regulum quadam ratione desideret.*

C. PLINIVS ARRIANO. • SVO S.

Soleo nonnunquam in iudiciis quaerere Marcum Regulum, nolo enim dicere, desiderare. Cur ergo quaero? Habebat studiis honorem, timebat, pallebat, scribebat: quamvis non posset dediscere illud ipsum, quod oculum modo dextrum, modo sinistrum cir-

II. • De Arriano vid. ad I, epist.

2. L.

1. *Quaerere*....*desiderare*. Subtili discrimine nunc posuit. — *Quaerebat* Regulum in iudiciis, hoc est, optabat, ut adesset exemplum industriae et studii, quo in actionibus utebatur. Eandem vero non *desiderabat* propter alias causas, quae eum odiosum et contemptibilem reddiderant. Nam in desiderio est notio rursus amoris vel reverentiae, quae is, quem desideramus, dignus sit. Cf. §. 4. Vid. ad ep. II, 4, 7. E.

2. *Scribebat*. Non fidebat ingenio, vel extemporali facultate; sed scribendi laborem et commentandi dum sustineret, rem magnam esse bene dicere, ostendebat. C. — *Quamvis non posset*, etc. Rom. *Quamvis non posset ediscere illud ipsum*. Ex hoc quoque apparet id, quod saepe dico, libentarios non suos oculos semper, sed dictantis plerumque vocem sequutos esse. Hic fons mendorum fere est uberrimus. H. — *Ediscere*. In aliis quoque libris legitur: idque verum puto. *Dediscere* natum, librarii sive audientis errore, sive legentis, ex ultimae literae vocabuli praegressi

repetitione: quod arguit lectio libri Medici, *de discere*. Totum locuto sic legam et interpungam: «Habebat studiis honorem: timebat, pallebat, scribebat, quantumvis non posset ediscere. Illud ipsum, quod... eventus, anili superstitione, sed tamen (et post tamen delendum) a magno studiorum honore veniebat.» Oculos circumlinere, splenaleque uti item anilis superstitionis videtur fuisse. S. — *Oculum circumliniebat*. Collyrio utebatur, indicaturus lucubrationum frequentiam, et noxam. Videtur autem liberum sibi reliquisse eum oculum, quem ludici obverteret: ut cuius vultus observandus esset: quod si ponas, consequetur ex hoc loco, petitozem dextrum stetit iudici, possessorem sinistrum. Sed potest etiam contra res habuisse. Caeterum etiam qui in publicum prodirent, non refugisse medicamenta, quae lincerentur, notat locus ille Sicii apud Ciceronem Bruto c. LX, in Cn. Octavium consulem: qui devinctus erat fasciis, et multis medicamentis propter dolorem artuum delibutus, etc. » et Martialis, qui XI, 99, negat adversus impor-

cumlinebat; dextrum, si a petitore, alterum, si a possessore esset acturus: quod candidum splenium in hoc aut in illud supercilium transferebat: quod semper aruspices consulebat de actionis eventu, anili superstitione, sed tamen et a magno studiorum honore veniebat. Iam illa perquam iucunda una dicentibus, quod libera tempora petebat, quod audituros corrogabat. Quid enim iucundius, quam sub alterius invidia, quamdiu velis, et in alieno auditorio quasi deprehensum commode dicere? Sed utcumque se habent ista, bene fecit Regulus, quod est mortuus; melius, si ante. Nunc enim sane poterat sine malo

tunos basiatores prodesse *laba pingui delibuta ceroto*. De *splenis* multa sunt apud eundem Martialem. Vid. Ramesius ad II, 29, p. 168. G. — *Rom.* *Modo sinistrum circumliniebat*. H. — Conf. Drakenb. ad Liv. XXI, 8, 10. S. — *Aruspices consulebat*. Quod aliis quoque in rebus solebat. Vid. II, 20, 4, quo loco ad fallendum quum adhibuerit, fieri potest, ut non tam superstitioni anili, quam iactatione quadam, et ut vanæ choragium gloriæ adhibuerit, tanquam qui maximam rem agi videri vellet, de cuius eventu vehementer laboret. Honos habetur auditoribus, si de illorum iudicio vehementer nos sollicitos esse fingamus. Quo magis probro et illud e libris adiectum a Cortio, quum alii habeant, *sed tamen a magno*, etc. G. — *Anili superstitione*. *Rom.* *Animi superstatione*. Post, *sed tamen et magno*. Satis hunc locum a Cortio emendatum puto, H.

3. *Libera tempora*. Gratius et potens petebat impetrabatque (vid. §. 7) temporis quantum vellet; non elepsydris circumscribi spatium poterat, quo fiebat, ut eadem libertas negari non posset in eodem iudicio dicentibus: quæ enim invidia, si idem sibi sumat Plinius, quod in eadem causa licuisset Regulo? Si quid invisum aut molestum, hoc ad Regulum exempli auctorem omne pertinebat. Sub huius invidia dicit Plinius. De *corrogatis* auditoribus vid. II, 14, 4. *Deprehensus* est, qui dicit non quando, aut quam diu ipse voluit ac destinavit; sed ad alienam occasionem vel voluntatem. G. Add. Gesneri ad I. A. Ernest. epistola.

— *Quid enim iucundius*. *Rom.* *Quid deique iucundius*. H.

4. *Sed utcumque ... non poterat*. Gicrigius, pro spiritibus habens, uncis inclusit: quod non imiter. *Sed utcumque ... mortuus*, obiectio est, cui respondent sequentia: *Melius si ante*, etc. Post mortuum ponenda *τὸ αἶμα στυγνὴ*. S.

— *Nunc enim sane poterat sine malo*. *Rom.* *Tunc enim poterat sine malo*.

publico vivere sub eo principe, sub quo nocere non poterat. Ideo fas est, non nunquam eum quaerere. Nam postquam obiit ille, increbuit passim et invaluit consuetudo, binas vel singulas clepsydras, interdum et dimidias, et dandi et petendi. Nam et qui dicunt, egisse malunt quam agere; et qui audiunt, finire quam iudicare. Tanta negligentia, tanta desidia, tanta denique irreverentia studiorum periculorumque est. 6 An nos sapientiores maioribus nostris? nos legibus ipsis iustiores, quae tot horas, tot dies, tot compe-  
rendinationes largiuntur? hebetes illi et supra modum tardi? nos apertius dicimus, celerius intelligimus, religiosius iudicamus, qui paucioribus clepsyd-  
ris praecipitamus causas, quam diebus explicari 7 solebant? O Regule, qui ambitione ab omnibus  
obtinebas, quod fidei paucissimi praestant! Equidem quoties iudico, quod saepius facio quam dico, quan-  
tum quis plurimum postulat aquae do. Etenim temerarium existimo, divinare quam spatiosa sit causa inaudita, tempusque negotio finire, cuius modum

Male. H. — *Nocere non poterat.* Calumnias, delationibus, ut ante Domitiani mortem. Vid. supra 1, 5, init. G.

— *Ideo fas est.* Rom. *Id coque fas est.* H.

5. *Nam postquam, etc.* Rom. « Nam postquam abiit, illa increbuit passim et invaluit consuetudo. » Verbum *abiit* non damno, de quo dixi ad Vechneri hellenolex. 1, cap. V, pr. pag. 483: illa vero ex ille corruptum est, alioquin sequeretur ut. H.

— *Finire quam iudicare.* Rom. *Finiri quam iudicare.* Deinde *irreverentia studiorum*: quae scribendi ratio frequentissime in hoc codice servata est. H.

— *Periculorumque.* Notum est sta-

tum rerum periculi nomine saepe venire apud Ciceronem: sed videbatur mihi, ad oratorem etiam sive patronum hic respici, qui et ipse dimicat de fama fidei, diligentiae, eloquentiae, ac proinde in periculo est. G.

6. *Qui paucioribus clepsydri,* etc. Rom. « Quia paucioribus clepsydri praecipitamus causas, quae diebus. » Non placet quae. H.

7. *Ab omnibus.* Iudicibus. *Paucissimi, iudices.* Locus sanctus. S.— *Quod saepius facio, etc.* Rom. « Quod vel saepius facio, quam dico, quantum quis plurimum temporis postulat, tantum do ei, quid docet. Temorarium enim existimo. » H.



ignores: praesertim quum primam religioni suae index patientiam debeat, quae pars magna iustitiae est. At quaedam supervacua dicuntur. Etiam: sed satius est et haec dici, quam non dici necessaria. Praeterea, an sint supervacua, nisi quum audieris, 9 scire non possis. Sed de his melius coram, ut de pluribus vitiis civitatis. Nam tu quoque in more communi soles emendari cupere, quae iam corrigere difficile est. Nunc respiciamus domos nostras. Ecquid 10 omnia in tua recte? in mea novi nihil. Mihi autem et gratiora sunt bona, quod perseverant; et leviora incommoda, quod adsuevi. Vale.

8. *Patientiam.* Diligenter audiendi attendendique ad causae momenta omnia: hanc primam debet religioni suae, hoc est, iureiurando, quo adstrictus est, et conscientiae, quia sine hac reliqua praestare non potest. G.

9. *Praeterea... possis.* Nec Plinio imprudenti exciderunt, neque ab inepto librario inserta sunt. Secundus, iudex, inquit, non ideo debet, quia fortasse quaedam supervacua dicuntur, quod quis aquae postulat negare. Nam primum praestat, etiam supervacua dici, quam necessaria ob horarum paucitatem omitti: deinde divinari nequit, an quis supervacua dicturus sit. S.

— *In more communi.* Nondum video melius quidquam Casauboniana hac emendatione. In libris est, a more

*communium*, τῶν κοινῶν, id est, reipublicae; vel, amore tecum mihi communi in civitatem. G. — Rom. « Nam tu quoque amore communium civium soles emendari cupere. » Dele civium, quod a nonnullis scriptum est pro communium. H. — Placet amore communium. Horat. ep. I, 20, 4: « Paucis ostendi gemis, et communia laudas. » Communibus tunc opponuntur nostra, tua, mea. S.

— *Emendari... corrigere.* Emendat, qui etiam unam de pluribus mendis tollit; corrigit, qui rectum facit, ex pravo. G.

10. *Nunc respiciamus domos nostras.* Ecquid omnia in tua recte? Rom. « Nunc respiciamus nostra: et quid omnia in tuis recte? in meis novi nihil » H. — Nostra, tuis, meis placeant. S.

## III.

*Agellum, nutriti dono datum, colendum commendat.*

C. PLINIUS VERO \* SYO 8.

Gratias ago, quod agellum, quem nutriti meae donaveram, colendum suscepisti. Erat quum donarem, centum millium nummum; postea, decrescente reddito, etiam pretium minuit, quod nunc, te curante, reparabit. Tu modo memineris, commendari tibi a me non arbores et terram (quamquam haec quoque), sed munusculum meum; quod esse quam fructuosissimum non illius magis interest, quae acceperit, quam mea, qui dedi. Vale.

III.\* *Verus rusticus fuisse videtur. L.*

4. *Erat, quum donarem. Rom. Et erat quum donarem. H.*

## IV.

*Queritur, sibi non licuisse per occupationes cum uxore in Campaniam secedere, indeque ut saepe literas mittat, monet. Haec epistola sollicitudinem amantis de coniugis absentis infirmitate fideliter refert.*

C. PLINIUS CALPURNIAE \* SVAE S.

Nunquam sum magis de occupationibus meis questus, quae me non sunt passae aut proficiscentem te, valetudinis causa, in Campaniam prosequi, aut

IV.\* *Calpurniam, posteriorem uxorem, Pompeiae Celerinae filiam, Fa-*

*bali neptem, duxisse Plinius videtur anno aetatis 36, Chr. 98. L.*

profectam e vestigio subsequi. Nunc enim praecipue simul esse cupiebam, ut oculis meis crederem, quid viribus, quid corpusculo acquirereres, ecquid denique secessus voluptates, regionisque abundantiam, inoffensa transmitteres. Equidem etiam fortem te non sine cura desiderarem. Est enim suspensum et anxium de eo, quem ardentissime diligas, interdum nihil scire. Nunc vero me *quum* absentiae, tum infirmitatis tuae ratio, incerta et varia sollicitudine exterreret. Vereor omnia; imaginor omnia; quaeque natura metuentium est, ea maxime mihi, quae maxime abominor, fingo. Quo impensius rogo, ut timori meo, quotidie singulis, vel etiam binis epistolis consulas. Ero enim securior, dum legam; statimque timebo, quum legero. Vale.

1. *Nunc.* Bepe habet. Scripta est epistola statim post Calpurniae in Campaniam profectionem. S. — *Secesus voluptates.* Suscepit incipsum post *secessus*: neque enim plures *secessus*, sed unus *secessus voluptates* commemorari puto. G. — Rom. » Et quid denique *secessus*, voluptates. » Tolle incipsum post *secessus*, qui secundus casus est. H. — *Naivem*; haec, neque illa incepta ad usorem juvenem. S.

2. *Sollicitudine exterreret.* Elegans

Marklandi coniectura correxit: quam tamen receptae lectioni praeferre, cum Cortio dubitamus. G.

— *Imagino omnia.* Haec omnia *reperio in Rom.* Deinde *Sollicitudine exterreret.* H. — *Ea maxime.* *Censoriana et maxime*, operarum, puto, negligentia. Haec correxi. S.

3. *Quotidie singulis, vel etiam binis.* Rom. *Singulis quotidie vel etiam binis.* Recte. H.

## V.

*Licinium Nepotem et Iuventium Celsum in causa Varenii inter se de legis additamento, quod Nepos suaserat, altercatos fuisse, non sine dolore refert.*

C. PLINIVS VRSQ • SVO S.

Scripseram tenuisse Varenium, ut sibi evocare testes liceret: quod pluribus aequum, quibusdam iniquum, et quidem pertinaciter, visum; maxime Licinio Nepoti, qui sequenti senatu, quum de rebus alijs referretur, de proximo senatusconsulto disseruit, finit tamque causam retractavit. Addidit etiam, petendum a consulibus, ut referrent, sub exemplo legis ambitus, de lege repetundarum, an placeret in futurum ad eam legem adiici, ut, sicut accusatoribus inquirendi, testibusque denunciandi potestas ex ea lege esset, ita reis quoque fieret. Fuerunt quibus haec eius oratio, ut sera et intempestiva et praepostera, displiceret: quae omisso contradicendi tempore castigaret peractum, cui potuisset occurrere. Iuventius quidem Celsus praetor, tanquam emendatorem senatus, et multis et vehementer increpuit. Respondit Nepos,

V. 1. *Scripseram.* V, 20, 2 sq. G.

2. *Vt, sicut accusatoribus.* Rom. *Vt sicuti accusatoribus.* H.

3. *Iuventius.* *Inventius* ex Aldino et Mediceo scribit Cortius. Si omnino placet tertiam litteram esse V, scribendum porro videtur *Iuencius*, a *Iuensis*, *Iuvenens*. *Iuventius* haberet formam *Vincensii*, et *Venanti*, et *Vigilanti*, etc. Quum auctoritates sint fere pares nihil definitio. Sic de

Prisco *Iavoleno* an *Iaboleno* se res habet VI, 15, 2. G. — Rom. *Iuencius* quidem *Celsus*. Hoc melius est quam vulg. illud *Iuventius*, *Iuventinus* quod sine dubio derivatur a *Iuencus*. II. — *Iuventius Celsus* de secta Proculi iuridica libros scripsit, et ab iuriconsultis antiquis saepe commemoratur. Consulatu his functus est, fuitque inter Hadriani amicos et consiliarios. L.

rursusque Celsus: neuter contumeliis temperavit. Nolo referre, quae dici ab ipsis moleste tuli: quo magis quosdam e numero nostro improbavi, qui modo ad Celsum, modo ad Nepotem, prout hic vel ille diceret, cupiditate audiendi cursitabant: et nunc, quasi stimulant et accenderent, nunc, quasi reconciliarent componerentque, frequentius singulis, ambobus interdum, propitium Caesarem, ut in ludicro aliquo, precabantur. Mihi quidem illud etiam peracerbum fuit, quod sunt alter alteri, quid pararent, indicati. Nam et Celsus Nepoti ex libello respondit, et Celso Nepos ex pugillaribus. Tanta loquacitas amicorum fuit, ut homines iurgaturi id ipsum invicem scirent, tanquam convenissent. Vale.

4. *Vt in ludicro.* In ludis gladiatoris suo vel Threci vel mirmilloni; in Circensibus suo quem elegit colori (vid. IX, 6, 2) quisque ut ipse favet, ita favere optat Caesarem. Compositi hic erant, et acerrime certabant viri graves. Hos favendo incitant homines. G. — Etiam Rom. *Vt in ludicro aliquo precabantur.* H.

5. *Sunt . . . indicati.* Effusiit v. g. aliquis apud Nepotem, quid dicturus esset lubentius, et rursus, quid hic responsurus esset, ad Nepotem relatum est, etc. G.

6. *Id ipsum, etc. Rom. Id ipsum invicem scierint, tanquam convenissent.* Medic. *scirint*, cum Rom. fere consentiens. Pro *convenissent* Ald. in prima et Catan. *convenisset*, quod verius. *Convenit inter aliquos id*, in quod illi consentiunt. Curtius liber VIII, 14, pr. s. Abisarem belli socium (et ita convenerat) adventare credebant. s. Id. lib. X, cap. 9, 9: s. Ad ultimum convenit, ut comprehenderentur tam seditionis vocis auctores. s. Vid. Bosii indic. ad Cornel. Nep. h. v. H.

## VI.

*Rogat Fundanum, ut se, pro Iulio Nasone petiturum, adiuvet.*

¶ C. PLINIUS FUNDANO • SVO S.

Si quando, nunc praecipue cuperem esse te Romae, et sis, rogo. Opus est mihi voti, laboris, sollicitudinis socio. Petit honores Iulius Naso: petit cum multis, cum bonis; quos ut gloriosum, sic est difficile superare. Pendeo ergo, et exerceor spe, atque adficio metu, et me consularem esse non sentio. Nam rursus mihi videor omnium, quae decurri, candidatus. Meretur hanc curam longa mei caritate. Est mihi cum illo non sane paterna amicitia; neque enim potuit esse per meam aetatem: solebat tamen vixum adolescentulo mihi pater eius cum magna laude monstrari. Erat non studiorum tantum, verum etiam studiosorum amantissimus: ac prope quotidie ad audiendos, quos tunc ego frequentabam, Quintilianum et Niceten Sacerdotem ventitabat: vir aliqui clarus

VI. • *Fundanum* Plinius IV, ep. 15, consulatum augurat, atque Asinium Quaestorem commendat. Summa eum fuisse dignitate, ex hac epistola intelligas. L.

1. *Petit . . multis.* Sic et Rom. H. — *Iulius Naso* forte idem ad quem IV, ep. 6. Nasonis cognomen pluribus gentibus commune erat, Octaviis, Otaciliis, Ovidiis. L.

2. *Pendeo ergo, etc.* Rom. » Pendeo ergo, et exerceor spe, adficio metu, me consularem non esse sentio. Rursus mihi videor omnium, quae decurri. » H. — Placet oratio deinde, utpote gravior, animoque Plinii com-

moto magis consentanea. Spe non damnem. S.

— *Quae decurri.* Iulius Naso nunc primum honores petit, hoc est, Quaesturam. Plinius tanto opere laborat pro amico, ut videatur ipse sibi curriculum illud honorum, quod emensus erat, qui ad summum gradum, Consulatum, pervenisse, de novo ingredi. G.

3. *Neque enim potuit esse.* Rom. *Neque enim esse potuit.* H.

— *Erat . . studiosorum.* Sic et Rom. H. — *Niceten Sacerdotem.* Rom. *Niceam Sacerdotem.* H. — *Nicetes* sub hoc tempus Romam venisse videtur,

et gravis, et qui prodesse filio memoria sui debeat. Sed multi nunc in senatu, quibus ignotus ille; multi, quibus notus; sed non nisi viventes reverentur: quo magis haec, omisso gloria patris, in qua magnum ornamentum, gratia infirma, ipsi enitendum et laborandum est. Quod quidem semper, quasi provideret hoc tempus, sedulo fecit; paravit amicos; quos paraverat, coluit: me certe, ut primum sibi iudicare permisit, ad amorem imitationemque delegit. Dicenti mihi sollicitus adsistit, adsidet recitanti: primus etiam et quum maxime nascentibus opusculis meis interest, nunc solus, ante cum fratre; cuius nuper amissi ego suscipere partes, ego vicem debeo implere. Doleo enim et illum immatura morte indignissime raptum, et hunc optimi fratris adiumento destitutum, solisque amicis relictum. Quibus ex causis exigo, ut venias, et suffragio meo tuum iungas. Permultum interest mea, te ostentare, tecum circumire. Ea est auctoritas

quam antea apud Graecos declamasset. Vid. dial. de Cor. eloq. XV. Laudat enim Senec. Controv. IX, 2. L.

4. *Ipsi enitendum et laborandum est.* Rom. *Ipsi enitendum, ipsi elaborandum est.* Maior vis in iterato pronominis. H. — Bene iterarunt Cortius et Gorigius. Praestat item *elaborandum*. S.

5. *Quasi provideret hoc tempus.* Rom. *Quasi praevideret hoc tempus.* H.

6. *Primus etiam.* Eadem sententia legit Cortius *primis*: et sunt sane, quod luculenter probavit, *prima opuscula* recentia, *nascentia*, de manu auctoris sui exeuntia. G. — Rom. «Sollicite adsistit, adsidet recitanti primus etiam et quum maxime.» Itelineo *primus*, quod Cortius in *primis* mutavit. H. — Gravi locus corruptela videtur Gorigio laborare. Non assentior. «Sed quis, inquit, homo sanus

meditanti sibi aut scribenti socios testesve advocet? » Hoc an insani sit, nunc non quaero: id scio, sanissimi esse, consulere amicos de opusculis, dum nascentur. Sic enim et errores facilius caveas, et si quid illi commode monuerint, maiore cum fructu in rem tuam convertas. S.

7. *Quibus ex causis exigo.* Pro iure meo. Vid. VI, ep. 8, 5; VII, ep. 42, t. G.

— *Circuire.* Non in campo Martio, ut salva republica, sed, ut lib. II, epist. 9, 5, *per domos stationesque*. Iam tum enim ad Senatores solos suffragii ius retulerat Tiberius, quod ex Tacito A. 1, 15 Cellarius hic memorat. G. — *Te ostentare, tecum circumire.* Rom. *Te ostentare et tum circumire.* H.

8 tua, ut putem me efficacius tecum etiam meos amicos rogaturum. Abrumpe, si qua te retinent. Hoc tempus meum, hoc fides, hoc etiam dignitas postulat. Suscepi candidatum, et suscepisse me notum est: ego ambio, ego periclitor. In summa, si datur Nasoni quod petit, illius honor; si negatur, mea repulsa est. Vale.

— *Tuum etiam meos amicos rogaturum.* Rom. MS. *Etiam amicos rogaturum.* Deest meos. H.

8. *Suscipit hominem, qui eum tueri et adiuvere quocumque modo constituit.* L.

## VII.

*Se non minori desiderio illius teneri, quam illam sui.*

C. PLINIVS CALPURNIAE SVAE S.

Scribis, te absentia mea non mediocriter adfici, unumque habere solatium, quod pro me libellos meos teneas, 2 saepe etiam in vestigio meo collocas. Gratum est, quod nos requiris, gratum, quod his fomentis adquiescis: invicem ego epistolas tuas lectito, atque identidem in manus quasi novas sumo; sed eo magis ad desiderium tui accendor. Nam cuius literae tantum habent

VII. 4. *In vestigio meo.* In locis, ubi ego adsidere vel accumbere tibi soleo, ut pro me illos habeas. *Vestigium* poni pro signis etiam toto corpore impressis, copiose ostendit Cortius, laudato etiam Burmanno ad Ovid. Art. IV, 721, nihil magis huc pertinet, quam Cic. Verr. III, 34: «Quam in lectulo decumante mulieris vestigia viderent recentia.» Pro loco autem, ubi quis fuit, etiamsi non appareant vestigia proprie dicta, po-

suit ipse Noster in Panegyrico XXIII, 5. G.

2. *Gratum est quod, etc.* Rom. *Gratum, quod his fomentis adquiescis, omissis est, quod nos requiris.* Restituit h. l. Cortius. II.—Bene Cortius, quem secutus est Gierigius: «Gratum est, quod nos requiris, gratum, quod his fomentis adquiescis.» Frequentat Secundus tales repetitiones. Simul intelligitur, unde lacuna libri Romani originem traxerit. S.



suavitatis, huius sermonibus quantum dulcedinis inest! Tu tamen frequentissime scribe, licet hoc ita me delectet, ut torqueat. Vale.

3. *Vt torqueat.* Quo enim frequentius literas tuas accipio, eo acrius et impatientius te ipsam requiro. Idem

fere iam supra dixerat: «eo magis ad desiderium tuum accendor.» E.

## VIII.

*Attilium in causa pecuniaria commendat tum ab amicitia, quam secum colat, tum a propria virtute, adperso metu vindicandi damni, quia facetissimus sit.*

C. PLINIVS PRISCO • SVO S.

**A**ttilium Crescentem et nosti et amas. Quis enim illum spectatior paullo aut non novit, aut non amat? Hunc ego non ut multi, sed arctissime diligo. Oppida nostra unius diei itinere dirimuntur: ipsi amare invicem, qui est flagrantissimus amor, adolescentuli coepimus. Mansit hic postea, nec refrixit iudicio, sed invaluit. Sciunt, qui alterutrum nostrum familiarius intuentur. Nam et ille amicitiam meam latissima prae-

VIII. Heinkecius putat *Priscum* in his epistolis esse *Neratinum Priscum*, iuriconsultum et doctrina et moribus insignem, sub Traiano consulatu functum, post inter Adriani consiliarios habitum. L.

4. *Attilium Crescentem.* Rom. *Attilium Crescentem.* Deinde: *Quis cum illo spectatior*, male. H. — De *Attilio Crescente* I, ep. 9, 8. L. — *Spectatus* olim dicebatur, qui, qualis sit, certis experimentis cognitus est. Sed apud Plinium plus semel, illustrem significat. L.

2. *Oppida nostra.* Patriae urbes, ut *Copernaum Christi oppidum* vocatur. Sic Noster II, 4, 8, *Eadem regio*, et VII, 22, 2, *regio mea*, etc. G. — *Simplicius* forte erat dicere, *oppidum* quemque *num* illud appellare, in quo habitet. E. — *Qui est flagrantissimus amor.* Rom. *Quam est flagrantissimus amor.* H.

— *Nec refrixit iudicio.* Rom. *Hic neque refrixit iudicio.* Postea, *quantae sit mihi curae*, quod Cortius non probat. H. — *Familiarius*, ut solent familiares, accurate. L.

dicatione circumfert, et ego prae me fero, quam sit  
3 mihi curae modestia, quies, securitas eius. Quin etiam  
quum insolentiam cuiusdam tribunatum plebis inituri  
vereretur, idque indicasset mihi, respondi:

Οὐτίς, ἐμεῦ ζῶντος καὶ ἐνὶ χρεὼνι διεκούμενοιο,  
Σοὶ καὶ ληξὶ παρὰ νηυσὶ βαρὺς χεῖρας ἐπολεῖ.

4 *Quorsum haec?* Vt scias, non posse Attilium, me in-  
columni, iniuriam accipere. Iterum dices, *Quorsum*  
*haec?* Debuit ei pecuniam Valerius Varus: huius est  
heres Maximus noster, quem et ipse amo, sed con-  
5 iunctius tu. Rogo ergo, exigo etiam pro iure amicitiae,  
cures, ut Attilio meo salva sit ~~non sors~~ modo, sed  
etiam usura plurium annorum. Homo est alieni absti-  
nentissimus, sui diligens: nullis quaestibus sustinetur,  
6 nullus illi, nisi ex frugalitate redditus. Nam studia,  
quibus plurimum praestat, ad voluptatem tantum et  
gloriam exercet. Gravis est ei vel minima iactura,  
7 quia reparare, quod amiseris, gravius est. Exime  
hunc illi, exime hunc mihi scrupulum; sine me sua-  
vitate eius, sine leporibus perfrui. Neque enim pos-  
sum tristem videre, cuius hilaritas me tristem esse  
8 non patitur. In summa, nosti facetias hominis, quas  
velim attendas, ne in bilem et amaritudinem vertat

— *Modestia.* Pertinet ad illa quae  
§. 5 dicitur. *E.*

3. Οὐτίς, ἐμεῦ. B. a, 88. *G.* — Rom.  
Οὐτίς ἐμεῦ ζῶντος. Caetera desunt,  
et intelligenda potius, quam a Plinio  
adscripta sunt. *H.* — Verissime. Homo  
ineptus totum locum adscripsit. Sic  
et Stephanus indicat: « In quibusdam  
exemplaribus harum Plinii epist. legi-  
tur tantum Οὐτίς ἐμεῦ ζῶντος. Et  
magis verisimile est, eam principium  
ducentas loci notissimi attulisse, ut  
solet etiam Cicero. » *S.*

4. *Quorsum haec.* Rom. *Quorsum haec.*  
Sic et paullo post. *H.*

6. *Gravis est ei,* etc. Rom. « Et  
gravis est ei vel minima iactura; et  
quia reparare, quod amiseris. » *H.*

7. *Me tristem esse non patitur.* Rom.  
*Tristem me esse non patitur.* *H.* —  
Fraestat hic ordo verborum. *S.*

8. *Ne.* Ita omnes, quod sciam,  
libri et scripti et editi. Gesnerianum  
at unde notum sit, ignoro. *S.* — *In*  
*bilem et amaritudinem.* Rom. *In bilem*  
*aut amaritudinem.* *H.* — *Bil.* et amar.  
sic coniunxit IV, ep. 41, 2. *L.*

iniuria. Quam vim habeat offensus, crede ei, quam in amore habet. Non feret magnum et liberum ingenium cum contumelia damnum. Verum ut ferat ille, 9 ego meum damnum, meam contumeliam vindicabo: sed non tanquam pro mea, hoc est, gravius; irascar. Quamquam quid denuntiationibus et quasi minis ago? Quin potius, ut coeperam, rogo, oro, des operam, ne ille se, quod validissime vereor, a me, ego me neglectum a te putem. Dabis autem, si hoc perinde curae est tibi, quam illud mihi. Vale.

— *Crede ei*. Hoc est, ex ea vi collige, et duc argumentum, ut X, 2, 2: «Sicut potes duobus meis matrimoniis credere.» G. — Rom. «Crede eam, quam in amore habet.» H.

9. *Ut ferat ille*. Ponamus (barbare, posito), illum ferre. Saepe sic Cicero verum ut, sed fere sequente tamen,

certe. S. — *Meam contumeliam vindicabo*. Rom. *Meam contumeliam iudicabo*. H. — Frequentissima confusio, cuius causam indicat Drakenborkius ad Livium, XXXIX, 47, 2. — *Gravius*. Recte post hanc vocem inciditur. Scilicet *vindicabo*. *Irascar* explicat, quid sit illud *gravius vindicare*. Gierigius comma male delevit. S.

## IX.

*Respondet commendanti Nasonem.*

C. PLINIUS TACITO • SVO S.

Commendas mihi Iulium Nasonem candidatum. Nasonem mihi? quid si me ipsum? Fero tamen et ignosco. Eundem enim commendassem tibi, si, te Romae morante, ipse abfuissem. Habet hoc sollicitudo, quod 2 omnia necessaria putat. Tu tamen, censeo, alios roges; ego precum tuarum minister, adiutor, particeps ero. Vale.

IX 2. *Habet hoc sollicitudo, quod*, etc. Sic Plinius solet. Panegy. cap. LXXXIII in. «Habet hoc primum magna fortuna, quod nihil tectum, nihil occultum esse patitur.» Aliter

latinusque Cicero Orat. in L. Pison. cap. XXXII fin. p. 1334 ed. Ern. «Habet hoc virtus . . . ut viros fortes species eius et pulchritudo etiam in honte posita delectet. S.

## X.

*Conqueritur, Verginio Rufo post decimum mortis annum nondum absolutum sepulcrum.*

C. PLINIVS ALBINO • SVO S.

- Quum venissem in socrus meae villa Alsiensem, quae aliquando Rufi Verginii fuit, ipse mihi locus optimi illius et maximi viri desiderium non sine dolore renovavit. Hunc enim incolere secessum, atque etiam senectutis suae nidulum vocare consueverat.
- <sup>2</sup> Quocumque me contulissem, illum animus, illum oculi requirebant. Libuit etiam monumentum eius videre, et vidisse poenituit. Est enim adhuc imperfectum: nec difficultas operis in causa, modici, ac potius exigui: sed inertia eius, cui cura mandata est.
- <sup>3</sup> Subit indignatio cum miseratione, post decimum mortis annum reliquias, neglectumque cinerem, sine titulo, sine nomine iacere, cuius memoria orbem
- <sup>4</sup> terrarum gloria pervagetur. At ille mandaverat caveratque, ut divinum illud et immortale factum versibus inscriberetur:

HIC SITVS EST RVFVS, PVLSO QVI VINDICE QVONDAM  
IMPERIVM ADSERVIT NON SIBI, SED PATRIAE.

X.\* Sine dubio est *Luceius Albinus*, de quo III, ep. 9, 7. *L.*

1. *Socrus*, Pompeiae Celerinae. *L.* — *Alsiem*, oppidum in ora Etruriae. *L.* — *Rufi Verginii*. Vid. de funere eius II, 4. *G.* — Rom. *Rufi Verginii*. Nec aliter n. 6. *H.*

3. *Post decim.* Mortuus est Verginius a. Chr. 97. Scripta ergo epist. a. 107, Plinii XLV, aut XLVI. *L.*

4. *Divinum ... factum.* Cuius testes hic laudat Cellarius Dionem Cassium I. LXIII, pag. 725 sq. Wech. et Plutar. in Galba. Huius pauca verba, sicut ille Dionis, adscribemus pag. 1495 H. Stephan. Narraverat, Vindictam ab illo superatum, magnam Romani imperii partem reductam, delatum ei a militibus imperium, in metu propter ea versantem Galbam,

Tam rara in amicitiiis fides, tam parata oblivio mortuorum, ut ipsi nobis debeamus etiam conditoria extruere, omniaque heredum officia praesumere. Nam, cui non est verendum, quod videmus accidisse Verginio? cuius iniuriam ut indigniorem, sic etiam nottorem ipsius claritas facit. Vale.

Ἀλλ' ἐκεῖνος, addit, τοῖς ἐξ ἀρχῆς ἰμμένων λογισμοῖς, ἐρύλαττε τῇ συγκλήτῃ τὴν αἴρεσιν τοῦ αὐτοκράτορος καίτοι, φανεράς γε τῆς Νέρωνος τελευτῆς γενομένης, τό τε πλῆθος ἐνέκλιτο τῷ Οὐεργινίῳ πάλιν, καὶ τῶν χιλιάρχων τις τῶν ἐν τῇ σκηνῇ σπατάμενος τὸ ξέρος, ἐκείναι τὸν Οὐεργίνιον δέ-

χασθαι τὴν ἡγεμονίαν, ἢ τὸν οὐδην κ. τ. λ. Ultima verba facilius intelliges, eerte veres, si memineris, gladiatoribus inclamatum, *ferrum recipere*? G.

5. *Vt ipsi nobis*, etc. Rom. *Vt ipsi nobis debeamus conditoria extruere*, excluso etiam. H.

## XL

*Lactatur, nobiles adolescentes ad sui imitationem egisse, et nomen ac famam ex studiis petere. Habes hic verissimum animi laetitia redundantis sermonem.*

C. PLINIVS MAXIMO • SVO S.

O diem laetum! adhibitus in consilium a praefecto urbis; audiavi ex diverso agentes summae spei, summae indolis iuvenes duos, Fuscum Salinatorem et Vmmidium Quadratum, egregium par, nec modo temporibus nostris, sed literis ipsis ornamento futurum. Mira utrique probitas, constantia salva, decorus habitus,

XI.\* De Maximo v. ad II, epist. 14. L.

4. *Ex diverso agentes*. Diversarum partium advocatos. E. — *Fuscum*. De *Fusco Salinatore*. Noster ipse plura dabit infra ep. 26. L. — *Vmmidius Quadratus* Nepos Vmmidiae Quadratillae, de qua VII, ep. 24, agitur. L.

— *Numidium Quadratum*. Rom. *Numidium Vinidium Quadratum*. Duplex lectio. H. — Excerpta Brummeri, quae Gierigius debebat consulere, *Vmmidium Quadratum*. Recte. S.

2. *Mira utrique probitas*. Rom. *Mira utriusque probitas*, bene. H. — *Constantia salva*. Capio haec sexto casu,

os planum; vox virilis, tenax memoria, magnum ingenium, iudicium aequale: quae singula mihi voluptati fuerunt: atque inter haec illud, quod et ipsi me, ut rectorem, ut magistrum intuebantur; et iis, qui audiebant, me aemulari, meis instare vestigiis videbantur. O diem (repetam enim) laetum, notandumque mihi candidissimo calculo! Quid enim aut publice laetius, quam clarissimos iuvenes nomen et famam ex studiis petere, aut mihi optatus, quam me ad recta tendentibus quasi exemplar esse propositum? Quod gaudium ut perpetuo capiam, deos oro: ab his

tanquam restrictionem probitati adiectam. Nimirum probitas ad verecundiam praesertim refertur, quae vicina formidini et inconstantiae adeo est. Horat. Sat. I, 3, 56: «Probus quis Nobiscum vivit? Multum demissus homo ille est.» Ne quis igitur ex laude probitatis aliquid suspicetur huiusmodi, adicit Secundus in tantum probos esse, ut *salvo* simul sit *constantia* G.—*Ox planum*. Quod singula verba recte explicet, syllabas non olucuret, aut devoret, etc. *Latium* *as*; quod habent quidam libri, si omnino servandum sit (quod mihi tamen secus videtur) non interpreter eum Barthio faciem Heroicam, quae acronem Romanum condecet: sed refecam ad illud Cicerois de Orat. III, 72: «Quare quum sit quaedam certa vox romani generis ubique propria in qua nihil offendere, nihil displicere, nihil animadverti possit, nihil sonare aut olere peregrinum, hanc sequamur, neque solam rusticam asperitatem, sed etiam peregrinam inuolucram» (haec duo sunt opposita voci *rusticae*) fugere dicamus. «Praecedunt plana et sequuntur, quae huc faciunt» G.—Contrarium Nilium

supra epist. 4, 7, commemorabatur *os confusum* E. — Rom. *Ox planum*, non *latium*. Vtrumque de pronuntiatione intelligendum; quod Catanaeus vidit, qui *expertum pronuntiationem* adscripsit, ac potius *exertum*. Barthiapa interpretatione nihil est alienius, quamvis ea Cortio quoque adriserit. Vid. meum adnot. ad Cornel. Nepot. Alcib. cap. I, H. — *Quod et ipsi me, etc.* Rom. «Quod ipsum me ut rectorem, ut magistrum intuebantur, etiam qui audiebant, me aemulari, meis instare vestigiis videbantur.» Melius vulgatum est. *Id.* — *Intuebantur*. Sensu proprio intelligam. S.

4. *Ab hislem, teste te*. Lectio ab Aldo prolata, cui suffragatur Medicus: quam planam, liquidam, elegantem esse nemo temere negaverit. Editi tamen ante Aldum, et Gruterus ex libris Palatinis, ita: *ac eodem tatus peto, ut omnes*, etc. Quod tum demum probaverim, si, uno apice immutato, ultimum verbum epistolae non *velim* legamus, sed *velim*. Sic enim Plinius, candidissima anima, Deos testes advocaverit se velle atque optare, ut sui imitatores meliores fiant, quam ipse, illorum exemplum.

dem, teste te, peto, ut omnes, qui me imitari tanti putabunt, meliores esse, quam me velint. Vale.

Sic illud ut valebit *quam*, et intendendi aliquam augendique vim habet. G. — Rom. Deos oro ac eosdem

testes peto. Pudenda lectio, quam primus Aldus, nuper Cortius e Medic. correxit optime. H.

## XII.

*Respondet commendaticiae, et alteri castigatoriae epistolae, huic quidem immeritae.*

C. PLINIVS FABATO • PROSOCERO SVO S.

Tu vero non debes suspensa manu commendare mihi, quos tuendos putas. Nam et te decet multis prodesse, et me suscipere quidquid ad curam tuam pertinet. Itaque Vectio Prisco quantum plurimum potuero, praestabo, praesertim in arena mea, hoc est, apud Centumviros. Epistolarum, quas mihi, ut ais, aperto pectore scripsisti, oblivisci me iubes: at ego nullarum libentius memini. Ex illis enim vel praecipue sentio, quantopere me diligas, quum sic exegeris mecum, ut solebas cum tuo filio. Nec dissimulo, hoc mihi iucundiores eas fuisse, quod habebam bonam causam, quum summo studio curassem, quod tu curari volebas. Proinde etiam atque etiam rogo, ut mihi

XII.\* De *Fabato* vid. ad IV, ep. 4. L.

1. *Suspensa manu.* Ut medicus vulnera tractat, non inponens totam, eaque innixus parti adfectae, quo dolorem et nosam augeat, sed sustinens eam et retrahens: ut *suspensio vestigio* vel *gradu* incedit, qui non totam plantam cum impetu humi figit, sed

digitis tantum nititur. G.

2. *Vectio Prisco.* Sic et Rom. H.

3. *Quantopere me diligas.* Sic et Rom. H. — *Exegeris mecum.* Accurate exegeris. Vid. IX, 26, 43. Laudavit hic Cortius Cic. fam. X, 24, 45: «De his rebus ut exigeret cum eo, Furnio mandavi.» G. — Cum tuo filio patre

semper eadem simplicitate, quoties cessare videbor (nunquam enim cessabo) convicium facias: quod et ego intelligam a summo amore proficisci, et tu non meruisse me gaudeas. Vale.

Calpurniae praematura morte raptio. *L.*

5. *Quoties cessare videbor*, etc. Rom. « Quoties cessare videbor (nunquam enim cessabo) convicium facias: quod et ego intelligam a summo amore proficisci, et tu me non meruisse gaudeas. » *Lego* « convicium facias, quod et ego, » mutata interpunctione.

Eius generis convicium sibi fieri cupit, quod ab amore, non ab irato animo, proficiatur, et quod se non meruisse ipse prosocei postea gaudent. *H.* — *Leg.* e libro Medic. cum Cortio et Gierigio: « Quoties cessare videbor (videbor dico; nunquam enim cessabo, ) » etc. *S.*

### XIII.

*Cassius Bithynorum adversus Varenum narrare pergit.*

C. PLINII VERUS SVO S.

Vnquamne vidisti quemquam tam laboriosum et exercitum, quam Varenum meum? cui, quod summa contentione impetraverat, defendendum et quasi rursus petendum fuit. Bithyni senatusconsultum apud consules carpere et labefactare sunt ausi, atque etiam absenti principi criminari; ab illo ad senatum remissi, non destiterunt. Egit Claudius Capito irreverenter magis quam constanter, ut qui ipsum senatusconsultum

XIII. 4. Varenum meum. De quo supra V, 20, 2, ubi impetravit, ut sibi quoque, reo, testes evocare liceret. Add. VII, 6. *G.* — *Quod summa contentione impetraverat* Rom. *Quod summa contentione impetraveram.* Confirmat hanc lectionem ep. 20, libri V. *H.*

2. *Carpere et labefactare.* Rom. *Car-*

*pere ac labefactare.* *H.* — *Labefactare*, experiri an possis vim alicuius rei minuere. *L.* — *Absenti principi.* Rom. *Absente principe*, corrupte. *H.* — *Absens imperator* Traianus tum erat cum exercitu in Dacia. *L.* — Terentius Eunuchus, V, 2, 16: « Hanc metui, ne me criminaretur tibi. » *S.* — *Vt qui ipsum senatusconsultum.*



tum apud senatum accusaret. Respondit Fronto Ca-  
tius graviter et firme. Senatus ipse mirificus. Nam illi  
quoque, qui prius negarant Vareno, quae petebat,  
eadem danda, postquam erant data, censuerunt. *Sin-<sup>4</sup>  
gulos enim, integra re, dissentire fas esse; peracta,  
quod pluribus placuisset, cunctis tuendum.* Acilius <sup>5</sup>  
tantum Rufus, et cum eo septem an octo? (septem  
immo) in priore sententia perseverarunt. Erant in  
hac paucitate nonnulli, quorum temporaria gravitas,  
vel potius gravitatis imitatio ridebatur. Tu tamen <sup>6</sup>  
aestima, quantum nos in ipsa pugna certaminis ma-  
neat, cuius quasi praelusio atque praecursio has con-  
tentiones excitavit. Vale.

Rom. *Vt qui per senatusconsultum.* H.

3. *Respondit .... firme.* Sic et Boni.  
H.—De Fronto vid. ad II, ep. 11,  
3. L.

5. *Acilius tantum, etc.* Rom. *Acilius  
tantum rursus et cum eo.* Sed lege lib.  
V, epist. XX, 6. H. — *Acilius*, con-  
sul designatus, postulationem Vareni,  
quum res in senatu ageretur, silentio  
praeterierat, hoc est, negaverat. V,  
ep. 20, 6. L.

— *Erant in hac, etc.* Rom. *In hac  
paucitate nonnulli.* Verbum *erant* a  
priori verbo absorptum est. H.

6. *Tu tamen aestima, quantum, etc.*  
Rom. » Tu tamen existima, quantum  
nos in ipsa pugna praelii et certaminis  
maneat. » Ex his verbum *existima* in  
vulgati locum restituo. H.—*Quantum  
non.* Immo *quantum* nos, ut alii. S.—  
Verbum *praelusio* translatum est a  
militibus praelium volentibus. L.

## XIV.

*Adventum in villam Maurici promittit sub conditione.*

C. PLINIVS MAURICO • SVO S.

Solicitas me in Formianum. Veniam ea conditione,  
ne quid contra commodum tuum facias: qua pactione

XIV.\* De *Maurico* vid. ad I, ep.  
5, 10. L.

1. Prope *Formias*, municipium La-  
tii novi, etiam *Uiccro* et *Dolabella*

PLIN. Ep. Tom. I

Z

invicem mihi caveo. Neque enim mare et litus, sed otium, et libertatem sequor: alioqui satius est in urbe remanere. Oportet enim omnia aut ad alienum arbitrium, aut ad suum facere: mei certe stomachi haec natura est, ut nihil nisi totum et merum velit. Vale.

praedia habebant. Vid. ad Atticum I, 4; XV, 13. L.

— Sed te, otium, libertatem sequor. Rom. Sed te otium et libertatem sequor. II. — Al. Sed otium et libertatem sequor, quam lectionem commendat lex concianitatis. S.

2. Omnia aut. Acumen in hoc est, ut omnia capias pro universis, et repetas h. m. aut onus, ad alienum arbitrium, ut in urbe, aut omnia ad suum, quod ego ruri volo. G. — Stom. ingenium cuique proprium in rebus vel appetendis, vel fastidiendis. L.

## XV.

*Passieni exemplo, ab Iavoleno interpellati, monet, recitaturis sanae mentis auditores adhibendos esse.*

C. PLINIVS ROMANO • SVO S.

Mirificae rei non interfuisti: ne ego quidem: sed me recens fabula excepit. Passienus Paullus, splendidus eques Romanus, et inprimis eruditus, scribit elegos. Gentilicium hoc illi: est enim municeps Propertii, atque etiam inter maiores suos Propertium numerat. Is quum recitaret, ita coepit dicere, *Prisce, iubes?* Ad hoc Iavolenus Priscus (aderat enim, ut Paulo

XV. \* Romanus, vel Firmo, ep. 19, vel Voconio, ad quem I, ep. 5. L.

— Inscr. Rom. Voconio Romano. H.

1. Mirificae rei, est. Rom. \* Mirificae rei interfuisti? ego quidem. Sed moriens recens Passienus Paullus. \* Nihil sani. H. — Passienus. De Passieno, eius gente et carminibus plura habet IX, ep. 22. L.

2. Iavolenus Priscus. Ita scribere

malunt hodie. Sed nec Iavolenum denuariim. G. — Rom. Iavolenus Priscus.

II. — Iavolenus, qui ex praetura Africam et Syriam administravit, tempore Traiani insignis iuriconsultus et erat, et habebatur; libris etiam scriptis, qui saepe in Pandectis laudantur, inclausi, et ex schola eius ipse Salvius Iulianus, cimum iuriconsultorum decus, prodit. L.

amicissimus): *Ego vero non iubeo. Cogita*, qui risus hominum, qui ioci. Est omnino Priscus dubiae sanitatis: interest tamen officiis, adhibetur consiliis, atque etiam ius civile publice respondet: quo magis, quod tunc fecit, et ridiculum et notabile fuit. Interim Paulo aliena deliratio aliquantum frigoris attulit

— *Cogita, qui risu*, etc. Rom. « Cogita, qui risus hominum, qui ioci: quoties omnino Priscus haud dubiae sanitatis interest tamen officiis. » H.

3. *Ex... Priscus dubiae sanitatis.* Hic est ille locus, ob quem male sanus adhuc audiit Iavolenus: nuper magister, et mendax, et intolerabilis ambitionis homo, et nefarii consilii reus, esse coepit Plinius. Scilicet Plinius Paulum amavit, praekonem suae gloriae: eundem fortius amavit Iavolenus illius amicissimus. Itaque quem a plagis suis (Martiali etiam adusatis II, 20) frustra adhuc revocaverat, eum iam recitare incipientem, captata opportunitate, salse et graviter reprehendit: quod indigne ferebat Secundus adeo, ut huc epistola dolorem suum ulcisceretur. Sic vir doctus, qui de Prisco Iavoleno Iurisconsulto incomparabili et praecipuo saeculi sui ornamento dissertationem Lipsiae 1731, edidit, G. A. Ienichen. Sed posuit, non probavit, Paulum Martialis esse nostrum; ut nec illud probatum est, quod sumunt viri docti, a Iuvenale eum tangi I, 2, et III, 8. Et fac ita esse, Martiali in animo fuisse Plinium hunc Paulum: utrum credemus facilius, poetam maledixisse poetae? an Plinium, adeo illum famae suae, et optimis quidem artibus, studiosum, impudenti mendacio suos illos politissimos libellos et virtutis colore nudi que nitentes, temere apud consciam Romam, et

orbem terrarum, maculasse? E. quam tandem iniuriam fecit Iavoleno? Dixit: *dubiae sanitatis* esse: *delirationem* illi tribuit. Potuit tamen per Plinium vir doctissimus suae Iavolenus, et sapiens, et probus: licet *μολυχολαγῶ* quodam *πάθῳ*, quod magnis ingeolis solemne est, interdum extra oleas auferetur. Parum novit historiam hominum eruditorem, si quis putat, fieri non posse, uti *dubiae sanitatis* aliquis videatur interdum, et tamen a officiis intersit, consiliis adhibeatur, ius civile respondeat. » vel quaecumque aliq. artem profiteatur. Monerat itaque per nos vir bonus Plinius, vir inris consultissimus eum defensore suo Iavolenus, laude sua omnes dignissimi. Quid si Priscus Noster imitari voluit illum Trebatium Horat. Sat. II, 1, 5 sq. Suscepit igitur personam ridiculam: laesit amicum, etc. G. — *Respondet.* Potestatem de iure publice respondendi, olim omnibus Iurisconsultis communem, inde ab Augusto imperatores non nisi certis viris concesserunt, eorumque sententias aequabantur iudices. L. — *Quo magis*, etc. Quod sententiam suam, tanquam adhibitus consilio, dicere, sive de iure respondere videretur. S.

4. *Aliquantum frigoris attulit.* Fecit, ut minus studiose, minus calide audiretur Paulus, quam Prisci cogitatio homines subinde subiret, et risum his exciteret, qui recitantem etiam Paulum a studio et calore

Tam solícite recitaturis providendum est, non solum ut sint ipsi sani, verum etiam ut sanos adhibeant. Vale.

pronuntiandi pudore quodam recocaret. Sic frigus explicamus ad Quintil. V, 7, 26. G. — Locus simillimus est apud Sueton. Claud. cap. XLJ, de Claudio recitante: aegre perlegit, refrigeratus saepe, etc. De frigore illo,

qui plura desiderat, adest nostrum Lex. Technol. rhet. lat. in voc. *frigidus*. E. — Frigus hic ad auditores referendum, qui, mente ridiculo illo occupata, resitantem negligentius audirent. S.

## XVI.

*Avunculi exitum Tacito, historiam scripturo, rogatus narrat.*

C. PLINIUS TACITO SVO S.

Petis, ut tibi avunculi mei exitum scribam, quo verius tradere posteris possis. Gratias ago. Nam video, morti eius, si celebretur a te, immortalē gloriā esse propositam. Quamvis enim pulcherrimarum cladē terrarum, ut populi, ut urbes, memorabili casu, quasi semper victurus, occiderit: quamvis ipse plurima opera et mansura condiderit, multum tamen perpetuitati eius scriptorum tuorum aeternitas addet. Equidem beatos puto, quibus deorum munere datum

XVI. t. *Avunculi mei*. Plinii maioris, a quo adoptatus Noster est. Hanc epistolam alias, in fronte Chrestomathiae Plinianae, satis copiose illustravimus. Hic brevitate tenebimus institutum. G.

2. *Ut urbes*. Merito tueretur antiquam lectionem Curtius, contra Casauboni conjecturam urbis receptam a Cellario. G. — *Plurima opera*. Quae recenset

Noster III, 5. Nihil superesse praeter naturalem historiam, illi indicatum est. G. — *Scriptorum tuorum aeternitas*. Quae tamen hac parte intercepta est. Bene igitur, Plini, avunculi tui famae hac epistola consulisti. G. — Rom. \* *Ut populi, ut urbes memorabili casu, quasi semper victurus occiderit: quamvis ipse plurima scriperit, tamen perpetuitati eius scriptorum tuorum aeternitas addet.* \* H.

est aut facere scribenda, aut scribere legenda; beatissimos vero, quibus utrumque. Horum in numero avunculus meus et suis libris et tuis erit. Quo libentius suscipio, deponco etiam, quod iniungis.

Erat Miseni, classemque imperio praesens regebat. 4 Nonum Kalend. Septembres, hora fere septima, mater mea indicat ei, apparere nubem inusitata et magnitudine et specie. Vsus ille sole, mox frigida, 5 gustaverat iacens, studebatque; pascit soleas, ascendit locum, ex quo maxime miraculum illud conspici poterat. Nubes (incertum procul intuentibus, ex quo monte; Vesuvium fuisse postea cognitum est) oriebatur: cuius similitudinem et formam non alia magis arbor, quam pinus expresserit. Nam longissimo 6

4. *Erat Miseni.* Vbi ex instituto Augusti legio Romana cum classe inferum mare, ipsamque adeo urbem tuebatur. Vid. Tac. A. IV, 5, 1. Sueton. Aug. XLIX, praesertim Veget. de re mil. V, 1. G.

— *Novum Kal. Sept.* Hanc lectionem ex ipsa historia et Dione confirmat Masson. in vita Plin. iun. ad A. XVII et XVIII. G. — *Rom.* Praesens regebat Kal. Novembris hora fere septima. Deest *novo*, et deinde *dici*. H. — *Al.* Nono Calend. Septembris hora diei fere septima. Scripsit Plinius, ni fallor, A. d. IX. *Kalend. Septembres.* Cur A. d. esideriunt, negum non videt. S.

5. *Vsus ille sole.* Vt solebat. Vid. III, 5, 11, ubi etiam de gustatione. G. — *Rom.* Surgit ille ut e sole solet frigida gustata: iacens enim studebat: poposcit soleas. H. — *Habes fontem,* ex quo Harduinus hausit, indignus ideo, quem Glerigius tam acerbe increparet. S.

— *Vesuvium.* Hoc primum illius montis vulgo habitum esse illo tem-

pore incendium, tum nostri narratio, tum Dionis apud Xiphillum satis docet: nec adeo prope accessurus videtur fuisse naturae historicus, si quid de illo monte compertum habuisset. Interim non ex traditione modo, sed ex ipsa campi Philegraci appellatione, et ingenio loci argumentati Diodorus Siculus, et Vitruvius, ille lib. IV, 21, hic II, 6, olim arsisse hanc regionem, persuadent. Hic: Non minus, inquit, memoratur antiquitus crevisse ardore, et abundavisse sub Vesuvio monte, et inde evenuisse circa agros flammam. G. — *Procul intuentibus.* Inter Misenum et Vesuvium montem sinus Puteolanus interiectus. La. — *Pinus.* Italica scil. quam hodie vocant *Pinus*. Huius forma est similis machinae illius, quam manu tenentes solem a nobis arcere soleamus: quae in lingua nostra *Sonnenuehim* et in gallica *parabol* vocatur. Vid. *Stollberg's Reise durch Italien*, etc. Vol. III, p. 33: B.

6. *Nam longissimo.* etc. *Rom. Nam longissimo velut trunco efflata.* H. —

velut trunco elata in altum, quibusdam ramis diffundebatur: credo quia recenti spiritu evecta, deinde senescente eo destituta, aut etiam pondere suo victa, in latitudinem vanescebat: candida interdum, interdum sordida et maculosa, prout terram cineremve sustulerat. Magnum propiusque noscendum, ut eruditissimo viro, visum. Iubet Liburnicam aptari: mihi, si venire una vellem, facit copiam. Respondi, studere me malle: et forte ipse, quod scriberem, dederat. Egrediebatur domo, accipit codicillos. Retinae

*Credo quia recenti. etc. Rom. Credo et recenti spiritu evecta, dein. H. — Evanescebat. Nescio unde sit in Cortiana evanescebat. Alterum agnoscunt libri, quod mihi constet, omnes: nec varietatem notat Cortius. Itaque sphalma puto. G. — Rom. In altitudinem vanescebat. H.*

7. *Noscendum . . . . . visum. Rom. Noscendum ut eruditissimo viro visum est. H. — Liburnica, navis velocissima et levissima, quae nomen accepit a Liburnis, Illyriae populo, qui talibus olim navigia ad infestandum mare usi sunt. L.*

8. *Accipit codicillos. Retinae. Primo lectionem receptam interpretabimur: deinde quaedam monebimus, a recentioribus editoribus nescio quam bene praetermissa. Accipit codicillos, in quibus vel sua vel librarii manu enotaret phaenomena illa: sic Buchnerus. Retinae, quod visum nomen est, collocati in castris nauticis classarii, cubant Plinium, ut se (classarios) tanto discrimini submissis navibus eriperet. Haec sic satis capio. Sed non capio solum, quem Retinae illi adsignant Hermolaus Barbarus ad h. l. in fronte castigationum Plinianarum, et hunc forte sequutus Cellarius. Si enim ab Miseno, ut narrant, ut*

*pingunt, fuit, fuit satis longe adhuc remota a periculo; nec, ullo modo imaginari licet, quomodo is, qui a Miseno versus Retinam contendit, Sinthias devenire potuerit. Rectius itaque Retinam, vel Resinam, ut malunt hodie scribere, subiiciunt ipsi Vesevo inter Porticum et Herculaneum tabellae Ioan. Bapt. Masculi Neapolitani, qui operis sui, de incendio Vesuvii A. 1631, excitato, libro decimo etiam topographiam Vesuvii proposuit: quem sequuntur tabulae Romanianae, tum ea, quae Neapolitanum regnum exhibet, tum altera, quae urbem solam cum vicinia. Hanc igitur locum non illustravit tabella Cellariana (viri alioquin immortaliter de vetere Geographia meriti) sed obscuravit. Hoc unum erat. Iam illud non dissimulandum, magna scripturae varietate hunc locum laborare, circa distinctionem praesertim, et circa vocem classarii, pro qua tasei, nasei, irasei habent MSS. et typis excusit quidam. Porro narrat Hermolaus, fuisse qui Retinam mulieris nomen intelligant; quae fuerit uxor Caesii Bassi, et nomen forte ipsi vico dederit. De illo Caesio Basso deinde Probi (huic nempe tribuebant vetera scholia ad Pera. VI, 1,) locum adfert,*

classiarii imminenti periculo exterriti (nam villa ea subiacebat, nec ulla nisi navibus fuga) ut se tanto discrimini eriperet, orabant. Vertit ille consilium, et quod studioso animo inchoaverat, obit maximo. Deducit quadriremes; adscendit ipse non Retinae modo, sed multis (erat enim frequens amoenitas orae) laturus auxilium. Properat illuc, unde alii fugiunt; rectumque cursum, recta gubernacula in

laudatum etiam Volaterrano p. m. 444: «Caesij Bassi poëtam lyricum tanta est in praediis suis, ardente Vesuvio monte, et late vagantibus ignibus, cum villa sua conflagrasse. » Illuc accommodatissima erit Aldina lectio, circa unum illud tam varie scriptum nomen leviter immutata, ut pro *naei* legamus *Bassi*, hoc modo: *Egredebatur domo. Accipit codicillos* (tumultuarium genus epistolarum) *Rectinae* (sic est pro *Retinae*) *Bassi*, imminenti periculo (quod forte iam hauserat maritum) *exterritae*. *Nam villa eius* (nomine illius postea dicta) *subiacebat* Vesuvio monti, (ut pingitur a Masculo) *nec ulla inde nisi navibus fuga*, itaque ut se (Retinam) *tanto discrimine, eriperet*, ipsa Retina *orabat*. *Compara* quae sequuntur, et optime cohaerere videbis. Sed si *classarii*, et quae ei lectioni cohaerent, sunt e bonis libris; et certe iam ita legebatur aetate Hermolai: malini quadriremes propter eos deduci, quam propter mulierem, licet nobilissimam et non solam. G. — R. m. «Accipit codicillos: Rectina imminenti periculo exterrita (nam villa eius subiacebat, nec ulla, nisi navibus fuga) ut se tanto discrimini eriperet, orabat. » Singularem *orabat* Aldus quoque expressit, etsi antea scripserat *Rectinae Naei* et *exterritae*. Docta et digna, quae praecipue lega-

tur, est Gesneriana coniectura. H. — Gierigiana: «Accipit codicillos Rectinae Caesii Bassi, imminenti periculo exterritae; (nam villa eius subiacebat, nec ulla, nisi navibus, fuga) ut se tanto discrimini eriperet, orabat. » Ita aut non multum diversa ratione vulgatam refigendam esse, vix dubitabit, qui sequentia perpenderit. S.

9. *Vertit ille consilium*. Malo consilio adverbium non ante vertit ponunt nonnulli, quasi hoc vellet Plinius, avunculum suum, rogatum a classiariis, ut se ipsum eriperet periculo, non mutasse prius illud accedendi propius consilium. Si classiarii omnino orarunt, quod dubium esse modo ostendimus, ipsi eripi volnere discrimini, non rogant, ut parceret ipse sibi Plinius. *Vertit* etiam re ipsa Plinius *consilium* suum. Ante enim Liburnica una volebat exploratum ire rem novam ac miram: nunc deducit quadriremes: ante *studioso animo* et sciendi cupido *inchoaverat* navigationem, nunc *obit* eam *maximo*, ut qui cum suae commoditatis, et salutis adeo neglecto adiutum est vel classiarios, vel Retinam Bassi uxorem, et familiam illius, totamque illam viciniam. G. — Rom. «Non vertit. » H. — *Frequens amoenitas*. Ora propter amoenitatem frequenter inhabitata. L.

— *Deduci* naves drr. quando, ma-

periculum tenet, adeo solutus metu, ut omnes illius mali motus, omnes figuras, ut deprehenderat oculis, dictaret enotaretque. Iam navibus cinis inciderat, quo propius accederet, calidior et densior; iam pumices etiam, nigrique et ambusti et fracti igne lapides: iam vadum subitum, ruinaque montis litora obstantia. Cunctatus paullum, an retro flecteret, mox gubernatori ut ita faceret monenti, *Fortes*, inquit, *fortuna iuvat, Pomponianum pete*. Stabii erat, diremptus sinu medio: nam sensim circumactis curvatisque litoribus mare infunditur. Ibi, quamquam nondum periculo appropinquante, conspicuo tamen, et, quum cresceret, proximo, sarcinas contulerat in naves, certus fugae, si contrarius ventus resedisset: quo tunc avunculus meus secundissimo in vectus complectitur trepidantem, consolatur, hortatur: utque timorem eius sua securitate leniret, deferri se in balineum iubet; lotus accubat, coenat, atque hilaris, aut, quod est acque magnum, similis hilaris. Interim

chinis quibusdam suppositis, e litore in mare demittuntur. *L.*

10. *Dictoret enotaretque.* Rom. *Dictaret notaretque.* H.

11. *Ruinaque montis.* Ipsius Vesuvi, nisi obscure locutus est Plinius. Scilicet *Retinam* petebat primo sive mulierem sive villam, periculo quidem proximam. Hic quum appellendi copia non esset, ad dextrum latus flectere iubet gubernatorem, petere *Stabias*. *G.* — Infra ep. 20, 9: «Praeterea mare in se resorberi, et tremore terrae quasi repelli videbatur. Certe processerat litus: multaue animalia maris in siccis arenis detinebat.» Φυσικώτατα ista, quam quod Plinius hoc loco παραπαραγών vadium litoraque obstantia a montis ruina, id est, ab imbre lapideo, repetit. *S.*

— *Cunctatus paullum.* Rom. *Cunctatus paullum.* H. — *Pomponianum pete.* Filium forte Pomponii Secundi Consularis poetae, cuius vitam scripsit Plinius maior, quod ipse commemorat XIV, 4, s. 6, et Noster III, 5, 3. *G.*

12. *Stabiae* oppidum Campaniae, sed iu bello sociali ita exersum a Sylla, ut in villas abiret. *L.* — *Stabii* erat etc. Rom. *Stabii* erat, devenit sinu medio. H.

— *Ibi, quamquam nondum.* Rom. *Ibi quamquam nondum.* H. — *Deferri se in balineum.* Sic et Rom. H. — *Coenat atque hilaris, aut, quod est acque magnum, similis etc.* Rom. *Coenat atque hilaris; aut quod acque magnum est.* H. — Scribendum puta: «coenatque hilaris, aut, quod



e Vesuvio monte pluribus locis latissimae flammae, altaque incendia relucebant, quorum fulgor et claritas tenebris noctis excitabatur. Ille, agrestium trepidatione igni relictas desertasque villas per solitudinem ardere; in remedium formidinis dietitabat. Tum se quieti dedit, et quievit verissimo quidem somno. Nam meatus animae, qui illi propter amplitudinem corporis gravior et sonantior erat, ab iis, qui luntini obversabantur, audiebatur. Sed arca, ex qua diaeta adibatur, ita iam cinere, mixtisque pumicibus oppleta surrexerat, ut, si longior in cubiculo mora esset, exitus negaretur. Excitatus procedit, seque Pomponiano, caeterisque, qui pervigilant, reddit. In commune consultant, intra tecta subsistant, an in aperto vagentur. Nam crebris vastisque tremoribus tecta nutabant, et quasi emota sedibus suis, nunc huc, nunc illuc abire aut referri videbantur. Sub dio rursus, quamquam levium exesorumque pumicum casus metuebatur. Quod tamen periculum

aeque magnum, similis hilari. » Vulgatam ut sensus ferat, aures certe respuunt. S.

13. *Fulgor et claritas etc.* Rom. *Fulgor et claritas tenebras noctis pellebat.* H.

— *Trepidatione igni etc.* Rom. » *Trepidatione ignis relictas desertasque villas per solitudinem ardere, in remedium formidinis dietitabat.* » *Re etc dietitabat, non dictabat.* H.

14. *Arca ex qua diaeta.* Observent antiquitatis studiosi, quod non observatum his, qui Plinianas villas delinearunt, membra villarum non uno icelo comprehensa fuisse, sed prout res ferret, per lacinas quasdam dispersa, ut sunt aediculae Carthusiano-

rum etc. Hoc item videtur adparere ex Luciani Asino, ubi passim duplex mentio, membrorum unius domus. balneum item Luciani consideranti idem videbatur. G. — Caeterum arca eadum surrexerat Pliniano more dictam, pro vulgari, ciperes in arca in tantum cumulati erant, ut etc. E. — *Mora esset etc.* Rom. *Mora, exitus negatur.* Deest suet. H.

16. *Quod tamen .... elegit.* Scilicet ut mallet in aperto vagari, quam intra tecta subsistere: nam in illo minus periculi erat, quam in hoc. Haec ergo est periculum collatio, scilicet comparatio. Locus in iunctura membrorum aliquid habet hiulci et molesti, quamvis sensus pateat. Acumen, quod Plinius h. l. captavit, in causa est, ut

collatio elegit. Et apud illum quidem ratio rationem, apud alios, timorem timor vicit. Cervicalia capitibus imposita linteis constringunt. Id munimentum adversus decidentia fuit. Iam dies alibi, illic nox omnibus noctibus nigrior densiorque: quam tamen facies multae variaque lumina solvebant. Placuit egredi in litus, et é proximo adspicere, ecquid iam mare admitteret, quod adhuc vastum et adversum permanebat. Ibi super abiectum linteum recubans, semel atque iterum frigidam poposcit, hausitque. Deinde flammae, flammarumque praenuntius odor sulfuris, alios in fugam vertunt, excitant illum. Innixus servis duobus adsurrexit, et statim concidit, ut ego coniecto, cras-

obscurius diceret. E. — Non puto obscurius haec dicta esse, omninoque non video, quo iure Plinius hic acumen captae arguatur. S. — Rom. « Quod tamen malorum collatio elegit. » H.

— *Adversus decidentia fuit.* Rom. *Adversus incidentia fuit.* H.

17. *Solvebant.* In quibusdam MSS. quoniam emet *solebantur*, coniecerat Cortius, *solabantur*, idque postea ita inventum in tribus Brummeri libris, testatur Longolius. Recepissem tam contra vulgatam, licet ei faveant plures libri antiqui, in quibus est *solebant*. Sed obstat hoc, quod illic *faces multae variaque lumina* possunt intelligi, non de his, quae parabant sibi homines, sed de erumpentibus hinc inde flammis maioribus, quarum vis perumperet nonnunquam fumos, et terribilem illam noctem terrore alio soberet, quo minus continua esset, non *solaretur*. Et profecto non fuit, quod Tacitum doceret Secundus, aeneas ab hominibus *faces*, quibus *solarentur tenebras*, nisi voluit ob formam loquendi politulam putidius-

culus amico sui et nobis videri: at hoc pertinet ad describendam illum naturae motum, et imaginem magnae noctis concipiendam, ut *placuit*, interlucentibus flammis eam interdum distinctam fuisse. Idem hic phaenomenon describit ex proximo, quod e longinquo observatum pingit deinde VI, 20, 9, *Nubes atra et horrenda* etc. G. — Rom. « Quamquam facies multae variaque lumina solvebant. » Cortius *solabantur* coniecit, sed parum feliciter. Quantum solatii in talibus flammis sit, facile quisque existimabit. H. — *Et é proximo adspicere* etc. Rom. *Et ex proximo adspicere*, quod iam mare. H.

— *Vastum.* Non omnino terribile, sed fluctus vastos, decumanos volvens. S.

18. *Abiectum*, in terram proiectum. L. — *Recubans, semel atque iterum.* Rom. *Actubans ardit atque iterum.* H. — *Frigidam poposcit.* Stimulante sitim aestu, et subillore ex incendio motis vapore. G.

19. *Innixus servis duobus.* Rom. *Qui*

sioŕe caligine spiritu obŕucto, clauŕoque ŕtomacho, qui illi natura invalidus et anguŕtus et frequenter interaeŕtuans erat. Vbi dies redditus (is ab eo, quem no-<sup>20</sup> viŕŕime viderat, tertius) corpus inventum eŕt integrum, illaeŕsum opertumque, ut fuerat indutus: habitus corporis quieŕŕenti, quam defuncto, ŕimilior. Interim Mi-<sup>21</sup> ŕeni ego et mater. Sed nihil ad hitoriam, nec tu aliud, quam de exitu eius, ŕcire voluiŕti. Finem ergo fa-<sup>22</sup> ciam. Vnum adii- ciam, omnia me, quibus interfueram, quaeque ŕtatim, quum maxime vera memorantur, audiveram, vere perŕequentum. Tu potiŕŕima exŕerpes. Aliud eŕt enim epistolam, aliud hitoriam; aliud amico, aliud omnibus ŕcribere. Vale.

*inmixtus ŕeruis duobus. H. — Clauŕoque ŕtomacho. Loqui auctorem de oriŕicio ventriculi negari non poŕeŕt: quoruŕum enim illud interaeŕtuans reŕeras, niŕi ad ŕingultum et ructus, quae utraque ŕedem in illo, nec uŕŕuŕum praeterea, habent. Sed quomodo hic ŕtomachus claudi a ŕulfureo vapore poŕtuerit, quomodo clauŕum ŕtomachum cita mors coŕŕeŕŕequi, non apparet. Nempe parum naturae noŕtrae conŕultus erat Secundus, qui neŕciret, quod clariŕŕime hodie oŕtendunt medici, conŕtrictis ab acidissi- mo ŕulfuris ardentis vapore tunicis nerveis vŕŕorum pulmonalium, quae aëra alias admittunt, et inflata laxant ŕanguinis canaliculos, circuluŕum illuŕm et comneatuŕum ŕanguinis, quo vita noŕtra continetur,*

*intercludi. G. — Et frequenter interaeŕtuans erat. Rom. Et frequenter intus aeŕtuans erat. H.*

*20. Vbi dies . . . tertius. Sic de Aetnaeis ignibus Cicero de Natura D. II, cap. 38, Quon autem tertio die ad illucisset. G.*

*21. Interim Miseni. Quod hic abruptuŕ auctor, perŕequitur mox ep. 20. G.*

*22. Audiveram, vere perŕequentum. Rom. Audieram, perŕequentum, ŕine ad- verbo vere, quum vera praecedat. Idem et Aldus excluŕŕit. H. — Ego non exclu- dam. Significanter Plinius, ŕe vere perŕequentum, quae vera audiverit. S. — Aliter mors Plinii neratur. Vide Suetonium. L.*

## XVII.

*Indignatur, quosdam, eruditos sibi visos, recitanti amico  
nullum signum laetitiae dedisse.*

C. PLINII RESTITUTO • SVO S.

**I**ndignatiunculam, quam in cuiusdam amici auditorio cepi, non possum mihi temperare, quo minus apud te, quia non contigit coram, per epistolam effundam.  
 2 Recitabatur liber absolutissimus: hunc duo aut tres, ut sibi et paucis videntur, disertis, surdis mutisque similes audiebant. Non labra diduxerunt, non moverunt manum, non denique adsurrexerunt, saltem  
 3 lassitudine sedendi. Quae tanta gravitas? quae tanta sapientia? quae immo pigritia, arrogantia, sinistritas ac potius amentia, in hoc totum diem impendere, ut offendas, ut inimicum relinquo, ad quem

XVII. • *Restituto.* Praeclarus caussidicus fuisse videtur. Vid. ad III, ep. 9, 46. L.

1. *In cuiusdam amici auditorio.* Rom. *In cuiusdam viri auditorio.* H.

2. *Labris diduxerunt.* Genera summa plausus complectitur, vocis, manus, assurgendi, de quibus etiam II, 40, 6, et V, 3, 9. De reliquis per vulgatum. Adsurrectio magna alioquin vetustae humanitatis pars, hic, puto, non tam ad ipsum honorem et plausum, quam ad attentionem significandam pertinet, quod tamen ipsum laudandi genus est. G. — *Non moverunt manum* etc. Rom. *moverunt non manus, denique non assurrexerunt.* H.

3. *Sinistritas.* Non tam ad mali-

gnam voluntatem refero, quam ad imperitiam illam *dexteritatem* oppositam, qua quis non utitur, aut non recte utitur, remediis, ad finem, quem ipse sibi proposuit, consequendum: ut qui sinistrae manus ministerio utitur (non a puero adsuclatus), ubi dextra opus erat. Sic illud *mens non laeva* apud poetam non voluntatem, sed vim intelligendi respicit. Ita apud Gellium VI, 2, *scavitus et voluntarius impetus*, iunguntur ut duae causae actionum, non explicandi causae sibi adiciuntur: nimirum eadem ratione, qua in prologo operis, ut nunc putatur (olim erat epilogus) *scavitatem* et *invidentiam* iungit, alterum intellectus vitium,

tanquam amicissimum veneris? Disertior ipse es? ,  
 tanto magis, ne invideris: nam qui invidet, minor est.  
 Denique, siue plus, siue minus, siue idem praestas,  
 lauda vel inferiorem, vel superiorem, vel parem.  
 Superiorem, quia, nisi laudandus ille est, non potes  
 ipse laudari; inferiorem aut parem, quia pertinet ad  
 tuam gloriam quam maximum videri, quem praecedis  
 vel exaequas. Equidem omnes, qui aliquid in studiis;  
 faciunt, venerari etiam mirarique soleo. Est enim  
 res difficilis, ardua, fastidiosa, et quae eos, a quibus  
 contemnitur, dedignatur. Nisi forte aliud iudicas tu:  
 quamquam quis uno te reverentior huius operis.  
 quis benignior aestimator? Qua ratione ductus, tibi  
 potissimum indignationem meam prodidi, quem ha-  
 bere socium maxime poteram. Vale.

alterum voluntatis. G. — *Tanquam  
 amicissimus veneris.* Rom. *Tanquam  
 amicissimum veneris?* H. — Sic et  
 Cortiana cum Gierigiana. Oppositio  
 poscit accusativum. S.

4. *Disertior ipse es.* Rom. *Disertior  
 ipse est,* pro *es*, quod verum. H. —  
 Romani libri lectionem si praetulit  
 Hensingerius, erravit. Nostram tuen-  
 tur, et additum *ipse*, et ea, quae se-  
 quuntur. S.

— *Sive idem praestas.* Rom. *Sive  
 idem praestat.* H.

— *Non potes ipse laudari.* Rom.  
*Non potes ille laudari,* pro *ipse*. H.

5. *Est enim res,* etc. Pacere aliquid  
 in studiis difficile arduumque: ut  
 mirum non sit, insignes hac laude  
 homines simul fastidiosos esse. S. —  
*A quibus contemnitur, dedignatur.*  
 Rom. *A quibus contemnitur, invicem  
 contemnat.* H. — Praeferrem dedi-  
 gnetur. S.

— *Quis benignior aestimator.* Rom.  
*Quis benignior attestator?* H.

6. *Poteram.* Marklandus epist. Crit.  
 pag. 48, optarum, sine causa. G. —  
 Rom. *Maxime poteram,* ut alii bene  
 ediderunt. H.

## XVIII.

*Promittit, Firmanorum se causam acturum esse.*

C. PLINIVS SABINO • SVO S.

Rogas, ut agam Firmanorum publicam causam; quod ego, quamquam plurimis occupationibus distentus, adnitar. Cupio enim et ornatissimam coloniam advocacionis officio, et te gratissimo tibi munere obstringere. Nam quum familiaritatem nostram, ut soles praedicare, ad praesidium ornamentumque tibi sumpseris, nihil est, quod negare debeam, praesertim pro patria petenti. Quid enim precibus aut honestius piis aut efficacius amantis? Proinde Firmanis tuis, ac iam potius nostris, oblige fidem meam; quos labore et studio meo dignos quum splendor ipsorum, tum hoc maxime pollicetur, quod credibile est optimos esse, inter quos tu talis exstiteris. Vale.

XVIII. \* *De Sabino* vid. ad IV, ep. 10. L.

1. *Firmum*, oppidum in Piceno agro. L. — *Occupationibus distentus*. Rom. *Occupationibus distractus*. H.

2. *Precibus... piis*. Pro patria aliquid petentis: nam illud proprie pie-

tatis est. E. — Gierigius ex Barthii coniectura *pii*. Non probro. *Εὐπατριστερος preces piae*, quam *preces pii*. S.

3. *Inter quos tu talis exstiteris*. Rom. *Inter quos talis exstiteris*, sine pronomine *tu*. H. — *Talis* cum emphasi, vir optimus. L.

## XIX.

*Pretium agrorum crevisse scribit: quia candidati tertiam patrimonii partem in praedia Italica iussi sint impendere.*

C. PLINIUS NEPOTI • SVO S.

Scis tu accessisse pretium agris, praecipue suburbanis? Causa subitae caritatis, res multis agitata sermonibus, proximis comitiis honestissimas voces senatui expressit: CANDIDATI NE CONVIVENTVR, NE MITTANT MVNERA, NE PECUNIAS DEPONANT. Ex quibus duo, priora tam aperte, quam immodice fiebant: hoc tertium, quainquam occultaretur, pro comperto habebatur. Homullus deinde noster, usus vigilanter hoc, consensu senatus, sententiae loco postulavit, ut consules desiderium universorum notum principi facerent, peterentque, sicut aliis vitiis, huic quoque providentia sua occurreret. Occurrit. Nam sumptus candidatorum; foedos illos et infames, ambitus lege restrinxit: eosdem patrimonii tertiam partem conferre iussit in ea, quae solo continerentur, deforme arbitratu, ut erat, honorem petituros urbem Italiamque, non pro patria, sed pro hospitio aut stabulo quasi

XIX. \* De Nepote dictum ad II, ep. 3. L.

1. Proximis comitiis, etc. Rom. Proximis comitiis honestissima voce senatus expressit. II. — Hoc genuinum puto, sic ut post sermonibus talia ponatur στεγμή. S. — Ne pecunias deponant. Apud sequestres nempe, tum demum numerandas, quum suffragia tulissent candidati; ne accidat, quod factum esse apparet, ut accepta pecu-

nia homines suam tamen in suffragando (per tabellas praesertim) libertatem servarent. Vid. Viri docti ad Cic. divin. in Caec. c. VII, G.

3. Homullus deinde, etc. Rom. C. Homullus deinde noster vigilanter unus rursus hoc coarctavit. II. — De Homullo vid. ad IV, ep. 9, 15. L. — Providentia sua, etc. Rom. Providentia sua occurreret: occurritque. H.

4. Sed pro hospitio aut stabulo. Rom.

peregrinantes habere. Concursant ergo candidati certatim: quidquid venale audiunt, emptitant; ut sint quoque plura venalia, efficiunt. Proinde, si poenitet te italicorum praediorum, hoc vendendi tempus tam hercule, quam in provinciis comparandi: dum iidem candidati illic vendunt, ut hic emant. Vale.

*Sed de hospitio aut stabulo. H.* — Stabulum istud quod deversorium, *ταξιδευσίων*, ut explicatur in glossariis. *L.*

5. *Concursant ergo, etc.* Malin sic interpungere: « Concursant ergo candidati: certatim, quidquid venale audiunt, emptitant. » Placuit eadem interpunctio Catanaeo. *S.* — *Emptitant*; ut sit quoque plura venalia, ef-

ficiunt. *Rom.* *Emptitant*, quoque sint plura venalia, efficiunt. Hoc comprobatur et initium epistolae, et finis, quo pretium agris accessisse adfirmat, eamque ob causam Nepoti Italicorum praediorum vendendorum auctor est. *Cae.* ille venderet, minus causae fuisset; si venalium numerum auxisset. *H.*

## XX.

*Narrat, quae ex Vesuvii incendio, cum matre Miseni relictus pertulerit. Arcto vinculo haec epistola cum priore, quae XVI huius libri locum occupat, coit solumque ibi abruptum retextit.*

C. PLINIUS CORNELIO TACITO SVO S.

Ais, te adductum literis, quas exigenti tibi de morte avunculi mei scripsi, cupere cognoscere, quos ego Miseni relictus (id enim ingressus abruperam) non solum metus, verum etiam casus pertulerim.

*Quamquam animus meminisse horret, . . .  
Incipiam.*

XX. 1. *Literis, quas.* Quae nunc sunt VI, 16. *G.* — *Id enim ingressus.* Intellige, ad narrandum; respicit enim verba s. 21, « Iuterim Miseni

ego et mater. Sed nihil ad historiam; nec tu, etc. » Verba *Quamquam animus . . . incipiam*, sunt Virgilii *Aen.* lib. II, vers. 12. *G.*



Profecto avunculo, ipse reliquum tempus studiis  
 (ideo enim remanseram) impendi: mox balineum,  
 coena, somnus inquietus et brevis. Praecesserat per  
 multos dies tremor terrae minus formidolosus, quia  
 Campaniae solitus: illa vero nocte ita invaluit, ut  
 non moveri omnia, sed everti crederentur. Irrumpit  
 cubiculum meum mater: surgebam, invicem si quie-  
 sceret, excitaturus. Residimus in area domus, quae  
 mare a tectis modico spatio dividebat. Dubito con-  
 stantiam vocare an imprudentiam debeam: agebam  
 enim duodevicesimum annum. Posco librum Titi  
 Livii, et quasi per otium lego, atque etiam, ut coe-  
 peram, excerpō. Ecce, amicus avunculi, qui nuper  
 ad eum ex Hispania venerat, ut me et matrem se-  
 dentes, me vero etiam legentem videt, illius pacien-  
 tiam, securitatem meam corripit: nihilo segnius ego  
 intentus in librum. Iam hora diei prima, et adhuc  
 dubius et quasi languidus dies: iam quassatis cir-  
 cumiacentibus tectis, quamquam in aperto loco,  
 angusto tamen, magnus et certus ruinae metus. Tum  
 demum excedere oppido visum. Sequitur vulgus at-

3. *Illā vero nocte.* Auctiores sunt hic libri quidam, sed iidem etiam vitiōsi. Heins. ad Ovid. Metam. VII, 492, ita concinnat: « Illa vero nocte ita invaluit, ut non solum castella, verum etiam oppida omnia non moveri, sed everti crederentur. » Coriis hoc modo: « Illa vero nocte non solum castella, verum etiam oppida moveri omnia et verti credebantur. Invasit in cubic. » ita enim legitur in Mediceo et aliis pro *irrupit*. G. — Rom. « Illa vero non moveri omnia, sed verti crederentur, » sine Mediceo additamento. H.

4. *Irrumpit cubiculum meum mater.* Rom.

surgebam invicem, si quiescerem, excitaturus. » Recte *irrupit*, non *invasit*, quod non admittendum: perperam *quiescerem*, pro *quiesceret*. Leget: « surgebam, invicem, si quiesceret, excitaturus. » Ego surgebam iam, ut prius, quam illa irrumperet, excitaturus matrem invicem, si illa quiesceret. H.

5. *An imprudentiam.* Sic optimi quique libri: sic ipsa ratio postulat. Imprudentem ergo monachi imprudentis commentum in quasdam editiones adsumptum. G. — Sic et Rom. H. — In Hispania avunculus, inde a Nerone usque ad Vespasianum, Caesaris, procurator fuerat. L.

tonitum, quodque in pavore simile prudentiae, alienum consilium suo praefert, ingentique agmine  
 8 abeuntes premit et impellit. Egressi tecta consistimus. Multa ibi miranda, multas formidines patimur. Nam vehicula, quae produci iusseramus, quamquam in planissimo campo, in contrarias partes agebantur, ac ne lapidibus quidem fulta, in eodem vestigio quie-  
 9 scebant. Praeterea mare in se resorberi, et tremore terrae quasi repelli videbatur. Certe procefferat litus, multaque animalia maris in siccis arenis detinebat. Ab altero latere nubes atra et horrenda ignei spiritus tortis vibratisque discursibus rupta, in longas flammarum figuras dehiscebat: fulgoribus illae et simili-  
 10 les et maiores erant. Tum vero ille idem ex Hispania amicus, acrius et instantius, *Si frater, inquit, tuus, si tuus avunculus vivit, vult esse vos salvos; si periit, superstites voluit: proinde quid cessatis evadere?* Respondimus, non commissuros, ut de salute illius  
 11 incerti, nostrae consuleremus. Non moratus ultra, proripit se, effusorque cursu periculo aufertur: nec multo post illa nubes descendere in terras, operire maria. Cinxerat Capreas et absconderat: Miseni quod  
 12 procurrit, abstulerat. Tum mater orare, hortari, iubere, quoquo modo fugerem; posse enim juvenem: se et annis et corpore gravem bene morituram, si

— *Nihil sequitur.* Rom. *Nihil sequitur*, ut editur: sed, ut facile apparet, accius legendum. Vid. ad lib. III, ep. 8, 40. H.

9. *Animalia... arenis.* Rom. *Animalia maris siccis arenis.* H.

— *Tortis vibratisque.* Prius verbum ad celeritatem, qualis est ictorum tormentis excussorum, pertinet: posterius etiam ad motus oppositos re currentium quasi per vices angulo-

rum, quos Galli *Zigzag* appellant. G. — Rom. » Porrectis vibratisque discursibus. » H. — *Fulgoribus... similes... maiores.* Notanda constructio. S.

10. *Si frater, inquit, etc.* Rom. *Si frater, inquit, tuus, tuus avunculus.* H.

— *De salute eius incerti.* Rom. *De salute illius incerti.* H. — Sic plerique libri: beneque praetulit Cortius. S.

mihī caussa mortis non fuisset. Ego contra, salvum me, nisi una, non futurum: deinde manum eius amplexus, addere gradum cogo; paret aegre, incusatusque se, quod me moretur. Iam ciuis, adhuc tamen rarus: 13 respicio; densa caligo tergis imminabat, quae nos, torrentis modo infusa terrae, sequebatur. *Deflectamus*, inquam, *clun videmus, ne in via strati, comitantium turba in tenebris obteramur*. Vix cōsideramus, et nox, non quasi illunis aut nubila, sed qualis in locis clausis lumine extincto: audires ululatus feminarum, infantium quiritatus, clamores virorum: alii parentes, alii liberos, alii coniuges vocibus requirebant, vocibus noscitabant: hi suum casum, illi suorum miserabantur: erant qui metu mortis mortem precarentur. Multi ad deos manus tollere: plures, 14 nusquam iam deos ullos, aeternamque illam et novissimam noctem mundo interpretabantur. Nec de-

14. *Vix cōsideramus....nubila.* Rom. « Vix viam deserueramus, et nox, non quasi illunis aut nubila. » H. — Al. « Non qualis illunis aut nubila. » Quod cum Cortio praeferam. S. — *Infantium quiritatus.* Non dissimulo, *quiritatus* a clamoribus fidem *Quiritium* implorantibus ductos, in infantibus mihi non vehementer probari. Vid. Acnts. ad Pan. XXIX, 3, ubi fere ad *queritatus* propendit. Interim *quiritatus*, quod habent libri quidam, suspectum facit forma insolita, et quod apud Valer. Max. etiam IX, 2, 1, *queritatus* habeat, Cortio hic observante, libri quidam, ubi de militibus civium fidem implorantibus sermo est. Quid igitur? Verbum quod certam adstrictamque significationem olim habuerat, sequiori aetate translatum ad alia: quod conferenti loca in thesauro linguae latinae allata, quem

quam maxime recensemus, apparerit. G. — Vid. Marc. Donatus ad Liv. XXXIII, 28, 3. S. — *Noscitabant.* Noscebant: nihil amplius. Opponitur *requirebant*. Sic et Aeg. Forcellius. S. — *Miserabantur.* Potebat uti hoc loco Burmannus ad Grac. Fal. Cyneg. 430. Sed praestat *miserabantur* Cortii et Gierigii. S.

15. *Nusquam iam deos ullos.* Diū gentiles enim rerum naturae fere illicati, cum ea simul pereunt et in chaos recidunt. Laudavit hic Buchnerus Sen. Thyest. 328: « Trepidant, trepidant pectora magno Percussa metu, ne fatali Cuncta ruina quassata labent: Iterumque deos hominesque premit Deforme chaos. Addidit Cortius e Lucano V, 636, « Noctem manes deis mixturam » et e Virg. Georg. I, 468, « Aeternam, quam timuerunt saecula, noctem. » G.

fuerunt, qui fictis mentitisque terroribus vera pericula augerent. Aderant, qui Miseni fuisse, illud fuisse, illud ardere, falso, sed credentibus nuntiabant. Paul-  
 46 lum reluxit; quod non dies nobis, sed adventantis ignis indicium videbatur: et ignis quidem longius substitit: tenebrae rursus, cinis rursus multus et gravis. Hunc identidem adsurgentes excutiebamus: operti alioqui, atque etiam oblisi pondere essemus.  
 47 Possem gloriari, non gemitum mihi, non vocem parum forte in tantis periculis excidisse, nisi me cum omnibus, omnia mecum perire, misero, magno tamen

— *Miseni fuisse, illud.* Quem viderem in quibusdam libris ita legi: *Aderant, qui Miseni illud fuisse, in aliis ita, Ad.....qui Miseni illud fuisse, utramque lectionem coniungendam putavi: ita certo idoneam sententiam oriri, nemo temere negaverit.* Vid. Heusing. Emendd. II, 13, pag. 315. G. Add. Gesneri ad I. A. Ernestium epistols. — Rom. « Aderant, qui Miseni illud fuisse, illud ardere. » Sic et Ald. satis bene: Cort. et quidam alii, *illud fuisse.* An utrumque scripsit Plinius? « Qui Miseni fuisse, illud fuisse, illud ardere, falso, sed credentibus nuntiabant. » At omnes Miseni fuerant, omnes paullo ante pariter inde egressi erant, ut non opus sit, aliquos *Miseni fuisse* dici. Si qui diutius morati ibi nunc demum veniebant, non hos magis falsi rumoris auctores fuisse credibile est, quam alios, qui, quae non viderant, aspiciebantur: *Illud* vero non ad Misenum refero, sed ita intelligo, ut vicarium sit substantivi, quod non nominatur: quale est apud nos, *das und das Haus*, apud Gallos, *tel et tel palais.* Liv. lib. I, cap. VII. « Si ego iniuste impieque illos homines illas

que res dedier nuntio populi R. mihi exposco. » Si hoc exemplum non placeat, audi ipsam Plin. lib. I, ep. 9: « Ille me ad signandum testamentum, ille in advocacionem, ille in consilium rogavit. » Idem Panegyri. cap. IV, « Enituit aliquis in bello, sed obsolevit in pace: alium toga, sed non et arma honestarunt: reverentiam ille terrore, alius amorem humanitate captavit: ille quaesitam domi gloriam in publico, hic in publico partem domi perdidit. » Vide Schwarz. ad Turcell. de partic. c. CV, § 14, pag. 390. II. — Seneca epist. 93 init. « Quare ille in medio cursu raptus est? quare ille non rapitur? » S. 16. *Paulum reluxit.* Rom. *Paulum reluxit.* Deinde: « Tenebrae rursus, cinis multus et gravis. » II.

— *Operti alioqui, etc.* Rom. *Operti alioqui atque de caelo oblisi pondere essemus.* II.

17. *Misero magno tamen...* solatio. Saepè admodum illo utitur Cicero, quum negat vel periculum amico instare, quod non sit commune omnibus, vel separatam a reliquis fortunam alicui expectendam. Vide verbi causa primas aliquot libri sexti. Igitur Plinius hac se communi

mortalitatis solatio credidissem. Tandem illa caligo 18  
 tenuata quasi in fumum nebulamve decessit: mox  
 dies vere, sol etiam effulsit, luridus tamen, qualis  
 esse, quum deficit, solet. Occursabant trepidantibus  
 adhuc oculis mutata omnia, altoque cinere, tanquam  
 nive, obducta. Regressi Misenum, curatis utcumque 19  
 corporibus, suspensam dubiamque noctem spe ac  
 metu exegimus: metus praevalebat. Nam et tremor  
 terrae perseverabat, et plerique lymphati terrificis  
 vaticinationibus et sua et aliena mala ludificabantur.  
 Nobis tamen ne tunc quidem, quamquam et expertis 20  
 periculum, et exspectantibus, abeundi consilium,  
 donec de avunculo nuntius. Haec, nequaquam hi-  
 storia digna, non scripturus leges, et tibi, scilicet  
 qui requisisti, imputabis, si digna ne epistola quidem  
 videbuntur. Vale.

desperatione quasi obriguisset, non  
 spe aliqua sustentasse, fatetur G.

18. *In fumum nebulamve decessit.*  
 Rom. *In fumum nebulamve discessit.*  
 H. Praefero discessit. S. — *Mox dies,*  
 etc. Rom. *Mox dies; sol etiam.* Nec  
 verus nec vere legitur. H.

20. *Nobis tamen ne tunc quidem.*  
 Sic et Rom. H. — *Quamquam et ex-*  
*pertis, etc.* Rom. *Quamquam exper-*  
*tis periculum, et ea spectantibus.* H.

— *Haec; nequaquam historia digna,*  
*non scripturus leges.* Gruterus haec  
 interpolata pulat, legendumque bre-  
 vius: «Haec nequaquam historia di-  
 gna: tibi imputabis, si digna neque  
 epistola videbuntur.» G. — Nimia  
 quidem haec Gruteri brevitatis est;  
 sed acute is tamen sensit, locum non  
 satis emendatum. Quum sensus pa-  
 teat, exspectare possumus, dum ex  
 aliquo Codice vel edito libro saniora  
 proferantur. E.

## XXI.

*Verginii Romani probitatem et doctrinam, praesertim in comoedia scribenda, laudat.*

C. PLINIVS CANINIUS • SVO S.

Sum ex iis, qui mirer antiquos: non tamen, ut quidam, temporum nostrorum ingenia despicio. Neque enim quasi lassa et effoeta natura, ut nihil iam <sup>2</sup> laudabile pariat. Atque adeo nuper audii Virginium Romanum paucis legentem comoediam, ad exemplar veteris comoediae scriptam: tam bene, ut esse <sup>3</sup> quandoque possit exemplar. Nescio, an noris hominem, quamquam nosse debes. Est enim probitate morum, ingenii elegantia, operum varietate monstrabilis. <sup>4</sup> Scripsit mimiiambos tenuiter, argute, venuste, atque in hoc genere eloquentissime. Nullum est enim genus, quod absolutum non possit eloquentissimum dici. Scripsit comoedias, Menandrum aliosque aetatis eiusdem aemulatus. Licet has inter Plautinas, Terentianasque numeres. Nunc primum se in vetere comoedia, sed non tanquam inciperet, ostendit.

XXI. • De Caninio v. ad l. ep. 3. L.

1. Sum ex iis, qui mirer. Haec ferri non possunt. Leg. Sum ex iis, qui mirantur. Neglecta a librariis, id quod millies accidit, nota terminationis ur (vid. Drakemb. ad Liv. X, 40, 4), tumque extritis literis aut, quod proximum vocabulum iisdem inciperet, mir relictum imperitus homo explicare ita conatus est, ut Secundo soloecismum obtruderet. S.

— Neque enim quasi, etc. Rom. « Neque enim quasi lassa et effoeta natura nihil tam (pro iam) laudabile parit. » Hoc rotundius est. H.

2. Virginium Romanum. Rom. Virgilium Romanum. Procinne, ad exemplum veteris comoediae: postea vero in fine exemplar. H.

4. Scripsit mimiam. Sic et Rom. H. — Nullum est enim. Excusat, quod mimiiambos, genus vernum humile, senariolos, quibus mimi in theatro utantur ad actiones hominum et vias, praesertim quae ridiculae sunt, exprimendas, eloquentissime scriptos dixerat. Scilicet eloquentissimum dici posse, quidquid in suo genere absolutum et perfectum est. G.

5. Non tanquam inciperet. Haec

Non illi vis, non granditas, non subtilitas, non amaritudo, non dulcedo, non lepos defuit. Ornavit virtutes, insectatus est vitia, fictis nominibus decenter: veris usus est apte. Circa me tantum benignitate nimia modum excessit; nisi quod tamen poëtis mentiri licet. In summa, extorquebo ei librum, legendumque, immo ediscendum, mittam tibi. Neque enim dubito futurum, ut non deponas, si semel sumpseris. Vale!

adicit, ne quis *primum* perverse interpretetur *evocatem*, *rulem*, atque *tironem*; quum ipse tempus modo indicare velit, ante quod in hoc genere non elaboravit. G. — Rom. « In veteri comœdia, sed non tanquam incipiat. » H.

— *Decenter* ... apte. Vide, quae nota-

mus de his adverbis ad V, 19, 3. G.

6. *Nisi quod tamen poëtis*. Rom.

*Nisi tamen quod poëtis*. H. — Noster

ordo genuinus. Infra VIII, 17, 6:

« Nam parvulum differt, putariis

adversa, an exspectes; nisi quod ta-

men est dolendi modus, non est ti-

mendi. Add. Panegyr. XCI, 7. S.

## XXII.

*Tironem, provinciam sortitum, exemplo Bruttiani, a familiari suo accusati, monet, ne cuiquam nimis fidat.*

C. FLINIUS TIRONI SVO S.

Magna res acta est omnium, qui sunt provinciis praefuturi, magna omnium, qui se simpliciter credunt amicis. Lustricus Bruttianus quum Montanum Atticinum, comitem suum, in multis flagitiis deprehendisset, Caesari scripsit. Atticinus flagitiis addidit, ut, quem deceperat, accusaret. Recepta cognitio est: fui in consilio: egit uterque pro se; egit autem carptim, et κατὰ κεφάλαια, quo genere veritas statim ostenditur.

XXII. 1. *Magna res acta est*. Rom. *Magna res est acta*. H.

2. *Bruttianum*, putant intelligi epigrammatum scriptorem quem valde laudat Martial. IV, 23. L. — *Montanum Atticinum*. Rom. *Montanum*

*Atticinum*. Scribe *Montanum Atticinum*: quod cognomen notum est. H.

— *Carptim*, et etc. Rom. *Carptim* et κατὰ κεφάλαια, quo genere variatur. H. — Κατὰ κεφάλαια. Sic dicta sunt rhetoribus praecipua orationis

3 Protulit Bruttianus testamentum suum, quod Atticini manu scriptum esse dicebat. Hoc enim et arcana familiaritas, et querendi de eo, quem sic amasset, 4 necessitas indicabatur. Enumeravit crimina foeda manifesta. Ille quum diluere non posset, ita regressit, ut dum defenditur, turpis, dum accusat, sceleratus probaretur. Corrupto enim scribae servo, intercepterat commentarios, intercideratque, ac per summum nefas utebatur adversus amicum crimine 5 suo. Fecit pulcherrime Caesar. Non enim de Bruttiano, sed statim de Atticino perrogavit. Damnatus et in insulam relegatus: Bruttiano iustissimum integritatis testimonium redditum, quem quidem etiam 6 constantiae gloria secuta est. Nam defensio expeditissime, accusavit vehementer; nec minus acer, quam 7 bonus et sincerus apparuit. Quod tibi scripsi, ut te sortitum provinciam praemonerem, plurimum tibi

momenta aut argumenta, quibus causa vel defensio niteretur. His nullus ornatus verborum, nullum artificium dicendi adiungitur, quibus iudex moveri vel inclinari possit, sed omnia causae momenta nude et simpliciter ponuntur. Itaque recte Plinius addit, *eo genere veritatem statim ostendi*. Sic Plutarch. Tiberio Gracch. XVI, *κατάλαα δίκαιολογίας* commemorat: eodemque sensu apud Lucian. Prometh. pag. 69, edit. Schmieder. τὰ κατάλαα apponuntur μακροῖς λόγοις et τῶ λόγων παρασκευῇ. Conf. quae in Les. technol. rhet. gr. v. *κατάλαα* et *παρασκευῇ* copiosius distinctus. E.

4. *Quum diluere etc.* Rom. *Quam diluere non posset, ita se gessit*. Cur hoc Cortio minus placet, quam *recessit*? quod, etsi ex Mediceo, non tamen a Plinio est. Non enim ex iudicio

*recedit, qui defenditur, qui accusat, sed qui absolvitur damnaturve. H.*

— *Interciderat*. Qui horit, quid sit apud rusticos *intercadere*, *intercellere*, nempe, inter plura eiusdem generis eradere quaedam vel evellere; idem etiam *intereidere* quid sibi velit, facile intelliget, nimirum de commentariis hinc inde aliquid excidere et quasi castrare, quod hic fecit Atticinus, tum ut scripto suo convinceret de quibusdam Bruttianum, tum ut probandi quaedam facultatem illi adimeret. Sic utebatur adversus amicum crimine suo, hoc est, instrumentis, quae produci non poterant, quin perfidia ipsius una proferretur. G.

5. *De Atticino perrogavit*. Sententias et suffragia omnium a primo ad ultimum rogavit, ut damnatus ante Atticinus iam neminem, nisi fortunas suas et scelus accusare posset. G.



credas, nec cuiquam satis fidus: deinde scias, si quis forte te, quod abominor, fallat, paratam ultionem: qua tamen ne sit opus, etiam atque etiam attende. Neque enim tam iucundum est vindicare, quam decipi miserum. Vale.

—Rom. *De Attacino promittitur.* H.  
7. *Nec cuiquam satis fides.* Non  
puto opus esse, ut satis hic dicamus

idem esse quod *valde* vel *nimis* adeo:  
ne *fides*, quantum satis est ad hoc,  
ut fallaris. G.

## XXIII.

*Causae defensionem, quam rogatus fuerat, ea lege promittit, ut Russo adolescens, quem in forum producturus erat, secum ageret.*

C. PLINIUS TRIARIO • SVO S.

Impense petis, ut agam causam pertinentem ad curiam tuam, pulchram alioquin et famosam. Faciam, sed non gratis. *Qui fieri potest, inquis, ut non gratis tu?* potest. Exigam enim mercedem honestiorem gratuito patrocinio: peto atque etiam paciscor, ut simul agat Cremutius Ruso. Solitum hoc mihi, et iam in pluribus claris adolescentibus factitatum: nam mire concupisco bonos iuvenes ostendere foro, assignare famae. Quod si cui, praestare Rusoni meo debeo, vel propter natales ipsius, vel propter eximiam mei

XXIII. \* *Triarii* huius alibi in his epistolis mentio sit nulla. L. — Inscr. Rom. *Triario Truanno*, duobus ex uno nomine factis. H.

1. *Alioquin.* Vid. ad II, 15, 2. S. — *Ut non gratis tu?* Qui in causis agendis non modo pactione, dono, munere, verum etiam xeniiis semper abstineris. V, 14, 8. G. — Rom. « Ut non gratis. Tu potes, exigam. »

Ita et Ald. H.

2. *Cremutius Ruso.* Rom. *Cremutius Ruso.* H.

— *Solitum hoc mihi etc.* Rom. *Solitum hoc mihi et in pluribus, sine iam.* H.

— *Assignare famae.* Admovere iis locis, unde famam probitatis et doctrinae colligere possint. E.

3. *Rusoni meo.* Rom. *Rusoni meo.*

caritatem: quem magni aestimo in iisdem iudiciis, ex  
 4 iisdem etiam partibus, conspici, audiri. Obliga me:  
 oblige antequam dicat; nam quum dixerit, gratias  
 ages. Spondeo, sollicitudini tuae, spei meae, magni-  
 tudini caussae suffecturum. Est indolis optimae, brevi  
 producturus alios, si interim proventus fuerit a nobis.  
 5 Neque enim cuiquam tam clarum statim ingenium  
 est, ut possit emergere, nisi illi materia, occasio,  
 fautor etiam commendatorque contingat. Vale.

H. — *Magni aestimo*, ut III, ep. 2, 5:  
*Ex iisdem partibus*, ut una mecum etc.  
 L. — *Ex iisdem etiam partibus*. Vi  
 vel una accusat, vel una defendat,  
 ubi favere illi, sublevare, laudare  
 illum, testimonium ei perhibere li-

ceat: quum, si a diversa parte agat,  
 oppugnandus sit omnibus machinis  
 pro fide patrocini. G.

4. *Magnitudini caussae suffecturum*,  
 Rom. *Magnitudini caussae effecturum*,  
 male. H.

## XXIV.\*

*Famam in factis conditionem facientium sequi, exemplo municipis  
 feminae, quae marito dux et comes mortis fuerat, ostendit.*

C. PLINII MACRO • SVO S.

Quam multum interest, quid a quo fiat! Eadem  
 enim facta claritate vel obscuritate facientium aut  
 2 tolluntur altissime, aut humillime deprimuntur. Na-  
 vigabam per Larium nostrum, quum senior amicus  
 ostendit mihi villam, atque etiam cubiculum, quod  
 in lacum prominet. *Ex hoc*, inquit, *aliquando mu-*  
 3 *niceps nostra cum marito se praecipitavit*. Caussam  
 requisivi. *Maritus ex diutino morbo circa velanda*

XXIV.\* De Macro dictum ad III,  
 ep. 5. I.

1. *Quid a quo fiat*. Rom. *Quid a  
 quoque fiat*. H.

2. *Larium nostrum*. Cui patella no-

stra, Comum, adiacet. G.

3. *Maritus .... minor est ipse*. Ges-  
 nerus haec pro narratione habuit se-  
 nioris illius amici: mihi ipsius verba  
 Plinii videntur, scribentis Macro quae

corporis ulceribus putrescebat: uxor, ut inspiceret, exegit: neque enim quemquam fidelius indicaturum, possetne sanari. Vidit, desperavit: hortata est, ut moreretur, comesque ipsa mortis, dux immo, et exemplum, et necessitas fuit. Nam se cum marito ligavit, abiicitque in lacum. Quod factum ne mihi, quidem, qui municeps, nisi proxime auditum est; non quia minus illo clarissimo Arriae facto, sed quia minor est ipsa. Vale.

a suo municepe audiverat. S. — *Fidelius indicaturum*. Sic legendum ex Mediceo libro potius, quam *iudicaturum*. In hac enim re non tam est, quod iudicium corrumpt, quam quod retrahat aliquem a *fidei* iudicio: Videt medicus, videt familiaris et iudicat, sanari non posse ulcus: recte iudicat Agrippa, curare non posse fistulam putrem Attici: sed tamen non *fideliter* iudicat, quia mavult amico,

Attico, vel ad horas aliquot vitam prorogare. In simillima causa *quemquam fidelius indicaturum* negat uxor; quod eventus etiam comprobavit. G. — Rom. *Fidelius indicaturum*: vidit, sanari desperavit, hortata ut moreretur, comesque ipsa mortis etc. H.

5. *Minor est ipsa*. Rom. *Minor ipsa*. H. — Verba est ipsa deleverunt Cert. et Bipont. e Medic. L.

## XXV.

De Robusto, qui peregre profectus nusquam comparuerat, promittit se quaesitum esse: ex simili autem exemplo timet, ne frustra sit. Facilitate se commendat hac epistola

C. PLINIUS HISPANO • SVO S.

Scribis, Robustum, splendidum equitem Romanum, cum Attilio Scauro, amico meo, Ocriculum usque commune iter peregissem, deinde nusquam comparuisse: petis ut Scaurus veniat, nosque, si potest, in aliqua inquisitionis vestigia inducat. Veniet; vereor ne fru-

XXV. \* De *Behio Hispano*, vid. ad I, 24. L. — Inscr. Rom. *Vipano*. H.

*Attilio Scauro*. H. — *Ocriculum*, Vmbriae oppidum cis Apenninum. L.

2. *Venit; vereor ne frustra*. Rom. *Veniat? Vereor ne frustra*. H.

1. *Cum Attilio Scauro* Rom. *Cum*

stra. Suspicio enim tale nescio quid Robusto accidisse, quale aliquando Metilio Crispo, municipi meo. Huic ego ordines impetraveram, atque etiam proficiscenti quadraginta millia nummum ad instruendum se ornandumque donaveram; nec postea aut epistolas eius, aut aliquem de exitu nuntium accepi. Interceptusne sit a suis, an cum suis, dubium: certe non ipse, non quisquam ex servis eius apparuit. Utinam ne in Robusto idem experiamur! Tamen arcessamus Scaurum. Demus hoc tuis, demus optimi adolescentis honestissimis precibus, qui pietate summa, mira etiam sagacitate, patrem quaerit. Dii faveant, ut sic inveniat ipsum, quemadmodum iam, cum quo fuisset, invenit! Vale.

— *Metilio Crispo.* Rom. *Metilio Crispo.* H.

3. *Ordines.* Legitur etiam *ordinem*, quod ipsum quoque rectum esse, et non minus quam *ordines* militarem aliquem gradum notare, hic ostendit Coriutus. Ad centurionatum, et primi praesertim pili, pertinere, alias observamus. G. — *Quadraginta millia nummum.* Sic et Rom. recte. H. — Satis pecuniae ad instruendum ornandumque centurionem. Al. male *quadringenta millia nummum.* S.

4. *Interceptusne sit a suis.* Necatusne

sit a servis suis. Tacitus Vit. Agric. cap. XLIII: «Augebat miserationem constans rumor, veneno interceptum.» S.

— *Utinam ne in Robusto.* Rom. *Utinam ne Robusto,* sine in. H.

5. *Qui pietate summa, mira etiam sagacitate.* Rom. *Qui pietate mira etiam sagacitate.* H. — Sic et alii, senel posito adiectivo, quod iterandum erat. Nimirum Mediceus: «qui pietate mira, etiam sagacitate:» quam lectionem Coriutus et Gierigius adsciverunt. S.

## XXVI.

*Gratulatur Serviano generum.*

C. PLINII SERVIANO • SVO S.

Gaudeo, et gratulor, quod Fusco Salinatori filiam tuam destinasti. Domus patricia; pater honestissimus; mater pari laude. Ipse est studiosus, literatus, etiam

XXVI. • *Serviano* scripsit etiam III, ep. 47. L.

4. *Ipse est studiosus.* Sic et Rom. H. — Praestat Coriuti *Ipse studiosus.* S. —

disertus: puer simplicitate, comitate iuvenis, senex gravitate: neque enim amore decipior. Amo quidem, effuse (ita officiis, ita reverentia meruit), iudico tamen, et quidem tanto acrius, quanto magis amo: tibi quo, ut qui exploraverim, spondeo, habiturum te generum, quo melior fingi, ne voto quidem, potuit. Superest, ut avum te quaminaturissime similitum sui faciat. Quam felix tempus illud, quo mihi liberos illius, nepotes tuos, ut meos vel liberos. vel nepotes, ex vestro sinu sumere, et quasi pari iure tenere continget! Vale.

*Senex gravitate.* Rom. *Gravitate senex.*

H. — Praefero nostrum ordinem. S.

— De eloquentia Fusci vid. supra ep.

41, 2. L.

2. *Iudico tamen.* Rom. *Iudicio tamen.*

H. — *Tibi quo, ut qui explora-*

*verim.* Rom. *Tibi quidem, ut qui exploraverim.* H.

3. *Maturissime similitum sui faciat.*

Rom. *Maturissime similitum sui faciat,*

quod ex similitum factum facile

quisque concedet. H.

## XXVII.

*Rogantem designatum consulem, quid in laudem principis adferret, docet exemplo suo, quid faciendum: addit et novam ex novis rebus gestis materiam.*

C. PLINIVS SEVERO • SVO S.

Rogas, ut cogitem, quid designatus consul in honorem principis censeas. Facilis inventio, non facilis electio. Est enim ex virtutibus eius larga materia.

XXVII. \* De Severo, vid. ad III, ep. 6. L.

4. *Censeas.* Tanquam primam sententiam dicas in Senatu. Designatus enim Consul primus rogatur sententiam: porro qui dicit sententiam, ille *censere* dicitur, cui verbo eo magis locus est, quia in tali sententia fere

honor aliquis novus, status, titulus, templum, triumphus, decernitur. Denique Plinius Panegyricus non a designato consule, sed inito iam magistratu, auctoritate Senatus habitus est. G. — Monentur haec contra Cellarium, qui de solenni gratiarum actione, qualis Plinius Panegyricus est, hic cogitavit. S.

Scribam tamen, vel, quod malo, coram indicabo, si prius haesitationem meam ostendero. Dubito, num idem tibi suadere, quod mihi, debeam. Designatus ego consul, omni hac, etsi non adulatione, specie tamen adulationis, abstinui: non tanquam liber et constans, sed tanquam intelligens principis nostri: cuius videbam hanc esse praecipuam laudem, si nihil quasi ex necessitate decernerem. Recordabar etiam plurimos honores pessimo cuique delatos; a quibus hic optimus separari non alio modo magis poterat, quam diversitate censendi: quod ipsum dissimulatione et silentio non praeterii, ne forte non iudicium illud meum, sed oblivio videretur. Hoc tunc ego: sed non omnibus eadem placent, nec conveniunt quidem. Praeterea, faciendi aliquid vel non faciendi vera ratio quum hominum ipsorum, tum rerum etiam ac temporum conditione mutatur. Nam recentia opera maximi prin-

— *Scribam tamen.* Sic restituit ex Mediceo libro, cui alii adstipulantur, Cortius. Vulgo legebatur: « materia: tamen, quod malo quidem, indicabo. » G. — Etiam Rom. « Scribam tamen, vel, quod malo, coram indicabo. » H.

— *Dubito, num etc.* Rom. *Non dubito idem tibi suadere, quod mihi debeam.* H.

2. *Ex necessitate decernerem.* Rom. *Ex necessitate decerneret.* H.

3. *Pessimis Caesaribus ingentes arcus, excessuri templorum fastigia tituli, menses etiam dicati sunt ob res levissimas.* L. — *Separari non alio modo etc.* Rom. *Separari (ita scriptum) non alio magis poterat, sine modo.* H. — Plurimorum librorum auctoritate omisit modo Cortius, quem Gierigius seipsum est. S. — *Silentio non praeterii.* Hoc ita intelligo. De-

signatus consul Secundus interrogatus a consule Senatam habente, *quid censes, Secunde?* exordio tali usus est, uti diceret: « se studio abstinere hic a laudibus principis, et uti felicitate temporum, qua etiam de veris decoribus Imperatoris tacere liceat etc. » G. — Rom. « Quod ipsum non dissimulatione et silentio praeterii. » H. — Genuinus ordo libri Romani. S.

4. *Nec conveniunt.* Malim, *ne conveniant*: prima vocis posterioris littera temere adhaesisse videtur praecedenti. G. — *Dubito de necessitate mutationis. Nec... quidem hic est et ne... quidem.* S.

— *Faciendi aliquid etc.* Rom. *Faciendi aliquid non faciendive.* H. — *Quum hominum ipsorum.* Rom. *Quum ipsorum hominum.* Deinde *conditio mutatur*, σελωνῶς. H.

5. *Ad recentia opera referendum*

cipis praebent facultatem nova, magna, vera censendi: quibus ex causis, ut supra scripsi, dubito, an idem nunc tibi, quod tunc mihi, suadeam. Illud non dubito, debuisse me in parte consilii tui ponere, quod ipse fecissem. Vale.

bellum Dacicum, quod Traianus primum a. Chr. 102, deinde redintegratum a. 106, feliciter confecit. *L.* — *Quibus ex causis.* Rom. *Quibus ex causis.* Hoc novae sententiae initium, idque et Ald. voluit. *H.* — Post *excusandi* plene distinguendum. *S.*

— *In parte consilii tui ponere, quod*

*ipse fecissem.* Rom. *In parte consilii tui ponere, quid ipse fuisset.* *H.* — *Quod ipse fecissem.* Hic abruptit, et ipsam consilium in illud tempus reiecit, quo coram suadere possit. Hinc confirmatur emendatio supra proposita, in verbis *coram iudicato.* *G.*

## XXVIII.

*Excusationem illius admittit; fructus quos miserat, modicandos in posterum, denuntiat.*

C. PLINIVS PONTIO • SVO S.

Scio, quae tibi causa fuerit impedimento, quo minus praecurrere adventum meum in Campaniam posses: sed, quamquam absens, totus huc migrasti. Tantum mihi copiarum tam urbanarum quam rusticarum nomine tuo oblatum est, quas omnes improbe quidem, accepi tamen. Nam me tui, ut ita facerem, rogabant; et verebar, ne et mihi et illis irascereris, si non fe-

XXVIII. • De Pontio, vid. ad V, ep. 45. *L.*

1. *Tam urbanarum quam rusticarum.* Sic et Rom. *H.* — *Medic.* *Qua urbanarum qua rusticarum.* Quod verum puti; recepitque Cortius cum Gierigio. Vid. Drakenb. ad Liv. II, 35, 4. *S.* — *Quas omnes etc.* Rom. *Quas*

*omnes improbe, accepi tamen,* ut et Ald. Infra ep. 29, 3: « Ad haec ego genera causarum, ambitione fortasse, addam tamen. » Lib. VII, ep. 30, 4: « Quibus ex causis precario studeo: studeo tamen. » Lib. IX, ep. 25, 3: « Nunc me rerum actus modice, sed tamen restringit. » Fortasse scripsit: « improbe accepi, accepi tamen. » *H.*

cissem. In posterum, nisi adhibueris modum, ego adhibebo. Etiam tuis denunciavi, si rursus tam multa attulissent, omnia relatu-ros. Dices, oportere me tuis rebus ut meis uti: etiam; sed perinde illis ac meis parco. Vale.

2. *Ego adhibebo* etc. Rom. *Ego adhibebo: tuis denunciavi*. II. — *Parco*.

Frugalitatem Plinii plures epistolae testantur. L.

## XXIX.

*Quadratum monet tum Thraseae dicto, tum suo exemplo, quae causae agenda sint.*

C. PLINIVS QVADRATO • SVO S.

Avidius Quietus, qui me unice dilexit, et, quo non minus gaudeo, probavit, ut multa alia Thraseae (fuit enim familiaris) ita hoc saepe referebat, praecipere solitum, suscipiendas esse causas, aut amicorum, aut destitutas, aut ad exemplum pertinentes. Cur amicorum? Non eget interpretatione. Cur destitutas? Quod in illis maxime et constantia agentis et humanitas cerneretur. Cur pertinentes ad exemplum? Quia pluri-

XXIX. • *Quadrato IX, epist. 43*, narrat quid in Helvidii causa actum. L.

4. *Avidius Quietus* occurrit etiam IX, ep. 43, 45, ubi in Helvidii causa censet in gratiam Arriae et Fanniae. L. — *Et multa alia* etc. Rom. s. VI multa alia (fuit enim Thraseae familiaris) ita hoc saepe. s. H. — *Aut destitutas* etc. Rom. *Aut destitutas ad exemplum pertinentes*, sine aut, quod vero necessarium est. H. — *Destitutas*. Periculosas et derelictas ab aliis propter difficultatem et alia incom-

moda. Ergo qui has nihilominus suscipit, constantiam simul et humanitatem ostendit, illam, quia nullum periculum, nullam molestiam metuit, hanc, quia putat amicos (non hos solum, sed omnino alios, S.) etiam cum invidiae periculo, et commodorum iactura defendendos et adiuvandos esse. E. — *Ad exemplum pertinentes*. Hoc est, utiles lecturis vel audituris exempli instar. E. — Immo maius quiddam indicatur. Explicat mox ipse Plinius. S.

2. *Quia plurimum refert*. Sic et Rom.



num refert, bonum an malum induceretur. Ad haec 3  
 ego genera caussarum, ambitiose fortasse, addam ta-  
 men claras et illustres. Aequum enim est agere non  
 nunquam gloriae et famae, id est, suam caussam. Hos  
 terminos, quia me consuluisti, dignitati ac verecun-  
 diae tuae statuo. Nec me praeterit, usum et esse et 4  
 haberi optimum dicendi magistrum. Video etiam,  
 multos parvo ingenio, literis nullis, ut bene agerent,  
 agendo consequutos. Sed et illud, quod vel Pollionis, 5  
 vel tanquam Pollionis accepi, verissimum experior:  
*Commode agendo factum est, ut saepe agerem: saepe*  
*agendo, ut minus commode:* quia scilicet assiduitate  
 nimia facilitas magis quam facultas, nec fiducia, sed  
 temeritas, paratur. Nec vero Isocrati, quo minus ha- 6  
 beretur summus orator, offecit, quod infirmitate vocis,  
 mollitie frontis, ne in publico diceret, impediabatur.  
 Proinde multum lege, scribe, meditare, ut possis,  
 quum voles, dicere; dices, quum velle debebis. Hoc  
 fere temperamentum ipse servavi. Non nunquam ne- 7

Ald. *refert*, pro *referret*, quod me-  
 rito revocatum est. H. — A Cortio,  
 quem Gierigius iure sequitur. Miror,  
 Gesnerum *refert* ferre potuisse. S. —  
*Bonum an malum induceretur.* Rom.  
*Bonum an malum diceretur, corrupte.*

3. *Aequum enim est.* Praestaret hic  
 ordo: *Aequum est enim.* Max gloriae,  
 famae, genitivi sunt. S. — *Gloriae et*  
*famae,* etc. Rom. «Gloriae et famae  
 idem dignitati ac verecundiae tuae  
 statui.» Multa ommissa sunt, quia, ut  
 Cortius putat, in libris fuit: «id est  
 (ex hoc factum idem) suam caussam.  
 Hos terminos, quia me consuluisti,  
 item dignitati ac verecundiae tuae sta-  
 tuo.» Ita apparet, quae omissionis  
 causa fuerit. H.

4. *Vsum et esse et haberi.* Rom.

PLIN. Ep. Tom. I

*usum esse et haberi.* H.

5. De Pollione vid. ad V, epist. 3,  
 5. L. — *Vel tanquam,* etc. Rom.  
*Vel tanquam Pollionis tanquam veris-*  
*simum.* H. — *Facilitas magis,* etc.  
 Rom. *Facilitas magis quam doctrina,*  
 uero fiducia. H.

6. *Offecit, quod,* etc. Rom. *Effecit,*  
*quod infirmitate vocis, mollitie frontis*  
 H. — *Mollitie frontis.* Timiditate;  
 quod in fronte hominis manifesta  
 animi, praecipue pudoris vel impu-  
 dentiae indicia esse putantur. Cicero  
 in Isocrate pudorem et timiditatem iu-  
 gennam dixit. E.

— *Dices quum velle debebis.* Rom.  
*Dices quum velle debebis.* H. — Cicero.  
 Off. I, 4, *dices, quumdiu voles;* tam-  
 diu autem velle debebis, etc. L.

Bb

cessitati, quae pars rationis est, parui. Egi enim quasdam a senatu iussus; quae tertio in numero fuerunt ex illa Thraseae divisione, hoc est, ad exemplum  
 8 pertinentes. Adfui-Baeticis contra Baebium Massam. Quaesitum est, an danda esset inquisitio: data est. Adfui rursus iisdem querentibus de Caecilio Classico. Quaesitum est, an provinciales, ut socios ministrosque  
 10 proconsulis, plecti oporteret: poenas luerunt. Accusavi Marium Priscum; qui lege repetundarum damnatus, utebatur clementia legis, cuius severitatem immanitate criminum excesserat: relegatus est. Tuitus  
 11 sum Iulium Bassum, ut incustoditum nimis et incautum, ita minime malum: iudicibus acceptis in senatu remansit. Dixi proxime pro Varenno, postulante, ut sibi invicem evocare testes liceret: impetratum est. In posterum opto, ut ea potissimum iubeam, quae me deceat vel sponte fecisse. Vale.

7. *Quae tertio*, etc. Rom. « Quo tamen in numero fuerunt ex illa Thraseae divisione, hoc est. » Cellariana lectio a Casaubono excogitata est. H. — Non debebat tam Gesnerus retinere. Unice verum, quod liber Romanus cum caeteris omnibus exhibet, fuerunt scil. aliquot. S.

— *Adfui Baeticis*. Vid. III, 4, 4, et VII, 33; de *Caecilio Classico* III, 4,

2; de *Mario Prisco* II, 44; de *Iulio Basso* IV, 9; pro *Varenno*, V, 20. G.

10. *Vt incustoditum*, etc. Rom. *Vt incustoditum et minus cautum*. H. — Vera haec lectio videtur. S.

— *Invicem vocare testes*. Sic et Rom. H. — Praestat aliorum librorum *evocare*, quod verbum de hac re proprium. S.

— *Vt ea potissimum*, etc. Rom. *Vt potissimum iubeam, quod me deceat*. H.

XXX.

*Prosoceri villae durum et laboriosum hominem praeficiendum esse suadet.*

C. PLINIVS FABATO • SVO S.

Debemus, me Hercule, natales tuos perinde ac nostros celebrare, quum laetitia nostrorum ex tuis pendeat, cuius diligentia et cura hic hilares, istic securi sumus. Villa Camilliana, quam in Campania possides, est<sup>2</sup> quidem vetustate vexata; ea tamen, quae sunt pretiosiora, aut integra manent, aut levissime laesa sunt. Attendimus ergo ut quam saluberrime reficiantur.<sup>3</sup> Ego vidcor habere multos amicos, sed huius generis, cuius et tu quaeris et res exigit, prope neminem. Sunt enim omnes togati et urbani: rusticorum autem<sup>4</sup> praediorum administratio poscit<sup>o</sup> durum aliquem et agrestem, cui nec labor ille gravis, nec cura sordida,

XXX. • De *Fabato* vid. ad IV, ep. 1. *L.*

1. *Natales tuos.* Dies subaudiendos esse, iam manifestum est, ut mirer, Curtium de loco natali intelligere potuisse. *S.*

2. *Vexata.* Per quemdam *εὐχρηστικός* iucunda et venusta metaphora *vexatam* dicit villam multis partibus caducam, et labantem aedificiorum ruinam minitantium vetustate. Ratio dicendi vere Pliniana, hoc est, venusto ingenio apta et digna. *E.* — Caducam et labantem villam aedificiaque ruinosa Secundus non dicit. *Villa vetustate vexata* h. l. nihil amplius quam cui anni aliquid detri-

menti attulerunt. *S.* — *Ea tamen,* etc. Rom. *Et tamen quae sunt pretiosiora.* H.

3. *Attendimus ergo.* Rom. *Attendimus ergo.* H. — Praefero hanc lectionem, quae item aliorum librorum est. Refectio villae futura erat, quum haec Plinius scriberet. *S.*

— *Quam saluberrime.* Quam minimis impensis: quod fieri poterat, quia *pretiosiora*, id est, quorum refectio magnam erat pecuniam assumptura, vix aut ne vix quidem laesa erant. *S.*

— *Sed huius generis, cuius et tu quaeris.* Rom. *Sed eius generis, cuius et tu quaeris.* H.

5 nec tristis solitudo videatur. Tu de Rufo honestissime cogitas: fuit enim filio tuo familiaris. Quid tamen nobis ibi praestare possit, ignoro; velle plurimum, credo. Vale.

5. *Quid tamen nobis ibi.* Sic et Rom. tio videtur. Credebat id Fabato. H. Postremo, *velle plurimum*, credo, — Corlius edidit: *Velle plurimum*, quod minus absoum est, quam Cor- scio. S.

## XXXI.

*Quid Centum Cellis in secesso principis peractum sit, egregie enarrat, simulque loci situm et munitionem describit.*

C. PLINIVS CORNELIANO • SVO S.

Evocatus in consilium a Caesare nostro ad Centum  
2 Cellas (hoc loco nomen) longe maximam cepi volu-  
ptatem. Quid enim iucundius, quam principis iusti-  
tiam, gravitatem, comitatem in secessu quoque, ubi  
haec maxime recluduntur, inspicere? Fuerunt variae  
cognitiones, et quae virtutes iudicis per plures species  
3 experirentur. Dixit caussam Claudius Ariston, prin-  
ceps Ephesiorum, homo munificus, et innoxie popu-  
laris: inde invidia, et ab dissimillimis delator immis-

XXXI. \* Ad *Cornelianum* non nisi haec una epistola data exstat, nec alibi Noster eius mentionem facit. L.

4. *Hoc loco nomen.* Forte illo tem-  
pore *Centum Cellarum* nomen demum  
accepit: alioqui supervacua, et glos-  
sae similia mihi viderentur Iria ista  
verba. *Civitas vecchia* eo loco hodie  
esse, docent Geographi. Vid. viri do-  
cti ad Rutilii itio. 1, 237. G.

2. *Vbi haec maxime recluduntur.*  
Magis enim in secessu, quam in ho-

minum frequentia apparet, num quis  
vere sit iustus, gravis, comis, an in-  
stitium, gravitatem, comitatem si-  
mulet. S.

3. *Claudius Ariston.* Sic et Rom.  
Postea, *innoxiae popularitatis*. H. —  
*Innoxie popularis.* Sic ex libris Cor-  
tius: sed nec damnaverim alterum,  
*innoxiae popularitatis* G. — *Ab dissimillimis:* Id est, pessimis, ut ipse erat  
optimus. Licit enim nobis retinere  
vulgatam ab Aldo aliisque lectionem

sus: itaque absolutus vindicatusque est. Sequenti die audita est Galitta, adulterii rea. Nupta haec tribuno militum, honores petituto, et suam et mariti dignitatem centurionis amore maculaverat: maritus legato consulari, ille Caesari scripserat. Caesar, excussis probationibus, centurionem exauctoravit, atque etiam relegavit. Supererat crimini, quod nisi duorum esse non poterat, reliqua pars ultionis: sed maritum, non sine aliqua reprehensione patientiae, amor uxoris retardabat; quam quidem, etiam post delatum adulterium, domi habuerat, quasi contentus aemulum removisse. Admonitus, ut perageret accusationem, peregit invitus. Sed illam damnari, etiam invito accusatore, necesse erat: damnata, et Iuliae legis poenis relicta est. Caesar et nomen centurionis, et commemorationem disciplinae militaris sententiae adiecit, ne omnes eiusmodi causas revocare ad se videretur. Tercio die inducta cogitio est, multis sermonibus et

Cortius ex libris antiquis et dissimilibus dissimilibus delator immissus. Si omnino his ponere iuvat adiectivum, malim: ab dissimilibus dissimilibus delator immissus: vel ita, ab dissimilibus his similis delator immissus. Potest etiam sic dedisse Secundus, et dissimilimus delator immissus. G. — Rom. Et a dissimilibus. H.

4. *Galitta adulterii rea.* Rom. *Galitta adulterii rea.* H.

— *Legato consulari.* Qui ex consulari legionibus omnibus praest, ut distinguatur ab singularum legalis praetoris. Iam laudavit Cellarius Lipsium de mil. Rom. II, 44, qui ex Dione lib. LII et LIII, explicat. G.

5. *Exauctoravit*, ignominiae causa ab exercitu removit, unde infamia. L.

— *Crimini.* Adulterio, quod necessario inter duas personas erat, et reliqua pars ultionis supererat, et scilicet ut et Galitta puniretur. E. — *Reprehensione patientiae.* Merito enim patientia mariti adversus uxorem adulterii ream suspecta erat. Forte lenonem ipsum maritum putabant. E.

6. *Iuliae legis poenis.* De quibus multum disputatum est antequam integrae ederentur Pauli sententiae receptae, in quibus II, 26, 42, ista habentur: Adulterii convictas mulieres dimidia parte dotis, et tertia parte bonorum, ac relegatione in insulam, placuit coerceri. G. — Rom. Et legis Iuliae poenis relicta est. H.

— *Ne omnes eiusmodi causas.* Si iure Principis id fecisset. Scilicet Augusti exemplum secutus rem militarem sibi vindicavit in solidum; reli-

vario rumore iactata, de Iulii Tironis codicillis, quos ex parte veros esse constabat, ex parte falsi dicebantur. Substituebantur crimini Sempronius Senecio, eques Romanus, et Eurythmus, Caesaris libertus et procurator. Heredes, quum Caesar esset in Dacia, communiter epistola scripta, petierant, ut susciperet cognitionem: suscepit. Reversus diem dixerat: et, quum ex heredibus quidam, quasi reverentia Eurythmi, remitterent accusationem, pulcherrime dixerat, *Nec ille Polycletus est, nec ego Nero*. Indulserat tamen petentibus dilationem; cuius tempore exacto, consederat auditurus. A parte heredum intraverunt

quarum rerum nomen certe et usum Senatui reliquit. G. — Disertius Buchnerus: «Tuendae disciplinae militaris propria Imperatoris cura est: quae quum centurionis adulterio violata esset, eius cognitio ad Traianum pertinebat. Hoc itaque in sententia, quam pronuntiavit, allegaverat Traianus: ne omnes in universum huiusmodi causas (id est adulteria) suae cognitionis facere videretur.» S.

7. *Rumore iactata*, etc. Rom. *Rumore iactata Iulii Tironis codicillis*. H. — Nostram Casaubonus excogitavit: nec displicet. Susceperat Traianus cognitionem, quum in Dacia esset. Notissima igitur erat priusquam induceretur: quumque de causa varius rumor esset, poterat utique multis sermonibus iactari. S.

8. *Substituebantur crimini Sempr.* etc. Substituebantur, in crimen vocabantur: sic Celsus l. XXX, π, de oper. libert. (38, 4): «Et fere ea mens est personam arbitrio substituentium, ut, quia sperent eum recte arbitraturum, id faciant, etc.» Et Vlpianus l. II, π, de admin. rer. ad civit. (50, 8), §. 11: «Quum poste-

rior locatio solidae praestantioni reipublicae enim substituerit.» Quo utroque loco *substituere* hand dubie est *subire*. G.

9. *Diem dixerat*. Sic et Rom. H. — Al. *Diem dederat*, quod cum Cortio et Gierigio verum puto. S. — *Quasi reverentia*, etc. Rom. *Quasi reverentia Eurythmo mitterent accusationem*. H. — Legendum ut alii habent: «quasi reverentia Eurythmi, omitterent accusationem.» S. — *Polycletus*. Potentissimus Neronis libertus, de quo laudavit Cellarius Tac. Annal. XIV, 39, Hist. I, 37, ac II, 95. De moderatione Traiani circa libertos suus noster Paneg. cap. 88. G. — Sensus ergo sententiae Traiani hic est: non ego sum alter Nero, qui libertis suis, ut Polycleto, quidquid ipsis libuisset, et quascunque rapinas, nimis negligenter permitteret. E. — Rom. «Nec ille Polyphagus est, nec ego Nero.» H.

10. *A parte heredum intrav.*, etc. Interpungendum puto: «A parte heredum intraverunt duo omnino: postularunt, etc.» Notus usus adverbii omnino numeralibus iuncti. Caesar

duo: omnino postularunt, ut omnes heredes agere cogerentur, quum detulissent omnes, aut sibi quoque desistere permetteretur. Loquutus est Caesar, summa gravitate, summa moderatione: quumque advocatus Senecionis et Eurythmi dixisset, suspicionibus relinqui reos, nisi audirentur; *Non curo, inquit, an isti suspicionibus relinquantur: ego relinquer.* Dein, conversus ad nos: *Επίστασις, quid facere debeamus?* *Isti enim queri volunt, quod sibi licuerit non accusare.* Tum ex consilii sententia iussit denuntiari heredibus omnibus, aut agerent, aut singuli approbarent caussas non agendi, alioqui se vel de calumnia pronuntiaturum. Vides, quam honesti, quam severi dies: quos iucundissimae remissiones sequebantur. Adhibebamur quotidie coenae: erat modica, si principem cogitares. Interdum ἀποδάματα audiebamus: interdum iucundissimis sermonibus nox ducebatur.

de B. G. IV, 38: «Eo duae omnino civitates ex Britannia obsoles miserrunt: reliquae neglexerunt.» Cicero de Fin. V, 8, iv. «iunctae autem et duplices expositiones summi boni tres omnino fuerunt: nec vero plures..... esse potuerunt.» S.

12. *Επίστασις, quid facere debeamus.* Rom. *Επίστασις quid facere debeamus.* H. — Abusus linguae Graecae in iudice coram consilio vix ferendus, quantumvis Romani in sermonibus epistolisque Graeca frequentarint. Quis nostrum ferret iudicem consiliarios sic alloquentem: *Σαυτοὺς, wos viri tuos habet?* S.

— *Quod sibi licuerit non accusare.* Acute. Licuerat accusatoribus non accusare ab initio: nunc postquam detulerunt nomina, non licet. Si queruntur ergo, se ad accusandum cogi, re ipsa hoc queruntur, quod male

sua libertate nisi fuerint. Si tamen nimis argutum hoc videatur, genimemus negandi adverbium, hoc modo: «quod sibi non licuerit non accusare:» ita plane difficultatem non habebit. Iam enim «non licet ipsis non accusare,» hoc est, revocare accusationem, ne Principi eam condonasse videantur. G. — Nisi Plinius scripsit: «quod sibi non licuerit accusare.» S.

— *Tum ex consilii, etc.* Rom. «Tum ex consilii sententia iussit denuntiari heredibus omnibus, aut agerent, aut singuli probarent.» H.

13. *Iucundissimae remissiones.* Rom. *Iucundissime remissiones.* H.

— *Si principem cogitares.* Rom. *Si principem cogites.* H.

— *Αποδάματα.* Visu hic Latinis solemniori alio Graeci fere usurpant, qui tamen etiam de hominibus dicunt.

- 44 Summo die abeuntibus nobis (quam diligens in Caesare humanitas!) xenia sunt missa. Sed mihi, ut gravitas cognitionum, consilii honor, suavitas simplicitasque convictus, ita locus ipse periucundus fuit.
- 45 Villa pulcherrima cingitur viridissimis agris: imminet litori, cuius in sinu sit quum maxime portus. Huius sinistrum brachium firmissimo opere munitum est; dextrum elaboratur. In ore portus insula adsurgit, quae illatum vento mare obiacens frangat, tutumque ab utroque latere decursum navibus praestet. Adsurgit autem arte visenda. Ingentia saxa latissima navis provehit: [contra] haec alia super alia deiecta ipso pondere manent, ac sensim quodam velut aggere
- 47 construuntur. Eminent iam et apparet saxeum dorsum: impactosque fluctus in immensum elidit et tollit.

Locis ab H. Stephano Tbes. L. Gr. I. col. 295 B. collectis add. Diodor. Sicul. Exc. de Virt. et Vit. p. 583 Weasel. περιήναι πάντα τὸν τόπον, πρόποσις λαμπρύνειν ὁρὸς, καὶ τοῖς ἀρεαμασι προσπαῖζων. S. — Noctem ducere, formula poetica. L.

44. Summo die... diligens. Rom. Summo vesperi abeuntibus nobis, quam diligens. H. — Vesperi profectum a glossatore, qui summo die interpretari vellet. S.

45. Fit quum maxime portus. Lectio a Cortio restituta e libris. Vulgo, «cuius in sinu quam maximus portus velut amphitheatrum.» Ultima verba glossam putat ex Rutillii Itin. I, 239, ubi de hoc portu, Molibus, inquit, aethereum concluditur amphitheatrum: reliquam mutationem ortam ex ignorato usu τῆς quam maxime, quem docet index noster, et hic stabiliunt, quae proxime sequuntur, unde intelligimus nimirum eo ipso tempore, hoc est quum maxime, elaboratum

esse in portu. G. — Rom. «Cuius in sinu portus velut amphitheatrum.» H.

16. In ore portus insula adsurgit Rom. In ore insula adsurgit. H.

— (Contra) haec Vix dubito, corruptum esse illud contra: certe mihi ignorabile est: et quum sine illo sententia mihi videatur planior, interrim uncis coercere ausus sum, dum, quid illo facianus, decernatur. Non multum iuvat Cortius, quum observat, aut contra portum provehi, aut contra eum deiecti saxa: neutrum enim a me intelligi fateor, certe, quid opus sit ea propositione, non comminiscor. In mentem veniebat sic legere quadra id est quadrata haec saxa alia super alia, etc. Cui compendia et notae librariorum non ignota sunt, ille dabit nobis, potuisse quadra in contra mutari, vocem insolentiorum, bonam tamen, in notiorum. Quin saxa quadrata huic rei sint aptissima, quae facilius sibi applicentur, moveantur



Vastus illic fragor, canumque circa mare. Saxis deinde pilae adiiciuntur, quae procedenti tempore enatam insulam imitentur. Habebit hic portus etiam nomen auctoris, eritque vel maxime salutaris. Nam per longissimum spatium litus importuosum hoc receptaculo utetur. Vale.

difficilius, dubitari nulla ratione potest. *G.* — Ego aliquando sic conieciham: pondera haec alia nuper, etc. Saltem hoc res et sensus patitur, et hoc ipsum pondera . . . ipso pondere suo manent, quod aliquid ex lusu quodam acuminis habet, Plinianum mihi esse videbatur. *E.*

17. *Saxis pilae adiiciuntur.* Id est, structurae, in lateribus molis ex caementis, calce, et pulvere Puteolano, quas disertissime describit Vitr. V. 12. Quum enim illa ex pulvere Puteolano structura hoc habeat, ut in aqua magis magisque indurescat, moles eiusmodi paulatim in saxosae insulae naturam mutabitur. *G.* — Conf. Virg. Aen. IX, 740 sqq. «Qualis in Euboico Baiarum litore quon-

dam Saxea pila cadit; magnis quam molibus ante Constructam ponto iaciunt.» *S.*

— *Nomen auctoris.* Traiani portus aliquamdiu dictus est, sed *Centum Cellarum* nomen mox rediisse, vel Rutilii loco citato constat. Accidit hic Traiano, quod saepe aliis, ut desideratam gloriam posteri videant; qui propter frequentes ipsius in muris publicorum operum titulos *herba parietaria* a Constantino M. dictus sit, teste Aur. Vict. Epit. XII, 43. Add. Ammian. Marcell. XXVII, 3, pag. 523. *G.* — Rom. «Hic portus habet etiam nomen auctoris, eritque maxime salutaris.» *H.* — Bene Cortius ex libris suis: «Habebit hic portus et iam habet nomen auctoris.» Idem in editione sua recepit Gierigius. *S.*

## XXXII.

*Nubenti Quintiliani filiae dono offert L. millia nummum. Exiguum ei munusculum videbatur, sed et mediocritatem eius ita excusat, ut Quintilianum laudet.*

C. PLINIVS QVINTILIANO SVO S.

Quamvis et ipse sis continentissimus, et filiam tuam ita institueris, ut decebat filiam tuam, Tutili neptem;

XXXII. 1. *Vt decebat.* . . . . . neptem. Sic et Rom. *H.* — Alter ver-

borum ordo e libro Mediceo notatus, «ut decebat tuam filiam, Tutili

quum tamen sit nuptura honestissimo viro, Nonio Celeri, cui ratio civilium officiorum necessitatem quamdam nitoris imponit; debet, secundum conditionem mariti, veste, comitatu (quibus non quidem <sup>2</sup> augetur dignitas, ornatur tamen) instrui. Te porro animo beatissimum, modicum facultatibus scio. Itaque partem oneris tui mihi vindico, et tanquam parens alter puellae nostrae confero quinquaginta millia nummum: plus collaturus, nisi a verecundia tua sola mediocritate munusculi impetrare posse confiderem, ne recusares. Vale.

neptem, \* oppositionem iuvat, ideoque praefendus videtur. *S.* — *Nonium Celerem* eundem esse putant quem Martialis VII, epig. 51, ait Celtiberiae praesidem fuisse. *L.* — *Secundum conditiones*, etc. Rom. \* *Secundum conditiones mariti veste, comitatu augeri, quibus non quidem augetur dignitas, ornatur tamen et instruitur.* \* *II.* — Placet haec lectio, quae item aliorum librorum est. Praeterea cum Cortio et Gierigio scribendum, libris praecedentibus, *conditionem*. Pluralem hoc sensu vix reperiatis. *S.*

2. *Modicum facultatibus.* Non pro rhetore: nam sic dives erat Fabius. Vid. Iuven. VII, 188 sq. Verum pro genere, viro splendido, et forte Ili-

spaniae praeside, quod coniciunt viri docti eum esse, de quo Martialis VII, 51. Vid. Praef. Quintil. § 9, et G. Add. Gesner. ad Quintil. l. I.

— *Partem oneris tui mihi vindico.* Rom. *partem oneris tui vindico mihi* H. — *Alter exciderat* in edit. Gesneriana, negligentia, puto, operarum. Itaque addidi. *S.* — *Impetrari posse confiderem.* Rom. *Impetrare posse confiderem.* H. — Verum hoc videtur. Mutatum, ni fallor, quod pronominis ellipsis offenderet. Sed haec nihil habet duri aut insoliti: quanquam librariis fere adeo displicuit, ut nunc pronomen infererent, nunc, ut hoc loco, passivum pro activo scriberent. *S.*

## XXXIII.

*Triumphat oratione sua pro Accia apud centumviros habita, cuius artes detegit. Animus lactitiae sensu commotissimus cum impetu effunditur.*

G. PLINIVS ROMANO • SVO S.

**T**ollite cuncta, inquit, coeptosque auferte labores. Seu scribis aliquid, seu legis, tolli, auferri iube, et accipe orationem meam, ut illi arma, divinam. Num superbius potui? Revera, ut inter meas, pulchram: nam mihi satis est certare mecum. Est haec pro Accia Variola, et dignitate personae, et exempli raritate, et iudicii magnitudine insignis. Nam femina splendide nata, nupta praetorio viro, exheredata ab octogenario patre, intra undecim dies, quam ille novercam ei, amore captus, induxerat, quadruplici iudicio bona

XXXIII. • Romano vel Pconio Romano, cui et panegyricum misit emendandum III, ep. 43; vel Romano Firmo, quem ipse I, ep. 49, nobis notum fecit; de illo vid. ad I, ep. 5. Vterque fuit contubernalis Plinii. L.

1. Tollite cuncta. Verba Vulcani Aen. VIII, 439, quibus caeteris sepositis arma Aeneae parare iubet auns Cyclopas. G. — Coeptosque auferte labores. Ita et liber Rom. H. — Et qui non? Videtur Heusingerus respexisse ad varietatem lectionis in codicibus Virgilianis repertam. S.

— Seu scribis, etc. • Seu scribis aliquid, seu legis, tolli, auferri iube: et accipe orationem meam, ut illi arma, divinam (num superbius potui?) re vera, ut inter meas pulchram. • Ita, meo quidem iudicio, interpungendum est, servandumque

ut illi arma, quod Cortius mutavi H. — Mutavit item Gierigius, cum Cortio scribens ut illa arma. Perperam. Romanus Cyclopius, lectio orationis fabricationi armorum comparatur. Accipe orationem meam, scil. legendam, ut illi arma, scil. fabricanda. S.

— Vi inter meas. Haec verba plane corrigunt, et ad modestiam revocant, si quid praecedens iocus habere arrogantiae videbatur. Habent enim eam vim: « quatenus inter meas pulchra esse potest oratio » vel « modo possit meum quidquam pulchrum vocari. » G.

2. Intra undecim dies, etc. Rom. intra XI dies quasi ille novercam ei captus induxerat. Omissum amore. H. — Novercam et.... induxerat. Sic Graeci πατρικὴς τοῖς τέκνους ἐνέχε-

3 paterna repetebat. Sedebant iudices centum et octoginta: tot enim quatuor consiliis conscribuntur: ingens utrinque advocatio, et numerosa subsellia: praeterca densa circumstantium corona latissimum  
4 iudicium multiplici circulo ambibat. Ad hoc, stipatum tribunal, atque etiam ex superiore basilicae parte, qua feminae, qua viri, et audiendi, quod erat difficile, et quod facile, visendi studio imminebant. Magna exspectatio patrum, magna filiarum, magna  
5 etiam novercarum. Sequutus est varius eventus. Nam duobus consiliis vicimus, totidem victi sumus. Notabilis prorsus res et mira; eadem in caussa, iisdem iudicibus, iisdem advocatis, eodem tempore tanta diversitas accidit casu quidem, sed non ut casus videretur. Victa est noverca: ipsa heres ex parte sexta.

*οἱ αὐτοὶ, ἰνὸς ἀντιθέσθαι.* Vid. Wesscl. ad Diod. Sic T. I, p. 485 sq. S. — *Quadruplici iudicio.* Centumviri. Vid. supra I, 5, 4; et I, 18, 3; Add. Quintil. XII, 5, 6. G.

3. *Conscribuntur.* Colliguntur Cort. *discribuntur* Schreiterus in sacramentor. antiquitatibus p. 21. G. — Rom. «Quatuor consiliis colliguntur: ingens utrinque advocatorum; numerosa subsellia praestantium corona.» H. — *Densa.... ambibat.* Si quis tiro non satis sciat, quid sit in elocutione τὸ πρῶτον vel πρῶτον, ex ingenii ubertate nasci solitum, a quo Plinius, quamvis alioqui aetatem suam moderatione superans, tamen non semper sibi cavere potuit, is ex hoc loco cognoscat, in quo singula verba notionem ambitus vel magnitudinis quasi inculcant lectoribus. E.

4. *Basilicae nempe Iuliae.* v. V, ep. 21. L. — *Et audiendi,* etc. Rom. «Et audiendi, quod difficile, et visendi studio imminebant. Desunt quod

*facile.* H. — *Erat ante difficile* in plurimis libris, etiam in Brummerianis, deest, expunxitque Cortius. Nec ego desidero. S.

— *Magna etiam novercarum.* Rom. *Magna novercarum, sine etiam.* H.

5. *Notabilis prorsus res.* Ita et Rom. In Ald. res omisa est. H. — *Eodem tempore tanta diversitas accidit casu quidem* etc. Rom. «Eodem tempore tanta diversitas. Accidit casu, quod non casus videtur.» An ergo ita legendum? «Notabilis prorsus et mira, eadem in caussa, iisdem iudicibus, iisdem advocatis, eodem tempore, diversitas. Accidit casu quod victa est noverca, ipsa heres ex parte sexta; victus Suberinus.» Ex glossa accessit *res*, postquam prisca interpunctio perturbata est, ideoque eam vocem Aldus exclusit: ex eadem glossa illa quoque adiecta sunt non casus videtur, quod in margine aliquis adscripserat, posteaque varie mutarunt librarii. H.

Victus Suberinus; qui exheredatus a patre singulari impudentia alieni patris bona vindicabat, non ausus sui petere. Haec tibi exposui, primum, ut ex epistola, scires, quae ex oratione non poterat; deinde, (nam detegam artes) ut orationem libentius legeres, si non legere tibi, sed interesse iudicio videreris: quam, sit licet magna, non despero gratiam brevissime impetraturam. Nam et copia rerum, et arguta divisione, et narratiunculis pluribus, et eloquendi varietate, renovatur. Sunt multa (non auderem nisi tibi dicere) elata, multa pugnancia, multa subtilia. Intervenit enim acribus illis et erectis frequens necessitas computandi, ac paene calculos tabulamque poscendi, ut repente in privati iudicii formam centumvirale vertatur. Dedimus vela indignationi, dedimus irae, dedimus dolori; et in amplissima caussa, quasi magno mari, pluribus ventis sumus vecti. In summa, solent quidam ex contubernalibus nostris

6. *Suberinus*. Hic videtur fuisse privignus, octogenarii senis, filius mulieris, quam ille novercam Acciae Variolae filiae suae induxit, qui iam pro sua matre ageret. *G.*

8. *Pugnancia*. Interpretantur acris, vehementia, contentiosa, fortia. quod firmant libri, in quibus legitur *pugnancia*. Sed mihi videbantur *pugnancia* hic intelligi illud genus acuminum, quae ex contrariis constant, *enthymemata* vocant rhetores. Vid. Quint. V, 40, 2; ii. VIII, 5, 9. *G.* — *Elata* .... *subtilia*. His nempe illam eloquendi varietatem praestitit. *Elata* et *pugnancia*, quae mox acris et erecta dicit, habent vim, acrimoniam, et vehementiam dicendi oratoriam, et quemdam spiritum. Iluc illa pertinent, *dedimus vela indignationi, irae, dolori*, etc. *Subtilia* autem sunt, exilia, te-

nia, quae sunt de rebus vulgaribus, nec oratorium ornatum, nec vehementiam in dicendo admittunt; quo pertinet illa, quam commemorat: «necessitas computandi, ac paene calculos tabulamque poscendi.» Plura dedimus de hoc subtilitatis sensu et usu in *Léxico technol. rhet. lat.* pag. 385. *E.*

9. *Intervenit enim*, etc. Rom. *Intervenit acribus, sine enim*, quod nemo desiderabit. *H.* — *Tabula* illa qua computantes utuntur, peculiarem formam habuisse videtur, quae adjuvaret calculandi laborem. *L.* — *In privati iudicii*. Quo v. g. paterfamilias cum villico rationes putat: nam alio intellectu centumviralia iudicia sunt privata, hoc est, de re privata et familiaria, et a publicis differunt. *G.*

10. *Vecti*. Rom. *Erecti*. *H.*

existimare hanc orationem (iterum dicam) praecipuam, ut inter meas, ὡς ὑπὲρ Κτησιφῶντος esse. An vere, tu facillime iudicabis, quia tam memoriter tenes omnes, ut conferre cum hac, dum hanc solam legis, possis. Vale.

14. Ὡς ὑπὲρ Κτησιφῶντος. Qua Ctesiphontem, et decretam sibi ab illo coronam defendit, quam, quod regina orationum Demosthenis iudicaretur, una cum accusatione Aeschinis Latine transtulerat Cicero. Vid. supra

lib. 1, ep. 2, 4. G. — Romanus MS. Iterum dicam ut inter meas, ὑπὲρ Κτησιφῶντος; etc. Cum manuscriptis Romanis hic consentit optime. Vulgata lectio interpolata est. H.

## XXXIV.

*Maximi munus gladiatorium in funere uxoris commendat: dolet autem pantheras tardius advenisse.*

C. PLINIVS MAXIMO • SVO S.

Recte fecisti, quod gladiatorium munus Veronensibus nostris promisisti; a quibus olim amaris, suspiceris, ornaris. Inde etiam uxorem carissimam tibi et probatissimam habuisti; cuius memoriae aut opus aliquod, aut spectaculum, atque hoc potissimum, quod maxime funeri, debebatur. Praeterea, tanto

XXXV. \* De Maximo vid. ad II, epist. 14. L. — Inscr. Rom. MAXIMO ATHANASIO. H.

1. Recte fecisti, etc. Rom. Recte fecisti, qui gladiatorum munus. H. — Veronensibus nostris. Sicut I, 16, 5 Catullum suum vocat, tum propter Consi patriae suae viciniam, tum quod avunculus, Plinius maior, Veronensis esset. G. — Immo nostris est, quibuscum nobis necessitudo intercedit. Plinius quidem maior an Verouensis fuerit, ambigunt. Sunt qui pro No-

vocomensi habeant. S.

— Aut opus aliquod. Monumentum sepulchri, templum, quo servatur memoria: ab opere diversum spectaculum, ludi cuiuscunque generis; potissimum vero hoc debebatur, quia debebatur funeri, in funeribus autem ludos fuisse editos, vel ex Terentianis didascalis satis constat. G. — Rom. \* Cuius memoriae a te opus aliquod, maxime funebre, debeatur (pro debebatur). Praeterea tanto consensu. \* Ea vulgata haec ita supplere licet:

consensu rogaberis, ut negare non constans, sed durum videretur. Illud quoque egregium, quod tam facilis, tam liberalis in edendo fuisti. Nam per haec etiam magnus animus ostenditur. Vellem Africanarum, quas coëmeras plurimas, ad praefinitum diem occurrissent; sed licet cessaverint illae, tempestate detentae, tu tamen meruisti, ut acceptum tibi fieret, quod quo minus exhiberes, non per te stetit. Vale

a cuius memoriae a te opus aliquod, aut spectaculum, maxime funebre, debebatur. s. H.

2. *Non constans.* Videtur enim aliqui constantis viri esse, negare populo crudelem adeo voluptatem, in qua nihil sit, quod delectare virum sapientem possit. Vide sapientissimam Ciceronis ad Marinum epistolam fam. VII, 1. G.

— *Illud quoque egregium.* Rom. *Illud quoque egregie*, ut in scriptis est. H. — Recepit Cortius: item Gierigius. Bene. Nostrum a glossatoris manu profectum. S. — *Liberalis in edendo.* Vt Paneg. XXXIII, 2: s. Quam

deinde in edendo liberalitatem.... exhibuit, etc. s. G.

— *Magnus animus ostenditur.* Rom. *Animus magnus ostenditur.* H.

3. *Africanarum.* Pantherarum, ex Africa advectae ad spectaculum: vid. Plinium H. N. VIII, 18. E. — Conf. Ciceronis epistolam ad Coelium II, 11. Livium XLIV, 18, 8. s. Et iam magnificentia crescente notatum est, ludis circensibus P. Cornelii Scipionis Nasicae et P. Lentuli aedilium curulium, sexaginta tres Africanas, et quadraginta ursos et elephantos hisisse. s. Vbi vid. interpr. S. — *Ad praefinitum diem occurrissent.* Rom. *Ad praefinitum diem occurrissent.* H.

## LIBER SEPTIMVS

## I.

*Aegrotantem hortatur, ut, valetudinem patienter ferat, suoque exemplo docet medicis obtemperare.*

C. PLINIUS RESTITVTO SVO S.

Terret me haec tua pertinax valetudo, et quamquam te temperantissimum noverim, vereor tamen, ne quid illi etiam in mores tuos liceat. Proinde moneo, patienter resistas: hoc laudabile, hoc salutare. Admittit humana natura, quod suadeo. Ipse certe sic agere sanus cum meis soleo: « Spero quidem, si forte in adversam valetudinem incidero, nihil me desideraturum vel pudore vel poenitentia dignum: si tamen superaverit morbus, deuntio, ne quid mihi detur, nisi permittentibus medicis; sciantque, si dederint,

1. *In mores tuos liceat.* Abstinentiam, moderationem, patientiam tuam expugnet, et vitia inducat contraria. G.

2. *Admittit humana natura.* Alioqui frustra suaderem. Post argumenta ab *honesto* et *utili*, ut vocant, subiungit etiam a *possibili*, idque ita esse, suo exemplo ostendit: vel potius, ut suum exemplum laudare queat, hoc praestruit. Caeterum interpunxi ante haec verba, quae adhuc nulla nota discreta fuerant. Et video iam monuisse Corinium, ita distinguendum esse, ut agnoscamus Plinium. G.

— *Cum meis.* Non opus erat hic monere intelligi familiares, servos praesertim, aegrotum herum curare iussos, nisi adscriptum esset ex Cataneo, *Hortari meos infirmos, ut fortiter ferant*: quibus verbis totum Plinii consilium evertitur. G.

3. *Ne quid mihi detur.....sciantque.* Ferri potest haec lectio, quae posita transire dicemus Plinium a directa oratione, quam vocant, ad indirectam. Sed exprimi voluit ex libris Corinium, (quamquam illi non nisi ex dimidia parte obtemperatum est): *ne quid mihi detis.....sciatisque si dederitis, etc.*



ita vindicaturum, ut solent alii, quae negantur. »  
 Quin etiam quum perustus ardentissima febris, tandem  
 remissus unctusque acciperem a medico potionem,  
 porrexi manum, utque me tangeret, dixi, admo-  
 tumque iam labris poculum reddidi. Postea quum  
 vicesimo valetudinis die balineo praepararer, mussan-  
 tesque medicos repente vidissem, causam requisivi.  
 Responderunt, « posse me tuto lavari, non tamen  
 omnino sine aliqua suspicione. » *Quid, inquam, ne-  
 cesse est?* Atque ita spe balinei, cui iam videbar  
 inferri, placide leniterque dimissa, ad abstinentiam  
 rursus non secus, ac modo ad balineum, animum  
 vultumque composui. Quae tibi scripsi, primum ut  
 te non sine exemplo monerem, deinde ut in posterum  
 ipse ad eandem temperantiam adstringerer, quum  
 me hac epistola quasi pignore obligavissem. Vale.

Legitur importune, sciatisque, si de-  
 derint. G. — Adscivit Gierigius datis,  
 sciatisque, dederitis. Laudo factum.  
 S. — Solent alii. Scil. vindicare ea,  
 quae negantur. E.

4. Febri. Cortius ex libris suis fe-  
 bre. Vid. Voss. de Analog. Lib. II,  
 cap. 42, p. m. 729. S. — Remissus  
 unctusque. Commodum huc relulit  
 Cellarius Celsi auctoritatem II, 44:  
 Vngi, «leniterque pertractari corpus  
 etiam in acutis et recentibus morbis  
 oportet;» in remissione «tamen, et  
 ante cibum.» G. — *Vt me tangeret.*  
 Exploraret tum arteria tangenda, tum  
 calore observando, possetne tuto dari  
 potius. Antequam de hoc constaret,  
 habere scilicet, sitiens licet exustus-  
 que, noluit. G. — Cortius atque tan-  
 getet. Pronomine facile caremus. S.

5. Mussantesque medicos. Confe-  
 rentes capita, ut in re accipiti, ter-

giversantes, proloqui tamen non au-  
 sos, ne refutanda, certe reicienda  
 atque diffrenda, cupiditate acgro-  
 tantis, ipsum contristarent, vel ad  
 iram adeo incitarent. Cogitandum tibi  
 est, lector, si velis vñ huius loci,  
 et abstinentiam Secundi nostri per-  
 cipere, balneorum usum illis homi-  
 nibus quotidianum, partemque ear-  
 um rerum, voluptatum, fuisse, qui-  
 bus dolet natura negatis. G.

7. Adstringerer. Inter elegantissi-  
 mos hunc locum refero: adeo venu-  
 ste excusat πειραιστικὴν suam. Coe-  
 terum sic optimi quique libri. Cel-  
 sarianum adstringeres servatum vide-  
 tur ex Boshorniana, in quam temere  
 irrepsit. Illud placeret, si legeretur:  
 «Vt in posterum ipse ad eandem  
 me patientiam» adstringeres, quum  
 me hac epistola quasi pignore, etc. G.

## II.

*Promittit aliquid scriptorum suorum, quum aetas transmissa fuerit.*

C. PLINIVS IVSTO • SVO S.

Quemadmodum congruit, ut simul et adfirmes, te assiduus occupationibus impediri, et scripta nostra desideres, quae vix ab otiosis impetrare aliquid perituri temporis possunt? Patiar ergo aetatem inquietam vobis exercitamque transcurrere, et hieme demum, quum credibile erit, noctibus saltem vacare te posse, quaeram quid potissimum ex nugis meis tibi exhibeam. Interim abunde est, si epistolae non sunt molestae. Sunt autem, et ideo breviores erunt. Vale.

II. \* *Fabius Iustus* I, epist. 5, 8, tarditas in epistolis scribendis commemoratur, eique I, epist. 11, probratur. L.

## III.

*Amicum a longo secessu in urbem revocat*

C. PLINIVS PRAESENTI • SVO S.

Tantane perseverantia tu modo in Lucania, modo in Campania? Ipse enim, inquis, *Lucanus*; uxor *Campana*. Iusta causa longioris absentiae, non perpetuae tamen. Quin ergo aliquando in urbem redis? ubi dignitas, honor, amicitiae tam superiores quam minores. Quousque regnabis? quousque vigilabis, quum voles?

III. \* Credent fuisse *Brutium Praesentem*, cuius filiam Antoninus philosophus *Commodo* filio in matrimonium dedit. L.

2. Quousque regnabis? Non tantum de libertate vivendi, ut velis, interpretor, quod quidem et ipsum regnum esse non negaverit, qui servi-

dormies quandiu voles? quousque calcei nusquam? toga feriata? liber totus dies? Tempus est, te revisere, molestias nostras, vel ob hoc solum, ne voluptates istae satietate languescant. Saluta paullisper, quo sit tibi iucundius salutari: terere in hac turba, ut te solitudo delectet. Sed quid imprudens, quem revocare, conor, retardo? Fortasse enim his ipsis admoneris, ut te magis ac magis otio involvas; quod ego non abrumpi, sed intermitteri volo. Vt enim, si coenam tibi

tutem cogitet, qua maximos etiam quosque homines urbanorum officiorum necessitas adstringit: sed de illo etiam honore, in quo ruri et inter iuvenes humiliores versantur magis cives, quam diu rusticari illis placet. G. — Bene Gesnerus. Mox enim Plinius: *Saluta* (Romae) *paullisper*, quo sit tibi iucundius salutari (ruri et municipiis). R. — *Dormies quandiu voles?* Non impeditus, sub galli cantum consultor ubi otia pulsant. Hor. Sat. I, 4, 10, neque antelucanis officiis lecto excussus, de quibus Noster III, 5, 9 et 12, 2. G. — *Calcei nusquam?* Senatorii et forensis habitus pars calcei; soleati sunt in secessu, et generatim extra urbem. Sic Plinius maior VI, 16, 5, *poscit solena*. *Toga feriata* eodem intellectu dicitur. Sic Martialis iudicio X, 47, in eis, vitam quae faciunt beatiorum, est quoque toga rara. De coniugio illo quasi calcei et togae, quorum neutrum scilicet sine altero, Salmasius ad Tertull. de pallio pag. 386, ubi eundem hunc locum ita exhibet, ut nos post Lipsium Cellariumque praesentavimus. G. — *Al. quousque calcei? nusquam toga feriata?* perperam. *Toga feriata*, id est, quae non sumitur, ut in secessu fiebat, ubi fere tunicati erant. S. — *Liber totus*

*dies?* Sic Cortius bonis auctoribus. Sententia clara, *liber tibi est* et nullis molestiis, interpellationibus, impeditus, *totus dies*. Sed neque non elegans altera lectio, *liber totos dies*: quod vel eum Gronovio interpreteris *liber* in manibus tibi est, et legitur, nemine impediante, *totos dies*: vel *liber*, hoc est, solutus negotiis et molestiis es, *totos dies*. G. — In testu Gesnerianae legebatur, *liber totos dies*: invito Gesnero, ut ex nota subiecta apparet. Itaque ad eius mentem mutavi. S.

3. *Tempus est, te revisere*. Sic Cic. Tusc. I, 41: «Tempus est, iam hinc abire me, ut moriar, vos, ut vitam agatis.» G.

— *Saluta*. Mos urbanus, salutare manes, hoc est, invisere patronos, amicos. E. — *Terere in hac turba*. Male interpretantur, *tere te, exere te forenibus negotiis*: pertinet ad turbam urgentium, prementium, ac proinde terentium ac invicem, in salutationibus, aliisque urbanis officiis. Hor. Sat. II, 6, 28, de molestiis in urbe perferendis: luctandum in turba, et facienda iniuria tardis. G.

4. *Abrumpi*. In perpetuum relinqui; *sed intermitteri*, ad breve tempus interpellari. E.

facerem, dulcibus cibis acres acutosque miscerem, ut obtusus illis et oblitus stomachus his excitaretur; ita nunc hortor, ut iucundissimum genus vitae nonnullis interdum quasi acoribus condias. Vale.

5. *Aeres.* Celsus, U, 22: *Acria sunt omnia nimis austera, omnia acida, omnia salta* L.

## IV.

*Miranti, qui Plinius, severus homo, hendecasyllabos scripserit, poetica sua studia ab ultima aetate recenset.*

C. PLINIUS PONTIO • SVO S.

Ais legisse te hendecasyllabos meos; requiris etiam, quemadmodum coeperim scribere, homo ut tibi videor, severus, ut ipse fateor, non ineptus. Nunquam a poëtica (altius enim repetam) alienus fui; quin etiam quatuordecim natus annos Græcæ tragoediam scripsi. Qualem? inquis. Nescio: tragoedia vocabatur. Mox quum e militia rediens, in Icaria insula ventis detinerer, latinos elegos in illud ipsum mare ipsamque insulam feci. Expertus sum me aliquando et heroico: hendecasyllabis nunc primum, quorum hic natalis, hae causae. Legebantur in Laurentino mihi

IV. \* De Pontio, lib. V, ep. 45. L.

1. *Non ineptus.* Vide quam bene huic etiam loco illa *inepti* notio conveniat, qua comprehendendi totum illius ambitum putamus. *Non ineptus* est, qui in parvis et nugacibus rebus non nimis studiose et cupide versatur, qui proinde faciendis versiculis, qui lusui tamen sunt, quum optimi sunt, non impendit tantum temporis, quantum rei seriae et severae. G.

3. *Icaria* una ex insulis, quae Sporades dictae sunt, cuius circuitus stadia trecenta complectebatur, quae oppida duo habebat, nec procul aberat a Samo. L.

— *Heroico.* Cortius ex libris bonae notae heroo, quod, ut formam exquisitiorem, praeferam. S. — *Natalis.* Turpe sphaalma obsidet exempla Gesnerianae, *naturalis*. S. — *Hae causae.* Una modo causa memoratur, reci-

libri Asinii Galli de comparatione patris et Ciceronis: incidit epigramma Ciceronis in Tironem suum. Dein, quum meridie (erat enim aestas) dormiturus me recepissem, nec obreperet somnus, coepi reputare, maximos oratores hoc studii genus, et in oblectationibus habuisse, et in laude posuisse. Intendi animum, contraque opinionem meam, post longam desuetudinem, perquam exiguo temporis momento id ipsum, quod me ad scribendum sollicitaverat, his versibus exaravi:

*Quum libros Galli legerem, quibus ille parenti* 6  
*Ausus de Cicerone dare est palmamque decusque,*  
*Lascivum inveni lusum Ciceronis, et illo*  
*Spectandum ingenio, quo seria condidit, et quo*  
*Humanis salibus, nullo varioque lepore*  
*Magnorum ostendit mentes gaudere virorum.*  
*Nam queritur, quod fraude mala frustratus amantem*  
*Paucula coenato sibi debita suavia Tiro*  
*Tempore nocturno subtraxerit. His ego lectis,*  
*Cur post haec, inquam, nostros celamus amores?*

tatio librorum Galli. Praestat igitur Cortii haec causa est. Nostrum unde natum sit, facile apparet. Etenim « vocula est saepe unica litera e in manuscriptis brevitatis causa scribitur, » Drakemb. ad Liv. I, 9, 6. S.

4. De Asinio Pollione vid. ad I, epist. 20, 4; et V, epist. 3, 5. Filius eius hic Asinius Gallus, orator et ipse clarus, qui a. Chr. 55, egestate cibi peremptus est. L. — De comparatione patris. Quo libro, ut mox docetur, palmam dare patri contra Ciceronem ausus est. Quintil. XII, 4, 22. Respondit illi Claudius imperator, Suetonio teste cap. XLI. Rustice contra filius stili Claudiani injuriam pugionibus ulcisci conatus est, quod narrat idem Suet. cap. XIII.

Caeterum obiecisse videtur Tullio Asinius impudicus in Tironem suum amores, eiusque rei declarandae causa epigramma Ciceronis protulisse. G.

6. Quum libros Galli. Quicumque alia in re imitatus esses Tullium, Secunde. Sed hoc quidem adsecutus es, ut non minus male processisse tibi carmen, sciamus, quam tuo archetypo. Verum bene est, quod vera illius decora feliciter aemulatus es, quo facilius tibi has ineptias, nisi modicae essent, condonar postérité. G. — Ausus... dare est. Rursum... daret legendum ait Burmannus ad Virgil. Georg. II, 260. Nam alias quoque hoc fecisse Gallum. G.

— Cur... nostros celamus amores? Iam malo te versiculos Ciceronis tui

*Nullumque in medium timidi damus? atque fatemur  
Tironisque dolos, Tironis nosse fugaces  
Blanditias, et furta novas addentia flammias?*

- 7 Transii ad elegos; hos quoque non minus celeriter explicui: addidi alios facilitate corruptus. Deinde in  
8 urbem reversus, sodalibus legi. Probaverunt. Dein plura metra, si quid otii, maxime in itinere, tentavi. Postremo placuit exemplo multorum unum separatim hendecasyllaborum volumen absolvere: nec poenitet.  
9 Legitur, describitur, cantatur etiam; a Graecis quoque, quos latine huius libelli amor docuit, nunc ci-  
10 thara, nunc lyra personatur. Sed quid ego tam gloriose! Quamquam poëtis furere concessum est: et tamen non de meo, sed de aliorum iudicio loquor; qui sive iudicant, sive errant, me delectant. Vnum precor, ut posterius quoque aut errent similiter, aut iudicent. Vale.

imitari, Secunde, quam Consularis viri levitatem et lasciviam gloriari etiam de decoribus suis ausam. G. — *Fugaces blanditias*. Hoc forte unum pro poeta in hoc carmine dictum. *Fugaces blanditiae*, quae subducunt se, et ipsa illa praebendi malignitate invitant et accendunt amantem. *Furta* etiam hic non solemni illa amatorium significatione dixit; sed illam subtrahentis se, et spem frustrantis simul et acuentis petulantiam. G.

7. *Explicui*. Absolvi. Sic bene Cellarius. Conf. Clav. Ciceron. h. v. S. — *Corruptus*. Tanquam mercede; *bestochen*. S.

9. *Quam Latine . . . amor*. Respicit forte ad solemne illud *Amor docet musicam*. Venerant nempe blandi quidam Graeculi ad Plinium, qui dicerent, se vel ob hoc Latine didicisse, ut suavitate illius hendecasyll-

laborum frui possent. Et credidit Plinius. Quis vero non credat? Vere, si quid unquam Tull. Tusc. V, 22: *Adhuc neminem cognovi poetam (et mihi fuit cum Aquinio amicitia; substituere poteris, lector, Tullium, Plinium; Gesnerum etiam, si volueris) qui sibi non optimus videretur*. G. — *Nunc cithara, nunc lyra personatur*. Hoc utique pro, nunc ad citharam, nunc ad lyram canitur. Virg. Aen. I, 740 sq. *Cithara crevitus Iopas Personat aurala, docuit quae maximus Atlas*. Haud raro Secundus prosae admisit poetica, prosarius cursus poëta. S.

10. *Vt posterius quoque aut errent similiter, aut iudicent*. Ne qui sic erret quidem, novi; nedum qui iudicet. Itaque hoc votum tantum, Plini, *voces dispersit in auras Delius, isque notos vocem vertere procellae* (ex Aen. XI, 795 sq.) G.

## V.

*Magno se uxoris desiderio teneri significat; et effectus quidem descriptio talis est, ut commiserationem faciat.*

C. PLINIUS CALPURNIAE SVAE S.

**I**ncredibile est, quanto desiderio tui tenear. In caussa amor primum; deinde, quod non consuevimus abesse. Inde est, quod magnam partem noctium in imagine tua vigil exigo: inde, quod interdiu, quibus horis te visere solebam, ad diaetam tuam ipsi me, ut verissime dicitur, pedes ducunt: quod denique aeger et moestus, et similis excluso, a vacuo limine recedo. Vnum tempus his tormentis caret, quo in foro et amicorum litibus conteror. Aestima tu, quae vita mea sit, cui requies in labore, in miseria curisque solatium est. Vale.

V. 4. *Pedes ducunt.* Mirus lepos. Indicat se ita plenum esse imagine uxoris, ut saepe aliud agens, quasi adesset illa, ad diaetam ipsius veniat. Philosophi hodierni dicerent mechanismo quodam corporis, et similium casuum expectatione illud contingere. Caeterum formulam fuisse non inusuetam, tum hic ipse locus indicat, tum illud Varronis R. R. II, pr. 6: *Propterea quod te empturientem in campos maiores ad mercatum addu-*

*cunt crebro pedes:* quo quidem in loco illud modo intelligi puto, pedibus, non equo ire, aut iumentis iunctis Turranium; sed ludit suaviter Plinius, a pedibus, iam adsuets illi itineri nimirum, se duci significans, non ab animo cogitante. *G.* — *Πεποιμαρξῶς* in utroque lingua dictum videtur. *Ipsi pedes, αὐτομάτως πόδις* poetarum Graecorum. Vid. Huschk. Anal. Crit. p. 72 sq. *S.*

2. *Miseria.* Quam creal forum. *L.*

## VI.

*Bithynos decreto accusationem Vareni omisisse: tacere consultius interdum quam multa loqui.*

C. PLINIVS MACRINO SVO S.

Rara et notabilis res contigit Vareno, sit licet adhuc dubia. Bithyni accusationem eius, ut temere inchoatam, omisisse narrantur. Narrantur dico? Adest provinciae legatus: attulit decretum consilii ad Caesarem, attulit ad multos principes viros, attulit etiam <sup>2</sup> ad nos, Vareni advocatos. Perstat tamen idem ille Magnus: quin etiam Nigrinum, optimum virum, pertinacissime exercet. Per hunc a Consulibus postulabat, ut <sup>3</sup> Varenus exhibere rationes cogeretur. Adstebam Vareno iam tantum ut amicus, et tacere decreveram. Nihil enim tam contrarium, quam si advocatus a senatu <sup>4</sup> datus defenderem ut reum, cui opus esset, ne reus videretur. Quum tamen, finita postulatione Nigrini, consules ad me oculos retulissent, *Scietis*, inquam, *constare nobis silentii nostri rationem, quum veros legatos provinciae audieritis*. Contra Nigrinus, *Ad quem missi sunt? Ego, Ad me quoque habeo decre-*

VI. 1. *Vareno*. Repetendae sunt res huius Vareni ex V, 20; et VI, 13. Nominatim de Magno V, 20, 4. G.

— *Narrantur dico?* Bene additum signum interrogandi, quod io Curtius defuit. Nec enim vagus rumor fuit auctore incerto, quum provinciae legatus decretum Bithynorum de accusatione omittenda Romam attulisset. Ante *adest* subaudi *immo*. S.

2. *Fonsinus Magnus*. Unus ex Bithynis, de quo V, epist. 20. L. — *Nigrinum*. Qui contra Varenum dixisset etiam superiore actione V, 20, 6. Iam vero invitum videtur agere G.

4. *Contra Nigrinus*. Sequenti sumus

verissimam ex bonis libris emendationem Cortii. Nuperae editiones continuabant: *audieritis contra Nigrinum, ad quem missi sunt: ego ad me etc.* G.

— *Ad quem missi sunt?* Apud Senatum res adhuc acta fuerat. Legati novi non ad Senatum missi, sed ad Principem, et ad privatos quosdam. Haec igitur interrogatio Nigrini, quem cogit Magnus contra Varenum dicere, eo pertinet, ut indicet, causam peragendam in Senatu, nec rationem habendam novae legationis. G.

— *Ad me quoque*. Post haec subdistinguendum. Scilicet *missi sunt*. S.



tum provinciae. Rursus ille, *Potest tibi liquere*. Ad hoc ego, *Si tibi ex diverso liquet, potest et mihi, quod est melius in causa, liquere*. Tum legatus Polyaenus causas abolitae accusationis exposuit, postulavitque, ne cognitioni Caesaris praedudicium fieret. Respondit Magnus, iterumque Polyaenus. Ipse raro et breviter interloquutus, multum me intra silentium tenui. Accepi enim, non minus interdum oratorium esse tacere, quam dicere: atque adeo repeto, quibusdam me capitis reis, vel magis silentio, quam oratione accuratissima profuisse. Mater, amisso filio (quid enim prohibet, quamquam alia ratio scribendae epistolae fuerit, de studiis disputare?) liberos eius, eosdemque cohæredes suos falsi et beneficii reos detulerat ad principem, iudicemque impetraverat Iulium Servianum. Defenderam reos ingenti quidem coetu: erat enim causa notissima; praeterea utrinque ingenia clarissima. Finem cognitioni quaestio imposuit; quae secundum reos dedit.

5. *Potest tibi liquere*. Elicere vult Nigrinus responsum plenius a Plinio, q. d. Quid cunctaris? quid subtrahis te a causa brevitate illa obscura respondendi? *Potest tibi de tota re liquere*; quid cauto illo silentio et Laconismo opus est? Ille argute cadit Plinii responsum, *Si tibi ex diverso*, qui es in accusatoris subselliis, *liquet, quod est melius in hac causa*, nimirum tacere me, et forum hoc declinare; quam ob causam vteratorie, certe oratorie, me in aliam mentem impellere conaris, et efficere, ut causa dicenda forum hoc, et hanc cognitionem agnoscam. Si, inquam, tibi hoc liquere potest, *potest et mihi liquere*, ut proinde non committam, ad quod tu impellere me conaris. G

6. *Polyaenus. Ipse*. Interpunctione mutata videor mihi lucidiorum hunc locum reddidisse. Ille enim ipse, qui raro et breviter interloquutus esse dicitur, non Polyaenus est, sed idem ipse Plinius, qui nullum se intra silentium tenuit. G.

7. *Repeto*. Scilicet memoria, memini. Sic et infra 13: *Non facile me repeto* etc. Plene Cicero de orat. init. « Cogitanti mihi saepenumero et memoria vetera repetenti etc. » S.

8. *Falsi et beneficii*. *Falsi* s. subiecti testamenti, et *beneficii*, quo filium suum interfecissent. G.

9. *Quaestio... secundum reos dedit*. Proprie index dicitur dare (litem, iudicium) secundum, vel contra aliquem, hoc vero quaestio. Nimirum

- 40 Postea mater adiit principem: adfirmavit se novas probationes invenisse. Praeceptum est Serviano, ut vacaret finitam causam retractanti, si quid novi  
 41 adferret. Aderat matri Iulius Africanus, nepos Iulii oratoris, (quo audito, Passienus Crispus dixit, *Bene, me hercule, bene: sed quo tam bene?*) huius nepos, iuvenis ingeniosus, sed parum callidus, quum multa dixisset, adsignatumque tempus implesset, *Rogo, inquit, Serviane, permittas mihi unum versum adiicere.*  
 42 Tum ego, quum omnes me, ut diu responsurum, intuerentur; *Respondissem, inquam, si unum illum versum Africanus adiecisset, in quo non dubito omnia*  
 43 *nova fuisse.* Non facile me repeto tantum consequutum adsensum agendo, quantum tunc non agendo. Similiter nunc et probatum et exceptum est, quod pro

servi in quaestionem tormentorum dati, sua confessione reos liberant. G.

10. *Serviano.* Subarano legit ex libris Cortius hic et mox §. 11. Sed silentium primo, et responsum deinde Plinii valde importunum videbatur mihi futurum fuisse, si alius iam iudicio praesideret, quam antea in prima actione. Iam *Servianum* sine animadversione habet §. 8 ipse Cortius. Igitur nihil mutavi. G.

— *Iulius Africanus*, orator clarus, Domitio Afro aequalis. Eum aliquando *Passienus Crispus* audit, orator et ipse insignis, quem se puero nobilem pro Voluseno Catulo orationem habuisse Quintil. narrat. L. — *Verus* omnino membrum orationis est, sive scribatur, sive pronuntietur. Cic. Orat. 61: *Demosthenes summa voce versus multos uno spiritu pronuntiare consuebat.* L.

11. (*Quo audito... bene?*) Bene parentem hanc observavit, et pro *Iu-*

*lius Nepos* scripsit *huius nepos* Cortius. Nimirum Iulii avi mentio monuit Secundum nostrum, ut Passieni de illo apophthegma proponeret, quo facto, redit ad nepotem, more sibi consueto, *huius Iulii*, de quo modo dixi, *nepos* etc. G. — *Bene, me hercule.* Iudicat eleganter, accurate, docte, studiose, dicere Iulium, sed in causa, quae simplicius agi posceret, et nimia diligentia corrumpetur. G.

12. *Si... adiecisset.* Non passus igitur sit oportet Servianus ultra attributum sibi tempus dicere Iulium. Plinii vox non modo illud indicat, quod maxime fuit in causa, nihil novi allatum ab actore; sed eius illum stultitiae accusat, quae ridetur in illo, qui redux e Gallia, in qua XII annos commoratus fuerat, interrogante quodam, eequid Gallice loqueretur, deiecit, si paucas adhuc hebdomadae ibi fuisset, se facilitatem illam, quae planissime carbat, adepturum fuisse. G.

Vareno hactenus non tacui. Consules, ut Polyaeus<sup>11</sup> postulabat, omnia integra principi servaverunt; cuius cognitionem suspensus exspecto. Nam dies ille nobis pro Vareno aut securitatem et otium dabit, aut intermissum laborem renovata sollicitudine iniunget. Vale.

43. *Hactenus non tacui.* Illud non non cumcoquunt quidam editores. Sed reperit in optimis quibusque Cortius, et *hactenus* adiectum facit, ut eadem prope sententia existat. Nempe, *hactenus*, inquit, non *tacui*, ut loquerer paucula illa, quae dixi; ceterum plane a dicendo abstinui. *Tamen* non omisisse primum videntur, qui *hactenus* ceperunt pro *adhuc*: qua ratione con-

tra diceret his, quae praecesserint. *G.* — Suspicio, a Secundi manu profectum esse, quod pro *Vareno hactenus non egi*. *Tacui* glossator videtur adscripisse, explicans illa, non *egi*. *S.*

44. *Princeps* tum bellum gerebat in Dacia, et res acta est a. Chr. 102. *L.* — *Suspensus* exa. Si tu etiam, lector, adi huius libri epistolam 40. *G.*

## VII.

*Gaudet Saturnini et Prisci coniunctione, et hunc ad se reverti satiatum otio, cupit. Haec epistola et sequens inter se cohaerent, sensumque produnt trium amicorum honestissimum.*

C. PLINIVS SATVRNINO SVO S.

**E**t proxime Prisco nostro, et rursus. quia ita iussisti, gratias egi, libentissime quidem. Est enim mihi periuicundum, quod viri optimi mihiq[ue] amicissimi adeo cohaesistis, ut invicem vos obligari putetis. Nam ille<sup>2</sup> quoque praecipuam se voluptatem ex amicitia tua capere proficitur, certatq[ue] tecum honestissimo certamine mutuae caritatis, quam ipsum tempus augebit. Te negotiis destineri ob hoc moleste fero, quod de<sup>3</sup> servire studiis non potes. Si tamen alteram litem per iudicem, alteram, ut ais, ipse finieris, incipies primum illic otio frui, deinde satiatum ad nos reverti. Vale.

## VIII.

*Eandem laetitiam significat Priseo, eumque ad constantiam hortatur.*

C. PLINIUS PRISCO • SVO S.

Exprimere non possum, quam iucundum sit mihi, quod Saturninus noster summas tibi apud me gratias  
 2 aliis super alias epistolis agit. Perge, ut coepisti, virumque optimum quam familiarissime dilige, magnam voluptatem ex amicitia eius percepturus, nec  
 3 ad breve tempus. Nam quum omnibus virtutibus abundat, tum hac praecipue, quod habet maximam in amore constantiam. Vale.

VIII. \* *Priseum contubernalem fuisse Saturnini infra ex epist. 15, 3, apparet, quae ante has duas scripta esse videtur. L.*

3. *Quum ... abundat. Sic docet Cor-*

*lius esse in libris, abundet: quam caeteri qui constructionem, exemplis probant hic a Cellario, non damna-*  
*G. — Vid. I. M. Heusinger, ad Cic. de Offic. p. 573. S.*

## IX.

*Quaerenti amico rationem exercendi stili praescribit.*

C. PLINIUS FVSCO • SVO S.

Quacris, quemadmodum in secessu, quo iamdiu  
 2 frueris, putem te studere oportere. Utile in primis, et multi praecipunt, vel ex graeco in latinum, vel vel ex latinovertere in graecum: quo genere exercitationis proprietas splendorque verborum, copia

IX. \* *Fuscus sine dubio Solinator, de quo ad VI, ep. 41, t. Vnde apparet, hunc inveniri acmulatum esse in eloquentia Plinium. L.*

2. *Splendorque verborum. In splendore ut cogitemus quandam puritatem et dignitatem, quae ad elegantiam, delectum et ornatum pertinet,*

figurarum, vis explicandi, praeterea imitatione optimorum similia inveniendi facultas paratur: simul quae legentem fefellissent, transferentem fugere non possunt. Intelligentia ex hoc et iudicium acquiritur. Nihil obfucrit, quae legeris hactenus, ut rem<sup>3</sup> argumentumque teneas, quasi aemulum scribere, lectisque conferre, ac sedulo pensitare, quid tu, quid ille commodius: magna gratulatio, si non nulla tu: magnus pudor, si cuncta ille melius. Licebit interdum<sup>4</sup> et notissima eligere, et certare cum electis. Audax haec, non tamen improba, quia secreta, contentio: quamquam multos videmus eiusmodi certamina sibi cum multa laude sumpsisse, quosque subsequi satis habebant, dum non desperant, antecessisse. Poteris et, quae dixeris, post oblivionem<sup>5</sup> retractare, multa retinere, plura transire, alia interscribere, alia rescribere. Laboriosum istud et<sup>6</sup> taedio plenum, sed difficultate ipsa fructuosum, recalescere ex integro, et resumere impetum fractum omissumque: postremo, nova velut membra peracto corpori intexere, nec tamen priora turbare. Scio<sup>7</sup> nunc tibi esse praecipuum studium orandi; sed non ideo semper pugnacem hunc et quasi bellatorium stilum suaserim. Vt enim terrae variis mutatisque seminibus: ita ingenia nostra nunc hac, nunc illa meditatione recoluntur. Volo interdum aliquem ex<sup>8</sup>

asperitati, et veluti sordibus, atque inquinatae rationi dicendi contrarium, quae verbis exilibus, minus suaviter sonantibus, hiulcis etc. tribui solet, veterum usus nos admonet, de quo copiosius diximus in Technol. Rhet. Lat. p. 368 sqq. E.

4. *Notissima eligere.* Notissima eligere, ut eo magis elaborandum sit in varianda oratione; difficilius enim est

notis et communibus substituere abstrusiora quaedam et tamen eadem propria. Sic difficilius est certare cum electis, quam pulcherrimis scilicet, et non temere superandis. G.

7. *Orandi.* Scilicet causas agendi. Nam apud veteres orare dicebatur pro agere. Vid. Clav. Cic. h. v. S.

8. (*Volo carmina*). Inclusa sunt a Cortio verba, quae absumt ab optimis

historia locum apprehendas: volo epistolam diligens scribas; [volo carmina.] Nam saepe in orationes quoque non historicae modo, sed prope poeticae descriptionis necessitas incidit; et pressus sermo purusque ex epistolis petitur. Fas est et carmine remitti, non dico continuo et longo, (id enim perfici nisi in otio non potest) sed hoc arguto et brevi, quod apte quantaslibet occupationes curasque distinguit. Lusus vocantur; sed hi lusus non minorem interdum gloriam, quam seria consequuntur: atque adeo, (cur enim te ad versus non versibus adhortor?)

41 *Ut laus est cerae, mollis cedensque sequatur  
Si doctos digitos, insaueque fiat opus,  
Et nunc informet Martem, castanique Minervam,  
Nunc Venerem effingat, nunc Veneris puerum;  
Utque sacris fontes non sola incendia sistunt,*

libris, et hic non necessaria. Quod cum prope poeticae descriptionis necessitas memoratur, illud modo per occasionem historicae descriptionis incidit. Caeterum deinde demum §. 9: *Fas est, inquit, et carmine remitti.* G. — Omnia Gierigius. Recte. Mox unice probo nostrum, *historicae... poeticae descriptionis necessitas.* Sensus: saepe orationes quoque non historicam modo, sed prope poeticam descriptionem desiderant. Quid contorta sectamur, ubi plana in promptu sunt? *Historica, poetica*, ni fallor, semidoctus invenit, in cuius libro *descriptionum* (hoc enim nonnulli codices habent) pro genuino *descriptionis* legeretur. S.

9. Continuum, quale heroicum aut didacticum, cuius partes una serie procurrant, quum brevium epigrammatum volumen partes habeat quasi laceras, non cohaerentes inter se. L. — *Apte... distinguit.* Quod intermedias occupationes in chartas con-

lici potest, non intermissis negotiis. Sic, qui epigrammatibus subito effingendis ingenium suum assuefecerunt, repente, inter media negotia, si qua res epigrammati apta mentem tetigit, versus perscribunt, et mox rursus in negotiis tolli sunt. E.

41. *Ut laus est cerae.* Vid. quae laudamus de hac similitudine ad Quintil. X, 5, 9. Fundus est Denetrius de Elocut. s. 317. G. — *Insaueque fiat opus.* De inanimatis, formam quamcumque ab arte accipientibus, hoc verbo et cognatis utuntur poetae praesertim. *Ianus rivos* sic dixit Columella X, 48. Sic *imperare, parere, sequi* etc. G. — *Castanque Minervam.* Al. *castanque Minervam*, quod malim. Barthii, infelicis saepe critici, coniectura, *Vestam atque Minervam*, neniui placebit. S.

— *Sacri fontes omnino aqua; omnes enim fontes sacri erant deo alicui.* L.

*Saepe etiam flores vernaque prata iuvant:  
Sic hominum ingenium flecti ducique per artes  
Non rigidas docta mobilitate docet.*

Itaque summi oratores, summi etiam viri sic se aut<sup>12</sup>  
exercebant aut delectabant, immo delectabant exer-  
cebantque. Nam mirum est, ut his opusculis animus<sup>13</sup>  
intendatur remittaturque; recipiunt enim amores,  
odia, iras, misericordiam, urbanitatem, omnia de-  
nique, quae in vita, atque etiam in foro caussisque  
versantur. Inest his quoque eadem quae aliis carmi-<sup>14</sup>  
nibus utilitas, quod metri necessitate devincti, soluta  
oratione laetamur, et quod facilius esse comparatio  
ostendit, libentius scribimus. Habes plura etiam<sup>15</sup>  
fortasse, quam requirebas: unum tamen omisi. Non  
enim dixi quae legenda arbitrarer: quamquam dixi,  
quum dicerem, quae scribenda. Tu memineris sui  
cuiusque generis auctores diligenter eligere: aiunt

12. *Itaque*. Giergiana, *Ita*, sphalma fortasse operarum. S.

13. *Opusculis*. Vid. Quint. II, 1, 8. G.

— *Urbanitatem*, locos. L.

14. *Necessitate devincti*. Habent ista intellectum bonum et facilem. Sed blandiebatur nobis tamen suspicio, an non convenientius esset legere *metri necessitate defuncti*: sic enim indicaretur, superata illa difficultate, abiectis quasi illis compedibus atque vinculis, quibus carmina adstricta sunt, luetius procedere orationem liberam, ut recenti canes iu venatu, laeto erumpunt et procurrunt cupidius, ut stal ulis hibernis emissis pecora lascivius exsultant. G.

15. *Sui cuiusque generis*. Cortius, ut elegantius, malit: *sui quosque generis*. Si qua in his elegantia, nostram

sat elegans mihi videtur. Secundus II, 5, 7, *secundum animi cuiusque naturam*. S. — *Multum... non multa*. Vid. quae in hanc sententiam disputat Quintil. X, 1, 49. Loquuntur nempe de initiis et formando stilo; non condemnant nos ad Sisypheum aliquid saxum: aut, asini instar ad molam victi, vel canis machinam culinarem vano adscensu circumvagantis, in minimo paucissimorum librorum orbe volunt convescere. Itaque optimis magistris non contra dixisse mihi videor, quum in praefatione ad Livium de cursoria non minus quam de stataria lectione disputavi. G. — *Giergiana verba, aiunt enim... multa*, e margine textui illata putat; turbare enim seriem orationis. Immo cum serie orationis aptissime cohaerent: docent enim, cur sui cuiusque generis auctores diligenter eligendi sint. S.

61 enim, MULTVM LEGENDVM ESSE, NON MVLTÀ. Qui sint hi, adeo notum pervulgatumque est, ut demonstratione non egeant: et alioqui tam immodice epistola me extendi, ut, dum tibi quemadmodum studere debeas, suadeo, studendi tempus abstulerim. Quin ergo pugillares resumis, et aliquid ex his, vel istud ipsum quod coeperas, scribis? Vale.

16. *Provocatunqve*. Legendum pato *pervulgatumqve*. Quod quum ἀπαχισίς adhibitoque compendio scriptum esset *pvolgatunqve*, sic, ut vides, depravatunqve est. » Quum enim voculae *per*, *pro* et *pro* ut plurimum in MSS. unica littera *p* notari solerent, addito tamen signo quodam, qua distingui possent, imperiti librarii praepositivus saepissime commutarunt. » Dra-

keib. ad Sil. Ital. XVII, 56. S. — *Epistola me extendi*. Forte: *epistolam extendi*. G. — Sic libri aliquot. Verum pato. S. — MSS. Voss. Arz. Paris. *epistolam* habent. L.

— *Aliquid ex his*. Quae hac tibi epistola commendaui. G. — *Scribes*. Signum interrogandi post hoc verbum ponendum. S.

## X.

*Eventum actionis Bithynorum contra Varenum narrat.*

C. PLINIVS MACRINO SVO. S.

Quia ipse, quum prima cognovi, iungere extrema, quasi avulsa, cupio, te quoque existimo velle de  
2 Varenno et Bithynis reliqua cognoscere. Acta caussa hinc a Polyaeno, inde a Magno. Finitis actionibus Caesar, *Neutra*, inquit, *pars de mora queretur. Erit*  
3 *mihi curae, explorare provinciae voluntatem*. Multum interim Varenus tulit. Etenim quam dubium est an

X. 1. *Quia ipse... cupio*. Catanneus et Giergius ad ea referant, quae Plinius antea de caussa Varenii scripserat. Immo est sententia generalis. S.

— *De Varenno et Bithynis*. Coeperat V, 20, perrexit VI et 43; VII, 6. G.

2. *Provinciae voluntatem*. De qua dubium est, quum legati et literae posteriores contra dicant prioribus. G.

3. *Multum... tulit*. Multum hic eventus Varenno profuit. S.



merito accusetur, qui an omnino accusetur incertum est? Superest, ne rursus provinciae, quod damnassee dicitur, placeat, agatque poenitentiam poenitentiae suae. Vale.

## XI.

*Liberalitas in Corellium explicatur.*

C. PLINIUS FABATO • SVO S.

Miraris, quod Hermes libertus meus hereditarios agros, quos ego iusseram proscribi, non expectata auctione, pro meo quincunxe ex septingentis millibus Corelliae addixerit. Adiciis, posse eos nongentis millibus venire, ac tanto magis quaeris, an, quod gessit, ratum servem. Ego vero servo: quibus ex causis, accipe. Cupio enim et tibi probatum, et coherentibus meis excusatum esse, quod me ab illis, maiore officio iubente, secerno. Corelliam cum summa reverentia diligo; primum, ut sororem Corellii Rufi, cuius mihi memoria sacrosancta est; deinde, ut matri meae familiarissimam. Sunt mihi et cum marito eius, Minucio Fusco, optimo viro, vetera iura: fuerunt et cum filio maxima: adeo quidem, ut praetore me ludis

Al. • De Fabato vid. ad IV, epist. 4. L.

4. *Ex septingentis millibus.* Quincuncem Plinii Hermes addidit ea portione, ac si totus ac septingentis millibus aestimatus esset, quum tamen illi agri toti, totus as, potuerint nongentis venire. Sed eamus ad calculos. Quum 700000 ex Eisenschmidiana computatione valeant 35000 florenos Ithenanos, erit quincunx 14583 1/3. Sed de 900000 hoc est 45000 florenis

rhenanis quincunx 18750. Condonavit ergo Corelliae Plinius 4167 florenos s. imperiales 2778. Agit de hoc loco diligenter, et a perveris interpretationibus cum vindicat I. F. Gronovius de Pec. Vet. IV, 5, p. 290 sq. G.

4. *Minucio Fusco.* Minucio Iusto ex Mediceo libro dedit Cortius. Duhitabam unius libri fide tam receptam lectionem loco movere. G. — Giergius, Cortio partim obsequutus, dedit *Minucio Fusco*. S. — *Ludis meis prae-*

5 meis praesederit. Haec, quum proxime istic fui, indicavit mihi, cupere se aliquid circa Larium nostrum possidere. Ego illi ex praediis meis, quod vellet, et quaeri vellet, obtuli, exceptis paternis maternisque:  
 6 his enim cedere ne Corelliae quidem possum. Igitur quum obvenisset mihi hereditas, in qua praedia ista, scripsi ei venalia futura. Has epistolas Hermes tulit, exigentique, ut statim portionem meam sibi addiceret, paruit. Vides, quam ratum habere debeam, quod  
 7 libertus meus meis moribus gessit? Superest, ut coheredes aequo animo ferant, separatim me vendidisse, quod mihi licuit omnino vendere. Nec vero coguntur  
 8 imitari meum exemplum. Non enim illis eadem cum Corellia iura sunt. Possunt ergo intueri utilitatem suam, pro qua mihi fuit amicitia. Valc.

*sederit.* Alios interdum aliorum nomine praesedisse ludis ostendit hic Cortius ex Suet. Aug. XLV, et Claud. VII; it. Neron. XII, et laudavit Cuperum obs. IV, 43. G.

6. *Meis moribus.* Qui conjecturam faceret ex moribus meis, quid facturus tali in re essem: quumque sciret, me hoc non negaturum Corelliae, fecit, quod petebat. Iuris doctores ex *consecutus praesumpto* talia docent fieri. G. — *Meis moribus.* Hoc est: ita, ut Corelliae praedia illa non modo statim, sed etiam, quod inprimis Plinianum, pro Secundi portione vili addicerentur. Caeterum intererat Co-

relliae, hanc portionem sibi statim addici, ne forte coheredes negotium cum alio interim emptore transigerent. S.

8. *Eadem cum Corellia*, etc. Opus videtur hic monere, ne quis *triv* cum lungat pronomini *eadem*. Sunt mihi *iura cum marito iam* dixit §. 4, nempe amicitiae. G.

— *Pro qua mihi fuit amicitia.* Quanti alii utilitatem faciunt, tanti ego amicitiam, ut magnae mihi utilitatis instar sit, amicum, et veteris benevolentiae memorem etiam cum iactura rei familiaris videri. Iungenda est huic epistolae quarta decima huius libri. G.

## XII.

*Libellum postulatū scro mittens, per iocū se excusat,  
aliosque iocos inspergit.*

C. PLINIUS MINICIO SVO S.

**L**ibellum formatum a me, sicut exegeras, quo amicus tuus, immo noster, (quid enim non commune nobis?) si res posceret, uteretur, nisi tibi ideo tardius, ne tempus emendandi eum, id est, disperdendi, haberes. Habebis tamen, an emendandi, nescio; utique disperdendi (ὅμοις γὰρ κακίζεσθαι), optima quaeque si detraxeris. Quod si feceris, boni consulam. Postea enim illis ex aliqua occasione, ut meis, utar, et beneficio fastidii tui ipse laudabor, ut in eo quod adnotatum invenies, et suprascripto aliter explicitum.

XII. 4. *Formatum.* Non simpliciter scriptum, sed ad certam quamdam regulam compositum. Conf. Cicero de Orat. II, 9. S.

— (Ὅμοις γὰρ κακίζεσθαι). Si κακίζεσθαι est a Plinio, legendum puto ὁμοις, et accipiendum cum μιμῆσθαι quadam h. m. Nos enim, vestro iudicio scilicet, sumus κακίζεσθαι mala affectatione (quae est Fabiana definitio VIII, 3, 56,) per omne dicendi genus peccantes.... quorum ingenium iudicio caret, et specie boni fallitur.... Igitur optima quaeque, meo iudicio, vos detrahenda de scriptis nostris putatis. Si vero utique Ὅμοις legendum, malim κακίζεσθαι, corruptores artis per nimiam emendandi diligentiam, etc. Vox insolentior, sed familiaris nostro vel ex avunculi sui H. N. XXXIV, 8, §. 19. Vel denique ipsum κακίζεσθαι hoc intellectu accipiendum. Ast, ne

quid dissimulem, primum mihi maxime placebat, tum quod blandius est (tum in primis propter ea, quae dicuntur §. 4: et forte nobiscum sentiet, si quis totam Fabii de cacozelo tractationem contulerit. G. — Add. Gesneri ad I. A. Ern. epistola. Plurimi libri: ὅμοις γὰρ οἱ κακίζεσθαι, quod genuinum puto. S. — Detrahitis Gierigius malit detraxis. Non audio. Disperditur, perit libellus, optimis quibusque detractis. S.

3. *Illis.... ut meis, utar.* Ea, quae in tanquam κακίζεσθαι, et nimis tumida expunxeris, in alium librum conferam, et tanquam mea scripta, vel sub meo nomine, edam, vel alii, ut pro suis utatur, dabo: ab hisque, quae in fastidieris, laudem consequar: quemadmodum propter illum ipsum locum laudabor ab intelligentibus, quem adnotavi, et verbis aliis in in-

<sup>4</sup> Nam, quum suspicarer, futurum, ut tibi tumidius videretur, quod est sonantius et elatius; non alienum existimavi, ne te torqueres, addere statim pressius quiddam et exilius, vel potius humiliter et peius,  
<sup>5</sup> vestro tamen iudicio rectius. Cur enim non usquequaque tenuitatem vestram insequar et exagitem? Haec, ut inter istas occupationes aliquid aliquando  
<sup>6</sup> rideres: illud serio. Vide, ut mihi viaticum reddas, quod impendi, data opera cursore dimisso. Nae tu, quum hoc legeris, non partes libelli, sed totum libellum improbabis, negabisque ullius pretii esse, cuius pretium repereris. Vale.

terstitio versuum scriptis reddidi. *Nam quum, etc. G.*

6. *Vide, ut mihi viaticum.* Hic magis etiam quam ante iocatur vir liberalissimus, et multa millia nummum donare solitus. Caeterum *dimisso data*

*opera cursor* illis placebit, quibus forte opus fuerit latine dicere, quem romanica lingua *Expressum* vocare solet. Videtur autem cursore dimisso compensare voluisse larditatem, de qua est in principio epistolae.

### XIII.

*Ferocis elegantem epistolam laudat.*

C. PLINIUS FEROCI • SVO S.

Eadem epistola et studere te et non studere significat. Aenigmata loquor. Ita plane, donec distinctius,  
<sup>2</sup> quod sentio, enuntiem. Negat enim te studere, sed est tam polita, quae nisi a studente, non potest scri-

XIII. • *Ferox* haud dubie *Julius Ferox*, de quo II, ep. 11, 5, et X, ep. 49, 3. *L.*

1. *Et studere te et non studere.* Cort. et Gier. genuino ordine verborum:

*et non studere te et studere. S.*

2. *Quae nisi a studente non potest scribi.* Puto indicativo modo post relativum, quod causam significare potest, ideo usum Plinium, ut eo ad-

bi: aut es tu super omnes beatus, si talia per desiderium et otium perficis. Vale.

severantius negaret. *G.*—Soloecismus, cuius ego Plinium non damnaverim: et absolvit codex Medicus, pro quae commode exhibens quam, quod ab editoribus postponi non debebat. *S.*

## XIV.

*Firmat liberalitatem superborem.*

C. PLINIVS CORELLIAE SVAE S.

**T**u quidem honestissime, quod tam impense et rogas et exis, ut accipi iubeam a te pretium agrorum non ex septingentis millibus, quanti illos a liberto meo, sed ex nongentis, quanti a publicanis partem vicesimam emisti. Invicem ego et rogo et exigo, ut non solum quid te, verum etiam quid me deceat, adspicias, patiarisque, me in hoc uno tibi eodem animo repugnare, quo in omnibus obsequi soleo. Vale.

XIV. 1. *Ex septingentis.* Interpretati sumus ad VII, 11, 1. Breviter, *h* ex notat proportionem et comparisonem cum asse. *G.* — *A publicanis partem vicesimam.* Nimirum *vicesima hereditatum* debetur, ut vectigalia reliqua, publicano. Vid. Noster Pan. XXXVII, 1 sqq. Corellia, quae coëmeret agros illos hereditarios, etiam partem hanc publicanorum ab iis emit, et quidem

*ex nongentis*, hoc est, ut diximus, ea portione, ut as totus aestimaretur 900000 nummum. Cedebant igitur publicano HS 45000 s. 45 sestertia, qui sunt floreni Rhenani 2250. *G.* — *Partem vicesimam emisti.* *Vicesimam* hereditatis partem fisco solvendam Augustus, anno urbis 759, lege Iulia instituit. *L.*

## XV.

*Rem publicam ac amicorum curare honestissimum esse docet.*

C. PLINIUS SATURNINO • SVO S.

Requiris, quid agam. Quo nosti, distringor officio: amicis deservio: studeo interdum; quod non interdum, sed solum semperque facere, non audeo dicere rectius, certe beatius erat. Te alia omnia, quam quae velis, agere, moleste ferrem, nisi ea, quae agis, essent honestissima. Nam et reipublicae servire negotiis, et disceptare inter amicos, laude dignissimum est. Prisci nostri contubernium iucundum tibi futurum seicebam. Noveram simplicitatem eius, noveram comitatem: eundem esse, quod minus noveram, gratissimum experior, quum tam iucunde officiorum nostrorum meminisse eum scribas. Vale.

XV. \* *Saturninus* forte rursus *Pompeius Saturninus*, de quo I, ep. 16. Certe idem ad quem supra ep. 7, et de quo ep. 8. L.

— *Te alia omnia*, etc. Non ita Secundus. Voluit enim reipublicae, voluit amicis servire, etsi beatius ei videbatur literarum studiis solum semperque occupari. Bene igitur haec cum antecedentibus cohaerent, nec indigent *Gierigiana disputatione*. Coeterum *alia omnia* solennis ordo, cui demoror

Cortium alterum, omnia alia, praeferre potuisse. S.

— *Reipublicae servire negotiis*. Cortius ex *Modiceo reipublicae suae negotia curare, et disceptare*. Sententia eadem. G.

3. *Experior*. Non exiit hic vim suam verbum hoc: non simpliciter significat, *audio, comperio*; sed ad experimentum proprie dictum, quum quis de re sua ereutu ipso docetur, respicit. G.

## XVI.

*Tironem, se facile inducturum significat, ut ex via ad Fabatum declinet, et vindicta, quos iusserit, liberet.*

C. PLINIUS FABATO PROSOCERO SVO S.

**C**alestrium Tironem familiarissime diligo, et privatis mihi et publicis necessitudinibus implicitum. Simul<sup>2</sup> militavimus, simul quaestores Caesaris fuimus. Ille me in tribunatu liberorum iure praecessit; ego illum in praetura sum consequutus, quum mihi Caesar annum remisisset. Ego in villas eius saepe secessi; ille in domo mea saepe convaluit. Hic nunc proconsul provinciam<sup>3</sup> Baeticam per Ticinum est petiturus. Spero, immo confido, facile me impetraturum, ut ex itinere deflectat ad te. Si voles vindicta liberare, quos proxime<sup>4</sup> inter amicos manumisisti, nihil est quod vercaris, ne sit hoc illi molestum, cui orbem terrarum circumire

XVI. • *Tironem*, quem VI, ep. 1, tam humaniter Romam revocat. *L.*

2. *Quaestores Caesaris*. Idem candidati principis, cuius mandata ad Senatum perferant. Vid. Ill. Spaul. de usu et praest. numm. X, 5, pag. 166. *G.*

— *Liberorum iure*. Quod haberet liberos, quibus ego tunc carebam. De praerogativis eorum, qui liberos haberent, prae his, qui caelibes essent, vel orbi, iam non opus est ad loca veterum scriptorum disputare, quod studiosè hic factum a Cellario; quum observata virorum doctorum collecta sint Iuriconsultis, v. g. Ill. Heineccio Antiquit. Iuris I, 25, 3 sqq. *G.* — *Annum remisisset*. VI anno prius lice-

rel praeturam gerere, quam lege annali constitutum esset, de qua Lips. de Magistrat. P. R. 5. Loens classicus est Cic. Philipp. V, 47. Unde illud in primis liquet, Consulatum statutum esse annum aetatis tertium et quadagesimum. *G.*

— *Baetica*, provincia senatus populi, in quam vir praetorius proconsule mittebatur. *L.*

4. *Vindicta liberare*. VI e Latina libertate, quam manumissione privata adeptus est, plenam civilem Romanam consequatur. Est integer titulus in digestis XL, 2, *de manumissis vindicta*, unde peti possunt, quae hic opus sunt, omnia. *G.*

non crit longum mea caussa. Proinde nimiam verecundiam pone, teque, quid velis, consule. Illi tam iucundum, quod ego, quam mihi, quod tu iubes. Vale.

## XVII.

*Orationes quoque perinde ac carmina ac historias recitari posse, contra quosdam reprehensores defendit.*

C. PLINIUS CELEBI • SVO S.

Sua cuique ratio recitandi; mihi, quod saepe iam dixi, ut, si quid me fugit, ut certe fugit, admonear.  
<sup>2</sup> Quo magis miror, quod scribis fuisse quosdam; qui reprehenderent, quod orationes omnino recitarem:  
<sup>3</sup> nisi vero has solas non putant emendandas. A quibus libenter requisierim, cur concedant (si concedant tamen) historiam debere recitari, quae non ostentationi, sed fidei veritatisque componitur; cur tragoediam, quae non auditorium, sed scenam et actores; cur lyrica, quae non lectorem, sed chorum et lyram poscunt.  
<sup>4</sup> At horum recitatio usu iam recepta est. Num ergo culpandus est ille, qui coepit? Quamquam orationes quoque et nostri quidam et Graeci lectitaverunt. Su-

XVII. Forte *Nonius Celer* gener Quintiliani, de quo VI, ep. 32, 1. Potest et esse Caecilius Celer de quo I, ep. 5, 8. L.

4. *Num ergo culpand.* Reprehensus fuerat Plinius, quod orationes recitaret. Respondet, eadem se ratione facere, qua alii recitent historiam, tragoedias, lyrica. Obicit adversarius, *At horum recitatio nunc iam recepta est; orationum non item.* Plinius re-

spondet, in reliquis etiam initium aliquando factum, rogatque, *Num ergo culpandus est ille, qui coepit ista?* Aliam adhuc responsionem subiicit, nempe se neque primum esse, qui recitet orationem: idem et nostros et Graecos quosdam fecitasse, etc. Retinuit igitur lectionem antiquam, et a Boxhornio adhuc servatam, reductamque, quam alii mutassent, a Cortio G.



pervacuum tamen est recitare, quae dixeris. Etiam, si eadem omnia, iisdem omnibus, si statim recites: si vero multa inseras, multa commutes, si quosdam novos, quosdam eosdem, sed post tempus, assumes, cur minus probabilis sit causa recitandi quae dixeris, quam edendi? Sed difficile est, ut oratio, dum recitatur, satisfaciat: iam hoc ad laborem recitantis pertinet, non ad rationem non recitandi: nec vero ego, dum recito, laudari, sed dum legor, cupio. Itaque nullum emendandi genus omitto: ac primum quae scripsi, mecum ipse pertracto: deinde duobus aut tribus lego; mox aliis trado adnotanda, notasque eorum, si dubito, cum uno rursus aut altero pensito; novissime pluribus recito; ac, si quid mihi credis, tunc acerrime emendo: nam tanto diligentius, quanto sollicitius, intendo. Optime autem reverentia, pudor, metus iudicant: idque adeo sic habe. Nonne, si loquunturus es cum aliquo, quamlibet docto, uno tamen, minus commoveris, quam si cum multis vel indoctis? Nonne, quum surgis ad agendum, tum maxime tibi ipse diffidis, tum commutata, non dico plurima, sed omnia cupis? Vtique si latior scena, et corona diffusior: nam illos quoque sordidos pullatosque revere-

5. *Etiam.* Concedentis est. Vid. Index. Male explicat b. l. Otho ad Gifan. Observat. L. L. pag. 315. S. — *Eadem omnia.* Vid. Gifan. l. l. S. — *Iisdem omnibus.* Cortius bene ex Mediceo si iisdem omnibus, quod miror Gierigium neglexisse. Maximalim: si multa commutes, si quosdam novos. S.

7. *Tanto diligentius, quanto sollicitius.* Quanto magis sollicitus sum de iudicio amicorum, quos ad recitationem audiendam convocavi; tanto diligentius intendo animum, tum

antequam ad illos afferro scriptum meum, tum in ipsa recitatione, ubi observo, quid placeat, quid frontem illis corruget, etc. G.

8. *Commoveris.* Perturbaris, irapidas. S.

9. *Vtique.* Certe, wenigstens. Plinius V, 7, 2: *Mihi autem defuncti voluntas . . . . . antiquior iure est, utique in eo, quod ad communem patriam voluit pervenire.* S.

— *Pullatosque.* Tunica pulla indutos, quod Verri obiicit Cicero IV, 21. Oppor-tune hic laudavit Cellarius

- 10 mur. Nonne, si prima quaeque improbari putas, debilitaris et concidis? Opinor, quia in numero ipso est quoddam magnum collatumque consilium; quibusque  
 11 singulis iudicii parum, omnibus plurimum. Itaque Pomponius Secundus (hic scriptor tragoediarum) si quid forte familiarior amicus tollendum, ipse retinendum arbitraretur, dicere solebat, AD POPULVM PROVOÇO: atque ita ex populi vel silentio vel assensu aut suam  
 12 aut amici sententiam sequebatur. Tantum ille populo dabat! recte an secus, nihil ad me. Ego enim non populum advocare, sed certos electosque soleo, quos intuear, quibus credam, quos denique et tanquam singulos observem, et tanquam non singulos timeam.  
 13 Nam quod M. Cicero de stilo, ego de metu sentio. Timor est emendator acerrimus: hoc ipsum, quod nos recitatuos cogitamus, emendat: quod auditorium ingredimur, emendat: quod pallemus, horrescimus,

Sueton. Aug. cap. XL, ubi *pullatorum* pro concione *turbæ* indignatur Augustus. Multa ibi, et hunc ipsum locum dedit Casaubonus. G.

10. *Debilitaris et concidis.* Imitatur Tullium suum de fin. V, 15, *Fieri debilitantur animosque demittunt.* G.

— *Omnibus plurimum.* Certe in hac causa. Quum enim petat orator, populo placere, probari populo: iudicio multitudinis omnino illi standum est. Alioquin si quis simpliciter istam sententiam tribuat Secundo, collectam stultorum multitudinem sapienter iudicare, iniuriam prudentissimo viro fecerit: et aliter ipsum sensitse, quae sequuntur § 12, declarant. G.

— Pro omnibus Secundus accuratius scripsisset *cunctis*. S.

11. De Pomponio Secundo vid. ad III, epist. 5, 3. L. — *Ad populum*

*provoco.* Lepide abutebatur notissima formula Quiritium, fidem implorantium populi, aut provocatione certantium. G.

12. *Populo dabat,* populi iudicio tribuebat. L.

13. *Cicero de stilo.* Respicit illud magistrorum bonorum vocibus decantatum, utinam diligentius a iuventute obsequendo expressum, ex I, de orat. 33, *Stilus optimus et prestantissimus dicendi effector et magister.* G.

— *Emendator acerrimus.* *Asperri-*ma ex bonis libris dedit Cortius, quod vel ideo non displicet, quod *limam* saepe adhibet hac in re Plinius cuius dos est *asperam* esse. G. — Add. Gesneri ad I. A. Ernest. epistola. Cortium aequulus est Giergius. S.

circumspicimus, emendat. Proinde non poenitet me <sup>14</sup>  
 consuetudinis meae, quam utilissimam experior: adeo-  
 que non deterreor sermunculis istorum, ut ultro te  
 rogem, monstres aliquid, quod his addam. Nihil enim <sup>15</sup>  
 curae meae satis est. Cogito, quam sit magnum, dare  
 aliquid in manus hominum: nec persuadere mihi pos-  
 sum, non, et cum multis, et saepe tractandum, quod  
 placere et semper et omnibus cupias Vale.

## XVIII.

*Caninio rogatus suadet, ut, quam Comensilus in epulum pecu-  
 niam promiserat, ita disponat, ut ipse suam in alimenta inge-  
 nuorum.*

C. PLINIUS CANINIO • SVO S.

Deliberas mecum, quemadmodum pecunia, quam  
 municipibus nostris in epulum obtulisti, post te quo-  
 que salva sit. Honesta consultatio, non expedita sen-  
 tentia. Numeres reipublicae summam? verendum est,  
 ne dilabatur. Des agros? ut publici, negligentur.  
 Equidem nihil commodius invenio, quam quod ipse <sup>2</sup>  
 feci: nam pro quingentis millibus nummum, quae  
 in alimenta ingenuorum promiseram, agrum ex meis,  
 longe pluris, actori publico mancipavi: eundem ve-

XVIII. • De Caninio Comensi vid.  
 ad I, ep. 3. L.

1. *Deliberas mecum.* Consulis me.  
 Sic mos *consultatio*. Vid. Iod. Bos.  
 in Corn. Nep. ad voc. *deliberare*. S.  
 — *Post te . . . sit.* Post obitum tuum  
 non alienis rebus, sed semper epulis  
 istis reservetur et impendatur. E.

2. *Actori publico mancipavi.* Servo  
 publico (ut alia, non sibi, acquirere  
 posset) imaginaria venditione tradidi.

Multa hac de re viri docti ad illud  
 Tac. Ann. II, 30: *Quia vetere sena-  
 tusconsulto quaestio in caput domini  
 prohibebatur, callidus et novi iuris  
 repertor Tiberius mancipari singulas  
 actori publico iubet: scilicet ut in La-  
 bonem ex servis salvo senatusconsulto quae-  
 reretur.* Hic mancipat Plinius agrum,  
 qui longe pluris esset, quam quin-  
 gentorum millium, actori publico, ut  
 iam esset reipublicae: ab hac illum

ctigali imposito recepi, tricena millia annua daturus.  
<sup>3</sup> Per hoc enim et reipublicae sors in tuto, nec reditus incertus, et ager ipse propter id, quod vectigali large supercurrit, semper dominum, a quo exerceatur, <sup>4</sup> inveniet. Nec ignoro, me plus aliquanto, quam donasse videor, erogavisse, quum pulcherrimi agri pretium necessitas vectigalis infregerit. Sed oportet privatis utilitatibus publicas, mortalibus aeternas anteferre; multoque diligentius muneri suo consulere, quam facultatibus. Vale..

deinde recipit vectigalem et promittit tricena millia annua, tanquam usuras semisses (6 per centum). Quum autem ager multo plus referat quotannis, quam tricena millia (longe enim *pluris* est, quam quingentorum millium) *semper inveniet, qui exercere illum et vectigal solvere reipublicae velit. G.*

3. *Vectigali... supercurrit.* Plus quotannis refert, quam vectigal illud impositum. *E.* — Cortius ex Medi-

ceo: *vectigal... supercurrit.* Verum puto; idemque agnoscit Forcellinus. *S.*

4. *Necessitas vectigalis infregerit.* Necessitas pendendi reipublicae vectigalis 30,000 annuorum. prelium agri minuit. *E.*

5. *Multo diligentius muneri..... coudere.* Latiori sensu, promissis, officio, operae, quam in te recepisti, satisfacere. *E.*

## XIX.

*Fanniam, cuius valetudinem dolenter fert, meritis laudibus exornat.*

C. PLINIVS PRISCO • SVO S.

Angit me Fanniae valetudo. Contraxit hanc, dum assidet Iuliae virgini, sponte primum (est enim affinis):  
<sup>2</sup> deinde etiam ex auctoritate pontificum. Nam Virgines,

XIX. \* De *Prisco* vid. ad II, epist. 43; VI, ep. 8. *L.*

2. *Nam Virgines.* Apparet ex talibus locis, Plinium posteritati scri-

psisse, quia saepiuscule talia monet, quae tum non facile quis ignoraret. Caeterum quod hic *Virgines* simpliciter dicuntur, omisso *Vestales*, et

quum vi morbi atrio Vestae coguntur excedere, matronarum curae custodiaeque mandantur. Quo munere Fannia dum sedulo fungitur, hoc discrimine implicita est. Insident febres, tussis increscit, summa macies,<sup>3</sup> summa defectio; animus tantum et spiritus viget, Helvidio marito, Thrasea patre dignissimus: reliqua labuntur, meque non metu tantum, verum etiam dolore conficiunt. Doleo enim, maximam feminam eripi<sup>4</sup> oculis civitatis, nescio an aliquid simile visuris. Quae castitas illius! quae sanctitas! quanta gravitas! quanta constantia! Bis maritum sequuta in exsilium est, tertio ipsa propter maritum relegata. Nam, quum Senecio<sup>5</sup> reus esset, quod de vita Helvidii libros composuisset, rogatumque se a Fannia in defensione dixisset: quae-  
rente minaciter Metio Caro, an rogasset, respondit, *Rogavi*: an commentarios scripturo dedisset, *Dedi*: an sciente matre, *Nesciente*. Postrèmo nullam vocem cedentem periculo emisit. Quin etiam illos ipsos libros,<sup>6</sup> quamquam ex necessitate et metu temporum abditos SC. publicatis bonis, servavit, habuit, tulitque in exsilium exsilii causam. Eadem quam iucunda, quam<sup>7</sup> comis, quam denique (quod paucis datum est) non minus amabilis, quam veneranda! Erit sane, quam postea uxoribus nostris ostentare possimus: erit, a qua viri quoque fortitudinis exempla sumamus; quam sic

paullo ante *Virgini* (ubi librorum auctoritate *Vestali* delevit *Cortius*) illud inusitatum non esse, et hic ostendit idem *Cortius* et probavit vir doctus in *Miscell. obs.* IV, 3, pag. 432. G. — *Atrio*. Virgines vestales in atrio Vestae habitasse, etiam ex *Gellii N. A.* I, 12, apparet. Illud atrium autem fuit regia Numae, templo Vestae contermina. L.

5. De *Metio Caro* I, epist. 5, 3. L. — *Commentarios* quos ipse Helvidius de rebus suis, memoriae causa scripserat. L.

— *Postrèmo*. Ut paucis me expediam. Sic mox, ut aliis perunultis locis, *denique*. S.

6. *Abditos*. Publice in comitio exustos, quod monere iam viri docti ex *Tac. Agric.* II. G.

cernentes audientesque miramur, ut illas, quae le-  
 8 guntur. Ac mihi domus ipsa nutare, convulsaque sedibus  
 suis ruitura supra videtur, licet adhuc posteros habeat.  
 Quantis enim virtutibus quantisque factis adsequentur,  
 9 ut haec non novissima occiderit? Me quidem illud  
 etiam affligit et torquet, quod matrem eius, illam  
 (nihil possum illustrius dicere) tantae feminae matrem,  
 rursus videor amittere, quam haec, ut reddit ac refert  
 nobis, sic auferet secum, meque et novo pariter et  
 10 rescisso vulnere afficiet. Vtramque colui; utramque  
 dilexi: utram magis, nescio; nec discerni volebant.  
 Habuerunt officia mea in secundis, habuerunt in ad-  
 versis. Ego solatium relegatarum, ego ultor reversa-  
 rum: non feci tamen paria, atque eo magis hanc cupio  
 12 servari, ut mihi solvendi tempora supersint. In his  
 eram curis, quum scriberem ad te; quas si deus aliquis  
 in gaudium verterit, de metu non querar. Vale.

7. *Miramur.* Geminum est. Sensus: etenim iam nunc eam, dum adhuc vivit, sic miramur, ut illas, quas unquam vidimus. Quo magis defunctam miramur, uxoribusque nostris ac nobismetipsis tanquam exemplum omnium virtutum ostendimus. S.

8. *Novissima occiderit.* Eo sensu, quo Cremutius Cordus *Cassium Romanorum ultimum* dixerat apud Tac. Ann. IV, 34, ubi plura Lipsius. G.

9. *Quod matrem . . . afficiet.* Fannia ita similis erat matri (*reddebat et referebat* eam) ut plane eadem videri posset. Ergo Fannia defuncta mater eius rursus quasi amittitur. Haec sic cogitabat Plinius. Sed in conforma-

tionem huius sententiae acumen amabile expendant, quibus utique corae est acumen aliquod ingemum. Utinam tamen, si verum quaerimus, non ad lusum usque verborum, ut fit, processisset iucundissimus Plinius. E.

10. *Nec discerni volebant.* Neutra cupiebat alteri praeferrere quacunque re. E.

— *Solatium . . . ultor.* De illo vid. III, 41, 3, de hoc IX, 43. G. — *Non feci . . . paria.* Intellige *acceptis expensis*; rationum enim verbum esse, statim ipse indicat, quum *solvendi tempora* optat. G.

11. *Nou querar.* Excerpta Brum. *nihil querar*, quod verum puto. S.

## XX.

*Taciti librum, a se notatum, remittit; in suo libro vicem exspectat, et amicitia illius, studiorumque ac famae societate delectatur. Epistola memorabilis, quae fideliter Plinii mores reddit.*

C. PLINIVS TACITO SVO S.

**L**ibrum tuum legi, et quam diligentissime potui, adnotavi, quae commutanda, quae eximenda arbitrarer: nam et ego verum dicere assuevi, et tu libenter audire. Neque enim ulli patientius reprehenduntur, quam qui maxime laudari merentur. Nunc a te librum<sup>2</sup> meum cum adnotationibus tuis exspecto. O iucundas, o pulchras vices! Quam me delectat, quod, si qua posteris cura nostri, usquequaque narrabitur, qua concordia, simplicitate, fide, viximus! Erit rarum<sup>3</sup> et insigne, duos homines, aetate propemodum aequales, non nullius in literis nominis (cogor enim de te quoque parcius dicere, quia de me simul dico) alterum alterius studia fovisse. Equidem adolescentulus,<sup>4</sup> quum iam tu fama gloriaque floreret, te sequi, tibi longo, sed proximus, intervallo et esse et haberi concupiscebam. Et erant multa clarissima ingenia: sed tu mihi (ita similitudo naturae ferebat) maxime imita-

XX. 1. *Eximenda*. Gesner. *examinanda*, negligentia, ni fallor, operarum. Itaque correxi. S.

3. *Aetate propemodum aequales*. Anctius Cortiana, *aetate, dignitate propemodum aequales*: Gierigiana, *aetate et dignitate propemodum aequales*. Mihi nostra lectio videtur praefenda. Inter homines enim doctrinae laude florentes non tam dignitatis, seu honorum in republica aequalitas, quam

annorum nominisque in literis invidiā gignere solet. S.

4. *Longo sed proximus*. Ex Aen. V, 320. Non *secundum* se vocat, quod plus est, sed *proximum*. Sic apud Horat. I, od. 12, 20, *Proximos lovi* (cui tamen nihil *secundum* nascitur) honores occupavit Pallas. G. — Similia sunt passim in Quintil. ut lib. X, 4, 86. E.

— *Ita similitudo naturae*. Haec ad-

5 bilis, maxime imitandus videbaris. Quo magis gaudeo,  
 quod, si quis de studiis sermo, una nominatur;  
 6 quod de te loquentibus statim occurro. Nec desunt,  
 qui utrique nostrum praeferantur: sed nihil interest  
 una, quo loco iungimur: nam mihi primus, qui a te  
 proximus. Quin etiam in testamentis debes adnotasse:  
 nisi quis forte alterutri nostrum amicissimus, eadem  
 7 legata, et quidem pariter, accipimus. Quae omnia  
 huc spectant, ut invicem ardentius diligamus, quum  
 tot vinculis uos studia, mores, fama, suprema denique  
 hominum iudicia constringant. Vale.

licit, ne vulgari imitatorum vitio  
 illud quod deterrimum est arripuisse,  
 vel certe, dum se extenuat, Tacitum  
 simul deprimere videatur: ideo etiam  
 cum *imitabili coniungit imitandum*. S.

5. *Quod de te . . . occurro*. Excerpta  
 Drummeriana auctoris: *quod ego de  
 te, tu de me loquentibus statim occur-*  
*ris*. Verum, ni fallor; nec, opinor,  
 minus modestum. S.

6. *Iungimur*. *Exspectes iungamur*. S.

— *Qui a te proximus*. Sic restituit  
 e bonis libris Cortius. *Nihil*, inquit  
 Plinius, *interest mea, quo loco iunga-*  
*mur*, modo iungamur, neque inter te  
 et me quisquam interponatur. Nam

*primus ille mihi videtur, qui a te pro-*  
*ximus*. Eum quum me faciant omnes;  
 licet alios praeponant tibi, mihi ta-  
 men non eripient, ut non ob id ipsum  
 primus mihi videar et sat honoratus  
 mortalis, quod a te ponor proximus.  
 G.

— *Adnotasse*. Animadvertisse. E.  
 — *Nisi quis forte*, etc. Haec ita di-  
 spone: etiam in testamentis eadem  
 legata et pariter accipimus, nisi quis  
 forte, etc. Nam amiciori maiora le-  
 gata scribi solent. E.

7. *Studia, mores, fama*. Quam ve-  
 nuste iungit et colligit, quae separa-  
 tim adhuc posuerat! G.



## XXI.

*Consilio de curandis oculis se parituro scribit, et pro gallina iocundus gratias agit.*

C. PLINIUS CORNUTO • SVO S.

Parco, collega carissime, et infirmitati oculorum, ut iubes, consulo. Nam et huc, tecto vehiculo undique inclusus, quasi in cubiculo, perveni, et non stilo modo, verum etiam lectionibus difficulter, sed abstineo, solisque auribus studeo. Cubicula obductis velis opaca, nec tamen obscura, facio. Cryptoporticus quoque, adopertis inferioribus fenestris, tantum umbrae, quantum luminis, habet. Sic paulatim lucem ferre condisco. Balineum assumo, quia prodest: vinum, quia non nocet; parcissime tamen. Ita assuevi, et nunc custos adest. Gallinam, ut a te missam, libenter accepi; quam satis acribus oculis, quamquam adhuc lippus, pinguissimam vidi. Vale.

XXI. \* *Cornuto.* Male nonnulli addunt *Fusco*. Intel. enim ut e principio epist. apparet, *Cornutus Tertullus*, Plinii et in praefectura aerarii et in consulatu collega. *L.*

1. *Collega.* In Consulatu et in praefectura aerarii. Vid. V, 15, 5. Forte ipso collegii anno ista scripsit, aut scripsisse fingit, quamquam secessus suadet aliud. Antiquiores collegae nomen in Augurato praesertim, cuius perpetuus honos esset, usurparunt;

in reliquis, ipsum tantum curationis tempore. *G.*

\* — *Et non stilo modo.* Cortius et Gierigius: et hic non stilo modo. Bene. *S.*

3. *Balineum.* Adscripsit Cellarius Celsi locum VI, 6: *Curari oculos balneo, fusu, vino, vetatissimus auctor Hippocrates memoriae prodidit.* Porro custodem, quem adesse ait, medicum, uxorem, libertum, servum, artem denique intelligere licet. *G.*

## XXII.

*Aperte commendat, cui non nominato tribunatum impetraverat.*

C. PLINIUS FALCONI • SVO S.

Minus miraberis, me tam instanter petisse, ut in amicum meum conferres tribunatum, quum scieris, quis ille qualisque; possum autem iam tibi et nomen indicare, et describere ipsum, postquam polliceris.  
 2 Est Cornelius Minucianus, ornamentum regionis meae, sen dignitate, seu moribus: natus splendide, abundat facultatibus, amat studia, ut solent pauperes: idem rectissimus iudex, fortissimus advocatus, fidelissimus  
 3 amicus. Accepisse te beneficium credes, quum propius inspexeris hominem, omnibus honoribus, omnibus titulis (nihil volo elatius de modestissimo viro dicere) parem. Vale.

XXII. \* De Pompeio Falcone egimus ad I, ep. 23: praefuit nunc provinciae cuidam, itaque tribunatum dare poterat III, ep. 8, t. L.

1. Scieris. Audiveris, cognoveris ex me. E.

2. De hoc Cornelio Minuciano aut Miniciano exposuimus ad III, ep. 9. L.

— *Vt solent pauperes.* Sic Athenienses φιλοσοφία καὶ πτωχὰ συντηροῦν a Luciano Nigrino vocantur: et ad bene mentis paupertatem sororem, quae

est apud Petron. cap. LXXXIV, multa in hanc sententiam viri docti. G. — *Oppositio in his: abundat facultatibus; amat studia, ut solent pauperes.* Acer enim studiorum amor raro eorum, qui facultatibus abundant. Apte laudavit Gesnerus locos illos Luciano et Petronianum. S.

3. *Omnibus honoribus.* Qui omnes honores, omnes titulos sustineat, immo talem, cuius virtutibus omnes honores inferiores dicerem, nisi summa viri modestia obstaret. S.

## XXIII.

*Prosocerum monet, ut domi proconsulem exspectet, nec obviam ei procurret.*

C. PLINIVS FABATO PROSOCERO SVO S.

Gaudeo quidem esse te tam fortem, ut Mediolani occurrere Tironi possis: sed, ut perseveres esse tam fortis, rogo, ne tibi contra rationem aetatis tantum laboris iniungas. Quin immo denuntio, ut illum et domi, et intra domum, atque etiam intra cubiculi limen, exspectes. Etenim quum a me ut frater diligatur, non debet ab eo, quem ego parentis loco observo, exigere officium, quod parenti suo remisisset. Vale.

XXIII. 1. *Fortem.* Validum, tam bona valetudine. *E.*

2. *Etenim* . . . Praeclara sententia! quasi quaedam stellula, qua vel bre-

vissimam epistolam, ut tamen aliquo in loco splendeat, distinguit. Haec talia tironibus commendari et illustrari maxime debent. *E.*

## XXIV.

*Vmuidiae mortem nuntiat; et ex heredibus nepotem, eiusque educationem laudat.*

C. PLINII GEMINIO \* SVO S.

Vmuidia Quadratilla paullo minus octogesimo aetatis anno decessit, usque ad novissimam valetudinem viridis, atque etiam ultra matronalem modum compacto corpore et robusto. Decessit honestissimo testamento: reliquit heredes, ex besse nepotem, ex tertia parte neptem: neptem parum novi: nepotem familiarissime diligo; adolescentem singularem, nec iis tantum, quos sanguine attingit, inter propinquos amandum. Ac primum, conspicuus forma, omnes sermones malignorum et puer et iuvenis evasit: intra quartum et vicesimum annum maritus, et, si deus annuisset, pater: vixit in contubernio aviae delicatae severissime, et tamen obsequentissime. Habebat illa pantomimos fovebatque effusius, quam principi feminae conveniret. Hos Quadratus non in theatro, non domi spectabat; nec illa exigebat. Audii ipsam, quum mihi commendaret nepotis sui studia, solere se, ut feminam in illo otio sexus, laxare animum lusu cal-

XXIV. \* De Geminio vid. ad VII, ep. 1. L.

1. *Nmuidia*. Excerpta Brummer. *Vmuidia*, quod verum. Vid. ad VI, 44; 1. S.

2. *Nepotem*. Vmuidium Quadratum, de quo VI, 44. G.

— *Nec iis tantum . . . amandum*. Sed alienis quoque tali prosequendum amore, quali propinquos prosequi solemus. S.

3. *Omnia sermones . . . evasit*. Commentarii esse possunt, quae Ci-

cero Or. pro Coel. V, de Coelio notavit. E.

4. *Non domi*. Privatum itaque, quum theatra essent publica. Sic in hortis praetoria ludi spectati Quint. III, 6, 48. G.

5. *Audii ipsam, quum, etc.* Cicero de Orat. II, 90, *audivi . . . Metrodorum, quum de his ipsis rebus disputaret*. S. — *Otio sexus et aetatis*: talis enim et alea ludunt senes. Sic γαρτερικὸς fuisse se scribit ad Tiberium Augustus Sueton. cap. LXXI.

culorum, solere spectare pantomimos suos; sed quum factura esset alterutrum, semper se nepoti suo praecepisse, abiret, studeretque: quod mihi non amore eius magis facere, quam reverentia videbatur. Mira-<sup>6</sup>beris, et ego miratus sum. Proximis sacerdotalibus ludis, productis in commissione pantomimis, quum simul theatro ego et Quadratus egredieremur, ait mihi: *Scis, me hodie primum vidisse saltantem aviae meae libertum?* Hoc nepos. At, hercule, alienissimi homines in honorem Quadratillae (pudet me dixisse, honorem), per adulationis officium, in theatrum cursitabant, exsultabant, plaudabant, mirabantur: ac deinde singulos gestus dominae cum canticis reddebant; qui nunc exiguissima legata, theatralis operae corollarium, accipient ab herede, qui non spe-

G. — *Calculi illi vel ex vitro, vel chore, argento, auro facti, colorum varietate in duo genera divisi erant, atque etiam laturculi dicebantur. L. — Reverentia. illa nimirum, quam pueri etiam debent maximam Juvenalis ait XIV, 47: Et peccaturo obiicit tibi filius infans. G.*

6. *In commissione.* Quum committerentur ac certamen inirent: proprium ludieris pariter ac seriis certaminibus verbum. G.

7. *Pudet me dixisse.* Dicere coepit, homines alienissimos (quos nepoti opponit, nulla cognatione coniunctos) in theatrum venisse, quoties saltarent Quadratillae pantomimi, idque fecisse in honorem Quadratillae: hoc vero corrigit, honorem dicere non vult; adulationis officium substituit. Nempe hereditariae, inter alias artes suas, captabant ita Quadratillam, ut viderent, laudarent illius pantomimos; quemadmodum contra apud Lucian. de mere. cond. pag. 469. Gr.

crimen est, non laudasse saltantem servulum. Hunc igitur Plinius negat honorem esse Quadratillae habitum; adulationem vocat. Hanc adulandi indignitatem deinde describit graphice: *cursitabant in theatrum; exsultabant quasi gaudio, quoties bene rem gerere viderentur pantomimi; plaudabant voce, manu; mirabantur artem illorum, quam admiratione dignam non negaverit, qui Luciano illam describenti eredit in libello πᾶσι ὀφείσαντες; reddebant dominae illorum Quadratillae ei repetito quasi spectaculo exhibebant gestus, quos modo viderant cum canticis et modis, ad quos illi saltaverant; eoque modo testamentum suae reginae mercedi addebant.* At frustrati sunt egregie: *nunc enim exiguissima legata, etc.* G. — *Corollarium.* Recte cum theatri opera iungitur. Docet enim Varro, dictum corollarium a corollis, quum placuerunt actores, in scena dare solitis, de L. L. pag. 42, 2. Sed haec

<sup>8</sup> etabat. Quorsum haec? Quia soles, si quid incidit novi, non invitus audire: deinde, quia iucundum est mihi, quod ceperim gaudium, scribendo retractare. Gaudeo enim pietate defunctae, honore optimi iuvenis: laetor etiam, quod domus aliquando C. Cassii, huius qui Cassianae scholae princeps et parens fuit, <sup>9</sup> serviet domino non minori. Implebit enim illam Quadratus meus, et decebit, rursusque ei pristinam dignitatem, celebritatem, gloriamque reddet, quum tantus orator inde procedet, quantus iuris ille consultus. Vale.

et plura, quae hic dedit Cellarius, commodius leguntur in Lexicis. G.

8. *Quorsum haec? Quia.* Brevius, sed eadem sententia Curtius, *Haec, quia soles*, etc. G.

— C. Cassius Longinus sub Tiberio consulatu functus, a Caligula Asiae, a Claudio Syriae praefectus, a Nerone in exilium eiectus, a Vespasiano revocatus est. Tacit. An. XII, 42; XV, 52; XVI, 9. Idem Cassianae Scholae princeps. Nempe iam sub Augusto sectae quaedam Ictorum ortae sunt, quarum auctores M. Antistius Labeo et C. Atinius Capito, duo pacis decora. Tacit. Ann. III, 75. Quorum ille acerrimus libertatis defensor mansit, hic vero se accommodavit voluntati Augusti. Icti igitur ab eo inde tempore plerique uni aut alteri sectae se addixerunt. E Capitonis schola sub Tiberio fuit *Maurius Sabius*, cuius institutione hic noster Cassius usus, Capitonis inventa ita illustravit, ut illa schola ab eo

Cassianae nomen acciperet, sed sub Vespasiano *Sabinianae* a Caelio Sabinio. Ex ea Troiani temporibus inclauit *Priscus Involens*, de quo VI, epist. 45. E Labeonis vero schola Tiberii saeculo *Cocceius Nervus* prodii, cui *Sempronius Proculus* successit, a quo Labeonis familia *Procleianorum* nomen assumpsit, et paullo post *Pegasianorum* a Pegaso. Ex hac sub Traiano floruerunt *P. Inventius Celsus* et *Neratilis Priscus*, de quibus ad VI, ep. 5, 4, et VI, ep. 8. L.

9. *Implebit . . . et decebit.* Eadem fere vis utriusque verbi: implet enim domum, qui satis magnus est, ul proportionem ad eam habeat. Sic *Paneg.* XV, 4, *quod denique tectum magnus hospes impleveris*, ubi vid. G. — *Rursusque . . . reddet.* Pleonasmus. Saepe sic *rursus* cum verbis a re incipientibus iungitur. Vid. interpr. ad Liv. IX, 27, 1, epist. 44, ad Iul. Caes. de B. G. IV, 4. S.

## XXV.

*Quam docti viri sub habitu pagano lateant, exemplo Terentii Iunioris docet.*

C. PLINIVS RVFO • SVO S.

**O** quantum eruditorum, aut modestia ipsorum, aut quies operit et subtrahit famae! At nos eos tantum dicturi aliquid aut lecturi timemus, qui studia sua proferunt; quum illi, qui tacent, hoc amplius praestent, quod maximum opus silentio reverentur. Ex-<sup>2</sup> pertus scribo, quod scribo. Terentius Iunior, equestribus militiis, atque etiam procuratione Narbonensis provinciae integerrime functus, recepit se in agros suos, paratisque honoribus tranquillissimum otium praetulit. Hunc ego, invitatus hospitio, ut bonum<sup>3</sup> patrem familiae, ut diligentem agricolam intuebar, de his loquuturus, in quibus illum versari putabam: et coeperam, quum ille me doctissimo sermone, revocavit ad studia. Quam tersa omnia! quam Latina! <sup>4</sup>

XXV. De *Rufo* vid. ad V, epist.  
21. L.

1. *Maximum . . . . reverentur.* Hoc est studia literarum colunt taciti. Nam hoc silentio ostendunt, se literas non sui commodi causa, sed propter ipsarum praestantiam colere, in quo multo sunt honestiores et liberaliores illi, qui suae gloriae et famae causa studia non proferunt. E.

2. *Equestribus militiis.* Egrege illustrarunt hunc locum viri docti adscripto Sueton. Claud. c. XXV: *Equestres militias ita ordinavit, ut post cohortem alani, post alam tribunatam*

*legionis daret, laudatoque Schelio ad Hygin. de Castramet. p. 69. sq. Bre- viter equestres militiae sunt equitum romanorum in ipsis legionibus, et inter pedites, praefecturae G. — Pa- ratissae. Al. speratissae. Minus effi- caciter ad laudem Terentii. Maioris enim animi, otium praeferre paratis honoribus, quam speratis. Ultima li- tera vocis praegressae adhaerescens insequenti illani lectionem peperit. S.*

3. *Coeporam.* Scil. cum eo colloqui de rebus rusticis, quae unicum eius negotium esse videbantur. L.

quam Graeca! Nam tantum utraque lingua valet, ut  
ea magis videatur excellere, quam quum maxime lo-  
quitur. Quantum ille legit! quantum tenet! Athenis  
5 vivere hominem, non in villa, putes. Quid multa?  
Auxit sollicitudinem meam, effecitque, ut illis, quos  
doctissimos novi, non minus hos seductos et quasi  
6 rusticos verear. Idem suadeo tibi. Sunt enim, ut in  
castris, sic etiam in literis nostris plures cultu paga-  
no, quos cinctos et armatos, et quidem ardentissimo  
ingenio, diligentius scrutatus invenies. Vale.

5. *Seductos.* Qui rure et in agro — *sed paululum contortus. E. —* *Scruta-*  
rum quasi secasus vivunt. *E.* *tari, videre si quis abconditum sub*  
6. *Sunt etc.* Locus acute inventus, *veste habeat. L.*

## XXVI.

*Morbo amici admonitus, hortatur, ut tales sani perseveremus, quales nos futuros infirmi profitemur. Monemur hac epistola, quomodo vitae humanae casus spectandi atque in utilitatem nostram vertendi sint.*

C. PLINIVS MAXIMO • SVO S.

Nuper me cuiusdam amici languor admonuit. opti-  
mos esse nos, dum infirmi sumus. Quem enim infir-  
2 mum aut avaritia, aut libido sollicitat? Non amoribus  
servit, non appetit honores, opes negligit, et quan-  
tulumcunque, ut relicturus, satis habet. Tunc deos,  
tunc hominem esse se meminit: invidet nemini, ne-

XXVI. \* De Maximo vid. ad II, *aut avaritia, aut ambitio, aut libido.*  
ep. 14. *L.* *His optime respondent, quae sequun-*

4. *Aut avaritia aut libido.* Proba-  
bilitur. Media cur exciderint, sponte ap-  
paret. Idem placet Gierigio. *G.*



ninem miratur, neminem despicit, ac ne sermonibus quidem malignis aut attendit, aut alitur: balinea imaginatur et fontes. Hæc summa curarum, summa<sup>3</sup> votorum; mollemque in posterum et pinguem, si contingat evadere, hoc est, innoxiam beatamque destinaat vitam. Possum ergo, quod pluribus verbis,<sup>4</sup> pluribus etiam voluminibus philosophi docere conantur, ipse breviter tibi mihiq; præcipere, ut tales esse sani perseveremus, quales nos futuros profitemur infirmi. Vale.

2. *Sermonibus ... attendit ... alitur.* Notanda constructio. S.

3. *Mollem ... pinguem.* Non salis assequor, quid Plinius sequutus sit, quum *mollem* et *pinguem* vitam, quæ ex communi latine lingue consuetudine in vitio ponitur, nunc ipse *innoxiam beatamque* interpretetur. E. — Communem illam latine lingue consuetudinem non novi, mirorque hic hæsisse virum doctissimum, qui

*pingue otium, pinguem secotium* sæpe laudari bene sciret. Mollis vita pinguisque opponitur ei, quam occupationes omnis generis perturbant, quam sollicitat nunc avaritia, nunc ambitio, nunc libido. Talis vitam innoxiam beatamque vocari, quid mirum? S.

4. *Pluribus ... pluribus.* Præstat, ut gravius, Cortii et Gierigii, *plurimis ... plurimis.* S.

## XXVII.

*An aliquid spectra sint, ita quaerit, ut exemplis Curtii Rufi, et Athenodori philosophi, tum domesticorum suorum affirmare videatur.*

C. PLINIVS SVRAE • SVO S.

Et mihi discendi, et tibi docendi facultatem otium praebet. Igitur perquam velim scire, esse aliquid phantasmata, et habere propriam figuram numenque aliquod

XXVII.\* Ad *Surae* scripsit IV, ep. 30. L. — Vid. Gesneri ad I. A. Ernest. epist., huius volum. initio.

1. *Phantasmata.* Non nego, phantasmata bonum verbum esse, et huic

rei aptum, quod vel veteres Glossæ docent, in quibus *phantasma* *mostellum* est, diminuta a *monstro* appellatione, qua ipsa hac epistola Plinius utitur; et notum *Phauna*, Menandri fabula,

PLIN. Ep. Tom. I

Ff

putes, an inania et vana ex metu nostro imaginem  
 2 accipere. Ego ut esse credam, in primis eo ducor,  
 quod audio accidisse Curtio Rufo. Tenuis adhuc et  
 obscurus obtinenti Africam comes haeserat: inclinato  
 die spatiabatur in porticu: offertur ei mulieris figura  
 humana grandior pulchriorque; perterrito, «African  
 se, futurorum praenuntiam, dixit: iturum enim Ro  
 mam, honoresque gesturum, atque etiam cum summo  
 imperio in eandem provinciam reversurum, ibique  
 3 moriturum.» Facta sunt omnia. Praeterea accedenti  
 Carthaginem, egredientique navem, eadem figura in  
 litore occurrisse narratur. Ipse certe implicitus morbo,  
 futura praeteritis, adversa secundis auguratus, spein  
 4 salutis, nullo suorum desperante, proiecit. Iam illud,  
 nonne et magis terribile, et non minus mirum est?  
 5 quod exponam, ut accepi. Erat Athenis spatiosa et  
 capax domus, sed infamis et pestilens. Per silentium  
 noctis sonus ferri, et, si attenderes acrius, strepitus

quae *Mastullariam* Plauti peperit. Sic in Luciani Philopseude p. 336. Gr. Καὶ τὰ ἄλλα φάσματα ἐξαπέστη κ. τ. λ. Quint. pag. 347, in fabula, quam haec Athenodori exclusisse videtur, φάσματα; nomen bis occurrit. Sed hoc non eo valet, ut cum Casaubono hic castrata voce *phasmata* legamus pro *phantasmata*, quod omnes in universum libros habere docet Cortius, et quod acrius viris hoc sensu placuit Matthaeo XIV, 26, et Marco VI, 49. G. — *Numen aliquod*. Vim quamdam et potentiam divinam, θεῶν τινα, qualis cernitur futurorum praesagitione, etc. S.

2. *Curtio Rufo*. Vitam eius, neque hac dissimulata fabula, breviter enarrat Tacit. Ann. XI, 24. G.

— *In porticu* Adrumeti, quod opidum Byzacenae provinciae in Africa

caput. L. — *Iturum enim*. Hoc enim respicere potest ad verba, *futurorum praenuntiam*; haec firmat ipsa denuntiatione. Crutéri igitur coniectura, *cui*, non opus est. G.

5. *Erat Athenis*. In Luciani Philopseude (cap. XXXV, vid. Bottiger über *Flaviennaschen* pag. 54. E.) narratur, quod iam indicavi, fabella huic gemina, nisi quod Corinthi aena, non Athenis; quod pro Athenodoro Arignotus Pythagoricus est; et quod illud monstrum Protei cuiusdam instar in varias se species mutat. Cacterum ad ossa insepulta deductus, ut hic Athenodorus, ita illi Arignotus, quibus sepultis, quies redita et salubritas domui ad eum diem pestilenti G. — *Pestilens* Quia multis mortis causa existit. L

vinculorum longius primo, deinde e proximo reddebatur: mox apparebat idolon, senex macie et squalore confectus, promissa barba, horrenti capillo; cruribus compedes, manibus catenas gerebat quatiebatque. 6 Inde inhabitantibus tristes diraeque noctes per metum vigilabantur: vigiliam morbus, et, crescente formidine, mors sequebatur: nam interdum quoque, quamquam abscisserat inago, memoria imaginis oculis inerrabat, longiorque causis [timoris] timor erat. Deserta inde et damnata solitudine domus, totaque illi monstro relicta: proscribatur tamen, seu quis emere, seu quis conducere, ignarus tanti mali, vellet. Venit Athenas philosophus Athenodorus, legit titulum; auditoque pretio, quia suspecta vilitas, percunctatus, omnia docetur, ac nihilominus, immo tanto magis conducit. Vbi coepit advesperascere, inbet sterni sibi in prima domus parte, poscit pugillares, stilum, lumen: suos omnes in interiora dimittit; ipse ad scribendum, animum, oculos, manum intendit, ne vacua uens audita simulacra et inanes sibi metus

— *Idolon*. Refugit adhuc Latinam appellationem *spectri*, qua *εἰδωλον* Graecorum donaverat Catius; derisam nempe a Tullio fam. XV, 16; sed postea in usum etiam serio loquentium receptam. G. — *Senex macie et squalore confectus*. Luciano *αἰσχρὴς, κομῆτης, μιλάντερος τοῦ ζῆλου*. G.

6. *Longiorque causis*, etc. quia et interdum timebant, quum spectrum non apparebat. Satis erat tamdiu tremere, quamdiu spectrum, causa timoris, aderat, nempe per noctem. Caeterum acutula est haec omnis appendix, *ἐνθόμαρτα* habens concinnum, quod ex ingenii quodam radio splenderet. E. — (*Timoris*). Inclusit un-

cis, ut suspectum, Gesnerus, qui d abest in libris bonae uotae, commodique subanditur. Omiserunt Cortius et Gierigius. Mos mali N. Heinsius *damnata solitudinis*. Sed *damnari* casum sextum poenae legitime admisit.

7. *Athenodorus Tarsensis* a Luciano in Macrobi. commemoratur, Stoicus, Augusti praeceptor, qui duo et octoginta annos natus in patria mortuus est. L. — *Legit titulum*. Tabellam, in qua proscriptio. Vid. Heins. ad illud Petron. c. XXXVIII extr. *Hoc titulo auctionem proscripsit*. G.

— *Sterni sibi*. Non dormiendicausa, sed studendi, cui rei etiam lectos adhibebant. Vid. Burmann. ad Quintil. X, 3, p. 936. G.

8 fingeret. Initio, quale ubique, silentium noctis; deinde concuti ferrum, vincula moveri: ille non tollere oculos, non remittere stilum, sed obfirmare animum, auribusque praetendere: tum crebescere fragor, adventare etiam, ac iam ut in limine, iam ut intra limen audiri: respicit, videt, agnoscitque narratam  
 9 sibi effigiem. Stabat innuebatque digito, similis vocanti: hic contra, ut paullum expectaret, manu significat, rursusque ceris et stilo incumbit: illa scribentis capiti catenis insonabat: respicit rursus idem, quod prius, innuentem: nec moratus, tollit lumen,  
 10 et sequitur. Ibat illa lento gradu, quasi gravis vinculis: postquam deflexit in aream domus, repente dilapsa deserit comitem: desertus herbas et folia con-  
 11 cerpta signum loco ponit. Postero die adit magistratus, monet, ut illum locum effodi iubeant. Inveniuntur ossa inserta catenis et implicita, quae corpus aeo terraeque putrefactum nuda et exesa reliquerat vinculis: collecta publice sepeliuntur: domus postea rite (1)

8. *Auribusque praetendere.* *Auribus praetendere animum* significat obstinatione quadam studendi impedire ne audiamus, certe audire nobis videamur, aliquid, ut qui manum vel ceram adeo praetendit. Durum hoc videbatur Cl. Marklando ad Stat. Sil. V, 23, quare legere nos volebat *aeriusque pertendere*, eleganter utique; et forte melius consuluisset famae Plinius, si ita posuisset. Verum ut forte nimis audax fuit Plinius, qui ita posuerit: sic mutare contra omnes libros, audax ipsum quoque videtur. Et iam comanonefecit virum doctum Cortius illius Sallustiani Catil. LVIII, 2, *Timor mihi auribus officit*. G. — Aegid. Forcellinus, Cortio accedens: hoc est, animum et constantiam quasi in custodiam aurium praeten-

dere, ne sonitu strepituque percellerentur. *Praetendere* hic a militia ductum videtur, quum castra aut acies contra hostem; et ad custodiam limitum tenduntur. Tacit. II, Hist. cap. 6: quidquid castrorum Armeniis praetenditur. Pacat. in Panegy. Theodos. cap. X: via liberum tuum viderat, iam Istro praetendebas. Claudian. de B. Get. vers. 416: extremis legio praetenta Britannis. v. S. — Etiam. Lauguidum hic, meliusque alii: *adventare, et iam ut in limine*, etc. S.

10. *Concerpta.* Gierigius: hinc inde cerpta, evulsa. Immo est discerpta. S.

(1) *Rite conditis manibus.* Nempe ipsi manes vel animi condi et sepeliri putantur, et ad quietem redigi una cum corpore vel ossibus. Hinc

conditis manibus caruit. Et haec quidem affirmantibus 12  
credo: illud affirmare aliis possum. Est libertus mihi  
Marcus, non illiteratus. Cum hoc minor frater eodem  
lecto quiescebat. Is visus est sibi cernere quemdam  
in toro residentem, admoventemque capiti suo cul-  
tros, atque etiam ex ipso vertice amputantem capillos.  
Vbi illuxit, ipse circa verticem tonsus, capilli iacentes  
reperiuntur. Exiguū temporis medium, et rursus 13  
simile aliud priori fidem fecit. Puer in paedagogio  
mixtus pluribus dormiebat: venerunt per fenestras  
(ita narrat) in tunicis albis duo, cubantemque de-  
tonderunt; et qua venerant, recesserunt. Hunc quo-  
que tonsum, sparsosque circa capillos dies ostendit.  
Nihil notabile sequutum, nisi forte, quod non fui 14  
reus; futurus, si Domitianus, sub quo haec accide-  
runt, diutius vixisset. Nam in scrinio eius datus a  
Caro de me libellus inventus est; ex quo coniectari

preces insepulti Archytæ apud Hora-  
tium Od. I, 28. G. — Puncula hic sub-  
iunxit Gesnerus, quæ dogma de l'ur-  
gatorio subobscurè tangunt, et veteres  
Ecclesiae Presbyteros tanquam chri-  
stianæ professionis corruptores insi-  
mulare videntur. Ea sustuli, peccati ve-  
niam impetraturus, eo quod ad Vitam  
Virgilii pag. XXVI quandam Hecynii  
adnotationem similiter haud præter-  
missem. Illustri enim civitatis no-  
stræ Viro, quæ ibi leguntur, displic-  
uerunt; propterea graviter increpa-  
tus. At quod hic religione ductus  
vel sponte fecissem, illic veritatis  
amore laud faciendum censi: nam  
agebatur de interpolationibus in Vita  
Virgilii fortasse a Monachis factis;  
res adeo ad criticen spectabat. Re  
autem vera essant sanctorum viro-  
rum historiae, typis vulgatæ, ideo  
christiano populo ab Ecclesia inter-  
dictæ, quod mirabilia plurima veris

admixta narrant, es ingenio efficta,  
auctoritateque destituta. Tvr.

42. *Ipsē . . . tonsum.* Sua forte, vel  
alterius aut consēii, aut fraudem ipsi  
quoque molientis, manu. G.

13. *In paedagogio.* Nihil ostare vi-  
detur, quo minus *paedagogium* et hic  
et alias capiantur pro loco, ubi edu-  
cantur pueri elegantiores beatæ fa-  
miliae, ludicare poterit, si quis lege-  
rit, quæ dispartantur ad Sueton. Ne-  
ron. XXVIII. Hic illud praesertim ob-  
servandum, quod *mixtus pluribus dor-  
mit* puer: ergo in loco, ubi plures  
sunt, etc. G.

14. *Datus a Caro.* Metio Caro, illo  
nobili delatore, de quo I, 5, 3; et  
VII, 49, 5. G. — *Reis . . . submittere  
capillum.* Hoc est, alere et crescere  
pati, tanquam partem *squaloris* illius,  
propter quem etiam *sordidati* in pu-  
blicum prodeunt. Poterat etiam co-  
gitare, si ita ei libuisset, de naufraga

potest, quia reis moris est submittere capillum, recisos meorum capillos depulsi, quod imminabat, periculi signum fuisse. Proinde rogo, eruditionem tuam intendas. Digna res est, quam diu multumque consideres: ne ego quidem indignus, cui copiam scientiae tuae facias. Licet etiam utramque in partem, ut soles, disputes: ex altera tamen fortius, ne me suspensum incertumque dimittas, quum mihi consulendi causa fuerit, ut dubitare desinerem. Vale.

gorum voto, qui capillum voment, dum metuunt, ac ponunt defuncti periculo, qua de re viri docti ad Petron. c. CIII. Poterat ex coniectorum disciplina etiam boni quidpiam suspicari. Sane Artemidorus I, 23, postquam de nausagorum et convalescentium ex magno morbo tonsura dixit, subiicit ista: Καίρεσθαι ὑπὸ κουρέως ἀγαθὸν πάντων ἐν ἰσῆς θελοῖ. Ἐστὶ γὰρ, ὡς

ἰππῶν, ἀπὸ τοῦ καρεῖναι καὶ τὸ χαρεῖναι κατὰ παραλλαγὴν στοιχείου, ἐκδιῆσθαι. καί μιν τοὶ οὐδέεις ἐν περιστάσει πονήσῃ, ἢ συμφορᾷ τινι καθιστώσῃ, καίρεται, ἀλλ' οἷς μάλιστα μέλει εὐπραγίας, ἀλύτοις τε καὶ οὐκ ἀπόροις. Sed illud primum cogitare debebat videlicet, pueros petulantia vel quacumque malitia fucum fecisse. G.

## XXVIII.

*Reprehensus a nonnullis, quod nimium amicos laudet, amore se et benignitatis officio tuerur.*

C. PLINIUS SEPTICIO • SVO S.

Ais, quosdam apud te reprehendisse, tanquam amicos meos ex omni occasione ultra modum laudem. 2 Agnosco crimen, amplector etiam: quid enim honestius culpa benignitatis? Qui sunt tamen isti, qui amicos meos melius me norint? sed ut norint, quid invident mihi felicissimo errore? Ut enim non sint

XXVIII. • De Septicio dictum ad I, ep. 4. L.

1. *Tanquam.* Aldi quod a glossatore profectum. Vid. ad III, 9, 33.

— *Agnosco* ... *amplector*. Non modo agnosco illud erimen esse, sed et mihi imputo, eiusque culpam tribuo.

Hinc sequentia: *Quid enim honestius culpa benignitatis?* E. — *Melius Gier.*: « *Agnosco* vox eorum, qui aliquid concedunt, verum esse fatentur. *Amplector*, eo delector (dicitur de iis qui fecisse gaudent). »

2. *Felicissimo errore.* Sic dedit e.

tales, quales a me praedicantur, ego tamen beatus, quod mihi videntur. Igitur ad alios hanc sinistram<sup>3</sup> diligentiam conferant (nec sunt parum multi) qui carpere amicos suos iudicium vocant: mihi nunquam persuadebunt, ut meos amari a me nimium putem. Vale.

libris Curtius, et sic hanc actatem, ipsumque nostrum, usos *invidendi* verbo, post alios ad Quintil. IX, 3, 4, itemque in thesauro, qui prae manibus est, novo Latinae linguae osten-

dimus. De usu nostri iudex consuli potest. *G.*

3. *Diligentiam.* Severitate censoria inquirendi in alios, laudemque iis debitam ad aurissim exigendi. *S.*

## XXIX.

*Pallantis liberti monumentum ridet cum indignatione.*

C. PLINIUS MONTANO • SVO S.

Ridebis, deinde indignaberis, deinde ridebis, si legeris; quod nisi legeris, non potes credere. Est via<sup>2</sup> Tiburtina, intra primum lapidem (proxime adnotavi), monumentum Pallantis, ita inscriptum: HVC SENATVS, OB FIDEM PIETATEMQUE ERGA PATRONOS, ORNAMENTA PRAETORIA DECREVIT, ET SESTERTIVM CENTIES QVINQVAGIES,

XXIX. \* *Montano* de eadem re scripsit iam VIII, 6. Forte intelligitur *Curtius Montanus*, qui iuvenis probus sub Nerone, eodem, quo Thrasca et Helvidius Priscus, tempore accusatus, sed patri condonatus est. *L.*

1. *Deinde ridebis.* Post vices quasdam risus et indignationis, risus tandem obtinebit. Repetitionem verborum elegantem et vere Plinianam restituit ommissam a quibusdam Curtius. *G.*

2. *Pallantis.* Liberti Claudii Caesaris, de quo plura VIII, 6, ubi etiam lucem accipiet, si quid forte hic obscurum maneat. *G.* — *Antonius Pallas*, ab *Antonia* nannumissus, ad Clau-

dium Caesarem pervenit. Sortis pristinae adeo immemor erat, ut suos libertos alloqui non dignaretur, sed nutu, manu, scriptove, iis, quid vellet, significaret. Eum Nero ob immensas divitias veneno interfecit. Suet. Claud. XXVIII; Tac. Ann. XI, 29; XII, 25, 53; XIII, 23; XIV, 65. Frater eius fuit Felix ille, qui Iudaeae praefuit. *L.* — *Centies quinquagies, cuius.* Apparet etiam ex hoc loco verum esse, quod in primis Gronovius docuit, *sestertium* cum numerandi adverbis esse singulare neutrius generis: refertur enim ad illud pronomen *cuius*. Caeterum ex Eisen-schmidiana computatione, quam et

CVIVS HONORE CONTENTVS FVIT. Equidem nunquam sum miratus, quae saepius a fortuna, quam a iudicio proficiscerentur: maxime tamen hic me titulus admonuit, quam essent mimica et inepta, quae in hoc coenum, in has sordes abiicerentur: quae denique ille furcifer et recipere ausus est, et recusare, atque etiam, ut moderationis exemplum, posteris prodere. Sed quid indignor? Ridere satius, ne se magnum aliquid adeptos putent, qui huc felicitate perveniunt, ut rideantur. Vale.

accuratissimam et facillimam eandem deprehendisse mihi videor, *centies quinquagies sestertium* aequat florenos Rhenanos 750,000, sive imperiales 500,000; non sane contemptibilis pro liberto pecunia, quae si quineuncibus collocari possit, imperiales reddat quotannis 25,006. G.\*

3. *Mimica*. Hoc vult, non maioris facienda fortunae, quae vulgo vocan-

tur, bona, si in hominem adeo indignum incidant, quam regium forte pallium in humeris mimi. Sic nempe etiam Paneg. XVI, 3, *minicos currus* de falsa triumphi assimilatione dixit: utroque loco de *inimicis* somniarunt quidam librarii. G.

4. *Ridere satius est* etc. Cortius cum Glerigio: *Ridere satius, ne se magnum aliquid* etc. quod verum. S.

### XXX.

*Dolet, amici studia amisso discipulo impedita, nec sua in recessu tranquilliora esse significat, quamquam Demosthenis amicus comparaverit.*

C. PLINIVS GENITORI • SVO S.

Torquor, quod discipulum, ut scribis, optimae spei amisisti, cuius et valetudine et morte impedita studia tua quidni sciam, quum sis omnium officiorum observantissimus, quumque omnes, quos probas, effusissime diligas? Me huc quoque urbana negotia

XXV. \* *Idem Genitorem* auctor ipse nobis descripsit III, ep. 3, 5, ubi

eius mores, disciplinam et institutionem commendat L



persequuntur: non desunt enim, qui me iudicem, aut arbitrum faciant. Accedunt querelae rusticorum, qui<sup>3</sup> auribus meis post longum tempus suo iure abutuntur. Instat et necessitas agrorum locandorum perquam molesta: adeo rarum est invenire idoneos conductores! Quibus ex caussis precario studeo: studeo tamen:<sup>4</sup> nam et scribo aliquid et lego: sed quum lego, ex comparatione sentio, quam male scribam; licet tu mihi bonum animum facias, qui libellos meos de ulatione Helvidii orationi Demosthenis κατὰ Μανδίου con-<sup>5</sup> fers; quam sane, quum componerem illos, habui in manibus, non ut aemularer (improbum enim ac paene furiosum), sed tamen imitarer et sequerer, quantum aut diversitas ingeniorum, maximi et minimi, aut caussae dissimilitudo pateretur. Vale.

2. *Persequantur.* Gesneriana: *prosequantur*, qua auctoritate, nescio. Videtur profectum ab negligentia operarum. Itaque mutavi, *S.* — *Non desunt enim.* Sic Aldus dedit: *sunt enim* Mediceus apud Cortium. *Non delectant*, quod inculcatur post *persequantur*, abest in optimis plerisque. *G.*

3. *Auribus... abutuntur.* Ipsum illud suo iure indicat, abest hic non ad vitiosum et malum usum pertinere; sed nihil aliud sibi velle, quam pro arbitrio et vellementer uti. *G.*

4. *Bonum animum facere, addere alteri animum.* *L.* — *Libellos de ulatione Helvidii.* De quibus IX, 43: *Oratio Demosthenis contra Mulian*

*exstat*, eum, a quo orator Boechanali-  
orum die festo pugnans in theatro  
caesus fuerat. *G.*

5. *Aemularer... imitarer.* Verba satis alioqui vicinae significationis hic distinguuntur, ut *aemulari* studium exaequandi, vel superandi adeo, simul indicet; *imitari* autem is quoque dicatur, qui adspirare ad aequalem gloriam minime audeat, sed vestigia tantum magni viri adoret. *G.* — *Maximi aut minimi.* Forte legendum *Maximi et minimi.* *G.* — Cortius, nulla varietate notata, *maximi et minimi.* Quod unice verum. Sic et Gregorius, nihil monens de diversitate lectionis. *S.* — *Causae dissimilitudo pateretur.* Quum Demosthenes suis ultum iniurias eat, alienas Plinius. *G.*

## XXXI.

*Claudium Pollionem commendat.*

C. PLINIUS CORNVTO • SVO S.

Claudius Pollio amari a te cupit: dignus hoc ipso, quod cupit; deinde, quod ipse te diligit: neque enim fere quisquam exigit illud, nisi qui facit. Vir alioqui rectus, integer, quietus, ac paene ultra modum (si quis  
 2 tamen ultra modum) verecundus. Hunc, quum simul militarem, non solum ut commilito inspexi. Praeerat alae milliariae: ego iussus a legato consulari rationem alarum et cohortium excutere, ut magnam quorundam foedamque avaritiam, et negligentiam parem, ita huius summam integritatem, sollicitam diligentiam  
 3 inveni. Postea promotus ad amplissimas procurationes, nulla occasione corruptus ab insito abstinenciae amore deflexit: nunquam secundis rebus intumuit; nunquam officiorum varietate continuam laudem hu-

XXXI. \*De Cornuto Tertullo, Plinii in praefectura aerarii et in consulari collega, vid. V, ep. 45. L.

4. *Claudius Pollio*. Nieuwlandus de Musonio, pag. 18 (2): «Forte idem est, de quo Suetonius Dom. 4: *Satisque constat Clodium Pollionem, praetorium virum, in quem est poemus Neronis, quod inscribitur Lascio, chirographum eius conservasse et novumquam protulisse, noctem sibi pollicentis.*» S. — *Dignus*. Scilicet amari a te, primum hoc ipso, ob hoc ipsum, quod cupit. S.

2. *Alae milliariae*. Adiectus numerus ad diversitatem alarum significandam, quum essent etiam quingenariae. Egit de alarum equestrium

diversis generibus accuratissime post Lips. II, 7, R. H. Schelius ad Hygin. pag. 66 sqq. Add. Masson. XX, 6. G. — *Legati consulares* Caesaris provinciis praeerant et exercitibus. Is de quo nunc sermo, praefuit Syriae, alque sub eo fuit legio illa, cuius praefectus Plinius L. — *Rationem*. Cortius et Gierigius ex libris: *rationes*. Verisimae. Mox Gierigius pro *alarum* malit *turmarum* sine causa idonea. *Rationes alarum* confiunt ex rationibus *turmarum*: nec urgenda in his oppositio. S.

3. *Insito*. Dubito, an Secundus hic de discrimine inter *insitus* et *innatus* cogitaverit. Ipse Tullius *innatus* non raro sic usurpat, ut idem quod *innatus* significet. S.

manitatis infregit; eademque firmitate animi laboribus suffecit, qua nunc otium patitur. Quod quidem paul-<sup>4</sup> lisper cum magna sua laude intermisit et posuit, a Corellio nostro ex liberalitate imperatoris Nervae emendis dividendisque agris adiutor adsumptus. Etenim qua gloria dignum est, summo viro in tanta eligendi facultate praecipue placuisse? Idem quam reverenter,<sup>5</sup> quam fideliter amicos colat, multorum supremis iudiciis, in his Musonii Bassi, gravissimi civis, credere potes, cuius memoriam tam grata praedicatione prorogat et extendit, ut librum de vita eius (nam studia quoque, sicut alias artes bonas, veneratur) ediderit. Pulchrum<sup>6</sup> istud, et raritate ipsa probandum, quum plerique hactenus defunctorum meminerint, ut querantur. Hunc hominem, appetentissimum tui (mihi crede),<sup>7</sup> complectere, apprehendere, immo et invita, ac sic ama, tanquam gratiam referas. Neque enim obligandus, sed remunerandus est in amoris officio, qui prior coepit. Vale.

4. *Ex liberalitate Nervae.* Cuius vestigium est in Xiphilini excerptis ex Dion. lib. LXVIII: Τοῖς πάντοτε πένον-  
σι τῶν Ῥωμαίων ἐς χιλιάδα καὶ πεν-  
τακοσίας μυριάδας γῆς πτόσιν ἐχαρί-  
σατο, βούληνταὶ τισὶ τήν τε ἀγορα-  
σίαν αὐτῶν καὶ τὸν διακομὴν προστά-  
ξας. G.

6. *Musonii Bassi.* Nescio, an hic sit philosophus nobilis. Inquirere volenti materiem sufficere Olearius ad Philostrata. vit. Apollon. IV, 3, p. 176. G. Al. — *Anni Bassi*, quod Gierigius recepit. Sed celebratissimum illum philosophum intelligendum esse,

satis probabile facit disputatio praestantissimi Nieuwlandi cap. II, sect. 1, init. ubi hic Plinii locus severa critices lance expenditur. S. — *Veneratur.* Claudius Pollio. Quod quis non videt? Relulit tamen vix credibili lapsu Gierighus ad Musonium, arguens hinc, philosophum iam clari nominis, qui literarum studia non veneratus sit, sed cum maxima laude excoluerit, hoc loco non posse intelligi. S.

6. *Meminerint, ut querantur.* De supremis eorum iudiciis. Παρὰ προδοσίαν hoc, satisque facete dictum. S.

## XXXII.

*Tironem proconsulem ad Fabatum divertisse, plurimosque manumissos liberasse, unice laetatur.*

C. PLINII FABATO PROSOCERO S.

**D**elector, iucundum tibi fuisse Tironis mei adventum: quod vero scribis, oblata occasione proconsulis, plurimos manumissos, unice laetor. Cupio enim patriam nostram omnibus quidem rebus augeri, maxime tamen civium numero: id enim oppidis firmissimum ornamentum. Illud etiam me, non ut ambitiosum, sed tamen iuvat, quod adiicis, te meque et gratiarum actione et laude celebratos. Est enim, ut Xenophon ait, ἡδίστον ἀξουσιν ἄλλους, utique si te mereri putes. Vale.

XXXII. 1. *Tironis mei adventum.* De quo promiserat supra epist. 16, quum repete. G.

— *Patriam nostram.* Comum, ubi aetatem exegit. Memoriam eius rei servat lapis literatus in Comensi agro repertus, qui legitur apud Gruterum, pag. 382, 6. G. — *Augeri*, omnino in meliorem statum transferri; a

graeco κίεσθαι, quod in eodem sensu usurpatur. L.

2. *Me teque.* Cortius ex libris bonae notae: *te meque.* Convenientius hoc modestiae scribentis. S.

— *Vt Xenophon ait.* In fabula Prodicia Mem. Socr. II, 4: τὸ πάντων ἡδίστον ἀξουσιν vocat; in principio Hieronis autem ἡδίστον ἀκρόαζαι. G.

## XXXIII.

*Rogat, ut historiis suis actionem contra Baebium Massam inserat, cuius materiam recenset.*

C. PLINIUS TACITO SVO S.

Auguror, nec me fallit augurium, historias tuas immortales futuras: quo magis illis (ingenuè fatebor) inseri cupio. Nam, si esse nobis curae solet, ut facies nostra ab optimo quoque artifice exprimatur, nonne debemus optare, ut operibus nostris similis tui scriptor praedicatorque contingat? Demonstrò itaque, quanquam diligentiam tuam fugere non possit, quum sit in publicis actis, demonstrò tamen, quo magis credas, iucundum mihi futurum, si factum meum, cuius gratia periculo crevit, tuo ingenio, tuo testimonio ornaveris. Dederat me senatus cum Hcrennio Senecione advocatum provinciae Bacticae contra Baebium Massam; damnatoque Massa, censuerat, ut bona eius publice custodirentur. Senecio, quum explorassct, consules postulationibus vacaturos, convenit me, et, *Qua concordia, inquit, iniunctam nobis accusationem exsequuti sumus, hac adeamus consules, petamusque, ne bona dissipari sinant, quorum esse in custodia debent.* Respondi, *Quum simus ad-*

XXXIII. 1. *Auguror.* Hanc epistolam cum Tulliana V, 12, qui contulerit, non indelectatus, modo humanus sit, abibit. Par argumentum, personae prope pares, eventus in hoc idem, quod vel non consequutus est uterque quod petiit, vel interciderunt monumenta tanto studio quæsitæ. G.

4. *Dederat me.* Conf. III, 4, 4, et

VI, 29, 7. G. — *Quorum esse in custodia debent.* Ad consules vulgo referunt. Immo Senecio his verbis ipsum videtur imperatorem perstrinxisse, quo connivente Massa bona sua subtraheret. Hanc captans opportunitatem Massa Senecionem mos impictatis reum postulat, quod impedire conaretur, quæ principe non nolente fierent. S.

*vocati a senatu dati, dispice, num peractas putes partes nostras, senatus cognitione fuita. Et ille, Tu, quem voles, tibi terminum statues, cui nulla cum provincia necessitudo, nisi ex beneficio tuo, et hoc*  
*6 recenti: ipse et natus ibi, et quaestor in ea fui. Tum ego, Si fixum tibi istud ac deliberatum, sequar te, ut, si qua ex hoc invidia erit, non tua tantum sit.*  
*7 Venimus ad consules, dicit Senecio, quae res ferebat: aliqua subinngo. Vixdum conticueramus, et Massa questus, Senecionem non advocati fidem, sed inimici amaritudinem implere, impietatis reum postulat.*  
*8 Horror omnium: ego autem: Vereor, inquam, clarissimi consules, ne mihi Massa silentio suo praevaricationem obiecerit, quod non et me reum postulavit. Quae vox et statim excepta, et postea multo sermone*  
*9 celebrata est. Divus quidem Nerva (nam privatus quoque attendebat his, quae recte in publico fierent) missis ad me gravissimis literis, non mihi solum, verum etiam saeculo est gratulatus, cui exemplum (sic*  
*10 enim scripsit) simile antiquis contigisset. Haec, utcumque se habent, notiora, clariora, maiora tu facies: quamquam non exigo, ut excedas actae rei modum: nam nec historia debet egredi veritatem, et honeste factis veritas sufficit. Vale.*

7. *Impietatis reum.* Nescio, quam bene *crudelitatem erga reum* hic interpretatus sit Catanaeus *impietatem*: neque quis inde *horror* existere audientium, aut quae laus Plinio nasci ex periculi societate potuerit. *Impietatis* erga principem crimen horribile fuisse novimus, eique succubuisse tandem Herennium, vel ex VII, 49, 5, et I, 5, 3, potest colligi. Quam facile fuerit sub malis principibus in illud crimen incidere, ne longe abeamus, apparet ex Paug. XXXIII, 3. G.

8. Clarissimi dici solebant illis temporibus consules et senatores. L.

9. *Privatus quoque.* Forte etiam exsul eo tempore: a Domitiano enim, quod insidiarum suspectus esset, Tarenti habitare iussam, refert Philostratus, vita Apollon. VII, 8, p. 281 Olear. G. — *Cui exemplum... simile antiquis.* Velleius II, 78, 3: *eodem tempestate Calvinus Domitius... gravissimam, comparantique antiquis, exempli auctor fuit, ubi Ruhnkenius locum Plinium comparavit.* S.

## TABVLA

REARVM QVAE IN HOC PRIORI VOLUMINE CONTINENTVR.

Lectori optimo N. E. Lemaire . . . . .	Pag. . . . .	i
Praefatio Schaefferi . . . . .		iii
Praefatio Gesneri ad Henr. XI Ruthenum . . . . .		xv
Epistola Gesneri ad I. Augustum Ernesti . . . . .		xxiv
Lecturis A. G. Ernesti . . . . .		xxxvii
Vita Plinii . . . . .		xl
Inscriptiones antiquae de Plinio . . . . .		xlix
Testimonia et Iudicia aliorum scriptorum vet. . . . .		li
Notitia literaria de Plinio . . . . .		liv
Liber primus Epistolarum . . . . .		3
Liber secundus . . . . .		71
Liber tertius . . . . .		143
Liber quartus . . . . .		208
Liber quintus . . . . .		275
Liber sextus . . . . .		333
Liber septimus . . . . .		400

570044

